


Mbia Cheě



New Testament in Sirionó (BL:srq;Sirionó)

Mbia Cheë

New Testament in Sirionó (BL:srq:Sirionó)

copyright © 1977 Wycliffe Bible Translators, Inc.

Language: Sirionó

Translation by: Wycliffe Bible Translators, Inc.

Sirionó [srq], Bolivia

Copyright Information

© 1977, Liga Bíblica Mundial del Hogar. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Sirionó

© 1977, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
eb2687f2-4654-5d43-8ec2-3ee35e8a435e

Contents

SAN MATEO	1
SAN MARCOS	35
SAN LUCAS	56
SAN JUAN	92
HECHOS	118
ROMANOS	154
1 CORINTIOS	170
2 CORINTIOS	185
GÁLATAS	195
EFESIOS	201
FILIPENSES	206
COLOSENSES	210
1 TESALONICENSES	214
1 TESALONICENSES	217
1 TIMOTEO	219
2 TIMOTEO	223
TITO	226
FILEMÓN	228
HEBREOS	229
SANTIAGO	241
1 PEDRO	245
2 PEDRO	250
1 JUAN	253
2 JUAN	257
3 JUAN	258
JUDAS	259
APOCALIPSIS	261

EL SANTO EVANGELIO SEGÚN SAN MATEO

Jesucristo i ñiinda ainei

¹ Á ndei Jesucristo i ñiinda ã. David rei ei tuchi. Abraham abe no.

² Abraham ndei Isaac ndu. Isaac ndei Jacob ndu no. Jacob ndei Judá ru no. Judá nongue abe ru. ³ Judá rei Fares ndu. Zara ru abe no. (Tamar rei ũquísi.) Fares ndei Esrom ndu. Esrom ndei Aram ndu.

⁴ Aram ndei Aminadab ndu. Aminadab ndei Naasón ndu. Naasón ndei Salmón ndu.

⁵ Salmón ndei Booz ndu. (Rahab ndei esi.) Booz ndei Obed ndu. (Rut rei esi.) Obed

ndei Isái ru. ⁶ Isái rei David ndu. David

ndei ererecua. David ndei Salomón ndu. (Urías ninisi rei esi.) ⁷ Salomón ndei Roboam

ndu. Roboam ndei Abías ru. Abías rei Asa

ru. ⁸ Asa rei Josafat ndu. Josafat ndei

Joram ndu. Joram ndei Uzías ru. ⁹ Uzías

rei Jotam ndu. Jotam ndei Acáz ru. Acáz

rei Ezequías ru. ¹⁰ Ezequías rei Manasés

ru. Manasés rei Amón ndu. Amón ndei

Josías ru. ¹¹ Josías rei Jeconías ru. Jeconías nongue

abe ru. ũquí ngue siqui abae judíos rerao

mose Babilóniaa nda.

¹² Jeconías rei Salatiel ndu no. Salatiel

ndei Zorobabel ndu. ¹³ Zorobabel ndei

Abiud ndu. Abiud ndei Eliaquim ndu. Eli-

aquim ndei Azor ndu. ¹⁴ Azor ndei Sadoc

ndu. Sadoc ndei Aquim ndu. Aquim

ndei Eliud ndu. ¹⁵ Eliud ndei Eleazar

ndu. Eleazar ndei Matán ndu. Matán ndei

Jacob ndu. ¹⁶ Jacob ndei José ru. José quia

María quereco nguiã. María rei Jesús si.

Cristo, i equia ee.

¹⁷ Nyebe cator ce generaciones jaaja. Sã

Abraham nane siqui no. David siqui mose,

catorce generaciones cote. Abae judíos

rerao mose Babilóniaa, catorce que aque

abe mose cote ra. Cristo nyaacuquia mose

que catorce aque mose cot e no nda.

Jesucristo nyaacuquia mose

¹⁸ Jesucristo chaacuquia tasenei na jêje.

María rei esi. María que siquichõ ndei quia

José ninisirã nda. Nyucuaaque ru eã ngue

siqui rei ra. Nguiirĩ ngue eteachõ nguié

ye ra. Siquiã ndaque José rese. Espíritu

Turã ae que eririĩ mondo erie ye ra. ¹⁹ José

turãte que eririĩ rei ra. Eireíte que eriqui

mae María rio rese ra. —Seninisirã eã nda

cote reae. Ahui rei ra esi mbia mbiiranua

ndeae, i rei que ndua ndua uchi angui re

ra. María siqui rei nguia emo ndese ee reaẽ.

²⁰ José que ndua ndua quia erese ra. Ndua

ndua mose que ángel mo ndu equere cuu

ra. Ángel que ñee ee ra. —David ririĩ ño

nde re. María eisi turã ño neninisirã. ¡Ndeireĩ

nguiã ño jê! Emo ngue siqui ãte quia erese

ra. Espíritu Turã ae que eririĩ mondo erie ye

ra. ²¹ Nguiirĩ nda etea. “Jesús” ere chõ eririĩ

je. Ae quia ra mbia sirõ tuchi eicuã si, i que

áγγελ ñee José je cuu ra. ²² Eĩ nda Dios cheẽ

io cote. Ae Dios cheẽ mbuchecuaa mbesa

cosae nae, ũquí nda io cote. Á ndei embesa

ji ã:

²³ ¡Sã jê! Nyucuaaque ruã nda nguiirĩ tea.

Emanuel, i ra eririĩ je.

Dios riqui nanderese co, i ñi Emanuel nde, i

que embesa ji cosae ra.

²⁴ José que ñumumba cote ra. Ángel cheẽ

ndui si que María rerequia turã cote ra.

²⁵ José que siqui eã mbei erese ra. Nguiirĩ

ndea chee. Jesús i que José eririĩ je ra.

2

Mbia aquiatu nyoĩ Jesús itãquieĩ ndea

¹ Jesús que nyaacuquia Belén nda. Judea,

i que hue ibi je ra. Herodes rei hue jenda

mbia rerecua Jesús nyaacuquia mose. Mbia

aquiatu mo ngue ngaẽ huee ra. Tenda

semba si que ecuaẽ Jerusalén nda. ² ũquí

ngue ñee ngaẽ judíos je ra. —¿Mangue

judíos rerecua mangue re? Ae nyaacuquia

ramo nae ¿mangue mangue re? Uremae

ngue nyasitata embae rese ra. Ureico mose

ure récuua. Nyebe urechu nguiã erea co.

Urecoi rá urenia ndese ñee ee. ¿Ma

eriqui ma nde? i que mbia aquiatu ñee

judíos je ra. ³ Herodes que jirandu

erese ra. “Judíos rerecua nyaacuquia”

i mose, Herodes que pare pare i tuchi

quia ra. Siqui turã eã cote. Jerusalén

jenda abe que ndua ndua jate quia

erese ra. ⁴ Herodes que “jenyu”

i sacerdote rerecua ja je ra. Embesasa

ja je abe que “jenyu” i ra. —¿Mangue

ra Cristo nyaacuquia mangue re? “Hue

ra nyaacuquia” ¿i embesa ji re? i que

Herodes ñee ee ra. ⁵ ũquí ngue ñee

Herodes je ra. —Nyaacuquia ra Belén

de Judea. † que embesa ji ra:

⁶ Sucha ñetẽ tuchi rei Belén.

Belén de Judea.

Mbia chiicua tuchi ra Belén cote.

Hue jenda mo nda mbia rerecuarã

tuchi cote.

Ae ra serimba Israel jenda teaquiatu

tuchi quia cote,

i que Dios cheẽ embesa ji ra, i que

sacerdotes ñee Herodes je ra.

⁷ Nyebe Herodes “jenyu” i nguiã

ũquí mbia aquiatu je. Ñee ngue ũquí

ísaa ra. —¿Manosete nyasitata

embae rese jemaee nde? i que ñee ee

ra. ⁸ Herodes que ũquí mbia

aquiatu mondochoi Belén cote ra. —Jêso

Belén. Nyaacuquia ramo je rese jêirandu

tuchi. Jê erea mose, sembiirandu se. †

nda se abe aso mae erese. † nda acoi

senia ndese se abe ñee ee, i rei que

Herodes ñee

ee ra. ⁹ Mbia aquiatu que nyoí cote ra. Ae nyasitata rese eriquí mae nyii nae, aque nyasitata que oso bei quia mbia rēta ra. Tiba que ee Belén arō cote ra. ¹⁰ Nyebe mbia aquiatu ia tuchi nguiā mae mose nyasitata tiba rese cote. ¹¹ Mbia aquiatu que ique tuchúaa cote ra. Huee que āquē itāquieĩ ndiqui ee cote ra. Usi rese. María, i equia ee. Ngoi que nguiā ndese eitāquieĩ je cote ra. Ñee turā ngue ee ra. Mbae que esirō mondo Jesús je cote ra. Oro. Mbae mbushimbua abe no. Mirra abe no. ¹² Dios que ñee mbia aquiatu je cote ra. —Jēsochĩ nda ñee Herodes mbiirandu jē, i que Dios ñee ee cuu ra. Nyebe echoi nguiā Herodes abi nguécuaa.

José nyoí uchā Egíptoo

¹³ Aquere que Dio s ángel mo mondo ñee José je ra. Ñee ngue ee cuu ra. —Herodes ra eitāquieĩ sequia sequia. Iquia serite equia co. Jēso uchā. Āquē jendao sunuña Egíptoo. Esi rese. Huee jēingochō. Acheē jee ra ndeje huee, i que Dios ñee José je ra. ¹⁴ José que ñumumba juā cote ra. Āquē ngue ecuruchoi isa usi rese ra. Nyoí que Egípto qui ra. ¹⁵ Chi arete que Egíptoo ra. Ererecua Herodes que mano cote ra. Dios cheē ngue ique cote ra. Eĩ ngue Dios cheē embesa ji ra: Seririĩ ngue aru Egípto si ra, i que embesa ji ra.

Herodes āquē itāquieĩ iquia ja

¹⁶ Herodes que paama i tuchi cote ra. —Mbia aquiatu sembiriĩ irĩ ñochĩ. Nyebiā ñochĩ euaē ñee seje, i que ra. Nyebe que soldados mondo mbia ririĩ nacué iquia ja cote ra. Āquē itāquieĩ ngu e eiquia iquia ja quia Belén jenda ra. Hue rurubinda ja abe no. Ngata ramo je abe iquia ja. Nyasitata nye-cua quia mbia je nae, aque mosenda āquē itāquieĩ iquia ja. ¹⁷ Herodes ũquĩ iquia mose que Dios cheē ique cote ra. Ae Jeremías mbesa quia:

¹⁸ Mbia Ramá jenda nyeseo tuchi.

Eya eā tuchi nguiĩrĩ ndese.

Emo embia aroneāte.

Eriiriĩ nguia mano jate nguiā ee, i que embesa ji ra.

¹⁹ José chi mose Egípto que Herodes mano nyee ra. Nyebe Dios ángel mo mondo nguiā ñe e José je. ²⁰ —José, echumumba rā. Jēso Israel cote. Āquē abe erao. Esi rese. Ae āquē iquia serite quia nae, ũquĩ ngue mano cote ra, i que ángel ñee José je cuu ra. ²¹ José que ñumumba cote ra. Nyoí que nyebi Israel quiiti cote ra. Āquē ngue equerao esi rese ra. ²² Herodes ririĩ ngue siqui Judea jenda rerecuarā cote ra. Arquelao, i que ee ra. José jirandu mose erese que esiquiche cote ra. Oso sereāte que huee cote ra. Dios que ñee ee cuu ra. Nyebe esi nguiā Galilea cote. ²³ Sucha tubiriā mo ngue chi Galiléaa

ra. Nazaret, i que hue je ra. José que nyoí bei hue, hue jendarā cote ra. Nyebe Dios cheē mbesa ji ique nguiā cote. † ngue Dios cheē nda: Nazaret jenda ra Jesús, i que Dios cheē nda.

3

Juan el Bautista Dios chē senei senei

¹ Emo mose que Juan el Bautista Dios cheē nenei nenei mbia je cote ra. Dios cheē ngue esenei senei nguia mbia je turúquiaa ra. ² —Jendua si jēicuā ndese. Jendua si Dios rese. Dios ra tu mbia rerecuarā tuchi cote, i beite que Juan nguia ñee nda. ³ Sā Isaiás embesa nyii no:

Emo ndiqui ñeemombo mombo turúquiaa huee.

“Sā emo ndiqui ñeenda mbuquiche no, eĩ jenyi si chō nguia jē abe icoquiātu nandererecua je”, i equia turúquiaa hue,

i que Isaiás embesa ra. Juan ñii si que embesa ra. ⁴ Quiicuā mbuaera chō ngue Juan irao ra. Mbae ire chō ngue enumbicuaa no nda. Tucu mbuae chō ngue eu quia no nda. Irao quiaa rinda abe. ⁵ Jerusalén jenda que ngaē ngaē tuchi quia echeē andu ra. Judea jenda abe no. Ama Jordán nimia nduinda abe no. ⁶ Mbia huicuā nenei nenei mose Dios je, ũquĩ mose que Juan ndiqui bautizar i ee ra. Ama Jordán ye.

⁷ Fariseos tubiriā abe que ngaē ngaē tuchi quia Juan nda ra. Saduceos tubiriā abe no. Juan ngue ñee asite ũquĩ je ra. —Mbei rā ño jēingo nguiā ā. Mbae icuā nda tu mbia je nae, ũquĩ ñii ño jenyu quia uchā serea co re? ⁸ Jē mbae icuā ndecha mose Dios je, mbae turā jēsaā saā mbei quiatu quia ee cote. ⁹ “Abraham ndiriĩ nducucha chō nande re. Nyebe ra Dios nandemingo bei” jjenyechĩ nda jē! Dios Abraham ndiriĩ nducucha chao arōte raque sita je. ¹⁰ Ira rā si chō mbia riqui nguiā ā. Sā ira mo ndiqui ia turā no. Sā emo ndiqui ia eā no. Aque quia ra mbia maña cote. Erei sacuā. Eĩ serĩ serĩ ño Dios nguiā mbia je co, mbia mbae turā naa eā mose.

¹¹ I je chō aico nguiā bautizar i mbia je co. Jē ndua ndua si mose Dios rese. Co chi emo ndu quia serui co. Ae quia equirācuā tuchi sesi re. Ae quia eturā tuchi sesi re. Ae quia ra bautizar i mbia je Espíritu Turā je. Mbia chiā mbitirō sacuā. Sā tata riqui mbae mbitirō no. ¹² Ae ra mbia umbae mii icúe. Eturā achō ño embae re. Ae embae eā nae, ũquĩ nda eséi cote. ũquĩ ndeisa ra ua eā mbei tata. Sā mbia quiata a chiqui chiqui no. Sā ea mii icúe no. Sā echuruique mombo táta no, i que Juan ñee mbia je ra.

Juan bautizar i Jesús je

¹³ Jesús que tu Galilea si cote ra. Tu que Juan ndea Ama Jordán nda. Juan bautizar i sacuaã ee. ¹⁴ Juan ngue teã teã ndei ee ra. —¿Mañi ae ra bautizar i ndeje re? Nde chõ bautizar ere seje ae, i rei que Juan ñee Jesús je ra. ¹⁵ Jesús que ñee ee ra. —Bautizar ere rei seje. Dios cheẽ ndui si mbae nandesaã turã ja quia, i que Jesús ee ra. Juan ngue eno i chee ee ra. ¹⁶ Juan ngue bautizar i ee ra. Jesús que usẽ oso ama si cote ra. Ibei que nyiequia ee cote ra. Espiritu Turã ngue nguichi nyurushi rã nda. Nguichi que eu Jesús rese ra. ¹⁷ Ibei jenda que ñee nda. —Seririñ ño co re. Sechesequa chõ co re. Seyate erese, i que Dios ñee Jesús je ra.

4

Jesús tambücuã, i raque Satanás

¹ Turúquiaa que Espiritu Turã Jesús rerao ra. “Tã tae Jesús je”, i sacuaã diablo Jesús je. ² Huee que Jesús riqui arete ra. Cuarenta días. Mbae mo ngue eu eã mbei aque mose ra. Eriãcuãte que cote ra. ³ Aque mose tuchi que diablo si ee ra. Embücuã sacuaã. —Nde Dios riiri mose, mbichae esaã ã sita je. I nda ereu, i rei que diablo ñee ee ra. ⁴ Jesús que ñee ee ra. —Tei. Sã embesa ji ñee no: “Mbia chiu achõ nda mbia mingo eã. Dios cheẽ nguia ra mbia mingo nguia”, i que embesa ji ra, i que Jesús ee ra. ⁵ Aquere que diablo ererao Jerusalén nda. Querao que suruchui ibate Dios chuchua arõ nda. ⁶ Ñee ngue Jesús je ibate ereco mose ra. —Nde Dios riiri mose, eo oso ibi no. Dios ra ndereaquiato. Sã embesa ji riqui i ñee no: Dios ra ángeles mondo ndereaquiato sacuaã. Oje ra ndeisi. Nembuquichi mingué rae. Sita ra cua iã ndei je, i que embesa ji ra, i rei que diablo ñee Jesús je ra. ⁷ Jesús que ñee diablo je ra. —Sã embesa ji ñee no: “Ma Dios sereaquiato. Tã tae ee no’, jenyechi nda Dios je”, i ñi Dios cheẽ nde, i que Jesús ñee diablo je ra. ⁸ Aquere que diablo ererao ibi ibate mo nda. Ibate tuchi ererao cote. Diablo que ibi teacuquia ja ee ra. Ishonda abe reacuquia ja ee. ⁹ Diablo que ñee ee ra. —Sembae ja chõ ibi re. Ibi turã ja. Ndeico mose serese, tamondo ja ndeje. Serimbarã mose nde, tamondo ja ndeje, i rei que diablo ñee Jesús je ra. ¹⁰ Jesús que ñee ee ra. —Quiatúae sesi ae, Satanás. ¿Mañi nda se nderimbarã nde? “Dios ae rese chõ jeingo”, i que embesa ji ñee ndesẽ, i que Jesús ee ra. ¹¹ Diablo que oso erecha cote ra. Angeles que ngaẽ Jesús reaquiatu cote ra.

Jesús mbia mbaaquiato quiatu ramo

¹²⁻¹³ Aque mose que mbia rerecua Juan tarõ cárcel nda. Jesús jirandu mose etarõ ndese que esi Galilea cote ra. Nazaret, i que sucha tubiriã je ra. Aquere que esi siri

Capernaum cote ra. Ama ndisha ji. Zabulón abe ji. Neftalí abe ji. Huee que Jesús si siri ra. ¹⁴ Isaías chimbesea Dios cheẽ ngue ique cote ra. Jesús siqui mose huee. Eĩngue Isaías embesa cose ra:

¹⁵⁻¹⁶ Mbia hue jenda ja que siqui itondáruu nyii ra.

Zabulón jenda. Neftalí jenda.

Ama ndisha ji jenda.

Ama Jordán ndobeinda.

Ae judíos eã Galilea jenda nae, üqui abe no.

Üqui mbia que siqui ja rei itondáruu nyii ra.

Nyaashĩ ngue tu ee cote ra,

i que Isaías embesa ra. ¹⁷ Aque mose bei chõ ngue Jesús riqui ñee mbia je cote ra. —Jendua si Dios rese. Mbia rerecuarã tuchi ra Dios namo jiri, i que Jesús quia ñee mbei mbia je cote ra.

Jëingo serui, i Jesús uchimbaaquiaturã je

¹⁸ Emo mose que Jesús si quia ama nimia ndui ra. Ama Ndisha Galilea. Huee que mae Simón Pedro rese ra. Enongue rese abe que mae nda. Andrés, i equia ee. I que eu sira mbuasa mondo mondo ii ra. Sira resenda bei rei üqui. ¹⁹ Jesús que ñee ee ra. —¡Serui bei chõ jëingo jé! Taembaaquiato quiatu. Mbia teendu endu bei quia seje cote, i que Jesús ee ra. ²⁰ Nyoj ja que erui ra. Sira mbuasa si que echoi hui ra. ²¹ Pe jiri que mae Jacobo rese ra. Enongue rese abe. Juan, i equia ee. Eru abe que siqui erese ra. Zebedeo, i equia ee. Huee que echi ja canoa ye sira mbuasa mbitirõ tirõ nda. —Jëingo serui, i que Jesús Jacobo je ra. Juan je abe. ²² Jesús cheẽ nduibe tuchi que echoi erui ra. Canoa ndecha. Ngu abe recha.

Jesús mbia tubiriã mbaaquiato

²³ Jesús que ngata tuchi quia Galilea rĩ nda. Mbia que embaaquiato quiatu quia mbia chumunua nuásaa ra. Dios cheẽ turã ngue esenei senei nguia ee ra. Mbia rasi chumumbara que embucherõ cherõ nguia ra. ²⁴ Mbia Siri a jenda que jirandu tuchite chee erese ra. Nyebe eriqui nguia erasi rurucuaẽ cuaẽ jate ee. Erasi chumumbara. Mbia aba checuayã nyireco abe no. Mbia quiachã quiachã je abe no. Mbia umi sayã je abe no. Jesús que embucherõ cherõ ja quia ra. ²⁵ Mbia tubiriã tuchi que siqui Jesús rui cote ra. Galilea jenda. Decápolis jenda abe no. Jerusalén jenda abe no. Judea jenda abe no. Ama Jordán ndobeinda abe no. Uqui jenda siqui ja Jesús rui.

5

Jesús mbia mbaaquiato quiatu ibi ibate

¹ Mbia tubiriã ngu e chi Jesús rese ra. Nyebe Jesús nyui nguia ibi ibate mo ndese ra. Ngoi que huee ra. Echimbaaquiato que

esüichã ngaë nda. ² Jesús que embaaquiату quiatu ra.

Ae eyate riqui

³ Eĩ ngue ñee ee ra:

—Ae siqui mingue quia nae, eya chõ ùquĩ nde. Ùquĩ nda siqui Dios rese.

⁴ Ae nyeseo quia nae, eya chõ ùquĩ nde. Dios ra embia tuchi.

⁵ Ae eseteâte riqui nae, eya chõ ùquĩ nde. Ibi ja ra embae cote.

⁶ Ae siqui turã sete quia nae, eya chõ ùquĩ nde. Dios ra embucuaa turã nguia.

⁷ Ae eya eâte riqui mbia rese nae, eya chõ ùquĩ nde. Dios ia eâte ra ùquĩ ndese.

⁸ Ae echiã turâte riqui nae, eya chõ ùquĩ nde. Ùquĩ nda mae Dios rese.

⁹ Ae mbia mingo turã nguia nyiese nae, eya chõ ùquĩ nde. “Serüürĩ” i ra Dios ùquĩ je.

¹⁰ Mbia icuã icuã mose jëtürã je, jëya tuchi rae. Jenderecua tuchi chõ Dios riqui nguia co.

¹¹ Mbia ñee icuã mose jëje seriĩ, jëya tuchi rae. Mbia icuã icuã mose jëje seriĩ. Mbia ñee ñooño mose jenüi, jëya tuchi rae. ¹² Jeñimbia chõ nguia ùquĩ mose. Dios quia ra mbae turã tuchi mondo jëje ibate. Mbia icuã icuande jëje nyii. Eĩ ngue mbia icuã icuã nguia Dios rimba je nyii no nda.

Tata rendi rä ndei Dios quiato

¹³ Embiquesa rä ño jëingo nguia mbia je ä. Sã embiquesa turãte no. Eise quiachamba mose, eicuã tuchi ra cote. Mbia ra emombo chõ cote. Mbia ra irõ ño erese. ¹⁴ Tata rä ño jëingo nguia mbia Dios quiatoã je ä. Mbia sucha cuasu raã mose ibi ibátee, mbia ra mae ja erese. ¹⁵ Sã nandeico lámpara mendi no. Sã nandeico eati eã no. Sã nandeico emü eã mbaequi re no. Rendi checua chõ nda nandemüi nguia. Mbia resae ja sacua. ¹⁶ Eĩ jenyee si chõ nguia tata turã na. Mbae resae turã mbia je. Eĩ jenyee mose ra mbia mae jëtürã ndese. Ñee turã nda jendu ibatenda je cote.

Jesús mbia mbaaquiату quiatu Moisés chümbesa rä

¹⁷ Dios cheë ique ja sacua ño achu nguia co. Moisés cheë mbutiã sacua eã ño ngue achu nguia. Dios cheë mbuchecuaa cheë mbutiã sacua eã ño ngue achu nguia. ¹⁸ Tacheë nyecua jëje. Moisés cheë nda ique ja. Ibei ra ua. Ibi abe ra ua no. Moisés cheë nguia ra ua eã mbei. Ique ja chee rae. ¹⁹ Dios cheë tubiriâte raque mbia je, mbia echeë mumbayã sacua. Emo echeë müi mumba mose, Dios biãte ra ùquĩ, Dios siqui mose ererecuarã tuchi cote. “Dios cheë müi emumba”, i mose emo, Dios biãte ùquĩ. Ae echeë mumbayãte quia nae, Diosbi tuchi chõ ùquĩ nde. Ae ñee nguia mbia je nae, “Dios cheë jemumbayã ja” i quia mbia je

nae, Diosbi tuchi chõ ùquĩ nde. ²⁰ Tacheë nyecua jëje. Fariseos uturã saã saã tuchi raque. Embesasa abe uturã saã saã tuchi raque. jë nguia jëingo turã tuchi ùquĩ si jë! Jë jëingo turã eã mose ùquĩ si, jëingo eã nda Dios rese, Dios siqui mose mbia rerecuarã.

Paama jenyechi nda emo je, i Jesús

²¹ Amei ñee ngue jeñandu rei ra. “Mbia mo nda ereiquiachĩ. Nde mbia mo iquia mose, nde abe ra mbia ndeiquia arõte”, i rei que amei nda. ²² Se quia tacheë nyecua jëje. Jë paama i chooño mose jenongue je, mbia ra jeiquia arõte. “Ndeaquiatuã nde” jenyee mose jenongue je, mbia ra jeiquia arõte. “Ndearacuayã nde” jenyee mose jenongue je, jëso arõte ra tata cuasu. ²³⁻²⁴ Nembae ofrenda rerao mose Dios je, endua rä nyii, emondo nonde ee. Ndenongue mo paama i mose ndeje, ofrenda esecha rä oso ñee ndenongue je. Jeñimbuturã na nguia nyii. Aquere quiatu eso nyebi ofrenda mee Dios je cote. ²⁵ Emo mbia rerecua mbuqueta queta mose nderiĩ, ndeturã ño ee. Echeë turã ño ee. Jë ae chõ jeñimbuturã jenyue. f nda ndererao icuã eã. Ndererao mose ra ndetarõ mbei cárcel. ²⁶ Huee ra ereico bei. Nembae mondo ja tuchi chee ee.

Emo mae mose cuña mo osei osei, adulterio i ùquĩ je

²⁷ Amei ñee ngue jeñandu rei ra. “Emo ninisi rese ra jëingochi”, i rei que ra. ²⁸ Se quia tacheë nyecua jëje. Emo mae icuã mose cuña mo ndese, “aque rese nda aico raã ña” i mose, ùquĩ abe eicuãte. Siqui raanguia erese chõ ùquĩ nde. ²⁹ Nderesa mae mose mbae icuã ndese, echoo mombo. Nderesa nemingo seri mose mbae icuã nde se, echoo mombo. Coche nderesa müi er-emombo nguia. f nda nderete osoã tata cuásuu. ³⁰ Ndeo nemingo mose mbae icuã ndese, echisia mombo. Coche ndeo mombo nguia. Ndequiato cutinda raque. f nda nderete osoã tata cuásuu.

Jeninisi ra jemombochi jë, i Jesús

³¹ Amei ñee ngue jeñandu rei ra. “Emo ngüinisi mombose mose, sã emombo chõ. Papel mbesa ji emondo ee”, i rei que amei nda. ³² Se quia tacheë nyecua jëje. jeninisi ra jemombochi jë! Jeninisi siqui mose emo ndese, ùquĩ mose müi ño jeninisi jemombo arõte raque. Jë emombo chooño mose, jëingo jeninisi mingo adulterio rese ùquĩ. Ae emombo ji quereco cote nae, ùquĩ abe eicuãte no. Adulterio, i chõ ùquĩ je re.

Jurar jenyee jirichĩ nda jë

³³ Amei ñee ngue jeñandu rei ra. “Jur-ar jenyee mose Dios je, jeñee nda jem-buchebichĩ ee”, i rei que amei nda. ³⁴ Se quia tacheë nyecua jëje. jJur-ar jenyee eã mbei tuchi jë! Ibei rii abe jurar jenyee eã jë. Dios

recua chō ibei re. ³⁵ Ibi rñi abe jurar jenyee eā jē. Dios ironguia chō ibi re. Jerusalén nñi abe jurar jenyee eā jē. Dios mbae tuchi chō Jerusalén nde. ³⁶ Jeāquī nñi abe jurar jenyee eā jē. Jēa mñi mo jembushī aroneate. Co mñi jemondei aroneate no. ³⁷ Jurar jenyee eā jē! “Ae” jenyee chō. “Tei” jenyee chō. Ūquī mñi ño jeñee. Jurar jenyee mose, eicuāte ūquī.

Emo icuā mose jēje, jētūrā ño ee

³⁸ Amei ñee ngue jeñandu rei ra. “Emo nderesa mungue mose, nde abe aque resa emungue. Emo nderēi siquio mose, nde abe erei esiquio”, i rei que amei nda. ³⁹ Se quia tacheē nyecua jēje. Mbae icuā nda jēsāachī mbia icuā je. Emo ucua mose nderitūi rese, nderitūi ribisho abe eteacuquia ee. ⁴⁰ Emo demandar i mose ndeje, “nembae camisa emondo seje” i mose, emondo chō ee. Ndeirao nongue abe emondo ee. ⁴¹ “Sembrae mbae usi erao jiri seje”, i mose emo ndeje, peebe jiri erao ee. ⁴² Emo ache ache i mose ndeje, emondo ee. “Mbae mo prestar ere seje” i mose emo, emondo ee.

⁴³ Amei ñee ngue jeñandu rei ra. “Ae eturāte riqui ndeje nae, echesequa erese. Ae ndeucuyā nguia nae, nde abe eucuyā” i rei que amei nda. ⁴⁴ Se quia tacheē nyecua jēje. Echesequa chō ndeucuyāsa rese. Mbae turā esaā ño nguia ee. Ae ñee icuā nguia nderiī nae, echeē turā ño nguia nde ee. Ae eicuāte riqui ndeje nae, ūquī nñi eico ñee turā Dios je. ⁴⁵ Eī jenyee mose ra Ibatenda riirī turā tuchi jē. Dios quiarei eturā mbia ja je. Mbia turā je. Mbia icuā je abe no. Dios quiarei tenda mbusē turā mbei mbia turā je. Eicuā je abe no. Dios quiarei ama mbuchaaquī turā mbei mbia turā je. Eicuā je abe. ⁴⁶ Ae eturāte riqui mbia jēje nae, ūquī achō je jētūrā mose, eicuāte ūquī. Mbia icuā abe mbae turā saāte uquiato achō je. Eī jenyechī nda jē. ⁴⁷ Jēquiato achō je jeñee turā mose, aba biāte ūquī. Eī ño Dios quiatoā abe nguia ñee turā uquiato je. ⁴⁸ Jē nguia jēingo turā mbei mbia ja je. Sā jendu Ibatenda turā mbei riqui no.

6

Mbae turā jēsāā nyecuyā ño nguia

¹ “Sā mbia mae ja sechiao turā ndese”, jenyechī nda mbae turā naa mose. Mbia résaa achō nda mbae turā jēsāā saāchī jē. Ūquī jēsāā saā mose ra jendu Ibatenda mbae turā mee eā jēje. ² Jēingo mose mbae mee mbaecha reā je, jemondo checuayā ño nguia ee. Mbia mbiirandu randu eā. Ae uturā saā saā nguia nae, ūquī na nda jēingochī. Dios ra mbae turā mee eā ūquī je. “Sā mbia mae ja sechiao turā ndese”, jenyechī nda jē. ³ Mbae turā jēsāā mose, jēsāā mingue chō. ⁴ Mbae turā jēsāā nyecuyā ño. Jēingo mose mbae turā naa naa

nyecuyā, Dios ae ra mae jētūrā ndese. Ae quia ra mbae turā mee nyecua jēje cote.

Eī jenyee chō ñee Dios je, i Jesús

⁵ Jeñee mose Dios je, jeñee mingue chō nguia ee. Uturā naa naasa rā nda jēingochī. Ūquī ndiqui nyoī choī mbiāsaa ñee sacuā Dios je ūquī. “Sā mbia mae ja serese secheē mose Dios je”, i equia ūquī. Mbia riqui mae jate raque erese. Dios quia ra mbae turā mee eā ee. ⁶ Nde ñeese mose Dios je, nde ae chō echeē nguia ee ndechuchūaa. “Sā mbia mae ja serese”, erechī nda jē. Nde a e chō echeē nguia ee. Dios ae ra siquī nderese. Dios ae mbae icua ja nguia. Ae quia ra mbae turā mee ndeje cote.

⁷ Nde ñee mose Dios je, hue rī beite ra ereicohī ñee ee. Eī ño Dios icuasa reā nguia ñee ndaque Dios je. “Hue rī urecheē mbei mose ra Dios ureandu”, i rei nguia. ⁸ Ūquī na nda jēingochī. Ae mbae āte riqui jēje nae, ūquī Dios icuate quia co. Jeñee nonde ee. “Mbae embu ure je”, jē i nonde ee. ⁹ Eī jenyee chō nguia ñee Dios je:

Paba Ibatenda, sā mbia ñee turā mbei quia nderiī.

¹⁰ Mbia rere cuarā ja sacuā echu jei ibii.

Sā mbia ibatenda riqui siquī beite ndebi rese no.

Sā mbia ibi jenda abe riqui ndebi rese.

¹¹ Ae ra ureu namo, ūquī embu rā urechiurā.

¹² Ae uresaā icuā icuā ndeje nae, ūquī embutiā ná uresi. Sā ureico tesarei mbia icuā icuā mose ure je no.

¹³ “Mbae icuā jēsāā” jichī nda emo ure je jē! Urereaquiato bei quia mbae icuā si.

Nde mñi ño mbia rerecurarā nde.

Nde mñi ño ndequirācuā nde.

Nde mñi je mbia ñee turā sacuā mbei. Amén.

Eī jenyee chō ñee Dios je. ¹⁴ Mbia icuā icuā

mose jēje, jētesarei chō esi. Eī jenyee mose

ra Dios Ibatenda abe jēicuā mbutiā jēsi.

¹⁵ Jētesarei eā mose mbia icuā si, Dios abe ra jēicuā mbutiā eā jēsi.

“Sā mbia mae ja serese” jenyechī nda hui mose jenyiu si

¹⁶ Jenyiu si jēhui mose Dios je, “sā mbia mae jate seyayā ndese”, jenyechī nda ñee. Jendesa ia eā techī nda aque mose jē. Eī ño uturā naa naasa nguia. Mbia nda mae ja rei nguia erese. Dios quia ra mbae turā mee eā ee. ¹⁷ Ndehui mose ndechiu si Dios je, ndeya chō eico. ¹⁸ Sā mbia jiranuā nderiācuā ndese. Sā Dios ae jirandu nderiācuā ndese. Dios quia mbae icua jate nguia. Ae quia ra mbae mee ndeje cote.

Jembraerā ibatenda rese quia jēingo ndua ndua

¹⁹ “Mbae turā tamunua nu a sembaerā aa ibii”, jenyechī nda jē. Chicuaquiarei nda eu arōte. Emo embuquiachā arōte jēsi. Eichoi

arō ndete no. ²⁰ Ibate quia mbae jemunua nua jembraerā. Ibate quia ra chicuacquiareī eu eā. Ibate quia ra jembraerā ichoi eā mbei. Ibate quia ra emo embuquiachā eā jēsi. ²¹ Jembraerā chi mose ibate, Dios rese ra jēingo ndua turā. Jembraerā chi mose ibii, ibi jenda mii ndese ra jēingo ndua.

Nanderesa mbae resae nanderete je

²² Nanderesa quiarei mbae resae nanderete je. Nanderesa turā mose, nanderete abe ra oso turā. ²³ Nanderesa icuā mose, nanderete abe ra oso icuā icuā no. Tat a rendi rā jēingo bei. Ūquī mose ra jēingo jiri jiri itondāruu.

Mbae isiquia Dios quiato eā

²⁴ Erimba mii mo siqui aronea ererecua nyeremo ndese. Ererecua nyeremo mose, huee ra erimba ererecua nongue ucuaayā. Ererecua nongue ra ebite. Eī si chō mbia re. Ae ndua beite quia mbae isiquia rese nae, ūquī siqui aroneate Dios rui. Ae siqui beite quia Dios rese nae, ūquī nguiarei ndua eā jiri mbae isiquia rese.

Dios uquiato teaquiato bei

²⁵ “¿Mbae ra nandeu re?” jenyechī nda quicoī coi jē. “¿Ma tiru ra nandemingue re?” jenyechī nda quicoī coi no jē. Mbia chiū ae ra mbia mingo eā. Mbia irao abe ra mbia mingo eā no. ²⁶ Sā nguireī no. Mbae tiquiayā ndaque. Mbae ishao eā ndaque no. Mbae ruacuā eāte raque embae no. Dios ae quiarei embuquiari quiaru bei. Jē nguiarei Dios queteamba tuchi nguireī si. Dios ae jembuquiari nguīā jē no. ²⁷ Mbi a ae ra tiarō eā. “Se ra atiarombe”, i raque ndua ndua uchianguī re. Dios ae mbia mbutiarō nguīā. ²⁸ “¿Ma tiru ra nandemingue re?” jenyechī nda pare pare i jē. Sā mbae uti no. Sā mbae uti turāte riqui no. Mbae ao ao eā ndaque. Ninyu mburirā ndirā eā ndaque. ²⁹ Dios ae chō mbae uti mbuturā nguīā. Mbae uti quiarei eturā jiri Salomón si. Salomón turāte raque. ³⁰ Sā Dios quiata mbuturā no. Quiata mano jeite raque. ¿Mañi nda Dios jemburao eā jē nde no? ¿Mbaerā jēingo Dios icuayāte re? ³¹ “¿Mbae ra nandeu re?” jenyechī nda pare pare i jē. “¿Mbae ra nandembei re?” jenyechī nda pare pare i jē. “¿Ma tiru ra nandemingue re?” jenyechī nda eno jē. ³² Eī ño Dios quiatoā nguīā. Jē nguia jendu Ibatenda tesareīā mbeite nguīā jēsi. ³³ Jē nguia jēingo tuchi Dios rese jendecuarā. Sā Dios turāte no. Ūquī na ño jēingo. Ūquī mose ra Dios mbae mee mee mbei jēje. Jenyirū. Jenimbeirā abe no. Jēiraorā abe no. ³⁴ “Mbae tiā ñochī nda seje isamamī nde”, jenyechī nda pare pare i jē. Isamaminda rese ra jendua nduachī namo jē. Namonda mii ndese jendua namo no. Isamamī nguīatu jendua isamaminda rese.

7

“Eicuāte que co ra”, jenyechī nda emo nii

¹ “Co que eicuāte ra”, jenyechī nda emo nii. “Jēicuāte” iā nda Dios jēje chā. ² Mbia icuā mose, jeñeechī nda ee. Jēturā mose ee, Dios abe ra eturā jēje. Mbae jemee mee turā mbia je. Dios abe quia ra mbae mee tuchi jēje cote. Jē embisē mee mose emo je, Dios abe ra embisē mee jēje no. ³ ¿Mbaerā jēingo “eicuā” i emo je re? Jē jēicuā tuchi mose esi. “Mbae ñetē ndiqui nderésaa aque”, jenyechī nda emo je, jē mbae cuasu rerequia mose jendésaa jē nguīatu. ⁴⁻⁵ “Mbae turā ndese chō jēingo”, jenyechī nda jē jēicuā mose jē. “Mbae ñetē tasirō nderesa si”, jenyechī nda mbae cuasu siqui mose jendésaa jē. Jē nguia jēturā jēsaa saā ñote nguīā aque. Jē nane nguia jēturā ndiqui. Aquere quia jeñee emo mingo turā cote. ⁶ Sā mbia mo ndiqui perro rā si no. Teasu socoi quia rā abe no. Ūquī nguiarei mbia icuā mbei Dios cheē andure. Dios cheē isi teā teā. Dios cheē jēsenei eā ūquī je cote. Emo je quia jēsenei cote.

Jeñee mose Dios je, mbae ra emondo jēje

⁷ Jeñee mbei mose Dios je, mbae ra emondo jēje. Jē mbae mo ndequia mose, jētea rae. Jē eiquesa mbuu mbuu mose, ūquī mose ra embuquiata jēje no. ⁸ Ae ñee mbeite quia Dios je nae, mbae ra Dios mondo ee. Ae mbae mo sequia beite quia nae, tea rae. Ae eiquesa mbuu mbuu quia no nae, equia ra ee no. ⁹ Jendiirī “mbichae embu seje” i mose, ¿sita ra eru mee ee re? ¹⁰ Jendiirī “sira embu seje” i mose, ¿mbei ra eru mondo ee re? ¹¹ Mbia icuā nyee mbae turā mondo mondo quia nguiri je ā. Jendu Ibatenda quia ra mbae turā tuchi mee jēje, jeñee mose ee. ¹² Sā jēyate riqui mbia siqui turā mose jēje no. Eī jenyē si chō nguia siqui turā mbia je no. Moisés chimbese tuchi chō ūquī nde. Dios quiato cose ndare chimbese ja chō ūquī nde.

Eiquesa chumumbi

¹³ Eiquesa chumumbi rī ño jēso ique jē. Aque ñeenda oso quia tata cuasu nae, eicoi chō aque re. Ae eiquesa ngasē nguia tat a cuasu nae, eicoi chō aque no nde. Hue rī mbia tubiriā ndiqui nguīā ūquī. ¹⁴ Ñeenda nongue rui quiatu ngasē nguīā Dios je. Aque ñeenda quiarei echumumbi. Echumumbi chō aque ñeenda iquesa re. Mbia mii mii ño siqui nguīā aque ñeenda rui. Ūquī nguia ra Dios mingo bei.

Sā ira ae ia ae ae no

¹⁵ Ae Dios cheē senei ñoño nguia nae, aba mburī irisa chō ūquī nde. Ūquī ndei Dios quiato raā ñoño. Mbia mburī irisa Dios rī. ¹⁶ Sā ira ae e a ae ae no. Uva a rā eā nda nyu a ia no. Ea ae eno nde. Higo a rā eā nda isio rashī a no. Ea ae eno nde. ¹⁷ Eī si chō

mbia no nde. Mbia turã nda siqui mbae turã ndese. Mbia icuã nda siqui mbae icuã ndese no. ¹⁸ Ira turã mose, ea abe ra eturã. Nyiabi aronea. Ira icuã mose, ea abe r a eicuã no. Ei rã si ra ea. ¹⁹ Ira mo ia turã eã mose, nyisia rae. Mendi rae. ²⁰ Dios cheẽ neneisa chõ jëicua rã. Dios cheẽ ndui si eriqui turã mose, Dios quiato chõ ùqui nde. Dios cheẽ ndui eã mose, Dios quiato eã ño ùqui no nde.

Mbia ra ique ja eã

²¹ “Sererecua” i rei mbia tubiriã nguiã seje ã. Ùqui nguiã nda ique ja eã nguiã serécuaa. Ae siqui Seru Ibatenda cheẽ ndui nae, ùqui mii ño nda ique serécuaa. ²² Aque mose ra mbia ñee tuchi seje. “Jesús, ndecheẽ ngue urembucua checua tuchi quia mbia je resẽ. Aba checuayã ngue urejea jea tuchi quia mbia si nderiã ndesẽ. Mbia mae sayã ngue ureasaã saã tuchi quia nderiã ndesẽ”, i tuch i rei ra mbia seje. ²³ Ùqui je ra acheẽ. “Co aico jëicuayã mbeite co resẽ. Jëso serecha. Mbae icuã aosa chõ jë nde”, ae ra ee.

Tuchua nyeremo

²⁴ Ae siqui serese, ae secheẽ mumbayã nguia nae, ùqui nguiareĩ eturã tuchi. Tuchua ãtã aosa rã ño ùqui nde. Sã eaquiato mo tuchia ao sita turã arõ no. ²⁵ Ama nyaaqui mose, amandi cuasu raque. Quiriã abe ichu ichu raque tuchu a je. Tuchua mbuquiata aroneate. Sita turã arõ nguiã ngue uchuchu a ao nguiã. Eĩ si chõ secheẽ mumbasa rã a nde. Tuchu a ãtã aosa rã si. ²⁶ Ae secheẽ mumba quia eandu mose nae, eaquiata na ño ùqui nde. Sã eaquiata mo uchucharã ao no. Aque quiarei ibi ribicoi tuchiã. Sita quiishi arõchi chõ uchuchua ao nguiã. ²⁷ Ama nyaaqui mose, amandi cuasu ee cote. Quiriã abe ichu ichu tuchia je. Aque quiarei iãcuã mbucoi asi mondo. Eĩ si chõ secheẽ mumbasa re, i que Jesús ra.

²⁸ Jesús que hui ucheẽ si cote ra. Mbia que nyuruira tuchi echeẽ andu ra. ²⁹ Ererecua rã ño ngue eriqui nguiã mbia mbaaquiato quiatu.

8

Jesús mbia leproso mbucherõ

¹ Jesús que nguichi ibi ibate si cote ra. Mbia cuabête que siqui erui ra. ² Emo ndasi que tu ee ra. Leproso, i que aque erasi je ra. Tu que ngoi nguiã ndese ñee Jesús je ra. —Sererecua, nde sembucherõse mose, sembucherõ se, i que ñee Jesús je ra. ³ Jesús que oco erese cote ra. —Echerõ cote, i que ee ra. Echeẽ mosebe que nyerõ nda. ⁴ Jesús que ñee ee ra. —jErecheẽchi nda mbia mo je jël Eso nderasiã ndeacuquia sacerdote je cote. Moisés cheẽ ndui si chõ mbae mo emondo

Dios je. Eĩ nda mbi a jirandu nderasiã ndese cote, i que Jesús ñee ee ra.

Jesús soldado rerecua rimba mbucherõ

⁵ Jesús que oso rucha tubiriã Capernaum cote ra. Soldado rerecu a mo ngue tu ñee ee ra. Capitán ngue ae ra. ⁶ —Sererecua, serimba rasite riqui sechuchua huee. Erasi tuchi. Umi umi sayã tuchi, i que capitán ñee Jesús je ra. ⁷ —Taso embucherõ, i que Jesús echeẽ mose ra. ⁸ Capitán ngue ñee Jesús je ra. —Seicuãte aico co, Jesús. Sechuchua ra erejechi. Echeeño. Ndecheẽ achõ ño emondo serimba mbucherõ sacua. ⁹ Se abe sererecua riqui co. Echeẽ amumba aroneate quia co. Se abe soldados rerecua aico nguiã co no. Secheẽ abe emumbayãte quia co no. Eso, i mose, secheẽ mumbayãte no. Echu, i mose, secheẽ mumbayãte no. Se neẽ mose serimba je, secheẽ mumbayãte no. Ndequirãcuã na eãte raque se, i que capitán ñee Jesús je ra. ¹⁰ Echeẽ andu mose que Jesús nyuruirate ra. Ñee ngue nguesenda je ra. —Tacheẽ nyecua jëje. Capitán ndiqui seicua tuchite co. Seicua tuchite equia judíos mo si co. ¹¹ Tacheẽ nyecua jëje. Ae judíos eã emo jenda ja nae, ùqui tubiriã nda siqui Dios rese. Dios siqui mose mbi a rerecuarã. Ùqui tubiriãte ra quiaru turã Abraham ndese. Isaac rese. Jacob rese no. Judíos eã ndaque ùqui. ¹² Dios quia ra judíos mombo itaicuee. Itondáruu. Huee ra nyeseo tuchi cote. Erasite ra huee cote, i que Jesús ñee judíos rii nda. ¹³ Jesús que ñee capitán je cote ra. —Eso chõ ndechuchua cote. Ereico seicuate co. Nyebe ndecheẽ amumba eã nguiã nderimba mbucherõ, i que Jesús ee ra. Jesús cheẽ mosebe que erimba nyerõ nda.

Jesús Pedro ninisi si mbucherõ

¹⁴ Jesús que oso Pedro chuchua cote ra. I que Pedro chari rasi u nyaara ee ra. Eracu tuchi que ra. ¹⁵ Jesús que oco ari o rese ra. Eracu que ti i cote ra. Ari que juã cote ra. Mbae que echao chao quia mbia chiurã cote ra.

Jesús mbia rasi chumumbara mbucherõ

¹⁶ Itondaru ramo mose que mbia erasi rurucuaẽ cuaẽ tuchi Jesús je ra. Ae abe checuayã quereco qui a nae, ùqui ndurucuaẽ tuchi Jesús je. Aba checuayã ngue usẽ usẽ nguia mbia si Jesús cheẽ mose ra. Erasi chumumbara que embucherõ cherõ tuchi quia ra. ¹⁷ Ùqui mose que Isaías cheẽ io cote ra. Eĩ ño ngue Isaías embesa cose ra: “Dios rucucha que nandeicua sirõ nandesi ra. Dios rucucha que nanderasi sirõ nandesi no nda”, i que Isaías embesa ra. Ùqui ngue io cote ra.

Jesús rui taico, i raque emo

¹⁸ Mbia cuabête que Jesús mamate ra. Nyebe Jesús ñee nguiã uchimbaaquiatu je. —Nyao rã sobei, i rei que ee ra. ¹⁹ Aqué mosete que embesasa mo ñee ee ra. —Taico bei nderese. Ndeso mose manguiti, se abe ra aso bei quia nderese, i rei que ñee Jesús je ra. ²⁰ Jesús que ñee ee ra. —¿Mbae rasi ra eresaã saã serese re? Eoita quia ecua jiri re. Nguireĩ nguia equisa jiri no nde. Se quia sequisayã mbei re, i que Jesús ee ra. ²¹ Echimbaaquiatu mo ngue ñee ee ra. —Sererecua, sã paba mano na. Aquere quia ra aico bei nderui cote, i rei que Jesús je ra. ²² Jesús que ñee ee ra. —Sã mbia ataque chõ nderu chati. Eico chõ serui nde, i que Jesús ñee ee ra.

Jesús quiririã icuã icuã mbutiba; ama ndebera abe

²³ Jesús que ua canoa ye cote ra. Uchimbaaquiatu rese. ²⁴ Ama ndiit e re mose que quiririã icuã icuã ndu ee ra. I rebera que ique ique tuchi quia canoa ye ra. Jesús que uque oso quia canoa ye ra. ²⁵ Nyebe echimbaaquiatu Jesús mumba nguiã. —Urembaaquiatusa, echumumba. Ureraaro nã. Nandemanochi nda re, i que ñee Jesús je ra. ²⁶ Jesús que ñee uchimbaaquiatu u je ra. —¿Mbaerã jësiquichete riqui re? ¿Seicuayãte equia ã nde? i que Jesús ñee ee ra. Nyuruã ngue ñee asite quiririã je cote ra. Ama je abe no. Quiririã ngue ti i echeẽ mose cote ra. Ama abe. ²⁷ Echimbaaquiatu que nyuruira tuchi mae Jesús quiracuã ndese ra. —Quiririã echeẽ mumbayã ñochi. Ama abe echeẽ mumbayã ñochi, i que ñee ñee nyue cote ra.

Jesús aba checuayã icuã jea

²⁸ Jesús que ngasẽ ama ndobei cote ra. Gadara, i que hue ibi je ra. Amei mo nyeremo ngue ngaẽ ngasẽ Jesús je ra. Mbia raaque tãsa si chõ ngue ecuaẽ ngasẽ Jesús je ra. Aba checuayã icuã ño ngue siqui tuchi nguiã ũqui ñiangui re ra. Aba checuayã ño ũqui mbũcuã tuchi nguiã. Nyebe mbia mo hue rurubiã mbei nguiã. ²⁹ ũqui ngue ñee asite cuaẽ Jesús je ra. —¿Mañi ere ra equia ure je re, Jesús? Dios rucucha chõ nde re. ¿Urembasi jei sacuã ño erechu aa re? i que ñee tuchi Jesús je ra. ³⁰ Chiasu socoi tubiriã ngue chi quiaru huee rurubi ra. ³¹ Nyebe aba checuayã icuã ñee jate nguiã Jesús je. —Nde urejea mose mbia si, chiasu chiangui re ureso rã, i que aba checuayã ñee Jesús je ra. ³² —Eno, i que Jesús ee ra. Nyebe aba checuayã usẽ ja nguiã amei ñia si cote. Chiasu chiangui re que echoi ja ra. Chiasu que uchã ja choi nyiichere ama nimia mbucu rĩ nda. Ama ndisha ye que echoi ja mano nda. ³³ Chiasu raarõsa mundite que ra. Mae mose erese. Nyoj que mbia mbiirandu jate chiasu rese

ra. —Jesús que amei mbucherõ nda. Aba checuayã ngue ejea esi ra, i que maesa erese ñee mbia ataque je ra. ³⁴ Nyebe hue jenda nyoj ja nguiã ñee Jesús je. —Eso rã urerecha urerecua si, i jate que hue such a jenda ñee Jesús je ra.

9

Jesús emi sayã mo mbucherõ

¹ Jesús que ua canoa ye cote ra. Nyoj que sobei ra. Ngasẽ ngue uchuchũaa cote ra. ² Mbia que erasi mo curucuaẽ quisa ye ee ra. Emi sayãte que ae ra. —Erurucuaẽsa riqui seicua ũqui, i que Jesús ñee uchiangui re ra. Nyebe ñee nguiã emi sayã je. —Echimbua chõ, Echo. Ndechisaã mbae icuã ambutiã nguia ndesi a, i que Jesús ñee umi sayã je ra. ³ Embesasa que ñee nyue ra. —Jesús riqui Dios ibatenda raã naa ñochi co, i que ñee nyue ra. ⁴ Jesús que ũqui ndua ndua icuate quia ra. Nyebe ñee nguiã ee cote. —¿Mbaerã jëngue ndua ndua icuã nde? ⁵ ¿Ma mbaranguiatuã eã jiri jëje re? ¿Mbia icuã mbutiã esi ere? ¿Mbia rasi mbucherõ ere no? ¿Ma mbaranguiatuã eã jiri jëje re? ⁶ Dios rucucha rei se. Mbia chiao icuã mbutiã aquiatu chõ se re. Sequiracuã tateacuquia jëje, i que Jesús ñee ee ra. Ñee ngue erasi je cote ra. —Ehuã na. Ndechuchua eso cote. Ndequisa abe erao, i que Jesús emi sayã je ra. ⁷ Emi sayã ngue juã asi oso ra. ⁸ Mbia que nyuruira ja u mae emi sayã ngata rese ra. Mbia que ñee turã ja Dios quiracuã ñi cot e ra.

—Serui bei eico, i Jesús Mateo je

⁹ Mateo, i que emo je ra. Ae que impuestos isi isi bei quia mbia rerecua mbaerã nda. Jesús que ngasẽ ee cote ra. Ngoi que hui plata isi isi impuestorã nda. —Serui bei eico, i que Jesús ñee ee ra. Ae Mateo juã oso nguiã erui. ¹⁰ Emo mose que Jesús nyoj quiaru erese ra. Impuestos isi isiquia ata que chi quiaru erese huee ra. Echimbaaquiatu abe rese. Mbia icuã mo abe que chi quiaru erese no nda. ¹¹ Fariseos que ñee icuãte Jesús chimbaaquiatu je ra. —¿Mbaerã Jesús riqui quiaru mbia icuãte rese re? i que ñee nda. ¹² Nyebe Jesús ñee nguiã ee. —Sã mbia rasiã ndiqui aba mbucherõsa requia eãte no. Sã erasi chõ ndiqui erequia no. ¹³ ¿Á embesa ji jëicuayãte re?

“Mbae mo jemee seje”, ae eã nguiã jëje co. “Jëya eã ño mbia rese”, ae chõ nguiã jëje co, i que embesa ji ra. ũqui embesa ji jëicua jiri ae. “Jenyu seje”, aeã ngue u nguiã mbia turã je. Mbia icuã je chõ ngue achu nguiã “jenyu seje” i, i que Jesús ñee ee ra.

Jesús chimbaaquiatu hui ãte uchiu si

¹⁴ Juan ñimbaaquiatu que ngasẽ ñee Jesús je ra. —Ure quia ureico nguiã hui

hui urechiu si ã. Fariseos chimbaaquiatu abe hui hui quia uchiu si no. ¿Mbaerã ndechimbaaquiatu riqui hui ãte uchiu si ã nde? i que ñee Jesús je ra. ¹⁵ Jesús que ñee ee ra. —Sã emo ndiqui ngüinisirã isi ramo no. Sã eresenda iate riqui quiaru erese no. Sã eriqui hui aroneate uchiu si aque mose no. Sã eru riqui mano emo mose no. Aque mose quiatu ra equiatio hui uchiu si cote. ¹⁶ Sã emo ndiqui tiru yasu mi aroneate tiru ima sorei rese no. Eyasu ra nyaacua quiata eima si. Soro icoi tuchi ra cote. ¹⁷ Sã emo mbaeri rasi ramo nderecoquiatu eã eriru ima ye no. Mbae ire ima ye ererecoquiatu aronea ño ñene. Eri rasi ra ñimatã ño mbae ire ndoro. Eri ra uchẽ ja. Mbae ire abe mbucuate ra cote. Mbaeri yasu quia nda equerecoquiatu nguiã mbae ire yasu ye. Soroã sacua, i que Jesús ñee ee ra.

Jesús Jairo riirĩ mbucherõ; ari mo abe mbucherõ

¹⁸ Jesús cheẽ mose que judío rerecua mo ngasẽ ee ra. Jesús jii que ngoi ñee ee ra. —Qui seriirĩ si mano namote qui. Nyao rã erea. Ndeoco mose erese, quera si rae, i que ñee Jesús je ra. ¹⁹ Jesús que juã oso erese ra. Echimbaaquiuiatu abe nyoĩ erese. ²⁰ Ari rasi mo abe que oso quia mbia ite rĩ nda. Eruqui nda uchẽ mbei quia ee ra. Doce años nyee. Eruqui nda tibayã mbei ee ra. Ari que tu Jesús quite quiti erichã nda. Jesús irao ai rese que oco cote ra. ²¹ —Seoco mose Jesús irao rese ra acherõ, i nda ra. ²² Jesús que uba ñee ari je ra. —Coche ñene, Echo. Seicuate que sã ra. Nyebe arembucherõ nguiã, i que Jesús ñee ari je ra. Aque mose tuchi que eruqui tiba ee cote ra. ²³ Jesús que ngasẽ nyee judío rerecua chuchua ra. Mbia que nyeseo seo quia ãquẽ ndaaque rese ra. Mbia que irasei rasei eraaque tiquia nonde ra. ²⁴ Jesús que ñee ee ra. —¡Qui jê! Jẽso ja itaicuee. Eriirĩ mano eã ño nguiã. Uque chõ ñene, i que ñee mbia je ra. Mbia que iquia iquia echeẽ mose ra. ²⁵ Jesús que mbia mondo ja chee itaicuee ra. Oso que i que eraaque rea cote ra. Eraaque o que eisi ra. Quera si que cote ra. Nyuruã ngue cote ra. ²⁶ Mbia hue jenda que jirandu jate erese ra. Jesús eraaque mbuquera rese.

Jesús eresayã nyeremo mbucherõ

²⁷ Jesús que oso hue si cote ra. Mbia resayã nyeremo ngue nyoĩ eru ra. Ñee mombo mondo que Jesús je ra. —¡Jesús! ¡David rucucha! ¡Ndeyayã ño urerese jê! i que ñee Jesús je ra. ²⁸ Jesús que oso ique tuchúaa cote ra. Ae eresayã nyoĩ nguiã erurubi. Jesús que ñee ee ra. —¿Sequirãcuã jembucherõ arõte reĩ nguiã jêje re? i que Jesús ñee ee ra. —Ae, i que eresayã ñee ja ee ra. ²⁹ Ae Jesús oco nguiã eresa rese cote. —Seicua mose ra jembucherõ, i que ra. ³⁰ Eresa que nyerõ

ja ee cote ra. —Sã mbia jiranua serese, i tuchi rei que Jesús ñee ee ra. ³¹ Eresayã ngue Jesús cheẽ mumba tuchi ra. Nyoĩ que mbia mbiirandu tuchi Jesús rese hue rĩ ja ra.

Jesús echeẽ nguiã mbucherõ

³² Jesús so mose que mbia echeẽ nguiã mo curucuaẽ ee ra. Aba checuayã icuã ngue siqui aque chiangui re ra. ³³ Jesús que aba checuayã icuã jea esi ra. Echeẽ nguiã ngue ñee turã cote ra. Nyebe mbia tubiriãte chi nguiã nyuruira mae erese. —Emo ngue ùqui saã eã mbeite quia aa Israel ra, i que nyuruira jate ra. ³⁴ Fariseos quiatu que ñee icuãte Jesús rĩi nda. —Satanãs quirãcuã je chõ Jesús riqui nguiã aba checuayã jea jea mbia si co, i rei que fariseos ñee nda.

Jesús ia eã tuchi mbia tubiriã ndese

³⁵ Jesús que nyoĩ sucha mbuchesea sea ja ra. Mbia mbaaquiatu quiatu ja ra. Mbia chumunua nuásaa jate. Dios cheẽ ngue esenei senei tuchi quia ee ra. Mbia rasi chumumbara que embucherõ cherõ nguiã ra. ³⁶ Mbia rasi rasi tuchi que ee ra. Mbia ia eã tuchi que ee ra. Mbia quia chã je rã ngue ee ra. Sã oveja riqui quia chã jate eraarõ iriã no. Eĩ si chõ mbia nguiã Jesús je. Nyebe Jesús ia eã tuchi riqui nguiã erese. ³⁷ Jesús que ñee uchimbaaquiatu je ra. —Secheẽ andusa reã ndei etubiriã jiri. Secheẽ nenei neneisa quia rei co mi jiri. ³⁸ Jeñee nguiã Dios je. “Dios, ndecheẽ nenei neneisa mo emondo tuchi. Mbia mbiirandu randu sacuaã”, jenyehõ nguiã Dios je. Sã mbaecha mbia mo mondo mbae a ireĩ ishao shao equiche mose no, i que Jesús ñee ee ra.

10

Jesús mbia doce irabo uchimbaaquiaturã

¹ Jesús que “jenyu” i uchimbaaquiatu doce je ra. Uquirãcuã ngue emee uchimbaaquiatu je cote ra. Aba checuayã icuã jea jea sacua mbia si. Mbia rasi chumumbara mbucherõ cherõ sacua abe no. ² ã ño echimbaaquiatu ã nde:

Simón (Pedro, i abe que mbia quia ee ra.)

Andrés (Simón nongue rei Andrés.)

Jacobo (Zebedeo riirĩ ndei Jacobo.)

Juan (Jacobo nongue rei Juan.)

³ Felipe

Bartolomé

Tomás

Mateo (Impuestos isi isiquia rei Mateo.)

Jacobo (Alfeo riirĩ ndei Jacobo.)

Lebeo (Tadeo, i abe que ee ra.)

⁴ Simón el Cananista

Judas Iscariote (Aque que Jesús mondo mbia icuã je ra.)

Ùqui ja que Jesús irabo ra.

Jesús uchimbaaquiatu doce mondo ucheẽ nenei nenei sacuaã

5 Jesús que ũquí mondo ja ucheẽ nenei nenei sacuã nda. Emondo nonde que ñee ee ra. —Judíos achõ jembaaquiatsu quiatu quia. Jẽsochĩ nda judíos eã je. Samaria jenda chuchua abe ra jẽsochĩ. 6 Israel jenda chõ jembuchesea sea oso. Ovejas quiaichã je rã ño Israel jenda re. 7 Jẽso mose, secheẽ jẽsenei senei mbei quia ee. “Mbia rerecuarã tuchi ra Dios cote”, jenyẽ oso secheẽ nenei nenei judíos je. 8 Mbia ire rasi jembucherõ cherõ nguia. Mbia rasi chumumbara jembucherõ cherõ nguia. Mbia raaque abe jembuquera quera quia. Aba checuayã icuã abe jẽjea jea quia mbia si. Sequiracuã ngue amee ñooño jẽje. “Mbae mo jemee na seje eribishorõ”, ae eã tuchi se quia jẽje co. Nyebe jẽ abe mbae turã jẽsaã ñooño mbia je. “Mbae embu se”, iã mbia je. 9 Mbae mo nda jendaochĩ icua jẽso mose. Mbae isiquia mo nda jendaochĩ icua. Mbae isiquia ñete mo nda jendaochĩ icua. 10 Mbae riru mo abe ra jendaochĩ no. Jẽirao nongue abe ra jendaochĩ no. Jẽiyao nongue abe ra jendaochĩ no. Jenyitochoquia abe ra jendaochĩ. Ae je ra mbae turã jẽsaã saã nae, sã ũquí ae riqui jembuquiaru quiaru turã mingõ. 11 Jengasẽ mose sucha tubiriã mo, mbia turã mo jẽtea huee. Aque chuchua mii ño jẽingo uque. Tuchua ra jembuchesea seate chĩ jẽingo mose huee. Ae ra jengue nyii nae, hue tuchia bei chõ jẽingo uque. 12 Jẽique mose emo nyuchúaa, hue jenda je jeñee turã no. Saludar jenyẽ turã ee no. 13 Hue jenda siqui turã mose, Dios quirãcuã jemee ee. Siqui turã eã mose, Dios quirãcuã jẽisibe esi. 14 Hue jenda jẽisi sereã nea mose, jẽhui chõ esi. Hue jenda jeñee andu sereã mose, jẽso chõ hue si. Jẽi tubi jembutomo tomo ee. 15 Tacheẽ nyecua jẽje. Ae ra jeñee isi sereã nae, ũquí nda Dios mbasi tuchi. Uquiatoã nda embasi ja aque mose. Sodoma jenda ra Dios mbasi raque. Gomorra jenda abe no. Ae jeñee isi sereã nae, ũquí nguia ra embasi tuchi Sodoma jenda si. Gomorra jenda abe si.

Mbia icuã icuã tuchi ra jẽje, i Jesús

16 A aico jemondo secheẽ nenei nenei sacuã mbia je a. Sã nyacua icuãte riqui oveja je no. Eĩ si ra mbia icuã icuãte jẽje. Oveja seteã na ño jẽingo. jẽaracua chõ nguia jẽ! Sã mbei aracuate riqui no. Mbae icuã mo nda jẽsaãchĩ jẽ. Sã nyurushi riqui mbae icuã naa eã mbeite no. 17 jã jẽ! Mbia icuã icuãte ra jẽje. Jembiriĩ iri ndae. Jemee mee icuã nda mbia rerecua je. Jẽiruã nua nda mbia chumunuãsaa. 18 Mbia icuã icuãte ra jẽje seriĩ. Mbia rerecua je ra jenderao icuã. Eĩ jenyẽ mbia rerecua mbiirandu randu seriĩ. Judíos eã abe mbiirandu randu seriĩ. 19 Jemee mose mbia rerecua je, pare pare jenyechĩ nda jẽ. “¿Manyae ra ũquí ñee ndibishorõ nde?” jenyechĩ nda pare pare

i jẽ. Dios ae chõ nda jembucheẽ turã nuiã nguiã mbia je aque mose. 20 Jẽ ae ra jeñee eã. Espiritu Turã ae nda jembucheẽ nguiã mbia je. 21 Jenongue ra jemondo chee mbia icuã je. Jẽiquia sacuã. Jendu abe ra jemondo chee mbia icuã je. Jendiirĩ abe ra jemondo chee mbia icuã je. Mbia icuã nda jemo iquia iquia chee. 22 Mbia ra jẽucuyã jate seriĩ. Ae ra siqui bei serese, ũquí nda Dios mingõ bei. 23 Mbia icuã icuã mose jẽje sucha moo, jẽso chõ sucha tubiriã nonguee. Tacheẽ nyecua jẽje. Achu jeibe ra se. Sucha Israel jenda jembuchesea sea ja eã mose chõ nda achu jei.

24 Jengasu ra jẽsaã saãchĩ sesi jẽ. Se chõ jembaaquiatusa re. Embaaquiatusa quia ecuasu jiri echimbaaquiatsu si re. Ererecua quia ecuasu jiri erimba si re. 25 Coche jẽingo nguiã se rã si. Sã mbia icuã icuãte riqui seje no. Eĩ si ra eicuã icuã jẽje no. Sã mbia “Satanás” i ñee icuã seje no. Eĩ si ra ñee icuã icuã jẽje no. Serimba je no.

Dios riqui jendaequiatu bei co

26 Jẽsiquiche quichechĩ nda ñee icuã icuã je si jẽ. Ae mbia saã nyecuyã cuayã nguia nae, ũquí nda nyecua ja cote. ũquí nda mbia icua ja cote. 27 Ae riĩ aico ñee nyecuyã cuayã jẽje nae, ũquí jẽsenei senei turã mbuchecua mbia je cote. Ae asenei senei nguia jẽisaa nae, ũquí jẽsenei senei turã mbuchecua mbia je cote. 28 Ae “taiquia” i quia jeniĩ nae, jũquí si ra jẽsiquichechĩ jẽ! Ae aba mombo serĩte quia tata cuasu nae, aque si quiatu jẽsiquiche. Aque si quiatu jẽsiquiche tuchi jẽ. 29 Aba quieteamba eã jiri raque nguireĩ. Mbae isiquia mumba eãte raque nguireĩ. Dios quia ra tesareiã nguireĩ mo si. Nguireĩ mo ngoi mose íbii, Dios riqui eicua jate ã. 30 Dios riqui jẽ mii mii icua jate co. Jẽa mii mii abe eicua jate quia co. 31 Jẽsiquichechĩ nda jẽ. Dios quiatu quieteã tuchi nguiã jendese nguireĩ mo si.

Jesús quiato chõ se re, jenyẽ checua chõ nguia mbia je

32 “Jesucristo quiato chõ se re”, ae i quia mbia je nae, ũquí nĩ nda acheẽ turã se abe. “Sequiato chõ ã nde”, ae ra Paba Ibatenda je. 33 “Jesucristo quiato chõ se re”, ae i ãte quia mbia je nae, ũquí nĩ nda acheẽ turã eã se abe. “Sequiato eã ño ũquí nde”, ae ra Paba Ibatenda je.

Achu chõ ngue mbia mbuchao chao nyesi resẽ, i Jesús

34 ¿Achu reĩ mbia mbuturã turã sacuã serimba je jẽje re? Tei. Achu chõ ngue mbia mbuchao chao nyesi resẽ. Mbia icuã icuã nda uchue seriĩ. Emo emo nda siqui serui. Emo emo nda siqui icuã icuãte ee. 35 Emo nda eicuãte ngu je seriĩ. Cuña mo nda eicuãte usi je no. Acuanĩ mo nda eicuãte

uchari je serii no. ³⁶ Tuchua jenda ra nyao nyao nyesi. Emo nda siqui serese serimbarã. Eataque ra nyao nyao esi. ³⁷ Ae nyesequa tuchi quia ngu rese sesi nae, uqui nda serimbarã eã. Ae nyesequa tuchi quia usi rese sesi nae, uqui nda serimbarã eã no. Ae nyesequa tuchi quia nguiirã ndese sesi nae, uqui abe ra serimbarã eã no. ³⁸ Ae ra siquiã serui, uqui nda serimbarã eã. Ae mano sereãte serii, uqui nda serimbarã eã. ³⁹ Sã mbia nduate quia serese. Ae nduate quia nyiese nae, uqui nda nyoĩ eãte ibate. Ae ndua eãte quia nyiese nae, uqui nguia ra nyoĩ ibate.

Dios ra mbae turã mondo mbia turã je

⁴⁰ Ae ra eturã ndiqui jêje nae, seje abe chõ nda eturã ndiqui. Ae eturã ndiqui seje nae, semondosa je abe chõ eturã ndiqui nguia. ⁴¹ Ae eturã ndiqui Dios cheẽ mbuchecuaa je nae, Dios ra mbae turã mondo ee. Sã mbae turã mee ucheẽ mbuchecuaa je no. Ae eturã ndiqui echia mbuquishĩ ji je nae, uqui je abe ra Dios mbae turã mondo no. ⁴² Tacheẽ nyecua jêje. Emo sechimbaaquiatu iseĩ mbiu turã mose serii, mbae turã abe ra Dios mondo aque je no, i que Jesús ñee uchimbaaquiatu je ra.

11

Juan el Bautista mbia mondo ñee Jesús je

¹ Jesús que hui ñee uchimbaaquiatu doce je cote ra. Aquerre que esi Dios cheẽ nenei nenei hue rurubinda je cote ra.

² Juan ngue chĩ cárcel nda. Hue eñi mose que jirandu Cristo chisaã ndese ra. Uchimbaaquiatu nyerem ngue emondo Jesús rea ra. Ñee sacua ee. ³ —Jêso ñee Jesús je. “Cristo ra tu’, i beite equia ã nae, ¿ae nde re? ¿Cristo ra uresaarõ arõ mbei quia re?” jenyese oso Jesús je, i que Juan uchimbaaquiatu mondo erea ra. ⁴ Jesús que ñee Juan nimba je ra. —Ae rese jemaee nae, uqui jêseni oso Juan je. Ae jeñandu nae, uqui abe no. ⁵ Eĩ jenyese chõ ñee Juan je: “Jesús que eresayã mbucherõ nyerõ nguia ra. Ecuatayã abe mbucuat a cuata. Eire rasi abe mbucherõ nyerõ. Eraaque abe mbuquera quera. Ucheẽ turã ngue eseni senei tuchi quia mbaecha reã je ra”, jenyese oso Juan mbiirandu. ⁶ Emo hui eã mbei mose sesi, aque ia tuchi ra siqui cote, i que Jesús ucheẽ mondo Juan je ra.

⁷ Juan ñimondo que nyebi nyoĩ Juan ndea cote ra. Jesús que ñee mbia ja je Juan ñi cote ra. —¿Mbae rese mae jêso turúquiaa re? ¿Quiririã idioi ichu ichu rese chõ jêso mae nde? Quiririã ndese mae eã ngue jêso resẽ. ⁸ ¿Emo irao turã ndese jêso mae nde? Uqui ndese eã ngue jêso mae ndesẽ. Eirao turã siquiã nguia turuquia ñi. Ae siqui quia mbia rerecua chuchua nae, uqui nguia eirao

turã ndiqui nguia. ⁹ Juan ndese mae ño ngue jêso turúquiaa resẽ. Dios cheẽ nenei neneisa tuchi chõ ae mbia mo si re. Ae chõ mbia mingoquiatu quiatu nguia se ñee sacua mbia je. ¹⁰ Sã embesa ji riqui ñee no: Secheẽ nderaosa tamondo ndenonde.

Ae ra mbia mingoquiatu ndeje, nde ñee sacua ee,

i que embesa ji ñee nda. Juan ñi ño embesa ji riqui nguia ñee. Nyebe Juan ndu nguia senonde. ¹¹ Tacheẽ nyecua jêje. Juan el Bautista quiare i tuchi raque mbia ñiinda ja si. Ae ra siqui tuchi Dios rese erimbarã cote nae, uqui nguia ra i tuchi Juan si cote. ¹² Juan Dios cheẽ nenei nenei namo mosenda bei chõ mbia riqui nguia ngaẽ ngaẽ Dios cheẽ andu ã. Mbia bite Dios siqui mose mbia rerecuarã. ¹³ Juan tu nonde chõ embesa ji riqui nguia ñee j a serii. “Dios rucucha ra tu emo mose”, i serii. Sechu eã mose. Juan nane ngue “co eru quia co” i ñee nda. ¹⁴ Sã embesa ji riqui ñee nyii no. “Elías raanguia ra tu mbae mbuquiche ja Cristo tu nonde”, sã i embesa ji no. Juan ñi ño eriqui nguia ñee. ¹⁵ Jêisa mose, jsecheẽ jeñandu turã na!

¹⁶ Mbia namonda siqui turã eãte quia abacheẽ ndui ã. Mbia riiri na ño eriqui nguia ã. Sã mbia riiri ndiqui ñibusareĩ sareĩ no. ¹⁷ Sã eriqui ñee ñee nyue no. “Flauta que ambucheẽ ñee ndei jêje ra. ¿Mbaerã jenyuruqui sereã nea nde?” sã i chõ nyue no. “Mbae aba mbia eã ngue ambucheẽ ñee ndei jêje resẽ. ¿Mbaerã jêyate eresere re?” sã i chõ mbia riiri nyue no. Uqui na si chõ mbia riqui nguia ã abacheẽ mumba ã. ¹⁸ Juan el Bautista que tu rei mbia je ra. Mbia que eisi turã ã na. “Co eriqui quiaru sereãte nanderese co. Co eriqui mbae mbei sereãte nanderese co”, i chõ mbia quia eã. “Aba checuayã ndesenda”, i chõchĩ equia ee ã. ¹⁹ Aquerre que achu se abe ra. Aquiaru rei nguia jendese co. Mbae abe ambei rei nguia jendese co. Se abe que seisi turãya nda. “Quiaru tuchi je”, i chõchĩ seje. “Mbae mbeisa”, i abe que seje no nda. “Mbia icuã quiatu chõ ñene”, i chõ ngue seje no nda. Ae earacuate nae, Dios aracua abe ra eicua.

Jesús ia eã mbia sucha tubiriã jenda rese

²⁰ Ae mbia je Jesús uquirãcuã ndeacucua cuquia tuchi nae, uqui ngue Jesús isi eã mbei ra. Nyebe Jesús riqui nguia ñee asi asi mbia hue jenda je. ²¹ —Seya eãte jendese, Corazín jenda. Seya eãte jendese, Betsaida jenda. Jendasi tuchi rae. Mbia mae sayã ngue asaã saã jêje nae, uqui naa mose Sidón jenda je, eĩ nda Sidón jenda huicua secha rei. Eĩ nda Tiro jenda abe huicua secha rei. Eĩ nda eya eãte rei huicua ndese. ²² Jê nguia jêicua jêsecha sereãte rei. Nyebe ra Dios jembasi mbasi tuchi uqui si quiatu. Dios mbia icuã mbasi mbasi mose. ²³ Jêcuasu jêsaã saã tuchi

techĩ nguia re, Capernaum jenda. Nyebe ra Dios jemondo tuchi tata cuasu. Mbia mae sayã ngue asaã saã jêje nae, ũquí naa mose Sodoma jenda je, eĩ nda Sodoma jenda huĩcuã secha rei. Eĩ nda Dios hue sucha cuasu mbutiã eã ndei. ²⁴ Jê nguia jêicuã jêsecha sereãte rei. Nyebe ra Dios jembasi mbasi tuchi Sodoma jenda si. Dios mbia icuã mbasi mbasi mose, i que Jesús ñee nda.

Jesús aba quenea mboseĩ

²⁵ Jesús que ñee Dios je cote ra. —Seyate aico nderese co, Paba. Ibi jenda rerecua ja chõ nde re. Ibei jenda abe rerecua ja chõ nde no nde. Ndecheẽ ngue erembuchecu a eã mbia aquiatu je ra. Mbia riĩrĩ naanguia je chõ ngue ndecheẽ erembuchecu nguã. ²⁶ ũquí ño ngue eturã ndeje ra, Paba, i que Jesús ra. ²⁷ —Seru que mbae mondo ja seje ra. Paba mui ño seicua tuchi nguã. Paba riĩrĩ mui tuchi chõ se re. Se mui ño Paba aicua tuchi nguã no. Ae je ra Paba atecuquia nae, ũquí mui ño nda Paba icua tuchi nguã serese. ²⁸ Jenguenea mose, jenyu chõ seje. Jenguenea tumbosẽi na jesi. Taambia mingo. ²⁹ Seseteã ño aico nguã se. Aico mingue chõ nguã se co. Jẽĩmbaaquiatu jiri serĩ. Jẽĩmbucha chõ serese. Eĩ jenyne mose ra jẽĩa pare pare i eã cote. Jẽya bei ra jẽingo cote. ³⁰ Ae siqui serimbarã nae, ũquí iate riqui ã. Secheẽ mbaranguiatũ eãte aba je, i que Jesús ñee nda.

12

Jesús chĩmbaaquiatu mbae a ishao shao sábadu mose

¹ Sábado mose que Jesús si quia mbiaco ite ite rĩ emo mose ra. Echĩmbaaquiatu riãcuãte que eriqui ra. Nyebe que quiata a ucua mui mui nyoĩ quia ecuã mose ra. Equiti quitire oo je que ehoĩ quia eachããña cote ra. ² Fariseos mo ngue ñee ee ra. —¿Mbaerã ndechĩmbaaquiatu riqui mbae ishao shao sábadu mose re? Co mose chõ mbia riqui uquenea ucua resẽ, i que fariseos ñee Jesús je ra. ³ Jesús que ñee ee ra. —¿Embasa ji rese jemae eã David rĩ nyii re? David riãcuãte que aque mose ra. Eresenda abe riãcuãte que eriqui aque mose no nda. ⁴ David que ique Dios chuchũaa aque mose ra. Mbichae Dios chuchua jenda que eu ra. Mee mee ngue nguesenda abe je ra. Eriãcuãte quiatu ngue re. Sacerdote achõ mbaerã ndaque mbichae. ⁵ ¿Moisés chimbasa rese jemae ãte sacerdote rĩ nde? Sábado mose que quieĩ quieĩ rei Dios chuchua ra. “Dios cheẽ mumbasa”, i ãte quia mbia nguã ñee ee. ⁶ Tacheẽ nyecua jêje. Secheẽ nguia i tuchi jiri nguã Dios chuchua si co. ⁷ Co embasa ji jẽicuayãte quia ã. “Sebite jẽya eã jẽingo mose mbia rese. Sebiãte ofrenda jemee ñooño mose”, i Dios quia co. Jẽingo ũquí icuayãte ã. Eĩ

nda jẽñee icuã eãte rei mbia turã je. ⁸ Sábado rerecua bei chõ se re, i que Jesús ñee fariseos je ra.

Jesús emo o tomei mbucherõ

⁹ Jesús que oso mbia chumunuãsaa cote ra. ¹⁰ Huee que eo tomei mo ndiqui ee ra. Mbia que Jesús mbucheẽ icuã sete ra. Nyebe ñee nguã ee. —¿Eicuãte erasi mbucherõ sábadu mose re? ¿I ere? Echeẽ ure je jẽ, i que mbia ñee Jesús je ra. ¹¹ Jesús que ñee ee ra. — Sã jenimba oveja mo no ndiqui jaã no. Ngoĩ oso ibicua mo ye no. ¿Sábado mose ra jenosẽ ibicua si re? Ae. Jenosẽ jei rae. Sábado mose raque. ¹² Dios queteamba tuchi chõ mbia riqui nguã oveja si ã. Coche nandeco nguã mbae turã naa naa sábadu mose, i que Jesús ñee mbia je ra. ¹³ Ñee ngue eo tomei je cote ra. —Ndeo emee secuti, i que ee ra. O que emee Jesús cheẽ mose ra. Aque mosechi que eo nyerõ cote ra. ¹⁴ Nyebe fariseos paama i nguã Jesús je. Mbia mbucherõ mose sábadu mose. —¿Mañi nande ra Jesús je re? Nandequia rei ra reae, i tuchi que eu ñee nyue ra.

Isaías chimbasa ique Jesús rĩ

¹⁵ Jesús que jirandu ũquí ñee ndese ra. Nyebe esi nguã hue si. Mbia tubiriã ngue nyoĩ erui ra. Jesús que mbia rasi mbucherõ cherõ ja quia ra. ¹⁶ —¿Mbia ra jembiãranduchĩ serese jẽ! i que Jesús ñee ee ra. ¹⁷ Aque mose que Isaías chimbasa ique cote ra. Eĩ ngue Isaías embesa mui Jesús rĩ nda: ¹⁸ Serimba chõ co re. Co que airabo ra. Sechesecua chõ ae re. Seyate aico erese co. Espiritu Turã tamondo tuchi ee. Ae ra secheẽ turã senei senei ja mbia je. ¹⁹ Eicuã icuã eã nda emo je. Ñee icuã eã ndae. Ucuasu ra esaã saã eã mbia je. ²⁰ Siqui turãte ra equia equirãcuã nea je. Siqui turãte ra equia eaquiãtuã je no. Mbia ra siqui turã nyee erui ererecuarã. ²¹ Mbia ja ra ndua turã mbei erese cote, i que Isaías embesa cose ra. ũquí ngue ique cote ra.

Aba checuayã quirãcuã Jesús quereco co, i raque mbia

²² Mbia que eresayã mo curucuaẽ Jesús je ra. Echeẽ aquiãtuãte abe que ra. Aba checuayã icuã nguia tu ngue siqui nguã echiangui re. Jesús que embucherõ nda. Nyebe mae turã nguã cote. Ñee turã abe cote no. ²³ Mbia que nyuruira ja mae erese ra. —David rucucha chõ Jesús riqui re, i chõ ngue mbia quia ndua ndua ra. ²⁴ Fariseos que echandu ja ra. Nyebe ñee icuã icuã nguã Jesús je. —Ab a checuayã icuã nderecua tuchi chõ Satanás nde. Satanás quirãcuã je chõ Jesús riqui nguã aba checuayã icuã jea jea mbia si co, i rei que fariseos ñee icuã Jesús je ra. ²⁵ Jesús que

ũquí ndua ndua icuate ra. Nyebe ñee nguiã ee. —Gobierno icuã icuã mose nyue, ua rae. Tuchuamo jenda icuã icuã mose nyue, ua ra eno. ²⁶ ¿Mañi nda Satanás aba checuayã jea mbia si re? Erimba chõ nyeresẽ. Satanás icuã icuã mose nyue, equirãcuã nda ua no. ²⁷ “Satanás quirãcuã je chõ Jesús riqui nguiã aba checuayã jea jea mbia si”, jenyẽ chõchĩ nguia seje ã. ¿Aba uquirãcuã mee jenimba je jẽ nde? Aba checuayã icuã jea nondre. ¿Satanás uquirãcuã mee jenimba je serese re? ²⁸ Dios quirãcuã je quiatu aico nguiã aba checuayã jea jea mbia si co. “Dios quirãcuã ndese chõ ureico nguiã mae”, jenyẽ eã ñochĩ equia ã. ²⁹ Satanás quirãcuã tuchite raque. Umbae rese ngueteãte raque. “Sembae chĩ turãte a”, i raque. Dios quiarei equirãcuã tuchi Satanás si. Dios Satanás mbae sirõ ja arõte quia esi co. Dios Satanás mbae mbutiã ja arõte quia co. ³⁰ Ae siqui ãte quia serese nae, eicuã ño ũquí ndiqui nguiã seje. Ae secheẽ senei senei eãte quia mbia je nae, ũquí icuã ño eriqui nguiã seje. ³¹ Tacheẽ nyecua jẽje. Emo siqui icuã mose, Dios eicuã mbutiã arõte esi. Emo ñee icuã mose, Dios echeẽ icuã mbutiã arõte no. Emo ñee icuã mose Espiritu Turã nii, ũquí icuã nguiatu ra Dios mbutiã eã mbei esi. ³² Emo ñee icuã mose seriĩ, Dios echeẽ icuã mbutiã arõte. Emo ñee icuã mose Espiritu Turã nii, ũquí icuã nguia ra Dios mbutiã eã mbei. Mbae ua ja mose chee ra Dios ũquí ñee icuã mbutiã eã mbei.

Sã ira ae ea ae ae no

³³ Ira turã mose, ea abe ra eturã no. Ira icuã mose, ea abe ra eicuã no. Mbã ira icua mose, ea abe ra eicua. Nyiabiã ndae. Sã ira ae ea ae ae no. ³⁴ Mbei rã ño jẽingo nguiã. Jẽicuã ño jẽingo nguiã. Nyebe jẽnee turã aquiatu ãte riqui ã. Ae rese mbã riqui ndua ndua uchiangui re nae, ũquí nii sí ra ñee. ³⁵ Mbã turã nda ñee turã. Echiangui renda quia eturãte re. Nyebe eriqui nguiã ñee turã. Mbã icuã nguia ñee icuã nguiã. Echiangui renda quia eicuãte riqui nguiã. Nyebe eriqui nguiã ñee icuã. ³⁶ Tacheẽ nyecua jẽje. Emo ñee ñooño mose, Dios ra ñee asite aque je. Dios mbã icuã ndea rea mose. ³⁷ Emo ñee turã mose, echiangui renda turã ño ñene. Nyebe ra Dios ñee asiã ee. Emo ñee ñooño mose, echiangui renda icuã ño ñene. Nyebe ra Dios ñee asi ũquí je, i que Jesús ñee nda.

Mbã mae sayã esaã ure je, i bei mbã Jesús je

³⁸ Fariseos mo ngue ngaẽ Jesús rea ra. Embesasa abe que ngaẽ erea ra. Ñee ngue ee ra. —Mbã mae sayã esaã na ure je, i rei que ñee Jesús je ra. ³⁹ Jesús que ñee ee ra. —Jẽicuãte riqui co mosenda jẽ ja ã. “Mbã mae sayã esaã ure je”, jenyẽ beite equia ã.

Mbã mae sayã mui ño nda asaã jẽje. Jonás na si. ⁴⁰ Sã Jonás ndiqui raque tres días sirã rie ye no nae. Jonás na sí ra asaã mbã je. Tres días ra aico ibicua rie. ⁴¹ Nínive jenda quia eturã jiri co mosenda si re. Dios ra co mosenda mbasi tuchi Nínive jenda si. Sã Nínive jenda huicua ndecha Jonás ñee mose ee no. Aico raque ñee jẽje co mosenda je co. Jẽ secheẽ jemumbate chõ chĩ nguia ã. Se quia raque ererecua tuchi Jonás si. Nyebe ra Dios jembaasi tuchi mbã icuã ndea rea mose. ⁴² La reina de Seba quia eturã jiri mbã co mosenda si re. Dios ra co mosenda mbasi tuchi la reina de Seba si. Sã la reina de Seba tu isho si tuchi Salomón ñee andu no. Se quia acheẽ ndaque quia jẽje. Searacua tuchi raque se quiatu Salomón si. Secheẽ jemumbate chõchĩ nguia ã. Nyebe ra Dios jembaasi tuchi mbã icuã ndea rea mose.

Aba checuayã icuã nyebi u mbã chiangui re

⁴³ Aba checuayã icuã usẽ mose emo ñia si, ngata bei chõ nguiã. “¿Mangue ra sequenea aucua que re?” i chõ nguiã. Uquenea ucua sacua mo etea eãte. ⁴⁴ “Tasobe rei nyebi. Ae si achu usẽ, aque chiã ye sí taso”, i que aba checuayã nda. Nyebi si mose u, mbã chiã oreãte que ee ra. Echiã ndecoteã eãte que ee ra. Tuchua tii ji raãte que ee ra. ⁴⁵ Aba checuayã icuã ngue nguesenda siete queru cote ra. Ique ja que ehoi aque chiangui re cote ra. Ae chiangui re aba checuayã icuã siete riqui nae, aque icuã i i tuchi que eriqui cote ra. Aba checuayã mui ngue siqui eye nyii ra. Etubiriãte cote. Aque icuã tuchi cote nyii si, i que Jesús mbã je ra.

Jesús nongue ngae erea usi resẽ

⁴⁶ Jesús ñee mbei mose que esi ngaẽ ndei ee huee ra. Jesús nongue ja rese. Chichõ ja chõ ngue taicuee ra. Ñee serete que ee ra. ⁴⁷ —Hue ndesi riqui nderequia taicuee huee. Ndenongue rese, i que emo Jesús mbiirandu ra. ⁴⁸ Jesús que ñee umbiirandusa je ra. —¿Aba je chõ aico “taĩ” i chã? ¿Aba je chõ aico “senongue” i no ña? i que Jesús ñee nda. ⁴⁹ Jesús que o mee uchimbaaquiutu cuti ra. —Ã je chõ aico nguiã “taĩ” i. Ã je chõ aico nguiã “senongue” i no. ⁵⁰ Ae Paba Ibatenda cheẽ mumbayã nguia nae, ũquí je chõ aico nguiã “senongue” i. ũquí je chõ aico nguiã “taĩ” i no, i que Jesús ñee ee ra.

13

Emo mbae eĩ mombiquia mbiquia

¹ Aque mose sí que Jesús si usẽ tuchia si ra. Tuchua si que esi ngoi ama ndish a nimíaa nda. ² Mbã que ngaẽ ngaẽ ja quia Jesús rea ra. Nyebe Jesús ua oso nguiã ngoi canoa ye. Mbã quiatu que chichõ ama nimíaa ndese ra. ³ Jesús que embaaquiutu

quiatu tuchi quia ra. Ejemplos que esaã saã tuchi ee ra. —Sã emo si rei mbae eĩ mombiquia mbiquia no. ⁴ Sã emo ndiqui uqui uqui ñeenda rui no. Sã nguireĩ ndiqui ngaẽ eu no. ⁵ Sã emo emo ndiqui uqui sita arõ no. Sita aronda suri jei raque. Ibi ererate quia ñene. ⁶ Tenda ibate mose que eriqui ñimama mano nda. Erao eãte quia ñene. Nyebe mano jei nguia. ⁷ Sã emo ndiqui uqui uqui nyu rãdaa no. Sã nyu abe riqui suri erese no. Nyu ruri que echati asi u eriquisã nda. ⁸ Sã emo ndiqui uqui uqui ibi túraã no. Úqui nguaiatu que ia turã nda. Sã emo ia cien no. Sã emo ia sesenta no. Sã emo ia treinta no. ⁹ Jëisa mose, ðsecheẽ jeñandu turã na!

Dios riqui ucheẽ mbiãsa jaaja jêje co, i uchimbaaquiatu je

¹⁰ Jesús chimbaaquiatu que ñee nye-cuayã Jesús isaã ra. —¿Mbaerã ejemplos achõ eresenei senei mbia je re? i que echimbaaquiatu ñee ee ra. ¹¹ Jesús que ñee ee ra. —Mbia rerecua tuchi quiarei lbatenda. Ae riqui nguia ucheẽ mbiãsa asa ja jêje co. Mbia ataque quia siqui sereã erese co. Mbia ataque je quia eriqui nguia ucheẽ mbiãsa eã jiri. ¹² Emo umbae rerecua mose, Dios ra emo mondobe ee. Emo embae eã mose, Dios ra embae sirõ ja esi. ¹³ Nyebe aico nguia ejemplos achõ nenei nenei mbia je co. Eanduchõ sacua. Eicua turã ndocoĩ. ¹⁴ Mbia eanduchõ mose que Isaías chimbese ique cote ra:

Mbia ra secheẽ ñandu raque.

Icuayã nguaiatu ra.

¹⁵ Eãquĩ átate riqui ã.

Secheẽ andu sereãte equia ã.

Mae sereãte equia sechiao rese ã.

Ndua eã mbei equia sereã ã.

Nyebe ra ambitirõ eã mbei,

i que Dios cheẽ Isaías chimbese rese ra. ¹⁶ Jẽ nguaiatu Dios cheẽ jeñandu turãte nguia ã. Jẽ nguaiatu jemaẽ serete nguia Dios chiao rese ã. Nyebe jeyate jẽingo nguia ã. ¹⁷ Tacheẽ nyecua jêje. Ae jeñandu quia secheẽ ã nae, Dios cheẽ mbuchecuasa ñiinda ã ñandu serete raque. Mbia turã ñiinda abe ã andu serete raque. Ñandu eã mbeite equia ã. Jẽ ae chõ jẽingo nguia eandu ã cote. Jẽ ae je chõ echecua riqui nguia.

Jesús ucheẽ mbiãsa uchimbaaquiatu je mbae eĩ ñi

¹⁸ Secheẽ tambiasa jêje cote. Mbae eĩ mombiquia mbiquia ji rii. ¹⁹ Ae uqui uqui ñeenda rui nae, Dios cheẽ andu choofosa rá ño úqui nde. Icuã eãte quia ñene. Nyebe diablo ru nguia Dios cheẽ ndirõ echiangui si. ²⁰ Ae uqui uqui sita arõ nae, mbia mo na ño úqui no nde. Dios cheẽ andu mose, isi turã ndaque. Eyate raque erese. ²¹ Mbia icuã icuã mose ee Dios cheẽ ñi, hui jei chõ

nguia esi. Mbae rao eã naanguia chõ úqui nde. ²² Ae uqui uqui nyu rãdaa nae, mbia mo na ño úqui no nde. Dios cheẽ andu turã ndaque. Siqui bei eã ño nguia erui. Umbaerã achõ ndese chõ eriquichĩ nguia ndua. “Mbaecha tuchite ra se”, i bei chõ nguia ndua ndua. Nyebe hui chõ nguia Dios cheẽ si. Nyebe Dios cheẽ ndiqui nguia ia eã mbeite ee. ²³ Ae uqui uqui ibi túraã nae, mbia mo na ño úqui no nde. Úqui nguaiatu Dios cheẽ ñandu turã nguia. Icuã icua turã ño nguia. Nyebe eriqui bei nguia erese. Ia ia bei raanguia cote. Emo emo ia cien. Emo ia sesenta no. Emo ia treinta no, i que Jesús ucheẽ mbiãsa ñee nda.

Mbae icuã suri trigo turã ndese

²⁴ Jesús que ejemplo nongue senei ee ra. —Sã emo trigo eĩ mombiquia mbiquia úcoo no. Úqui na ño Dios rimba riqui nguia ã. ²⁵ Sã trigo eĩ mombiquiasa uque cote no. Sã emo tu nyu eĩ mombiquia mbiquia trigo eĩ mumbara mbara no. ²⁶ Trigo eĩ ngue obo cote ra. Nyu abe que suri erese ra. ²⁷ Nyebe erimba ñee nguia echa je. “Trigo eĩ achõ eremombiquia mbiquia rei nguia seje. ¿Mbaerã nyu abe riqui suri suri erese re?” i que ererecua je ra. ²⁸ Ererecua que ñee ee ra. “Seucuãyãsa chõ úqui nde. Nyu eĩ mombiquia mbiquia chõchĩ trigo eĩ mumbara mbara”, i que ererecua ñee nda. —¿Ureso ra eriqui riqui re? i rei que erimba ñee nguerecua je ra. ²⁹ Ererecua que ñee nda. “Tei. Nyu riqui riqui mose ra trigo abe riqui riquichĩ nde. ³⁰ Sã echichõ ja. Eucua mose ja chee. Ea ireĩ mose quiatu ra acheẽ serimba je cote. Serimba ra nyu rane siqui siqui aque mose cote. Nyu ra esei cote. Aquere quia ra trigo a ishao shao erereco quiatu sacua sechuchua cote”, i que echa ñee nda, i que Jesús ñee nda.

Mbae eĩ na ño Dios rimba re

³¹ Jesús que ejemplo mo senei mbia je ra. —Mbae eĩ na ño Dios rimba re. Sã mbia mostaza eĩ tiquia no. ³² Eñetẽ tuchite raque mbae eĩ mo si. Suri oso quia cote. Ecuasu tuchite chee cote. Ira rá ño cote re. Nguireĩ nguichĩ quichi chee erãquiã ndese. Eĩ si chõ Dios rimba re. Úqui mii ndaque nyii. Ñimbeta tuchi cote. Mbae eĩ na, i que Jesús ñee nda.

Levadura rá ño Dios rimba re

³³ Jesús que ejemplo mo senei mbia je ra. —Levadura rá ño Dios rimba re. Sã mbia levadura ñetẽ mondo mbichae ao ramo mose no. Sã levadura riqui oso mbichae mbuchimatã ja no. Eĩ si chõ Dios rimba re, i que Jesús ñee nda.

Jesús ejemplos senei tuchi mbia je

³⁴ Eĩ ño ngue Jesús quia mbia tubirã mbaaquiatu quiatu ejemplos je ra.

Ejemplos achõ ngue esenei senei mbia mbaaquiato sacuaõ nda. ³⁵ Nyebe Dios cheẽ mbuchecuasa chimbesea ique cote. Eĩ ño echimbesea re:

Ejemplos je mbia tambaaquiato quiatu. Ae mbia icuayã mbeite quia nae, ùqui tam-buchecua mbia je, i que embesa ji ra, i que Jesús ñee nda.

Jesús ejemplo mbuchecua nyu eĩ ñii

³⁶ Jesús que mbia mondo ja cote ra. Aquere que esi ique tuchu a mo nda. Echimbaaquiato que ecurubite ñee ee ra. —Ae ejemplo eresenei mbia je nyu eĩ ñii nae, ùqui embiasa jiri ure je, i que ñee ee ra. ³⁷ Jesús que ñee ee ra. —Ae trigo eĩ mombiquia mbiquia nae, se rã ño ae re. ³⁸ Ae íbi emombiquia mbiquia nae, mbia ja rã ño ùqui ibi re. Trigo eĩ turã na ño Dios quiato re. Nyu eĩ icuã na ño diablo quiato no nda. ³⁹ Ae mbae eĩ icuã mombiquia mbiquia nae, aba checuayã nderecua rã ño ùqui nde. Mbae a ishao shao raanguia ra ibi ua mose cote. Mbae a ishao shaosa rã ño angeles re. ⁴⁰ Sã mbia riqui nyu mombo mombo tátaa nae, eĩ si ra Dios uquiatoã mombo tátaa ibi ua ja mose no. ⁴¹ Serimba ángeles ra amondo mbi a rea rea ja. Ae mbae icuã saã uquia quia mbia je nae, serimba ra ùqui sirõ ja. ⁴² Serimba ra ùqui mombo mondo tata cuásuu. Nyeseo seo tuchi ra tátaa. Huee ra ureĩ quti quti tuchi. ⁴³ Ae Dios mbuturã nae, ùqui nininya tuchi ra tenda rã si cote. Eru ibatenda siqui mose mbia rerecuarã tuchi.

Tesoro rã ndei Dios cheẽ

⁴⁴ Dios cheẽ nguiĩrĩ ñii ndei eturã tuchi mbae ja si. Eturã tuchi tesoro si no. Sã amei mo tesoro ati ji rea íbi no. Tesoro turã tuchi que ee ra. Amei ia tuchi que erea mose ra. Sã amei vender i ja umbae je no. Aque ibi isi sacuaõ. Tesoro mii ndese ndua.

Dios cheẽ ndei perla turã na

⁴⁵ Dios cheẽ nguiĩrĩ ñii ndei eturã tuchi mbae ja si. Sã comerciante mo perlas turã ndequia requia no. ⁴⁶ Perla turã tuchite mo ndea mose, aque mii ndese chõ eriqui nguiã ndua ndua cote. Sã vender i ja umbae je aque perla ribishorõ no.

Dios ra mbia icuã quirirõ

⁴⁷ Sira mbua mbua ji rã ño Dios rimba re. Sã emo tarafa mondo ii no. Sira chumumbarate que embua ra. ⁴⁸ Sã sira mbuasa mbiisẽ tuchi riqui no. Sã echa econosẽ serao usẽ cote no. Echa que ngoi sira turã irabo rabo cote ra. Sira icuã ndirirõ ndirõ emombo sacuaõ. ⁴⁹ Eĩ si ra Dios mbae ua ja mose. Dios ra ángeles mbu mbia icuã mombo sacuaõ mbia turã si. ⁵⁰ Eicuã nda emombo tata cuásuu. Nyeseo seo tuchi ra tátaa. Huee ra ureĩ quti quti tuchi.

⁵¹ ¿Secheẽ jẽ icuate rei quia ã nde? i que Jesús ñee mbia je ra. —Ae, i que ñee Jesús je ra.

⁵² Jesús que ñee ee ra. —Embesasa mo siqui mose serese, mbaecha rã ño aque re. Sã mbaecha riqui umbae ima ndirõ mbia je emo mose no. Umbae yasu abe rirõ emo mose no, i que Jesús ñee mbia je ra.

Mbia Nazaret jenda Jesús isiteã

⁵³ Jesús que ùqui ejemplos senei ja mbia je ra. Hue si que esi cote ra. ⁵⁴ Oso que ngasẽ nguecua Nazaret cote ra. Oso que mbia mbaaquiato judíos chumunuásaa ra. Nyebe mbia nyuruira tuchi nguiã ñee nyue. —¿Mangue eriqui ñimbaaquiato tuchite re? Nandemae sayã esaã saã tuchichĩ nguia re. ⁵⁵ Ira mbitirõ tirõsa ririĩ ño ndaque. María abe ririĩ ño ndaque no. Jacobo nongue chõ ndaque. José abe no. Simón abe no. Judas abe no. ⁵⁶ ã echari abe riqui ja raque nanderese ã. ¿Mañi equia mbae i cua ja tuchite re? i que mbia Jesús recu a jenda ñee nyue ra. ⁵⁷ Nyebe mbia hue jenda riqui Jesús isiteã nde. Jesús que ñee ee ra. —Dios cheẽ mbuchecuasa ishonda cheẽ nguia ra mbia isi turã mbei. Nguecua jenda cheẽ achõ nguia ra eisi turã eã. Ngõngue cheẽ achõ nguia ra eisi turã eã no, i que Jesús ñee nguecua jenda je ra. ⁵⁸ Hue jenda mbia que Jesús icua eãte ra. Isiteã ño ngue ra. Nyebe Jesús mbia mae sayã naa eã jiri nguiã ee huee.

14

Mbia Juan el Bautista iquia

¹ Mbia que jirandu ja Jesús rese cote ra. Herodes abe que jirandu erese ra. Ererecua que ae ra. ² Juan el Bautista Jesús riqui reĩ ee reaẽ. Ae que ñee ngũimba je Jesús rii nda. —Sechiquia quera si chõchĩ. Juan el Bautista quera si chõchĩ. Nyebe eriqui nguiã mbia mae sayã naa naa co, i que Herodes ñee Jesús rii nda. ³⁻⁴ Herodes que Juan isi icuã nyii ra. Nyucua que mondo tarõ nda. Paama i nda Juan je ra. —iNde ndenongue ninisi erereco aroneate jẽ! i quiatu que Juan ñee ee nyii ra. Herodes siqui mose nõngue ninisi rese. Herodías, i que enongue ninisi je ra. Felipe, i que enongue je ra. ⁵ —Juan taiquia, i rei que Herodes ñee nda. Mbia ataque quiarei siqui tuchi Juan ndese. Dios cheẽ mbuchecuasa, i chõ mbia nguiã Juan je. Nyebe Herodes siquiche jiri nguiã Juan iquiaiã aque mose. ⁶ Herodes mbae cumpleaños mose, Herodías ririĩ ngue nyuruqui ruqui mbia ja je aque mose ra. Nyucuaaque que ae ra. Herodes ia tuchi que mae nyucuaaque nyuruqui rese ra. ⁷ —¿Mbae ra amee ndeje re? Echeẽ ño seje. “Sebite co” nde i mose, aque tamondo ndeje. Acheẽ ñooño eã ño nguiã ndeje a, i que Herodes ñee nyucuaaque je ra. ⁸ Esi

quia ñee ñee nguia nyucuaaque je nyii reaē. Nyebe nyucuaaque ñee nguia Herodes je. —Juan el Bautista aqũ emee na seje mbia chiuru riru ye, i que nyucuaaque ñee ererecua Herodes je ra. ⁹ Ererecua chosoi que oso serĩ tuchi echeē andu mose ra. —Achechĩ se quia ee. A seresenda chi ja quiaru serese a resē. Ā seandu ja chõchĩ. Nyebe ra secheē ambuchebi eā ee, i que ererecua uchianguire ra. —Juan aqũ emee ee, i que ngũmba je cote ra. ¹⁰ —Juan aqũ jendoso oso cárcel. Jemondo nyucuaaque je, i que ra. ¹¹ —Juan aqũ ngue ecurucuaē mbia chiuru riru ye cote ra. Mee ngue nyucuaaque je cote ra. Nyucuaaque que emee usi je cote ra. ¹² Juan ñmbaaquiutu que ngaē Juan ndaaque rea ra. Nyati que suruchoi ra. Nyoĩ que Jesús mbiirandu erese cote ra.

Jesús mbichae tubiriã saã mbichae mĩje

¹³ Jesús jirandu mose Juan ndese que esi turúquiaa ra. Ama ndui que esi canoa ye ra. Mbía que jirandu randu erese ra. Nyebe nyoi ja nguia erui ibi rĩ. Sucha ja ja jenda. ¹⁴ Jesús que usē canoa si cote ra. Mbía tubiriã ndese que mae nda. Eya eã tuchite que erese ra. Erasi que embucherõ cherõ nda. ¹⁵ Tenda nyesece mose que echimbaaquiutu ñee ndei ee ra. —Mbae ãte a turúquiaa. Tenda abe nyesece. Mbía emondo rã sucha tubiriã nia. Sã echoi bei uchiurã isi, i rei que echimbaaquiutu ñee Jesús je ra. ¹⁶ —Sã echoi eã. Jeño mbae jemondo ee echiurã, i que Jesús ñee ee ra. ¹⁷ —Teĩ. Mbae quia ra aba mondo ee. Cinco chõ ngue mbichae ra. Sira abe nyeremoñote nyeresē, i que echimbaaquiutu ñee Jesús je ra. ¹⁸ —Jembu rã seje, i que Jesús ra. ¹⁹ Ñee ngue mbía tubiriã je cote ra. —Jengoi ja quiata tose, i que ra. Jesús que mbichae cinco sirõ cote ra. Sira nyeremo abe no. Mae ngue ibate ra. Gracias, i que ñee Dios je ra. Mbichae que esiquio quio cote ra. Mee ngue uchimbaaquiutu je ra. Echimbaaquiutu que emee mee mbía ja je cote ra. ²⁰ Mbía que embuquiuru ja tuchi cote ra. Miãtã tuchi que ra. Mbía huisa tubiriã ngue cote ra. Sira rire. Mbichae rire abe no. Doce iru que mbía mombisē esique sique je ra. ²¹ Ae mbichae u sira rese nae, etubiriã tuchite que ra. Cinco mil ndobei. Cuña abe etubiriã. Mbía riiri abe etubiriã no.

Jesús ngata i arõ

²² Aquere que Jesús uchimbaaquiutu mondo ja canoa ye ra. —Jē nane jēso sobei. Mbía tambui turã na mondo uchuchúaa se nyii, i que ra. ²³ Jesús que mbía tubiriã mbui turã mondo uchuchúaa cote ra. Ae ae que oso sita ibate rĩ cote ra. Ñee sacua Dios je. Huee que ae ae riqui itondaru chee ra. ²⁴ Canoa yenda que chi bei quia ama ite rĩ nda. Quiririã ngue tu icuã icuã ee ra. I

rebera que tu asi asi tuchi ee ra. ²⁵ Nguira cheē mose que Jesús ngasē ee ra. I arõ ngue esi quia ngata ra. ²⁶ Echimbaaquiutu que mae erese ra. Echiã ngue cuaacuã i tuchi ra. Ngata mose i arõ. —Aba checuayã ño tu nguia aqũ, i rei que tasē tasē nda. Siquiche tuchi que ra. ²⁷ —Jēsiquichechĩ nguia. Se chõ nyeresē, i jeite que Jesús ñee ee ra.

²⁸ Pedro que ñee ee ra. —Nde mose, echeē seje. “Echu ngata i arõ”, ere seje, i que Pedro ñee Jesús je ra. ²⁹ —Quitatuchu, i que Jesús ñee ee ra. Ae Pedro nguichi nguia canoa si i rese irõ. Oso nda ngata i arõ Jesús rea chã nde. ³⁰ Pedro mae mose quiririã icuã ndese que esiquichete ra. I que oso quia ñiimi nda. —¡Sererecua! ¡Senonosē na se! i que ñee Jesús je ra. ³¹ Ae Jesús o mondo nguia o iso. —Seicuayã ñochĩ. ¿Mbaerã ereico seicuayate re? i que Jesús ñee ee ra. ³² Ua mose canoa ye que quiririã tiba cote ra. ³³ Canoa yenda que ñee turãte Jesús je cote ra. —Dios rucucha tuchi chõ nde riqui re. ¡Ae bei jē! i que ee ra.

Jesús mbía Genesaret jenda mbucherõ cherõ

³⁴ Ngasē nyee que sobei cote ra. Genesaret, i que hue ibi je ra. ³⁵ Hue jenda que jirandu ja erese ra. Hue rurubinda abe que mbía mbiirandu erese ra. Mbía que er asi curucuaē cuaē ja Jesús je cote ra. ³⁶ —Sã mbía rasi oco oco rã ndeirao ai rese, i tuchi que mbía Jesús je ra. Ae oco erese nae, ũqui ngue nyerõ nyerõ ja ra.

15

Mbía chiangui renda ae chõ embiicuã nguia

¹ Aquere que fariseos mo ngaē ñee Jesús je ra. Embesasa mo abe que ra. Jerusalén jenda chõ ũqui ja ra. ² Ũqui ngue ñee Jesús je ra. —¿Mbaerã ndechimbaaquiutu riqui nanderamei ñee mumba mumba beite re? Echoi quiiriã mbei chõ quiaru nguia, i que ñee asite Jesús je ra. ³ Jesús que ñee ee ra. —¿Mbaerã jēingo Dios cheē mumba mumba jē nde? Jenamei ñee ndese chõte jēingochĩ nguia ã. Siqui rocoi Dios cheē ndese. ⁴ Dios que ñee mbía je cose ra. “Jēturu ño jēingo jendu je. Jēsi je abe no. Emo ñee icuã mose ngu rĩ, ũqui jēiquia. Emo ñee icuã mose usi abe rĩ no, ũqui abe jēiquia no”, i quia que Dios ñee mbía mbaaquiutu cose ra. ⁵⁻⁶ Dios cheē jenyabi tuchi chõchĩ nguia mbía mbaaquiutu quiatu ã. “Ae nda amee nei jēje, ũqui ngue amee ja Dios je ra”, i mose emo ñee ngu je, “coche ñene” jenyē chõchĩ nguia ee. Mbae mee eã mose ngu je. Usi abe je. Nyebe jēingo nguia mbía mbaaquiutu icuã icuã ũqui. Jenamei ñee achõ ño jēsenei senei nguia mbía je ũqui. Dios cheē nenei nenei ndocoi ee. ⁷ Jēturã jesaã ñooño ño

nguiã ùqui. Jeni tuchi chõ ngue Isaías embesa nguiã cose. Eí ngue Isaías embesa cose ra:

⁸ Æ mbia ñee turã ndaque quia seje ã.

Uchiangui re quia eriquiãte nguiã serese ã.

⁹ Ñee turãte raque equia seje ã.

Amei ñee achõ ño esenei seneichí nguiã mbia je.

Dios cheë mii nenei nenei ndocoí ee,

i que Isaías embesa jeni nda, i que Jesús ñee ucuasu raã naasa je ra.

¹⁰ —Jenyu rã secheë andu, i que Jesús ñee mbia tubiriã je ra. —Secheë jêicua rã jeñiangui re. ¹¹ Mbia chiú embiucua eã nguiã. Echiangui renda chõ embiucua nguiã. Echiangui renda chõ usë nguiã echuru rí echeë mose. Ûqui ño embiucua nguiã, i que Jesús mbia mbaaquiatu ra.

¹² Echimbaaquiatu que ngaë ñee Jesús ísaa cote ra. —¿Ereicuayãte ere? Ndecheë ngue fariseos mbupaama ite ra, i que echimbaaquiatu ñee nyecuayã ee ra.

¹³ Jesús que ñee ee ra. —Ae ira Paba Ibatenda chutã eã nae, ùqui nda esiqui ja erao resebe. Ûqui ira rã ño fariseos riqui nguiã ã. ¹⁴ Eresayã na ño fariseos riqui nguiã. Sã eresayã mo “ñeenda tateacuquia jêje” i raque emo je no. Quiachã ja chõ ndae, i que Jesús ñee ee ra. ¹⁵ Pedro que ñee ee cote ra. —Erecheë ngue namo, “ùqui nda mbia mbicuã” ere que, ùqui embuchecua rã ndecheë ure je, i que Pedro ee ra. ¹⁶ Jesús que ñee ee ra. —¿Jê abe jêicuayãte quia re?

¹⁷ Ae mbia u quia nae, oso chõ nguiã erie ye. Echiique rui chõ eriqui nguiã oso oso. Usë nyee. ¹⁸ Mbia chiangui renda chõ embiucua nguiã usë mose echuru rí. ¹⁹ Aba chiangui renda quia aba mundua icuã icuãte nguiã. Nyebe mbia riqui nguiã emo iquia. Siqui siqui emo ninisi rese. Emo ndu rese abe no. Siqui siqui eruã ndese no. Mbae mbuquiachã quiachã no. Ñee ñooño abe no. Ñee icuã icuã no. ²⁰ Mbia chiangui renda ja chõ ùqui nde. Ûqui ño mbia mbicuã icuã nguiã ùqui ao ao mose. Uchoi quiiri mose quiaru, ùqui nguia ra mbia mbicuã eã, i que Jesús ñee nda.

Ari mo Jesús icua

²¹ Jesús que nyoi hue recha cote ra. Ngasë ngue Tiro jii cote ra. Sidón jii abe no. ²² Ari mo Canaán jenda que siqui huee ra. Ae que tu ñee Jesús je ra. —David nducucha chõ nde re, Jesús. ¡Ndeyayã ño serese jê! Aba checuayã icuã ndiqui seriirí mbasi mbasi co, i tuchi que ari ñee Jesús je ra. ²³ Jesús que ñee ãte ee ra. Echimbaaquiatu que ngaë ñee Jesús je ra. —Ari emondo chõ uchuchúaa. Eñi mbeichí ñee nande je a, i que echimbaaquiatu ñee Jesús je ra. ²⁴ Jesús que ñee ee ra. —Sã ovejas mo quiachã no.

Ûqui na ño judíos riqui nguiã ã. Judíos achõ je chõ ngue Dios sembu nguiã, i que Jesús ee ra. ²⁵ Ari que tu ngoi nguiã ndese ñee Jesús je ra. —Sererecua, seriirí embucherõ na seje, i que ari ñee Jesús je ra. ²⁶ Jesús que ñee ee ra. —Judíos rese rane taico mbae raã naa. Ahui aronea judíos si, mbae raã naa mbiamo je, i que Jesús ee ra. ²⁷ Ari que ñee ee ra. —Aicuate raque se, Sererecua. Mbiamo ndaque ure. Judíos eã ndaque ure. Ure abe je chõ mbae esaã ae. Seriirí embucherõ seje ae, i que ari ñee ee ra. ²⁸ —Seicuate equia co, Ari. Nderiirí tambucherõ ndeje, i que Jesús ñee ari je ra. Aque mosechi tuchi que eriirí nyerõ nda.

Jesús mbia rasi chumumbara mbucherõ

²⁹ Jesús que oso hue recha cote ra. Oso que equia ama nimia ndui ra. Ama Ndisha Galilea nimia ndui. Hue si que esi sita íbate cote ra. Huee que ngoi huee ra. ³⁰ Mbia que ngaë ngaë tuchi quia ee huee ra. Erasi chumumbara rurucuaë cuaë tuchi ee. Ecuatayã. Eresayã. Echeë nguiã. Eo icuã. Mbia que ùqui ndasi chono ja Jesús i jii ra. Jesús que ùqui mbucherõ ja ra. ³¹ Nyebe mbia riqui nguiã nyuruira tuchi mae erese. Echeë nguiã ñee turã mose. Ecuatayã ngata turã mose. Eresayã mae turã mose. Nyebe mbia ñee turã ja nguiã Dios rii.

Jesús mbichae tubiriã saã mbichae mii je

³² Jesús que ñee uchimbaaquiatu ísaa cote ra. —Seyayãte aico ã mbia tubiriã ndese co. A echí arete serese tres días a. Embae mo eãte echirurã aa. Eriãcuã amondo sereãte echuchúaa. Eriãcuã nda equia ñeenda cúa, i que Jesús ra. ³³ Echimbaaquiatu que ñee ee ra. —Turúquiaa chõ nandeico a rese. ¿Mañi nda aba ã mbuquiaru ja re? Mbae eã tuchete a rese, i que echimbaaquiatu ñee Jesús je ra. ³⁴ —¿Manya mbichae jembae re? i que Jesús ee ra. —Siete mbichae. Sira ñetë mo ndese, i que ee ra. ³⁵ Jesús que mbia mbucoi ja íbii ra. ³⁶ Mbichae que eisi ja o je ra. Sira ñetë abe no. Gracias, i que Dios je ra. Mbichae que esiqui quio mbia je cote ra. Sir a rese. Mee ja que uchimbaaquiatu je cote ra. Ûqui ngue emee mee mbia ja je cote ra. ³⁷ Mbia que eu ja ñimbio chee ra. Mbichae sique sique que emunua nua ja ra. Sira sique rese. Siete iru que emombisë nyee ra. ³⁸ Mbichaecua rei mbia cuatro mil. Cuña abe abe. Mbia riirí abe abe no. ³⁹ Jesús que mbia mondochoi ja cote ra. Jesús que ua canoa ye cote ra. Oso que Magdala quti cote ra.

16

Mbia mae sayã eteacuquia ure je, i fariseos

1—Tã nande rã Jesús je, i que fariseos ñee nyue ra. Saduceos rese. Nyebe ùqui ngaiã nguiã ñee Jesús je. —Mbia mae sayã esaã na ure je. † nda “Dios chĩmbu” ure tuchi ndeje, i rei que ñee Jesús je ra. 2 Jesús que ñee ee ra. —Ibei jẽicuate raque ùqui. Ibei ireĩ ndese jemaie mose eresaitõ, “ama nda nyaaquã” jenyẽ chõ nguiã eicua. 3 Ibei ireĩ ndese jemaie mose eresaitõ ndabe, “nyaacui rae”, jenyẽ chõ nguiã eicua ùqui no. Ibei jẽicuate raque quia ã. Ae Dios teacuquia jẽje nae, ùqui jẽicuayã mbei chõchĩ nguiã ã. Ae ra tu icuãte mbia je nae, ¿mbaerã jẽingo ùqui nguiã icuayãte re? ¿Mbaerã jẽingo jẽaracua raã naa nde? 4 Mbia icuã ja chõ ã nde. Ae siqui ibi rĩ namo nae. Hui jate equia Dios si ã. “Mbia mae sayã esaã ure je”, i chõchĩ equia seje ã. Aque mui nda asaã jẽje. Jonás na si ra asaã jẽje, i que Jesús ñee nda. Oso que erecha cote ra.

Fariseos mbia mbaaquiãtu icuã, i Jesús

5 Jesús chĩmbaaquiãtu que uchĩurã curu-choi eã nda. Tesarei que esi nyoi mose sobei ra. 6 Jesús que ñee ee ra. —Mbichae mbuchimatãsa rã ndei fariseos cheẽ. Saduceos cheẽ abe no. Ùqui ñee ndese ra jẽingochĩ jẽ, i que Jesús ee ra. 7 —Mbichae quiãtu ngue nanderuã nguiã. Nyebe eriqui nguiã ñee nande je ùqui, i rei que echĩmbaaquiãtu ñee nyue ra. 8 Jesús que echeẽ ñee icuate ra. Nyebe ñee nguiã ee. —¿Mbaerã jẽingo “mbichae nanderuãchĩ” i re? ¿Mbaerã jẽingo seicuayãte re? 9 Ae rĩ aico ñee jẽje nae, ¿ùqui jẽicuayã mbeite quia re? Se mbichae mbeta mose ¿ùqui si jẽtesarei chõ nde? Cinco mbichae mbeta mose mbia cinco mil je, ¿manya iru jemom-bisẽ mbichae sique sique je re? 10 Siete mbichae mbeta mose mbia cuatro mil je ¿manya iru jemom-bisẽ mbichae sique sique je no? 11 Secheẽ mose jẽje nyii, “mbichae mbuchimatãsa rã ndei fariseos cheẽ”, i mose jẽje, secheẽ jẽicua rã. Mbichae rĩ aico ñee ãte jẽje co. Fariseos cheẽ ndese jẽingo eã sacua ño aico nguiã ñee jẽje. Saduceos cheẽ ndese abe jẽingo eã sacua, i que Jesús ra. 12 Echĩmbaaquiãtu que eicua chee ra. —Mbi chae mbuchimatãsa rĩ eã ño eriqui ñee nande je re. Ae fariseos senei senei icuã nguiã mbia mbaaquiãtu nae, ùqui ñi ño eriqui ñee nde. Saduceo ñee ñi abe no, i que echĩmbaaquiãtu eicua ramo cote ra.

Cristo chõ nde resẽ, i Pedro Jesús je

13 Jesús que nyoi Cesarea de Filípoo cote ra. Huee que ñee uchĩmbaaquiãtu je cote ra. —Mbiarã ngue achu ibii ra. ¿Aba aico reĩ se mbia je re? i que Jesús ñee ee ra. 14 Echĩmbaaquiãtu que ñee ee ra. —Juan el Bautista ereico reĩ nguiã mbia je co. Elías ereico reĩ nguiã emo je no. Jeremías ereico reĩ nguiã emo je no. Dios cheẽ nenei

neneisa mo ereico reĩ nguiã emo je no, i que echĩmbaaquiãtu ñee Jesús je ra. 15 —¿Aba aico reĩ jẽje co re? i que Jesús ee ra. 16 —Cristo chõ nde resẽ. Dios riiĩ ño nde resẽ, i que Pedro ee ra. 17-18 Jesús que ñee Pedro je cote ra. —Ndeyate ereico co, Simón. Mbia mo nembĩirandu eãte quia serese co. Paba Ibatenda mui ño nembĩirandu nguiã serese. Jonás ndiĩrĩ ndei nde. Tacheẽ tuchi ndeje. “Pedro” i chõ equia ndeje co. “Sita” i ñi Pedro je re. Aque sita arõ ño nda sembae iglesia achao. Satanás nda esiquisã eãte. Satanás quirãcuãte raque. Mbia iquiasa raque ae no. Ae ra sembae iglesia siquisã eã mbei. 19 Mbae tamee ndeje. Llave tamee ndeje. Aque je ra Dios recua iquesa erembuquiãta quiãta mbia je. Mbia ique sacua. Ae je ra erembuquiãta, ùqui nda ique. Ae je ra erembuquiãta eã, ùqui nda ique eã, i que Jesús ra. 20 Jesús que ñee uchĩmbaaquiãtu ja je cote ra. —“Jesús rei Dios chĩmondo” jenyechĩ nda emo mbiĩrandu jẽ, i que ee ra.

Mbia ra seiquia, i Jesús

21 Aque mose bei que Jesús umano nonde senei senei uchĩmbaaquiãtu je ra. —Paba ra sererao Jerusalén. Huee ra amei seiruã nu a tuchi. Sacerdotes rerecua abe ra sembae mbasi tuchi no. Embesasa abe no. Seiquia rae. Tres días mose ra aquera si, i que Jesús ñee ee ra. 22 Pedro que Jesús querao pe jiri ñee sacua ee ra. —Mbia ra jẽi jẽichĩ ndeje jẽ. Mbia ra ndeiquiachĩ jẽ, i rei que Pedro ñee asi ee ra. 23 Jesús que uba ñee Pedro je ra. —Ehui chõ sesi, Satanás. ¿Mbaerã ereico seriquisã quisã nde? Mbia ndua rã ño ereico nguiã ndua. Dios ndua rã eã, i que ñee Pedro je ra.

24 Jesús que ñee uchĩmbaaquiãtu je cote ra. —Emo siquise mose serui, sã hui ja mbae ubi si. Sã cruz umbaerã ndui se rã si. Sã eriqui serui bei cote. 25 Emo ndua bei mose nguero rese, ereco ra ua esi. Emo hui mose nguero si seje, ùqui nda siqui bei. 26 Emo nguero mumba chooño mose, eya eã mbei rae. Mbaecha rete raque. Emo nguero mumba chooño mose, mbae mo eãte ereco ribishorõ sacua. 27 Dios ra sembu si ibii uquirãcuã je. Ibatenda rese ra achu ángeles. Ae mbae turã saã saã nguiã nae, ùqui je ra mbae turã amondo se tu mose. Ae mbae icuã saã saã nguiã nae, ùqui je ra mbae icuã amondo no. 28 Tacheẽ nyecua jẽje. A jengu a nae, jemo nda jemaie sechu rese. Achu ra mbia rerecuarã tuchi cote. Jemo jemano eã mose r a achu mbia rerecuarã tuchi cote, i que Jesús ra.

17

Jesús nyĩcuabo uchĩmbaaquiãtu resaa

1 Tenda seis uare que Jesús uchĩmbaaquiãtu mo nderao sita ibátee ra. Pedro. Jacobo.

Juan abe no. Jacobo nongue rei Juan. Ũquí ngue equerao ja mbia tiásaa ra. ² Jesús que nyícuabo erésaa ra. Eruba que ñimbiasu ra. Tenda nininya rá tuchi que eruba ra. Eirao abe nininya tuchi que ra. Eiraoshí nininya tuchi que ee ra. ³ Mbia nyeremo ngue nyecua u ibate si ra. Jesús nininya mose que echí ñee ñee erese ra. Moisés que enongue ra. Elías que enongue ra. ⁴ Pedro que ñee Jesús je ra. —Sembaaquiatusa, nandecu turâte a. Sucha ñetê uresaã saã na, ndebi mose. Enongue nembraerã. Enongue Moisés mbaerã no. Enongue Elías mbaerã no, i rei que Pedro ñee Jesús je ra. ⁵ Pedro cheê mosete que ibeishí ndu eite ñi nda. Abamo ñee mo ngue echandu ibeishí qui re ra. —Co rei sebi tuchi seriirí co. Seya tuchite aico erese co. Echeê ñeñandu bei quia, i que Dios ñee ee ibeishí qui re ra. ⁶ Echimbaaquiatu que siquichete eandu mose ra. Echeê mose que ehoi nyaara ngué quiti ra. ⁷ Jesús que esichá oco oco erese ra. —Jêhuã na. Jêsiquichechí nda jê, i que ñee ee ra. ⁸ Echimbaaquiatu soboiba mose que mae Jesús mii ndese cote ra.

⁹ I ecuaê nguia nguichí mose sita ibate si que Jesús ñee ee ra. —Ae rese jemaee namo nae, ũquí nda jêsenei seneichí emo je jê. Seraaque quera si mose, aque mose ramo ño jêsenei senei mbia je cote, i que Jesús ñee ee ra. ¹⁰ Echimbaaquiatu que ñee ee cote ra. —Mbaerã “Elías rane nda tu Cristo si?” i embesasa re? i que ñee Jesús je ra. ¹¹ Jesús que ñee ee ra. —Ae bei. Coche Elías rane tu nguia mbae mbitirõ ja. ¹² Elías que tu ra. Mbia que eicuayâte ra. Mbia icuã icuã jate que eriqui ee ra. Eí si ra mbia icuã icuã seje no, i que Jesús ee ra. ¹³ Echimbaaquiatu que Jesús cheê icua ramo cote ra. —Juan el Bautista rií ño eriqui ñee nde, i que Jesús cheê icua ramo cote ra.

Jesús aba checuayã jea mbia riirí mo si

¹⁴ Ngasê ngue mbia ja je cote ra. Emo ngue ngoi nguã ndese ñee Jesús je ra. ¹⁵ —Seriirí embucherõ na, Sererecua. Tê i beite que equia ra. Titi titi i beite que equia no nda. Erasi tuchite. Ngoi coi beite tátaa. Ama ye abe ngoi coi beite. ¹⁶ “Seriirí embucherõ na”, ae rei ngue nguã ndechimbaaquiatu je. Mbia mbucherõ aquiatuã ño eriqui re, i que eru ñee Jesús je ra. ¹⁷ Jesús que ñee cote ra. —¿Mañi jenyje quia seicuayâte re? ¿Secheê jemumba tuchi chõ nguia re? ¿Ñimbirãcuã mbeite ra aba quia jêje re? i que Jesús ra. —Eriirí jendu rá seje, i que cote ra. ¹⁸ Jesús que ñee asite aba checuayã je cote ra. Aba checuayã ngue usê eriirí si cote ra. Aque mose tuchi que eriirí nyerõ cote ra. ¹⁹ Aquerre que echimbaaquiatu ñee Jesús ísaa ra. —¿Mbaerã ureico aba checuayã jea aroneate mbia si re? i que ñee Jesús

je ra. ²⁰ Jesús que ñee ee ra. —Seicuayâte jiri quiatu nguiaã ã. Tacheê nyecua jêje. Sã mostaza eí ñetête riqui raque no. Jê seicua ñetê mose, mbae ra asaã ja jêje. “Eso pe jiri”, jenyje mose co sita ibate je, siri ra oso pe jiri jeñee nguire. Jê seicua mose, mbae jê saã ja arondete. ²¹ Aba checuayã ngue ajae namo, ũquí nda jêjea eã jeñee eã mose Dios je. ũquí nda jêjea eã, jêhui eã mose jenyiu si, i que Jesús ñee ee ra.

Mbia ra seiquia, i si Jesús

²² Galilea rí ngue Jesús riqui ngata uchimbaaquiatu rese ra. Jesús que embaaquiatu quiatu quia ra. —Mbiarã ngue achu ra. Mbia ra semee mbia icuã je. ²³ Mbia icuã nda seiquia. Tres nyaashí mose r a aquera si, i que Jesús ra. Echimbaaquiatu ia eã tuchi que echeê mose ra.

Jesús mbae isiquia mondo impuestos pagar i sacua

²⁴ Ngasê ja que Capernaum cote ra. Ae impuestos isi isi quia Dios chuchua jenda nae, ũquí ngue nyoi ñee Pedro je ra. —¿Jenderecua impuestos mee eã nguia Dios chuchua jenda je re? i que ñee Pedro je ra. ²⁵ —Impuestos emee mee mbeite quia co, i que Pedro ee ra. Pedro que oso ique tuchúaa cote ra. Jesús rane ngue ñee ee ra. —I ere, Pedro. ¿Aba je mbia rerecua riqui “impuestos jemee na seje” i re? I eã nda nguiri je. Mbiamo je chõ nda ñee nguia, i que Jesús ee ra. ²⁶ —Ae. Mbiamo si ra eisi, i que Pedro ñee ee ra. Jesús que ñee ee cote ra. —Eriirí nda impuestos mee eã ee resê. ²⁷ Dios riirí ndaque se. Impuestos nandemee ndei Dios chuchua jenda je. Sã mbia ndua icuã eã nande rese. Quiatu ama ndíshaa. Sira mbabasa emondo ii. Ae rane nda sira erembua nae, aque churu ye ra mbae isiquia mo eretea. Aque emee serao impuestos isi isiquia je. Sembae impuestos sacua. Nembae sacuaã abe no, i que Jesús ñee Pedro je ra.

18

Ererecua tuchi ra se, i jaaja Jesús chimbaaquiatu nyue

¹ Aque mose que echimbaaquiatu ñee jate Jesús je ra. —¿Aba ra ererecua tuchi ure nderese re? i que ñee Jesús je ra. ² Jesús que ãquê mo mbucoi mii eite re ra. ³ Ñee ngue mbia je cote ra. —Tacheê nyecua jêje. Dios quiti jemba eã mose ra jenderecua eã mbei Dios. Mbia riirí na jéngoã mose ra jenderecua eã mbei Dios no. ⁴ Ae siqui quia cocheete nae, ũquí nda mbia rerecuarã nyee Dios rese. Ae siqui quia mbia riirí n a nae, ũquí nda mbia rerecuarã nyee Dios rese. ⁵ Ae eturã ndiqui mbia riirí je serã nae, seje abe chõ eturã ndiqui nguiaã.

Mbae icuã nda nandesã uquiachã emo je

⁶ Ae ra mbae icuã saã uquia seicuaasa mo je nae, ùqui nda mbae rasi saã tuchi cote. Ùqui nda aba mombo chõ ama ndisha ye nyii re chã. Sita resebe ecua ji mondo. † nda mbae icuã naa uquia eãte rei seicuaasa je. ⁷ Mbae icuã nguiarei siqui bei tuchi mbia mbicuaã nonde. Ae ñee nguia mbia je nae, “mbae icuã esaã” i nae, eicuã tuchi chõ ùqui nde. Ae “mbae icuã esaã” i nae, ùqui nda mbae rasi saã tuchi cote. ⁸ Ndeo nemingo mose mbae icuã ndese, ndeo echisia mombo. Coche rei ra erso ibate ndeo mii nderequia, siqui bei sacuaã huee. Ndei nemingo mose mbae i cuã ndese, ndei echisia mombo no. Coche rei ra erso ibate ndei mii nderequia, siqui bei sacuaã huee. Oso rocoi tata cuásuu, ndeo nyeremo nderao. Ndei nyeremo nderao. Tata ra uqueã mbei huee no. ⁹ Nderesa nemingo mose mbae icuã ndese, nderesa echoo. Coche rei ra erso ibate nderesa mii nderequia. Nemombo rocoi tata cuásuu, nderesa nyeremo nderao.

Oveja quiachã je

¹⁰ Seririĩ ñetê mo nda jêucuaãyãchĩ jê. Angeles riqui eraarõte ã. Angeles riqui Paba rese ibate pe. ¹¹ Se que achu quiachã je rea ra. ¹² Sã emo nimba quiachã oveja no. Cien ndei ngue erimba re. Co mii ngue quiachã ee ra. Aque esi quia quiachã je requia aque. Eataque recha. Noventa y nueve recha. ¹³ Tacheẽ nyecua jêje. Echa quiachã je rea mose, eyate que erese ra. Eya tuchi que erese ovejas ataque si ra. Quiachã eã je si. ¹⁴ Sã jendu ibatenda abe no. —Sã aque mii quiachã eã seririĩ ñetê mo, i chõ Dios nguiã co.

Emo mbae icuã naa mbei mose ndeje, etesarei sarei bei chõ

¹⁵ Nderesenda icuã mose ndeje, eso ñee ee. “Å ngue eresaã mbae icuã nda”, ere chõ ñee eisaa. Ndecheẽ andu turã mose, nderesenda que erembitirõ turã nda. ¹⁶ Ndecheẽ andu sereã mose, emo abe erao ñee sacuaã ee. Aque mii nda reae. Nyeremo nda re no ae. Ùqui abe ñee sacuaã ee. Jeñee ja mose ee hue rĩ ja, jêandu turã arõte. ¹⁷ Ùqui andu sereã mose, jeñee mbia chumunuásaa cote. Sã mbia ñumunua je ñee ja ee. Ùqui ñee andu sereã mose, jemombo chõ cote. Dios quiatoã naanguia jêsaã ño ee cote. Mbia icuã naanguia jêsaã ño nguia ee cote. ¹⁸ Tacheẽ nyecua jêje. Jê mbae mo ndiquisã mose, Dios abe ra esiquisã. Jê mbae mo ndiquisã eã mose, Dios abe ra esiquisã eã no. ¹⁹ Tacheẽ nyecua jêje. Jê nyeremo ndua turã mose hue rĩ sí, “co embu ure je” jenye turã ja mose Dios je, Paba Ibatenda ra emondo jêje. ²⁰ Jê nyeremo ñumunua mose

seriĩ, aico chee nguia jendese jêite re huee, i que Jesús uchimbaaquiatu je ra.

²¹ Pedro que ñee Jesús je ra. —Seresenda icuã mbei mose seje ¿manya veces ra atesarei eicuã si re? ¿Siete veces ra re? i que Pedro ra. ²² Jesús que ñee ee ra. —Tei. Siete veces eã. Eata tuchi quia ñene. Setenta veces siete quia ñene, i que Jesús ee ra.

Jendesenda icuã si chõ jêtesarei

²³ Sã ererecua mo ndiqui no. Dios rã si chõ ererecua re. Sã ererecua a cuenta raã naa ja ngũimba je no. ²⁴ Cuenta raã naa mose que erimba mo ndurucuaẽ ee ra. Aque que deber i tuchi quia ee ra. ²⁵ Mbae ãte que erimba mbae pagar i sacuaã nda. Nyebe ererecua ñee nguia. “Emae je vender nande ja rã. Eriiriĩ abe je vender nande. Eninisi abe no. Ae abe je vender nande. † nda cuenta ua jiri”, i rei que ererecua ñee nda. ²⁶ Erimba ia eã tuchi que echeẽ andu ra. Ngoi que nguia ndese ñee nguerecua je ra. “Sererecua, eico tochi chõ seje ae. Mbae tamondo ja chee ndeje”, i que erimba ra. ²⁷ Ererecua ia eã tuchi que erese ra. “Mbae emondo eã ndei seje pagar i sacuaã”, i chõ nyee que ee ra. Hui chõ nyee que esi ra. ²⁸ Erimba que usê ndei oso quia ra. Aque mosechi que ngasê nguenda mo je ra. Deber i mite rei ee reaẽ. “Pagar ere rã seje”, i que echosoi isi ra. ²⁹ Eresenda que ngoi nguia ndese ñee ee ra. “Eico tochi chõ seje ae. Mbae tamondo ja chee ndeje”, i que eresenda ñee ee ra. ³⁰ “Nya” i chõ ngue enongue echeẽ mose ra. Cárcel chõ ngue ererao chee matã nda. Mbae mondo ja chee sacuaã ee. ³¹ Eresenda ataque ia eã tuchi que mae erese ra. Nyebe echoi nguia ñee ererecua je. ³² Nyebe ererecua “echu” i nguia ee. “Serimba icuãte chõ ereicochĩ nde re. Ae deber ere seje, ùqui nii ngue acheẽ eãte ndeje. Seya eãte que nderese nde ñee mose seje nyii. ³³ ¿Mbaerã ndeya eã eã ño ndenongue rese nde re? Sã ñi seya eãte nderese nyii no”, i que ererecua ñee ee ra. ³⁴ Ererecua que paama i tuchi ee ra. “Jêiruã nua tuchi, pagar i ja chee”, i que ererecua ñee mbia je ra, i que Jesús mbia mbaaquiatu quiatu ra. ³⁵ —Eĩ sí ra Paba Ibatenda paama i jêje, jêtesareiã mose jendesenda icuã si, i que Jesús mbi a je ra.

19

Jesús ñee mbia ngũinisi mombo je ri

¹ Jesús cheẽ uare que esi Galilea si cote ra. Ama Jordán ndobei que esi sobei cote ra. Judea bei chõ hue ja ibi re. ² Mbia que nyoĩ ja tuchi quia eru ra. Huee que mbia rasi mbucherõ cherõ tuchi ra. ³ Fariseos mo ngue nyoĩ Jesús rĩchã nda. —Tã nande Jesús je no. Ma ñee Dios cheẽ abi, i que ñee nyue ra. —¿Coche mbia ngũinisi jea ubiã mose re? i que ñee Jesús je cote ra. ⁴ Jesús que ñee

ee ra. —¿Embesa ji rese jëingo mae äte re? “Dios mbia ao mose, nyeremo ngue echao ra. Eräcuë ngue echao ra. Eninisirä abe que echao no nda. ⁵ Nyebe ra emo ndiqui ngüinisi rese bei. Ngu si isho. Usi si abe no. Ngüinisi rese siqui bei sacua. Co mü na siqui sacua nyiese”, i ñi embesa ji re. ⁶ Nyeremo siqui rä eã ño cote re. Co mü siqui rä ño ùqui cote re. Ae Dios mbucha nyiese nae, sä ùqui hui eã mbei nyesi, i que Jesús ñee ee ra ⁷ Fariseos que ñee ee cote ra. —¿Mbaerä Moisés ñee ùqui nde? “Jeninisi jea nonde, papel mbesa je jemonde ee”, i ee re, i que ra. ⁸ Jesús que ñee ee ra. —¿Jeaquë ätäte quiatu ngue re. Nyebe Moisés embesa ngüiä jëje ùqui. Ùqui i äte que Dios mbia ao ramo mose nyii ra. ⁹ Ae ngüinisi jea nae, eninisi siquiä ndaque emo ndese, eicuä tuchi chõ ùqui nde. Ae ngüinisi rä no ndeabe mose, adulterio i que ùqui je ra, i que Jesús ñee ee ra.

¹⁰ Echimbaaquiatu que ñee ee ra. —Mbaeiaie mose ngüinisi jea mose ¿mbaerä nguiatu ra ngüinisi rä ndea re? i rei que echimbaaquiatu ñee nda. ¹¹ Jesús que ñee ee ra. —Mbia ja riqui ùqui icua eãte ä. Ae Dios mbaaquiatu quiatu nae, ùqui mü ño siqui ngüiä eicua ä. ¹² Ae eninisi sereä mbeite nae, ùqui nda siqui turä, eninisiä ndaque rae. Emo nyia o ji mose, ùqui abe ra siqui turä, eninisiä ndaque rae. Emo ngüinisi rä nderequia eã mose Dios rä, ùqui abe ra siqui turä, eninisiä ndaque ra eno. Ae ra “coche seninisiä aico ngüiä co” i mose, sä eriqui bei eninisiä, i que Jesús ñee ee ra.

Jesús mbia riirí isi turä turä

¹³ Mbia que ngüirí ngurucuaë cuaë nguia Jesús je ra. Jesús o noono sacua eäqui arõ. Jesús ñee sacua Dios je eriü. —¿Mbaerä jendiirí jendu quia co re? i rei que Jesús chimbaaquiatu ñee mbia je ra. ¹⁴ Jesús que ñee nda. —Tei. Jëhui chõ esi. Sä ngüirí ndurucuaë cuaë seje. Eï ño Dios rimba ngüiä. Ucuasu raã naa eã. Mbia riirí na, i que Jesús ñee ee ra. ¹⁵ Jesús que o chono ñono mbia riirí arõ nda. Aquere que esi ngata cote ra.

Acuanindu mbaecha mo ñee Jesús je

¹⁶ Acuanindu mo ngue tu ñee Jesús je ra. —Mbia mbaaquiatusa turä nde. ¿Mbae turä mo nda asaã Dios je semingo bei sacua nde? i que ñee Jesús je ra. ¹⁷ Jesús que ñee ee ra. —¿Mbaerä ereico eturä i seje re? Dios mü ño eturä ndesë. Nde ndeico beise mose, Dios cheë emumbayä ja, i que Jesús ñee e e ra. ¹⁸ —¿Mbae ra amumbayä Dios cheë nde? i que acuanindu ee ra. Jesús que ñee ee ra. —“Mbia mo nda ereiquiachí. Emo ninisi rese ra ereicochí. Mbae mo nda erembuquiachí. Erecheë ñoofochí nda emo mü. ¹⁹ Ndeturä ño nderu je. Ndeturä ño ndesi abe je. Sä erecheseua ndechiese

no nae, eï ere si chõ nyeseua nde ji jenda rese”. Dios cheë ja chõ ùqui nde. Mbia echeë mumbayä sacua, i que Jesús ñee acuanindu je ra. ²⁰ Acuanindu que ñee ndei ee ra. — Ùqui ngue amumbayä ja bei quia ra. Señetë mosenda bei. ¿Mbae mo abe ra asaã nde? i que acuanindu ñee Jesús je ra. ²¹ Jesús que ñee ee ra. —“Taico turä tuchi”, nde i mose, ä abe esaã. Nembae emondo mondo ja mbia mbaecha reã je. Nde ùqui naa mose, mbae tubiriä nda nembae, ndeico mose ibate. Nembae mondo ja mose mbaecha reã je, serui eico cote, i que Jesús ee ra. ²² Acuanindu Jesús cheë andu mose que echosoi oso serite cote ra. Eyayäte que oso ra. Mbaecha tuchite quiatu ngue ae re.

²³ Jesús que ñee uchimbaaquiatu je cote ra. —Tacheë nyecua jëje. Mbaranguiatu äte mbaecha je ngasë sacua ibate siqui bei sacua huee. ²⁴ Sä ticuasuo mo ndiqui oso aroneate ique aguja sorei rí no nae. Eï si chõ mbaecha no nde. Oso aronea ibate Dios rese, i que Jesús ra. ²⁵ Echimbaaquiatu que nyuruira tuchi echeë andu ra. —¿Aba quia ra oso Dios rea ibate re no? i que echimbaaquiatu Jesús je cote ra. ²⁶ Jesús que mae erese ñee ee ra. —Ae mbia saã aroneate quia nae, Dios mü ño nda esaã, i que Jesús ee ra. ²⁷ Pedro que ñee Jesús je ra. —Ure que urembae uresech a ja ra. Siqui sacua nderui. ¿Mbae ra ereme ure je re? i que Pedro ñee nda. ²⁸ Jesús que ñee ee ra. —Tacheë nyecua jëje. Dios mbae mbiasu ja mose ra erereua tuchi rei se cote. Mbia ra mae ja serese aque mose. Aque mose ra jë abe erereua. Jë doce. Trono jaaja ra jembraerä cote. Judíos rereua ja ra jë. ²⁹ Emo umbae secha ja mose siqui sacua serui, embae ra asibishorõ tuchi ee cote. Ae uchuchua secha. Ae ngõngue secha. Ae ngu secha. Ae usi secha. Ae ngüinisi secha. Ae ngüirí secha. Ae umbae ibi secha no. Ùqui mbae ja ra asibishorõ tuchi cien veces. Aquere ra siqui bei tuchi Dios rese ibate cote. ³⁰ Ae rane eriqui nyii nae, ùqui nda siqui mbia rui tuchi cote. Ae siqui quia mbia rui tuchi nyii nae, ùqui nane nda cote, i que Jesús ra.

20

Ae rane eriqui nyii nae, ùqui nda siqui mbia rui tuchi cote

¹ Jesús que mbia mbaaquiatu quiatube no nda. —Dios rei mbia rereua tuchi. Sä mbaecha mo ndiqui no. Sä mbaecha uva tubiriäte riqui embae no. Sä mbaecha mbia mo ndea rea umbae ishao shao sacua no. Nyaashí namo mose. ² “Denario mü tamondo mondo ja jëje. Sembae ishao shao sacua tenda mondo chee”, i que emondochoi úcoo cote ra. ³ Tenda chui mose que

mae emo ndecoteã eã ndese ra. ⁴—Jê abe jêso sembae ishao shao. Mbae mo tamee jêje, i que ee ra. Nyoï que echeê mose ra. ⁵ Tenda nandeite re mose que echa emo mondo choi cote ra. Umbae ishao shao sacua. Eï si que echa tenda chaara ramo mose no nda. ⁶ Tenda ireï mose abe que mae emo ndecoteã eã ndese no nda. “¿Mbaerã jêingo tenda mondochooño siqui rocoï mbae mo ndese a re?” i que echa ñee ee ra. ⁷ “Emo ngue ‘mbae mo esaã seje’ i âte ure je ra”, i que ee ra. “Jêso jê abe sembae ishao shao. Mbae mo tamee jêje”, i que echa ee ra. ⁸ Itondaru ramo mose que echa ñee mbia reaquiatusa je ra. “‘Jenyu’ ere sembae ishao shaosa je. Pagar ere rã ùqui ja je. Ae ique ramo eresaitô nae, ùqui nane je pagar ere. Ae rane ique nyii nae, ùqui je pagar ere hui bei cote”, i que echa ñee nda. ⁹ Ae ique eresaitô nae, ùqui nane je que denario mii mee mee nda. ¹⁰ Ae rane ique nyii nae, ùqui ngue ñee ñee u nyue ra. “Eata jiri ra emee nande je reae. Nande rane ngue uva a nandeishao shao”, i rei que eu ñee ñee nyue ra. Ùqui je abe que denario mii mee mee nda. ¹¹ Pagar i mose ee que ñee asi asi echa je ra. ¹² “Ae ique ramo eresaitô nae, ùqui ngue mbae ishao shao eã jiri resê. Eresaitôte que ique. Ure quiatu que tenda uremumba rei uva a ishao shao ndeje. ¿Mbaerã mbae isiquia eremee ee ure rã si chõ nde?” i que ñee echa je ra. ¹³ Echa que ñee ùqui mo je ra. “Mbae icua mo asaã eãte ndeje resê. ‘Denario mii’, nande que ñee nyii resê. ¹⁴ Quiatu nembae denario rerao cote. Ae ique ramo nae, ùqui je abe denario tamee mee nde rã si. ¹⁵ Sembae ae rese aico nguiã. Sembae amondose mose emo je, ¿amondo aroneate se re? Se sembae mee mose emo je, ¿ndebiãte ùqui nde?” i que echa ñee ee ra. ¹⁶ Ae rane eriqui nyii nae, ùqui nda siqui mbia rui tuchi cote. Ae siqui quia mbia rui tuchi nyii nae, ùqui nane nda cote. “Jenyu serui” i tuchi Dios quia mbia ja je co. Mbã mii ño eisirô sirô nguiã co, i que Jesús ñee nda.

Mbia ra seiquia, i si Jesús

¹⁷ Jesús que ngata oso quia Jerusalén quitu ra. Uchimbacquiatiu que equerao mbia tiãsa ñee sacua ee ra. ¹⁸ —Co nyao quia Jeursalén co. Huee ra mbia semee sacerdotés rerecua je. Embesasa abe je. “Jesús jêiquia”, i ra seriï. ¹⁹ Semee nda judíos eã je cote. Seiquia sacua. Mbã ra secheê saã saã. Seiruã nua abe ra eno. Sembucha chee ra iquia ira rese. Tres nyaashï mose ra aquera si, i que Jesús ñee ee ra.

Ererecuarã ure, i raque Jacobo, Juan ndese

²⁰ Ari mo ngue oso Jesús riichã nda. Jaco si. Juan si. Zebedeo riiri ngue ùqui

nda. Ari que oso Jesús riichã nguiiri ndese ra. Ngoï que nguiã ndese ñee Jesús je ra. —Mbae mo esaã na seje, i que ee ra. ²¹ —¿Mbae ra aba saã ndeje re? i que Jesús ñee ari je ra. Ari que ñee ee ra. —Ndeico mose ererecua tuchi, sã seriiri abe riqui ererecuarã nderese. Sã seriiri ngoï ja u ndejii. Enongue chí ngoï ndequito cuti. Enongue ndequiato cutiã no, i rei que ari ñee Jesús je ra. ²² Jesús que ñee ee ra. —Ae riï jêingo ñee seje nae, jêirandu turã eãte ùqui ndese. Ae rasi ra asaã tuchi nae, ¿ùqui ndasi ra jêsaã jê abe re? i que Jesús ee ra. “Ae”, i que ari riiri ñee ee ra. ²³ Jesús que ñee ee ra. —Ae bei. Ae rasi ra asaã tuchi nae, ùqui ndasi ra jêsaã tuchi raque jê abe. “Ererecuarã ure”, jenye que seje, ùqui asaã aroneate se jêje. Paba ae quiatu ra ùqui saã. Ae ebite, ùqui nda emii ererecuarã, i que Jesús ra. ²⁴ Echimbacquiatiu ataque que jirandu erese ra. Echimbacquiatiu diez. Paama i que Juan je ra. Jacobo je abe. ²⁵ Jesús que “jenyu” i ñee uchimbacquiatiu ja je cote ra. —Mbã ataque rerecua riqui ucuasu raã naa tuchi ngũimba je ùqui. ²⁶ Ùqui nda jêsaãchï jê. “Ererecua ra se”, i mose jemo, sã aque riquichõ uataque rimbarã. ²⁷ Jemo “se rane jê” i mose, sã ùqui ndiqui bei mbae turã naa naa uataque je. ²⁸ “Sã mbã mbae turã naa naa seje”, ae eã ngue u ra. “Se quiatu mbae turã tasaã saã mbã je”, ae u nguiã. Co achu quia mano mbã tubiriã ndiquicharõ sacua co, i que Jesús ñee nda.

Jesús mbã nyeremo ndesayã mbucherô

²⁹ Jesús que ngata oso quia Jericó si ra. Uchimbacquiatiu rese. Mbã tubiriã ngue nyoï quia erui ra. ³⁰ Eresayã nyeremo ngue chí ñeenda jie ee ra. Eresayã ngue jirandu Jesús ucua rese ra. Ñeemombo mombo que Jesús je ra. —¡Sererecua! ¡David rucucha! ¡Ndeya eã ño urerese jê! i que eresayã ñee Jesús je ra. ³¹ —¡Jêquiriri chõ jê! i tuchi rei que mbã ñee ee ra. —¡Sererecua! ¡David rucucha! ¡Ndeya eã ño urerese jê! ibe que eresayã ñee Jesús je ra. ³² Jesús que tiba ñee ee cote ra. —Jenyu rã. ¿Mañi ae ra jêje re? i que Jesús ñee eresayã je ra. ³³ —Ureresa embuturã na. Urererecua, i que eresayã ñee ee ra. ³⁴ Jesús ia eã tuchi que erese ra. Oco ja que eresa rese ra. Aque mose tuchi que eresayã ndesa turã ja cote ra. Mae turã ngue cote ra. Jesús rui que echoi quia cote ra.

21

Jesús ngasê Jerusalén

¹ Jesús que Jerusalén curubite nyoï quia ra. Betfagé, i que hue sucha je ra. Ibi ibate mo abe que chí huee ra. Monte de los Olivos, i que hue je ra. Hue si que Jesús uchimbacquiatiu nyeremo mondo ra. ² Ñee ngue ee ra. —Achi súchaa chõ jêso rã. Burro

cuasa ra chĩ nguiĩ ndese jēje huee. Ūquĩ jenyura seru seje. ³ Emo ñee mose jēje, “¿mbaerã nda jenyura re?” i mose jēje, jeñee ee. “Nandererecua que ‘jendu’ i ra. Mondo jeibe ra jēje”, jenyee ee, i que Jesús ñee ūquĩ nyeremo mondo ra. ⁴ Embesa ji cheẽ io sacua ño ngue ūquĩ nda. Embesa ji huĩ a:

⁵ Jeñee Jerusalén jenda je. “Isã jē! Jendererecua ru quia jēje burro ato co. Ucuasu esaã saã eate u quia co.

Burro ririĩ átoo eru quia co”, jenyee ee, i que embesa ji huĩ nyii ra. ⁶ Ūquĩ nyeremo ngue Jesús mondo cote ra. Ae rĩĩ Jesús ñee ee nae, ūquĩ ngue nyecua ja ee cote ra. ⁷ Burro que ecuruchoi Jesús je ra. Huiĩrao que echono ñono burro quite arõ nda. Burro ririĩ quite arõ abe. Jesús que nyui eato cote ra. ⁸ Jesús que ngata rei oso quia burro átoo ra. Mbia tubiriã ngue huiĩrao mbiitee tee nyoi quia ibi rĩ enonde ra. Emo emo ngue sindo mbiitee tee ee no nda. Jesús oso sacua hue rĩ. ⁹ Mbia ia tuchi que tasẽ tasẽ nda. —Co nandererecua ru quia ngasẽte co. Co Dios chimbu ru quia ngasẽte nande je co. David rucucha ru quia co. Dios turã tuchi riqui nande je co, i tuchi que mbia quia ñee nda. Ae nyoi quia Jesús nonde nae, ūquĩ. Ae nyoi quia erui nae, ūquĩ abe no. ¹⁰ Jesús que ngasẽ Jerusalén cote ra. Mbia hue jenda ia tuchi que o o ja erese ra. —¿Aba co re? i tuchi que quia Jesús rĩĩ nda. ¹¹ Mbia ataque que echeẽ sibishorõ nda. —Dios chimondo chõ co re. Jesús i equia ee. Nazaret de Galilea jenda chõ ae re, i que ñee nda.

Jesús mbia mbusẽ Dios chuchua si

¹² Jesús que oso Dios chuchúaa ra. Huee que mbia riqui mbae isi ibi ra. Mbae mondo mondo abe mbae isiquia ribishorõ. Ūquĩ ja que Jesús mombo hue si ra. Ae mbae isiquia sibishorõ shorõ nguia, ūquĩ mbae abe que embuchiichere chere ja mesa ra. Mesa aronda resebe. Ae nyurushi cuasu mondo mondo mbia je mbae ribishorõ nae, ūquĩ nenda abe que embuchiichere chere ra. ¹³ Jesús que ñee ūquĩ ja je ra. —“Mbia cheẽsa Dios je”, i ra mbia Dios chuchua je”, i rei que embesa ji huĩ nda. Jē nguia jēicua tuchite Dios chucha a je re. Mbae mbuquiachãsa chuchua jēsaãte chĩ nguiã ee, i que Jesús ñee asite ūquĩ je ra.

¹⁴ Jesús siqui mose Dios chuchúaa, mbia resayã ngue nyoi nyoi erea huee ra. Mbia cuatayã abe no. Jesús que ūquĩ mbucherõ ja ra. ¹⁵ Ererecua cuabẽte que chĩ mae icua icua erese ra. Sacerdote rerecua abe no. Embesasa abe no. Jesús chisaã turã ndese mae mose que paama ite ee no ra. —David rucucha turãte riqui co, i mose mbia ririĩ Jesús rĩĩ, ūquĩ mose que ererecua paama i ja Jesús je ra. ¹⁶ —¿Mbia ririĩ ñee erchandua quia re? i que ūquĩ ñee Jesús je ra. Jesús que

ñee ee cote ra. —Ae. ¿Embesa ji rese jemae eate re? “Dios ra mbia ririĩ mbucheẽ turã uturã nĩ”, i que embesa ji ra, i que Jesús ñee ererecua je ra. ¹⁷ Jesús que oso mbia rerecua recha ja cote ra. Sucha tubiriã abe recha. Oso que Betániaa nda. Huee que itõ nda.

Jesús ñee icua higo i je

¹⁸ Isamamimbe que Jesús choi sí quia sucha tubiriã nda. Eriãcuãte abe que nyoi quia ra. ¹⁹ Higo i mo ndese que mae ñeenda jite ra. Sũchã ndei que oso ra. Ea eate que ee ra. Ero achõte chõ ngue ee ra. Nyebe Jesús ñee nguiã higo i je. —Ndea eã mbei r a cote, i que Jesús ñee ee ra. Aque mosebe tuchi que esi quia ñimama mano nda. ²⁰ Echimbaaquiatu que nyuruira tuchi mae erese ra. —¿Mañi higo i quia ñimama asite mano nde? i que ñee Jesús je ra. ²¹ Jesús que ñee ee ra. —Tacheẽ nyecua jēje. Ae asaã higo i je nae, jē abe ra ūquĩ jēsaã serã sí, jē Dios jēicua tuchi mose. Jeñee nyee ra sita ibate mo je. “Esiri rã oso am a ndisha ye”, jenyee chee ra sita ibate mo je. Sita ibate ra jeñee mumbayã jē Dios jēicua tuchi mose. ²² “Á emondo seje”, jenyee mose Dios je, mondo r a jēje. “Dios ra emondo seje”, jenyee mose jeñiangui re, Dios ra emondo jēje, i que Jesús ra.

¿Aba nembu re? i mbia ñee Jesús je

²³ Jesús que oso Dios chuchúaa ra. Huee que eriqui mbia mbaaquiatu quiatu ra. Sacerdote rerecua que nyoi ñee ee amei ndese ra. —¿Mbaerã ereico mbia mbaaquiatu quiatu Dios chuchúaa re? ¿Aba “ūquĩ esaã saã” i ndeje re? i que ererecua ñee ja Jesús je ra. ²⁴ Jesús que ñee ee ra. —Se rane tacheẽ jēje. Se rane preguntat tae jēje. Secheẽ jēsibishorõ turã mose, ūquĩ mose quiatu ra jeñee asibishorõ turã se abe. ²⁵ ¿Aba ñee Juan je re? “Eso bautizar i mbia je” i ee re. ¿Dios eã ño ere? Jeñee seje, i que Jesús ee ra. Ererecua que ndua ndua ja u cote ra. Ñee ñee ngue u nyue ra. —¿Mañi nande ra echeẽ ndobeishĩ nde? “Dios que Juan mbu ra”, nande aroneate ñee ee. Nyebe ra ñee nande je. “¿Mbaerã jēingo eate erui re no?” i quiarei ra nande je. ²⁶ “Dios eã ngue mbu ra”, nande aroneate ñee ee no. Mbia ataque ra paama i tuchi nande je. Juan quiatu tuchi quiarei mbia, i que ererecua u ñee ñee nyue ra. ²⁷ Ererecua que ñee nyee Jesús je cote ra. —Ureicuayãte. Aba chõ Juan mbu bautizar i sacua mbia je, i que ererecua ñee ja Jesús je ra. Jesús abe que ñee ee cote ra. —Se abe tacheẽ eã ndei jēje no. Ae “ã esaã” i seje nae, aque rĩĩ nda acheẽ eã jēje no, i que Jesús ererecua je ra.

Acuanĩndu ndua ndua si

²⁸ Jesús que ñeembe ee ra. —I ra ã jêje reae. Sã amei mo ndiirĩ nyeremo no. “Quiatu rã uvas ishao shao seje”, i que amei nguiirĩ ndiquij je ra. ²⁹ “Nya” i rei que eririirĩ ndiquij ñee ngu je ra. Aquere que ndua si chõ oso uvas ishao shao ra. ³⁰ “Quiatu rã uvas ishao shao seje”, i rei que amei ñee nguiirĩ nduinda je cote ra. “Se quiatu taso, Paba”, i rei que ee ra. Osoã ño ngue ra. ³¹ ¿Ma ngu cheê mumbayã ùqui mo nde? i que Jesús ñee judíos rerecua je ra. —Eriqui chõ ngue ngu cheê mumbayã ndesê, i que ñee ee ra. Jesús que ñee ee ra. —Tachêê nyecua jêje. Cuñandu ata ata riqui Dios cheê andu turã jêsi ã. Impuestos isi isiquia abe riqui Dios cheê andu turã jêsi ã. Ûqui nda siqui tuchi Dios rese jêsi. ³² “Ei jenye chõ siqui turã Dios je”, i rei que Juan el Bautista jembaaquiату quiatu ra. Jê nguiatu que echeê jemumbate ra. Cuñandu ata ata quiatu que echeê isi turã nda. Impuestos isi isiqui a rese. Ûqui ndese mae mose abe que jêya eã eã jêicuã ndese no nda. Jê echeê isi turã sacua.

Uva raarõsa icuã icuã nguerecua je

³³ ã abe jeñandu. Sã mbia ibicha mo ndiqui no. Sã eriqui uva i tiquia tiquia no. Sã etarõ no. Uva rique rirurã abe que echao ra. Sucha ibate mo abe que echao ra. Uco raarõ turã ja sacua. “Sembae uvas jêsaarõ”, i que emo je cote ra. Ae que oso isho itõte cote ra. ³⁴ Uva quiche mose que ngũimba mo mondo rei umbaerã ndea ra. ³⁵ Uva raarõsa que erimba mbucuasê icuã ño nda. Iruã nua ño ngue ra. Echa que ngũimba nongue mo abe mondo rei erea ra. Eraarõsa que aque iquia ra. Enongue que echei chei tuchi mbuqui sita je ra. ³⁶ Ei ei mbei que eraarõsa quia echa rimba ja je ra. ³⁷ Aquere que echa nguiirĩ mondo erea cote ra. “Irei irei jiri ra seriirĩ si”, i rei que ra. ³⁸ Uva raarõsa mae mose erese que ñee nyue ra. “iCo eririirĩ ndu quia co cote jê! iNandei quia rei jê! i nda uvas nandembaerã ae tuchi cote”, i que ñee nyue ra. ³⁹ Eraarõsa que eririirĩ isi icuã cote ra. Curuchoi que pe jiri iquia ra. Mano ngue cote ra. ⁴⁰ ¿Mañi nda echa quia eraarõsa je cote re? i que Jesús ñee mbia je ra. ⁴¹ Mbia que ñee ee ra. —Echa ra eraarõsa icuã iquia ja cote. Uva i ra emondo emo je eraarõ sacua cote. Ûqui nguia ra embaerã mee turã turã ee equiche mose, i que mbia ñee Jesús je ra.

⁴² Jesús que ñee mbia je ra. —¿Ã embesa ji rese jemaê ãte re?

Sã emo ndiqui tuchia ao sita je no.

Sita mo ngue equirirõ mombo ra.

Eicuãte eriqui rei nguia ee.

Aquere Dios emundua si erese. “Earonda sacua turambi chõ eriqui re”, i ndua si uchimombo rese.

Uchimombo que esirõ si cote ra.

Dios chiao chõ ùqui nde.

Dios chiao turã tuchi riqui nande je ã, i ñi embesa ji re. ⁴³ Tachêê nyecua jêje. Jenderecua eã nyee ra Dios cote. Ae mbiamo nda Dios icua nae, ùqui nderecua quia ra Dios cote. ⁴⁴ Ae ra ngoi aque sita arõ nae, ùqui nda huê. Aque sita ngoi mose emo arõ, ùqui nda mano no, i que Jesús ra. —Aque sita rã ndei se, i chõ ngue re.

⁴⁵ Sacerdote rerecua que Jesús cheê ñandu ja ejemplos ra. Fariseos abe ehandu ja. —Urerĩ ño eriqui nguia ñee co, i que ndua ndua ra. ⁴⁶ Paama i tuchi que Jesús je ra. Jesús nda eisi icuã nguia ña. Siquiche quiatu que mbia si ra. —Dios cheê na si tuchi chõ Jesús riqui nguia ñee co, i jate quiatu que mbia ataque quia ra.

22

Jenyu quiaru serese, i raque emo uquiato je

¹ Jesús que ejemplo mo senei mbia je ra. ² —“Jenyu serea”, i raque Dios quia emo emo je co. Sã ererecua mo ndiqui ñee mbia je no. “Jenyu quiaru serese”, i rei que uquiato je ra. Eriirĩ ngũinisi rea ramo mose. ³ Mbae quiche ja mose que ngũimba mo mondo rei mbia mbiirandu ra. Mbia que ngaê sereã nea ja chõ erea ra. ⁴ Ngũimba mo ngue emondobe rei erea ra. “Mbae quiche jate que ra. Ticuasua quira tuchi que equishĩ nda. Eriirĩ ngũinisirã isi ramo ndese jêso mae. Jêso quiaru erese”, i rei que erimba mbia je ra. ⁵ Ae je “jenyu” i nae, ùqui ngue echeê mumba ja chõ nda. “Co aso quia seco co”, i que emo nda. “Co aso quia mbae mo naa naa se co no”, i que emo no nda. ⁶ Mbia que teã teã ja ra. Ererecua rimba iruã nua ño ngue ra. Eiquia chee. ⁷ Ûqui mose que ererecua paama i tuchi ra. Soldados que emondo ngũimba iquiasa iquia iquia ra. Echuchua abe rei rei. ⁸ Ererecua que ñee ngũimba je cote ra. “Mbae quiche chi ja raque a. Ae je ‘jenyu’ ae rei nyii nae, sã ùqui ngaê eã. Eicuãte quia ñene. ⁹ Jêso ñee mbia ja je. Ishonda ja je. ‘Jenyu ja ererecua ririirĩ ngũinisi rerequia ramo ndese mae’, jenye oso quia mbia mbuchesea sea”, i que ererecua ñee nda. ¹⁰ Erimba que nyoĩ mbia mbiirandu randu ja ra. Mbia turã mbiirandu. Mbia icuã abe mbiirandu randu no. Mbia que ngaê tuchi cote ra. Tuchia itâyã nyee que ra.

¹¹ Ererecua que ique mbia tubiriã ndese mae cote ra. Emo irao icuãte que chi ee huee ra. Tiru ererecua chimondo emingue eã ñochĩ nguia reaê. ¹² Ererecua que ñee ee ra. “Seriirĩ ndiqui ngũinisirã isi a resê. ¿Mbaerã ndeirao turã eremingue eã nde?” i que ererecua ñee ee ra. Ñee eãte que ererecua cheê mose ra. ¹³ Ererecua que ñee ngũimba

je cote ra. “Co jēisi jē. Eo jenyucua. Ei abe jenyucua. Jenosé serao mombo itaicuee itondaruqui re. Huee ra nyeseo tuchi. Huee ra urei quiti quiti tuchi”, i que ererecua ñee nda. ¹⁴ “Jenyu serui” i tuchi Dios quia mbia ja je co. Mbia mii mii ño eisirō sirō nguiā co, i que Jesús ñee nda.

¿Impuestos ra uremee ererecua je re? i mbia ñee Jesús je

¹⁵ —Jesús nandembucheē icuā na. † nda mbia paama i ee, i que fariseos ñee ñee nyue ra. ¹⁶ Nyebe fariseos uchimbaaquiatu mo mondochoi nguiā Jesús rea. Herodes chimbaaquiatu rese. Jesús mbucheē icuā sacua ño ũqui nde. Uturā ngue esaā ñooño Jesús je ra. —Jesús, co ereico mbia mbaaquiatu quiatu turāte co. Ndeturāte ereico mbia ja je co. Co ereico turāt e mbia mbuchiabiā co. Mbia erembaaquiatu quiatu turāte quia Dios icha rī co. ¹⁷ Nyebe urechu nguiā ñee ndeje a. ¿Coche mbia mbae isiqui a mee mee Romano nderecua je re? ¿Uremee nda ee re? ¿Uremee eā nda ee re no? i que ñee Jesús je ra. ¹⁸ Jesús que ũqui icuā icuate ra. Nyebe ñee nguiā ee. —¿Mbaerā jēingo “† nda Jesús ucheē nyabi”, i serāi nde? ¹⁹ Mbae isiquia mo jēteacuquia imbu seje, i que ee ra. Mbia que eteacuquia ee ra. ²⁰ —¿Aba mbae nombre ñi mbae isiqui a rese a re? ¿Aba āqui aingue abe ñi a re? i que Jesús ee ra. ²¹ —Romano nderecua, i que ñee Jesús je ra. Jesús que ñee ee cote ra. —Romano nderecua mbaerā jemee ño ee. Dios mbaerā jemee ño ee no, i que Jesús ee ra. ²² Mbia que nyuruira jate u Jesús cheē andu ra. Nyoi ja que erecha cote ra.

Mbia raaque ra quera si, i Jesús

²³ —Mbia raaque ra quera eā mbei, i que mbiamo nguiā ñee nda. Saduceos i que ũqui je ra. ũqui mo ngue nyoi ñee Jesús je ra. ²⁴ —Sererecua, ā ngue Moisés mbesa nande je ra: “Emo mano mose eriiriā, sā enongue mano je ninisi rerequia erendaque re. Sā tiiri ngōngue raaque rīi”, i que Moisés embesa nande je ra. ²⁵ Eriqui mo ngue siqui urerese ra. Seis que eribi ra. Eriqui que ngūmisirā quereco rei ra. Mano ño ngue tiiri ndocoī ngūnisi recha ra. Enongue que nguiqui checha quereco rei cote ra. ²⁶ Ae abe que mano ño tiiri ndocoī no nda. ũqui seis que ngōngue checha quereco ja rei ra. Mano ja chō ngue tiiri ndocoī no nda. ²⁷ Eninisi eru checha que mano nyee chō cote no nda. ²⁸ Siete rei que eru nyii ra. Mbia raaque quera si ja mose, ¿abate ra equereco cote re? i que saduceos ñee Jesús je ra. —Ma Jesús ñee icuā, i chō ngue re. ²⁹ Jesús que ñee ee ra. —¿Mbaerā jēingo Dios cheē icua eāte ā nde? Jēingo Dios cheē abi tuchi ā. Jēingo Dios quirācuā icua eāte ā. ³⁰ Ae raaque ra Dios mbuquera si nae,

ũqui nda ngūnisi quereco eā mbei huee cote. ũqui nda ngu quereco eā mbei huee cote no. Angeles rā mbei ra mbia riqui huee ibate cote. ³¹ Mbia raaque quera si rī ño ngue Dios jembiirandu rei ra. ¿Embesa ji rese jemae āte re? ³² Ā ño Dios cheē embesa ji re: Abraham nderecua chō aico nguiā se co.

Isaac nderecua abe.

Jacob rerecua abe no,

i que embesa ji ra. Ā ngue mano ndei nyii ra. Eresco siqui bei chō nguiā namo ā. Mbia raaque rerecua eā ño Dios re. Mbia reco rerecua chō ae re, i que Jesús ñee mbia je ra. ³³ Mbia tubiriā ngue chi nyuruira tuchi eandu ra. Jesús mbae icua ja mose.

Echesequa tuchi quia Dios rese

³⁴ Jesús cheē aquiatu tuchi que ra. Nyebe saduceos cheē mbutiba nguiā. Fariseos jirandu mose erese que ñumunua ñee nyue ra. ³⁵ —Se chō tacheē Jesús je. Ma Jesús ñee icuā, i rei que fariseo mo nda. Embesasa que ae ra. ³⁶ —Jesús, Dios cheē tubiriāte riqui ā ndesē. Mbia echeē mumbayā sacua. ¿Ma Dios cheē ndiita tuchi ma nde? i que fariseo ñee Jesús je ra. ³⁷ Jesús que ñee ee ra. —Ā ño Dios cheē ndiita ā nde: “Echesequa tuchi quia Dios rese. Ndechiā je. Neaī je abe. Nendua ndua je abe”. ³⁸ ũqui ño Dios cheē ndiita ũqui nde. ũqui ño Dios cheē ñiinda ũqui nde. ³⁹ Ā abe rei ũqui nduinda ā no: “Sā ereico nyesequa ndechiese no. Eī ere si chō nyesequa mbia rese”. ⁴⁰ Moisés chimbesa tuchi chō ũqui nde. Dios quiato cose ndare chimbesa ja chō ũqui nde, i que Jesús ra.

¿Aba rucucha Cristo re?

⁴¹ Fariseos chichō mose ñumunua ngue Jesús ñee ee ra. ⁴² —¿Aba rucucha Cristo re? ¿Aba jenyue equia ee re? i que Jesús ñee ee ra. —David nducucha chō ñene, i que fariseos ñee nda. ⁴³ Jesús que ñee ee cote ra. —¿Mbaerā David “sererecua” i ee re no? Espiritu turā embucheē mose. ⁴⁴ Ā ngue David ñee nda:

Dios que ñee Cristo sererecua je ra:

“Ecol seji. Nde abe ra ererecua serese.

Ae ndeucuayāte quia nae, ũqui je ra nde-quirācuā ateaquicia tuchi.

Ndequirācuā tuchi chee ra ũqui si”, i que Dios ñee sererecua je ra,

i que David ra. ⁴⁵ David sí chō “sererecua” i nguiā Cristo je. Cristo David rucucha mose, ¿mbaerā David “sererecua” i ee re? i que Jesús fariseos je ra. ⁴⁶ ũqui ngue ñee aquiātuāte Jesús cheē ndibishorō nda. Aque mose bei que mbia preguntar i eā mbei Jesús je cote ra.

23

Jesús ñee asi fariseos je

¹ Jesús que ñee uchĩmbaaquiату je ra. Mbia tubĩrĩã je abe no. ²—Fariseos rã nda jẽingochĩ jẽ. Embesasa rã abe ra jẽingochĩ jẽ. “Ure quia Moisés chimbasa ureĩcuate nguiã ure ã”, i chõ nguiã. ³ Coche jẽingo nguiã echeẽ mumbayã ndaque. Erã sí quia nda jẽingoã nguiã. Echeẽ turã turãte raque. Siqui turã eãte quiату nguiã. ⁴ Dios cheẽ embeta mbeta tuchichĩ nguia mbia je ã. Mbia echeẽ mumbayã aroneate chee quia ã. Eya eã eãte eriqui mbia rese ã. ⁵ Mbae turã naa mose, mbiã mae sacua erese chõ ũqui nde. Tiru huĩrao ibi quitinda ai mbicoi tuchi equia ã. Dios cheẽ mbesa ji echucua bei quia uchiba cúa rese ã. Mbia mae sacua erese chõ eriqui nguiã ũqui naa naa ã. ⁶ Aba mbia eã tuchi fariseos. “Serendarã turã nguiatu se jẽ”, i tuchi equia mbia chumunua nua mose ã. ⁷ “Sã mbia ererecua i nande je”, i beite equia ã. Ebi tuchi “mbia mbaaquiatusa” i mose ee. ⁸ “Mbia mbaaquiatusa rei se”, jenyechĩ nda jẽ. Se mii ño jembaaquiatusa re. Nyiesenda chõ jẽ nde. ⁹ “Paba” jenyechĩ nda mbia mo je jẽ. Jendu mii ño siqui nguiã ibate pe. ¹⁰ “Ererecuarã se”, jenyechĩ nda eno. Se mii ño jenderecua re. ¹¹ Jemo siqui mingue mose, mbae raã naa mose uataque je, aque quia ra ererecuarã. ¹² Ae ucuasú raã naa nguia nae, mbiã ñetẽ nda Dios saã ño ũqui je. Ae siqui mingue quia nae, mbiã rerecuarã ño nda Dios saã ũqui je.

¹³ Aba mbia eã tuchite jẽ, Embesasa. Aba mbiã eã tuchite jẽ abe no, Fariseos. Jẽcuasu jẽsaã saãte quia ã. Jẽingo sereãte quia Dios rese ã. Mbia siquise mose Dios rese, jẽingo emingo eãte erese ã no. ¹⁴ Aba mbiã eã tuchite jẽ. Eru cheecha mbae jembutiã tiã ñochĩ nguia ã. ũquinde jẽingo chõchĩ ñee oco oco Dios je ã no. “I nda mbiã mae nanderese” jenyẽ chõchĩ equia ã. Nyebe ra Dios jembasi tuchi cote. ¹⁵ Aba mbiã eã tuchite jẽ, Embesasa. Aba mbiã eã tuchite jẽ abe no, Fariseos. Jẽcuasu jẽsaã saãte quia ã. “Jẽingo ure ru” jenyẽ bei chõchĩ equia mbiã je ã. ũqui mo siqui mose jendui, eicuã tuchi chõ ũqui abe cote re.

¹⁶ Aba mbiã eã tuchite jẽ. Sã eresayã mo ndiqui emo ndesayã mbuti echiba rese no. ũqui na ño jẽ nde. Jẽaquiata ño mbiã mbaaquiату quiatuchi nguiã. “Jurar jenyẽ mose Dios chuchua rĩ, coche jeñee jembuchebi nguiã”, jenyẽ chõchĩ nguia mbiã je ã. “Jurar jenyẽ mose oro Dios chuchua jenda rĩ, ũqui mose quiату jeñee jembuchebi aroneate nguiã”, jenyẽ chõchĩ nguia mbiã je ã. ¹⁷ Oro quiату i tuchi jiri Dios chuchua si re? ¿Mbaerã jẽaquiataũte riqui re? ¹⁸ “Jurar jenyẽ mose altar rĩ, coche jeñee jembuchebi nguiã”, jenyẽ chõchĩ nguia mbiã je ã. “Jurar jenyẽ mose ofrenda

altar jenda rĩ, ũqui mose quiату jeñee jembuchebi aroneate nguiã”, jenyẽ chõchĩ nguia mbiã je ã. ¹⁹ Eresayã na tuchi chõ jẽingochĩ nguiã. ¿Mbaerã jẽaquiataũte riqui re? ¿Ofrenda quiату i tuchi jiri altar si re? ²⁰ Jurar jenyẽ mose altar rĩ, earonda abe rĩ ño jẽingo nguiã jurar i ofrenda. ²¹ Jurar jenyẽ mose Dios chuchua rĩ, Dios abe rĩ ño jẽingo nguiã jurar i. Dios abe quia siqui nguiã uchuchua huee. ²² Jurar jenyẽ mose ibei rĩ, Dios renda abe rĩ ño jẽingo nguiã jurar i. Dios sí rĩ abe no.

²³ Aba mbiã eã tuchite jẽ, Embesasa. Aba mbiã eã tuchite jẽ abe no, Fariseos. Jẽcuasu jẽsaã saãte quia ã. Décimo jemeẽ mee ndaque quia Dios je mbae ñetẽ nii. Comino. Menta. Anís. Dios cheẽ ndiita quiату jemumba mumbate nguiã. Dios jẽicua rã nyii. Jẽingo turã na nyii. Jẽya eã na mbiã rese nyii. Aquere quiату mbae ñetẽ jẽsaã cote. ²⁴ Sã eresayã mo ndiqui emo ndesayã mbuti echiba rese no. ũqui na ño jẽ nde. Mbae ñetẽ jẽsaã turã turãte raque quia ã. Dios cheẽ ndiita quiату jemumba mumbate nguiã. ²⁵ Aba mbiã eã tuchite jẽ, Embesasa. Aba mbiã eã tuchite jẽ abe no, Fariseos. Jẽcuasu jẽsaã saãte quia ã. Sã emo ndiqui i riru irei irei earonda no. Eimi nguiatu eirei quiĩriãte re. Eĩ ño jẽ no nde. Jẽturã aba reã ño jẽaronda no nde. Jeñiangui renda quiату eicuã icuãte re. Mbae quia jembuquichã quiachãte nguiã. Mbae abe quia jenyosei icuã icuãte nguiã. ²⁶ Eresayã na tuchi chõ jẽingochĩ jẽ nde, Fariseos. Jeñiangui renda rane nguiatu jẽirei. Jẽaronda abe ra equishĩ cote.

²⁷ Aba mbiã eã tuchite jẽ, Embesasa. Aba mbiã eã tuchite jẽ abe no, Fariseos. Jẽcuasu jẽsaã saãte quia ã. Mbiã raaque tãsa rã ño jẽingo nguiã. Eati ji turãte raque. Eimi ye quiату mbiã raaque quiangue chĩ nguiã hue. Eroo cuĩ abe no. ²⁸ Eĩ si chõ jẽ nde. Jẽaronda turãte aba reã ndiqui raque mbiã je. Jeñiangui rend a quiату eicuãte re.

²⁹ Aba mbiã eã tuchite jẽ, Embesasa. Aba mbiã eã tuchite jẽ abe no, Fariseos. Jẽcuasu jẽsaã saãte quia ã. Ae mbiã turã mano cose nae, ũqui tãsa jembutiã turã mbeite raque quia ã. Dios cheẽ mbuchecuasa tãsa abe no. ³⁰ “Cose ureico mose, i nda ureicuã eãte rei Dios quiato je. Uramei na eã”, jenyẽ raque equia ã. ³¹ “Mbiã iquia iquiasa riĩrĩ ño ure re”, jenyete equia ũqui. Jendu rã si tuchi jẽ. Mbiã i quiasa. ³² Jenamei icuã na si chõ jẽingo no. ³³ Mbei tãsie rã tuchi chõ jẽ nde. Eĩ jenyẽ bei oso quia aque ngasẽ nyee tata cuasu. ³⁴ Nyebe ra Dios cheẽ mbuchecuasa amondo mondo quia jẽje. Mbiã mbaaquiatusa ra amondo jẽje. Mbiã aracua abe no. Jẽ nda sechimondo emo emo jẽiquia. Emo emo nda jẽiruã nua mbiã chumunuaãsa no.

Jéico ico ra equia erese eiquia chee. ³⁵ Ae Dios quiato iquia iquia quia cose nae, ũquí nñi nda Dios jembasi cote. Sã mbia Abel iquia cose no. Sã mbia Zacarías abe iquia Dios chuchua jii no. Berequías riirĩ ndei aque. Sã mbia Dios quiato iquia iquia bei cose no. ³⁶ ũquí ja riĩ nda Dios jembasi cote. Acheẽ nyecua quia jêje a.

Jesús ia eã tuchi Jerusalén jenda rese

³⁷ Tacheẽ na jêje, Jerusalén jenda. Seya eãte aicochĩ jendese co. Hue jêingo mbia iquia iquia beite hue. Dios cheẽ mbuchecuasa iquia iquia. Dios chimondo abe iquia iquia no. Sã nguira riqui nguiire reaquiato mondo ujeoqui re no. “Eĩ tae jendeaquiato”, ae beite rei nguĩã jêje co. Secheẽ jêisi sereã mbei chõchĩ nguia ã. ³⁸ ¡Aico jendecha a cote jê! ³⁹ Jemae mae eã nda serese cote. Sechube mose ibate si, aque ramo mose ra jemae serese cote. “¡Cochĩ Dios rucucha ru quia co cote jê!” i ra mbia seisi turã aque mose cote, i que Jesús ñee nda.

24

Mbia ra Dios chuchua mbucoi ja, i Jesús

¹ Jesús que oso usẽ Dios chuchua si cote ra. Ecuata mose que echimbaaquiato ñee ee ra. —Sã Dios chuchua turã tuchite jê, i que ñee ee ra. ² Jesús que ñee ee ra. —Tacheẽ nyecua rã jêje. Ae rese jêingo mae ã nae, ũquí nda mbia mbucoi ja cote. Sita mo nda chi eã nyichuarõ Dios chuchua cote. Mbia ra Dios chuchua mbucoi ja tuchi cote, i que Jesús ñee nda.

Mbae ua ja nonde chõ ã nde

³ Jesús que chí ngoi huee ibi ibátee mo nda. Monte de los Olivos i que hue je ra. Echimbaaquiato que ngasẽ ñee eisaa ra. —¿Manosete ra ũquí nde? ¿Mbae ra urembiirandu nderese ndechu serĩ mose re? ¿Mbae ra urembiirandu mbae ua ja serĩ mose re no? i que echimbaaquiato ñee Jesús je ra. ⁴ Jesús que ñee ee ra. —Jêtesa jiri quia jê. Mbia mo nda jembĩrĩ irĩchĩ ñee jêje jê. ⁵ “Cristo chõ se re”, i ra mbia ñee ata atate jêje. ũquí ñee nda jêanduchi jê. ũquí nda mbia mbĩrĩ irĩ jate. Ñee ñooño je chõ ũquí nde. ⁶ Mbia ra guerras saã saã tuchi. Mbia ra ñee ñee tuchi quia nyũquia iquia je riĩ. ũquí mose ra jêsiquichechĩ jê. ũquí ja rane nda nyecua raque. Aque mose ra mbae ja ua eã ná. ⁷ Mbia ra guerras saã tuchi chee. Nyũquia iquia tuchi rae. Mbia riãcuã tuchi ra aque mose no. Emo ñooñoa tuchi ra mbia rasi. Manguê chooñoa tuchi ra ibi nyere nyere. ⁸ Jembasi ramo mose chõ nda ũquí nde. Aquere ra jembasi tuchi cote.

⁹ Mbia icuã icuã tuchi r a jêje serĩ. Nguerecua je ra mbia jenderao rao tuchi. Jêiquia

chee rae. Mbia manguê chooñoa jenda ra jêucuyã tuchi serĩ. ¹⁰ Ae siqui quia serui nae, ũquí tubiriã nda hui sesi ũquí mose cote. ũquí nda nyiucuyã. ũquí nda nguerecua mbuqueta queta tuchi ngõngue riĩ. ¹¹ “Dios ñee mbuchecuasa chõ se re”, i ra mbia ñee ata atate jêje. ũquí nda mbia mbĩrĩ irĩ tuchi. ¹² Mbia icuã icuã tuchi ra cote. Aba cheẽ mumba mumba beite ra cote. Mbia ra nyesequa eã tuchi nyiese cote. ¹³ Ae ra siqui bei serese, ũquí nda Dios mingo bei. ¹⁴ Sequiato r a Dios cheẽ turã senei senei ná mbia ja je nyii. Manguê chooñoã jenda ja je. Aquere ra mbae ua ja cote.

¹⁵ Dios cheẽ mbuchecuasa rei Daniel. Ae que embesa Mbae Mbutiãsa Icuã nñi nda. “Dios rendaque re taico se quiato”, i ra equia huee. (Ae ra mae nguia sechimbesa rese nae, sã ũquí eicua.) ¹⁶ Jemae mose Mbae Mbutiãsa Icuã ndese, jeña esi. Ae siqui quia Judéaa, sã ũquí uchã jei choi ibi ibátee mo. ¹⁷ Ae ra siqui tuchua quite rese, sã ũquí iqueã nyoĩ uchuchua uquichi mose. Sã echoi chõ uchã hue si bei, umbae rirõ ndocoĩ. ¹⁸ Ae ra siqui úcoo, sã ũquí nyebiã ngãẽ huĩrao rea. Sã hue si bei chõ echoi uchã. ¹⁹ Aba mbia eã tuchi ra emo ãquẽ ndirur rerequia mose aque mose. Nguiirĩ mbuquiambu je abe no. ²⁰ “Nyiseĩ mose eã urechã” jenyẽ Dios je. “Sábado mose eã abe urechã”, jenyẽ abe Dios je no. ²¹ Mbia ra mbae rasi saã tuchi aque mose. Mbae rasi que mbia saã eã jiri nyii ra. Aque ramo mose ra mbia rasi raã tuchi cote. Mbae ua bei sacuaĩ ño ũquí nde. ²² Ae rasi ra mbia saã tuchi nae, ũquí nda Dios mbujua jiri uquiato riĩ. ¹ nda emo ñimbirãcuã eã tuchi rei ũquí ndasi je. ²³ “A Cristo riqui a jê” i mose emo jêje, “nyia” jenyechĩ nda ũquí ñee mose jê. “Hue Cristo riqui hue jê” i mose emo jêje, “nyia” jenyechĩ nda emo jê. ²⁴ “Cristo chõ se re”, ichõĩño nda mbia ñee ata atate jêje. “Dios cheẽ mbuchecuasa chõ se re”, ichõĩño nda mbia ñee ata atate jêje no. Mbia mae sayã nda esaã saã tuchi mbia mbĩrĩ irĩ sacua. ũquí Dios quiato abe chee mbĩrĩ irĩ arõte. ²⁵ ũquí nonde chõ aico nguĩã jembĩrĩrandu randu co. ²⁶ “Hue Cristo riqui turuquia hue”, ichõĩño nda mbia jêje serĩ. “A Cristo riqui tuchua a”, ichõĩño nda emo jêje serĩ no. ũquí mose ra “nyia” jenyechĩ jê. ²⁷ Sã ama ndiqui pirirã i ibei resae ja no, eĩ nda sechu mose. Mbia ra mae ja serese. ²⁸ Sã urubu riqui mae ja mbae raque rese no. Eĩ si ra seicuaasa mae ja sechu rese no.

Dios riirĩ nda tube ibate si

²⁹ Mbia ũquí ndasi raã ja mose r a tenda checuayã mbei cote. Nyasi abe no. Nyasitata ra ngoi ngoi. Ibei jenda abe ra quiata quiata chee cote no. ³⁰ Aque mose ra achu ibei rese. Senininya tuchi ra sechu mose. Sequirãcuã tuchi ra sechu mose no. Mbia

ra mae ja tuchi sechu rese manguë chooñoa jenda ja. Mbia ia eã tuchi ra nyeseo mae mose serese. ³¹ Angeles serimba ra amondo corneta mbucheë sacua. Ûqui nda mbia sechiisirõ munua nua ja seje cote. Ishonda ja. Manguë chooñoa jenda ja.

³² Sã higuera riqui no. Sã ira mo ndiqui no. Ero quira usë j a mose, “iraro itõ ndacu ra cote”, i chõ mbia nguiã aque mose. ³³ Eĩ sí ra mbae ua ja nonde. Ae rñ aico ñee jêje nae, ùqui ndese jemaë mose, “mbae ra ua ja cote” jenye ra cote. ³⁴ Tacheë nyecua jêje. Æ mbia riqui ngata ibi ã nae, ùqui emo emonda manaõ mbae ua ja nonde. ³⁵ Ibei ra ua. Ibi abe ra ua no. Secheë nguia ra ua eã mbei.

³⁶ Manosete chõ nda mbae ua ja. Aico eicuayãte co. Mbia mo abe eicuayãte quia ã no. Angeles abe eicuayãte quia ã no. Paba mii ño eicua nguiã co. ³⁷ Sã Noé mosenda mbia siqui sereãte Dios rese cose no. Eĩ si ra mbia siqui sereã Dios rese sechu nonde no. ³⁸ Sã Noé mosenda mbia quiaru chooño no. Ndua rocoĩ Dios rese. Ngüinisirã ngue equereco chooño ndua rocoĩ Dios rese no nda. Noé que ique chee arca ye ra. Amandi cuasu nonde. ³⁹ Ama ngue uchi u quia mbia iquia ja nonde cote ra. Mbia mbua tuchi que ra. Eĩ ae ra u mbia mbua tuchi sechu mose. ⁴⁰ Sechu mose ra mbia nyeremo siqui úcoo. Co mii nda arao. Enongue ra siquichõ. ⁴¹ Cuña nyeremo nd a chi raque mbua tocho no. Co mii nda arao. Enongue ra siquichõ. ⁴² Jëtesa bei quiatu quia serese. Ae mose ra achu, aque tenda rese jëiranuate riqui ã. ⁴³ Mbaecha mo jirandu mose mbae mbuquiachãsa rese, “co isa ra eru” i mose, ùqui mose nda uqueã nde chaë. f nda mbae mbuquiachãsa mbae sirõ eã ndei. ⁴⁴ Jëingoquiutu bei quiatu quia seraarõ arõ. Jendua eã mose serese ra achu jembuate.

Erimba echeë mumbayã mose, eya tuchi rae

⁴⁵ Dios rimba aba cheë mumbayã je aico ñee a. Dios rimba aquiatu je aico ñee a. Sã ererecua mo ñee ngüimba turã je no. “Sembae esaarõ turã ja quia secutiã. Serimba ataque embuquiaru quiaru turã secutiã”, i que ererecua ee ra. ⁴⁶ Erimba echeë mumbayã mose, ererecua ia tuchi ra eru mose. Erimba abe ra eya tuchi no. ⁴⁷ Ererecua ra ngüimba mii umbae raarõ mbei sacua cote. ⁴⁸ Sã erimba ndua ndua uchiangui re no. “Sererecua ra tu jei ãte” i ndua ndua. ⁴⁹ Hue ñee icuã icuã uataque je hue cote. Iruã nua cote. Quiaru chooño cote. Mbae mbei chooño abe cote. Quiacua quiacua mbia icuã ndese cote. ⁵⁰ Sã ererecua ruchĩ nguia ngüimba mbuate aque mose cote jë. ⁵¹ Ererecua ra eiruã nua tuchi. Mombo rae. Mbae rasi ra esaã tuchi. Ae ucuasú saã saã

nguia nae, ùqui ndese ra mbae rasi raã tuchi cote. Nyeseo seo tuchi ra equia. Ureĩ nda equiti quiti tuchi.

25

Nyucuaaque icoquiutu je

¹ Nyucuaaque icoquiutu je rã si rei Dios rimba. Sã nyucuaaque diez nyoĩ quia emo ngüinisí nderequia ramo ndese maenno. Lamparina nendi que ecuruchoi ja quia ra. ² Cinco que icoquiutu je ra. Cinco que icoquiutuã je no nda. ³ Ae icoquiutuã nae, ùqui ngue mbae quira curuchoi eã umbae lamparina mombisë sacua nda. ⁴ Ae icoquiutu nae, ùqui ngue mbae quira curuchoi botella ye ra. Lamparina ye abe. ⁵ Ae ra ngüinisí isi rei nguia ee, aque que itõte ee ra. Nyucuaaque reesi esi chee que ra. Uque uque ja chee que ra. ⁶ Itondiite mose que to i andu cote ra. “Co eruã ndu quia co cote jë. Jëso mae erese cote”, i que mbia tasë tasë ee ra. ⁷ Nyucuaaque que nyuruã ja cote ra. “Nandembae lamparina nandemombisë mbisë ja”, i rei que ra. ⁸ Ae icoquiutuã nae, ùqui ngue ñee ndei icoquiutu je ra. “Urembae uque uqete. Mbae quira ñetë jemee mee na ure jë”, i rei que uataque je ra. ⁹ “Ateë. Nande ja chayãte ra resë. Emo jëisi chõ oso icua”, i que icoquiutu je ñee ee ra. ¹⁰ Nyoĩ rei que equia eisi cote ra. Ecutiã ngue eruã ndu cote ra. Nyucuaaque icoquiutu je que nyoĩ ique erese ra. Ngüinisirã isi ramo ndese mae. Quiaru abe que echoi erese ra. Eiquesa que ematã cote ra. ¹¹ Icoquiutuã je abe que ngaë nyee ra. f que eiquesa matã ji mi ee ra. “Embuquiata rã ure je”, i rei que ñee eru je ra. ¹² Eru que ñee ee ra. “Tei. Jaëicuayã tuchite se”, i que eru ñee ee ra, i que Jesús ñee mbia je ra. ¹³—Jëingoquiutu bei quia jë. Ae mose ra achu, ùqui jëicuayãte quia ã.

Ererecua a mbae isiquia mbuchao chao ngüimbaje

¹⁴ Sã ererecua mo mbae isiquia mee mee ngüimba je no. Eĩ si chõ Dios nguiã mbae mee mee ngüimba je. Ererecua oso serĩ mose que umbae mbae isiquia mee mee ngüimba je ra. Embaata ata sacua ño ngue emee nguiã ee. ¹⁵ Cinco mil que emee emo je ra. Dos mil enongue je no. Un mil que enongue je no nda. “Jenya chõ tamee mee jêje jë”, i que ñee ee ra. Secha que oso isho cote ra. ¹⁶ Ae je ererecua cinco mil mondo nae, aque que negocio saã saã mbae isiquia je ra. Mbae isiquia que embaata tuchi ra. ¹⁷ Ae je ererecua dos mil mondo nae, aque abe que negocio saã saã mbae isiquia je ra. Mbae isiquia que embaata tuchi no nda. ¹⁸ Ae je ererecua un mil mondo nae, aque que ibi sibicoi mbae isiquia rerecoquiutu sacua nda. ¹⁹ Emo mose tuchi que

ererecua ru cote ra. Ñee ngue ngũimba je cote ra. “Jenyu sembiirandu sembae mbae isiquia rese cote”, i que ñee ee ra. ²⁰ Ae je cinco mil mondo nae, aque rane ngue tu ñee nguerecua je ra. “Cinco mil que ereme ndei seje nae, ũquí ngue ambaata ra. Cinco mil que aisibe ra”, i que emee ja nguerecua je ra. ²¹ Ererecua que ñee ee ra. “Coche ñene. Nde quiarei serimba turã tuchi. Mbae ñetê ngue eresaã turãte nde ra. Nyebe ra mbae tubiriã ereteaquiatu seje cote. Ndeya bei tuchi ra ereico serese cote”, i que ererecua ñee ee ra. ²² Ae je ererecua dos mil mondo nae, aque que tu ñee nguerecua je cote ra. “Dos mil que ereme ndei seje nae, ũquí ngue ambaata ra. Dos mil que aisibe ra”, i que emee ja nguerecua je ra. ²³ Ererecua que ñee ee ra. “Coche ñene. Nde quiarei serimba turã tuchi. Mbae ñetê ngue eresaã turãte nde ra. Nyebe ra mbae tubiriã ereteaquiatu seje cote. Ndeya bei tuchi ra ereico serese cote”, i que ererecua ñee ee ra. ²⁴ Ae je ererecua un mil mondo nae, aque que tu rei ñee nguerecua je cote ra. “Nde que ere queteãte quiatu nguiã mbae rese. Ndechitiquia eã abe ereishao shaote quia co. ²⁵ Nyebe asiquiche tuchi nguiã mbae isiquia mee mose seje. Nyebe achati nguiã ibi je. Co é co resê”, i que ñee nguerecua je ra. ²⁶ Ererecua que ñee ee ra. “Aba rimba biã tuchi quiarei nde. Ndetomei tuchi chõ eriqui re. Sequeteã mose mbae rese ndeje, ¿mbaerã secheẽ eremumba re? ²⁷ Sembae mbae isiquia eremonaõ ñochi banco. I nda eata jiri sechu mose cote re chã”, i que ererecua ñee asite ee ra. ²⁸ Ererecua que ñee mbi a hue jenda je cote ra. “Mbae isiquia jêsirõ na esi un mil. Ae diez mil quereco nae, aque je jemondo. ²⁹ Ae embae tubiriãte nae, aque je mbae tamondobe. Ae embae ãte nae, embae ñetê tasirõ ja esi. ³⁰ Co que serimba icuã tuchi ra. Jemombo itondaruqui re. Mbae rasi ra esaã tuchi huee. Huee ra nyeseo tuchi. Urei nda equiti quiti tuchi”, i que ererecua ñee nda.

Jesús ra mbia emo emo mingo icúe umbaerã

³¹ Sechu mose íbii mbia rerecuarã, ángeles sembae ra semama tuchi aque mose. Serenda nininya tuchi ra aque mose. ³² Mbia mangué chooña jenda ja ra chi ñumunua huee aque mose. Mbia emo emo nda achono icúe sembaerã aque mose. Sã oveja raarõsa riqui ovejas no icúe chivos si no. ³³ Uquiato cuti ra ovejas no. Uquiato cutiã nda chivos no no. ³⁴ Eí ae ra se mbia rerecua tuchi mose. Acheẽ nda mbia sequiatio cutinda je. “Jenyu serese. Jenderecua turã tuchi ra aico jêje. Paba turãte riqui jêje co. Paba que jêirabo nyii mbae ao nonde ra. Jêingo sacuaã serese.

³⁵ Seriaicua mose que mbae jemee seje ra. Seisei mose que sembiu ra. Sechuchua eã mose que seisi turã no nda. ³⁶ Seirao eã mose que tiru jemee seje ra. Serasi mose que jêso mae serese ra. Seico mose cárcel que jêso mae serese no nda”, ae ra ñee sequiatio cutinda je. ³⁷ Sequiatio cutinda ra ñee seje cote. “¿Manose mbae uremee ndeje nderiãcua mose re? ¿Manose ureso nembiu ndeisei mose re? ³⁸ ¿Manose ure ndeisi turã ndechuchua eã mose re? ¿Manose tiru uremee ndeje ndeirao eã mose re? ³⁹ ¿Manose ureso mae nderese nderasi mose re? ¿Manose ureso mae nderese ndeico mose cárcel re?” i tuchi ra ñee seje. ⁴⁰ Aque mose ra acheẽ ee. “Tacheẽ nyecua jêje. Senongue mo mbaech a reã ndaque. Ae turã jêsaã senongue mo je nae, seje eraã naanguia chõ ũquí nde”, ae ra ñee ee. ⁴¹ Acheẽ nda sequiatio cutiã quitinda je cote. “Jêso sesi. Mbae turã nda jêisiã seo jenda. Jêso tata cuásuu. Ae Dios chiao tata, diablo mbasi sacuaã. Diablo rimb a abe mbasi sacuaã. ũquí tata ra uqueã mbei. ⁴² Seriaicua mose que mbae mo jemee eãte seje ra. Seisei mose que sembiu eãte no nda. ⁴³ Sechuchua eã mose que seisi turã eã nda. Seirao eã mose que tiru jemee eãte seje ra. Serasi mose que jêso eãte mae serese ra. Seico mose cárcel que jêso eãte mae serese no nda”, ae ra sequiatio cutiã quitinda je. ⁴⁴ Sequiatio cutiã quitinda ra ñee seje cote. “¿Manose mbae mo uremee eã ndeje nderiãcua mose re? Ndeisei mose abe no. Ndechuchua eã mose abe no. Ndeirao eã mose abe no. ¿Manose uresoã nderea nderasi mose re? ¿Manose uresoã nderea ndereco mose cárcel nde no?” i ra sequiatio cutiã quitinda ñee seje. ⁴⁵ Acheẽ nda ee. “Mbae turã jêsaã eã mose emo je, seje eraã eã naanguia chõ ũquí nde”, ae ra sequiatio cutiã quitinda je. ⁴⁶ ũquí nda nyoi ja tata cuaso cote. Huee ra mbae rasi raã mbei tuchi cote. Sequiatio cutinda quia ra siqui turã mbei ibate cote, i que Jesús ñee nda.

26

Jesús nandeisi tarõ, i ja ererecua nyue

¹ Aquere que Jesús ñee uchimbacuatatu je cote ra. ² —Dos días mose ra fiesta de la pascua cote. Aque mose ra mbia icuã semee ererecua je seiquia sacuaã, i que Jesús ñee nda. ³ Sacerdote rerecua que ñumunua ja cote ra. Amei ja rese. Embesasa rese abe no. ũquí ngue ñumunua ja u Caifás itaicuee ra. Caifás rei sacerdote rerecua tuchi. ⁴ Caifás itaicuee que ũquí nyi ñee ñee Jesús rí nda. —Jesús nandembiri iri jê. Eisi sacuaã. Etarõ sacuaã. Eiquia sacuaã cote, i que u ñee ñee nyue ra. ⁵ —Fiesta mose eã ño nandeisi jê.

Mbia ra paama i tuchi nande je, i que u ñee ñee nyue ra.

Cuña mo aba mbusimbusa turã ichusẽ Jesús ãquĩ ndese

⁶ Jesús que siqui Simón Leproso chuchúaa ra. Betania, i que hue je ra. ⁷ Cuña mo ngue tu erea hue ra. Aba mbusimbusa mo ngue equeru Jesús je ra. Embisẽ tuchi que equeru ra. Mbae isiquia mumbasa tuchi que ùquĩ nda. Ichusẽ ja que Jesús ãquĩ ndese equiaru mose ra. ⁸ Echimbaaquiato que chi ja mae erese ra. Paama i que cuña je ra. ⁹ —¿Mbaerã eichusẽ ñooño nde? Mbae isiquia ribishorõ ño nda aba emondo re. Mbaecha reã je emee mee sacua, i que echimbaaquiato ñee nyue ra. ¹⁰ Jesús que echeẽ ñandu ra. Ñee ngue ee ra. —¿Mbaerã jẽingo ñee ùquĩ nde? Sã cuña ae riqui ae. Ae esaã seje nae, eturãte seje ùquĩ. ¹¹ Mbaecha reã nguia ra chi arete íbii a. Se quia nda aico bei eã nguia jendese aa. ¹² Seati nonde chõ ngue cuña aba mbusimbusa ichusẽ nguia serese. ¹³ Tacheẽ nyecua jẽje. Mbia Dios cheẽ turã nenei nenei mose mangu chooña jenda ja je, cuña nyisaã abe ra esenei ñee. Mbia ndua turã ja sacua echisaã abe rese, i que Jesús ñee uchimbaaquiato je ra.

Jesús tamee jẽje, i Judas mbia icuã je

¹⁴ Judas Iscariote, i rei que Jesús chimbaaquiato mo je ra. Aque que oso ñee sacerdote rerecua je ra. ¹⁵ —Jesús tamee jẽje. ¿Mbae ra jeme seje eribishorõ nde? i que Judas ñee sacerdote rerecua je ra. Sacerdote rerecua que mbae isiquia ata mee ee ra. Treinta que ra. ¹⁶ —Mbia eãsa quiato Jesús tamee jẽje, i que Judas ñee ee ra.

Jesús quiaru uchimbaaquiato rese

¹⁷ Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimatã iriã ngue eu eu quia aque mose querabe no nda. Fiesta nonde que echimbaaquiato ñee Jesús je ra. —¿Mangu ra oveja urembuchi mangu ndechiurã nde? i que ñee Jesús je ra. ¹⁸ Jesús que ñee ee ra. —Jẽso sucha cuasu. Jẽnee aque je. “Jesús que urembu ñee ndeje ra. ‘Ndechuchua oveja tau sequiato rese semana nonde’, i que Jesús ucheẽ mbu ndeje ra”, jenje aque je, i que Jesús ñee nda. ¹⁹ Echimbaaquiato que nyoĩ erea Jesús cheẽ nguire ra. Oveja que embuchi huee cote ra.

²⁰ Itondaru ramo mose que Jesús chi quiaru uchimbaaquiato rese huee cote ra. ²¹ Quiaru mose que Jesús ñee ee cote ra. —Tacheẽ nyecua jẽje. Jemo nda semondo mbia icuã je, i que ñee uchimbaaquiato je ra. ²² Echimbaaquiato ia eã tuchi que echeẽ mose ra. —¿Se ra aremondo ee re? i ja jate

que ñee Jesús je ra. ²³ Jesús que ñee ee ra. — Ae chĩ quiaru serese aque plato ye sí a nae, aque tuchi ra semondo mbia icuã je. ²⁴ Dios cheẽ ndui sí tuchi ra amano ndaque. Ae ra semee mbia icuã je, aque ra mbae rasi saã tuchi quia. Aba mbia eã tuchi ra aque. “Taĩ sembuchecua jirichĩ nguia curi”, i chee ra aque, i que Jesús ra. ²⁵ —¿Se ra aremondo mbia icuã je re? i que Judas ñee Jesús je ra. Jesús rĩ ñeende mbia icuã je nyii. “Ae” i que Jesús echeẽ mose ra.

²⁶ Quiaru que u ra. Jesús que mbichae sirõ nda. Gracias i que Dios je ra. Siquio que mbuchao chao ee cote ra. —¿Mbichae jẽu. Serete chõ ã nde, i que Jesús ñee ee ra. ²⁷ Vino mbeisa que esirõ cote no nda. Gracias i que Dios je ra. Mondo que uchimbaa quiato oo cote ra. —Jembeĩ mbei ja. ²⁸ Seruqui chõ ã nde. Mbia icuã mbutiã sacua ño seruqui re. Dios cheẽ yasu rui si chõ seruqui riqui nguia mbia icuã mbutiã co. ²⁹ Tacheẽ nyecua tuchi jẽje. Vino mo nda ambei eã mbei cote. Paba mbia rerecua tuchi mose, aque mose ramo nguia nda ambei nguia jendese cote, i que Jesús ñee nda.

Jesús aicuayãte resẽ, ichõĩño nda Pedro seriĩ, i Jesús

³⁰ trasei rasei que cote ra. Nyoĩ que Monte de los Olivos ra. ³¹ Jesús que ñee uchimbaaquiato je ra. —Jẽrei ireite ra seriĩ co isa. Jẽñimboseĩ mboseĩ nda oso serecha co isa. Sã embesa ji riqui ñee no: “Dios ra oveja raarõsa iquia. Oveja ra ñimboseĩ nyoĩ cote”, sã embesa ji riqui i no. ³² Seraaque quera sire ra aso se rane jendarõ Galilea, i que Jesús ra. ³³ Pedro que ñee ee ra. — Seataque ra ireĩ ireite raque ndesi. Se quia ra aireĩ ireiã mbei ndesi, i rei que Pedro ñee ee ra. ³⁴ Jesús que ñee ee ra. —Tacheẽ nyecua ndeje, Pedro. Nguira cheẽ nonde ra erecheẽ ñooño tres veces seriĩ namo, Pedro. “Jesús aicuayãte resẽ”, ere chooño ño nda seriĩ, i que Jesús ñee ee ra. ³⁵ Pedro que ñee ee ra. —Mbia seiquia arõte raque nderiĩ, acheẽ ñooño eã nda nderiĩ, i rei que Pedro ra. Eĩ ja que ñee nda.

Jesús ñee ngu je

³⁶ Jesús que oso Getsemaní cote ra. Uchimbaaquiato rese. —Jengoi rã u aa. Taso rã ñee Paba je pe jiri se, i que Jesús ee ra. ³⁷ Pe quiti jiri que Pedro rerao ra. Zebedeo riiri nyeremo ndese. Eya eã ndasi tuchi que tu ee aque mose ra. ³⁸ Ñee ngue ùquĩ je ra. —Seya eã ndasi tuchi aico co. Seya eã ndasi ra seiquia chee. Jenguchõ na jẽ aa. Jẽtesa tesa bei u aa, i que Jesús ñee ee ra. ³⁹ Jesús que oso pe quiti jiri cot e ra. Nyibi que u nguia ndese ñee Dios je ra. — Paba, ùquĩ ndasi asaã sereãte raque quia co. Ae sebite riqui nae, ùquĩ ndese semingo

eã. Ae ndebite riqui nae, ùquí ndese quiatu semingo, i que Jesús ñee Dios je ra. ⁴⁰ Nyebi que u uchimbaaquiatu je cote ra. I que eu uque ja ee cote ra. Ñee ngue Pedro je ra. —Jéingo areã ñochi tesa serese se ñee mose Dios je. ⁴¹ Jêtesa tesa u. Jengue eã u ñee Dios je. Mbae icuã tâ i eã sacuaã jêje. Jéingo serete raque serese. Mbae icuã nguiatu jembuti mbutite nguiã, i que Jesús ee ra. ⁴² Osobe que ñee Dios je pe jiri cote ra. —Paba, nde ñee mose seje, “mbae rasi ra eresaã” nde i mose seje, asaã nda se, i que ñee Dios je ra. ⁴³ Nyebi que u uchimbaaquiatu je cote ra. I si que u uque ee no nda. Eresa quiatu ngue eshiu shiute nguiã. ⁴⁴ Jesús que osobe erecha ñee Dios je ra. Tres veces que aque cote ra. Hue rí si que ñee Dios je ra. ⁴⁵ Uchimbaaquiatu jii que esi ñee ee cote ra. —Jengue cote. Jengueña jêucia cote. Semondo ra mbia icuã je cote. Sei quia sacuaã. ⁴⁶ Jêhuã cote. Nyao cote. Ae ra semee mbia icuã je, co eru quia semee sacuaã co cote, i que Jesús uchimbaaquiatu je ra.

Mbia icuã Jesús isi suruchoi

⁴⁷ Jesús cheê mosebe tuchi que Judas ru erea ra. Jesús chimbaaquiatu rei que ae ra. Aque rese que mbia cuaê tuchi quia ra. Tiquise abe que ecurucuaê nguia ra. Ira jua abe no. Sacerdote rerecua chõ ùquí mbucuaê nguia reaê. Amei abe. ⁴⁸ Judas ñee nyecuaã nguiatu quia ùquí je nyii reaê. —Ae ritii ra asiite, aque chõ ñene. Aque jêisi serao, i quia equia ee nyii reaê. ⁴⁹ Jesús ríchã ngue esi saludar i ee cote ra. Jesús ritii que esiite ee cote ra. ⁵⁰ —¿Mbaerã erachu serea re? i que Jesús ee ra. Mbia que ngaê Jesús isi ecua cote ra. ⁵¹ Ùquí mose que Jesús rimba mo uchuuru sirõ tiquise ra. Sacerdote rerecua rimba rese que tiquise uru ra. Eisa que echisia ra. ⁵² Jesús que ñee ee ra. —Ndechuuru emingue chõ eriru ye. Nde emo nyisha mose tiquise je, nde abe ra emo ndeisha. ⁵³ ¿Ndeiranuate ángeles rese re? Se ñee mose Paba je, ángeles tubiriã tuchi nda embu seje re chaê. Sereaquiatu sacuaã. ⁵⁴ “Ángeles embu rã sereaquiatu”, ae eã nda Paba je. Ùquí mose ra embesa ji ique eã cote. Sã embesa ji riqui ñee no: “Mbae rasi ra esaã tuchi” i no, i que Jesús ñee Pedro je ra. ⁵⁵ Jesús que ñee mbia ja je cote ra. —¿Mbaerã jenyu quia tiquise rurucuaê serea co re? Ira jua abe no. Mbae mbucuiachãsa rea rocõ jenyuchi nguia serea co. Tenda que amumba mumba beite rei quia jendese Dios chuchua resê. Mbia que ambaaquiatu quiatu bei rei quia huee resê. ¿Mbaerã seisiã nyucua aque mose re? ⁵⁶ Embesa ji ique sacuaã ño jêicuã icuã ndiqui nguiã seje ã, i que Jesús ra. Echimbaaquiatu que nyoi ja chee uchã Jesús recha ra.

Jesús mbia curuchoi mbia rerecua je

⁵⁷ Ae Jesús isi nae, ùquí ngue ecuruchoi sacerdote rerecua je ra. Huee que embesasa chi ja ñumunua nda. Amei ererecua ja abe. ⁵⁸ Pedro que embuchurucha rucha oso quia erui ra. Ngasê nyee que sacerdote rerecua itaicuee ra. Huee que ngoi sacerdote rimba mo ndese ra. —Mañi nda mbia Jesús je reae, i que huñ ngoi eraarõ arõ nda. ⁵⁹ Sacerdote rerecua que chi ja huee ra. Amei mbia rerecua ja abe no. Mbia rerecua ja tuchi. —Jesús nandei quia, i rei que ñee ñee nyue ra. —¿Mbae i ra aba mbia je Jesús rícharã nde? i rei que u ñee ñee nyue ra. ⁶⁰ Emo emo ngue ngaê ndei ñee icuã icuã Jesús rí nda. Ùquinde que mbia nyeremo ngaê ñee ñooño Jesús rí nda. ⁶¹ —Jesús que ñee ñooño Dios chuchua rí nda. “Dios chuchua ra ambucoi. Tres días mose ra achaobe”, i que urechandu Jesús cheê nda, i que ùquí ñee ñooño Jesús rí nda. ⁶² Sacerdote rerecua que juã ñee Jesús je ra. —¿Echeê nda eresibishorõ eã mbei re? ¿Mbae i equia nderí nde? i que Jesús je ra. ⁶³ Jesús que ñee eã mbei cheê mose ra. Sacerdote rerecua que ñeembe ee ra. —¿Dios rucucha nde re? ¿Cristo nde re? Díosaa echeê ure je, i que sacerdote rerecua ñee ee ra. ⁶⁴ Jesús que ñee ee ra. —Ae. Dios rucucha chõ se re. Tacheê nyecua jêje. Jemaã nda serese se coi mose Dios quirãcuã jii. Sechu mose abe ibeishí ndese, i que Jesús ee ra. ⁶⁵ Sacerdote rerecua que paama i tuchi Jesús cheê mose ra. Huirao que endoro ndoro chee ra. Ñee ngue ererecua ataque je ra. —Jesús riqui Dios rucucha raã naa co. Jeñandu jate equia ã. Sã mbia mo nandembirandube eã cote. Nandemaã ndei ngue erese re. ⁶⁶ ¿I jêje re? ¿Mañi nande ra equia re? i que sacerdote rerecua ñee ererecua ataque je ra. —Eicuã tuchi que ra jê. Sã mbia equia, i jate que ererecua ñee Jesús rí nda. ⁶⁷ Mbia que ñinimbu nimbu Jesús ruba rese cote ra. Ucua ucua abe que erese ra. Emo emo ngue eritii mbeete ete o je ra. ⁶⁸ Ñee ngue ee ra. —“Cristo chõ se re”, ere ñi equia. Aba chõ ucua nderese chã. Ma eicua no, i que mbia ñee icuã icuã ee ra.

Jesús aicuayãte reseê, ichõño Pedro

⁶⁹ Pedro que chí mbeite ngoi itaicuee ra. Nyucuaaque mo ngue tu ñee ee mbia rimba mo nda. —Jesús resenda que nde abe ra. Galilea jenda, i que nyucuaaque ñee ee ra. ⁷⁰ Pedro que ñee ee ra. —Tei. Ndecheê aicuayãte, ichõño ngue Pedro mbia résaa ñee ee ra. ⁷¹ Pedro que oso quia eiquesa cuti cote ra. Nyucuaaque nongue que ñee mbia je erí nda. —Co abe que Jesús resenda ra. Nazaret jenda, i que ñee mbia je ra. ⁷² —Tei. Jesús aicuayãte, ibe que Pedro ñee icuã ee ra. ⁷³ Ae chí huee nae, ùquí mo ngue ñee

Pedro je cote ra. —Jesús resenda chō nde abe resē. Ndecheē aba chiicuate resē, i que ñee ee ra. ⁷⁴ Pedro que jurar i tuchi ñee ee ra. —Aicuayā tuchite se resē, i que ñee ñooño nda. Aque mose tuchi que nguira ñee cote ra. ⁷⁵ Pedro que ndua Jesús cheē ndese cote ra. Sã Jesús ñee ee nyii no. —Nguira cheē nonde ra erecheē ñooño tres veces serií, sã Jesús i ee nyii no. Ūquí ndese que Pedro ndua cote ra. Nyebe esi nguia usē nyeseo tuchi.

27

Mbia Jesús curuchoi Pilato je

¹ Nyaashí namo mose que sacerdote rerecua ndua hue rí ja ra. Amei mbia rerecua ja abe no. Hue rí ja ndua Jesús iquia sacua. ² Jesús que echucua suruchoi Pilato je ra. Pilato rei mbia rerecua, hue jenda ja rerecua.

Judas uchosoí mumbi nyiíquia

³ Mbia ra Jesús iquia, i mose Judas je, eya eã tuchi que ūquí mose ra. —Jesús amee jirichí nguia mbia je, i que ra. Nyebe mbae isiquia mondobe nguia sacerdote rerecua je. Amei rerecua je abe no. ⁴ —Mbae icuã tuchi asaachí. Jesús seteã tuchi ameechí jêje. Eiquia sacua, i que Judas ñee nda. —Nde quia rei. Ure eã ñene, i ja que ererecua ñee ee ra. ⁵ Judas que mbae isiquia mbaba asi mombo mondo íbii ra. Dios chuchúaa. Oso que uchosoí mumbi nyiíquia cote ra. ⁶ Sacerdote rerecua que mbae isiquia sirō ibi si cote ra. —Mbia ribishoronda chō ã mbae isiquia re. Nyebe nandemondo eã ofrendarã, i que ñee ñee nyue ra. ⁷ Aquere que sacerdotes ibi mo isi aque mbae isiquia je ra. Ibi mo ngue eisi mbiamo tiquia tiquia sacua nda. Ñionga, i que hue ibi je ra. ⁸ Nyebe eriqui nguia “mbia ruqui rua” i bei hue je. Namonyee. ⁹ Aque mose que Jeremías ñimbasa ique cote ra. Á ndei Jeremías ñimbasa ã:

Ūquí mbae isiquia treinta que eisi cote ra.

Ūquí ndei mbia ribishoronda ūquí.

¹⁰ Ūquí mbae isiquia que emondo hue ñionga ribishorō cote ra.

Dios ñee nguia erií seje nyii nae, ūquí ndui si, i que Jeremías embesa cose ra.

Pilato ñee Jesús je

¹¹ Mbia que Jesús curuchoi Pilato je cote ra. Pilato que ñee ee ra. —¿Judíos rerecua chō nde re? i que ee ra. —Ae. Judíos rerecua chō se re, i que Jesús ee ra. ¹² Sacerdote rerecua que ñee icuã ja Jesús je ra. Amei ererecua abe no. Jesús que ñee áte echeē mose ra. ¹³ —¿Erechanuãte equia ñee mose nderí nde? i que Pilato ñee Jesús je ra. ¹⁴ Jesús que ñee áte echeē mose ra. Nyebe Pilato nyuruira tuchi nguia echeē eã mose.

Jesús jêiquia mbucha ira rese, i ererecua

¹⁵ Pilato que mbia tarō ji mo mbusē mbei quia pascua mose ra. Co mií ngue embusē mbusē mbei quia pascua mose ra. Ae je mbia riqui ñee, “aque embusē mondo” i nae, aque chō ngue embusē mbei quia ee ra. ¹⁶ Barrabás, i que etarō ji mo je ra. Mbia chiicua tuchi que ae ra. ¹⁷ Mbia ñumunua ja mose que Pilato ñee ee ra. —¿Aba ra ambusē mondo jêje re? ¿Barrabás ra re? ¿Jesús ra re? i que Pilato ñee ee ra. ¹⁸ —Sacerdote rerecua riqui paama i chooñote Jesús je ã, i quiatu que Pilato ndua ndua uchiangui re ra. ¹⁹ Pilato que chí ngoi ndua ndua nguenda tose ra. Eninisi que ucheē mondo ñee ee ra. —Ehui chō Jesús si jê. Mbae icuã ngue esaã eãte resē. Atea que seque re isa ra jê. Seque re icuã tuchi que aa ra jê, i que Pilato ninisi ñee ngu je ra. ²⁰ Sacerdote rerecua que ñee mbia ja je ra. Amei ndese. —Sã Pilato Barrabás mbusē mondo. Sã Jesús quiatu iquia, i que ererecua ñee ja mbia je ra. Nyebe mbia “eno” i chee ee. ²¹ Pilato que ñee si mbia je ra. —¿Aba ra ambusē mondo jêje re? ¿Jesús ra re? ¿Barrabás ra re? i que Pilato ra. —Barrabás embusē mondo i que mbia ee ra. ²² —¿Mañi ae quia ra Jesucristo je re no? i que Pilato ra. —Embucha ira rese, i ja que mbia ñee ee ra. ²³ —¿Mbae icuã esaã nde? i que Pilato ee ra. —Embucha ira rese jê, ibe que mbia tasē tasē ee ra.

²⁴ —Mbia riqui “Jesús eiquia” i i tuchichí, i que Pilato ndua ndua ra. —I mo embu seje, i que mbia je cote ra. Nyoi que mbia résaá cote ra. —A aico nyoi a. Se ra Jesús aiquiyã. Eseteãte quiatu ngue re. Jê nguiau jêingo erese, i rei que Pilato ñee mbia je ra. ²⁵ Mbia que ñee ja Pilato je ra. —¡Eiquia jê! Eicuãte que eriqui ra jê. Dios ra paama i eã eiquia mose. Dios paama i mose, sã ure je quiatu paama i. Ureirií je abe no, i jate que mbia Pilato je ra. ²⁶ Pilato que Barrabás mbusē mondo cote ra. Jesús cuasa quiatu que chíño nda. Pilato que Jesús iruã nua cote ra. —Jembucha iquia ira rese, i que ñee soldados je cote ra.

²⁷ Soldados que Jesús cuasa curuchoi ererecua chuchúaa ra. Huee que soldados ataque abe ngaē ja Jesús mama nda. ²⁸ Jesús irao que embui esi ra. Tiru ireí nguiau ngue emingue nguia ee cote. ²⁹ Nyu ritiméi uma ji que emi eãquí ndese corona nda. Ira ñetē mo abe que emondo éoo ra. Ngoi ja que u nguia ndese Jesús nonde ra. Ñee icuã icuã ngue u erií nda. —Judíos rerecua tuchi chō nde re, ichoño ngue soldados Jesús je ra. ³⁰ Ñinimbu nimbu abe que erese ra. Ira abe que euru uru eãquí ndese no nda. ³¹ Jesús rimba que esaã saã ee no nda. Iquia iquia que ee no nda. Aquere que tiru ireí mbui esi cote ra. Eiraote que emingue ee cote ra. Curuchoi que embucha nonde ira rese cote

ra.

Mbia Jesús mbucha ira rese

³² I rei que echoi quia ra. Mbia mo ngue esobeishĩ nda. Simón, i equia ee. Cirene jenda que ae ra. —Cruz echa rã Jesús mbucha sacua pe, i que soldados ee ra. Nguerao que ee cote ra. ³³ Ngasẽ ngue pee cote ra. Gólgota, i que hue je ra. Eresa cuare, i chõ nguã hue je. ³⁴ Huee que vino ñimocondo tuchi mo mondo Jesús je ra. Ubi rei que erese ra. Aquere que embei eã cote ra. ³⁵ Soldados que Jesús mbucha ira rese ra. Aquere que sita ñetẽ mbaba mbaba o je cote ra. —Aba ra Jesús irao querao ñi ja, i que nyue ra. Aquere mose que embesa ji cheẽ ique cote ra.

Seirao que embuchao chao nyue ra.

Sita ñetẽ mbaba mbabare o je, i que embesa ji ra. ³⁶ Aquere que soldados chĩ ngoi Jesús raarõ cote ra. ³⁷ Mbia que letrero miĩ Jesús aqũ nguiti ibate ra. JESUS REI JUDIOS RERECUA, i que embesa miĩ nda. Uqũ ñi ño eriqui nguã equia hue. ³⁸ Mbia nyeremo abe que embucha ira rese Jesús chabe ra. Jesús rereco chobei que emiĩ ira rese ra. Mbae mbuquiachãsa tuchi que uqũ nda. ³⁹ Mbia que iquia iquia chõ nguia echeẽ naa naa ecuã nda. Ñee icuã icuã ee. ⁴⁰ —“Dios chuchua ra ambucoi. Tres días mose ra ambuchuruambe” ere que equia. Ndequirãcuã tuchi mose, equichi u hue si. Nde Dios rucucha mose, equichi u cruz si, i tuchi que mbia quia iquia iquia ee ecuã mose ra. ⁴¹ Sacerdote rerecua abe que iquia iquia chõ nguia ee ra. Embesasa abe no. Amei ererecua abe no. Uqũ ngue ñee icuã icuã ja quia eriĩ nda. ⁴² —Mbia que embuquera quera rei nyiĩ ra. Ae si quia quera aroneate nguã aque. Judío rerecua mose ae, sã ae ae nguichi ira si. I nda ureicu a cote, i ja que ererecua ñee icuã icuã e eriĩ nda. ⁴³ —“Dios aicuate”, i que equia, sã Dios ae embuquichi eya mose erese. “Dios rucucha rei se” i que equia, i ja que ererecua ñee icuã icuã eriĩ nda. ⁴⁴ Ae mbuchai chi ira rese mbae mbuquiachãsa nae, uqũ abe que ñee icuã icuã nyee ee ra.

Jesús mano cote

⁴⁵ Tenda nandeite re mose que itondaru ru ra. Itondaru bei que mbia ja je tres horas ra. ⁴⁶ Tenda cheseco mose que Jesús ñeemombo cote ra. —Elí, Elí, ¿lam a sabac-tani? i que ñeemombo ra. —Dios sererecua, ¿mbaerã ereico hui sesi re? i chõ ngue ñee nguã. ⁴⁷ —Elías je eriqui “quiatuchu” i reae, i rei que echeẽ andusa mo nda. ⁴⁸ Aquere mose tuchi que emo esponja monde vinagre ye ra. Ira ai rese que embia ji mondo rei Jesús chũruu cote ra. ⁴⁹ —Esecha rei. ¡Sã

Elías ruãte quia erea! i que eataque ñee ee ra. ⁵⁰ Jesús que tasẽ mano mbei cote ra.

⁵¹ Aquere mosechi tuchi que cortina nyisia Dios chuchua jenda ra. Ibate si que eru nyisia íbii ra. Ibi que nyere nyere cote ra. Sita abe que nyisia sia nyibite bite rĩ nda. ⁵² Mbia tãsa mo abe que nyeequia equia ra. Dios quiato raaque mo ngue quera quera ra. ⁵³ Jesús quera si mose que uqũ ndaaque usẽ nyoĩ cote ra. Nyoĩ que Jerusalén cote ra. Mbia tubiriã ngue mae u erese ra. ⁵⁴ Soldados rerecua que chĩ mae Jesús rese ra. Soldados abe no. Uqũ ngue siquichete Jesús mano mose ra. Ibi chere mose. Mae mose mbae ja rese. —Dios ririĩ ño eriqui re, i jate que soldados ñee eriĩ cote ra.

⁵⁵⁻⁵⁶ Cuña ngue chi jate mae Jesús rese isho ra. María Magdalena abe que chĩ huee ra. María abe no. María rei Jacobo si. José abe si. Zebedeo ririĩ si abe que chĩ erese huee ra. Uqũ ngue siqui bei quia Jesús rui ra. Echirã ngue emiĩ miĩ mbei quia ee ra. Galiléaa eico mose bei.

Mbia Jesús raaque chati cote

⁵⁷ José, i que mbaecha mo je ra. Arimatea jenda rei ae. Jesús quiato que ae ra. Tenda ireĩ mose que esi ñee Pilato je ra. ⁵⁸ —Jesús raaque emee na seje, i que oso ñee Pilato je ra. Pilato que “eno” i ee ra. ⁵⁹ José que eraaque curuchoi cote ra. Ñuma ngue tirushĩ mo je ra. ⁶⁰ Jesús raaque que eiti suruchoi sita ribicoi ji imi ye ra. José chisaã ye. Nyati rei que sita cuasu mo je cote ra. Nyoĩ que erecha cote ra. ⁶¹ María Magdalena ngue chi ngoi mae Jesús atisa rese ra. María rese.

Soldados Jesús raaque atiquia saarõ u

⁶² Isamami ngue sacerdote rerecua choi ñee Pilato je ra. Fariseos abe no. Sábado isamami ngue ra. ⁶³ Uqũ ngue nyoĩ ñee Pilato je Jesús rĩ nda. —Urendua nduachĩ nguã ñeeñoõño je rese. “Tres días mose ra aquera si”, i que equia mano nonde ra. ⁶⁴ Soldados emondo rã eatiquia raarõ. Sã echi bei tres días eraarõ huee. I nda echimbaaquiatu eraaque siroã suruchoi. “Quera si que ra” ¡ichĩ nda ñee ñoõño mbia je jẽ! Uqũ mose ra mbia mbiĩrĩ irĩ tuchi cote, i que ñee Pilato je ra. ⁶⁵ Pilato que ñee ee ra. —Soldados jendao rã. Eraaque raarõ tuchi sacua, i que ee ra. ⁶⁶ Soldados que ecuruchoi Jesús atiquiaa cote ra. Eiquesa aronda que ematã tuchi cote ra. —Jẽsaarõ tuchi jẽ, i rei que soldados je cote ra.

28

Jesús raaque quera si

¹ Jesús raaque ati ji que chibe sábado mose ra. I nyaashĩ oso quia domingo mose, aquere mose que cuña mo nyoĩ mae eatisa rese ra. María Magdalena, i que emo je ra. María, i

que enongue je ra. ² Aque mose tuchi que ibi nyere nyere ee ra. Angel ibatenda mo nguia tu quia eatisa mbuquiata reaē. Sita eatiquia que ecuruba ra. Ngoi que etose ra. ³ Enininya tuchi que chí ngoi ra. Ama pirirā pirirā i rā tuchi que ra. Eiraoshī tuchi que chí nda. ⁴ Soldados que titi titi i tuchi chō mae ũquí ndese ra. Emundi tuchi que ra. ⁵ Angel que ñee cuña je ra. —Jēsiquiche quichechī nguia. Jēingo raque Jesús raaque requia ā. ⁶ Emoate aa resē. Eraaque que quera si no. Ucheē ndui si que quera resē. Jenyu rei mae eatisa rese ae. ⁷ Jēso asi rā echimbaaquiātu mbiirandu equera si rese. “Jenonde ra esi Galilea. Jemae nda erese huee”, jenye embiirandu. Ũquí ae chō ngue u nguia jēje, i que ángel cuña je ra. ⁸ Cuña ngue siquichete echeē andu ra. Eyate abe que ra. Uchā ndei que echoi quia Jesús chimbaaquiātu mbiirandu ra. ⁹ Ñeenda cúa chō ngue Jesús nyecua saludar i ee ra. Cuña ngue nyoi oo erese ra. Jesús i que equiaama ama nda. ¹⁰ Jesús que ñee ee ra. —Jēsiquichechī nguia sesi. Jēso ñee seresenda je. “Jēso rā Galilea. Hue ra jemae Jesús rese”, jenye oso ee, i que Jesús ñee cuña je ra.

Soldados ñee ñooño Jesús raaque rī

¹¹ Soldados eraaque raarōsa que nyoi sacerdotes rerecua mbiirandu Jesús quera rese ra. Ae rese mae nae, ũquí ngue esenei ja ee ra. ¹² Sacerdotes rerecua que nyoi ja ñee amei ererecua je cote ra. —¿Mañi nande ra equia mbia jiranuā sacua Jesús quera rese re? i que ererecua ndua ndua hue rī ja ra. Nyebe mbae isiquia mee nguia soldados je, ñee ñooño sacua mbia je. ¹³ —Jeñee ñooño mbia je jē. “Ureque mose Jesús resenda eraaque suruchoi rei sirō”, jenye chooño mbia je jē. ¹⁴ Pilato jirandu mose jendese, urecheē nda ee. Paama iā nda jēje chā, i que ererecua ñee ja soldados je ra. ¹⁵ Soldados que mbae isiquia isi cote ra. Ñee ñooño tuchi que mbia je cote ra. Nyebe judíos riqui nguia ñee mbei ā cote. —Jesús chimbaaquiātu que eraaque sirō cose ra, nyebe eriqui nguia i bei ā cote.

Jesús uchimbaaquiātu mondo mbia mbiirandu

¹⁶ Jesús chimbaaquiātu once que nyoi ja Galilea ra. Ibi ibate mo ngue echoi Jesús cheē nguire ra. ¹⁷ Jesús que nyecu a ee huee ra. Jesús rese mae mose que ngoi nguia ndese ñee ee ra. —Jesús eā ño co reae, i rei que emo emo ñee uchiangui re ra. ¹⁸ Aquere que Jesús si eriichā ñee ee cote ra. —Sequirācuā tuchi chō se re. Se rei ibi jenda rerecua ja. Ibatenda abe rerecua ja. ¹⁹ Jēso mbia mbaaquiātu quiātu ja seriī. Mbia mangue chooñoa jenda ja. Bautizar

jenye ee Paba rī. Serī abe. Espíritu Turā nī abe no. ²⁰ Jembaaquiātu quiātu tuchi secheē nī. Ae asenei senei nguia jēje nae, ũquí jēsenei senei ja ee. Secheē mumbayā sacua. Aico bei ra se quia jendese. Mbae ua j a chee, i que Jesús ñee ee ra. Amén.

EL SANTO EVANGELIO SEGÚN SAN MARCOS

Juan el Bautista Dios cheē senei senei

¹ Ā tasenei na jēje. Dios cheē turā Jesucristo riñ. Jesucristo rei Dios riiriñ. ² Sā Isaiās Dios cheē mbesa cose no:

Secheē nderaosa amondo quia nderēta aque.

Ae ra ñeenda mbuquiche nembraerā, i que Dios ra.

³ Emo ndiqui ñeemombo mombo turúquiaa hue.

“Sā emo ndiqui ñeenda mbuquiche no, eĩ jenyē sī chō nguia jē abe ico quiatu nandererecua raarō arō”, i equia turúquiaa hue,

i que Isaiās embesa ra. ⁴ Juan el Bautista que tu ũqui ñee nguire cote ra. Dios cheē ngue esenei senei nguia turúquiaa cote ra. —Jendua si Dios rese. Jēhui chō jēicuā si. Dios jēicuā mbutiā sacua. Ũqui mose nda bautizar ae jēje chā, i beite que Juan nguia ñee nda. ⁵ Jerusalén jenda que ngaē ngaē tuchi quia echeē andu ra. Judea jenda abe no. Mbia huñcuā nenei nenei mose Dios je, ũqui mose que Juan ndiqui bautizar i ee ra. Ama Jordán ye. ⁶ Quiicuā mbuaera chō ngue Juan irao ra. Camello. Mbae ire chō ngue enumbicuaa no nda. Tucu mbuae chō ngue eu eu quia ra. Irao quiaa rinda abe. ⁷⁻⁸ Dios cheē ngue esenei senei nguia ra: —I achō je chō aico nguiañi bautizar i mbia je co. Co chi emo ndu quia serui co. Dios riiriñ tuchi chō ae re. Ae quia equirācuā tuchi sesi re. Ae quia eturā tuchi sesi no nde. Ae quia tura bautizar i mbia je Espíritu Turā je. Mbia chiā mbitirō sacua, i beite que Juan nguia ra.

Juan bautizar i Jesús je

⁹ Aque mose que Jesús ru sucha tubiriā Nazaret si ra. Galilea jenda rei Nazaret. Juan ngue bautizar i Jesús je ra. Ama Jordán ye. ¹⁰ Jesús que usē oso ama si cote ra. Ibei que nyeequia ee cote ra. Espíritu Turā ngue nguichi u erese cote ra. Nyurushi rā ngue eru nguichi erese ra. ¹¹ Ibei jenda que ñee ee ra. —Seriiriñ ño nde re. Sechesequa chō nde re. Seyate nderese, i que Dios ñee ee ra.

Jesús tambii cuā, i raque Satanás

¹² Espíritu Turā ngue Jesús querao turúquiaa cote ra. ¹³ Huee que Jesús riqui arete ra. Cuarenta días. Nyacua risha ite re. Mbia riichare ja ite re. Satanás que tu rei tā i ee cote ra. Angeles que ngaē ngaē nguia ereaquiātu ra.

Jesús mbia mbaaquiātu quiātu ramo

¹⁴ Mbia rerecua que Juan tarō cárcel cote ra. Aquare que Jesús si Galiléaa ra. Dios cheē

turā ngue esenei senei nguia huee ra. ¹⁵ — Achite Dios ñi tu mbia rerecuarā a. Jendua sí Dios rese. Jēhui chō jēicuā si. Dios cheē turā jēicuā. † nda Dios jemingo bei, i que Jesús quia ñee mbia je ra.

Jēingo serui, i Jesús uchimbaaquiātu rā je

¹⁶ Jesús que ngata oso quia ama nimia ndui ra. Galilea, i que aque ama ndisha je ra. Huee que mae Simón ndese ra. Enongue abe rese mae. Andrés, i equia ee. I que u sira mbua mbuasa mondo mondo ii ra. Sira resenda bei rei ũqui. ¹⁷ Jesús que ñee ee ra. —Serui bei chō jēingo jē. Taembaaquiātu quiātu. Mbia teendu endu bei quia seje cote, i que ee ra. ¹⁸ Nyoĩ ja que erui ra. Sira mbuasa si que echoi hui ra. ¹⁹ Pe jiri que mae Jacobo rese ra. Enongue rese abe. Juan, i equia ee. Zebedeo riiriñ ja rei ũqui. Huee que echi ja canoa ye sira mbuasa mbitirō tirō nda. ²⁰ —Jēingo serui, i que Jesús ñee ee ra. Echeē nduibe tuchi que echoi erui ra. Ngu que esecha choi ra. Eru que siquichō canoa ye ngũimba rese ra.

Jesús aba checuayā icuā jea mbia mo si

²¹ Nyoĩ que sucha tubiriā Capernaum nda. Sábado mose que Jesús si judíos chumunua nuásaa ra. Mbia mbaaquiātu quiātu sacua. ²² Mbia rerecua rā ño ngue eriqui mbia mbaaquiātu quiātu ra. Embesasa rā eā. Nyebe mbia riqui nguia nyuruira tuchi echeē andu. ²³ Huee que amei mo ndiqui mbia chumunuásaa ra. Aba checuayā icuā nyireco rei ae. Ñee asite que Jesús je ra. ²⁴ —¿Mbaerā ererechu urerea co re, Jesús? Quiatúae urerecha ae. ¿Urericharā ño ererechu quia co re? Dios rucucha chō nde re. Areicuate se, i rei que aba checuayā ñee asite ee ra. ²⁵ Jesús que ñee asi ee cote ra. —¿Equiriri chō jē! Esē oso amei ñiangui si, i que ee ra. ²⁶ Jesús cheē mose que aba checuayā amei mburirite cote ra. Tasē ngue oso usē amei si cote ra. ²⁷ Mbia que nyuruira tuchi mae Jesús rese ra. Ñee ñee ja que nyue cote ra. —Jesús riquichĩ mbia mbaaquiātu quiātu ucheē namonda je co. Equirācuā ae ñee nguā. Mbia rerecua rā ño eriqui nguiañi ñee aba checuayā icuā je co. Sā aba checuayā echeē mumbayāte jē, i que mbia ra. ²⁸ Mbia que jirandu jei Jesús rese Galilea jenda ja cote ra.

Jesús Simón ninisi si mbucherō

²⁹ Jesús que usē nyoĩ mbia chumunuaa si cote ra. Nyoĩ que Simón nyuchua ra. Andrés abe que siqui rei huee tuchua ra. Jesús que ique nyoĩ huee ra. Jacobo rese. Juan ndese abe no. ³⁰ I que Pedro chari rasi u nyaara ee ra. Eracu tuchi que ra. ³¹ Jesús que eo isi embuchurūā nda. Aque mosebe que eracu ti i esi cote ra. Mbae que echao chao quia mbia chiurā cote ra.

Jesús mbia rasi chumumbara mbucherō

³² Itondaru ramo mose que mbia erasi rurucuaē cuaē tuchi Jesús je ra. Ae aba checuayā quereco quia nae, ũquí abe que ecurucuaē cuaē tuchi quia ee ra. ³³ Sucha tubiriã jenda ja que chi ñumunua eiquésaa ra. ³⁴ Mbiam rasi chumumbara que embucherō cherō ja ra. Aba checuayā icuā tubiriã ngue ejea jea quia mbia si ra. Aba checuayā ngue Jesús icuate rei ra. Nyebe Jesús riqui nguiã echeē ndiquisã quisâte.

Jesús mbia Galilea jenda mbuchesea sea

³⁵ I nyaashí oso quia, aque mose que Jesús juã oso mbia tiásaa ra. Ñee sacua Dios je itondaru bei mose. ³⁶ Simón ngue oso erui emuña nda. Nguesenda rese. ³⁷ Ngasē ngue ee ra. —Pe mbia chi nderequia jate pe, i que ee ra. ³⁸ Jesús que ñee ee ra. —Nyao sucha tubiriã mbuchesea sea achi jenda. Dios cheē nda asenei senei ee chã. Nyebe achu nguiã, i que ee ra. ³⁹ Galilea jenda que embuchesea sea ja cote ra. Dios cheē nenei nenei judíos chumunia nuásaa. Aba checuayā abe jea jea mbia si.

Jesús mbia leproso mbucherō

⁴⁰ Emo ndasi que ngasē Jesús je ra. Leproso, i que ũquí erasi je ra. Tu que ngoi nguiã ndese ñee Jesús je ra. —Nde sembucherōse mose, sembucherō se, i tuchi que ñee ee ra. ⁴¹ Jesús ia eã tuchi que erese ra. Ñomee ngue oco erese cote ra. —Eno. Tarembucherō, i que ee ra. ⁴² Echeē nduibe tuchi que nyerō cote ra. ⁴³⁻⁴⁴ Jesús que ñee ee ra. —Sã jē. Erecheēchi nda emo je cō. Eso nderasiã ndeacquia sacerdotē je cōte. Moisés cheē ndui si chō mbae mo emondo Dios je. Eñ nda mbia jirandu nderasiã ndese cote, i rei que Jesús ñee emondo ra. ⁴⁵ Mbiam que embiirandu ja tuchi chō oso ra. Nyebe Jesús nyecua aroneate nguiã sucha tubiriã mo. Siquiibi ibi chō ngue eriqui cote ra. Icuenda ja que ngaē ngaē nguiã erea ra.

2*Jesús emi sayã mo mbucherō*

¹ Emo mose jiri que Jesús nyebi Capernaum nda. Echuchua ereco mose que mbia jirandu erese ra. ² Mbiam tubiriã ngue ñumunua ee ra. Mbiam chayã tuchi que ra. Ei quesa abe itãyã tuchi que ra. Dios cheē ngue esenei senei tuchi quia ee ra. ³ Mbiam cuatro que erasi mo curucuaē ee ra. Emi sayã. ⁴ Mbiam tubiriã ngue tuchua mbiitãyãte eriquisã nda. Nyebe erasi ruruchoi nguiã sui tei quite arō. Tei que endoro cote ra. Erasi que embuquichi imbu quisa ye Jesús je cote ra. ⁵ —Erurucuaēsa riqui seicuate ũquí, i que Jesús ñee uchiangui re ra. Nyebe ñee nguiã emi sayã je. —Echo, ndechisã mbae icuã ambutiã nguiã ndesi a, i que ee ra.

⁶ Embesasa mo abe que chi echeē andu ra. Mae icuã icuãte que equia Jesús res e ra. ⁷ —¿Mbaerã Jesús riqui ñee ũquí nde? Ñee icuã icuã ñochi equia Dios rñi co. Dios ibatenda ae mbi a chiao icuã mbutiã tiã nguiã esi rese, i rei que ñee icuã icuã Jesús rñi nda. ⁸ Jesús que ũquí ndua ndua icuate quia ra. Nyebe ñee nguiã ee cote. —¿Mbaerã jëingo ndua ndua icuã nde? ⁹ ¿Ma mbaranguiatuã eã jiri jëje re? ¿Mbiam icuã mbutiã esi ere? Mbiam rasi mbucherō ere no ae. ¿Ma mbaranquiatuã eã jiri jëje re? ¹⁰ Dios rucucha rei se. Mbiam chiao icuã mbutiã aquiatu chō se re. Sequirãcuã tateacquia jëje, i que Jesús ñee ee ra. Ñee ngue erasi je cote ra. ¹¹ —Ehuã na. Ndechuchua eso cote. Ndequisa abe erao, i que Jesús emi sayã je ra. ¹² Emi sayã ngue juã asi Jesús cheē nduibe cote ra. Ngua que esirō asite serao cote ra. Mbiam resa rae ja. — ã ndese que ureico mae eã tuchi emo mose ra, i tuchi que mbiam u mae nyuruirã erese ra. Mbiam que ñee turã jate Dios quirãcuã ñi cote ra.

Serui bei eico, i Jesús Leví je

¹³ Jesús que oso si ama ndisha rimíaa nda. Mbiam que ngaē ngaē jate erea ra. Jesús que embaaquiatu quiatu ra. ¹⁴ I que Jesús oso quia ra. Mae ngue Leví rese ra. Alfeo ririã ngue Leví ra. Ngoi que huí plata isi isi impuestorã nda. —Serui bei eico, i que Jesús ñee ee ra. Ae Leví juã oso nguiã erui.

¹⁵ Jesús que nyoi quiaru erese ra. Impuestos isi isiquia ata que chi quiaru erese huee ra. Echimbaaquiatu abe rese. Mbiam icuã mo abe que chi quiaru erese no nda. ũquí tubiriãte que siqui erui ra. ¹⁶ Fariseos que ñee icuãte Jesús chimbaaquiatu je ra. Embesasa abe que ñee icuãte ee ra. —¿Mbaerã Jesús riqui quiaru mbiam icuãte rese re? i que ñee nda. ¹⁷ Nyebe Jesús ñee nguiã ee. —Sã mbiam rasiã ndiqui aba mbucherōsa requia eãte no. Sã erasi chō ndiqui erequia no. “Jenyu seje” ae eã ngue u nguiã mbiam turã je. Mbiam icuã je chō ngue achu nguiã “jenyu seje” i, i que Jesús ra.

Jesús chimbaaquiatu hui ãte uchiu si

¹⁸ Juan ñimbaaquiatu que hui uchiu si aque mose ra. Fariseos chimbaaquiatu abe no. Nyebe mbiam ngaē nguiã ñee Jesús je. —¿Mbaerã ndechimbaaquiatu abe riqui hui ãte uchiu si re? i que ñee Jesús je ra. ¹⁹ Jesús que ñee ee ra. —Sã emo ndiqui ngüinisirã isi ramo no. Sã eresenda iate riqui quiaru erese no. Sã eriqui hui aroneate uchiu si aque mose no. ²⁰ Sã eru riqui mano emo mose no. Aque mose ramo nguiatu ra equiato hui uchiu si cote. ²¹ Sã emo ndiqui tiru yasu mñi aroneate tiru ima sorei rese no. Eyasu ra nyaacua quiata eima si. Soro icoi tuchi chō nda cote. ²² Sã emo mbaeri

rasi ramo nderecoquiato eã eriru ima ye no. Mbae ire ima ye ererecoquiato aronea ño ñene. Eri rasi ra ñimatã ño mbae ire ndoro. Eri ra uchê ja. Mbae ire abe mbücuâte ra cote. Mbaeri yasu quia nda equerecoquiato nguiã mbae ire yasu ye. Soroã sacua, i que Jesús ñee ee ra.

Jesús chimbbaaquiato mbae a ishao shao sábadu mose

²³ Sábado mose que Jesús si quia mbiaco ite ite rí emo mose ra. Echimbbaaquiato que quiata a nyiqui nyiqui choi quia erui ra. ²⁴ Fariseos mo ngue ñee ee ra. —¿Mbaerã ndechimbbaaquiato riqui mbae ishao shao sábadu mose re? Co mose chõ mbia riqui uquenea ucua resê, i que fariseos ñee Jesús je ra. ²⁵ Jesús que ñee ee ra. —¿Embasa ji rese jemae eã David rí nyii re? David riãcuâte que aque mose ra. Eresenda abe riãcuâte que eriqui aque mose no nda. ²⁶ David que ique Dios chuchua aque mose ra. Abiatar que sacerdote rere cua aque mose ra. Mbichae Dios chuchua jenda que David u ra. Mee mee ngue nguesenda abe je ra. Eriãcuâte quiatu ngue re. Sacerdote mbaerã ja chõ ndaque mbichae, i que Jesús fariseos je ra. ²⁷ —Sábado que Dios chao mbia mbaerã nda. Sábado mbaerã eã ño Dios mbia ao nguiã. ²⁸ Sábado rerecua bei chõ se re, i que Jesús ñee fariseos je ra.

3

Jesús emo o tomei mo mbucherõ

¹ Jesús que oso mbia chumunuásaa cote ra. Huee que eo tomei mo ndiqui ee ra. ² Mbia que mae nguiatute quia Jesús rese ra. —Ma Jesús eo tomei mbucherõ. Sábado mose raque co. Sã embucherõ. Nandechê icuã icuã nda ee chã, i que eu mae nguiatute Jesús rese ra. ³ Jesús que ñee eo tomei je cote ra. —Ehuã na u aa mbia ite re, i que ee ra. ⁴ Jesús que ñee mbia je ra. —¿Mbae eturãte jêje co tenda sábadu mose re? ¿Coche nandeico mbae turã naa naa sábadu mose re? ¿Coche nandeico mbae icuã naa naa co mose re no? ¿Coche mbia mbucherõ co mose re no? ¿Coche mbia iquia co mose re no? i que Jesús ñee mbia ja je ra. Mbia que ñee ãte echeê mose ra. ⁵ Jesús que paama i mae mbia rese ra. Eya eãte que eriqui mbia chiã ãtã ndese ra. Ñee ngue eo tomei je cote ra. —Ndeo emee secuti, i que ee ra. O que emee Jesús cheê mose ra. Aque mosechi que eo nyerõ cote ra. ⁶ Nyebe fariseos paama i nguiã Jesús je. Mbia mbucherõ mose sábadu mose. Ndua ndua ja que Jesús i quia nonde ra. —Jesús nandeiqua rei, i tuchi que equia Herodes resenda ja je ra.

Mbia tubiriã nyo: Jesús rui

⁷ Jesús que oso ama ndisha quiti ra. Uchimbbaaquiato rese. Mbia tubiriã Galilea jenda que nyo: quia erui ra. ⁸ Mbia que jirandu ja tuchi Jesús chisãã turã ndese ra. Nyebe eriqui nguiã ngaê ngaê erea. Judea jenda. Jerusalén jenda. Idumea jenda. Ama Jordán ndobeinda abe. Tiro rurubinda abe no. Sidón ndurubinda abe no. Ūqui ja que ngaê ngaê nguiã erea ra. ⁹ Nyebe Jesús ñee nguiã uchimbbaaquiato je. —Canoa mo jendu rã ino mbuquiche co rí, i que ee ra. Mbia quiatu ngue emumbite nguiã. ¹⁰ Mbia que embucherõ cherõ tuchi quia nyii ra. Nyebe erasi ataque riqui nguiã “taoco erese” i raque. Nyebe eriqui nguiã ñimaña maña tuchi. “Nandeico Jesús rese” i. ¹¹ Aba checuayã icuã mae mose Jesús rese que ngoi ngoi quia nguiã ndese ñee ee ra. —Dios riiri ndei nde, i que equia ñeemombo mombo ee ra. ¹² Jesús que ñee asite ee ra. —“Co rei Dios riiri co” jenyechi nda jê, i que ee ra.

Jesús mbia doce irabo uchimbbaaquiaturã

¹³ Jesús que nyui oso sita ibate mo ndese ra. “Jenyu” i que uchiirabobi je ra. Nyo: que erea ra. ¹⁴ Ūqui doce que eirabo nguesendacuã nda. Embuchao chao sacua mondo Dios cheê nenei nenei. ¹⁵ Uquiracuã ngue emondo ee ra. Aba checuayã jea jea sacua mbia si. Mbia rasi chumumbara mbucherõ cherõ sacua. ¹⁶ ã ndei mbia echiirabo ã:

Simón (Pedro, i abe que ee ra.)

¹⁷ Jacobo (Zebedeo riiri ndei Jacobo.)

Juan (Jacobu nongue rei Juan. Boanerges, i que Ūqui ja je ra. “Ama sieu je riiri” i chõ nguiã ee.)

¹⁸ Andrés

Felipe

Bartolomé

Mateo

Tomás

Jacobo (Jacobo rei Alfeo riiri.)

Tadeo

Simón el Cananista

¹⁹ Judas Iscariote (Aque que Jesús mondo mbia icuã je ra.)

Ūqui ja que Jesús irabo ra.

Aba checuayã quiracuã Jesús quereco co, i raque mbia

Nyo: que ique tuchúaa cote ra. Uchimbbaaquiato rese. ²⁰ Mbia que ngaê ngaê tuchi quia erea no nda. Equiaru mose rocoí. Echimbbaaquiato abe quiaru mose rocoí. ²¹ Jesús nongue jirandu mose que echoi erea ra. Equiachã eriqui rei nguiã ee. Nyebe eriqui rei nguiã “nanderao” i raque. ²² Embesasa ngaê nguiã Jerusalén si nae, Ūqui ngue ñee ñee mbia je ra. Mbia mbuqueta queta Jesús rii. —Satanás

quirācuā je chō Jesús rīqui nguiā aba checuayā icuā jea jea mbia si co, i rei que ñee icuā Jesús je ra. ²³—Jenyu rā tacheē jēje, i que Jesús ee ra. —¿Mañi nda Satanás aba checuayā icuā jea mbia si re? Erimba chō nyeresē. ²⁴ Gobierno icuā icuā mose nyue, ua rae. ²⁵ Tuchuamo jenda icuā icuā mose nyue, ua ra eno. ²⁶ Satanás icuā icuā mose nyue, equirācuā nda ua no. ²⁷ Satanás quirācuā tuchite raque. Umbae rese ngueteāte raque. “Sembae chi turāte a”, i raque. Dios quiarei equirācuā tuchi Satanás si. Dios Satanás mbae sirō ja arōt e quia esi co. Dios Satanás quirācuā mbutiā ja arōte quia co.

²⁸ Tacheē nyecua jēje. Emo siqui icuā mose, Dios eicuā mbutiā arōte esi. Emo ñee icuā mose, Dios echeē icuā mbutiā arōte no. ²⁹ Emo ñee icuā mose Espíritu Turā ñi, ũqui icuā nguiatu ra Dios mbutiā eā mbei esi, i que Jesús ee ra. ³⁰—Jesús chiangui re aba checuayā icuā ndiqui co, i quiatu ngue mbia nguiā. Nyebe Jesús ñee nguiā ũqui.

Jesús nongue ngaē erea usi rese

³¹ Jesús nongue que ngaē ndei erea ra. Usi rese. Chichō ja chō ngue itaicuee ra. —“Quiatuchu” ere Jesús je, i que emo mondo ra. ³² Mbia que chi jate ngoi Jesús jii ra. ũqui ngue ñee ee ra. —Hue ndesi rīqui nderequia itaicuee hue. Ndenongue rese, i que ee ra. ³³—¿Aba je chō aico “tai” i chā? ¿Aba je chō aico “senongue” i no ña? i que Jesús mbia je ra. ³⁴ Jesús que mae ucheē andusa rese ra. —¿Je chō aico nguiā “tai” i. ¿Je chō aico nguiā “senongue” i no. ³⁵ Ae Dios cheē mumbayā nguiā nae, ũqui je chō aico nguiā “senongue” i. ũqui je chō aico nguiā “tai” i no, i que Jesús ñee ee ra.

4

Emo mbae eī mombiquia mbiquia

¹ Jesús que mbia mbaaquiātu quiātu si ama nimia ndese ra. Mbia que ñumunua tuchi u erese huee ra. Nyebe Jesús si nguiā ua canoa mo ye. Ngoi que huñ huee mbia mbaaquiātu quiātu ra. Mbia que chi jate ama nimia ndese ra. ² Jesús que mbia mbaaquiātu quiātu tuchi quia ra. Ejemplos que esañ sañ tuchi ee ra. ³—Jenyisaquia rā serese. Sā emo si rei mbae eī mombiquia mbiquia no. ⁴ Sā emo ndiqui uqui uqui ñeenda rui no. Sā nguireī ndiqui ngaē eu no. ⁵ Sā emo emo ndiqui uqui sita arō no. Sita aronda suri je raque. Ibi ererate quia ñene. ⁶ Tenda ibate mose que eriqui ñimama mano nda. Erao eāte quia ñene. Nyebe mano je nguiā. ⁷ Sā emo ndiqui uqui uqui nyu réndaa no. Sā nyu abe rīqui suri erese no. Nyu ruri que echati asi cuaē eriquisā nda. Nyebe ia eā ño nguiā. ⁸ Sā emo ndiqui

uqui uqui ibi turā no. ũqui nguiatu que suri turā nda. I a turā ngue ra. Sā emo ia treinta no. Sā emo ia sesenta no. Sā emo ia cien no. ⁹ Jēisa mose, secheē jeñandu turā na, i que Jesús ra.

Jesús ucheē mbiāsa uchimbaaquiātu je mbae eī ñi

¹⁰ Mbia атаque nyoī mose que Jesús ji jenda ñee ee ra. Echimbaaquiātu doce rese. —Ndecheē embiāsa tuchi rā ure je mbae eī ñi, i que ñee Jesús je ra. ¹¹ Jesús que ñee ee ra. —Mbia rerecua tuchi quiarei Ibatenda. Ae chō asenei senei nguiā jēje ā. Secheē ambiāsa asa bei tuchi quia jēje co. Mbia атаque quia siqui sereā erese co. Mbia атаque je aico ejemplos achō naa naa mbei co. ¹² Eanduchō sacua eicua turā nonde rocoī. Sā eriqui uba eāte Dios icha rui no. Dios eicuā mbutiā eā sacua esi, i que Jesús ñee nda. ¹³ Jesús que ñee ee ra. —¿Secheē jēicuayāte mbae eī ñi ñee mose jēje re? ¿Mañi jenyē quiātu ra ejemplos атаque icua re no? ¹⁴ Ae mbae eī mombiquia mbiquia nae, Dios cheē nenei neneisa rā ño aque re. ¹⁵ Ae uqui uqui ñeenda rui nae, mbia Dios cheē andu chooñosa rā ño ũqui nde. Ae Dios cheē andu chooñote quia nae, ũqui ñiangui si chō Satanás ndiqui nguiā Dios cheē ndirō. ¹⁶ Ae uqui uqui sita arō nae, mbia mo na ño ũqui no nde. Dios cheē andu mose, isi turā ndaque. Eyate raque erese nyii. ¹⁷ Mbia icuā icuā mose ee Dios cheē ñi, hui jei chō nguiā esi. Mbae rao eā naanguia chō ũqui nde. ¹⁸ Ae uqui uqui nyu réndaa nae, mbia mo na ño ũqui no nde. Dios cheē andu turā ndaque. Siqui bei eā ño nguiā erui. ¹⁹ Umbaerā achō ndese chō eriquichī nguiā ndua. “Mbaecha tuchite ra se”, i bei chō nguiā ndua ndua. Nyebe hui chō nguiā Dios cheē si. Nyebe Dios cheē ndiqui nguiā ia eā mbeite ee. ²⁰ Ae uqui uqui ibi túraā nae, mbia mo na ño ũqui no nde. ũqui nguiatu Dios cheē ñandu turā nguiā. Nyebe eriqui nguiā siqui beite erese. I a ia bei raanguia cote. Emo emo ia treinta. Emo emo ia sesenta no. Emo emo ia cien no, i que Jesús ra.

Tata rendi mbia resae ja

²¹ Jesús que ñeembe ee ra. —Sā nandeico lamparina ati eā no. Sā nandeico emii eā mbae qui re no. Erendi checua chō nda nandemii. Mbia resae ja sacua. ²² Mbae checuayā nda nyecua ja emo mose. Mbia chiangui renda checuayā nda nyecua emo mose no. ²³ Jēisa mose secheē jeñandu turā na. ²⁴ Secheē nda jeñandu chooñochī jē. Jē secheē mumbayā mose, taembaaquiātu i i tuchi. ²⁵ Emo umbae rerequia mose, Dios ra embaerā mo mondo be ee. Emo embae eā mose, Dios ra embae sirō ja esi.

Dios rimba ñimbeta chõ nguiã mbae eĩ na
²⁶ Dios rimba ñimbeta chõ nguiã mbae eĩ na. Sã emo mbae eĩ tiquia tiquia no. ²⁷ Suri ra itõ mocoinde cote. Eruri cuasu tuchi ra cote. Echa embusuriã ndaque. ²⁸ Dios ae chõ embusuri nguiã. Eracói rane. Iã chee. Ea ñetẽ nane. Ea cuasute cote. Ea ireĩ cote. ²⁹ Ea ireĩ tuchi mose ra eishao shao cote.

Mbae eĩ na ño Dios rimba re

³⁰ Mbae rã ño Dios rimba chã. Ejemplo mo tasenei jêje. ³¹ Mbae eĩ na ño Dios rimba re. Sã mbia mo mostaza eĩ tiquia no. Eñetẽ tuchi raque mbae eĩ mo si. ³² Suri oso quia cote. Ecuasu tuchi chee. Ira rã ño cote re. Nguireĩ nguichi quichi chee erãquiã ndese. Eĩ si chõ Dios rimba re. Ñquiã mii ndaque nyii. Ñimbeta tuchi cote. Mbae eĩ na, i que Jesús ñee mbia mbaaquiātu ra.

Jesús ejemplos senei senei tuchi mbia je

³³ Eĩ ño ngue Jesús quia mbia tubiriã mbaaquiātu quiātu ejemplos je ra. Mbia quenea tuchi chee que ra. ³⁴ Ejemplos achõ ngue esenei senei mbia mbaaquiātu sacuaã nda. Uchimbaaquiātu je quiātu que embiasa turã turã nda.

Jesús quiririã icuã icuã mbutiba; ama ndebera abe

³⁵ Itondaru ramo mose que ñee uchimbaaquiātu je ra. —Nyao ama ndisha robei, i que ee ra. ³⁶ Ae canoa ye Jesús ñi mbia mbaaquiātu quiātu nae, aque ye si que echimbaaquiātu Jesús rerao ra. Mbia tubiriã ndecha. Canoa mo abe que nyoi quia erese ra. ³⁷ Ama ndiite re mose que quiririã icuã icuã ndu ee ra. I rebera que ique ique tuchi quia canoa ye ra. Nyebe canoa ndiqui nguiã ñiimi serĩ tuchi ee. ³⁸ Jesús que uque rei oso quia canoa ndiita qiti ra. Uãqui ndua arõ ngue esi rei quia ra. Echimbaaquiātu que emumba ra. —Urembaaquiātusa, echumumba. Nandemanochĩ nda re, i que Jesús je ra. ³⁹ Jesús que nyuruã ñee asite quiririã je ra. —Ti ere cote, ama, i que ama ndebera je no nda. Quiririã ngue tiba echeẽ mose cote ra. Ama ndebera abe que tiba ra. ⁴⁰ Ñee ngue uchimbaaquiātu je cote ra. —¿Mbaerã jësiquichete riqui re? ¿Seicuayãte equia ã nde? i que Jesús ñee ee ra. ⁴¹ Siquiche bei que equia ra. Nyuruira tuchi que mae Jesús quirãcuã ndese ra. —Quiririã Jesús cheẽ mumbayã ñochĩ. Ama abe echeẽ mumbayã ñochĩ no, i que ñee nyue ra.

5

Jesús aba checuayã icuã jea

¹ Ngasẽ ngue ama ndobei cote ra. Gadara, i que hue ib je ra. ² Canoa si Jesús nguichi mose que hue jenda mo tu erea ra. Aba checuayã icuã ngue siqui echiangui re ra.

Mbia raaque tãsa si chõ ngue eru ngasẽ Jesús je ra. ³ Mbia raaque tãsa bei que eriqui ra. Emo ngue echucua aroneate quia ra. Cadenas je abe que emo ndiqui ecua aroneate ra. ⁴ Nyucua mocoĩte rei nda cadenas je raẽ. Eĩ nda echucua rei raẽ. Eo abe. Ucuasa nda endoso ndoso bei quia ra. Emo nda embutiba aronea tuchi quia ra. ⁵ Ngata bei nda equia itondaru ra. Nyaashĩ mose abe. Tasẽ tasẽ mbei nda equia mbia raaque tãsa ra. Sita ibãtee abe no. Sita je nda eriqui ñimbasi mbasite ra. ⁶ Isho que mae Jesús rese ra. Uchã asi que eu ngoi nguiã ndese enonde ra. ⁷⁻⁸ Jesús que ñee ee ra. —Ese u aque chiã si, aba checuayã, i que Jesús ñee ee ra. Aba checuayã ngue tasẽ tuchi ñee Jesús je ra. —¿Mañĩ ere ra equia seje re, Jesús? Dios riirĩ ño nde re. ¿Sembasichĩ nda se jẽ! i tuchi que ee ra. ⁹ —¿Mañĩ ndeje re? i que Jesús ee ra. —Etubiriã, i chõ nguiã seje. Ure cuabẽte quia ñene, i que ñee Jesús je ra. ¹⁰ —Isho ra uremondochĩ, i tuchi que aba checuayã ñee Jesús je ra. ¹¹ Chiasu socoi tubiriã ngue chi quiaru huee ibi ibãtee ra. ¹² Nyebe aba checuayã icuã ñee ja nguiã Jesús je. —Uremondo ja rã chiasu socoi chiangui re, i tuchi que equia Jesús je ra. ¹³ Eno, i que Jesús ee ra. Nyebe aba checuayã usẽ ja nguiã amei ñia si cote. Chiasu chiangui re que ehoi ja cote ra. Dos mil rei chiasu. Chiasu que uchã ja choi nyiichere ama nimia mbucu rĩ nda. Ama ndisha ye que ehoi ja mano nda.

¹⁴ Chiasu raarõsa mundite que ra. Uchã ngue ehoi mbia mbiirandu randu ja ra. Sucha tubiriã jenda mbiirandu. Ishonda abe mbiirandu no. Mbia que ngaẽ ngaẽ nguia jirandu turã cote ra. ¹⁵ Ngasẽ ngue ecuã Jesús je ra. Ae aba checuayã icuã nguereco uchiangui re nyii nae, aque abe que siqui huee ee ra. Huirao resebe que eñi ngoi ra. Earacuate que ee cote ra. Nyebe mbia riqui nguiã siquichete. ¹⁶ Ae mae erese nae, ñqui ngue ñee ñee mbia je ra. Mbia mbiirandu chiasu socoi rese. Ae aba checuayã quereco quia nyii nae, aque rese abe no. ¹⁷ —Eso rã urerecha urerecua si, i jate que hue jenda ñee Jesús je ra. ¹⁸ Ae aba checuayã quereco quia nyii nae, aque que ñee Jesús je ra. Jesús ua mose canoa ye. —Nderese bei chõ taso se jẽ, i rei que ñee Jesús je ra. ¹⁹ Jesús que ñee ee ra. —Teĩ. Quiātu rei ndechuchúaa. Quiātu ñee nderesenda je. “Dios chõ sembucherõ nguiã. Eya eã tuchite que eriqui serese ra”, ere oso nderesenda mbiirandu, i que Jesús ee ra. ²⁰ Amei ngue oso sucha mbuchesea sea cote ra. Mbia Decápolis jenda mbiirandu randu ja. —Jesús chõ sembucherõ nguiã, i ja jate que equia mbia je ra. Mbia que nyuruirate quia mae erese ra.

Jesús Jairo riirĩ mbucherõ; ari mo abe

mbucherõ

²¹ Jesús que tu si iasa sobei si canoa ye ra. Mbia tubiriã ngue ngaẽ ngaẽ nguia erea ra. Ama nimíaa eriquibe mose. ²² Judíos rerecua mo ngue tu erea ra. Jairo, i que ee ra. Judíos munua nuasa que ae ra. Jesús nonde que eru ngoi ngúã ndese ñee ee ra. ²³ —Qui seriirĩ si quia mano qui. Nyao rã ndeo terechono earõ. Embucherõ sacua, i tuchi que equia Jesús je ra. ²⁴ Jesús que oso erese cote ra. Mbia tubiriã abe que nyo i quia ñimajaã tuchi eru ra. ²⁵ Ari rasi mo abe que oso quia eru ra. Eruqui nda uchẽ mbei quia ee ra. Doce años nyee. ²⁶ Ngasi nda esaã tuchi quia ra. Erasi rea reasa nda etea tea jate rei quia raẽ. Umbae nda emondo mondo ja chee ngasi rea reasa je ra. Nyerõ jiri jiriã tuchi que ra. Erasi i i tuchi chõ ngue ra. ²⁷ Jirandu chee que Jesús rese ra. Equite quiti que esi mbia joõ nda. Oco que oso eirao rese ra. ²⁸ —Eirao achõ ndese se oco mose, acherõ nda se, i nda ra. ²⁹ Aque mose tuchi que eruqui ti i ee cote ra. Ngasiã ngue eicua uchiangui re cote ra. ³⁰ —Sequirãcuã ngue mbia mo mbucherõ nda, i que Jesús uchiangui re ra. —¿Aba oco seirao rese re? i que mae uquite quiti ra. ³¹ Echimbaaquiatu que ñee ee ra. —Mbia tubiriãte nyeresẽ. Ñimajaãte nyeresẽ. ¿Mbaerã ereico “¿aba oco serese re?” i re? i que ee ra. ³² Jesús que nyuruba ruba mae nda. —¿Aba oco serese re? i. ³³ Ari que jirandu tuchi ucherõ ndese ra. Eireite que titi titi i huĩ ee ra. Ngoi que ngúã ndese Jesús resa quiti ra. Mbae que esenei ja ee cote ra. ³⁴ Jesús que ñee ee ra. —Seicuate que se ra. Nyebe arembucherõ nguia. Ndeya chõ eso cote. Nderasi ra tu si ea ndeje, i que Jesús ñee ee ra.

³⁵ Echeẽ mose chite que eme ngaẽ Jairo chuchua si ra. —Nderiirĩ ngue mano cote ra. ¿Mbaerã nda Jesús ererao ndechuchua cote re? i que ñee ee ra. ³⁶ Jesús que echeẽ ñandu ra. Ñee ngue Jairo je cote ra. —Ndeya eã techĩ nda jẽ. Seicua chõ se jẽ, i que Jesús ee ra. ³⁷ Jesús que oso eraaque rea cot e ra. Uchimbaaquiatu tres que equerao ra. Pedro. Jacobo abe. Juan abe no. Jacobo nongue que Juan nda. Ūquí mii ño ngue equerao erea ra. ³⁸ Ngasẽ ngue Jairo chuchua cote ra. Mbia que chi ja nyeseo ãquẽ ndaaque rese ee ra. Nyiibu tuchi que eu ra. ³⁹ Ique que oso ñee mbia je ra. —¿Mbaerã jẽingo nyiibute re? ¿Mbaerã jẽingo nyeseo re? ãquẽ manoãte resẽ. Uque chõ u co resẽ, i que Jesús ñee mbia je ra. ⁴⁰ Mbia que iquia iquia chõ ee ra. Jesús que mbia mondo ja chee itaicuee ra. Eru rese que esi ique eriirĩ ndaaque rea ra. Esi abe rese. Nguesenda abe rese. ⁴¹ Eraaque o que eisi ñee ee ra. —Echuruã, ãquẽ, i que ee ra. ⁴² Echeẽ mose tuchi que ãquẽ juã ngata cote

ra. Etiarõte que ra. Doce años que ra. Mbia que nyuruira tuchi mae erese ra. ⁴³ —“Jesús que co raaque mbuquera ra”, jenyechĩ nda emo je jẽ, i que Jesús mbia je ra. —Nderiirĩ embuquiaru cote, i que ee cote ra.

6*Mbia Nazaret jenda Jesús isiteã*

¹ Hue si que esi nguécuaa ra. Echimbaaquiatu abe que nyo i erese ra. ² Sábado mose que mbia mbaaquiatu quiatu judíos chumunuásaa ra. Mbia que nyuruira ja tuchi u echeẽ andu ra. Ñee ñee ngue u nyue ra. —¿Mangue eriqui ñimbaaquiatu tuchite re? ¿Mañi equia mbae icua ja tuchite re? Nandemae sayã naa naa tuchichĩ. ³ Ira mbitirõ tirõsa chõ ndaque. María riiirĩ ño ndaque. Jacobo nongue chõ ndaque. José abe no. Judas abe no. Simón abe no. ã echari enongue riqui ja raque nanderese ã, i que mbia ra. Nyebe mbia Jesús cheẽ andu sereã nea nguia. ⁴ Jesús que ñee ee ra. —Dios cheẽ mbuchecuaa ishonda cheẽ nguia ra mbia isi turã mbei. Nguecua jenda cheẽ achõ nguia ra eisi turã eã. Ngõngue cheẽ achõ nguia ra eisi turã eã no, i que Jesús ñee nguecua jenda je ra. ⁵ Jesús que mbia mae sayã saã saã aroneate quia huee ra. O que echono mbia rasi mii mii arõ embucherõ nda. ⁶ Hue jenda mbia que chi Jesús icua eãte ra. Nyebe Jesús nyuruira tuchi nguia mae erese. Sucha tubiriã mbuchesea sea que equia mbia mbaaquiatu quiatu ra.

Jesús uchimbaaquiatu doce mondo ucheẽ nenei nenei sacua

⁷ “Jenyu” i que uchimbaaquiatu doce je ra. Nyeremo nemo ngue embuchao chao mondo ra. Uquirãcuã ngue emee mee ee ra. Aba checuayã icua jea jea sacua mbia chiangui si. ⁸⁻⁹ —Mbae mo nda jendaochĩ icua. Mbae riru mo abe ra jendaochĩ. Jenyiurã mo abe ra jendaochĩ no. Mbae isiquia abe ra jendaochĩ. Jëiyao nongue mo nda jendaochĩ. Jëirao nongue mo abe ra jendaochĩ no. Jenyitochoquia mii ño jenda. ¹⁰ Jengasẽ mose sucha tubiriã mo, aque tuchua mii ño jẽingo uque. Tuchua ra jembuchesea seate chi jẽingo mose huee. Ae ra jengue nyii nae, hue tuchua bee chõ jẽingo uque. ¹¹ Sucha tubiriã jenda mo jëisi sereã nea mose, jëhui chõ esi. Hue jenda jeñee andu sereã mose, jëso chõ hue si. Jëi tubi jembutomo tomo ee. Hue jenda huicua icua sacua. Tacheẽ nyecua jëje. Ae ra jeñee isi sereã nae, ũquí nda Dios mbasi tuchi. Uquiatoã nda embasi ja aque mose. Sodoma jenda ra Dios mbasi raque. Gomorra jenda abe no. Ae jeñee isi sereã nae, ũquí nguia ra embasi tuchi Sodoma jenda si. Gomorra jenda abe si, i que Jesús ñee uchimondobi je ra. ¹² Nyo i nyo i ja que

equia Dios cheē nenei nenei mbia je ra. — Jendua si Dios rese, i ite que equia mbia ja je ra. ¹³ Aba checuayā icuā ngue eja jea tuchi quia mbia chiangui si ra. Mbae eī quira que equiti quiti quia mbia rasi rese ra. Mbucherō ja que ra.

Mbia Juan el Bautista iquia

¹⁴ Mbia que jirandu ja Jesús rese cote ra. Herodes abe que jirandu erese ra. Ererecua que ae ra. Juan el Bautista Jesús riqui rei Herodes je reaē. —Juan ndaaque que quera si ra. Nyebe eriqui nguiā mbae raā jate, i rei que Herodes ra. ¹⁵ Elias Jesús riqui rei emo je reaē. Dios cheē mbuchecuasa ñiinda Jesús riqui rei emo je re no aē. ¹⁶ Herodes que jirandu Jesús rese ra. Juan el Bautista eriqui rei nguiā ee. —Juan ño eriqui re. Ae āquī achisia. Quera si chōchī ere, i rei que Herodes ra. ¹⁷⁻¹⁸ Herodes Juan mondo quiatu quia carcel nyii reaē. Nyucua nda cadena je ra. Paama i nda Juan je ra. —iNde ndenongue ninisi erereco aroneate jē! i quiatu que Juan ñee ee nyii ra. Herodes siqui mose nōngue ninisi rese. Herodías, i que enongue ninisi je ra. Felipe, i que enongue je ra. ¹⁹ Herodías que Juan ucuyāte quia ra. —Taiquia, i rei que equia ra. ²⁰ Herodes bite rei que Juan ñee andu ra. Icuayā jiri rei que ra. —Juan turāte que ra jē, i que equia Juan ñi nda. Nyebe eriqui nguiā ireī ireīte esi. Nyebe Herodías Juan iquia aroneate nguiā. ²¹ —Co mose chō jē, i que Herodías Herodes mbae cumpleaños mose cote ra. —Jenyu quiaru serese, i que Herodes mbia rerecua ja je ra. Ererecua Galilea jenda ja je. ²² Aque mose que Herodías ririī nyuruqui ruqui mbia je ra. Nyucuaaque que ae ra. Herodes ia tuchi que mae nyucuaaque nyuruqui rese ra. Ñee ngue nyucuaaque je ra. —¿Mbae ra amee ndeje re? Echeē ño seje. ²³ “Sebite co” nde i mose, aque tamondo ndeje. Sembae ataque tamondo ja ndeje ndebi mose. Acheē ñoōña ño nguiā ndeje a, i que Herodes ñee nyucuaaque je ra. ²⁴ Nyucuaaque que oso ñee usi je ra. —¿Mbae “embu seje” ae ra ee re? i que ñee usi je ra. —“Juan el Bautista āquī ño embu seje”, ere chō ee, i que esi ra. ²⁵ Nyebe que esi ñee Herodes je cote ra. —Juan el Bautista āquī emee na seje plato ye, i que ñee ee ra. ²⁶ Herodes chosoi que oso serī tuchi echeē andu mose ra. —Acheēchī se quia ee. A seresenda chī ja quiaru serese a resē. Ā seandu ja chōchī. Nyebe ra secheē ambuchebi eā ee, i que Herodes uchiangui re ra. ²⁷ Soldado mo ngue emondo cote ra. —Quiatu Juan iquia. Eāquī eru seje, i que ñee soldado je ra. ²⁸ Cárcel que esi Juan āquī sia cote ra. Eāquī ngue equeru plato ye nyucuaaque je cote ra. Nyucuaaque que emee usi je cote

ra. ²⁹ Juan ñimbaaquiātu jirandu mose que echoi eraaque rea cote ra. Ñono ngue sita ndoro ji ye ra.

Jesús mbichae tubiriā saā mbichae mii je

³⁰ Ae Jesús mondo quia uchimbaaquiātu, ũquī ngue ngaē si ee cote ra. Uchisaā ngue esenei senei cuaē ee ra. —Eī ure que mbia mbaaquiātu quiatu ra, i que ecuaē Jesús mbiirandu ra. ³¹ Mbia tubiriāte que ngaē ngaē nguia ñindecua ndecua erea ra. Equiaru mose rocoī abe. Nyebe ñee nguiā uchimbaaquiātu je. —Nyao rā mbia eāsa, jenguenea ucua mbiri, i que ra. ³² Ae ae que nyoi canoa ye mbia eāsa ra. ³³ Mbia tubiriā tuchi ngue mae ñochī nguiā echoi rese. Jesús icua chō ngue ra. Mbia que nyoi uchā ibi rī nda. Sucha jenda ja. Ũquī nane ngue nyoi ngasē Jesús raarō ama nimia nda. ³⁴ Jesús que usē canoa si cote ra. Mbia tubiriā ndese que mae nda. Eya eā tuchite que erese ra. Oveja raarō iriā na nguiātu quiatu tuchi ee ra. Mbia que embaaquiātu quiatu tuchi cote ra. ³⁵ Tenda oso mose que echimbaaquiātu ñee ndei ee ra. —Tenda osote resē. Mbia chuchua mo āte a resē. ³⁶ Mbia chiurā eā abete a resē. Mbia embui mondo uchiurā ndequia requia sacua sucha achi jenda rea ra, i que ñee Jesús je ra. ³⁷ —Jeño mbae jemondo ee echiurā, i chō ngue Jesús ñee ee ra. —Tei. Mbae quia ra aba mondo ee. Mbia tubiriā tuchite quia ñene. Mbae isiquia tubiriā tuchi je quia nda aba mbae isi rei nguiā ña. Mbia chayāte chō eno nde, i que ñee Jesús je ra. ³⁸ —¿Manya mbichae jendeco ũquī nde? Jēso mae erese no, i que Jesús ee ra. Emo ngue oso mae erese eicua ra. —Cinco mbichae riqu i co. Sira nyeremo abe, i que echimbaaquiātu mo ñee ee ra. ³⁹ —Sā mbia ngoi ngoi ja quiata tose. Echesea sea, i que Jesús ra. ⁴⁰ Mbia que ngoi ngoi ja nyesea sea cote ra. Cincuenta jaaja. Cien abe no. ⁴¹ Jesús que mbichae cinco sirō cote ra. Sira nyeremo abe no. Ibei rese que mae gracias i Dios je ra. Mbichae que esiquio quio cote ra. Mee mee ngue uchimbaaquiātu je ra. —Jemee mee mbia je, i que uchimbaaquiātu je ra. Sira nyeremo abe que esiquio quio mbia ja je ra. ⁴² Mbia ja que eu tuchi ra. Ñimbio chee que ra. ⁴³ Mbia chiu sique tubiriā tuchi que ra. Mbichae rire. Sira rire abe no. Doce iru que mbia mombisē esique sique je ra. ⁴⁴ Cinco mil hombres que mbia mbichaecua ra.

Jesús ngata i arō

⁴⁵ Aquere que Jesús uchimbaaquiātu mondo ja canoa ye ra. —Jē nane jēso Betsaida sobei. Mbia tambui turā na mondo uchuchūaa se nyii, i que ra. ⁴⁶ Jesús que mbia mbui turā mondo cote ra. Ae ae que oso sita ibātee cote ra. Ñee sacua Dios

je. ⁴⁷ Huee que ae ae riqui itondaru chee ra. Canoa yenda que chi bei ama ndiite rí nda. ⁴⁸ Echimbaaquiātu que pare pare i canoa ibu ra. Quiririã ngue eichu ichute eruba quiti ra. Jesús que mae erese ishote ra. Nguiã ñee mose que esi erichã nda. I arõ ngue esi quia ngata ra. Nyucuaño nda eña nde. ⁴⁹ Mbia aingue eriqui rei nguiã echimbaaquiātu je. Ngata mose i arõ. Nyebe tasê tasê nguiã. ⁵⁰ Echimbaaquiātu chiã ngue cuãacuã i tuchi mae erese ra. — Jêsiquichehí nguiã. Jêya chõ ae. Se chõ nyeresê, i que Jesús ñee ee ra. ⁵¹ Ua que canoa ye embirõ cote ra. Quiririã ngue tiba cote ra. Echimbaaquiātu que nyuruira tuchi u mae erese ra. ⁵² Jesús mbichae mbeta quia nae, ùqui ngue echimbaaquiātu icuayãte uchiangui re ra. —Dios riiri ño eriqui reaê, i ãte que eicuayã nda. Eãqui ãtãte chõ ngue ra.

Jesús mbia Genesaret jenda mbucherõ cherõ

⁵³ Ngasê nyee que sobei cote ra. Genesaret, i que hue ibi je ra. ⁵⁴ Jesús usê mose canoa si que mbia eicua jei ra. ⁵⁵ Mbia que nyoï ja uchã tuchua mbuchesea sea ra. Erasi rurucuaê cuaê sacua Jesús je, erua resebe. ⁵⁶ Jesús cuatásaa que mbia riqui erasi rurucuaê cuaê ee ra. Sucha tubiriã jenda jaaja. Sucha mii mii jenda jaaja abe no. Turuquia jenda abe no. Ùqui ja que erasi curucuaê cuaê nguiã ñono Jesús jii ra. —Sã erasi oco oco ja rá ndeirao ai rese, i jaaja que ñee Jesús je ra. Ae oco erese nae, ùqui ngue nyero ja ra.

7

Mbia chiangui renda ae chõ embiãcuã nguiã

¹ Aquere que fariseos mo ngaê ñee Jesús je ra. Embesasa mo abe, ae ngaê Jerusalén si. ² Jesús chimbaaquiātu mo ngue quiaru quiaru echoi quiiriã ee ra. —¿Mbaerã jêingo quiaru jenyoi quiiriã nde? Nanderamei ñee ndui si eã ño jêingochí nde, i que ñee asite ee ra. ³ Fariseos quiareï nyoï bei quiaru nonde. Judíos ja abe no. —Nandechoi eã mose ra nandechiã mondeite, i rei equia ã. Ngãmei ñee nguire eriqui ùqui naa naa mbei ã. ⁴ Echoi quiiriã mose eriqui quiaruã ã. Ngaê mose plaza si eriqui nyoï nyoï tuchi quiaru nonde ã. Ngãmei ñee nguire chõ eriqui nguiã mbae raã ja ã. Sã eriqui yuyuquia irei irei no. Ñio abe no. Irachaê abe no. Uquisa abe no. ⁵ Nyebe fariseos ñee nguiã Jesús je. —¿Mbaerã ndechimbaaquiātu riqui eí eã nanderamei ñee nguire re? ¿Mbaerã eriqui quiaru uchoi quiiriã nde? i que fariseos ñee Jesús je ra. Embesasa abe no. ⁶ Jesús que ñee ee ra. —Isaias que embesa jeniã cose ra. Eí ngue embesa ra:

Á mbia riqui ñee turãte raque seje ã.

Uchiangui re quia eriquiãte nguiã serese ã.

⁷ Ñee turãte raque equia seje ã. Amei ñee achõ ño esenei seneichí nguiã mbia je.

Dios cheê mii nenei nenei ndocoí ee, i que Isaias embesa jeniã nda. ⁸ Jenamei ñee achõ ño jesenei seneichí nguiã mbia je ùqui. Dios cheê nenei nenei ndocoí ee.

⁹ Dios cheê jemumba mumba chõ chí nguiã ã. Nanderamei ñee ndese chõ jêingochí oote ã. ¹⁰ Moisés cheê ndui turã eã ño jêingochí ã. Sã Moisés ñee mbia je no: “Jêturã ño nguiã jendu je jê. Jêsi je abe no. Emo ñee icuã mose ngu je, ùqui jêiquia chõ. Emo ñee icuã mose usi abe je, ùqui abe jêiquia no”, sã i Moisés no. ¹¹ Jê nguiã jêingo nguiã Moisés cheê abi abite ã. Sã jêingo ñee no. “Ae nda amee nei jêje, ùqui ngue amondo ja Dios je ra”, i mose emo ñee ngu je, “coche ñene” jenyê chõchí nguiã ee. Mbae mee eã mose ngu je. Usi abe je. Nyebe jêingo nguiã mbia mbaaquiātu icuã icuã ùqui. ¹² ¿Mbaerã jêingo mbia riquisã quisãte mbae meese mose usi je re? Ngu je abe no. ¹³ Nanderamei ñee achõte jêsenei seneichí nguiã jendiiri je ã. Nyebe jêingo nguiã Dios cheê mbuquiachãte jendiiri si ã. Mbae icuã atate jêsaã saã nguiã ã, i que Jesús fariseos je ra. Embesasa abe je. ¹⁴ —Jenyu secheê andu, i que Jesús mbia ja je ra. —Secheê jêicua rá. ¹⁵ Mbia chiũ embiãcuã eã nguiã. Echiangui renda chõ embiãcuã nguiã. Echiangui renda chõ usê nguiã echuru rí echeê mose. Ùqui ño embiãcuã nguiã. ¹⁶ Jêisa mose, secheê jeñandu turã na, i que Jesús ra. ¹⁷ Jesús que mbia secha oso ique tuchúaa ra. Echimbaaquiātu que ñee ee cote ra. —Erecheê ngue namo, “ùqui nda mbia mbiãcuã” ere que, ùqui embuchecua rá ndecheê ure je, i que ñee Jesús je ra. ¹⁸ Jesús que ñee ee ra. —¿Jê abe jêicuayãte quia re? Ae mbia u quia nae, ùqui mbia mbiãcuã eã nguiã. ¹⁹ Iqueã nda oso echiangui re. Erie ye chõ eriqui nguiã oso. Echiique rui chõ eriqui nguiã oso. Usê nyee, i que Jesús ñee uchimbaaquiātu je ra. —Mbia chiũ turã ja, i chõ nguiã. ²⁰ —Mbia chiangui renda chõ embiãcuã nguiã usê mose echuru rí. ²¹ Aba chiangui renda quia aba mundua icuã icuãte nguiã. Nyebe eriqui nguiã siqui emo ninisi rese. Emo ndu rese abe no. Siqui siqui eruã ndese abe no. Mbia abe iquia iquia. ²² Mbae abe mbuquiachã quiachã no. “Aque raã nda sembaerã ña”, i emo mbae je no. Mbae icuã ñumumbara raã naa ja. Mbia abe mbiri irí no. Mbae icuã oseí oseí bei. “Se quiatu ae”, i mbae je. Ñee icuã icuã no. Ucuasu abe raã naa no. Mbae icuã naa ja chooño. ²³ Mbia chiangui renda icuã ja chõ ùqui nde. Ùqui ño mbia mbiãcuã icuã nguiã ùqui ao ao mose, i que Jesús ra.

Ari mo Jesús icua

²⁴Jesús que nyoi hue recha cote ra. Ngasē ngue Tiro jii cote ra. Sidón jii abe no. Ique que oso tuchia mo nda. —Sā mbia jiranua serese, i rei que ra. Mbía qu e jirandu chō erese ra. ²⁵Ari mo abe que jirandu erese ra. Eriirī ngue aba checuayā nguereco uchiangui re ra. Ari que tu Jesús rea ra. Ngūiā ndese que ngoi ejii ra. ²⁶Sirofenisia jenda que ae ra. Judío eā tuchi que ae ra. Griego cheē ño ngue echeē nde. —Aba checuayā icuā ejae rā seriirī si, i tuchi que Jesús je ra. ²⁷Jesús que ñee ee ra. —Judíos rese rane taico mbae raā naa. Ahui aronea judíos si, mbae raā naa mbiamo je, i que Jesús ee ra. ²⁸Ari que ñee ee ra. —Aicuate raque se, Sererecua. Mbiamo ndaque ure. Judíos eā ndaque ure. Ure je abe chō mbae esaā ae. Seriirī embucherō seje ae, i que ari ñee ee ra. ²⁹Jesús que ñee ee ra. —Erecheē turāte. Quiatu rei. Nderiirī ngue nyerō no, i que ee ra. ³⁰Ari que oso uchuchúaa cote ra. I que eriirī u ngua ye ee cote ra. Aba checuayā icuā usē ño ngui a esi reaē.

Jesús eisayā mbucherō

³¹Jesús que nyebi Tiro rurubi si ra. Sidón ngue etasamo nda. Ama ndisha Galiléaa que esi ra. Decápolis rī ngue esi ra. ³²Eisayā mo ngue mbia curucuaē ee ra. Echeē aquiatuāte abe que ra. —Ndeo echono earō embucherō, i tuchi que mbia Jesús je ra. ³³Jesús que eisayā nguerao pe jiri mbia recha ra. O que emingue mondo eisacua rereco chobei ra. O que embia ngūendi je ra. Mondo que echuru rī cote ra. ³⁴Soboiba que ibate cote ra. Jiabute que ñee ee ra. —Eso, eisacua, i que ee ra. ³⁵Eisacua que soro cote ra. Echuru abe que nyerō cote ra. Ñee ngue cote ra. ³⁶—Emo nda jemiiranduchī jē, i rei que Jesús ñee mbia je ra. Mbía que ñimbiirandu i i tuchi ra. ³⁷Mbía que ñee ñee nyue Jesús rī nda. —Mbae raā turā turā ja tuchichī equi a co. Eisayā abe isa ndoro chee no. Echeē ngūiā abe mbucheē nyee no, i ja tuchi que mbia quia nyuruira mae erese ra.

8*Jesús mbichae tubiriā saā mbichae mii je*

¹Mbia que ñumunua tuchi Jesús je aque mose ra. Ñee ngue uchimbaaquiātu je ra. ²—Seya eāte aico ā mbia tubiriā ndese co. A echī arete serese tres días a. Echirā mo eāte mbae mo aa. ³Eriācuā amondo sereāte echuchúaa. Ngasē āte chō ndae. Ishote si ecuaē aa resē. Nandembaquiari chō aa, i que Jesús ra. ⁴Echimbaaquiātu que ñee ee ra. —Turuquia re chō nandeico a resē. ¿Mañi nda aba ā mbuquiari ja re? i que ñee Jesús je ra. ⁵—¿Manya mbichae jendeco re? i que Jesús ee ra. —Siete, i que ee ra. ⁶Jesús que mbia mbucoi ja íbii ra. Mbichae siete

que eisi ja o je cote ra. Gracias i que Dios je cote ra. Mbichae qu e esiquio quio mee uchimbaaquiātu je cote ra. Ūquí ngue embuchao chao mbia tubiriā je cote ra. ⁷Sira ñetē mii abe que equereco ra. Gracias i que Jesús Dios je cote ra. —Sira abe jembuchao chao mbia je, i abe que ee ra. ⁸Mbia que eu ja ñimbio chee ra. Echū sique que emunua nua ja ra. Siete iru que emombisē nyee ra. ⁹Mbichaecua rei mbia cuatro mil. Jesús que embui turā mondo cote ra. ¹⁰Canoa ye que Jesús ua uchimbaaquiātu rese cote ra. Nyoi que Dalmanútaa ra.

Mbia mae sayā eteacuquia ure je, i fariseos

¹¹—Tā nande rā Jesús je, i que fariseos cuaē ñee ñee ee ra. —Mbia mae sayā esaā na ure je. I nda “Dios chĩmbu” ure tuchi ndeje, i rei que ñee Jesús je ra. ¹²Jesús que iabu tuchi ñee nda. —¿Mbaerā mbia rĩqui “mbia mae sayā esaā ure je” i tuchi re? Tacheē nyecua jēje. Mbía mae sayā mo nda ateaququia eā tuchi jēje, i que Jesús ñee ee ra. ¹³Oso que mbia recha cote ra. Iasa que echoi sobei cote ra.

Fariseos mbia mbaaquiātu icuā, i Jesús

¹⁴Jesús chimbaaquiātu que uchirā curu-choi eā nda. Tesarei que esi ra. Mbichae mii tuchi que equerū huee ra. ¹⁵Jesús que ñee ee ra. —Mbichae mbuchimatāsa rā ndei fariseos cheē. Herodes chimbaaquiātu cheē abe no. Ūquí ñee ndese ra jēingochī jē, i que Jesús ee ra. ¹⁶—Mbichae quiatu ngue nanderuā nguiā. Nyebe eriqui nguiā ñee nande je Ūquí, i rei que echimbaaquiātu ñee nyue ra. ¹⁷Jesús que echeē ñee icuate ra. Nyebe ñee nguiā ee. —¿Mbaerā jēingo “mbichae nanderuāchī” i re? ¿Ae rī aico ñee jēje nae, Ūquí jēicuayā mbeite quia re? ¿Jēñia ātā mbeite eriqui re? ¹⁸Jēisate raque. ¿Secheē jēñanua mbeite quia re? Jendesate raque. ¿Sechisaā jēicuayā mbeite quia re? ¹⁹Se mbichae cinco mbeta mose mbia cinco mil je, ¿manya iru jemombisē mbichae sique sique je re? i que Jesús ee ra. Doce, i que ee ra. ²⁰—Mbichae siete mbeta mose mbia cuatro mil je, ¿manya iru jemombisē esique sique je re no? i que Jesús ee ra. Siete, i que ee ra. ²¹—¿Jēingo secheē icuayā i ite ā nde? i que Jesús ee ra.

Jesús eresayā mo mbucherō

²²Nyoi que Betsaida cote ra. Mbía que amei ndesayā mo ngurucuaē Jesús je ra. Oco sacua erese embucherō. ²³Jesús que eo isi serao pe jiri sucha si cote ra. Ngūendi que equiti eresa rese ra. O que echono earō nda. —¿Eremaete mbae rese cote re? i que ee ra. ²⁴Eresayā ngue mae cote ra. —Mbía rese amaete cote. Ecuata rese amaete. Ira raāte mbia seje, i que eresayā nda. ²⁵Jesús que

o chonombe eresa rese ra. Mae turā ngue cote ra. Nyerō tuchi que cote ra. ²⁶ Jesús que embui mondo uchuchúaa ra. —Eresochĩ nda sucha ite rĩ jê, i que ee ra.

Cristo chō nde resê, i Pedro Jesús je

²⁷ Jesús que nyoĩ Cesarea de Filípoo cote ra. Huee que ñee uchimbaaquiату je cote ra. —¿Aba aico reĩ mbia je re? i que ee ra. ²⁸ Echimbaaquiату que ñee ee ra. —Juan el Bautista ereico reĩ nguiã mbia je co. Elías ereico reĩ nguiã emo je no. Dios cheê nenei neneisa mo ereico reĩ nguiã emo je no, i que echimbaaquiату ñee Jesús je ra. ²⁹ —¿Aba aico reĩ jêje co re? i que Jesús ee ra. —Cristo chō nde resê, i que Pedro ñee ee ra. ³⁰ —Jeñeechĩ nda mbia mo je ũquí jê, i que Jesús ee ra.

Mbia ra seiquia, i Jesús

³¹ Jesús que umano nonde senei senei uchimbaaquiату je ra. —Mbae rasi ra asaã tuchi. Judios ramei icuã icuã tuchi ra seje. Sacerdotes rerecua abe no. Embesasa abe no. Seiquia rae. Tres días mose ra aquera si, i que ñee uchimbaaquiату je ra. ³² Jesús que ñee nyecua tuchi ee ra. Nyebe Pedro Jesús rerao nguiã suruicha. —¿Mbaerã erecheê ũquí nde? Mbia ra ndeiquiyã, i rei que Pedro ñee asite Jesús je ra. ³³ Jesús que uba mae uchimbaaquiату rese ra. Ñee ngue Pedro je ra. —Ehui chō sesi, Satanás. Mbia ndua ndua rã ño ereico nguiã ndua. Dios ndua ndua rã eã, i que ñee Pedro je ra.

³⁴ Jesús que ñee uchimbaaquiату ja je cote ra. Mbia abe je. —Emo siquise mose serui, sã hui ja mbae ubi si. Sã cruz rui umbaerã se rã si. Sã eriqui serui bei cote. ³⁵ Emo ndua bei mose ngueco rese, ereco ra ua esi. Emo hui mose ngueco si seje, ũquí nda siqui bei. ³⁶ Emo ngueco mumba chooño mose, eya eã mbei rae. Mbaecha rete raque. ³⁷ Emo ngueco mumba chooño mose, mbae mo eãte ereco ribishorō sacuã. ³⁸ Emo ireĩ ireĩ mose sesi mbia icuã ndésaa, se abe ra aireĩ ireĩ esi. Emo ireĩ ireĩ mose secheê si, se abe ra aireĩ ireĩ esi, sechu mose mbia rerecuarã. Dios ra sembu si ìbii uquirãcuã je aque mose. Ibatenda rese ra achu ángeles, i que Jesús ee ra.

9

1 —Tacheê nyecua jêje. A jengu a nae, jemo nda jemaes sechu rese. Achu ra mbia rerecuarã tuchi cote. Jemo jemano eã mose ra achu mbia rerecuarã tuchi cote, i que Jesús ee ra.

Jesús nyũcuabo uchimbaaquiату rêsaa

² Tenda seis uare que Jesús uchimbaaquiату mo nderao sita ibátee ra. Pedro. Jacobo. Juan abe no. Ũquí ngue equerao ja mbia tiásaa ra. Jesús que nyũcuabo erésaa huee ra. Enininya tuchi que ee ra. ³ Eirao abe

nininya tuchi que ra. Eiraoshĩ nininya tuchi que ee ra. ⁴ Mbia nyeremo ngue ngaê ibate si ra. Ñee ñee ngue ecuaê Jesús nininya rese ra. Moisés que ũquí nda. Elías rese. ⁵ Pedro que ñee Jesús je ra. —Sererecua, nandecu turãte a. Sucha ñetê uresaã saã na. Enongue nembraerã. Enongue Moisés mbaerã. Enongue Elías mbaerã no, i rei que Pedro ñee Jesús je ra. ⁶ Echimbaaquiату siquichete quiату ngue re. Nyebe Pedro riqui nguiã “mañi nda aba re” ite. ⁷ Ibeishĩ ngue tu nguichi eite re cote ra. Moisés mbuchecuayã ee. Elías abe no. Echeê mo ngue ehandu ibeishĩ qui re ra. —Co rei sebi tuchi seriirĩ co. Echeê jeñandu bei quia, i que Dios ñee ee ibeishĩ qui re ra. ⁸ Echimbaaquiату mae mose que Jesús miĩ ndiqui ee cote ra. Moisés que nyecuayã asi ee ra. Elías abe.

⁹ Ecuaê mose nguichi sita ibate si que Jesús ñee ee ra. —Ae rese jemaes namo nae, ũquí je jenyecuachō jê. Sequera si mose quiату teñee ñee mbia je cote. Semano nonde eã, i que Jesús ñee uchimbaaquiату je ra. ¹⁰ Nyebe ñee eã nguiã emo je. —¿Mbaerã eriqui “se quera si mose” i re? i que ndua ndua ñee nyue ra. ¹¹ Ñee ngue Jesús je cote ra. —¿Mbaerã embesasa ñee nde? “Elías rane nda tu Cristo si” i re, i que ñee Jesús je ra. ¹² Jesús que ñee ee ra. —Ae bei. Coche Elías rane tu nguiã mbae mbitirō ja. ¿Mbae i chō embesa ji quia Cristo rĩ ña? “Mbae rasi ra esaã tuchi”, i chō nguiã. “Mbia ra eucuyã tuchi”, i chō nguiã no. ¹³ Elías que tu no. Mbia icuã icuã tuchi que ee ra. Sã embesa ji ñee nyii no. Eĩ si tuchi que ra, i que Jesús ñee ee ra.

Jesús aba checuayã jea mbia riirĩ mo si

¹⁴ Ngasê ngue echoi echimbaaquiату ataque je cote ra. Mbia tubiriã tuchi que chi echimbaaquiату mama huee ra. I que embesasa u ñee icuã icuã echimbaaquiату je huee ra. ¹⁵ Jesús ngasê mose que mbia nyuruira tuchi mae erese ra. Oo tuchi que erese ra. ¹⁶ —¿Mbae rĩ jêingo ñee icuã icuãte jenyue re? i que Jesús ñee mbia je ra. ¹⁷ Emo ngue ñee Jesús je ra. —Sererecua, seriirĩ aru quia ndeje co. Nde embucherō sacuã. Aba checuayã icuã equereco uchiangui re co. Nyebe eriqui nguiã ñee eãte co. ¹⁸ Aba checuayã icuã ndiqui seriirĩ isi isi beite co. Mbucoi coi beite equia ìbii co. Echuru abe mbichoite. Ureĩ abe quitite. Nyebe equirãcuã neate riqui nguiã co. “Aba checuayã jêjea seriirĩ si”, ae rei que ndechimbaaquiату je ra. Eaquiutuãte chō ngue ra, i que eru ñee Jesús je ra. ¹⁹ Jesús que ñee cote ra. —¿Mañi jenyue quia seicuayãte re? ¿Ñimbirãcuã mbeite ra aba quia jêje re? i que Jesús ra. —Eriirĩ jendu rã seje, i que cote ra. ²⁰ Eriirĩ ngue ecurucuaê ee cote

ra. Aba checuayā ngue eririĩ mburirite Jesús rese mae mose ra. Mbucoi que íbii ra. Mbuchishao shao tuchi que ra. Echuru mbichoi tuchi que ra. ²¹ —¿Manosete aba checuayā ndiqui ererequia re? i que Jesús eru je ra. —Eñetē mosebe bei, i que eru ra. ²² —Tátaa eriqui emondo mondo beite co. Ama ye abe. Ericharā. Nde ejea aquiatu mose, ejea rá esi ure je, i que eru ñee Jesús je ra. ²³ Jesús que ñee ee ra. —¿Mbaerā ereico “nde aquiatu mose” i seje re? Ae seicua quia nae, ũqui je aico mbae raā aquiatu jate co resē, i que Jesús ee ra. ²⁴ Eru que ñee ee ra. —Areicuate se resē. Semingo uquiabe jiri nderese ae, i que eru ucheē mumbebote ñee Jesús je ra. ²⁵ I que mbia cuaē nguia ñumunua nua tuchi huee ra. Nyebe Jesús ñee asi nguia aba checuayā icuā je. —Aba cheuayā, mbia isa erembitaote quia hue. Erembucheē nguiaite abe equia hue. Esē oso esi. Eriique sichi nda oso echiangui re jē, i que Jesús ee ra. ²⁶ Aba checuayā ngue tasēte eririĩ mburiri cote ra. Usē oso cote. Eraaque rá ngue eririĩ nyi cote ra. Mano nei nguia mbia je. ²⁷ Jesús que emua eo rese ra. Juā turā ngue cote ra. ²⁸ Jesús que oso ique tuchúaa cote ra. Echimbaaquiatu que ñee ee mbia tiámbaa cote ra. —¿Mbaerā aba checuayā useā oso urecheē mose ure re? i que ñee ee ra. ²⁹ Jesús que ñee ee ra. —Jeñee eā mose Dios je, ā jējea aroneate. Jēhui eā mose jenyi si, ā jējea aroneate no, i que Jesús ee ra.

Mbia ra seiquia, i si Jesús

³⁰ Galilea rĩ ngue echoi hue si ra. —Sā mbia jiranua nanderese, nandeso mose hue rĩ, i que Jesús ñee uchimbaaquiatu je ra. ³¹ Uchimbaaquiatu ae que embaaquiatu quiatu oso quia ñeenda rui ra. —Emo nda semee mbia icuā je seiquia sacua. Seiquia ji ra aquera si tres días mose, i que equia embaaquiatu quiatu ñeenda rui ra. ³² Echimbaaquiatu que echeē icuayate quia ra. —Ndecheē embiasa asa tuchi rá ure je, i áte que equia ee ra. Ireĩ ireite quiatu que equia esi ra.

Ererecua tuchi ra se, i jaaja Jesús chimbaaquiatu nyue

³³ Ngasē ngue Capernaum nda. Tuchúaa ique mose que ñee uchimbaaquiatu je ra. —¿Mbae rĩ jenyu quia ñee icuā icuāte jenyue ñeenda rui re? i que ee ra. ³⁴ Quiriri ja chō ngue u ñee ndocoi ee ra. —Ererecuarā nda se cote, i jaaja chō equia nyue ñeenda rui reaē. Nyebe eriqui irei ireite Jesús si re. ³⁵ Jesús que ngoi cote ra. —Jenyu ja rá. Tacheē jē ja je, i que uchimbaaquiatu doce je ra. —“Ererecuarā se” i mose emo, sã uataque rimbarā ño eriqui, i que Jesús ee ra. ³⁶ Áquē mo ngue emii eite re cote ra. Sui que ñee uchimbaaquiatu je ra. ³⁷ —Ae siqui

turā nguia mbi a ririĩ je serĩ nae, seje abe chō eriqui nguia siqui turā. Ae eturā ndiqui seje nae, semondosa abe je chō eturā ndiqui nguia, i que Jesús ee ra.

Emo icuā eā mose nande je, nanderesenda chō ũqui nde

³⁸ Juan ngue ñee Jesús je ra. —Pe emo nyi aba checuayā ndirō ndirō mbia si nderĩ pe. Uremae ngue erese ra. Aque eriqui áte nanderese aque. Nyebe uresiquisā nguia, i que Juan Jesús je ra. ³⁹ Jesús que ñee ee ra. —Tei. ¡jēsiquisā quisáchí nda jē! Emo mbia mae sayā naa mose serĩ, ñee icuā eā nda seje aquere. ⁴⁰ Emo icuā eā mose nande je, nanderesenda chō ũqui nde. ⁴¹ Emo sechimbaaquiatu isei mbiu turā mose serĩ, Dios abe ra mbae turā mondo aquere je.

Mbae icuā nda nandesā uquiachĩ emo je

⁴² Ae ra mbae icuā saā nguia seicuaa mo je nae, ũqui nda mbae rasi saā tuchi cote. ũqui nda aba mombo chō ama ndisha ye nyii re chā. Sita resebe ecua ji mondo. 1 nda mbae icuā naa uquia eāte rei seicuaa je. ⁴³ Ndeo nemingo mose mbae icuā ndese, ndeo echisia mombo. Coche rei ra ereso ibate ndeo mii Nderequia, siqui bei sacua huee. Oso rocoĩ tata cuásuu, ndeo nyeremo nderao. Tata mungue aronea tuchi chō hue jenda re. ⁴⁴ Mbae rosei ra manoa mbei huee. Tata ra uqueā mbei huee no. ⁴⁵ Ndei nemingo mose mbae icuā ndese, ndei echisia mombo. Coche rei ra ereso ibate ndei mii nderequia, siqui bei sacua huee. Nemombo rocoĩ tata cuásuu, ndei nyeremo nderao. Tata mungue aronea tuchi chō hue jenda re. ⁴⁶ Mbae rosei ra manoa mbei huee. Tata ra uqueā mbei huee no. ⁴⁷ Nderesa nemingo mose mbae icuā ndese, nderesa echoo. Coche rei ra ereso Dios recua nderesa mii nderequia. Nemombo rocoĩ tata cuásuu, nderesa nyeremo nderao. ⁴⁸ Mbae rosei ra manoa mbei huee. Tata ra uqueā mbei huee no. ⁴⁹ Tata ra mbia sei bei huee. ⁵⁰ Embiquesa rá ño jéingo nguia mbia je ā. Sã embiquesa turāte no. Eise quiachamba mose, eicuā tuchi ra cote. Embiquesa rá tuchi chō jéingo mbia je. Jéingo turā ño nguia jenyiese, i que Jesús ee ra.

10

Jesús ñee mbia nguĩnisi mombo je rĩ

¹ Jesús que ngata si oso cote ra. Judéaa que esi ra. Ama Jordán ndobei que esi sobei cote ra. Mbia que ñumunua nua tuchi quia ee ra. Mbaaquiatu quiatu que equia ra. Sã eriqui mbia mbaaquiatu quiatu beite no. ² Fariseos mo abe que ngaē erea ra. —Tã nande Jesús je no. Ma ñee Dios cheē abi, i que ñee nyue ra. —¿Coche mbia nguĩnisi jea

ubiã mose re? i que ñee Jesús je cote ra. ³ —
 ¿Mbae i Moisés embesa re? i que Jesús ee
 ra. ⁴ Fariseos que ñee ee ra. —“Jeninisi jea
 nondé, papel mbesa ji jemondo ee”, i que
 Moisés ra, i que ra. ⁵ Jesús que ñee ee ra. —
 Jeãquí átâte quiatu ngue re. Nyebe Moisés
 ũquí mbesa nguiã jêje. ⁶ Ũquí i âte que Dios
 quia mbia ao ramo mose nyii ra. Dios mbia
 ao mose, nyeremo ngue echao ra. Erãcuê
 ngue echao ra. Eninisirã abe que echao no
 nda. ⁷ Nyebe ra emo ndiqui ngūinisi rese
 bei. Ngu si isho. Usi si abe no. Ngūinisi
 mii ndese siqui bei sacua. ⁸ Co mii na siqui
 sacua nyiese cote. Nyeremo siqui rã eã ño
 cote re. Co mii siqui rã ño ũquí cote re. ⁹ Ae
 Dios mbucha nyiese nae, sã ũquí hui eã mbei
 nyesi, i que Jesús ñee fariseos je ra.

¹⁰ Ngasê mose tuchúaa que echimbaaquiatu
 ñeembe ee ra. —Ndecheê embiasa turã na
 ure je, i que ee ra. ¹¹ Jesús que ñee ee ra. —Ae
 ngūinisi jea nae, emo ndese siqui sacua nae,
 eicuã tuchi chõ ũquí nde. Adulterio i que
 ũquí je ra. ¹² Cuña no ngu jea mose siqui
 sacua emo ndese, eicuã tuchi chõ ũquí no
 nde, i que Jesús ee ra.

Jesús mbia riirĩ isi turã turã

¹³ Mbia que nguiirĩ ngurucuaê cuaê nguia
 Jesús je ra. Jesús oco oco sacua ere. —
 ¿Mbaerã jendiirĩ jendu quia co re? i rei que
 echimbaaquiatu ñee mbia je ra. ¹⁴ Jesús
 que paama i ñee uchimbaaquiatu je ra. —
 Jeñeechĩ nguiã ee. Sã ae ae riqui nguiirĩ
 ndurucuaê cuaê seje. Eĩ ño Dios rimba
 nguiã. Ucuasu raã naa eã. Mbia riirĩ na.
¹⁵ Mbia riirĩ na ño jẽingo Dios isi turã. I mose
 ra Dios rimba tuchi jê cote, i que Jesús ra.
¹⁶ Mbia riirĩ ngue esui sui ra. O que echono
 ñono earõ nda. Ñee turã ngue Dios je erĩ
 nda.

Acuanĩndu mbaecha mo ñee Jesús je

¹⁷ Acuanĩndu mo ngue tu Jesús je ra. —
 Mbia mbaaquiatusa turãte nde. ¿Mbae turã
 mo nda asaã Dios je semingo bei sacua nde?
 i que ñee Jesús je ra. ¹⁸ Jesús que ñee ee ra. —
 ¿Mbaerã ereico “eturã” i seje re? Dios mii ño
 eturã ndesê. ¹⁹ Dios cheê emumbayã. Echeê
 ereicuate quia co resê: “Emo ninisi rese ra
 ereicochĩ. Mbia ra ereiquiachĩ. Mbae ra
 erembuquiachĩ. Erecheê ñofoochĩ nda
 emo nũ. Emo nda erembiirĩ irĩchĩ. Ndeturã
 ño nderu je. Ndesi abe je”, i que Dios cheê
 nda, i que Jesús ñee ee ra. ²⁰ Acuanĩndu que
 ñee ndei ee ra. —Ũquí ngue amumbayã ja
 bei quia ra. Señetê mosenda bei, i rei que ñee
 Jesús je ra. ²¹ Jesús que nyesecua tuchi mae
 mose erese ra. —Á mii mo abe eresaã eãte.
 Nembae emondo mondo ja mbia mbaecha
 reã je. Nde ũquí naa mose, mbae tubiriã nda
 nembae ndeico mose ibate. Nembae mondo
 ja mose mbaecha reã je, serui eico cote, i que

Jesús ee ra. ²² Acuanĩndu Jesús cheê andu
 mose que echĩã ndoso tuchi cote ra. Eya
 eã tuchi que oso Jesús recha ra. Mbaecha
 tuchite quiatu ngue ae re.

²³ Jesús que mae mbia rese ra. —
 Mbaranguiatu âte mbaecha je ngasê sacua
 ibate, siqui bei sacua huee, i que ñee
 uchimbaaquiatu je ra. ²⁴ Echimbaaquiatu
 que nyuruira tuchi eandu ra. Jesús que
 ñeembe ee ra. —Ae ndua ndua beite quia
 umbae tubiriã ndese, mbaranguiatu âte
 ũquí je oso sacua ibate Dios rese. ²⁵ Sã
 ticuasu mo ndiqui oso aroneate ique aguja
 sorei rĩ no. Eĩ si chõ mbaecha no nde. Oso
 aronea ibate Dios rese, i que Jesús ee ra.
²⁶ Echimbaaquiatu que nyuruira tuchibe u
 eandu no nda. —¿Aba quiatu ra oso Dios rea
 ibate re no? i que ñee nyue ra. ²⁷ Jesús que
 mae erese ñee ee ra. —Ae mbia saã aroneate
 quia nae, Dios mii ño nda esaã, i que Jesús
 ee ra. ²⁸ Pedro que ñee Jesús je ra. —Ure
 que urembae uresecha ja ra. Siqui sacua
 nderui, i que Pedro ñee nda. ²⁹ Jesús que
 ñee ee ra. —Tacheê nyecua jêje. Emo um-
 bae secha ja mose siqui sacua serui, embae
 ra asibishorõ tuchi ee cote. Ae uchuchua
 secha. Ae ngõngue secha. Ae ngu secha. Ae
 usi secha. Ae nguiirĩ secha. Ae umbae ibi
 secha no. ³⁰ Ũquí mbae ja ra asibishorõ tuchi
 cien veces ereco mose ibi. Echuchua ata.
 Enongue ata. Esi ata. Eriirĩ ata. Ibi ata abe
 no. Ũquí ja ra asibishorõ tuchi ee. Mbia icua
 icua tuchi ra ee serui. Aquere ra siqui bei
 tuchi Dios rese ibate cote. ³¹ Ae ererecua
 saã saã nguia namo nae, ererecua eã tuchi
 ra ũquí m o cote. Ae ererecua eã namo nae,
 ũquí mo nda ererecua cote, i que Jesús ra.

Mbia ra seiquia, i si Jesús

³² Jerusalén ngue ehoi quia ra. Jesús que
 oso quia enonde ra. Echimbaaquiatu que
 siquichete nyoĩ quia ra. Nyebe Jesús ererao
 nguiã mbia tiãsa ñee sacua ee. ³³—Co nyao
 quia Jerusalén co. Huee ra mbia semee
 sacerdotes ererecua je. Embesasa abe je.
 “Jesús jẽiquia”, i ra serui. Semee nda judíos
 eã je cote. Seiquia sacua. ³⁴ Mbia ra secheê
 saã saã. Seiruã nua abe ra eno. Sembucha
 chee ra iquia ira rese. Tres nyaaishĩ mose ra
 aquera si, i que Jesús ñee ee ra.

Ererecuarã se, i raque Jacobo, Juan ndese

³⁵ Jacobo que oso Jesús rĩchã ngõngue rese
 ra. Juan, i equia ee. Zebedeo riirĩ ndei
 ũquí. —Urechu ñee ndeje aa, Urembaaquiatusa.
 Ae rĩĩ nda urecheê ndeje nae, ũquí je
 “eno” ere rã ure je, i rei que ee ra. ³⁶ —
 ¿Mbae ra aba saã jêje re? i que Jesús ee ra.
³⁷—Ndeico mose ererecua tuchi, sã ure abe
 ureico ererecuarã nderese. Sã urecoi ja u
 ndejii. Co mii chĩ ndequiato cuti. Enongue
 chĩ ndequiato cutiã no, i rei que ñee Jesús je
 ra. ³⁸ Jesús que ñee ee ra. —Ae rĩĩ jẽingo ñee

seje nae, jëirandu turã eãte ùquí ndese. Ae rasi ra asaã tuchi nae, ¿ùquí ndasi ra jësaã jê abe re? Bautizar i ra seje, ¿eĩ nda bautizar i jê abe je re? i que Jesús ee ra. ³⁹ “Ae” i que ñee ee ra. Jesús que ñee ee cote ra. — Ae bei. Ae rasi ra asaã tuchi nae, ùquí ndasi ra jësaã tuchi rei jê abe. Bautizar i ra seje, eĩ si rei ra bautizar i jêje no. ⁴⁰ “Ererecuarã ure”, jenyere rei que seje, ùquí asaã aroneate se jêje. Paba ae quiatu ra ùquí saã. A e ebite, ùquí nda emi ererecuarã, i que Jesús ra. ⁴¹ Echimbaaquiату атаque que jirandu erese ra. Echimbaaquiату diez. Paama i que Jacobo je ra. Juan je abe. ⁴² Jesús que “jenyu” i ñee uchimbaaquiату ja je cote ra. —Mbia атаque rerecuа ríqui ucuasu raã naa tuchi ngũimba je ùquí. ⁴³ Ùquí nda jësaã eã jê. “Ererecuа ra se”, i mose jemo, sã ùquí siquichõ атаque rimbarã. ⁴⁴ Jemo “se rane jê” i mose, sã ùquí ndiqui bei mbae turã naa naa атаque je no. ⁴⁵ “Sã mbia mbae turã naa naa seje”, ae ñe ngue u ra. “Se quiату mbae turã tasaã saã oso mbia je”, ae u nguiã. Co achu quia mano mbia tubiriã ndiquicharõ sacua co, i que Jesús ñee nda.

Jesús Bartimeo ndesayã mbucherõ

⁴⁶ Jesús que ngasẽ Jericoo ra. Uchimbaaquiату rese. Jesús ngata mose hue si, mbia tubiriãte que nyoĩ quia eruĩ ra. Eresayã mo ngue chí ñeenda jie huee ra. Ache ache i que huĩ nda. Bartimeo, i equia ee. Timeo ndiĩri ngue ae ra. ⁴⁷ Jirandu mose Jesús rese que ñeemombo mombo ee ra. — ¡Jesús! ¡David nducucha! ¡Ndeya eã ño serese jê! i que ee ra. ⁴⁸ — ¡Equiriri chõ jê! i tuchi rei que mbia ñee ee ra. — ¡Sererecuа! ¡David nducucha! ¡Ndeya eã ño serese jê! ibe que eresayã ñee Jesús je ra. ⁴⁹ Jesús que tiba ra. — Eresayã jendu rã, i que ra. Mbia que ñee eresayã je ra. — Ndeya chõ jê. Ehuã. Jesús ríqui ñee ndeje a, i que ee ra. ⁵⁰ Juã asi que oso oo Jesús rese ra. Uchiatiqúa recha. ⁵¹ — ¿Mañi ae ra ndeje re? i que Jesús ñee ee ra. — Seresa embuturã na, Sererecuа, i que ra. ⁵² Jesús que ñee ee ra. — Eso cote. Seicuate que se ra. Nyebe nderesa nyerõ nguiã cote, i que ee ra. Aque mose tuchi que eresayã ndesa turã ja cote ra. Jesús rui que esi quia cote ra.

11

Jesús ngasẽ Jerusalén

¹ Jesús que Jerusalén curubite nyoĩ quia ra. Betfagé, i que hue sucha je ra. Ibi ibate mo abe que chí huee ra. Monte de los Olivos, i que ee ra. Hue si que Jesús uchimbaaquiату nyeremo mo mondo ra. ² Ñee ngue ee ra. — Achi sucha chõ jëso rã. Jengasẽ namo mose ra burro riĩri cuasa mo ñi jêje huee. Emo ngue nyui eãte eátoo ra. Jenyura seru seje. ³ Emo ñee mose jêje,

“¿mbaerã nda jenyura re?” i mose jêje, jeñee ee. “Nandererecuа que ‘jendu’ i ra. Mondo jeybe ra jêje”, jenyere ee, i que Jesús ñee ùquí nyeremo mondo ra. ⁴ Nyoĩ que erea cote ra. Burro riĩri ngue etea Jesús cheẽ nguire cote ra. Ecuasa que chí taicuee eiquesa jii ra. Nyura que cote ra. ⁵ Ae mbia chi huee nae, ùquí mo ngue ñee ee ra. — ¿Mbae rese jëingo hue re? ¿Mbaerã jëingo era era re? i que ee ra. ⁶ Jesús cheẽ ndui si que ùquí ñee ee ra. “Eno” i que mbia ee cote ra. ⁷ Burro riĩri ngue ecuruchoi Jesús je cote ra. Huĩrao que echono ñono earõ nda. Jesús que nyui eátoo cote ra. ⁸ Jesús que ngata oso quia burro átoo cote ra. Mbia tubiriã ngue huĩrao mbiitee tee nyoĩ quia ibi rĩ enonde ra. Emo ngue sindo mbiitee tee choi quia enonde no nda. Jesús oso sacua hue rĩ. ⁹ Mbia ia tuchi que tasẽ tasẽ nyoĩ quia enonde ra. Eruĩ abe no. — Co nandererecuа ru quia ngasẽte co. Co Dios chimbu ru quia ngasẽte nande je co. ¹⁰ David nducucha ru quia co. Nandererecuа turã sacua. Dios turã tuchi ríqui nande je co, i tuchi que mbia quia ñee nda. ¹¹ Jesús que ngasẽ Jerusalén cote ra. I que que oso Dios chuchua cote ra. Mae ja mose mbae rese que esi Betania uchimbaaquiату rese cote ra. Tenda quiату ngue osote nguiã ee.

Jesús ñee icuã higo i je

¹² I que Jesús choi quia Betania si isamami nda. Eriãcuãte que oso quia ra. ¹³ Isho que mae higo i mo ndese ra. Ero rerecuа que ra. — Ea mo tau, i rei que oso erea ra. Ero achõte chõ ngue ee ra. Aque mose que eriqui ia eã nda. ¹⁴ Jesús que ñee higo i je cote ra. — Mbia ra ndea u eã mbei cote, i que ee ra. Echimbaaquiату abe que echeẽ ñandu ra.

Jesús mbia mbusẽ Dios chuchua si

¹⁵ Ngasẽ ngue Jerusalén cote ra. Jesús que oso Dios chuchúaa ra. Huee que mbia ríqui mbae isi isi bei ra. Mbae mondo mondo abe mbae isiquia ribishorõ. Ùquí ja que Jesús mbusẽ mondo ra. Ae mbae isiquia sibishorõ shorõ nguia, ùquí mbae abe que embuchiichere chere ja mesa ra. Mbae ja resebe. Ae nyurushi cuasu mondo mondo mbia je mbae ribishorõ nae, ùquí nenda abe que embuchiichere chere ja ra. ¹⁶ Jesús que ñee ùquí je ra. — Dios chuchua ite rĩ jëingochĩ nguiã mbae rerao rao. ¹⁷ “ ‘Mbia cheẽsa Dios je’, i ra mbia Dios chuchua je”, i rei que embesa ji huĩ nda. Jê nguia jëicuã tuchite Dios chuchua je re. Mbae mbuquichãsa chuchua jësaãte chí nguiã ee, i que Jesús ñee asite ùquí je ra. ¹⁸ Sacerdote rerecuа que chí Jesús cheẽ andu ra. Embesasa abe no. — ¿Mañi nda aba Jesús iquia re? i que eu ndua ndua ra. Mbia quiату que oote Jesús cheẽ ndese ee ra. Nyebe eriqui nguiã Jesús

ucuayâte. ¹⁹ Hue sucha qu e Jesús secha oso eresaitō cote ra.

Higo i mano cote

²⁰ I que Jesús nyoi quia isamami nda. Higo i cutite que echoi quia ra. Higo i ñimama ño nguia reaē. Erao abe mano ño nguia re no aē. ²¹ Pedro que ndua ñee Jesús je ra. ¡—Sã Sererecua! Higo i je que ercheē asi nae, mano ño equia cote reaē, i que ñee Jesús je ra. ²² Jesús que ñee ee ra. — Dios jëicua tuchi. ²³ Tacheē nyecua jêje. Jemo ñee mose sita ibate mo je, “esiri rã oso ama ndisha ye” i mose sita ibate mo je, sã Dios icua tuchi rã nyii. “Dios ra secheē mumbayã” i tuchi mose uchiangui re, Dios ra echeē mumbayã. Sita ra jiri ee. ²⁴ “A emondo seje”, jenyee mose Dios je, mondo ra jêje. “Dios ra emondo seje”, jenyee mose jeñiangui re, mondo ra jêje. ²⁵ Emo mbae icuã naa mose jêje, ũqui ñee chí mose jendese, jêtesarei chõ ũqui si. Jêtesarei chõ esi ñee nonde Dios je. ũqui mose ra jendu ibatenda abe jëicua mbutiã no. ²⁶ Jêtesareiã mose emo icuã si, Dios abe ra jëicua mbutiã eã mbei jësi, i que Jesús ee ra.

¿Aba nembu re? i mbia ñee Jesús je

²⁷ Nyebibe que echoi Jerusalén nda. Dios chuchuaqui rã ngue Jesús riqui ngata ra. Sacerdote rerecua que nyoi ñee ee ra. Embesasa rese. Amei ndese. ²⁸ —¿Mbaerã ereico mbia mbaaquiato quiatu Dios chuchúaa re? ¿Aba “ũqui esaã saã” i quia ndeje re? i que ũqui ererecua ñee ja Jesús je ra. ²⁹ Jesús que ñee ee ra. —Se rane tacheē jêje. Se rane preguntar tae jêje. Secheē jësbishorõ na nyii. Aquere quiatu ra jeñee asibishorõ cote. ³⁰ ¿Aba ñee Juan je re? “Eso bautizar i mbia je” i ee re. ¿Dios eã ño ere? Jeñee seje, i que Jesús ee ra. ³¹ Ererecua que ndua ndua ja u cote ra. Ñee ñee ngue u nyue ra. —¿Mañi nande ra echeē ndibishorõ nde? “Dios que Juan mbu ra”, nande aroneate ee. Nyebibe ra ñee nande je. “¿Mbaerã jëingo eãte erui re no?” i quiarei ra nande je. ³² “Dios que embu eã nda”, nande aroneate ee no. Mbua ataque ra paama i tuchi nande je. Juan quiatote quia mbia re, i que ererecua ñee ñee nyue ra. ³³ Ñee nyee que Jesús je cote ra. —Ureicuayâte. Aba chõ Juan mbu bautizar i sacua mbia je, i que ee ra. Nyebibe Jesús ñee nguia ee. —Se abe quiatu tacheē eã jêje no. Ae “ã esaã” i seje nae, eriñ nda acheē eã jêje no, i que Jesús ũqui ererecua je ra.

12

Uva raarõsa icuã icuã nguerecua je

¹ Jesús que ejemplos saã saã mbia je ra. —Sã mbia ibicha mo ndiqui no. Sã eriqui uva i tiquia tiquia no. Sã etarõ no. Uva riqe rirurã abe que echao ra. Sucha ibate

mo abe que echao no nda. Uco raarõ turã ja sacua. Ibicha que “sembae uvas jësaarõ” i emo je cote ra. Al partido. Ae que oso isho itõte cote ra. ² Uva quiche mose que ngũimba mo mondo rei umbaerã ndea ra. ³ Uva raarõsa que erimba mbucuasē icuã ño nda. Iruã nua ño ngue ra. Eochi chõ ngue emondo mbuchebi ra. ⁴ Echa que ngũimba mo mondobe rei ereabe no nda. Aque abe que embucuasē icuã no nda. Sita que emombo mombo erese no nda. Eãqui nduqui tuchi que ra. ⁵ Ngũimba mo ngue emondobe aquere no nda. Aque quiatu que eiquia tuchi cot e ra. Eĩ eĩ mbei que eraarõsa quia echa rimba je ra. Emo emo ngue eiruã nua nda. Emo emo ngue eiquia no nda. ⁶ Aque mii tuchi que siquichõ echa rese cote ra. Eriirĩ tuchi chõ ngue aque re. Nyesequa tuchi que equia aque rese ra. Aque que emondo chee uva rea cote ra. “Irei irei jiri ra seriirĩ si”, i rei que ra. ⁷ Eriirĩ ngasē mose que uva raarõsa ñee nyue ra. —¿Co eriirĩ ndu quia co cote jê! ¡Nandeiquia rei jê! † nda uvas nandembaerã ae tuchi cote, i que ñee nyue ra. ⁸ Eraarõsa que eriirĩ isi icuã cote ra. Curuchoi que iquia pe jiri ra. Mano ngue cote ra. ⁹ ¿Mañi nda echa quia eraarõsa je cote re? Echa ra eraarõsa icuã iquia ja cote. Uva i ra emondo ja emo je eraarõ sacua cote. ¹⁰ ¿Á mbesa ji rese jemae áte re? Sã emo ndiqui tuchia ao sita je no. Sita mo ngue equirirõ mombo ra. Eicuãte eriqui rei nguia ee. Aquere ndua si erese.

“Earonda sacua turambi chõ eriqui re”, i ndua si uchimombo rese.

Uchimombo que esirõ si cote ra.

¹¹ Dios chiao turã chõ ũqui nde.

Dios chiao turã tuchi riqui nande je ã, i ñi embesa ji re, i que Jesús ee ra.

¹² —Nanderiñ ño eriqui nguia ñee, i que ũqui ererecua ra. —Nandeisi rei serao jê, i rei que nyue ra. Jesús isi aronea tuchi que mbia résaa ra. Eireite quiatu ngue mbia tubiriã si re.

¿Impuestos ra uremee ererecua je re? i mbia ñee Jesús je

¹³ ũqui ererecua que fariseos mo mondochoi ñee Jesús je ra. Herodes chimbaaquiato abe mondochoi erea. —Jesús nandembucheē icuã na. † nda mbia paama i ee, i rei que ra. ¹⁴ Uturã ngue esaã ñooño Jesús je ra. —Jesús, co ereico mbia mbaaquiato turãte co. Mbua jaje ndeturãte riqui co. Co ereico turãte mbia mbuchiabiã co. Mbua erembaaquiato quiatu turãte quia Dios icha rii co. Nyebibe urechu nguia ñee ndeje a. ¿Coche mbia mbae isiquia mee mee Romanos nderecua je re? Impuestos. ¹⁵ ¿Uremee mee nda ee re? ¿Uremee eã nda ee re no? i que ñee Jesús je ra. Jesús que

ũqui icuã icuate ra. Nyebe ñee nguiã ee. —¿Mbaerã jëingo “ĩ nda Jesús ucheẽ nyabi”, i serĩ nde? Mbae isiquia jëteacuquia imbu seje. Tamae erese, i que ee ra. ¹⁶ Mbia que eteacuquia ee ra. —¿Aba mbae nombre ñi mbae isiquia rese a re? ¿Aba aqũ aingue abe ñi a re? i que Jesús ee ra. Romanos nderecua, i que mbia ee ra. ¹⁷ Jesús que ñee ee cote ra. —Romano s nderecua mbaerã jemondo chõ ee. Dios mbaerã jemondo chõ ee no, i que Jesús ee ra. Mbia que nyuruira jate u Jesús cheẽ andu ra.

Mbia raaque ra quera si, i Jesús

¹⁸ —Mbia raaque ra quera eã mbei, i que mbiamo nguia ñee nda. Saduceos i que ũqui mbia je ra. ũqui mo ngue nyoi ñee Jesús je ra. Tã i sacua ee. ¹⁹ —Sererecua, ã ngue Moisés mbesa nande je ra: “Emo ndiiriã mano mose, sã enongue mano je ninisi rerequia erendaque re. Sã tiiri ngõngue raaque riĩ”, i que Moisés embesa nande je ra. ²⁰ Eriqui mo ngue siqui urerese ra. Seis que eribi ra. Eriqui que ngũinisiã quereco rei ra. Mano ño ngue tiiri ndocoi ngũinisi recha ra. ²¹ Enongue que nguiqui checha quereco rei cote ra. Ae abe que mano ño tiiri ndocoi no nda. Enongue que equereco no nda. ²² ũqui seis que ngõngue checha quereco ja rei ra. Mano ja chõ ngue ercha tiiri ndocoi no nda. Eninisi eru checha que mano nyee chõ cote no nda. ²³ Siete rei que eru nyii ra. Mbia raaque quera si ja mose, ¿abate ra equereco cote re? i que saduceos ñee Jesús je ra. —Ma Jesús ñee icuã, i chõ ngue re.

²⁴ Jesús que ñee ee ra. —Jëingo Dios cheẽ icuayãte ã. Jëingo Dios cheẽ abi tuchi ã. Jëingo Dios quirãcuã icuayãte ã. ²⁵ Ae raaque ra Dios mbuquera si nae, ũqui nda ngũinisi quereco eã mbei huee cote. ũqui nda ngu quereco eã mbei huee cote no. Angeles rã mbei ra mbia riqui huee ibate cote. ²⁶ ¿Moisés chimbesa rese jemae ãte re? Mbia raaque quera si riĩ ño ngue embesa nguiã. Ira ruri sendi quia, aque mose que Dios Moisés mbiirandu ũqui ndese ra. “Abraham nderecua chõ aico nguiã se co. Isaac nderecua abe. Jacob nderecua abe no”, i que Dios Moisés je aque mose ra. ²⁷ ã ngue mano ndei nyii ra. Erece siqui bei chõ nguiã namo ã. Mbia raaque rerecua eã ño Dios re. Mbia reco rerecua chõ ae re. ¿ũqui jëicua eãte quia ã nde? i que Jesús ñee mbia je ra.

Echesequa tuchi quia Dios rese

²⁸ Embesasa mo ngue chí echeẽ andu ra. —Jesús ñee turã tuchi chĩ saduceos je, i que uchiangui re ra. Nyebe esi nguiã ñee ee. —Jesús, Dios cheẽ tubiriãte riqui ã ndesẽ. Mbia echeẽ mumbayã sacua. ¿Ma Dios

cheẽ ndiita tuchi ma nde? i que embesasa ñee Jesús je ra. ²⁹ Jesús que ñee ee ra. —ã ño Dios cheẽ ndiita ã nde: “Secheẽ jeñandu rã, Israelitas. Dios mui tuchi chõ nandererecua re. ³⁰ Echesequa tuchi quia Dios rese. Ndechiã je. Neaĩ je. Nendua ndua abe je. Ndequirãcuã abe je”, i chõ Dios cheẽ ndiita nguiã. ³¹ ã abe rei ũqui nduinda ã no: “Sã ereico nyesequa ndechiese no. Eĩ ere si chõ nyesequa mbia rese”, i. ũqui nyeremo ndei Dios cheẽ i tuchi ũqui, i que Jesús ee ra. ³² Embesasa que ñee Jesús je cote ra. —Ae bei, Sererecua. Dios mui tuchi chõ nandererecua re. Emo abe mo eãte. ³³ Nandechesequa tuchi mose Dios rese, ũqui eturãte ee. Nandechesequa tuchi mose nandechiã je. Nandendua ndua je. Nandeaĩ je. Nandequirãcuã je abe no, Nandechesequa tuchi mose mbia rese, ũqui eturãte Dios je mbae mo si. Sacrificio mo si. Ofrenda mo si, i que embesasa ñee Jesús je ra. ³⁴ —Ñee aquiatute equia seje co, i que Jesús uchiangui re ra. —Dio s rimbarã tuchi chee ra nde, i que ee cote ra.

¿Aba rucucha Cristo re?

³⁵ Jesús que mbia mbaaquiato quiato quia Dios chuchúaa ra. —¿Mbaerã embesasa riqui ñee nde? “David rucucha chõ Cristo re” i re. ³⁶ David abe que “sererecua” i Jesús je ra. Sã embesa ji ñee no: Dios que ñee Cristo sererecua je ra: “Ecoi seji. Nde abe ra ererecua serese. Ae ndeucuayãte quia nae, ũqui je ra ndequirãcuã atecuquia tuchi. Ndequirãcuã tuchi chee ra ũqui si”, i que Dios ñee sererecua je ra, i que Espiritu Turã David mbucheẽ nda. ³⁷ David si chõ “sererecua” i nguiã Cristo je. Cristo David rucucha mose, ¿mbaerã David “sererecua” i ee re? i que Jesús embesasa je ra. Mbia tubiriã ngue Jesús cheẽ chandu turã jate ra.

Jesús ñee asi embesasa je

³⁸ Jesús que uchimbaaquiato mbaaquiato quiato ra. —Embesasa rã nda jëingochĩ jë. ũqui ucuasu saã saã mbeite quia ã. Huirao turã equereco beite quia ã. “Sã mbia ererecua i nande je”, i beite equia ã. ³⁹ Mbia renda turã abe eirabo rabo beite quia mbia si ã. “Fiestacha jii quia taĩ jë”, i abe beite equia ã no. ⁴⁰ Ari eru checha mbae abe embutiã tiãte quia ã no. Ucheẽ oco abe esaã saã mbeite quia Dios je ã no. “ĩ nda mbia mae nanderese”, i chõ nguiã. ũqui nda Dios mbasi tuchi cote, i que Jesús mbia je ra.

Eru checha mbaecha reã mo mbae mee Dios je

⁴¹ Emo mose que Jesús ñi Dios chuchúaa ra. Ofrenda riru nonde que eñi ngoi ra. Mae ngue mui mbia mbae isiquia mondo mondo

mose eriru ye rese ra. Mbaecha atate que mbae isiquia tubiriã mondo mondo quia eriru ye ra. ⁴² Eru cheecha mo ngue ngasê u cote ra. Nyeremoño tuchi que ae mbae isiquia mondo ra. Centavo mii mbuchecha tuchi que ra. ⁴³ Jesús que ñee uchimbaaquiatu je ra. —Jenyu. Tacheê nyecua jêje. Eru cheecha mbaecha reã ngue mbae isiquia mondo tuchi mbia ataque si ra. ⁴⁴ Mbaecha quiatu que umbae rire ñetê mondo mondo ra. Eru cheecha quiatu que umbae mii mondo ja ra, i que Jesús ra.

13

Mbia ra Dios chuchua mbucoi ja, i Jesús

¹ Jesús que oso usê Dios chuchua si cote ra. Echimbaaquiatu mo ngue ñee ee ra. — Sã Dios chuchua turã tuchite jê. Eao ji turã tuchi sita je, i que echimbaaquiatu mo ñee ee ra. ² Jesús que ñee ee ra. —Ã ndese jêingo mae ã nae, ùqui nda mbia mbucoi ja cote. Sita mo nda chi eã nyuchuarõ Dios chuchua cote. Mbia ra Dios chuchua mbucoi ja tuchi cote, i que Jesús ñee nda.

Mbae ua ja nonde chõ ã nde

³ Jesús que chĩ ngoi huee ibi ibate mo nda. Monte de los Olivos, i que hue je ra. Dios chuchua checuate que ee hue si ra. Echimbaaquiatu que ngasê ñee ee ra. Pedro. Jacobo. Juan. Andrés. Ùqui ja que ñee eísaa ra. ⁴ —¿Manosete ra ùqui nde? ¿Mañi ure ra equia jirandu mbae ua nonde re? i que ñee Jesús je ra. ⁵ Jesús que ñee ee ra. —Jêtesa jiri quia jê. Mbia mo nda jembiiri irichĩ ñee jêje jê. ⁶ “Cristo chõ se re” i ra mbia ñee ata atate jêje. Ùqui nda jeñanduchĩ jê. Ùqui nda mbia mbiri irĩ jate. Ñee ñoño je chõ ùqui nde. ⁷ Mbia ra guerras saã saã tuchi. Mbia ra ñee ñee tuchi quia nyiiquia iquia je riĩ. Ùqui mose ra jêsiquichechĩ jê. Ùqui ja rane nda nyecua raque. Aque mose r a mbae ja ua eã ná. ⁸ Mbia ra guerras saã tuchi chee. Nyiiquia iquia tuchi rae. Mbia riãcuã tuchi ra aque mose no. Emo ñoñoa tuchi ra mbia rasi. Manguê chooñoa tuchi ra ibi nyere nyere. Jembasi ramo mose chõ nda ùqui nde. Aqere ra jembasi tuchi cote.

⁹ ¡Sã jê! Mbia icuã icuãte ra jêje. Jembiiri irĩ ndae. Jemee mee icuã nda mbia rerecua je. Jêruã nua nda mbia chumunúasaa. Nguerecua je ra mbia jenderao rau tuchi. Ererecua abe je chee ra secheê jêsenei senei. ¹⁰ Sequiatio ra Dios cheê turã senei senei ná mbia ja je nyii. Manguê chooñoa jenda ja je. Aqere ra mbae ua ja cote. ¹¹ Jemee mose mbia rerecua je, pare pare jenyechĩ nda jê. “¿Manyae ra ùqui ñee ndibishorõ nde?” jenyechĩ nda pare pare i jê. Espiritu Turã ae chõ nda jembucheê turã nguã mbia je aque mose. Jê ae ra jeñee eã. Espiritu Turã

ae chõ nda jembucheê nguã. ¹² Jenongue ra jemondo chee mbia icuã je. Jêiquia sacuã. Jendu abe ra jemondo chee mbia icuã je. Jendiiri abe ra jemondo chee mbia icuã je. Mbia icuã nda jemo iquia iquia chee. ¹³ Mbia manguê chooñoa jenda ra jêucuaý tuchi serii. Ae ra siqui bei serese, ùqui nda Dios mingó bei.

¹⁴ Daniel que embesa Mbae Mbutiãsa Icuã nii nda. Mbae Mbutiãsa Icuã nda siqui nguêcuáyaã. “Dios rendaque re taico se quiatu”, i ra equia huee. (Ae ra mae nguia sechimbesa rese nae, sã ùqui eicua.) Jemae mose Mbae Mbutiãsa Icuã ndese, jeña esi. Ae siqui quia Judéaa, sã ùqui uchã jei choi ibi ibátee mo. ¹⁵ Ae ra siqui tuchua quite rese, sã ùqui iqueã nyoĩ uchuchua uquichi mose. Sã echoi chõ uchã hue si bei, umbae rirõ ndocoĩ. ¹⁶ Ae ra siqui úcoo, sã ùqui nyebiã ngaê huñrao rea. Sã hue si bei chõ echoi uchã. ¹⁷ Aba mbia eã tuchi ra emo áquê ndiru rerequia mose aque mose. Nguiiri mbuquiambu je abe no. ¹⁸ “Nyiiisei mose eã urechã” jenyê Dios je. ¹⁹ Mbia ra mbae rasi saã tuchi aque mose. Mbae rasi que mbia saã eã jiri nyii ra. Aque ramo mose ra mbae rasi raã tuchi cote. Mbae ua bei sacua ño ùqui nde. ²⁰ Ae rasi ra mbia saã tuchi nae, ùqui nda Dios mbujua jiri uquiato riĩ. ¹ nda emo ñimbirãcuã eã tuchi rei ùqui ndasi je. ²¹ “A Cristo riqui a jê” i mose emo jêje, “nyia” jenyechĩ nda ùqui ñee mose jê. “Hue Cristo riqui hue jê” i mose emo jêje, “nyia” jenyechĩ nda emo jê. ²² “Cristo chõ se re” ichõño nda mbia ñee ata atate jêje. “Dios cheê mbuchecuaa chõ se re” ichõño nda mbia ñee ata atate jêje no. Mbia mae sayã nda esaã saã tuchi mbia mbiri irĩ sacuã. Ùqui Dios quiato abe chee mbiri irĩ arõte. ²³ Ùqui nonde chõ aico nguã jembiirandu randu co.

Dios riiri nda tube ibate si

²⁴ Mbia ùqui ndasi raã ja mose ra tenda checuayã mbei cote. Nyasi abe no. ²⁵ Nyasitata ra ngoi ngoi. Ibei jenda abe ra quiata quiata chee cote no. ²⁶ Aque mose ra achu ibei rese. Senininya tuchi ra sechu mose. Sequirãcuã tuchi ra sechu mose no. ²⁷ Angeles serimba ra amondo mbia sechiisirõ munua nua sacuã. Ishonda ja. Manguê chooñoa jenda ja. Mbia sechiisirõ nda emunua nua ja seje cote.

²⁸ Sã higuera riqui no. Sã ira mo ndiqui no. Ero quira usê ja mose, “iraro itõ ndacu ra cote”, i chõ mbia nguã aque mose. ²⁹ Eĩ sí ra mbae ua ja nonde. Ae riĩ aico ñee jêje nae, ùqui ndese jemae mose, “mbae ra ua ja cote” jenyê ra cote. ³⁰ Tacheê nyecua jêje. Á mbia riqui ngata ibi ã nae, ùqui emo emo nda manoa mbae ua ja nonde. ³¹ Ibei ra ua. Ibi abe ra ua no. Secheê nguia ra ua eã mbei.

³² Manosete chō nda mbae ua ja. Aico eicuayāte co. Mbia mo abe eicuayāte quia ā no. Angeles abe eicuayāte quia ā no. Paba mii ño eicua nguiā co. ³³ Nyebe jēingo quiatu quia eraarō arō mbei. Jētesa tesa bei quia. Ma nyaashi ño nda equeru. Jēicuayāte equia ā. ³⁴ Sā ererecua mo oso isho itōte no. Sā ñee ngūimba je oso nonde no. —Sembae jēsaarō ja. Á ndese jēingo. Co rese eico nde. Qui rese eico nde no, i que ñee ngūimba mii mii je ra. —Etesa tesa bei quia, i que eiquesa raarōsa je ra. ³⁵ Manosete chō nda tuchuacha ru. Jēicuayāte equia ā. Itondaru ramo mose eru arondete. Itondii mose eru arondete. Ngaira cheē mose eru arondete no. Eresaitō ndabe mose eru arondete no. Nyebe jētesa tesa bei quiatu quia. ³⁶ Jengue mose ra eruchi jembuate jē. ³⁷ “Jētesa tesa bei quia” ae chō nguiā mbia ja je co. Jē mii je eā, i que Jesús ra.

14

Jesús nandeisi tarō, i ja ererecua nyue

¹ Sacerdote rerecua que ñee ja nyue ra. Embesasa abe no. —¿Mañi nande ra equia Jesús isi nonde re? Eiquia sacua. ¿Mañi nande ra embiñi iri nde? i que equia ñee ñee nyue ra. Achite que fiesta de la pascua ñi tu ee cote ra. Dos días. ² —Fiesta mose eā nandeisi jē. Mbia ra paama ichi nande je jē, i que u ñee ñee nyue ra.

Cuña mo aba mbusimbusa turā ichusē Jesús aquí ndese

³ Jesús que siqui Simón Leproso chuchúaa ra. Betania, i que hue je ra. Cuña mo ngue tu erea huee ra. Aba mbusimbusa mo ngue equeru ee ra. Sita ao ji ye que ereru ra. Embisē tuchi que equeru ra. Mbae isiquia mumbasa tuchi que ũqui nda. Eriru churui que esiquio eichusē nonde Jesús aquí ndese equiaru mose ra. ⁴ Mbia que chi ja mae erese ra. Paama i que cuña je ra. —¿Mbaerā eichusē ñoño nde? ⁵ Mbae isiquia ribishorō ño nda aba emondo re. Mbaecha reā je emee mee sacua, i que ñee icua icua cuña je ra. ⁶ Jesús que ñee cote ra. —¿Mbaerā jēingo ñee ũqui nde? Sā cuña ae riqui ae. Ae esaā seje nae, eturāte seje ũqui. ⁷ Mbaecha reā ngue ra chi arete ibii a. Jē mbae raāse mose ee, mbae jēsaā turā mbei ee ae. Se quia nda aico bei eā nguiā jendese aa. ⁸ Seati nonde chō ngue cuña aba mbusimbusa ichusē ja nguiā serese. ⁹ Tacheē nyecua jēje. Mbia Dios cheē turā nenei nenei mose mbia ja je, cuña nyisaā abe ra esenei senei mangue chooña jenda ja je. Mbia ndua turā ja sacua echisaā abe rese, i que Jesús ñee mbia je ra.

Jesús tamee jēje, i Judas mbia icua je

¹⁰ Judas Iscariote, i rei que Jesús chimbbaquiātu mo je ra. Aque que oso ñee

sacerdote rerecua je ra. Jesús mee nonde ee. ¹¹ Sacerdote rerecua ia ja que ũqui andu ra. —Mbae isiquia uremee tuchi ndeje jē, i que ee ra. Nyebe Judas riqui nguiā ndua ndua. —Mbia eāsa quiatu Jesús tamee ee, i

Jesús quiaru uchimbbaquiātu rese

¹² Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimatā iriā ngue eu eu quia aque mose querabe no nda. —¿Mangue ra oveja urembuchi mangue ndechiurā nde? i que echimbbaquiātu ñee Jesús je ra. ¹³ Ñee ngue uchimbbaquiātu nyeremo je ra. —Jēso sucha cuasu. Huee ra jemaē emo i rerao rese. I ra equerao quia irasa mo ye. Aque rui jēso. ¹⁴ Eique mose, aque tuchuacha je jēñee. “Jesús que urembu ñee sacua ndeje ra. ‘¿Ma cuarto ra urecu quiaru oveja u que re? Sechimbbaquiātu rese’, i que Jesús ñee ndeje ra”, jenyee tuchuacha je. ¹⁵ Tuchuacha ra cuarto cuasu mee jēje. Mbia quesa ibatenda ra emee jēje. Embuquiche ji. Huee chō oveja jembuchi nandequiaru sacua, i que Jesús ñee ee ra. ¹⁶ Nyebe echimbbaquiātu nyoī nguiā sucha cuasu. Jesús cheē ndui si tuchi que mbae chi ja ee huee ra. Huee que oveja mbuchi huee cote ra.

¹⁷ Itondaru ramo mose que Jesús ru uchimbba quiātu ataque rese ra. ¹⁸ Quiaru mose que Jesús ñee ee cote ra. —Tacheē nyecua jēje. A jēingo quiaru serese a nae, jemo nda semondo mbia icua je, i que ñee uchimbbaquiātu je ra. ¹⁹ Echimbbaquiātu ia eā tuchi que echeē mose ra. —¿Se ra aremondo ee re? i ja jate que ñee Jesús je ra. ²⁰ Jesús que ñee ee ra. —Doce jēingo quiaru serese a nae, jemo ño ñene. Ae chi quiaru serese aque plato ye sí a nae, aque chō ñene. ²¹ Dios cheē ndui sí tuchi ra amano ndaque. Ae ra semee mbia icua je, aque ra mbae rasi saā tuchi quia. Aba mbia eā tuchi ra aque. “Taī sembuecua jirichī nguia curi”, i chee ra aque, i que Jesús ra.

²² Quiaru que u ra. Jesús que mbichae sirō nda. Gracias i que Dios je ra. Siquio que mbuchao chao ee cote ra. —Á mbichae jēu. Serete chō ā nde, i que Jesús ñee ee ra. ²³ Vino mbeisa que esirō cote no nda. Gracias i que Dios je ra. Mondo que uchimbbaquiātu oo cote ra. Mbei mbei ja que cote ra. ²⁴ Jesús que ñee ee ra. —Seruqui chō ā nde. Mbia icua mbutiā sacua ño seruqui re. Dios cheē yasu rui si chō seruqui riqui nguiā mbia icua mbutiā ā. ²⁵ Tacheē nyecua jēje. Vino mo nda ambei eā mbei cote. Paba mbia rerecua tuchi mose, aque mose ramo nguia nda ambei nguiā cote, i que Jesús ñee nda.

Jesús aicuayâte resê, ichõño nda Pedro serîi, i Jesús

²⁶ Irasei rasei que cote ra. Nyoï que ibi ibate mo cote ra. Monte de los Olivos, i que hue ibi je ra. ²⁷ Jesús que ñee uchimbaaquiatu je huee ra. —Jêreite ra eriqui serîi. Jêñbosei mbosei nda oso serecha. Sã embesa ji riqui ñee no: “Mbia ra oveja raarõsa iquia. Ovejas ra ñimbosei nyoï cote”, sã embesa ji riqui i no. ²⁸ Seraaque quera sire ra aso se rane jendaarõ Galilea, i que Jesús ee ra. ²⁹ Pedro que ñee ee ra. —Seataque ra irei ireite raque ndesi. Se quia ra airei ireiã mbei ndesi, i rei que Pedro ñee ee ra. ³⁰ Jesús que ñee ee ra. —Tacheê nycua ndeje. Ngüira cheê nyeremo nonde ra erecheê ñooño tres veces serîi namo, Pedro. “Jesús aicuayâte resê”, ere choõño ño nda serîi, i que Jesús ñee ee ra. ³¹ Pedro que ñee ee ra. —Mbia ra seiquia arõte raque nderîi, acheê ñooño eã nda se nderîi, i rei que Pedro ra. Eï ja que ñee nda.

Jesús ñee ngu je

³² Jesús que oso Getsemaní cote ra. Uchi mbaaquiatu rese. —Jengoi rã u aa. Tacheê na oso Paba je pe jiri se, i que Jesús ee ra. ³³ Pe quiti jiri que Pedro rerao ra. Jacobo rese. Juan abe no. Eya eã ndasi tuchi que tu ee aque mose ra. ³⁴ Ñee ngue ùquï je ra. —Seya eã ndasi tuchi aico co. Seya eã ndasi ra seiquia chee. Jenguchõ na jê aa. Jêtesa tesa bei u aa, i que Jesús ñee ee ra. ³⁵ Jesús que oso pe quiti jiri cote ra. Nyibi que u ngoi ngüiã ndese ñee Dios je ra. —Mbae rasi asaã sereãte, i rei que ñee Dios je ra. ³⁶ —Paba, mbae eresaã ja arõte nde. Ùquï ndasi asaã sereãte raque quia co. Ae sebi riqui nae, ùquï ndese semingo eã. Ae ndebite riqui nae, ùquï ndese quiatu semingo, i que Jesús ñee Dios je ra. ³⁷ Nyebi que u uchimbaaquiatu je cote ra. I que eu uque ja ee cote ra. Ñee ngue Pedro je ra. —Simón, zereque huï a re? Ereico areã ñochi tesa tesa s e ñee mose Dios je. ³⁸ Jêtesa tesa u. Jengue eã u ñee Dios je. Mbae icuã tã i eã sacua jêje. Jêingo serete raque serese. Mbae icuã nguiatu jembuti mbutite ngüiã, i que Jesús ee ra. ³⁹ Nyebi si que oso ñee Dios je ra. Hue rî si que ñee ee ra. ⁴⁰ Nyebi que u uchimbaaquiatu je cote ra. I sí que u uque ee no nda. Eresa quiatu ngue eshiu shiute ngüiã. —¿Mañi nda aba ñee nde? i ja tuchi que echimbaaquiatu ra. ⁴¹ Osobe que ñee Dios je pe jiri cote ra. Tres veces que aque cote ra. Uba rei que u ñee uchimbaaquiatu je ra. —Jengue tuchi cote. Jenguenea jêcua cote. Semondo ra mbia icuã je cote. Seiquia sacua. ⁴² Jêhuã cote. Nyao cote. Ae ra semee mbia icuã je, co eru quia semee sacua co cote, i que Jesús uchimbaaquiatu je ra.

Mbia icuã Jesús isi suruchoi

⁴³ Jesús cheê mosebe tuchi que Judas ru erea ra. Jesús chimbaaquiatu rei que ae ra. Aque rese que mbia cuaê tuchi quia ra. Tiquise abe que ecurucuaê nguia ra. Ira jua abe no. Sacerdote rerecua chõ ùquï mbucuaê nguia reaê. Embesasa abe. Amei abe. ⁴⁴ Judas ñee nycuayã nguiatu quia ùquï je nyii reaê. —Ae ritii ra asiite nae, aque chõ ñene. Aque jêisi quiatu tuchi serao, i quia equia ee nyii reaê. ⁴⁵ Jesús rîchã ngue esi saludar i ee cote ra. Jesús ritii que esiite ee cote ra. ⁴⁶ Mbia que Jesús isi cuaê ecua cote ra. ⁴⁷ Ùquï mose que Jesús rimba mo uchuuru sirõ tiquise ra. Sacerdote rerecua rimba rese que tiquise uru ra. Eisa que echisia ra. ⁴⁸ Jesús que ñee mbia ja je cote ra. —¿Mbaerã jenyu quia tiquise rurucuaê serea co re? Ira jua abe no. Mbae mbuquiachãsa rea rocoï jenyuchî nguia serea co. ⁴⁹ Tenda que amumba mumba beite rei quia jendese Dios chuchua resê. Mbia que ambaaquiatu quiatu bei rei quia huee resê. ¿Mbaerã seisiã nyucua aque mose re? Embesa ji ique sacua ño jêicuã icuã ndiqui ngüiã seje ã, i que Jesús ñee ee ra. ⁵⁰ Echimbaaquiatu que nyoï ja chee uchã Jesús recha ra. ⁵¹ Acuanindu mñi mo ngue oso erui ra. Tiru mñi ngue equereco nyiati ra. Mbia que acuanindu abe isi rei ra. ⁵² Huirao que esecha oso uchã nda. Eirao eã tuchi que oso uchã nda.

Jesús mbia curuchoi mbia rerecua je

⁵³ Mbia que Jesús curuchoi sacerdote rerecua je cote ra. Huee que sacerdote rerecua ja chi ñumunua nda. Embesasa abe. Amei rerecua ja abe no. ⁵⁴ Pedro que embuchurucha rucha oso quia erui ra. Ngasê nyee que sacerdote rerecua itaicuee ra. Hue que ngoi sacerdote rimba mo ndese ra. Nyee que huï huee ra. ⁵⁵ Sacerdote rerecua que chi ja huee ra. Amei mbia rerecua ja abe no. Mbia rerecua ja tuchi. —Jesús nandeiquia, i rei que ñee ñee nyue ra. —¿Mbae i ra aba mbia je Jesús rîchãrã nde? i rei que u ñee ñee nyue ra. ⁵⁶ Emo emo ngue ñee icuã icuã ndei Jesús rîi nda. Ucheê ngue etasa tasa tuchi chõ nda. ⁵⁷ Mbia mo abe que juã ñee ñooño erîi nda. ⁵⁸ —Jesús cheê ngue urechandu ra. Ñee icuãte que Dios chuchua rîi nda. “Dios chuchua tambocoï mbia chiao. Tres días mose ra Dios chuchuarã asaã no. Mbia chiao eã nda ùquï cote”, i que urechandu Jesús cheê nda, i que ùquï ñee ñooño Jesús rîi nda. ⁵⁹ Ucheê ngue etasa tasa bei chõ nda. ⁶⁰ Sacerdote rerecua que juã ñee Jesús je ra. —¿Echeê nda eresibishorõ eã mbei re? ¿Mbae i equia nderîi nde? i que ñee Jesús je ra. ⁶¹ Jesús que ñee eã mbei echeê mose ra. Sacerdote rerecua que ñeembe ee ra. —¿Dios rucucha

nde re? ¿Cristo nde re? i que ñee Jesús je ra. ⁶² Jesús que ñee ee ra. —Ae. Dios rucucha chõ se re. Jemae nda serese s e coi mose Dios quirãcuã jii. Sechu mose abe ibeishĩ ndese, i que Jesús ee ra. ⁶³⁻⁶⁴ Sacerdote rerecua que paama i tuchi Jesús cheẽ mose ra. Huiirao que endoro ndoro chee ra. Ñee ngue ererecua ataque je ra. —Jesús riqui Dios rucucha raã naa co. Jeñandu jate equia ã. Sã mbia no nandembiirandube eã cote. Nandemae ndei ngue erese re. ¿! jêje re? ¿Mañi nande ra equia re? i que sacerdote rerecua ñee mbia rerecua ataque je ra. —Eicua tuchi que ra jê. Sã mbia eiquia, i jate que ererecua ñee Jesús rĩi nda. ⁶⁵ Mbia que ñinimbu nimbu Jesús ruba rese cote ra. Eresa que echati mbae mo je ra. Ucuu ucuu tuchi que erese cote ra. —¿Aba ucuu ucuu u nderese a re? Eicua no, i que equia eresa ati ji je ra. Soldados abe que ucuu ucuu tuchi eresa rese ra.

Jesús aicuayãte resẽ, ichõĩño Pedro

⁶⁶ Pedro que chĩmbeite ngoi itaicuee ra. Nyucuaaque mo ngue tu huee sacerdote rerecua rimba ra. ⁶⁷ Pedro que chí nyee tata jii ee huee ra. —Jesús resenda que nde abe ra, i que nyucuaaque ñee mae mose Pedro rese ra. ⁶⁸ —Tei. Ndecheẽ aicuayãte, ichõĩño ngue Pedro ñee ee ra. Hue si que esi eiquesa quitĩ cote ra. Usẽ mose que nguira ñee cote ra. ⁶⁹ Nyucuaaque que maembe erese ra. —Co abe que Jesús resenda ra, i que mbia ataque je ra. ⁷⁰ —Tei. Aicuayãte se, ichõĩño ngue Pedro ee no nda. Ae chí huee nae, ñquĩ mo ngue ñee ee cote ra. —Jesús resenda chõ nde abe resẽ. Galilea jenda chõ nde resẽ, i que ñee Pedro je ra. ⁷¹ Pedro que jurar i tuchi ñee ee ra. —Aicuayã tuchite se resẽ, i que ñee ñooño si no nda. ⁷² Aque mose tuchi que nguira ñee sí cote ra. Pedro que ndua Jesús cheẽ ndese cote ra. Sã Jesús ñee ee nyii no. —Nguira cheẽ nyeremo nonde ra ercheẽ ñooño tres veces serĩ, sã Jesús i ee nyii no. Ñquĩ ndese que Pedro ndua cote ra. Nyebe nyeseo tuchi nguia cote.

13

Mbia Jesús curuchoi Pilato je

¹ Nyaashĩ namo mose que sacerdote rerecua ñumunua ja ra. Amei ererecua abe no. Embesasa abe no. Mbia rerecua jate que ñumunua nda. Jesús que echucua suruchoi Pilato je ra. Pilato rei mbia rerecua hue jenda ja. ² —¿Judios rerecua chõ nde re? i que Pilato ñee ee ra. —Ae. Judios rerecua chõ se re, i que Jesús ee ra. ³ Sacerdote rerecua que ñee ñooño tuchi Jesús rĩi nda. Ñee icuã tuchi que erĩi nda. ⁴ —Sã ñee icuã icuãte nderĩi jê. ¿Echeẽ nda eresibishorõ eã nde? i que Pilato ñee Jesús je ra. ⁵ Jesús

que ñee ãte echeẽ mose ra. Nyebe Pilato nyuruira tuchi nguia echeẽ eã mose.

Jesús jêiquia mbucha ira rese, i ererecua

⁶ Pilato que mbia tarõ ji mo mbusẽ mbei quia pascua mose ra. Co mii ngue embusẽ mbusẽ mbei quia pascua mose ra. Ae je mbia riqui ñee, “aque embusẽ mondo” i nae, aque chõ ngue embusẽ mbei quia ee ra. ⁷ Barrabás, i que etarõ ji mo je ra. Emo abe que chí huee erese ra. Mbia iquiasa que ñquĩ nda. ⁸ Mbia que ñee ngaẽ Pilato je ra. —Mbia mii tarõ ji que erembusẽ mbeite quia, einyere si emo mbusẽ namo, i ja que mbia ñee Pilato je ra. ⁹ —¿Judio rerecua ra ambusẽ mondo jêje Jesús re? i rei que Pilato ra. ¹⁰ —Sacerdote rerecua riqui paama i choõnote Jesús je ã, i quiatu que Pilato ndua ndua uchiangui re ra. ¹¹ —Sã Pilato Barrabás mbusẽ mondo Jesús rendaque re, i tuchi que sacerdotes ñee ja mbia je ra. Nyebe que mbia “Barrabás embusẽ mondo” i chee Pilato je ra. ¹² —¿Mañi ae quia ra Jesucristo je re no? i que Pilato ñee ee ra. ¹³ —Embucha ira rese, i ja que mbia ñee ee ra. ¹⁴ —¿Mbae icuã esaã nde? i que Pilato ñee ee ra. —¿Embucha ira rese jê! i bei bei que mbia ra. ¹⁵ —Mbia turã jiri nda seje chã, i chee que Pilato ra. Nyebe Barrabás mbusẽ mondo nguia. Jesús quiatu que eiruã nua cote ra. —Jembucha iquia ira rese, i que mbia je cote ra.

¹⁶ Soldados que Jesús cuasa curuchoi ererecua chuchúaa ra. Huee que soldados ataque abe ngaẽ ja Jesús mama no nda. ¹⁷ Tiru ireĩ ngue emingue ee cote ra. —Ererecua chõ nde re, ichõĩño iquia iquia ee. Nyu ritimeĩ uma ji que emii eãquĩ ndese corona nda. ¹⁸ —Judio rerecua tuchi chõ nde re, ichõĩño ngue iquia iquia ee ra. ¹⁹ Ira que euru uru eãquĩ ndese ra. Ñinimbu nimbu abe que erese no nda. Ngoi ngoi que nguia ndese erimba raã naa ee ra. ²⁰ I quia iquia tuchi que ee ra. Aquere que tiru ireĩ mbui esi cote ra. Eiraote que emingue ee cote ra. Curuchoi que embucha nonde ira rese cote ra.

Mbia Jesús mbucha ira rese

²¹ I rei que emo u quia uco si ra. Simón, i que ee ra. Cirene jenda mo ngue ae ra. Alejandro ru que ra. Rufo ru abe no. Aque que soldados isi ira mbuchicandasa ji rerao sacua ee ra. Cruz, i equia ee. Nguerao que cote ra. ²² Ngasẽ ngue pee cote ra. Gólgota, i que hue je ra. Eresa cuare, i chõ nguia hue je. ²³ Huee que vino mondo rei Jesús je ra. Mirra je emubarai. Mbei eã ngue ra. ²⁴ Soldados que Jesús mbucha ira rese ra. Aquere que sita ñetẽ mbaba mbaba o je cote ra. —Aba ra Jesús irao querao ñi ja, i que nyue ra. ²⁵ Tenda chui ite ramo mose que embucha ira rese ra. ²⁶ Mbia que

letrero mii Jesús ãquĩ nguĩ ibate ra. JESUS REI JUDIO RERECUA i que embesa mii nda. Ûquĩ nũ ño eriqui nguĩ eiquia hue. ²⁷ Mbia nyeremo abe que embucha ira rese Jesús chabe ra. Jesús rereco chobei que emii ira rese ra. Mbae mbuquichãsa tuchi que ùquĩ nda. ²⁸ Embesa ji cheẽ nguire que Jesús iquia mbia icuã ndese cote ra. Sã embesa ji riqui ñee no: “Mbia icuã ndese ra eiquia, sã embesa ji i ñee nyii no. ²⁹ Mbia que iquia iquia quia Jesús cheẽ naa naa ecuã mose ra. Ñee icuã icuã ee. —“Dios chuchua ra ambucoi. Tres días mose ra ambuchuruambe” ere que equia. ³⁰ Equiche u nde ae hue si no, i tuchi que mbia quia iquia iquia ee ecuã mose ra. ³¹ Sacerdote rerecua abe que iquia iquia chõ nguia ee ra. Embesasa abe no. Ûquĩ ngue ñee icuã icuã ja quia erii nda. — Mbia que embuquera quera rei nyii ra. Ae si quera aroneate nguã aque. ³² Judio rerecua mose ae, sã ae ae nguichi ira si. Cristo mose ae, sã ae ae nguichi no. I nda uremae erese. I nda urecua cote, i ja que ererecua ñee icuã icuã erii nda.

Jesús mano mose cote

³³ Tenda nandeite re mose que itondaru tu ra. Itondaru bei que mbia ja je tres horas ra. ³⁴ Tenda chesecho mose que Jesús ñeemombo cote ra. —Eloi, Eloi, ¿lama sabac-tani? i que ñee mombo ra. —Dios sererecua, ¿mbaerã ereico hui sesi re? i chõ ngue ñee nguã. ³⁵ —Elias je eriqui “quiatuchu” i reae, i rei que echeẽ andusa no nda. ³⁶ Emo ngue esponja monde vinagre ye ra. Ira ai rese que embia ji mondo rei Jesús chũruu cote ra. —Esecha rei. Sã Elias ruat e quia erea, i que emo ñee ee ra. ³⁷ Jesús que tasẽ mano mbei cote ra. ³⁸ Aque mosechi tuchi que cortina nyisia Dios chuchua jenda ra. Ibate si que eru nyisia ibi ra. ³⁹ Soldado rerecua que chĩ Jesús nonde mae erese ra. Emano ndese que eñi mae nda. —Dios riirĩ ño eriqui re, i que cote ra.

⁴⁰ Cuña ngue chi jate ma e Jesús rese isho ra. María Magdalena abe que chĩ huee ra. Salomé abe no. María abe no. María rei José si. Jacobo Ñetẽ si abe no. ⁴¹ Ûquĩ ngu e siqui bei quia Jesús rui ra. Echiurã ngue emii mii mbei quia ee ra. Galilãa eico mose bei. Cuña tubiriãte abe que chi mae Jesús mbuchai rese huee ra. Ae nyoi Jesús rese Jerusalén, ùquĩ.

Mbia Jesús raaque chati cote

⁴² Tenda que oso cote ra. Sábado nonde. Aque mose bei que mbia riqui mbae mbuquiche ja sábado sacua nda. ⁴³ Aque eresaitõ mose que José si ñee Pilato je ra. Judio turã ngue ae ra. Arimatea jenda que ae ra. Judio rerecua que ae no nda. — Dios ra ererecua, i beite que equia eraarõ

arõ nda. Aque que ireĩ ireĩ ãte oso ñee Pilato je ra. —Jesús raaque emee na seje, i que oso ñee ee ra. ⁴⁴ —¿Mano jei tuchi ere? i tuchi que Pilato uchiangui re ra. — Quiatuchu rã sembiirandu. ¿Jesús mano cote re? i que Pilato ñee soldado rerecua je ra. ⁴⁵ —Mano ngue cote ra, i que soldado rerecua ñee ee ra. Nyebe Pilato eraaque mondonguã José je cote. ⁴⁶ José que Jesús raaque mbuquichi cote ra. Tirushĩ turã mo ngue eisi ra. Eraaque que echuma aque je cote ra. Iti que echoi sita ribicoi ji imi ye ra. Nyati que sita cuasu mo je cote ra. ⁴⁷ María Magdalena ngu e mae mi eati rese ra. María rese. José si que ae ra.

16

Jesús raaque quera si

¹ Jesús raaque ati ji que chibe sábado mose ra. I nyaashĩ oso quia domingo mose, aque mose que cuña mo nyoi mae eatisa rese ra. María Magdalena. Salomé abe no. María abe no. Jacobo si rei ae. Ûquĩ ja que aba mbushimbusa isi rei eichusẽ chusẽ sacua Jesús raaque rese ra. ² Tenda nyui ramo mose que echoi eatisaa ra. ³ —¿Aba ra sita curuba nande je eatiquia re? i rei que echoi quia ñee ñee nyue ra. ⁴ I que sita rurubai u ee cote ra. Sita cuasute quiatu ngue re. ⁵ Ique rei que echoi sita imi ye ra. Acuanindu mo ngue chĩ ngoi huee equiatocuti quti ra. Huiiraoshĩ oco tuchi que ecunui huee ra. Cuña ngue siquiche tuchi ra. ⁶ Acuanindu que ñee ee ra. —¿Mbaerã jẽingo siquiche re? Jesús raaque jẽsequia raque quia ã. Emoate a resẽ. Eraaque que quera si no. Jemae eatisa rese ae. ⁷ Jẽso asi rã echimbaaquiatu mbiirandu erese. Pedro abe jembiiirandu. “Jenonde ra esi Galilea. Jemae nda erese huee. Sã ñee jẽje nyii no”, jenyẽ embiirandu, i que acuanindu ee ra. ⁸ Cuña ngue siquichete echeẽ andu ra. Uchã ngue echoi eatisa si ra. Ñee eã tuchi que mbia mo je ra. Esiquichete quiatu ngue re.

Jesús nyecua María Magdalena je

⁹ Jesús que quera si nyaashĩ namo mose domingo mose ra. María Magdalena nane je que nyecua ra. Aque si chõ eriqui sietẽ aba checuayã icuã jea nyii reaẽ. ¹⁰ Ae que oso Jesús quiato mbiirandu ja cote ra. Ngasẽ mose ee que echi nyeseo jate eya eã ee ra. ¹¹ —Jesús que quera si ra. Amae ngue erese ra, i rei que embiirandu ra. Quera aroneate que ùquĩ je ra.

Jesús nyecua uquiato nyeremo je

¹² Aquere que nyecua uquiato nyeremo je ra. Ishote que sucha tubiriã si ra. Emo na tuchi que ee ra. ¹³ —Jesús que quera si nyecua ure je ra, i rei que echoi uataque

mbiirandu ra. Quera aroneate que ee no nda.

Jesús uchimbaaquiato mondo mbia mbiirandu

¹⁴Aquere que Jesús nyecua uchimbaaquiato ja je no nda. Once je. Ûqui quiaru mose que nyecua ee ra. Ñee asi asi que ee ra. — ¿Mbaerã jefia átãte riqui re? ¿Mbaerã “nyia” jenyee eã jembiirandu mose sequera rese re? i que ñee ee ra. ¹⁵—Jẽso secheẽ nenei nenei mbia ja je. Mbia mangue chooñoa jenda ja je. ¹⁶Mbia mo nda seicua icua. Ûqui je bautizar jenyee. Ûqui nda siqui bei cote. Ae ra seicuayã, ùqui nda mbae rasi saã mbei. ¹⁷Seicuasa ra mbia mae sayã saã saã tuchi. Aba checuayã icuã nda ejea jea mbia si seriĩ. Mbia cheemo nda esaã. ¹⁸Mbei ra eisi isi o je. Aba iquiasa mbei mose ra erasiã. O ra echono ñono erasi arõ embucherõ sacuã, i que Jesús uchimbaaquiato mondo ra.

Jesús nyui oso ibate

¹⁹Jesús ñee ja mose que Dios equerao ibate cote ra. Siqui bei sacuã Dios jii cote. ²⁰Echimbaaquiato que nyoi Dios cheẽ nenei nenei mbia ja je ra. Mangue chooñoa jenda ja je. Dios que siqui tuchi quia erese ra. Mbia mae sayã tuchi que esaã saã nguia ra. Mbia Dios cheẽ icua sacuã. Amén.

EL SANTO EVANGELIO SEGÚN SAN LUCAS

Lucas ucheẽ mbesa Teófilo je

¹ Jesucristo que mbae saã saã tuchi quia huico mose ibii ra. Mbia atate que echisaã mbesa mbesa rei ra. ² Mae ndei equia erese nyii. Dios cheẽ esenei senei mbei rei quia nyii. Jesucristo chisaã ndese que urembiirandu cote ra. ³ Se abe que airandu tuchi cote ra. Ae esaã saã nguia nyii nae, aque mosenda bei rese que airandu cote ra. Se abe ùquí tambesa ja ndeje, Teófilo. Tasenei turã ja embuchiabiã ndeje. ⁴ Ae rese ereirandu randu nae, ùquí ereicua tuchi sacuaã ño aico nguiaã embesa mbesa ndeje. Eĩ nda “ae bei” ere chõ nguia Jesucristo chisaã saã je.

“Juan el Bautista ra nyecua u mbia je”, i que ángel mo nda

⁵ Zacarías, i que emo je ra. Sacerdote que ae ra. Herodes que siqui Judea mbia rerecuarã aque mose ra. Abias resenda rei Zacarías. Aarón ndiirĩ nducucha rei Zacarías. Eninisi abe rei Aarón ndiirĩ nducucha no. Elisabet, i que eninisi je ra. ⁶ Zacarías turãte que eriqui Dios je ra. Ngũmisi rese. Ùquí ngue Dios cheẽ mumbayã mbei quia ra. Eicuãte, i aroneãte que mbia mo nguia erĩ nda. ⁷ Eriiriã mbei que eriqui ra. Tiiriã je rei Elisabet. Ari chee. Zacarías abe que ameite chee ra.

⁸⁻⁹ Sacerdotes que nyuuru uru beite quia querabe mbae raã naa Dios chuchúaa ra. Nyebe que Zacarías abe riqui mbae raã naa Dios chuchúaa emo mose ra. Zacarías que oso ique tuchi Dios chuchua ra. Mbae mo ndei sacuaã embushimbu. ¹⁰ Zacarías que mbae shimbu sei cote ra. Mbia cuabẽ ngue chi ja taicuee ñee ñee Dios je ra. ¹¹ Angel ibatenda mo ngue tu nyecua Zacarías je cote ra. Chĩ ngue juã mbae shimbu reisa ji ee ra. ¹² Zacarías mae mose ángel rese, siquiche tuchi que ra. ¹³ Angel que ñee Zacarías je cote ra. —¿Mbaerã ereico siquiche re? Dios que ndecheẽ ñandu ra. Elisabet nda tiirĩ ndeje cote. Juan, ere nderiirĩ je nyaacuquia mose. ¹⁴ Ndeyate ra cote. Nderiirĩ nyaacuquia mose ra mbia ia tuchi cote. ¹⁵ Nderiirĩ nda mbae turã saã saã tuchi quia Dios je. Mbaeri rasi mo nda embei eã tuchi. Espíritu Turã nda siqui tuchi erese. Esi rie ye ereco mose bei. ¹⁶ Nderiirĩ nda mbia Israel jenda mbuchebi ja Dios je. Dios ra ùquí nderecuarã. ¹⁷ Nderiirĩ nda mbae mbuquiche ja Cristo tu nonde. Sã Dios Elías mbuquirãcuã no, eĩ si ra Dios uquirãcuã mee nderiirĩ je. Nderiirĩ nda mbia mbuturã turã nyiese. Eru mbuturã

turã nguiirĩ ndese. Eriirĩ mbuturã turã ngu rese no. Nderiirĩ nda aba cheẽ mumbasa mbaaquiato quiatu. Aba cheẽ mumbayã sacuaã cote. Nderiirĩ nda mbia mbuquiche ja Cristo tu nonde, i que ibatenda ñee Zacarías je ra. ¹⁸ Zacarías que ñee ángel je ra. —¿Mañi nda ùquí nde? ¿Ndecheẽ nda ique seje re? ¿Manyae ra eicua re? Ameite se. Seninisi abe arite, i que Zacarías ee ra. ¹⁹ Angel que ñee Zacarías je ra. —Se rei Gabriel. Dios rimba chõ aico co. Dios quia semondo rei nguiaã ñee turã sacuaã ndeje. ²⁰ “Nya” ere eã ñochĩ secheẽ je. Nyebe ra ndeisyã. Ndecheẽ nguiaã nda emo. Nderiirĩ nda nyaacuquia chee. Nderiirĩ nyaacuquia mose ra erecheẽ nyecua cote. Secheẽ nda io ja ndeje cote, i que ángel Zacarías je ra. ²¹ Mbia que chi bei taicuee huee ra. Zacarías raarõ arõ. —¿Mbaerã Zacarías riqui itõ tuchite Dios chuchúaa re? i que mbia ñee jate ra. ²² Zacarías que usẽ nyee ra. Echeẽ nguã. O que emumbate mbate chõ nguia mbia je ra. —Zacarías mbae mo tea cuu Dios chuchua reae, i que mbia ñee ñee nyue ra. ²³ Zacarías que umbae tarea saã ja Dios chuchúaa ra. Tenda nongue mose. Emo ngue tu euru cote ra. Zacarías que oso uchuchua cote ra.

²⁴ Aquere qu Eya uchi que cote ra. Eninisi que useã mbei tuchua si cinco meses ra. ²⁵ —Dios seriirina meeñi seje cote. Mbia ra iquia iquia eã seje cote, i que Elisabet ra.

“Dios riirĩ nda nyecua u mbia je”, i que ángel mo nda

²⁶ Nyasi nongue mose que Dios ibatenda mondo mbia mo je ra. Gabriel, i que aque ángel je ra. Aque que emondo sucha Nazaret ra. Galilea, i que aque ibi je ra. ²⁷ —Eso rã ñee nyucuaaque María je, i que Dios ángel mondo ra. Emo ngue siquiã tuchi María rese ra. Eruã mbei. José ninisibi rei María. José siquiã ndaque erese. David riirĩ nducucha rei José. ²⁸ Angel que ique María ch María chuchua cote ra. —Acheẽ ngue u ndeje ra. Dios turã tuchi riqui ndeje co. Ndua bei nderese. Dios ia tuchite nderese acuanĩ mo si, i que ángel María je ra. ²⁹ María mae mose ibatenda rese que ñee uchiangui re ra. —¿Mbaerã eru quia serea co re? ¿Mbaerã eru quia ñee seje co re? i que María uchiangui re ra. ³⁰ Angel que ñeembe ee ra. —María, siquichechĩ nda sesi re. Dios turã tuchi riqui ndeje co. ³¹ Dios cheẽ turã ngue aseñe u ndeje ra. Nanĩmbae ra nde cote. Nderiirina nda eretea cote. Jesús, ere nderiirĩ je. ³² Nderiirĩ quirãcuã tuchi rae. Dios quirãcuã ndiirĩ nda erereco. Mbia rerecua tuchi ra ae. Sã David riqui mbia rerecua nyii no, eĩ nda nderiirĩ mbia rerecua tuchi cote. ³³ Nderiirĩ nda judíos rerecua bei cote. Ua eã mbei rae, i que ángel ñee María je ra.

³⁴ María que ñee ángel je ra. —¿Mañi nda serío re? Seru eâte nyeresê, i que María ee ra. ³⁵ Angel que ñee María je ra. —Espíritu Turã ae ra Dios riiri mondo nderie ye. Espíritu Turã nda ndereaquiату bei quia. Dios quirãcuã nda siqui bei nderese. Nyebe ra Dios mbaerã tuchi nderiiri. Dios rucucha, i ra nderiiri je. ³⁶ Ndesi nongue ndiiri abe ra tiiri cote. Elisabet, i equia ee nae, aque abe ra tiiri. Arite raque. Erie cuasu cote. Tiiri mbae, i mbia quia ee nyii nae, aque ra tiiri cote. ³⁷ Dios quiarei mbae ao ja, i que ángel ñee María je ra. ³⁸ María que ñee ee ra. —Dios rimba chõ aico nguiã co. Sã ndecheê ique quia seje, i que María ra. Angel que oso erecha cote ra.

María oso Elisabet ndea

³⁹ María que oso Elisabet ndea cote ra. Ñeenda ishote que ee ra. Sita ibate bate ri ngue esi quia ra. Judea, i hue ibi je. ⁴⁰ María que ngasê Elisabet ndu chuchúaa ra. Zacarías, i equia eru je. Ique que ñee Elisabet je ra. ⁴¹ Elisabet María cheê andu mose, erie yenda que umi nda. Espíritu Turã ngue ique tuchi Elisabet chiangui re cote ra. ⁴² Elisabet que ñee nyecua tuchi María je ra. —Nde rese chõ Dios ia tuchi acuaní mo si re. Dios ia tuchi nderie yenda rese abe no. ⁴³ ¿Mbaerã Cristo si ru serea se re? Mbia rerecua eã ño se resê. ⁴⁴ Se ndecheê andu mose que serie yenda ia tuchi umi nda. ⁴⁵ Dios cheê ngue ereisi turã nda. Nyebe Dios iate riqui nderese co. Nyebe ra Dios cheê ique tuchi ndeje cote, i que Elisabet ñee María je ra. ⁴⁶ María que ñee cote ra.

Acheê turã mbei quia Dios rií co.

⁴⁷ Seya bei riqui Dios rese co.

Ae que serirõ mbae icuã si ra.

⁴⁸ Dios que nduate quia serese ra.

Seaquiатуã ndaque.

Nyebe ra mbia ia jate serese cote. ⁴⁹ Dios quirãcuã ngue mbae turã saã tuchi seje ra.

Ae mii ño eturã tuchi emo si re.

⁵⁰ Ae ndua turã nguia Dios rese nae, ùquĩ ndese chõ Dios ia eã tuchi riqui nguiã.

Ei mbei chõ Dios nguiã mbia je co.

⁵¹ Dios quirãcuã ngue mbae saã ja ra.

Ucuasu raã naasa chõ Dios mbosei nguiã.

⁵² Siqui mingue je chõ Dios mii mii nguiã mbia rerecuarã.

Ae ererecua uaquiatu saã saã nguia nae, ùquĩ ño Dios sirõ nguiã.

Ererecua eã ño ùquĩ cote re.

⁵³ Dios que mbae mee mee nguia mbaecha reã je ra.

Mbaecha quia emboochi nguiã.

⁵⁴ Dios que siqui tuchi judíos rese ra.

Tesareia mbei esi.

Eyayã mbei erese no. ⁵⁵ Sã Dios ñee Abraham je no, ùquĩ ngue embuchebiã mbei ra.

Ae ucheê mondo judíos jaje nae, ùquĩ ngue embuchebiã mbei no nda,

i que María ñee turã Dios rií nda. ⁵⁶ María que siqui arete Elisabet rese ra. Tres meses. Aquere que eru nyebi uchuchúaa cote ra.

Juan el Bautista nyaacuquia

⁵⁷ Elisabet rasi rasite que cote ra. Nyaa cuquia que cote ra. ⁵⁸ Mbia que nyoi ja Elisabet ndea cote ra. Ejii jenda. Eresenda ja. —Dios turã tuchi riqui ndeje co. Áquẽ mondo ndeje, i ja que ee ra. Eya ja tuchi que erese ra. ⁵⁹ Ocho días mose que circuncisión naa eriiri je ra. Zacarías, i nda mbia eriiri je chã nde. Eru rã si. ⁶⁰ Esi quia que ñee nda. —Tei. Juan nande chõ ee, i que esi ra. ⁶¹ Mbia que ñee esi je ra. —¿Mbaerã nda “Juan” ere nderiiri je re? Juan mo eã nderesenda mo aa resê, i rei que mbia esi je ra. ⁶² Mbia que o mbaaba aba Zacarías je ra. —¿Mañi nda nderiiri je re? i ee. ⁶³ Zacarías que ñomee mbia je ra. Nyebe mbia embesa sacua mee nguiã ee. —Juan, i chõ seriiri je, i que Zacarías embesa ra. Mbia que nyuruira ja u mae erese ra. ⁶⁴ Aque ruibe que Zacarías ñee aquiату cote ra. Ñee turã tuchi que equia Dios rií cote ra. ⁶⁵ Zacarías cheê andure que mbia nyuruira jate ndua ndua hue jenda ra. Nyebe mbia ñimbiirandu ja nguiã sita ibate bate jenda. Judea, i que hue ibi je ra. ⁶⁶ Ae jirandu quia erese, ùquĩ ngue ndua tuchi quia erese ra. —Mañi nda Zacarías riiri nguia reae. Nandemae nguia erese no, i que mbia quia ndua ndua ra. Dios que siqui tuchi Zacarías ndiiri ndese ra.

Zacarías ia tuchi ñee Dios je

⁶⁷ Espíritu Turã ngue siqui tuchi Zacarías rese ra. Nyebe Zacarías Dios cheê nenei nguiã.

⁶⁸ Sã mbia ñee turã Dios rií judíos rerecua rií. Uturã ngue eteacuquia nande je ra.

Nanderirõ ngue mbae icuã si ra.

⁶⁹ Nanderirõ sacua nandecuã si que Dios mondo nande je ra.

David riiri nducucha que nanderirõ sacua nda.

⁷⁰ Sã Dios ñee cose no.

“Mbia rirõ sacua nda ambu ibi”, i cose no. Ucheê nenei neneisa que embuchecua mbia je cote ra.

⁷¹ “Jëucuãyãsa si ra jendirosa jendeaquiату bei”, i que Dios nande je ra.

⁷²⁻⁷³ Dios turãte que eriqui nandei ñiinda je ra.

Abraham je abe que eturãte riqui ra.

Ae Dios ñee Abraham je nyii nae, echeê ngue io cote ra.

⁷⁴ Dios que ñee Abraham je nanderi nyii ra.

“Taendeaquiatsu jēucuāyāsa si, jēsiquicheā sacuā ico mose serese”, i que Dios nanderī cose ra.

⁷⁵ Nyebe ra nandeico turā mbei Dios je.

Ae ra nandemingo bei icuē umbaerā.

⁷⁶ Nde ra lbatenda cheē esenei senei nguia mbia je, Āquē.

Dios ririī ndetā nda Dios cheē eresenei senei nguia mbia je, Āquē.

Mbia icoquiatsu sacuā Dios ririī je. ⁷⁷ Eī mose ra Dios mbia rirō eicuā si.

Eī mose ra Dios mbia icuā mbutiā esi.

⁷⁸ Dios turāte quia eriqui nguīā nande je.

Eriiriī nda tu ibate si mbae mbuchecua nande je.

⁷⁹ Nandeaquiatsuā mbaaquiatsu sacuā ño eru nguīā aque.

Nandemingo sacuā nyaashī naanguia chō eru nguīā aque,

i que Zacarías ñee āquē je ra. ⁸⁰ Āquē ngue tiarō i oso quia cote ra. Dios rese que eriqui i i cote ra. Siqui bei que equia turūquiaa ra. Dios cheē ngue esenei senei nyee mbia je cote ra.

2

Jesús nyaacuquia

¹ Aque mose que ererecua ñee nda. Augusto, i que ee ra. —Censo nandesā na mbia ja je, i que ra. Mbia mbae nombre mbesa mbesa ja mose, “censo” i que ūquī je ra. ² Censo raā namo mose rei ūquī. Cirenio ngue Siria jenda rerecua aque mose ra. ³ —Jenyusua sua jēso ja pueblo. Nombre mbesa mbesa ja sacuā jembae, i que ererecua mbia ja je ra. ⁴ Nyebe José choi nguīā Judea. Belén, i que sucha je ra. Belén ño David chusua re. José i chō David re. Nyebe José choi nguīā Belén. Umbae ibi recha. Nazaret recha. Galilea abe recha no. ⁵ José que nyoī Belén umbae nombre mū sacuā nda. María rese. María que eninisibi ra. María riote que ra. ⁶ Siqui mose Belén ngue āquē ndasi rasite María je ra. ⁷ Aque ramo ngue María nguiiri mbua ra. Numa ngue tiru je ra. Ticuas quiarusa ye que eno nda. Mbia chuchua quiatu que eitāyāte ee ra.

Oveja raarōsa ngaē mae Jesús itāqueī ndese

⁸ Hue jii que oveja raarōsa mo nyi isa ra. Ovejas que esaarō arō nguia turuquia rī nda. ⁹ Angel ibatenda mo ngue tu embua tuchi ra. Dios nininya tuchi que tu overja raarōsa resae ra. Nyebe siquiche tuchi nguīā esi. ¹⁰ Angel que ñee ee ra. —¿Mbaerā jēsiquichete riqui re? Mbae turā ñi ño achu nguīā ñee jēje co. Ae ra asenei jēje, mbia mbia sacuā tuchi chō ūquī nde. ¹¹ Dios ririī ngue nyaacuquia namo Belén nda. Cristo, i equia ee. Mbia rirōsa mbae icuā si chō ae re. ¹² Aque echi ticuas quiarusa ye

aque. Ema ji tiru je. Jemae nda erese huee. Jemae mose sechienei ndese, “Cristo chō eriqui re”, jentye ra cote, i que ángel ñee oveja raarōsa je ra. ¹³ Angeles tubiriāte que nyecua oveja raarōsa je cote ra. Angel ñiinda ndese. Ñee turā ja que Dios rīi nda. ¹⁴ Sā mbia ñee turā ja Dios ibatenda rīi.

Sā Dios uquiato mbia ja ibi jenda, i que ángeles ñee nyecha ee ra. ¹⁵ Angeles que nyoibe ibate cote ra. Oveja raarōsa que ñee ñee nyue cote ra. —Nyaso rā Belén. Ae Dios senei senei nguia nande je nae, nyaso rā mae erese. Ae nyaacuquia namo nae, nyaso rā mae erese, i que oveja raarōsa ñee nyue ra. ¹⁶ Nyoī asi tuchi que mae erese ra. Ngasē ngue María je ra. José abe je. Āquē abe je. I que āquē u ticuas quiarusa ye ee ra. ¹⁷ Oveja raarōsa que mbia mbiirandu ja erese ra. Ae ángel senei senei nguia ee María ririī ñi, ūquī ngue oveja raarōsa senei senei tuchi mbia je cote ra. ¹⁸ Eandusa que nyuruira ja tuchi eandu ra. ¹⁹ María que ndua ndua tuchi quia ūquī ja rese uchiangui re ra. ²⁰ Oveja raarōsa ia tuchi que nyoī nyebi ovejas je ra. Ñee turā turā tuchi que echoi quia Dios rīi nda. —Angel que ñee nande je, echeē ndui si tuchi chōchī mbae eī ja, i que ñee ñee nyue ra.

Jesús ruruchoi Dios chuchúaa

²¹ Ocho días mose que circuncisión naa āquē je cote ra. Jesús, i que āquē je cote ra. Angel cheē ndui si tuchi chō “Jesús” ichī āquē je. Ae ángel ñee María je erio nonde nae, echeē ndui si tuchi chō “Jesús” ichī María ririī je. ²² Aquere que María ñimbitirō Moisés cheē ndui si cote ra. Aquere que āquē nduruchoi Jerusalén cote ra. Āquē mee sacuā Dios je. ²³ Embesa ji cheē ndui si que āquē mee Dios je ra. —Ae eriiriī i erācuē nae, ūquī jemondo tuchi Dios je, i quiatu ngue embesa ji rese re. ²⁴ Jerusalén José riqui mose que sacrificio mee Dios je ra. Embesa ji cheē ndui si. Sā embesa ji riqui ñee no: —Nyurusi nyeremo jemee Dios je. Ūquī eā mose, nyurusi ñetē jemee ee no ae, i que embesa ji cheē nda. ²⁵ Amei mo ngue siqui hue Jerusalén nda. Simeón, i que ee ra. Ae que eturā tuchi ra. Ñee mbei que equia Dios je ra. Ae que Dios ririī saarō arō tuchi quia ra. Judios mbui sacuā mbae icuā si. Espiritu Turā abe que siqui Simeón ndese ra. ²⁶ Espiritu Turā nguia ñee ndei Simeón je nyii. —Eremae nda Dios ririī ndese. Ndemano nonde ra eretea. Dios ra embu ibi, i que Espiritu Turā ñee Simeón je nyii ra. ²⁷ Espiritu Turā ngue Simeón querao

Dios chuchúaa ra. Embesa ji cheē ndui si que José áquē nduruchoi Dios chuchúaa aque mose si ra. María reses. ²⁸ Simeón ngue áquē sui ra. Eya tuchi que erese ra. —¡Co chō jē! i que Simeón ñee turā Dios je ra.

²⁹ Dios, ndecheē ngue io seje cote ra.

Seyate aico co cote Sererao se cote.

³⁰ Nderiirī ndese que amae cote ra.

³¹ Ae erembu mbia rirō sacua mbae icua si nae, aque rese aico mae co cote.

³² Mbia resae sacua tuchi chō nderiirī ndiqui re.

Judíos eā abe ra etesae tuchi.

Judíos abe je ra eturā tuchi no, i que Simeón ñee Dios je ra. ³³ Simeón ñee mose María ririirī nīi, José que nyuruira tuchi echeē andu ra. María rese. ³⁴ Simeón ngue ñee turā María je ra. —Nderiirī nda judíos tubiriā mingo turā. Ae siqui sereāte quia erese, ũquí nguia ra emingo icua. Mbía ra ñee icua icua nguia nderiirī turā je. Eicua je rocoi. ³⁵ Ae ndua turāte quia nderiirī nīi nae, ũquí ndua ndua turā nda nyecua mbia je cote. Ae ndua ndua icua nguia, ũquí ndua ndua abe ra nyecua mbia je cote no. Mbía icua nda nemundite nderiirī ndese, i que Simeón María je ra. ³⁶ Huee que arite mo ndiqui ra. Dios cheē nenei neneisa que ae ra. Ana, i equia ee. Fanuel, i que eru eiruā siasa je ra. Aser, i que ei ñiinda je ra. Ana yasú mose que ngurā ndea nyii ra. Siete años que eriqui ngu rese nyii ra. ³⁷ Eru eā ngue cote ra. Eru cheecha que siqui beite ra. Ochenta y cuatro años. Dios chuchúaa que eriqui beite ra. Ñee ñee mbei Dios je. Quiaru rocoi. Isa abe. ³⁸ Ana ngue mae áquē Jesús rese Dios chuchua cote ra. —¡Co chō jē! i tuchi que Dios je ra. Ñee turā tuchi que áquē nīi mbia jaje cote ra. Ae Dios ririirī saarō arō nguia nae, ũquí jaje que Ana ñee turā turā áquē nīi nda.

José nyebi Jesús rerao Nazaret

³⁹ José que mbae saā ja embesa ji cheē nguire ra. Aquere que echoi nyebi Galiléaa ra. Nazaret, i equia echuchua je. ⁴⁰ María ririirī ngue tiarō cote ra. Ñimbaaquiatu quiatu que equia cote ra. Ñimbirācuā nacuaēte que equia cote ra. Dios turā ngue siqui tuchi quia erese ra.

Jesús ñimbaaquiatu quiatu Dios chuchúaa

⁴¹ Aque tenda bei que José riqui nyoi choi Jerusalén nda. Fiesta de la pascua mose bei. María rese. ⁴² Jesús tiarō namo mose, doce años mose que echoi si fiesta de la pascua mose no nda. Jerusalén. ⁴³ Fiesta ua mose que ecuaē ndei quia nyebi ra. Jesús que siquichō Jerusalén nda. Jesús abe oso rei nguia usi je. Ngu abe je. ⁴⁴ Jerusalén ño eriquichō neaē. Mbía ataque rese eru rei

nguia esi je. Mbía que ngaē ngaē bei quia tenda mumba chee ra. —Ma Jesús ñi, i rei que nguesenda je ra. ⁴⁵ Tea eā mbei que ra. Erea eā mose que eru si chee nyebi Jerusalén nda. María rese. Erequia sacua huee cote. ⁴⁶ Tres días mose que era huee cote ra. Dios chuchúaa que eriqui ee ra. Ñimbaaquiatu quiatu. Mbía mbaaquiatusa cheē andu andu que Jesús riqui ngoi huee ra. —¿Mañi equia re? Tachandu tuchi rā, i i que equia ee ra. ⁴⁷ Jesús cheē aracua tuchi que eriqui mbia je ra. Nyebe mbia nyuruira nguia echeē aracua andu. ⁴⁸ Eru era mose huee, ae abe que nyuruira ra. Esi abe nyuruira no. Esi que ñee ee ra. —¿Mbaerā eresoŭ urerese re, Echo? Ureya eā tuchi que eriqui nderequia asi asi ra, i que María nguiriirī je ra. ⁴⁹ Jesús que ñee ee ra. —¿Mbaerā serequia mámbii re? Paba chuchua chō ngue aico resē, i que Jesús usi je ra. ⁵⁰ María que Jesús cheē icuayāte ra. José abe echeē icuayā no. ⁵¹ Jesús que oso uchuchua erese cote ra. Nazaret, i equia sucha je. Usi cheē ngue emumbayā mbei quia ra. Ngu cheē ngue emumbayā mbei quia no nda. Esi que ndua ndua bei quia ũquí Jesús chisaa ndese ra. ⁵² Jesús rete que siri siri oso quia cote ra. Ñimbaaracua racua que equia no nda. Dios iate que eriqui erese ra. Mbía abe iate que eriqui erese no nda.

3

Juan Dios cheē senei senei mbia je

¹⁻² Aquere que Dios ñee Juan je ra. Zacarías ririirī je. Tiberio siqui bei mose mbia ja rerecuarā. Quince años ereco mose mbia rerecuarā. Poncio Pilato que Judea jenda rerecu a aque mose ra. Herodes que Galilea jenda rerecu ra. Felipe que Herodes nongue ra. Felipe que Itureya jenda rerecu ra. Traconite jenda rerecu abe que Felipe no nda. Lisaniás que Abilinia jenda rerecu ra. Anás que sacerdote rerecu ra. Caifás abe que sacerdote rerecu ra. ũquí ererecu si que mose que Dios ñee Juan je turuquia re ra. ³ Nyebe que Juan Dios cheē senei senei nguia mbia je ra. Ama Jordán ndurubinda jaje. Ei ño ngue Juan nguia ñee mbia je ra. —Jēhui chō jēicua si. Dios jēicua mbutiā sacua. ũquí mose nda bautizar ae jēje chā, i que Juan nguia ñee mbia ja je ra. ⁴ Isaiás chimbasa io sacua ño ngue Juan Dios cheē nenei nenei nguia. Isaiás chimbasa chō ā nde: Emo nda ñeemombo mombo quia mbia je turuquiaa.

“Ñeenda nandererercua mbaerā jem-buquiche.

Jēingo quiatu nandererercua tu nonde.

⁵ Ñeenda jembuturā turā nandererercua mbaerā.

Ibi cuaacua jembato mbato.

Ibi ati ati jēsiamiambo ambo.

Ñeenda chaa chaa jeñeengo.

Ibi rashĩ ndashĩ jēiti iti.

⁶ ‘Mbia mingo beisa’, i ja ra mbia ñee Dios je cote”, i ra emo nguia turúquiaa,

i que Isaías embesa cose ra. ⁷ Mbia que nyoi nyoi ja quia Juan ndea ra. Juan bautizar i

sacuã ee. Juan ngue ñee ee ra. —Mbei rã ño jēingo nguia. Mbae icuã nda jēĩ jēĩ mbia

je, ñũqui si jenyu quia seje co re? ⁸ Jē mbae icuã ndecha mose Dios je, mbae turã jēsaã

saã mbei quia ee cote. “Abraham ndiirĩ nducucha chõ nande re. Nyebe ra Dios nan-

demingo bei” jjenyechĩ nda jē! Dios Abraham ndiirĩ nducucha chao arondete raque

sita je. ⁹ Ira rã si chõ mbia re. Sã ira mo ia eã no. Sã ea eã maña ño no. Sã eréi chõ no.

Eĩ serĩ serĩ ño Dios mbia je, mbia mbae turã naa eã mose, i que Juan ñee mbia je ra. ¹⁰ —

¿Mbae rese ra ureico Dios je re? i que mbia Juan je ra. ¹¹ Juan ngue ñee ee ra. —Ndeirao

nyeremo mose, enongue emondo eirao eã je. Ndechurã mose, emo emondo mbaecha

reã je, i que Juan mbia mbaaquiātu quiatu ra. ¹² Impuestos isi isiquia mo abe que nyoi

Juan je ra. Juan bautizar i sacua ee. —¿Mbae rese ra ureico ure re? i que ñee Juan je ra.

¹³ —¿Mbae ra jembatachĩ jē! ¿Cobrar jenye turã ño jē! Jēicua quiatu chõ, i que Juan

ee ra. ¹⁴ Soldados mo abe que ñee Juan je ra. —¿Mbae rese ra ureico ure re no? i que

soldados ñee Juan je ra. Juan ngue ñee ee ra. —¿Mbia mbae ra jēisi chooñochĩ jē! “Co que

mbae icuã saã nda” jjenye chooñochĩ nda emo je jē! Jembae ae chõ jendeco, i que Juan

ñee soldados je ra. ¹⁵ Mbia que mae quiatu quiatu ere. —Cristo chõ co reae, i raque mae quiatu quiatu ere.

¹⁶ Juan ngue ñee mbia jaje ra. —I achõ je chõ aico nguia bautizar i mbia je co. Co chi emo

ndu quia serui co. Ae quia equiracuã tuchi sesi re. Ae quia eturã tuchi sesi re. Ae quia ra

bautizar i mbia je Espiritu Turã je. Mbia chiã mbitirõ sacua. Sã tata riqui mbae mbitirõ

no. ¹⁷ Ae ra mbia umbae mũicue. Eturã achõ ño embae re. Ae embae eã nae, ũqui nda esei

cote. Ũqui ndeisa ra ua eã mbei tata. Sã mbia quiata a chiqui chiqui no. Sã ea mũicue

no. Sã echuruique mombo tátaa no, i que Juan ñee mbia je ra. ¹⁸ Eĩ ngue Juan nguia

Dios cheẽ turã nenei nenei mbia je ra. Mbia mbaaquiātu tuchi. ¹⁹ Ererecua Herodes je

que Juan ñee nyee ra. Felipe ninisi rese siqui mose. —¿Mbaerã ereico ndenongue ninisi

rese re? i que Juan ererecua je ra. —Mbae icuã eresã saã ja techĩ nguia re, i tuchi que

Juan ee ra. ²⁰ Ererecua que Juan ñee mumba bei chõ nda. Ererecua que Juan tarõ nyee

cárcel nda.

Juan bautizar i Jesús je

²¹ Juan bautizar i mose mbia jaje, Jesús je abe que bautizar i ra. Jesús que ñee ñee nguia ngu je ra. Ibei que obo ee ra.

²² Espiritu Turã ngue nguichi Jesús rese ra. Nyurusi rã ño nguichi checua ere. Iba-

tenda que ñee ee ra. —Seririĩ ño nde re. Sechesequa chõ nde re. Seyate nderese, i

que Ibatenda Jesús je ra.

Mbia ñiinda Jesús i

²³ Jesús treinta años mose que mbia mbaaquiātu quiatu ramo nda. —José riirĩ, i

ja que mbia Jesús je ra. Elĩ riirĩ nguia José re. ²⁴ Elĩ rei Matat ndiirĩ. Matat ndei Levĩ riirĩ.

Levĩ rei Melqui riirĩ. Melqui rei Jana ndiirĩ. Jana ndei José riirĩ. ²⁵ José rei Matatías riirĩ.

Matatías rei Amós ndiirĩ. Amós ndei Nahum ndiirĩ. Nahum ndei Esli riirĩ. Esli rei Nagai

riirĩ. ²⁶ Nagai rei Maat ndiirĩ. Maat ndei Matatías riirĩ. Matatías rei Semei ndiirĩ.

Semei ndei José riirĩ. José rei Judá riirĩ. ²⁷ Judá rei Joana ndiirĩ. Joana ndei Resa

riirĩ. Resa rei Zorobabel riirĩ. Zorobabel rei Salatiel riirĩ. Salatiel rei Neri riirĩ. ²⁸ Neri

rei Melqui riirĩ. Melqui rei Adi riirĩ. Adi rei Cosam ndiirĩ. Cosam ndei Elmodam

ndiirĩ. Elmodam ndei Er riirĩ. ²⁹ Er rei Josué riirĩ. Josué rei Eliezer riirĩ. Eliezer

rei Jorim ndiirĩ. Jorim ndei Matat riirĩ. ³⁰ Matat rei Levĩ riirĩ. Levĩ rei Simeón ndiirĩ.

Simeón ndei Judá riirĩ. Judá rei José riirĩ. José rei Jonán ndiirĩ. Jonán ndei Eliaquim

ndiirĩ. ³¹ Eliaquim ndei Melea riirĩ. Melea rei Mainán ndiirĩ. Mainán ndei Matata

riirĩ. Matata rei Natán ndiirĩ. ³² Natán ndei David riirĩ. David rei Isai riirĩ. Isai rei

Obed riirĩ. Obed rei Booz riirĩ. Booz rei Salmón ndiirĩ. Salmón ndei Naasón ndiirĩ.

³³ Naasón ndei Aminadab riirĩ. Aminadab rei Aram ndiirĩ. Aram ndei Esrom ndiirĩ.

Esrom ndei Fares riirĩ. Fares rei Judá riirĩ. ³⁴ Judá rei Jacob riirĩ. Jacob rei Isaac riirĩ.

Isaac rei Abraham ndiirĩ. Abraham ndei Taré riirĩ. Taré rei Nacor riirĩ. ³⁵ Nacor rei

Serug riirĩ. Serug rei Ragau riirĩ. Ragau rei Peleg riirĩ. Peleg rei Heber riirĩ. Heber rei

Sala riirĩ. ³⁶ Sala rei Cainán ndiirĩ. Cainán ndei Arfaxad riirĩ. Arfaxad rei Sem ndiirĩ.

Sem ndei Noé riirĩ. Noé rei Lamec ndiirĩ. ³⁷ Lamec ndei Musalén ndiirĩ. Musalén

ndei Enoc ndiirĩ. Enoc ndei Jared riirĩ. Jared rei Mahalaleel riirĩ. Mahalaleel rei Cainán

ndiirĩ. ³⁸ Cainán ndei Enós ndiirĩ. Enós ndei Set riirĩ. Set rei Adán ndiirĩ. Adán ndei Dios

riirĩ.

4

Satanás tã i Jesús je

¹ Jesús que nyebi Ama Jordán si ra. Espiritu Turã ngue siqui tuchi quia ere

ra. Turúquiaa que Espiritu Turã Jesús rerao

ra. ² Huee que eriqui arete ra. Cuarenta

días. Mbae mo ngue eu eã mbei aque mose ra. Eriãcuâte que cote ra. —Tã tae rã Jesús je. Ma Jesús mbae icuã naa, i rei que diablo Jesús rii nda. ³—Nde Dios riiri mose, mbichae esaã co sita je no, i rei que diablo Jesús je ra. ⁴Jesús que ñee ee ra. —Tei. Eñ ngue embesa ji ñee nda: “Mbia chi u achõ nda mbia mingo eã. Dios cheẽ nguia ra mbia mingo nguia”, i que embesa ji ra, i que Jesús diablo je ra. ⁵Aquere que diablo Jesús rerao ibi ibate mo nda. Ibate tuchi. Diablo que ibi teacuquia ja Jesús je ra. Ishonda abe reacuquia ja ee. Aque mose bei que ereacuquia ja ee ra. ⁶⁻⁷Diablo que ñee Jesús je ra. —Sembae ja chõ ibi re. Se emondose mose emo je, amondo ra ee. Tamondo tuchi ndeje. Mbia ja rerecuarã nda aremii. Ndeico mose serese, tamondo ja ndeje. Serimbarã mose nde, tamondo ja ndeje no, i rei que diablo ñee Jesús je ra. ⁸Jesús que ñee diablo je ra. —Quitúae sesi ae, Satanás. ¿Mañi nda nderimba se re? “Dios ae rese chõ jéingo”, i que embesa ji ñee ndesẽ, i que Jesús diablo je ra. ⁹Aquere que diablo Jesús rerao Jerusalén nda. Querao que suruchui ibate Dios chuchua arõ nda. Ibate tuchi echuchua. —Nde Dios riiri mose, eo oso íbii. Dios ra ndereaquiato. Eremanoã nda oso ngoi. ¹⁰Sã embesa ji riqui ñee no: Dios ra ángeles mondo ndereaquiato sacua. ¹¹Oje ra ndeisi.

Nembuquichi mingue rae.

Sita ra cua iã ndei je,

i que embesa ji ra, i rei que diablo Jesús je ra. ¹²Jesús que ñee diablo je ra. —Sã embesa ji ñee no: “Ma Dios sereaquiato. Tã tae ee no”, jenyechi nda Dios je”, i ñi Dios cheẽ nde, i que Jesús ñee diablo je ra. ¹³Diablo Jesús mbicua aronea mose, secha chee que oso ra. —Emo mose jiri ra tã aebe ndeje jẽ, i rei que uchiangui re ra.

Jesús mbia mbaaquiato quiato ramo

¹⁴Jesús que oso nyebi Galiléa cote ra. Espíritu Turã quiracuã ngue siqui tuchi quia erese ra. Mbia hue jenda ja que jirandu ja tuchi quia erese ra. ¹⁵Judíos chumunuásaa que Jesús riqui mbia mbaaquiato quiato ra. Mbia que ñee turã ja quia eriã nda.

Nazaret jenda Jesús isiteã

¹⁶Jesús que ngasẽ Nazaret cote ra. Hue rei etiarõsa hue. Sábado mose que esi judíos chumunuásaa ra. Sábado mose bei que eriqui oso oso huee ra. Juã ngue embesa ji renei nonde mbia je ra. ¹⁷Mbia que Isaias chimbesa mondo Jesús oo ra. Isaias chimbesa que equia cote ra. ã embesa ji que esaã saã mbia je ra:

¹⁸Espíritu Turã ndiqui tuchi serese co.

Dios que sererecúe ra.

Echeẽ turã nenei nenei sacua mbaecha reã je.

Etarõi mbusẽ sacua ño ngue Dios sererecúe ra.

Eresayã ndesa ira sacua ño ngue sererecúe no nda.

Ae je ererecua icuãte riqui nae, ùqui mbusẽ sacua ño ngue Dios sererecúe nguia no.

¹⁹Mbia je ñee ñee sacua ngue Dios sererecúe no nda.

“Namo ño Dios turã ndiqui nguia”, i sacua mbia je,

i que Jesús embesa ji mbuchecua mbia je ra. ²⁰Jesús que embesa ji mumbi cote ra.

Mondo que emo oo cote ra. Ngoi que cote ra. Mbia que mae mbei quia erese ra.

²¹Jesús que ñee mbia je ra. —Embesa ji que mbuchecua jẽje namo, aque io quia jẽje a cote, i que Jesús mbia je ra. ²²Mbia que ñee turã ja quia Jesús rii nda. —Jesús cheẽ turã tuchi quia eriqui re, i ja tuchi que mbia nyuruira ra. —¿José riiri ño co re? i que mbia quia ee ra. ²³Jesús que ñee mbia je ra. —“Mbia mae sayã ngue eresaã saã Capernaum nae, ùqui mo esaã aa ndechuchúaa no”, jenye arõte seje sechuchúaa. ²⁴Tacheẽ nyecua rã jẽje. Dios cheẽ mbuchecua ishonda cheẽ nguia ra mbia isi turã mbei quia. Nguécua jenda cheẽ nguia ra eisi turã eã. ²⁵Tacheẽ nyecua rã jẽje. Elías reco mose íbii, ama ngue nyaaquiã mbei ra. Tres años ndobei. Mbia riacuã ja que aque mose ra. Eru cheecha tubiriãte que chi rei hue Israel jenda ra. ²⁶“Úqui eru cheecha mo je mbae echao turã”, i áte que Dios quia Elías je ra. —“Sarepta jenda je quia mbae echao eru cheecha je”, i quiato que Dios ee ra. Judío eã je quiato que Dios Elías mondo ra. ²⁷Eliseo reco mose íbii, leprosos tubiriãte que chi rei hue Israel jenda ra. Eliseo que hue jenda mo mbucheroã no nda. Ishonda mo nguato que embucherõ Siria jenda ra. Naamán, i que ee ra, i que Jesús ñee mbia je ra. ²⁸Judíos chumunuasa que Jesús riqui ñee mbia je ra. Mbia Jesús cheẽ andu mose que paama i ee ra. ²⁹Mbia paama i je que Jesús mombo sucha tubiriã si ra. Sita ibate que sucha tubiriãte ra. Sita rimia mbucu que mbia Jesús rerao rei ra. Hue si nda emombo nguia ña. ³⁰Jesús que oso chee mbia tubiriã ite re si ra.

Jesús aba checuayã icuã jea amei mo si

³¹Jesús que oso Capernaum cote ra. Sucha tubiriã mo. Galilea jenda. Sábado mose que mbia mbaaquiato quiato ra.

³²Ererecua rã ño ngue Jesús riqui mbia mbaaquiato quiato ra. Nyebe mbia riqui nguia nyuruira tuchi echeẽ andu. ³³Huee que amei mo ndiqui mbia chumunuásaa ra. Aba checuayã icuã nyireco rei ae. Aque que ñee asite Jesús je ra. ³⁴—¿Mbaerã erechu quia urerea co re, Jesús? Quiatúae urerecha

ae. ¿Urerüicharã ño erechu quia co re? Dios rucucha chõ nde re. Areicuate se, i rei que aba checuayã icuã Jesús je ra. ³⁵ Jesús que ñee ee ra. —Equiriri chõ jẽ. Esẽ oso amei ñiangui si, i que Jesús ee ra. Jesús cheẽ mose que aba checuayã amei mombo íbii ra. Mbia tubiriãsa. Usẽ ngue u amei mbasiã cote ra. ³⁶ Mbia tuririã ngue nyuruira ja u erea ra. —Jesús quirãcuã ae ñee nguiã. Mbia rerecua rã ño eriqui nguiã ñee aba checuayã icuã je. ¿sã aba checuayã echeẽ mumbayã jẽ! i tuchi que mbia nyuruira erea ra. ³⁷ Mbia que ñimbiirandu randu ja Jesús rese ra. Erurubinda jenda abe jirandu ja erese.

Jesús Simón ninisi si mbucherõ

³⁸ Jesús que usẽ mbia chumunuasa si cote ra. Oso que ique Simón nyuchua cote ra. I que Simón nyari rasi u ee ra. Eracu tuchi que ee ra. —Embucherõ na, i tuchi que mbia Jesús je ra. ³⁹ Jesús que oso nyibi earõ nda. Ñee ngue eracu je ra. —Etiba, i que ee ra. Eracu que hui esi Jesús cheẽ nguire ra. Ari que juã cote ra. Mbae que echao chao mbia chiurã cote ra.

Jesús mbia rasi chumumbara mbucherõ

⁴⁰ Tenda irei mose que mbia nguesenda rasi rurucuaẽ cuaẽ ja Jesús je ra. Erasi chumumbara tuchi que ra. Jesús que o chono ñono ja erasi arõ embucherõ cherõ ja ra. ⁴¹ Aba checuayã icuã ngue usẽ usẽ nguia mbia si Jesús cheẽ mose cote ra. —Nde rei Cristo Dios riirĩ, i que usẽ usẽ mbia si ra. —¿jẽñee eã ño jẽ! i tuchi que Jesús quia aba checuayã icuã je ra. Úqui ngue Cristo icua chõ nda.

Jesús mbia Galilea jenda mbuchesea sea

⁴² Nyaashĩ namo mose que Jesús si turuquia a. ra. —Se ae taico mbiri na, i rei que ra. Mbia que nyoĩ erui erea chee ra. —¿Eresochĩ nda urerecha jẽ! Ure rese bei chõ eico, i rei que mbia ñee Jesús je ra. ⁴³ Jesús que ñee ee ra. —Dios cheẽ tasenei senei pe quitinda je abe. Nyebe sembu nguiã, i que Jesús ra. ⁴⁴ Jesús que mbia mbuchesea sea quia Galilea jenda ra. Dios cheẽ nenei nenei judios chumunuãsa.

5

Jesús sira tubiriã mbua uquia mbia je

¹ Emo mose que Jesús riqui ama ndisha rimia ndese ra. Genesaret, i que ama ndisha aque je ra. Mbia cuabẽ ngue ngaẽ ee huee ra. Dios cheẽ anduse rete que ra. Nyebe mbia tubiriã Jesús mumbi i i tuchi nguiã. ² Canoa nyeremo abe que chi hue erimia ndese ra. Eoreã ja que ra. Echa que chi sira mbuasa irei irei ra. ³ Jesús que ua canoa nongue ye ra. Simón mbae que aque canoa nda. —Ama nimia ndecha jiri sererao

mingo, i que Jesús Simón je ra. Canoa ye que Jesús ñi erimia ndesenda mbaaquiato quiatu ra. ⁴ Mbia mbaaquiato jare que ñee Simón je ra. —Eriquiraa ra rĩ canoa jendao. Huee tarafa jemondo ii. Sira mbuasa jemondo ii, i que Jesús ee ra. ⁵ Simón ngue ñee ee ra. —Nyaashĩ nyee que ureico rei embuasa rerequia isa ra. Emo ngue ure-siroã mbei ra, Sererecua. Ma ndecheende tasaambe no, i que Simón Jesús je ra. ⁶ Mbia que tarafa mondo ii cote ra. Sira tubiriã mbua nonde. Tarafa soro serĩ sira usi je. ⁷ Nyueru eru que canoa nongue yenda je ra. —Sira usite ure je. Jenyu rã. Nandembua ja rã canoa ye, i que canoa nongue yenda je ñee nda. Canoa nyeremo puk i ja sira je. Aete ñĩmi sira usi je. ⁸ Sira tubiriãchi sira eande nyii. Nyebe Simón Pedro nyuruira tuchi nguiã mae Jesús chimondo rese. Ngoi que ngüiã ndese ñee ee ra. —Seicuate aico co, Sererecua. Serecha rei se ae, i rei que Simón Pedro ñee Jesús je ra. ⁹ Echiã nguia cuaãcuã i tare nguiã. Eresenda abe chiã cuaãcuã i ja. Sira tubiriã ndea. Sira mbua eande nyii. ¹⁰ Zebedeo riirĩ abe que chi ja Simón ndese huee ra. Jacobo, i que enongue je ra. Juan, i que enongue je no nda. Úqui chiã abe que cuaãcuã i ra. Jesús que ñee Simón je ra. —¿Eresiquichechi nda jẽ! Sira rese ra ereicoã cote. Mbia ra ereru reru bei quia seje cote, i que Jesús ee ra. ¹¹ Canoa yenda ngasẽ mose ama nimiaa, umbae que esecha ja nyoĩ bei nonde Jesús rese cote ra.

Jesús mbia leproso mbucherõ

¹² Jesús que siqui tuchia mo nda. Hee que emo ndasi riqui ee ra. Leproso. Jesús rese mae mose que ngoi ngüiã ndese ee ra. Nyibi que ñee Jesús je ra. —Sererecua, nde sembucherõse mose, sembucherõ se, i que leproso ñee Jesús je ra. ¹³ Jesús que oco erese ra. —Echerõ cote, i que ee ra. Echeẽ mosebe que nyerõ nda. ¹⁴ Jesús que ñee ee ra. —¿Erecheechĩ nda mbia mo je jẽ! Eso nderasiã ndeacuquia sacerdote je cote. Moisés cheẽ ndui si mbae mo emondo Dios je. Eĩ nda mbia jirandu nderasiã ndese cote, i que Jesús ñee ee ra. ¹⁵ Mbia que ñimbiirandu i i tuchi quia Jesús rese ra. Ngaẽ ngaẽ ja que equia echeẽ andu ra. Umbucherõ cherõ sacua abe que eriqui ngaẽ ngaẽ erea ra. ¹⁶ Jesús que oso oso quia mbia tiãmbaa ra. Ñee ñee Dios je.

Jesús emi sayã mo mbucherõ

¹⁷ Emo mose que Jesús riqui mbia mbaaquiato quiatu ra. Huee que fariseos mo nyi echeẽ andu andu ra. Embesasa abe que chi ra. Galilea jenda chõ úqui nde. Judea jenda abe no. Jerusalén jenda abe no. Huee que echi ja Jesús cheẽ andu ra. Dios quirãcuã ngue siqui tuchi Jesús rese ra. Erasi mbucherõ cherõ sacua. ¹⁸ Mbia que

erasi mo curucuaē quisa ye ra. Emi sayā ngue ae ra. —Nandemingue serao Jesús je, i rei que ra. ¹⁹ Tuchua mbaranguiatuāte que ee ra. Mbia tubiriā ngue tuchia mbitāyā ee ra. Nyebe erasi ruruchoi nguiā sui tuchia arō. Tei que endoro ra. Erasi que embuquichi imbu quisa ye Jesús rimbe ra. Mbia ite rī. ²⁰ —Ererucuaēsa riqui seicua ũqui, i que Jesús ñee uchiangui re ra. Nyebe ñee nguiā emi sayā je. —Ndechisāā mbae icuā ambutiā nguiā ndesi co, i que Jesús ee ra. ²¹ Fariseos que ñee ñee nyue ra. Embesasa rese. —Jesús ñee icuā ñochī nguiā Dios rīi co. Dios ibatenda ae mbia chiao icuā mbutiā nguiā esi. Jesús aquiātuā ño ñene, i rei que eu ñee ñee nda. ²² Jesús que ũqui ndua icuā icuate ra. Nyebe ñee nguiā ee cote. —¿Mbaerā jëingo ndua icuā nde? ²³ ¿Ma mbaranguiatuā eā jiri jëje re? ¿Mbia icuā mbutiā ere? ¿Mbia rasi mbucherō ere no? ¿Ma mbaranguiatuā eā jiri ũqui jëje re? ²⁴ Dios rīiri ndei se. Mbia chiao icuā mbutiā aquiātu chō se re. Sequiracuā tateacuquia jëje, i que Jesús ñee ee ra. Ñee ngue erasi je cote ra. —Ehuā na. Ndechuchua eso cote. Ndeguisa abe erao, i que Jesús emi sayā je ra. ²⁵ Jesús cheē ndurucha reā ngue emi sayā juā nda. Mbia que mae ja tuchi u erese ra. Uquisa abe que equerao ra. Eya tuchi que oso uchuchúaa ra. Ñee ñee turā ngue equia Dios rīi nda. ²⁶ Mbia que nyuruira ja u mae emi sayā ngata rese ra. —Emi sayāte rei nyii. Ngata chōchī cote, i ja que mbia u mae nguiatu erese ra. Mbia ñee turā ja Dios rīi cote.

Serui bei eico, i Jesús Leví je

²⁷ Leví, i que emo je ra. Ae que impuestos isi isi bei quia ererecua mbaerā nda. Jesús que ngasē ee emo mose ra. Huee que eñi ngoi plata isi isi ra. —Serui bei eico, i que Jesús ñee ee ra. ²⁸ Ae Leví juā oso nguiā Jesús rui. Mbae recha ja umbae. ²⁹ Leví que fiesta saā tuchi Jesús je ra. Embuquiaru turā sacua uchuchua. Impuestos isi isiquia ata que chí quiaru erese huee ra. Mbiamo abe que chí no nda. ³⁰ Fariseos que ñee icuāte Jesús chimbaaquiātu je ra. Embesasa rese ñee icuā ee. —¿Mbaerā jëingo quiaru impuestos isi isiquia rese re? Mbia icuā ndese abe jëingochī nguiā quiaru, i que ñee nda. ³¹ Jesús que ñee ee ra. —Sā mbia rasiā ndiqui aba mbucherōsa requia eāte no. Sā erasi chō ndiqui erequia no. ³² “Jenyu seje”, aeā ngue u nguiā mbia turā je. Mbia icuā je chō ngue achu nguiā “jenyu seje” i. “Jëicuā si jëhuí”, ae chō ngue u nguiā eicuā je, i que Jesús ee ra.

Jesús chimbaaquiātu hui āte uchui si

³³ Mbia que ñee Jesús je ra. — Juanñimbaaquiātu hui hui uchui si. Ñee

nonde Dios je. Fariseos chimbaaquiātu abe hui hui uchui si no. ¿Mbaerā ndechimbaaquiātu riqui hui āte uchui si re? i que mbia Jesús je ra. ³⁴ Jesús que ñee ee ra. —Sā emo ngūinisirā isi ramo mose no. Sā eresenda iate riqui quiaru erese no. Sā hui aroneate uchui si aque mose no. ³⁵ Sā eru riqui mano emo mose no. Aque mose quia ra equiato hui uchui si cote, i que Jesús ñee ee ra. ³⁶ Jesús que ejemplo saā mbia je ra. —Sā emo ndiqui tiru yasu mī aroneate tiru ima sorei rese no. Ũqui mose eicuāte cote. Eyasu ra quiata chō esi. ³⁷ Sā emo eri rasi ramo nderecoquiātu eā eriru ima ye no. Mbae ire ima ye erecoquiātu aronea. Eri rasi ra ñimatā ño mbae ire ndoro. Eri ra uchē ja. Mbae ire abe mbicuāte ra cote. ³⁸ Eri yasu quia nda equerecoquiātu nguiā mbae ire yasu ye. Soroā sacuā. ³⁹ Emo eri ima mbei mose, eyasu ra embei sereā cote. “Eima ño eturā nde”, i chō nguiā cote. Nyebe mbia riqui nguiā secheē yasu isi sereāte, i que Jesús ñee mbia je ra.

6

Jesús chimbaaquiātu mbae a ishao shao sábadu mose

¹ Sábado mo mose que Jesús si quia mbiaco ite rī nda. Uchimbaaquiātu rese. Echimbaaquiātu que quiata u ucua mī nyoi quia ecuā mose ra. Equiti quitire oo je que echoi quia eachāña cote ra. ² Fariseos mo ngue ñee ee ra. —¿Mbaerā jëingo mbae ishao shao sábadu mose re? Co mose chō mbia uquena ucua rese, i que fariseos ee ra. ³ Jesús que ñee ee ra. —¿Embasa ji rese jemae eā David rīi nde? David riācuāe que aque mose ra. Eresenda abe riācuā ngue aque mose ra. ⁴ David que ique Dios chuchúaa ra. Mbichae Dios chuchua jenda que eu ra. Mee mee ngue nguesenda je ra. Eriācuāte quia ñene. Sacerdote achō mbaerā ndaque mbichae. ⁵ Sábado rerecua bei chō se re, i que Jesús ñee fariseos je ra.

Jesús eo tomei mo mbucherō

⁶ Sábado nongue mose que Jesús si judíos chumunuasa ra. Mbia que embaaquiātu quiātu huee ra. Huee que eo tomei mo ndiqui ee ra. Equiato cutinda tomei ngue ra. ⁷ Fariseos que mae nguiatu quia Jesús rese ra. Embesasa abe que mae nguiatu quia erese ra. —Mañi nda Jesús quia eo tomei je reae. Co sábadu mose reae. Sā embucherō jë. Nandechēē icuā nda ee chā jë, i que eu mae nguiatu Jesús rese ra. ⁸ Ũqui ndua icuā ngue Jesús icua ra. Ñee ngue eo tomei je cote ra. —Ehuā na u mbia ite rī, i que Jesús ee ra. Eo tomei ngue juā uā cote ra. ⁹ Jesús que ñee mbia je ra. —¿Mbae eturāte jëje co tenda mose re? Sábado mose bei. ¿Coche mbae turā naa naa sábadu mose re? ¿Coche mbae

icuã naa naa co mose re no? ¿Coche mbia mbucherõ co mose re no? ¿Coche mbia iquia co mose re no? i que Jesús ñee mbia ja je ra. ¹⁰ Jesús que mae mbia ja rese cote ra. — Echomee secuti, i que eo tomei je cote ra. Eo tomei ngue ñomee Jesús cheẽ mose ra. Aque mosechi que eo nyerõ cote ra. ¹¹ Nyebe fariseos paama i tuchi nguiã Jesús je. Sábado mose mbia mbucherõ mose. —¿Mañi nande ra Jesús je re? Nandeiquia chõ nda reae, i tuchi que eu ñee nyue ra.

Jesús mbia doce irabo uchimbaaquiaturã

¹² Jesús que oso mbia tiãmbaa ra. Sita ibátee. Huee que eñi ñee mbei Dios je nyaashĩ nyee ra. ¹³ Nyaashĩ mose que uchimbaaquiaturã munua ja cote ra. Ūqui doce mo ngue eirabo ra. —Sechimondo sacua jẽ. Jaemondo ra secheẽ nenei nenei sacua mbia je, i que ūqui doce je ra. ¹⁴ A mbia que eirabo ra:

Simón (Pedro, i abe que ee ra.)

Andrés (Simón nongue rei ae.)

Jacobo

Juan

Felipe

Bartolomé

¹⁵ Mateo

Tomás

Jacobo (Alfeo riirĩ ndei ae.)

Simón el Cananista

¹⁶ Judas (Jacobo nongue rei ae.)

Judas Iscariote (Aque que Jesús mondo mbia icuã je ra.)

Ūqui ja que Jesús irabo ra.

Jesús mbia tubiriã mbaaquiaturã

¹⁷ Jesús que nguichi u sita si cote ra. Uchimbaaquiaturã rese. Ibi túraã ngue euaẽ ngasẽ cote ra. Mbua tubiriãte abe que chi huee ra. Judea jenda. Jerusalén jenda abe no. Tiro jenda abe no. Sidón jenda abe no. Ama nimia jenda rei ūqui. Ūqui ngue ngaẽ nyiisaquia Jesús cheẽ ndese ra. Jesús embucherõ abe sacua ngue euaẽ nda. ¹⁸ A rese aba checuayã icuã ndiqui nae, ūqui abe que Jesús mbucherõ nda. ¹⁹ Jesús quirãcuã ngue mbia mbucherõ ja quia ra. Nyebe mbia riqui nguiã ocose ja Jesús rese.

Ae eyate riqui

²⁰ Jesús que mae uchimbaaquiaturã rese ñee nonde ee ra. —Jeyate riqui ã. Jẽ mbaechea reã ndaque. Dios quiaturã ja jenderecuarã tuchi cote. ²¹ Jeyate riqui ã. Jeniãcuã ndaque. Jendio rete ra cote. Jeyate riqui ã. Jenyeseo seo raque. Jeyiquia iquia ra emo mose cote. ²² Mbua jemo ucuayã mose, jemo mombo mose, ñee icuã mose jẽje serif, jeyate jeyingo ūqui. ²³ Jeyimbua tuchi chõ aque mose. Mbua icuã mose jẽje. Dios quia ra mbae turã mondo jẽje ibate. Mbua icuande jẽje nyii. Eĩ

si que mbia icuã ngua Dios rimba ñiinda je no nda.

Ae aba mbia eãte quia

²⁴ Aba mbia eã tuchichĩ jẽ, Mbaechea. Mbae icuã nda tu jẽje. Jeyare nyii. ²⁵ Aba mbia eã tuchichĩ jẽ, quiaturã tuchi je. Jeniãcuã tuchi ra cote. Aba mbia eã tuchichĩ jẽ, iquia iquia je. Jenyeseo ra cote. ²⁶ Aba mbia eã tuchichĩ jẽ mbia ñee turã mbei mose jeni. Eĩ si rei que equia ñee turã turã dios abareã nimba je cose ra.

Jeyingo turã ño ngua jeyucuayãsa je

²⁷ Aico ñee jẽje a. Ae eicuãte riqui jẽje, ūqui ndese jenyeseocua chõ. Jeyingo turã ño ngua jeyucuayãsa je. ²⁸ Emo ñee icuã mose jẽje, jeyẽ turã ño ee. Jeyẽ turã ño Dios je erĩ. ²⁹ Emo ucua mose jenditii rese, “tasaã se abe”, jenyechĩ ndae. Jenditii ribisho abe jeyeteacuia ee. Emo jeyirao rirõ mose jesi, jeyirao nongue abe rese jengueteã eã ño ee. ³⁰ Emo ache ache i mose jẽje, jemondo chõ ee. Emo jembae reraochõ mose, “emondobe seje”, jenyechĩ nda ee. ³¹ Sã jeyate riqui mbia siqui turã mose jẽje no. Eĩ jenyese si chõ ngua siqui turã mbia je no.

³² Ae eicuãte riqui jẽje nae, ūqui ndese jenyeseocua chõ. Ae nyeseocua quia jendese nae, ūqui mii ndese jenyeseocua mose, eicuãte ūqui. Mbua ja rese quiaturã jenyeseocua. ³³ Jeyingo turã nguiaturã quia mbia ja rese. Ae eturã ndiqui jẽje, ūqui mii ndese jeyingo turã mose, eicuãte ūqui. Jesús quiaturã abe chee siqui turã uquiato je. ³⁴ Emo prestar i mose jembae je, jemondo chõ ee. Ae mbae mondo aroneate eribishorõ nae, jemondo bei chõ ee. “Cobrar tae ee”, jenyechĩ ndae. Jesús quiaturã abe chee mbae mondo eribishorõsa je. “Mbae mo nda emondobe seje”, i. ³⁵ Eĩ jenyechĩ nda jẽ abe. “Mbae mo nda emondobe seje chã” jenyechĩ nda jẽ abe jẽ! Jemondochõ ño ee. Ae eicuãte riqui jẽje, ūqui ndese jenyeseocua chõ. Ūqui mose ra Dios mbae mee tuchi jẽje. Dios rã tuchi ra jẽ cote. Dios ia eãte quia eriqui nguiã eicuã ndese. Dios turãte quia eicuã je re. Eicuã ñee turã eã ndaque ee. ³⁶ Jeyayã ño mbia rese. Sã Dios abe eya eãte nanderese no.

“Eicuãte que co ra”, jenyechĩ nda emo nii

³⁷ “Co que eicuãte ra”, jenyechĩ nda emo nii. “Jeyicuãte”, iã nda Dios jẽje chã. ¡Condenar jenyechĩ nda emo je jẽ! Dios nda condenar iã jẽje chã. Emo icuã mose jẽje, jeyesarei chõ eicuã si. Dios nda tesarei jeyicuã si no ña. ³⁸ Mbae jemee mee ño mbia je. Dios quia ra mbae mee tuchi jẽje cote. Mee turã nda jẽje. Eñetẽ nda emee eã jẽje. Embisẽ ño nda emee jẽje. Jẽ embisẽ mee mose emo je, Dios ra embisẽ mee jẽje no, i que Jesús mbia mbaaquiaturã quiaturã ra. ³⁹ Jesús que ejemplo

saã mbia je ra. —Sã eresayã ja nyiruchoi aronea no. Ngoi ja chõ nda echoi ibicua rie. ⁴⁰ Embaaquiatusa quiarei earacua tuchi uchimbaaquiatsu si. Embaaquiatsu ja ji mose, earacua tuchi cote. Umbaaquiatusa rã si cote. ⁴¹ ¿Mbaerã nda “eicuã” jenyemo je re? Jẽ jẽicuã tuchi mose esi. “Mbae ñetẽ ndiqui nderesaa aque”, jenyechi nda emo je. Mbae cuasu siqui mose jendésaa jẽ quiatu. ⁴² “Mbae turã ndese chõ jẽingo”, jenyechi nda jẽingo icuã mose jẽ. Jẽturã nda jẽsaã ñoofochi jẽ. “Mbae ñetẽ tasirõ nderesa si”, jenyechi nda mbae cuasu siqui mose jendésaa jẽ. Jẽ nane nguia jẽturã ndiqui. Aquere quiatu jẽnee emo mingo turã cote.

Sã ira ae ia ae ae no

⁴³ Ira turã mose, ea abe turã ndae. Ira icuã mose, ea abe icuã ño nda eno. ⁴⁴ Sã ira ae ea ae ae no. Higo a rã eã nda nyu a no. Ea ae eno nde. Uva a rã eã nda isio rashĩ a no. Ea ae eno nde. ⁴⁵ Eĩ si chõ mbia no nde. Mbia turã nda ñee turã. Echiangui renda quia eturãte re. Nyebe eriqui nguia ñee turã. Mbia icuã nda ñee icuã no. Echiangui renda quia eicuãte riqui nguia. Nyebe eriqui nguia ñee icuã. Nandechuru achõ ñee eã nguia. Nandechiangui renda quia ñee nguia.

Tuchua nyeremo

⁴⁶ “Sererecua” jenyemo chõchi seje secheẽ mumba mumbare. ⁴⁷ Ae siqui serese secheẽ mumbayã nae, eturã tuchi chõ ñuqui nde. ⁴⁸ Sã emo uchucharã ao no. Sã ibi ribicoi tuchi no. Sita je ngasẽ nyee. Sita arõ tuchua ao cote. Nyebe echuchua átãte riqui nguia. Ama ndicuasuo mose, iãcuã irãtã ndaque echuchua ite rĩ. Tuchua mbuquiata aroneate iãcuã irãtãte raque. Sita arõ nguia ngue uchuchua ao nguia. Eĩ si chõ secheẽ mumbasa reã nde. Tuchua átã aosa rã si. ⁴⁹ Sã emo uchucharã ao no. Aque quiarei ibi ribicoi tuchiã. Ibi arõchi chõ uchuchua ao nguia. Iãcuã ngasẽ mose aque chuchua, mbucoi asi que mondo ra. Eĩ si chõ secheẽ mumbasa re. Ae uchuchua saã ibi arõchi nae, aque rã si chõ ñene, i que Jesús ra.

7

Jesús soldados rerecua rimba mbucherõ

¹ Jesús cheẽ ngue tiba mbia je cote ra. Oso que Capernaum cote ra. ² Soldados rerecua mo ngue siqui hue ra. Capitã ngue ae ra. Roma jenda que ae ra. Aque rimba rasi que chi hue erese ra. Ebite que erimba ra. Erimba rasi tuchi. Mano serite que equia ee ra. ³ Capitã ngue jirandu Jesús rese cote ra. Ñee ngue judíos ramei je ra. —“Echu serimba mbucherõ, i que capitã ñee ndeje ra”, jenyemo Jesús je, i que capitã nda. ⁴ Judíos ramei ngue ngasẽ

Jesús je ra. —Capitã nimba embucherõ na oso ee. Capitã turãte quiatu ngue eriqui nguia ure je. ⁵ Nandequiatio turã tuchi que aque ra. Judíos quiato ja. Urechumunua nua sacua ngue ae chao tuchia ra, i que amei ñee Jesús je ra. ⁶ Jesús que oso amei ndese ra. Capitã nyuchua rurubi mose que capitã uquiato mo mondo Jesús robeishĩ nda. —Seicuãte se, Jesús. Sechuchua ra ereiquechi. ⁷ Nyebe se asoã nguia nderea. Ndecheẽ achõ je chõ nda serimba erembucherõ. ⁸ Se abe sererecua no nde. Se echeẽ amumba aroneate. Soldados rerecua se no nde. Secheẽ abe emumbayã nguia no. Eso, i mose, secheẽ mumbayã no. Echu, i mose, secheẽ mumbayã no. Se ñee mose serimba je, secheẽ mumbayãte no. Ndequiricuã na eãte raque se, i que capitã ucheẽ mondo Jesús je ra. ⁹ Echeẽ andu mose que Jesús nyuruirate ra. Uba que ñee nguesenda je ra. —Tacheẽ nyecua jẽje. Capitã seicua tuchite quia co. Israel jenda mo embuchecha aroneate quia co, i que Jesús ra. ¹⁰ Capitã nyimondo que nyebi nyoĩ uchuchuaã cote ra. Erimba mbucherõ ji que ee cote ra.

Jesús eru cheecha riirĩ ndaaque mbuquera

¹¹ Isamami ngue Jesús choi quia Naín cote ra. Echimbaaquiatsu abe que nyoĩ quia erese ra. Mbia tubiriãte que nyoĩ quia erese ra. ¹² Sucha ata rurubi mose que ngasẽ mbia tubiriã je ra. I que eraaque ruruchoi quia etã sacua nda. Aque mii tuchi rei ngue cuña ndiirĩ no nde. Eru cheecha riirĩ. Aque que mano ño ee ra. Hue jenda mbia que nyoĩ jate quia esi rese ra. Eraaque rui. ¹³ Jesús que mae esi nyeseo rese ra. Jesús ia eãte que erese ra. —¿Echeseo eã ño jẽ! i que ee ra. ¹⁴ Jesús que oco eraaque rese ra. Eruruchoisa que tiba ee cote ra. —Echuruã, Acuanindu, i que ñee eraaque je ra. ¹⁵ Eraaque que nyuruã ñee cote ra. Jesús que embuquera ji mondo esi je cote ra. ¹⁶ Mbia que nyuruira ja erea ra. Ñee turã ja Dios rĩ. —Dios chimondo chõ core, i que mbia quia ñee Jesús rĩ nda. —Dios riqui tesareia nande si co, i que mbia quia nyue ra. ¹⁷ Jesús chumbucherõ ndese que mbia riqui ñimbiirandu jate ra. Judea jenda jirandu ja erese. Erobeinda ja abe que jirandu erese ra.

Juan el Bautista mbia mondo ñee Jesús je

¹⁸ Juan abe que jirandu Jesús chiao rese ra. Erimba quiatu ngue embiirandu nguia erese. ¹⁹ Nyebe Juan ñee nguia nguimba nyeremo je. —Nyeremo jẽso ñee Jesús je. “‘Cristo ra tu’, i bei equia nae, ¿ae chõ nde re?” jenyemo oso ee. “¿Cristo ra uresaarõ arõ si quia re?” jenyemo Jesús je, i que Juan nguimba mondochoi ra. ²⁰ Juan ñimondo que

nyoi ngasê Jesús je ra. —Juan el Bautista que urembu ñee ndeje ra. ¿Cristo chõ nde re? ¿Cristo ra uresaarõ arõ si quia re no? ¿Ae chõ nde re? i que Juan nimba ñee Jesús je ra. ²¹ Juan nimba ngasête mose que Jesús riqui mbia rasi mbucherõ cherõ nda. Erasi chumumbara. Erasi cuabê. Aba checuayã icuã abe que embusê mbusê nguia mbia si ra. Eresayã abe que embu cherõ nyerõ nguia ra. Juan nimba que mae ja quia ùqui mbucherõ ndese ra. ²² Jesús que ñee Juan nimba je ra. —Ae rese jemae nae, ùqui jêseni oso Juan je. Ae jeñandu nae, ùquiãabe no. “Jesús que eresayã mbucherõ nyerõ nguia ra. Ecuatayã abe mbucuata cuata. Eire ndasi abe mbucherõ nyerõ. Eisayã abe mbucherõ nyerõ. Eraaque abe mbuquera. Ucheê turã esenei senei tuchi mbaecha reã je”, jenyê oso Juan mbiirandu. ²³ Emo hui jei eã mose sesi, aque iate ra siqui cote, i que Jesús ucheê mondo Juan je ra.

²⁴ Juan ñimondo que nyoi nyebi ee cote ra. Jesús que ñee mbia ja je Juan ñii cote ra. —¿Mbae rese mae jêso turúquiaa re? ¿Quiririã idioi ichu ichu rese jêso mae nde? ²⁵ ¿Mbae rese mae jêso re? ¿Emo irao turã ndese jêso mae nde? Tei. Eirao turã siquiã nguia turuquia ñi. Ae siqui quia mbia rerecua chuchua nae, ùqui ño eirao turã ndiqui nguia. ²⁶ Juan ndese mae ño ngue jêso turúquiaa resê. Dios cheê nenei neneisa tuchi chõ ae emo si re. Ae chõ mbia mingoquiatu quiatu nguia se ñee sacua ee aque. ²⁷ Sã embesa ji riqui ñee no:

Seche ñnderaosa tamondo ñderêta.

Ae ra mbia mingoquiatu ndeje, i que embesa ji ñee nda. Juan ñii ño embesa ji ñee nguia. ²⁸ Juan el Bautista quiarei i tuchi raque mbia ñiinda ja si. Dios cheê nenei neneisa ataque si. Ae ra siqui tuchi Dios rese erimbarã cote nae, ùqui nguia ra i tuchi Juan si cote, i que Jesús ñee nda. ²⁹ Mbua que Jesús cheê ñandu turã ja ra. Impuestos isi isiquia abe chee que echeê ñandu turã nda. —Dios turã tuchi, i ja que mbia ra. Juan ngue bautizar i ja ee nyii ra. ³⁰ Fariseos achõ ño ngue Jesús cheê isi sereã nda. Embesasa rese. ùqui ngue siqui sereãte Dios cheê ndese ra. Nyebe Juan bautizar i eã nguia ee.

³¹ Jesús que ñeembe ee ra. —Mbua n- monda siqui turã eãte quia aba cheê ndui ã. Mbua riiri na ño eriqui nguia. ³² Sã mbua riiri ndiqui ñumbusarei sarei no. Sã eriqui ñee ñee nyue no. “Flauta que asaã saã ndei jêje ra. ¿Mbaerã jenyuruqui sereã nea nde?” sã i chõ nyue no. “Mbae aba mbua eã ngue asaã ndei jêje resê. ¿Mbaerã jêyate erese re?” sã i chõ mbua riiri nyue no. ùqui na si chõ jêingo nguia aba cheê mumba ã. ³³ Juan el Bautista que tu rei jêje ra. Jêisi turã eã ngue

ra. “Co eriqui quiaru sereãte nanderese co. Co eriqui mbae mbei sereãte nanderese co”, jenyê chõchí ee. “Aba checuayã ndesenda”, jenyê chõ ngue ee ra. ³⁴ Se abe que achu rei jêje ra. Aquiaru rei quia jendese co. Mbae abe ambei rei quia jendese co. Se abe que jê seisi turãya nda. “Quiaru tuchi je”, jenyê chõchí seje. “Mbae mbeisa”, jenyê chõ ngue seje no nda. “Mbua icuã quiato chõ ñene”, jenyê que seje resê. ³⁵ Ae earacuate nae, Dios aracua abe ra eicua, i que Jesús mbua je ra.

Jesús quiaru fariseo chuchua

³⁶ —Nandequiaru sechuchua, i que fariseo mo ñee Jesús je ra. Jesús que oso erese ra. Ngoi que quiaru nonde ra. ³⁷ Cuña icuã mo ngue siqui hue jenda huee ra. Jirandu que Jesús rese ra. Oso que erea cote ra. Aba mbushimbua que equerao erea ra. (Sita ao ji rei aba mbushimbua riru.) ³⁸ Jesús quite qiti que eñi nyeseo ra. Nguesari je que Jesús i irei irei ra. Ua je que embiiru iru cote ra. Uchuru que embucha Jesús i rese eriiite ra. Aba mbushimbua que eicherê ei rese cote ra. ³⁹ Jesús mbuquiarusa que ñee nguia uchiangui re ra. —¿Mbaerã Jesús ñee asiã cuña icuã je re? Jesús Dios riiri mose, ñi nda ñee asi rei ee, i que fariseo uchiangui re ra. ⁴⁰ Jesús que ñee fariseo je ra. —Tacheê ndeje, Simón, i que ee ra. —Eno. Echeê seje no, Sererecua, i que fariseo ee ra. ⁴¹ Jesús que ñee ee ra. —Sã mbua nyeremo deber i ererecua mo je no. Sã enongue deber i ee quinientos no. Sã enongue deber i ee cincuenta no. ⁴² ùquiã ja que pagar i aronea ja. Nyebe ererecua ñee nguia ee. “Mbae jemondo eã ño seje”, sã i chõ ererecua ee no. ¿Aba eya tuchi nguerecua rese re? i que Jesús ñee Simón je ra. ⁴³ Simón ngue ñee ee ra. —Ae deber i tuchi ee nae, aque eya tuchi erese cote reae, i que Simón ee ra. —Ae bei, i que Jesús ñee ee ra. ⁴⁴ Jesús que mae cuña ndese ñee Simón je ra. —Ndechuchuaa sei que mose que sei ereirei eã nda. Co cuña nguia que sei irei nguesari je ra. Ua je que sei mbiiru ra. ⁴⁵ Nde quiatu que seriti ereiite eã ndesê. Cuña nguia que sei siite nguia. ⁴⁶ Nde que aba mbushimbua ereichereã sea rese resê. Cuña nguia que sei aba mbushimbua icherê nguia sei rese. ⁴⁷ Tacheê nyecua ndeje, Simón. Cuña icuã tuchi raque. Eicuã ngue ambutiã ee namo nda. Nyebe eriqui nguia nyesequa tuchi serese a. Ae “seicua eã jiri se”, i quia nae, ùqui nguia ra nyesequa eã jiri serese. Se eicuã ambutiã ndaque, i que Jesús Simón je ra. ⁴⁸ —Ndeicuã ngue ambutiã ndesi ra, i que Jesús ñee cuña je cote ra. ⁴⁹ Ae que chi quiaru erese nae, ùqui ngue ñee nyecuayã cuayã u nyue ra. —¿Mañi nda Jesús mbua

icuã mbutiã esi re? i que eu ñee ñee nyue ra. ⁵⁰ Jesús que ñee cuña je ra. —Seicuaa chõ nde re. Nyebe arerirõ nguiã ndeicuã si. Ereico bei ra cote. Ndeya eso cote, i que Jesús cuña je ra.

8

Cuña mo nyoï ngata Jesús rui mbae raã naa ee

¹ Jesús que sucha tubiriã mbuchesea sea quia ra. Dios cheẽ turã ngue esenei senei nguia mbia je ra. Echimbuaquiato doce abe que ngata quia erese ra. ² Cuña echimbucherõ mo abe que ngata quia erese ra. Ae si aba checuayã icuã ndirõ nyii, ùqui mo abe que ngata quia erese ra. María Magdalena que ngata quia erese ra. Ae si aba checuayã siete rirõ nyii nae. ³ Juana abe que ngata quia erese ra. Chuza ninisi que aque ra. Herodes resendra rei Chuza. Susana abe que ngata quia erese ra. Cuña ata que ngata quia erese ra. Ùqui ngue umbae mee mee mbei quia Jesús je ra.

Emo mbae eï mombiquia mbiqui

⁴ Mbia que ngaẽ ngaẽ ja quia Jesús rea ra. Suchamo jenda abe. Mbia ñumunua ja mose que Jesús ejemplo raã ee ra. ⁵ —Sã emo si mbae eï mombiquia mbiquia no. Emombiquia mbiquia mose sã emo uqui uqui ñeenda rui no. Sã mbia riqui irõ irõ erese no. Sã nguirei abe eu chee no. ⁶ Sã emo uqui uqui sita arõ no. Sita aronda suri raque. Ibi irute quia ee re. Nyebe ñimama nguiã mano. ⁷ Sã emo ndiqui uqui uqui nyu réndaa no. Sã nyu abe suri erese no. Nyu ruri que echati asi u eriquisã nda. ⁸ Sã emo uqui uqui ibi túraã no. Ùqui nguiatu que ia turã nda, i que Jesús mbia je ra. Aquere que ñee asite mbia je ra. —Jëisa mose jsecheẽ jeñandu turã na! i que Jesús mbia je ra.

⁹ —Eresenei ngue mbae eï nii, ùqui embiasa turã na ure je, i que echimbuaquiato ñee ee ra. ¹⁰ Jesús que ñee ee ra. —Mbia rerecua tuchi quiarei Dios. Ae riqui nguiã ucheẽ mbiasa asa ja jëje co. Mbia ataque quia siqui sereã erese co. Mbia ataque je quia eriqui nguiã ucheẽ mbiasa eã jiri. Ejemplos achõ esenei senei nguiã ee co. Eanduchõ sacua. Eicua turã ndocoi.

Jesús ucheẽ mbiasa uchimbuaquiato je mbae eï nii

¹¹ Secheẽ tambiasa jëje cote. Dios cheẽ na si chõ mbae eï nde. ¹² Ae uqui uqui ñeenda rui nae, ùqui ndei mbia Dios cheẽ andu choõnosa rã ùqui. Ae Dios cheẽ andu choõno nae, ùqui ñiangui si chõ diablo riqui nguiã Dios cheẽ ndirõ. Nyebe eriqui nguiã Dios icuayã mbei. Nyebe Dios riqui nguiã emingo bei eã. ¹³ Ae uqui uqui sita arõ nae, mbia mo na ño ùqui no nde. Dios cheẽ andu

mose, isi turã ndaque. Eyate raque erese. Mbae mo embiaayã mose, hui jei chõ esi cote. Mbae rao eã naanguia chõ ùqui nde. ¹⁴ Ae uqui uqui nyu réndaa nae, mbia mo na ño ùqui no nde. Dios cheẽ andu turã ndaque. Siqui bei eã ño nguiã erese. Umbaerã achõ ndese chõ eriquichi nguiã ndua. Ñimbusarei sarei bei chõchi nguiã. Nyebe hui chõ nguiã Dios cheẽ si. Nyebe Dios cheẽ ndiqui nguiã ia eã mbei ee. ¹⁵ Ae uqui uqui ibi túraã nae, mbia mo na ño ùqui no nde. Echiã quishí ño ùqui nde. Dios cheẽ andu mose, siqui bei erese. Ia ia bei raanguia cote.

Tata rendi mbia resae ja

¹⁶ Sã nandeico lamparina mendi no. Sã nandeico eati eã no. Sã nandeico emii eã mbaequi re no. Erendi checua chõ nda nandemii nguiã. Mbia resae ja sacua. ¹⁷ Mbae checuayã nda nyecua ja emo mose. Ñeminde ra nyecua ja. ¹⁸ Secheẽ jeñandu tuchi. Aba mo umbae rerequia mose, Dios ra emo mondobe ee. Emo embae eã mose, Dios ra embae sirõ ja esi.

Jesús nongue ngaẽ erea usi rese

¹⁹ Jesusi que ngaẽ ndei ee ra. Jesús nongue ja rese. Mbia tubiriãte que esiquisãte esi ra. ²⁰ —Hue ndesi riqui nderequia taicuee hue. Ndenongue rese, i que mbia Jesús mbiirandu ra. ²¹ Jesús que ñee mbia je ra. —Ae Dios cheẽ andu turã nae, ae Dios cheẽ mumbayã nguia nae, ùqui je chõ aico nguiã “senongue” i. Ùqui je chõ aico nguiã “tai” i no, i que Jesús ñee nda.

Jesús quiririã icuã icuã mbutiba; ama ndebera abe

²² Emo mose que Jesús ua canoa ye ra. Uchimbuaquiato ja rese. —Nyao ama ndisha robei, i que Jesús ee ra. Nyoï que cote ra. ²³ Ama ndisha rasa mose que Jesús si quia uque ra. Ama ndiite re mose que quiririã icuã icuã ndu ee ra. I rebera que ique ique tuchi quia canoa ye ra. Nyebe canoa ñiimi serí tuchi nguiã ee. ²⁴ Nyebe mbia Jesús mumba nguiã. —Urembaaquiatusa, echumumba. Nandemanochí nda re, i que ñee Jesús je ra. Jesús que nyuruã cote ra. Nee quiririã je. Ama mbutiba. Quiririã ngue ti i ee cote ra. Ama abe que ti i no nda. ²⁵ —¿Mbaerã jëingo siquichete re? ¿Seicuayãte equia re? i que Jesús uchimbuaquiato je ra. Siquiche bei que equia ra. Nyuruira tuchi Jesús quiricuã ndese mae. —Quiririã Jesús cheẽ mumbayã ñochí. Ama abe echeẽ mumbayã ñochí, i que ñee ñee nyue cote ra.

Jesús aba checuayã icuã jea Gadara jenda mo si

²⁶ Ngasẽ nyee que sobei ra. Gadara, i que hue ibi je ra. Galilea mbuchechea tuchi que huee ra. Ama ndisha rasa. ²⁷ Canoa

si Jesús nguichi mose, hue jenda amei mo ngue tu ee ra. Aba checuayā icuā ngue siqui quia echiangui re ra. Cosete ngue eriqui rei nguā echiangui re. Eirao eā mbei que eriqui ra. Tuchiaqui re que eriqui uqueā nda. Mbia raaque tāsa be que eriqui nguā. ²⁸ Tu que ngoi nguā ndese Jesús resa quiti ra. Ñee asite que eu ee ra. —¿Mañi ere ra seje re, Jesús? Dios ibatenda riiri ño nde re. ¡Sembasichí nda se jê! i que ñee tuchi Jesús je ra. ²⁹ —Esê esi, i chõ Jesús aba checuayā icuā je reaē. Aba checuayā ño aque amei isi isi bei quia embicua icuā neaē. Mbia ee cuaacua raque quia cadenas je. Ei abe cuaacua raque no. Ucuasa ndosocho mbei que equia ra. Aba checuayā ño equerao rao quia turuquia ñi neaē. ³⁰ —¿Mañi ndeje re? i que Jesús ñee ee ra. —Etubiriā, i que seje ra. Ure cuabète quia ure re, i que aba checuayā ñee Jesús je ra. ³¹ —Uremondochí nda ta caatus, i que aba checuayā ñee tuchi Jesús je ra. ³² Chiasu socoi tubiriā ngue chi quiaru huee ra. Sita ibate rese. Nyebe aba checuayā ñee Jesús je. —Chiasu chiangui re ureso rā, i tuchi que equia ñee Jesús je ra. —Eno, i que Jesús ee ra. ³³ Aba checuayā icuā ngue usē ja amei ñia si cote ra. Chiasu chiangui re que echoi ra. Chiasu que uchā ja choi nyiichere ama nimia mbucu rí nda. Ama ndisha ye que echoi ja mano nda.

³⁴ Chiasu raarõsa que chi mae erese ra. Emundite que ra. Nyoí que uchā mbia mbiirandu ja chiasu rese ra. Sucha tubiriā jenda mbiirandu. Mbia ataque abe mbiirandu no. ³⁵ Mbia que ngaē ja mae erese ra. Huee que Jesús riqui beite ra. Ae rese aba checuayā ndiqui nyii amei nae, aque abe que chí ngoi Jesús i jii ra. Huiirao resebe cote. Earacuate que mbia je cote ra. Nyebe mbia nyuruira tuchi nguā erea. ³⁶ —Jesús que amei mbucherõ aba checuayā ndirõ esi ra, i que maesa erese ñee mbia ataque je ra. Maesa erese que esenei ja mbia je ra. ³⁷ Mbia hue jenda que siquiche ja Jesús si cote ra. —Eso rā urerecha urerecua si, i ja que hue jenda ñee Jesús je ra. Nyebe Jesús ua nguā canoa ye. Oso que nyebi sobei cote ra. Gadara recha. ³⁸ Ae rese aba checuayā ndiqui nyii nae, aque que ñee Jesús je ra. —Nderese taso bei, Jesús, i rei que ee ra. Jesús que ñee ee ra. ³⁹ —Eso chõ ndechuchúaa. Mbae esenei ja nderesenda je. “Dios que sembucherõ nda”, ere oso mbae renei nenei ja nderesenda je, i que Jesús ee ra. Umbucherõsa renei nenei ngue oso mbia ja je cote ra. Jesús renei nenei ja sucha jenda ja je.

⁴⁰ Jesús chebi si mose sobei si, mbia que chi eraarõ arõ nda. Úqui nguati que eisi turâte ra. ⁴¹ Emo ngue tu ñee Jesús je ra. Jairo, i que ee ra. Judio munua nuasa que ae ra. Jesús i jii que ngoi ñee ee ra. —Nyao rā sechuchúaa. ⁴² Seririirí nguasu jiri si quia mano seríte seje qui. Seririirí mñi tuchi se, i tuchi que Jesús je ra. Jesús que oso erese ra. Mbia cuabète ngue nyoi ja eruí ra. Jesús mbiitáyate que echoi quia ra. ⁴³ Ari mo abe que oso quia mbia ite rí nda. Eruqui nda uchē uñe mbei quia ee ra. Doce años nyee nda eruqui tibayā mbei ee ra. Aba mbucherõsa abe nda embucherõ areonate quia ee ra. Ari umbae mondo mondo ja raque quia ee. ⁴⁴ Ari que tu Jesús quite quiti eriichā nda. Eirao aí rese que oco ra. Aque mose tuchi que eruqui tiba ee cote ra. ⁴⁵ —¿Aba oco serese re? i que Jesús mbi je cote ra. —Tei. Aba áte, i ja rei que mbia ee ra. Pedro que ñee ee ra. —Mbia tubiriáte nyeresē. Mbia cuaē nguia ñimaña maña jate co resē. ¿Mbaerā ereico “¿aba oco serese re?” i re? i que echimbaaquiati ñee ja ee ra. ⁴⁶ Jesús que ñee ee ra. —Tei. Emo ngue oco serese ra. Sequiracua ngue em mbucherõ nda i que Jesús ra. ⁴⁷ —Jesús jiranduchí serese, i que ari uchiangui re cote ra. Nyebe ngoi nguā nguā ndese Jesús resa quiti. Titi titi i ete que ra. Ñee nyecua que ee ra. —Sembucherõ sacua ño aoco nguā nderese. Aque mose tuchi chõ acherõchí, i que ari erenei ja Jesús je ra. Mbia que ehandu ja u ra. ⁴⁸ Jesús que ñee ee cote ra. —Seicuaa chõ nde re. Nyebe arembucherõ nguā. Ndeya tuchi eso cote, i que Jesús ee ra. ⁴⁹ Jesús cheē mosete que emo ndu jairo chuchua si ra. —Ndeririirí ngue mano cote ra. ¿Mbaerā nda Jesús ererao ndechuchua cote re? i que ñee Jairo je ra. ⁵⁰ Jesús que ehandu ra. Ñee ngue Jairo je ra. —¡Ndeya eā techí nda jê! Seicua chõ se. Ndeririirí nda quera si, i que eru je ra. ⁵¹ Ngasē ngue echuchúaa cote ra. Jesús que ique eraaque rea cote ra. Pedro rese. Jacobo abe rese. Juan abe rese. Eraaque ru abe rese no. Esi abe rese. Úqui achõ ngue emingue ra. ⁵² Mbia que chi ja nyeseo áquē ndese ra. —Jenyeseochí nguā. Mano eā ño ñene. Uque chõ ñene, i que Jesús ñee mbia je ra. ⁵³ Mbia que iquia Jesús cheē mose ra. —Eraaquete nyeresē. ¿Mañi nda nyuruā nde? i que mbia ra. ⁵⁴ Jesús que eraaque o isi ra. —Echuruā na, Echo, i que ñee asite ee ra. ⁵⁵ Quera si que nyuruā cote ra. —Ndeririirí embuquiaru cote, i que Jesús ee ra. ⁵⁶ Eru que nyuruira tuchi mae erese ra. Esi abe nyuruira tuchi. —¡Emo nda jembiiranduchí jê! i que Jesús ee ra.

Jesús uchimbaaquiatu doce mondo ucheë nenei nenei sacuã

¹ —Jenyu, i que Jesús uchimbaaquiatu doce je ra. Uquirãcuã ngue emee mee ee ra. Aba checuayã icuã jea jea sacuã mbia si. Mbia rasi mbucherõ cherõ sacuã. ² —Jëso Dios cheë nenei nenei mbia je. Jëso mbia rasi abe mbucherõ cherõ. “Mbia rerecuarã tuchi ra Dios cote”, jenyé oso secheë nenei nenei mbia je. ³ Mbae mo nda jendaochi icua. Jenyitochoquia ra jendaochi. Mbae riru mo abe ra jendaochi no. Jenyirã mo nda jendaochi no. Mbae isiquia mo abe ra jendaochi no. Jëirao nongue abe ra jendaochi no. ⁴ Emo nyuchúaa jengue mose, hueechõ ño jëingo uque. Jemba jembatechi nda uque tuchia raamba amba. Hue si chõ jëso sucha tubiriã mo secheë nenei nenei cote. ⁵ Sucha tubiriã mo jenda jëisi sereã mose, jësecha chõ. Jëi tubi jembutomoto mo ee. Hue jenda huicua icua sacuã, i que Jesús uchimbaaquiatu je ra. ⁶ Echimbaaquiatu que nyoï choï bei quia sucha tubiriã mbuchesea sea ra. Dios cheë turã nenei nenei mbia ja je. Mbia rasi mbucherõ cherõ no.

Mbia Juan el Bautista iquia

⁷ Herodes abe que jirandu Jesús chia rese ra. Embusiquichete que ra. Emo ngue ñee ndei ee ra. —Ae ereiquia nae, Juan i equia ee nae, aqúe que quera si ra, i rei que emo ñee Herodes je ra. Juan Jesús riqui rei nguiã mbia je. ⁸ Elías Jesús riqui rei nguiã emo je no. —Dios cheë nenei neneisa ima quera si je chõ ñene, i rei que emo eme Jesús ri no nda. ⁹ Herodes que ñee nda. —Juan ãqui ngue achisiamo tuchi. ¿Mañi nda quera si re? ¿Aba Jesús re? Ae rese aico jirandu tuchite. Tamae erese no, i que ndua ndua uchiangui re ra.

Jesús mbichae mbeta tuchi mbia je

¹⁰ Jesús chimondo ucheë nenei neneisa que nyebi ngaë ee ra. —Á ngue uresaã saã nda, i que mbae renei ja Jesús je ra. Mbia tiãmbaa que Jesús ùqui nderao ja rei ra. Betsaida rurubi jiri. ¹¹ Mbia ataque jirandu mose que nyoï erui ra. Jesús que eisi turã Dios cheë nenei nenei ee ra. Erasi abe mbucherõ cherõ ee. ¹² Tenda oso mose que echimbaaquiatu ñee ndei ee ra. —Mbia emondo rá sucha tubiriã nia. Sã echoï bei quiaru huee. Uque bei abe huee no. Mbae ãte nandecu a, i rei que echimbaaquiatu Jesús je ra. ¹³ —Jeño mbae jemondo ee echirã, i que Jesús ee ra. —Tei. Mbae quia ra aba mondo ee. Cinco chõ ngue mbichae ra. Sira abe nyeremoñote nyeresë, i que echimbaaquiatu Jesús je ra. ¹⁴ Mbia tubiriã tuchi que chi ra. Cinco mil ndobei. —Mbia jembucoi ja ino ñbi. Eata jaaja jeño mo mbucoi. Sã echï ngoi icúe cúe cincuenta jaaja, i que Jesús uchimbaaquiatu je ra. ¹⁵ Jesús

cheë nguire que ngoi ja cote ra. ¹⁶ Jesús que mbichae sirõ cote ra. Sira abe rirõ. Mae ngue ibate ra. —Gracias, i que ñee Dios je ra. Mbichae que esiquio quio ra. Sira abe no. Mondo mondo ja que uchimbaaquiatu je cote ra. —Jembuchao chao mbia tubiriã je cote, i que Jesús ra. ¹⁷ Mbia que embuquiaru ja tuchi ra. Miãtã tuchi que ra. Mbia huisa tubiriã ngue cote ra. Sira rire. Mbichae rire abe no. Doce iru que mbia mombisë esique sique je ra.

Cristo chõ nde resë, i Pedro Jesús je

¹⁸ Emo mose que Jesús ae riqui ñee ñee Dios je ra. Echimbaaquiatu abe que chi huee ra. —¿Aba aico rei mbia je re? i que Jesús ee ra. ¹⁹ Echimbaaquiatu que ñee ee ra. —Juan el Bautista ereico rei nguiã emo je co. Elías ereico rei nguiã emo je no. Dios cheë nenei neneisa quera si je ereico rei nguiã emo je no, i que echimbaaquiatu ee ra. ²⁰ —¿Aba aico rei jëje co re? i que Jesús ee ra. —Cristo chõ nde resë. Dios riri ño nde resë, i que Pedro Jesús je ra.

Mbia ra seiquia, i Jesús uchimbaaquiatu je

²¹ —Ūqui nda jeñeechi emo je jë, i tuchi que Jesús ee ra. ²² Jesús que uchimbaaquiatu mbaaquiatu quiatu ra. —Mbiarã ngue Dios sembu ra. Mbia ra sembasi mbasi tuchi. Amei nda hui ja sesi. Sacerdotes rerecu abe ra hui ja sesi. Embesasa abe ra hui ja sesi. Mbia ra seiquia chee. Tres tenda mose ra aquera si, i que Jesús mbia ei quia nonde ra.

²³ —Emo siquise mose serui, sã hui ja mbae ubi si. Sã cruz umbaerã ndui bei se rã si. Sã eriqui serui cote. ²⁴ Emo ndua bei mose nguico rese, ereco ra ua esi. Emo hui mose nguico si seje, ùqui nda siqui bei. ²⁵ Emo nguico mumba chooño mose, eya eã mbei rae. Mbaecha rete raque. ²⁶ Emo ireï ireï mose sesi, se abe chõ nda aireï ireï esi. Emo ireï ireï mose secheë si, se abe chõ nda aireï ireï esi, sechu mose mbia rerecuarã. Dios quirãcuã nda sembu. Angeles rese ra achu aqúe mose. ²⁷ Tacheë nyecua jëje. Á jëingo serese ã nae, jemo nda jemae Dios quirãcuã ndese jemano nonde. Mbia rerecu tuchi ra Dios, jemo mano nonde, i que Jesús ee ra.

Jesús nyicabo uchimbaaquiatu je

²⁸ Ocho tendare que Jesús choï sita ibátee ra. Ñee sacuã Dios je huee. Pedro que oso erese ra. Jacobo abe. Juan abe. ²⁹ Jesús ñee mose Dios je que eruba ñimbiasu ra. Eirao abe que enininya ra. Eiraoshi nininya tuchi que ra. ³⁰ Mbia nyeremo ngue nyecua u ibate si ra. Jesús nininya mose que eriqui ñee ñee nyue erese ra. Moisés que enongue ra. Elías que enongue no nda. ³¹ Ūqui ja que

enininya Jesús rese ra. —Mbia ra Jesús iquia mbucha ira rese Jerusalén, i que equia ñee nyue ra. ³² Pedro reesite raque. Eresenda abe reesi esite raque. Uqueã mbei quera. Jesús nininyate quiatu ngue ee re. Moisés abe nininyate quiatu ngue ee re. Elías abe nininya no. ³³ Ibatenda que nyoĩ quia Jesús recha cote ra. —¿Manyae ra ñee Jesús je re? i que Pedro ra. Nyebe ñee iru chõ nguiã ee. —Nandecu turãte aa, Sembaaquiatusa. Sucha ñetê uresaã saã na. Enongue nembraerã. Enongue Moisés mbaerã no. Enongue Elías mbaerã no, i rei que Pedro ñee Jesús je ra. ³⁴ Pedro cheẽ mosete que ibeishĩ ndu eite ñĩ nda. Ibeishĩ ngue Moisés mbuchecuayã ee ra. Elías abe mbuchecuayã ee. Nyebe esiquiche nguiã. ³⁵ Echeẽ mo ngue ehandu ibeishĩ qui re ra. —Co rei sebi tuchi seriĩri co. Echeẽ jeñandu bei quia, i que Dios ee ibeishĩ qui re ra. ³⁶ Aquere que Jesús mui ndiqui uchĩmbaaquiatusa rese ra. Umaesa que esenei eã ja emo je ra. Ñee ãte que emo je ra.

Jesús aba checuayã jea mbia riiri mo si

³⁷ Isamamimbe que euaẽ nguichi sita ibate si ra. Mbia tubiriã ngue ngaẽ Jesús rea ra. ³⁸ Ūqui mo ngue ñee Jesús je ra. —Seriĩri ndese emae, Urembaaquiatusa. Seriĩri mũte que se co ra. ³⁹ Aba checuayã icuã ndiqui eisi isi co. Embaasẽ asẽ mbei. Emburiri riri. Echuru mbichoi. Erete munumbi numbi. Aba checuayã hui sereã mbei seriĩri si. ⁴⁰ “Aba checuayã embusẽ seriĩri si”, ae rei ngue ndechĩmbaaquiatusa je re. Embusẽ aroneate esi, i que eru ñee Jesús je ra. ⁴¹ —¿Mañi jenyee quia seicuayãte re? ¿Secheẽ jemumba tuchi chõ nguia re? ¿Ñimbiracuã mbeite ra aba quia jẽje re? i que Jesús ñee ee ra. —Nderiĩri eru rã seje, i que eru je cote ra. ⁴² Jesús rurubite mose que aba checuayã eriĩri mbucoi mondo ra. Mburiri tuchi que ra. Jesús que ñee asite aba checuayã icuã je ra. Eriĩri ngue embucherõ nda. Embucherõ ji que emondo eru je cote ra. ⁴³ Dios quiracuã ndese mae ngue mbia nyuruira tuchi ra.

Mbia ra seiquia, i si Jesús

Jesús chiao rese mae ngue mbia nyuruira tuchi ra. Mbia nyuruira mose que Jesús ñee uchĩmbaaquiatusa je cote ra. ⁴⁴ —Mbiarã ngue achu ra. Mbia ra semee mbia icuã je. Sericharã. Ūqui si ra jêtesareichĩ, i rei que Jesús uchĩmbaaquiatusa je ra. ⁴⁵ Echĩmbaaquiatusa que Jesús cheẽ icuayãte ra. Echecuayãte que ee ra. —Ndecheẽ embiasa ure je, iã ngue ñee ee ra. Ireĩ ireĩ ño ngue ñee ee ra.

Ererecua tuchi ra se, i jaaja Jesús chĩmbaaquiatusa nyue

⁴⁶ —Se quia ra ererecuarã tuchi jẽsi, i jaaja que echĩmbaaquiatusa ñee nyue ra. Ñee icuã icuã nyee nyue. ⁴⁷ Jesús que ūqui ndua ndua icuate ra. Nyebe ãquẽ mo mbucoi mui nguiã ujii. ⁴⁸ Jesús que ñee ee ra. —Sã ãquẽ mo ndiqui siqui mingue no jẽ. Ae eturã ndiqui mbia riiri je seriĩ nae, seje abe chõ eturã ndiqui nguiã. Ae eturã ndiqui seje nae, semondosa je abe chõ eturã ndiqui nguiã. Ae ererecua sereãte riqui jemo nae, ūqui nguia sebi re. ¿Mbaerã jẽingo “ererecuarã se” i nyue re? i que Jesús ee ra.

Emo icuã eã mose nande je, nanderesenda chõ ūqui nde

⁴⁹ Juan ngue ñee Jesús je ra. —Pe emo nyi aba checuayã ndirõ ndirõ mbia si nderiĩ pe. Uremae ngue erese ra. Aque eriqui ãte nanderese aque. Nyebe uresiquisã nguiã, i que Juan Jesús je ra. ⁵⁰ Jesús que ñee ee ra. —Tei. jêsequisã quisãchi nda jẽ! Emo icuã eã mose nande je, nanderesenda chõ ūqui nde, i que Jesús ñee ee ra.

Jesús ñee asi Jacobo je; Juan abe je

⁵¹ —Namo jiri ra aso ibate cote, i que Jesús ndua ndua cote ra. —Taso Jerusalén, i tuchi que equia ra. ⁵² Jesús que mbia mo mondo unonde ra. Ūqui ngue ngasẽ sucha tubiriã mo nda. Samaria jenda rei sucha. —Jesús ra uque aa jendese, i rei que hue jenda je ra. ⁵³ Hue jenda que Jesús isi turã sereãte ra. —Jerusalén Jesús si quia qui reae. Nyebe ureico nguiã eisi sereã aa, i que hue jenda ñee icuã Jesús chĩmondo je ra. ⁵⁴ Jacobo jirandu mose que paama i hue jenda je ra. Juan abe que paama i hue jenda je ra. Ūqui ngue ñee Jesús je ra. —Sã Elías tata mbu ibate si mbia icuã je cose no. ¿Eĩ ure si ra tata mbu ã iquia sacua nde? i que echĩmbaaquiatusa ñee Jesús je ra. ⁵⁵ Jesús que uba ñee asite ee ra. —Jêsecha chõ. Aba mingosa riiri ño jẽingo ã ndesẽ. ¿Jêtesarei chõ nguia ūqui si re? ⁵⁶ Mbia iquia sacua ngue achua ndesẽ. Mbia mingõ bei sacua ño ngue achu nguiã, i que Jesús ra. Sucha tubiriã mo ngue echoi cote ra.

Jesús rui taico, i raque emo

⁵⁷ Jesús ngata mose que mbia mo ñee ee ra. —Taico bei nederese. Ndeso mose manguiti, se abe ra aso bei quia nderese, i que ñee Jesús je ra. ⁵⁸ Jesús que ñee ee ra. —¿Mbae rasi ra eresaã saã serese re? Eoita quia ecua jiri re. Ngureĩ nguia equisa jiri no nde. Se quia sequisayã mbei re, i que Jesús ee ra. ⁵⁹ —Serui eico bei, i que Jesús emo je ra. —Sã seru mano na. Aquere quia ra aico bei nderui, i rei que aque ñee Jesús je ra. ⁶⁰ Jesús que ñee ee ra. —Sã mbia ataque chõ nderu chati. Nde quia eso Dios cheẽ nenei nenei mbia je, i que Jesús ee ra. ⁶¹ Emo ngue ñee Jesús je ra. —Aico jee ra nderui. “Co

acua quia co”, tae rã oso sechuchua jenda je, i que ñee Jesús je ra. ⁶² Jesús que ñee ee ra. —“Achu jirichí nguia Jesús rui”, i mose sequiato mo, aque ra ngaseã Dios je, i que ra.

10

Jesús mbia setenta mondo ucheë nenei nenei sacua

¹ Aqere que Jesús mbia setenta irabo no nda. —Serëta chõ jëso jëso quia sucha mbchesea sea, i que ee ra. Nyeremo nemo ngue embuchao chao quia mondo ra. ² —Secheë andusa reã ndei etubiriã. Secheë nenei neneisa rei co mü jiri. “Dios, ndecheë nenei neneisa mo emondo tuchi. Mbia mbiirandu randu sacua”, jentye chõ nguia Dios je. Sã echa mbae a ishao shaosa mondo ea irei mose no. ³ Jëso cote. Sã nyacua icua ndiqui oveja je no. Eĩ si ra mbia icua icua jëje. Nyacua rã si. ⁴ Jëochi chõ jëso. Mbae riru ra jendaochi. Mbae isiquia abe ra jendaochi no. Jëiyao abe ra jendaochi. Jëitõ itõchi nda ñeenda cúa ñee sacua mbia je. ⁵ Jëique mose emo nyuchuaa, jeñee turã huee tuchua jenda je. “Dios nda jembia bei quia chã”, jentye hue jenda je. ⁶ Hue jenda ia mose Dios rese, Dios ra siqui tuchi erese. Eya eã mose Dios rese, emo je quia jeñee. ⁷ Jemba jembatechi nda uque tuchua raamba amba. Jengue mocoi jiri quia huee. Ae hue jenda u u quia nae, jë abe jëu quia erese. Jëingo mose secheë nenei nenei mbia je, sã mbia mbae mondo mondo jëje. ⁸ Sucha tubiriã jenda jëisi turã mose, jëquiaru quiaru erese. ⁹ Hue jenda ndasi jembucherõ nyerõ ee. Hue jenda je secheë jësenei senei. “Namo jiri ra jenderecuarã Dios cote”, jentye chõ hue jenda je. ¹⁰ Sucha tubiriã jenda mo jëisi sereã nea mose, jeñee asi ee etaicúee. ¹¹ “Urei tubi urembutomo nguia jendique jie a. Jëtesareia sacua urecheë si. Jenderecuase rete raque Dios. Jëisiã ñochi”, jentye chõ hue jenda mbiirandu. ¹² Se mbia icua mbasi mbasi mose, hue jenda ra ambasi mbasi tuchi Sodoma jenda si.

Jesús ia eã mbia sucha tubiriã jenda rese

¹³ Seya eãte jendese, Corazín jenda. Seya eãte jendese, Betsaida jenda. Jendasi tuchi chõ ndae. Mbia mae sayã ngue asaã saã jëje nae, ùqui naa mose Sidón jenda je, eĩ nda hue jenda huicua ndecha rei. Eĩ nda Tiro jenda abe huicua ndecha rei. Eĩ nda eya eãte rei huicua ndese. ¹⁴ Jë nguia jëicua jësecha sereãte rei. Nyebe ra Dios jembasi mbasi tuchi ùqui si quiatu. Dios mbia icua mbasi mbasi mose. ¹⁵ Jëcuasu jësaã saã tuchi techi nguia re, Capernaum jenda. Nyebe ra Dios jemondo tuchi tata cuasu. ¹⁶ Secheë nenei neneisa chõ jë nde. Ae ra jeñee ñandu quia nae, secheë abe ra ehandu. Ae ra

jëucuãyãte quia nae, se abe ucuãyã ndae. Ae ra seucuãyãte quia nae, sembasa abe ucuãyã nda eno, i que Jesús ñee uchimondo setenta je ra.

Jesús chimondo mbia setenta nyebi ngaë ee

¹⁷ Ùqui setenta nyebi si mose que eyate ra. —Aba checuayã icua urecheë mumbayã ñochi nderiã, Urererrecua, i que ñee Jesús je ra. ¹⁸ Jesús que ñee ee ra. —Satanás que ngoi tuchi u ibei si ra. Sã ama piriã i asi no, eĩ si que eu ngoi ra. Amae tuchi que ecoi rese ra. ¹⁹ Sequirãcuã ngue amee tuchi jëje ra. Jendeaquiatu sacua. Jëirõ sacua mbei tásie rese. Quiraë ndese. Seucuãyãsa riquisã sacua. Sequirãcuã nda jendea quiatu mingo. ²⁰ Ùqui ndesechi nda jëya. Serese quia jëya. Aba checuayã jeñee mumbayã mose jùqui ndesechi nda jëya no jë! Paba que nombre jembae mbesa mbesa mü ibate ra. Ùqui ndese quia jëya, i que Jesús ee ra.

Jesús ia tuchi

²¹ Aque mosete que Espíritu Turã Jesús mbia tuchi ra. Ñee ngue ngu je ra. —Seyate aico nderese co, Paba. Ibi jenda rrecua ja chõ nde re. Ibei jenda abe rerecuja ja chõ nde no nde. Ndecheë ngue erembuchecuayã mbia aquiatu tuchi je ra. Mbia riiri ri naanguia je chõ ngue erembuchecua nguia. Ùqui ño ngue eturã ndeje ra, Paba, i que Jesús ra. ²² —Seru que mbae mondo ja seje ra. Paba mü ño seicua tuchi nguia. Paba riiri mü ño se re. Se mü ño Paba aicua tuchi nguia no. Ae je ra Paba ateaquiquia nae, ùqui mü ño nda Paba icua tuchi nguia serese, i que Jesús ñee nda. ²³ Jesús que uba mae uchimbaquiatu rese ra. Eisaq que ñee nda. —Coche jema nguia ã sechiao rese. ²⁴ Mbia rerecuja ñiinda mae ja bite raque ã sechiao rese. Dios cheë nenei neneisa abe mae ja bite raque ã ndese. Mae eã mbei que equia sechiao rese ra. Secheë andu bite raque. Secheë ngue echanuate ra, i que Jesús ra.

Samaria jenda mo turã erasi je

²⁵ —Ma Jesús ucheë nyabi, i que embesasa mo ñee oso Jesús rea ra. —¿Mbae rese ra aico siqui bei nonde re? i que ñee Jesús je ra. ²⁶ —¿Mañi ño Voisés chimbesa re? i que Jesús ee ra. ²⁷ Embesasa que ñee ee ra. —Eĩ ño ngue Moisés embesa ra: “Echesequa tuchianguia Dios rese. Ndechiã ja je chõ eico nyesequa erese. Neaĩ abe je. Ndequirãcuã abe je. Nendua ndua abe je. Sã eresequa ndecheise no, eĩ ere si chõ nyesequa nde ji jenda rese”, i que embesa ji ñee ndesë, i que embesasa ñee Jesús je ra. ²⁸ Jesús que ñee ke ra. —Erecheë turãte. Ndkico mose ùqui ndese, Paba ra nemingo bei, i que Jesús ee ra.

²⁹ Embesasa que uturã saã saã Jesús je ra. —¿Aba se ji jenda re? ¿Aba rese ra achesequa re? i que ñee Jesús je ra. ³⁰ Jesús que ñee ee ra. —Sã emo oso quia Jericó quiti no. Jerusaén si. Sã mbia icuã nyarõ erese ñeenda cúa no. Ucuu ucuu tuchi que erese ra. Embae que embuquiachã ja ra. Eirao abe rirõ ja esi no. Ecura curái que esecha ino ñeenda cúa rĩ nda. ³¹ Aque ñeenca aui que sacerdote mo si ra. Maeño ngue ecura curái rese ra. Nyucuaño ngue oso ra. ³² Levita mo abe que oso rei hue rĩ no nda. Aque abe que maeño si erese no nda. Ñeenda ibi chõ esi nguiia kcuãno. ³³ Aquerè que Samaria jenda mo oso hue rĩ nda. Aque mae mose ecura curái rese, eya eã tuchi que aque quiatu ra. Aque quia echucuaño eã nguiã cote. ³⁴ Aque que tiba erese ra. Mbae quira que equiti quiti eiruã nua ji rese ra. Vno abe quiti erese. Esia ji que echucua chucua ee ra. Caballo umbae rese que erasi mbuchui cote ra. Tuchua mo ngue ererao ra. Huee que eriqui eraarõ isa ra. ³⁵ Isamami ngue ñee tuchua je ra. —Taso cote. Ecura curái embucherõ nguia aa. Co mbae isiquia nyeremo tamondo ndeje. Embucherõ sacua eisi co je. Co nyeremo chayã mose, mbae isiquia no nda amondobe ndeje sechube mose, i que Samaria jenda ñee tuchua je ra. ³⁶ ¿Aba nyesequa ecura curái rese re? ¿Sacerdote ere? ¿Levita ere? ¿Samaria jenda ere? i que Jesús embesasa je ra. ³⁷ Embesasa que ñee ee ra. —Samaria jenda chõ ngue nyesequa erese resẽ, i que embesasa ñee Jesús je ra. Jesús que ñee ee ra. —Ae rã si chõ eico nyesequa, i que ee ra.

Jesús oso Marta rea; María abe rea

³⁸ Jesús que ngasẽ sucha tubiriã mo nda. Cuña mo ngue eisi turã uchuchúaa ra. Marta, i equia ee. ³⁹ María, i que Marta nongue je ra. Jesús i ji bei que María riqui ngoi ra. Jesús cheẽ ndese nyiisaquia bei. ⁴⁰ Marta que mbae chao chao ja tuchi quia ra. Erecoteã tuchi que eriqui ra. Oso que ñee Jesús je ra. —Mbae mo ndese senongue riquiã ño co resẽ. Echeẽ na ee. Siqui sacua mbae mo ndese seje, i rei que Marta Jesús je ra. ⁴¹ Jesús que ñee Marta je ra. —¿Mbaerã ereico siqui jate mbae rese re, Marta? ⁴² Aque mui ndese chõ eico nde-nongue rã si ae, Marta. María riqui secheẽ andu andu a resẽ. Emo nda embui eã secheẽ si, i que Jesús Marta je ra.

11

Jesús mbia mbaaquiātu quiātu ñee tura sacua Dios je

¹ Emo mose que Jesús chi ñee ngu je ra. Hui mose que echimbaaquiātu ñee ee cote ra. —Urererecua, urembaaquiātu rã ñee Dios je. Sã Juan uchimbaaquiātu

mbaaquiātu no, i que Jesús chimbaaquiātu ñee ee ra. ² Jesús que ñee ee ra. —Ei jenyè chõ nguia Dios je ñee mose: Paba ibatenda, sã mbia ñee turã ja bei quia nderiã.

Mbia rerecuarã ja sacua echu jei íbii. Sã mbia ibatenda siqui beite ndebi rese no. Sã mbia ibi jenda abe riqui ndebi rese.

³ Ae ra ureu namo, ùqui embu rã urechiurã.

⁴ Ae uresaã icuã ùqui ndeje nae, ùqui embu-tiã ná uresi.

Sã ureico tesarei mbia icuã icuã mose ure je no.

“Mbae icuã jesaã” ìchĩ nda emo ure je jè!

Urereaquiātu mbae icuã si.

Ei jenyè chõ ñee mose Dios je, i que Jesús embaaquiātu ra. ⁵ Jesús que ñeembe ee ra.

—“Mbae embu seje”, jè i mose jèquiato je, ¿mee nda jèje re? Sã jèingo oso jèquiato rea itondiite rete mose no. “Mbichae prestar ere rã seje. ⁶ Sequiatio mo ngue tu serea ra.

¿Mbae ra amee ee re?” jenyè chõ ee. ⁷ Ae je jèingo ñee nae, ¿mee eã nda jèje re? Sã ñee jèje no. “Jèso rei. Seiquesa átate. Co achu seriirĩ ndese quisa ye co. Sehuã sereãte.

Mbae mo amondo aronea tuchite ndeje”, ¿i ra jèje re? ⁸ Mondo eã aroneate jèje jeñee mbei bei mose ee. Nyuruã sereãte raque uquiato je. Ñee mbei mose ee, nyuruã nda mbae mondo turã ee. ⁹ Ei si chõ Dios no nde.

Jeñee i i mose Dios je, mbae ra emondo jèje no. Jè mbae mo ndequia i i mose, jètea rae.

Jè eiquesa mbu i i mose, mbaquiata ra jèje cote. ¹⁰ Ae ñee i ite quia Dios je nae, mbae ra Dios mondo ee. Ae mbae mo sequia i ite quia nae, tea rae. Ae eiquesa mbu i ite quia nae, equia ra ee. ¹¹ Jendiirĩ “mbichae embu seje” i mose, ¿sita ra eru mee ee re? Jendiirĩ “sira embu seje” i mose ¿mbei ra eru mondo ee re?

¹² Jendiirĩ “nguira chia embu seje” i mose, ¿quiraẽ nda eru mondo ee re? ¹³ Mbia icuã nyee mbae turã mondo mondo quia nguiirĩ je ã. Jendu Ibatenda quia ra mbae turã tuchi mee jèje. Jendu ra Espíritu Turã mee jèje, jeñee mose ee, i que Jesús ee ra.

Aba checuayã quirãcuã Jesús quereco co, i raque mbia

¹⁴ Emo mose que Jesús aba checuayã icuã mbusẽ emo ñia si ra. Aque aba checuayã nguia echeẽ mbaaquiātuãte nguiã. Jesús embusẽ mose que ñee cote ra. Ñee mose que mbia nyuruira tuchi mae erese ra.

¹⁵ Emo emo ngue ñee nda. —Aba checuayã icuã nderecua tuchi chõ Satanás nde. Satanás quirãcuã je chõ Jesús riqui nguiã aba checuayã icuã mbusẽ mbusẽ mbia si co, i rei que emo emo nda. ¹⁶ —Ma Jesús aquiature, i que mbia ñee nyue ra. —Jesús, mbia mae sayã mo esaã na ure je, i que mbia ñee Jesús je ra. ¹⁷ Jesús que ùqui ndua ndua icuate ra. Nyebe ñee nguiã ee.

—Gobierno icuã icuã mose nyue, ua rae. Tuchuamo jenda icuã icuã mose nyue, ua ra eno. ¹⁸ Satanás icuã icuã mose nyue, Satanás quirãcuã nda ua no. Jeñee ñooño ño nguiã seje ã. “Satanás quirãcuã je chõ Jesús riqui nguiã aba checuayã mbusê mbusê mbia si”, jenyee chõchĩ nguiã seje ã. ¹⁹ ¿Aba jeñimbaaquiatiu mbirãcuã jê nde? Aba checuayã icuã mbusê nonde re. ¿Satanás jeñimbaaquiatiu mbirãcuã serese re? ²⁰ Dios quirãcuã je quiatu aico aba checuayã mbusê mbusê mbia si ã. “Dios quirãcuã ndese chõ ureico nguiã mae”, jenyee eã ñochĩ nguiã ã. ²¹ Satanás quirãcuã tuchite raque. Umbae raarõ tuchite raque. “Sembae chi turãte a”, i raque. ²² Dios quiarei equirãcuã tuchi Satanás si. Dios Satanás mbae sirõ ja arõte quia esi co. Dios Satanás mbae mbutiã ja arõte quia co. ²³ Ae siqui ãte quia serese nae, ñiqui icuã ño eriqui nguiã seje. Ae mbae a ishao shao raanguia eãte quia seje nae, ñiqui icuã ño eriqui nguiã seje.

Aba checuayã icuã nyebi u mbia chiangu i re

²⁴ Aba checuayã icuã usê mose emo ñia si, ngata bei chõ nguiã. “¿Mangue ra sequenea aucua que re?” i chõ nguiã. Uquenea ucua sacua ñee etea eãte ra. “Tasobe rei nyebi. Ae si achu usê, aque chiã ye si taso”, i que aba checuayã nda. ²⁵ Aba checuayã nyebi si mose u, mbia chiã ndecoteã eãte que ee ra. Tuchua tii ji raãte que ee ra. ²⁶ Aba checuayã icuã ngue nguesenda siete queru cote ra. Ique ja que echoi aque chiangu i re cote ra. Ae chiangu i re aba checuayã icuã siete riqui nae, aque icuã i i tuchi que cote ra. Ñiinda si. Aba checuayã mii ngue siqui eye nyii ra. Etubiriãte cote, i que Jesús ee ra.

Dios cheẽ andusa je quiatu mbae roonde

²⁷ Jesús cheẽ mose que cuña mo tasê tuchi ñee mombo ra. —Mbae roonde tuchiñi ndesi je nye. Ae nembuquiambu quia, i que cuña mo ñee mombo Jesús je ra. ²⁸ Jesús que ñee ee ra. —Dios cheẽ andusa je quiatu mbae roonde riqui nguiã. Dios cheẽ mumbasa reã je quiatu mbae roonde riqui nguiã, i que Jesús ra.

Mbia mae sayã esaã ure je, i bei mbia Jesús je

²⁹ Mbia que ngaẽ tuchi Jesús riichã nda. Jesús que ñee mbia je ra. —Co mosenda mbia icuãte riqui ã. “Mbia mae sayã esaã ure je”, i beite equia seje ã. Mbia mae sayã mii ño nda asaã ee. Jonás na si. ³⁰ Sã Jonás ndiqui raque sira rie ye tres días nae, sã mbia Nínive jenda echeẽ andu cote nae. Jonás na si ra asaã mbia je. Mbia co mosenda je mae sayã tasaã. ³¹ La reina de Seba quia eturã jiri mbia co mosenda si re. Dios ra co mosenda mbasi tuchi la reina de

Seba si. Sã la reina de Seba tu isho tuchi si Salomón ñee andu no. Se quia acheẽ ndaque quia jêje. Searacua tuchi raque se quiatu Salomón si. Secheẽ jemumbate chõchi NGUIA ã: Nyebe ra Dios jembasi tuchi mbia icuã ndea rea mose. ³² Nínive jenda quia eturã jiri co mosenda si re. Dios ra co mosenda mbasi tuchi Nínive jenda si. Sã Nínive jenda huicua ndecha Jonás ñee mose ee no. Aico raque ñee jêje, co mosenda je. Jê secheẽ jemumbate chõchĩ nguia ã. Se quia raque ererecua tuchi Jonás si. Nyebe ra Dios jembasi tuchi mbia icuã ndea rea mose.

Nanderesa quiarei mbae resae nanderete je

³³ Nande lámpara mendi mose, nandemii aroneate mbaequi re. Nandemii aroneate mbae mo ye. Nandemingo quia ibate erenda rese. Mbia resae ja sacua. ³⁴ Nanderesa quiarei mbae resae nanderete je. Nanderesa turã mose, nanderete abe ra oso turã. Naneeresa icuã mose, nanderete abe ra oso icuã icuã no. ³⁵ Tata rendi rã jëingo bei. ³⁶ Tata rendi rã jëingo bei mose, jemae turã nda mbae ja rese cote. Sã tata rendi riqui nanderesae no, i que Jesús mbia mbaaquiatiu ra.

Jesús ñee asi fariseos je

³⁷ Jesús ñee jare que fariseo mo ñee ee cote ra. —Nyao rã sechuchúaa. Terequiariu serese, i que ñee Jesús je ra. Jesús que oso erese ra. Ngoi que quiaru cote ra. ³⁸ Fariseo que ñee uchiangu i re ra. —Jesús choi quiiriã ño quiaruchi, i que uchiangu i re ra. ³⁹ Jesús que ñee asi ee cote ra. —Jêo achõ ño jëirei ireichĩ nguiã. Jeñiangui renda quia eicuãte re. Jeñiangui renda quia jëirei ãte nguiã. Abei chiãte chõ jëingochĩ jeñiangui re. ⁴⁰ Nandeo achõ eã ño ngue Dios saã nguiã. Nandechiangui renda abe chõ ngue Dios saã ndesê. ⁴¹ Abei chiãte chõ jëingochĩ jeñiangui re ã. Jeñiangui renda turã mose, eĩ nda jêturã ja rei. ⁴² Aba mbia eã tuchichĩ jê, Fariseos. Mbae a jemondo mondo tuchi raque Dios je. Jenyesequa eãte quia erese jeñiangui re re. Jëingo turã eãte quia mbia rese no nde. Ñiqui jësaã jiri ae. Mbae a abe jemondo Dios je. ⁴³ Aba mbia eã tuchichĩ jê, Fariseos. “¿Serendarã turã nguatiu se jê!” jenyete chĩ nguiã mbia ñumunua mose. “Sã mbia sererecua i nande je”, jenyete chĩ nguiã no. ⁴⁴ Aba mbia eã tuchichĩ jê, Fariseos. Embesasa abe no. Jenguasau jësaã saã techĩ nguiã mbia je. Mbia raaque tãsa rã ño jeñiangui renda re. Jeñiangui renda soõ ño nguiã. Erondeite. Sã eraaque tãsa yenda soõ no. Mbia jirandu eã ndaque jeñiangui renda soõ ndese, i que Jesús ñee fariseos je ra. Embesasa je abe no. ⁴⁵ Embesasa mo ngue ñee Jesús je cote ra. —¿Mbaerã ereico ñee ure abe je re? i que ra. ⁴⁶ Jesús que

ñee ũquí abe je ra. —Aba mbia eã tuchichĩ jê abe. Jeñee tuchite quia mbia je ã. Dios cheẽ jembeta mbeta tuchichĩ nguia mbia je ã. Mbia echeẽ mumbayã aroneate chee quia ã. Jê si chõ jeñee jemumba mumba nguia ã. ⁴⁷⁻⁴⁸ Cose ndare rã si jêingo nguia ã. Jenamei na si. Sã ñi jenamei icuã icuã ndiqui Dios cheẽ mbuchecuasa je cose no. Eĩ jenyee si chõ nguia ã no. ⁴⁹ Dios quiarei earacua tuchi. Ae que ñee jêje ra. “Secheẽ mbuchecuasa emo emo nda amondo mbia je. Mbia icuã icuãte ra secheẽ mbuchecuasa je. Secheẽ mbuchecuasa mo iquia chee, i que Dios ñee nda. ⁵⁰⁻⁵¹ Ae Dios quiato iquia iquia quia cose nae, ũquí ñi nda Dios jembasi cote. Sã mbia Abel iquia cose no. Sã mbia Zacarías abe iquia altar jii no. Sã mbia Dios quiato iquia iquia be cose no. ũquí ja rĩ nda Dios jembasi cote. ⁵² Aba mbia eã tuchichĩ jê. “Ure mii ño Dios cheẽ ureicua nguia ã”, jenyee chooño ño nguia ã. Dios cheẽ jêisi turã eãte quia ã. Mbia siquise mose Dios rese, jêingo emingo eãte erese ã no. Jê abe chee jêingo eãte erese ã no, i que Jesús ñee embesasa je ra.

⁵³⁻⁵⁴ Jesús ñee jare que fariseos paama i tuchi ee ra. Embesasa abe paama i nguia ee no. ũquí ngue ñee ñee tuchi Jesús je ra. — Sã Jesús ucheẽ tasa tasa nande je no. ũquí mose nandei serao policiaa, i tuchi que ra. Nyebe eriqui nguia Jesús rea chemi ñemi.

12

Jeturã nda jesaã ñooñochi je

¹ Mbia tubiriã ngue ngaẽ ngaẽ nguia Jesús rea cote ra. Cuaacua i tuchi que equia nyuera. Mbia tubiriã tuchi. Jesús que ñee uchimbaaquiatu je cote ra. —iFariseos rã nda jêingochĩ jê! Uturã naa ñooño mbei. ² Ae mbia saã nyecuayã cuayã nguia nae, ũquí nda nyecua ja cote. ũquí nda mbia icua ja cote. ³ Ae jeñee nguia itondaru jêingo mose, ũquí nda nyecua ja mbia je cote. Jeñee equia nyiisa isa nae, ũquí abe ra nyecua ja mbia je no.

Dios riqui jendeaquiatu bei co

⁴ Tacheẽ nyecua jêje, Sequiato. Ae “taiquia” i quia jeni nae, iũquí si ra jêsiquichechĩ jê! ⁵ Ae aba mombo serite quia tata cuasu nae, aque si quiatu jêsiquiche. iAque si quiatu jêsiquiche tuchi jê! ⁶ Nguireĩ ndei aba queteamba eã jiri. Mbae isiquia mumba eã jiri raque. Dios quia nguireĩ icua jate nguia. Dios ra tesareia nguireĩ mo si. ⁷ Dios riqui jê mii mii icua ja co. Dios riqui ngueteã jiri jendese nguireĩ si co. Nyebe jêsiquicheã mbae mo si.

Jesús quiato chõ se re, jenyee checua chõ nguia mbia je

⁸ “Jesucristo quiato chõ se re”, ae i quia mbia je nae, ũquí ñi nda acheẽ turã se abe. “Sequiato chõ ã nde”, ae ra se. Angeles ra ambiirandu ja ũquí ndese. ⁹ “Jesucristo quiato chõ se re”, ae iã nguia mbia je nae, ũquí ñi nda acheẽ turã eã. “Sequiato eã ño ũquí nde”, ae ra se. Angeles nda ambiirandu ja sequiato eã ndese. ¹⁰ Emo ñee icuã mose seriĩ, Dios ra echeẽ icuã mbutiã arõte. Emo ñee icuã mose Espiritu Turã ñi, ũquí icuã nguia ra Dios mbutiã eã mbei. ¹¹ Mbia icuã icuã nda jêje seriĩ. Jenderao mose mbia rerecua je, ijêquicoi coichĩ nda jê! “¿Mañi nande ra ñee ee re?” ijenyechĩ nda jê! ¹² Huee quia ra Espiritu Turã ñee nguia jêje jembucheẽ sacua, i que Jesús ñee uchimbaaquiatu je ra.

Mbaecha aracuayã

¹³ Emo ngue ñee Jesús je ra. —Sererecua, senongue icuã icuãte seje. Echeẽ na senongueje. Ae ureru secha ure je nae, senongue embuchechea turã eãte seje, i que mbia mo ñee Jesús je ra. ¹⁴ Jesús que ñee ee ra. —¿Mbaerã nda re? “Mbia mbae embuchechea turã eãte se”, iã ngue Dios seje ra, i que Jesús ee ra. ¹⁵ —iEmo mbae rese ra jemae maechĩ eosei sacua jê! “Sembae tubiriã mose ra seyate cote”, ijenyechĩ nda jê! i que Jesús ee ra. ¹⁶ Jesús que ñee ee ra. —Sã mbaecha mo ndiqui no. Ibicha. Sã mbae ia tuchite no. ¹⁷ “¿Mañi ae ra se re? ¿Mangue ra aba ererecoquiatu re?” i tuchi que mbaecha uchiangui re ra. ¹⁸ “Sembae ruacuã tambucuasuu tuchi. Quiata a ruacuã. I nda sembae ique ja tuchi huee. Ae arerecoquiatu quia ã nae, ũquí nda tenda ata jiri tea seje chã. ¹⁹ Aquiei quiei eã mbei ra se quia cote. Aquiaru quiaru chõ nda se quia cote. Mbae ra ambei mbei chõ nguia cote. Achimba mbia chõ nda se quia cote”, i raque mbaecha ñee uchiangui re. ²⁰ Dios que ñee ee ra. “Ndearacuayãte ereico co. Co isa chõ nda eremano. Ae ererecoquiatu quia nae, aba je chio nda ũquí cote”, i que Dios ñee mbaecha je ra. ²¹ Ae mbae munua nua mbei quia nae, ererecoquiatu sacua nae, earacuayã tuchi chõ ũquí nde. Dios quiato eã ño ũquí nde, i que Jesús mbia mbaaquiatu quiatu ra.

Dios uquato reaquiatu bei

²² Jesús que ñee uchimbaaquiatu je ra. —“¿Mbae ra nandeu re?” ijenyechĩ nda quicoi coi jê! “¿Ma tiru ra nandemingue re?” ijenyechĩ nda quicoi coi jê! ²³ Mbia chiũ ae ra mbia mingo eã. Mbia irao abe ra mbia mingo eã no. ²⁴ Sã nguireĩ no. Mbae tiquiayã ndaque. Mbae ishao eã ndaque no. Mbae ruacuã eãte raque embae. Dios quiarei embuquiaru quiaru. Jê nguirei Dios queteamba tuchi nguireĩ si. Nguireĩ ja si. Jê abe Dios ae jembuquiaru nguia jê no. ²⁵ Mbia ae ra tiarõ eã. “Se ra atiarombe”,

i raque ndua ndua uchiangui re. Dios ae mbia mbutiarō arō nguiã. ²⁶ Jê mbae ñetê naa aquiatuã mose, ¿mbaerã jêingo “mbae cuasu tasaã” i re? Dios quia ra mbae saã ja jêje. ²⁷ Sã mbae uti turâte riqui no. Mbae ao ao eã ndaque. Ñinyu mburirã eã ndaque. Mbae uti quiarei eturã jiri Salomón si. Salomón turâte raque. ²⁸ Sã Dios quiata mbuturã no. Quiata mano jeite raque. ¿Mañi nda Dios jembürao eã jê nde no? ¿Mbaerã jêingo Dios icuayâte re? ²⁹ “¿Mbae ra nandeu re?” jenyechí nda pare pare i jê! “¿Mbae ra nandembeí re?” jenyechí nda quicoi coi no jê. ³⁰ Eí ño Dios quiatoã nguiã. Jê nguia jendu tesarefã mbeite nguia jêsi. ³¹ Jê nguia jêingo tuchi Dios rese jenderecuarã. Ũquí mose ra Dios mbae mee mee mbei jêje. Jenyurã. Jeñimbeirã abe no.

Jembae jemondo ja Dios je

³² Jêsiquichechí nda mbae mo si, Seriiirí. Jendu ra umbae mondo ja jêje. Dios iate ra umbae mondo mose jêje. ³³ Jembae jemondochō ño mbaecha reã je. † nda jembae tubiriã jêingo mose ibate cote. Mbae riru ra soro soroã mbei jembae ibate cote. Mbae ra ua eã mbei huee. Mbia ra mbae mbuquiachãya huee. Chicuaquiarei eãte ra huee no. ³⁴ Jê jembae mondo mondo mose ibate, jendua ra ibatenda rese cote. Jê jembae monoã mose emo je, ibatenda rese ra jendua eãte.

Jêingoquiatu bei chō nguia

³⁵ Jêingoquiatu bei quia jê! Itondaru abe jêingoquiatu quia. ³⁶ Sã ererecuia mo no. Oso ngüinisirã nderecuia no. Huee erimba mo ndiqui echuchua raarō huee. Aque ererecuia ru quia eiquesa mbuu mbuu aque cote. Erimba eequia asi ee cote. ³⁷ Erimba uqueã mose nguerecuia tu mose, ererecuia ia tuchi ra erese. Ererecuia ra embuquiuru turã. Ae sí chō echara chara nguia ngüimba je hue no. ³⁸ Ererecuia ra tu arôte itondáruu. Itondiite mose abe no. Erimba uqueã mose nguerecuia tu mose, ererecuia ia tuchi ra erese. ³⁹ Sã emo ñee ndeje no. “Co mose ra mbae mbuquiachãsa ru nembae rirō”, i ndeje no. Ũquí mose ra erequeã. Nembae ra eresaarō mbei esi. ⁴⁰ Eí jenyê jê abe icoquiatu. Eí ae ra u ibate si. “Tu eãte rei rae”, i mose quia ra achu, i que Jesús ra.

Erimba echeë mumbayã mose, eya tuchi rae

⁴¹ Pedro que ñee Jesús je ra. —¿Aba je ereico ñee ũquí nde? ¿Ure mii je ere? ¿Mbia ja je ere? i que Pedro ee ra. ⁴² Jesús que ñee ee ra. —Dios rimba aba cheë mumbayã ñi aico ñee co. Dios rimba aracua riiãico ñee co. Sã ererecuia ñee ngüimba turã je no. “¿Sembae esaarō ja jê!” i ee. “Serimba ataque embuquiuru quiaru ja quia no”, i ee. ⁴³ Erimba

echeë mumbayã mose, ererecuia ia tuchi ra tu mose. Erimba abe ra eya no. ⁴⁴ Ererecuia ra ngüimba mii mbei cote, umbae raarō sacua. ⁴⁵ Sã erimba ndua ndua uchiangui re no. “Sererecuia ra tu jei ãte”, i ndua ndua. Hue ñee icuã icuã uataque je huee cote. Iruã nua cote. Quiaru chooño cote. Mbae mbei chooño abe cote. Quiacua quiacua cote. ⁴⁶ Sã ererecuia ru quia ngüimba mbuata aque cote no. Ñee ee. “Mbae ra eresaarō mbei seje cote”, i ngüimba je cote. Ngüimba iruã nua tuchi cote. Ae aba cheë mumbate quia, ũquí ndese ra mbae rasi raã naa cote. ⁴⁷ Ae nguerecuia cheë icuate quia nae, ũquí nda ererecuia mbasi mbasi bei ucheë mumba mose. ⁴⁸ Ae nguerecuia cheë icua eãte quia nae, ũquí nguia ra ererecuia mbasi mbasiã jiri ucheë mumba mose. Ae Dios cheë icua tuchi quia nae, ũquí je ra Dios “mbae esaã tuchi seje”, i. Ae je Dios mbae mondo tuchi nae, ũquí je ra Dios “mbae esaã tuchi seje”, i.

Achu chō ngue mbia mbuchao chao nyesi resê, i Jesús

⁴⁹ Ibate si que achu ibii ra. Mbia mae sacua sequirãcuã ndese. Mbia sequirãcuã icua eã ñochi namo nyee. ⁵⁰ Mbia ra sembasi tuchi cote. Pare pare aete se quia ndua erese co. ⁵¹ ¿Achu rei mbia mbuturã turã sacua serimba je jêje re? Tei. Achu chō ngue mbia mbuchao chao nyesi resê. ⁵² Mbia chuchua jenda ra ñimbuchao chao nyesi. Nyeremo nda siqui serese serimbarã. Eataque ra ñimbuchao esi. ⁵³ Emo nda eicuãte ngu je serii. Emo nda eicuãte ngüiirí je serii no. Emo nda eicuãte usi je serii no. Acuani abe ra eicuãte uchari je no. Ari mo abe ra eicuãte ngüiirí ninisi je no. Eí si ra mbia icuã icuã uchue serii no, i que Jesús ra.

Ae ibatenda ra tu icuãte mbia je nae, aque jêicua eãte chöchí

⁵⁴ Jesús que ñeembe mbia je ra. —“Ama nda nyaaquí”, jenyê bei quia pã i mose ã. Ibei jêicuate raque quia ã. ⁵⁵ “Tenda rasite ra cote”, jenyê bei quia quiririã ichu ichu mose ã no. ⁵⁶ Ibei jêicuate raque quia ã. Tenda abe jêicuate raque quia ã no. Ama abe no. Dios rucucha ra tu mbia je, ¿mbaerã jêingo ũquí icuayâte quiatu re? ¿Mbaerã jêingo jëaracua raã naa nde?

Ae eicuãte riqui jêje nae, “nandeico turã ño nguia”, jenyê chō nguia ee

⁵⁷ ¿Mbaerã jêingo mae sereãte mbae turã ndese re? ⁵⁸ Emo ñee icuã mose jenii mbia rerecuia je, jëturã ño ee. Jeñee turã ño ee. Jê ae chō jeñimbuturã nguia erese. † nda jenderao icuã eã. Jenderao mose ra jëtarō mbei cárcel. ⁵⁹ Huee ra jêingo bei. Jembae mondo ja tuchi chee ee, i que Jesús ra.

13

Jēhui chō jēicuā si

¹ Aque mose que mbia Jesús mbiirandu Pilato rĩ nda. Pilato nda mbia Galilea jenda mo iquia iquia ra. Mbia ticuasú iquia iquia mose Dios mbaerã. ² Jesús que ñee mbia je ra. —Ae Pilato iquia iquia quia nae, ¿ũquí icuãte rĩqui reĩ mbia ataque si re? Tei. Jēicuã ja chō jēingo nguiã ã no. ³ Jēhui eã mose jēicuã si, jemano ja chō nda jē abe. Ũquí na si. ⁴ Sã torre de Siloẽ ngoi mbia ati no. Dieciocho iquia. ¿Ũquí eicuãte rĩqui reĩ mbia ataque si re? Tei. ⁵ Eĩ ja chō ñene. Jēhui eã mose jēicuã si, jemano ja chō nda jē abe. Ũquí na si, i que Jesús ra.

Ira ia ea mbei

⁶ Jesús que ñee mbia je ra. —Sã amei mo ira tiquia rei no. Iã eã mbei chō ee no. “Ma taso erea no. Iã cote reae”, i rei que amei nda. Ei oreãte que ee ra. ⁷ Nyebe amei ñee nguiã ngũimba je cote. “Ira a rea ngue aso rei nguiã. Iã eã mbei chōchĩ seje tres años. ¡Echisia chō oso jē! Ibi rĩquisã ñooño uã aque”, i que amei ngũimba je ra. ⁸ Sã erimba ñee amei je no. “Co tenda mose nandechisia eã na. Equi tambuturã. Mbae ruusi tachono ñono erao rese. ⁹ Ma ia eãte co tenda. Iã eã mose, nandechisia chō cote”, i que erimba amei je ra, i que Jesús mbia mbaaquiatu ra.

Jesús ari rasi mbucherõ

¹⁰ Sábado mose que Jesús chi mbia mbaaquiatu quiatu ra. Judíos chumunuásaa. ¹¹ Cuña ndasi mo ngue siqui hue ra. Nyiituquia bei dieciocho años nyee. Aba checuayã icuã nguia embasi nguiã. Ari que nguete isoã mbei quia ra. ¹² Jesús que mae ari rasi rese ra. —Echu rã aa, i que ee ra. —Cuña, nderasi ãte cote, i que Jesús ee ra. ¹³ Jesús que o chono erese ra. Aque mose tuchi que ari nguete iso turã cote ra. Ari que ñee turã turã Dios je cote ra. ¹⁴ Ererecua judíos munuasa que paama i tuchi Jesús je ra. Ari mbucherõ mose sãbado. —Sãbado eã mose chō nandeico mbae rese ae. Sãbado eã mose chō nandeico erasi mbucherõ ae. Sãbado mose chō Dios mbae resẽ. Erasi mbucherõ aroneate co mose resẽ, i rei que ererecua mbia je ra. ¹⁵ Jesús que ñee ee ra. —¿Mbaerã ereico ndeturã naa ñooño nde? ¿Sãbado mose jēingo ticuasú mbui eã mbei embui sacuã nde? ¹⁶ ¿Mañi nande ra cuña ndasi mbucherõ co sãbado mose re? Judia sí chō nyeresẽ. Jē na si. Satanás que embasi cosete ra. Dieciocho años chee. ¿Mañi ae ra erasi mbui eã esi sãbado mose re? i que Jesús ñee nda. ¹⁷ Mbia ataque iate que Jesús cheẽ mose ra. Jesús chiao rese abe eyate no. Ae Jesús ucuãyãte quia, ũquí ngue eirei tuchi Jesús cheẽ mose ra.

Mbae eĩ na ño Dios rimba re

¹⁸⁻¹⁹ Jesús que ñeeembe mbia je cote ra. — ¿Mbae rã ño Dios rimba chã? Mbae eĩ na ño Dios rimba re. Sã mbia mostaza eĩ tiquia no. Ieĩ ñetẽte raque etiquia ramo mose. Suri oso quia cote. Ecuasu tuchi chee cote. Nguireĩ uquisa saã nyee erãquiã ndese. Eĩ si chō Dios rimba re. Ũquí mui ndaque nyii. Ñimbeta tuchi cote. Mbae eĩ na.

Levadura rã ño Dios rimba re

²⁰⁻²¹ ¿Mbae rã ño Dios rimba chã? Levadura rã ño Dios rimba re. Sã mbia levadura ñetẽ mundo mbichae ao ramo mose no. Levadura oso quia mbichae mbuchimatã ja no. Eĩ si chō Dios rimba re, i que Jesús ra.

Eiquesa chumumbi

²² Jesús que oso quia Jerusalén nda. Tiba tiba que oso quia mbia chuchua mbuchesea sea ra. Mbia mbaaquiatu quiatu. ²³ Emo ngue ñee Jesús je ra. —Sererecua, ¿mbia mui mui ño nda siqui ibate nderese re? i que emo ñee Jesús je ra. ²⁴ Jesús que ñee ee ra. — ¡Eiquesa chumumbi rĩ ño jēso ique jē! “Hue rĩ nda aso se abe ique”, i ja jate raque rae. Tei. Ique ja eã nguia nda re. ²⁵ Emo mose ra eiquesa amatã mbei cote. Emo nda iqueã mbei cote. Eiquesa ra jembuu mbuu raque cote. “Sererecua, eiquesa embuquiata rã ure je”, jentye raque ra seje cote. Acheẽ nda jēje. “¿Mangue jenda jē nde? Jaẽicuayãte se”, ae ra jēje cote. Eiquesa ra ambuquiatayã mbei jēje cote. ²⁶ Jeñee tuchi raque ra seje cote. “Urequiaru que equia nderese. Nde que urembaquiatu quia. ¿Mañi ere ra urecha re?” jentye raque ra seje cote. ²⁷ Acheẽ nda jēje cote. “Jaẽicuayãte se. Jēso serecha. Mbae icuã ngue jēsaã saãte quia rese”, ae ra se hue cote. ²⁸ Hue ra jenyeseo seo seje huee cote. Jeñee nda seje. “Abraham ño siquichĩ nderese hue. isaac abe no. Jacob abe no. Dios cheẽ mbuchecuasa ja abe no. Ure chō urecuchi taicuee a”, jentye ra nyeseo seo seje huee. ²⁹ Mangue jenda choõõa nda ngaẽ ngaẽ Dios rĩchã aque mose. Quiaru quiaru ra equia Dios rese. ³⁰ Ae eaquiature rĩqui raque namo nae, ũquí mo nda ehetẽ na pee cote. Ae eaquiataẽte rĩqui raque namo nae, ũquí mo nguia ra siqui ecuasurã tuchi pee cote, i que Jesús ñee nda.

Jesús ia eã tuchi Jerusalén jenda rese

³¹ Aque nyaashĩ mose que fariseos ngaẽ ñee Jesús je ra. —¡Eso a si jē! Herodes ndeiquia serĩte quia co, i que Jesús mbiirandu ra. ³² Jesús que ñee ee ra. —Eoita rã ño Herodes re. Jēso ñee ee. “Jesús que ñee ndeje ra. Taico mbirimbe rã aba checuayã icuã jea jea mbia si. Taico mbirimbe rã mbia rasi mbucherõ cherõ. Namu. Isamami abe. Isamami nongue ra ahui erecha cote”, i que Jesús ndeje ra”, jentye oso Herodes je.

33 Taicobe jiri namo. Isamami. Isamami nongue abe no. Jerusalén nguia nda sei quia nguia. Sã Dios cheẽ mbuchecuasa mano ja Jerusalén no. 34 Tacheẽ na jêje, Jerusalén jenda. Seya eãte aicochĩ jendese co. Hue jêingo mbia iquia iquia beite hue. Dios cheẽ mbuchecuasa iquia iquia. Dios chimondo abe iquia iquia no. Sã nguira riqui nguiire reaquiato mondo ujeoqui re no. “Ei tae jendeaquiato”, ae beite rei nguia jêje co. Secheẽ jêisi serea mbei chõchĩ nguia ã. 35 ¡Aico jendecha a cote jê! Jemae mae eã nda serese cote. “¡Co chi Dios rucucha ru quia co cote jê!” jenye mose, hue ramo nguia ra jemae serese cote.

14

Jesús mbia rete ruru mbucherõ

1 Jesús que oso rei quiaru fariseo rerecua mo nyuchúaa ra. Sábado mose. Fariseos mo ngue chi erea chemi ñemi nda. 2 Huee que emo ndasi riqui Jesús je ra. Erete ruru ja que ra. 3 Jesús que ñee fariseos je ra. Embesasa je abe. —¿Eicuãte se erasi mbucherõ mose sábado mose re? I ere. Jeñee sejer, i rei que Jesús ee ra. 4 Jesús cheẽ mose que mbia mo ñee eãte ee ra. Jesús que erasi mbucherõ mondo cote ra. 5 Jesús que ñee fariseos je ra. —Sã jenimba ticuas riqui jaã no, ngoi oso ibicua rie. ¿Sábado mose ra jêsiquã nde? i que Jesús ee ra. 6 Fariseos que ñee sereãte echeẽ mose ra.

Jêcuasa ra jêsaã saãchĩ, i Jesús mbia je

7 Mbia que erenda turã isirõ sirõ nguia ra. Ngoi sacua ererecua ji. Ucuasu raã naa sacua. Nyebe Jesús ñee nguia ee. 8 —Jêingo mose fiesta, jenda turã mo nda jêisirõchĩ jê! Mbia chãcuate mo nda tu arõ ndeje cote. 9 Fiestacha ra ñee arõte ndeje. “Ehuã na nde. Erenda turã tamondo sequiatio je”, i arõte ra ndeje. Ndeireite ra huee cote. Pe quitu jiri ra nembucoi cote. 10 Jêingo mose fiesta, pe quitu jiri chõ jengoi. Erenda turã isirõ nocoĩ. Fnda fiestacha ñee ndeje. “Quiatuchu a jiri, Sequiatio. Erenda turã tose”, i sacua ndeje. Fnda mbia mae ja nderese. 11 Ae ererecua saã saã nguia nae, ùqui nda siqui eñetê na cote. Ae siqui minguete quia nae, ùqui nda siqui ererecuarã cote, i que Jesús mbia je ra.

12 Fiestacha abe je que ñee cote ra. —Nde fiesta raã mose, “jenyu quiaru serese”, jerechĩ nda mbaecha jiri je jê! Erechĩ nda ndenongue je. Erechĩ nda ndequiatio tuchi je. Ùqui mose ra embuchebi ndeje. Dios quia ra embuchebiã ndeje cote. 13 Nde fiesta raã mose, “jenyu quiaru serese”, ere chõ mbaecha reã je. Ere chõ mbia rasi rasi je. Mbia cuatayã je. Mbia resayã je. 14 Nde fiesta raã naa mose ùqui je, ùqui nda embuchebiã ndeje. Dios quia ra embuchebi

ndeje, Dios quiato quera si mose. Ùqui mose ra ndeya tuchi, i que Jesús fiestacha je ra.

Ererecua quiaru mbaecha reã ndese

15 Ùqui andu mose que emo ñee Jesús je ra. —Ababi tuchi siqui Dios rese ae ererecua tuchi mose, i que emo ñee Jesús je ra. 16 Jesús que ñee ee ra. —Sã emo fiesta raã no. “Jenyu quiaru serese”, i sacua mbia tubiriã je. Mbia chiurã ngue esaã tuchi ra. 17 Echiurã quiche ja mose que ngũimba mo mondo cote ra. “Ae je acheẽ, sã ecuaẽ quiaru cote”, i que ngũimba je ra. 18 “Ateẽ. Aso eã nda se. Serecoteãte chõchĩ”, i ja ja que ra. “Ibi mo ngue aisi ramote ra. Taso rã erea”, i que emo ucheẽ mondo fiestacha je ra. 19 “Ticuas mo ngue aisi ramote ra. Cinco yuntas. Taso rã erea”, i que emo ucheẽ mondo no nda. 20 “Seninisirã mo areco ramote co. Nyebe ra asoã quiaru nderese huee”, i que emo ee no nda. 21 Erimba que tu nyebi ñee nguerecua je ra. “Erecoteã ja jate que ra. Quiaru eã nda nderese”, i que erimba embiirandu ja ra. Ererecua que paama i ra. Ngaẽ eã mose erea. Ae ñeembe nguã ngũimba je. “Eso ñee ùqui je quiatu no. Mbaecha reã je. Mbia rasi rasi je. Mbia cuatayã je. Mbia resayã je. Ùqui ja je echeẽ. Sã ecuaẽ quiaru serese”, i que ererecua ra. 22 Emo mose jiri que erimba ru ñee nyebi ee ra. “Acheẽ ñee ja que ee ra. Co ecuaẽ ndaque nguia co. Mbia muite que ra”, i que erimba ñee fiestacha je ra. 23 Ererecua que ñeembe ee ra. “Esobe ñee ñee emo je no. Eru ja sechuchua. Quiaru sacua serese. Fnda sechuchua mbiitayã jiri. 24 Ae je acheẽ nyii, ùqui nda quiaruã tuchi serese cote”, i que ererecua ñee asi ra, i que Jesús ñee nda.

Jesús rui aba siqui jei aronea

25 Mbia tubiriã ngue siqui quia Jesús rui ra. Jesús que uba ñee ee ra. 26 —Ae nyesequa tuchi quia ngu rese sesi, ùqui nda serimba eã. Ae nyesequa tuchi quia usi rese sesi, ùqui nda serimba eã no. Ak nyesequa tuchi quia ngũinisi rese sesi, ùqui nda serimba eã no. Ae nyesequa tuchi quia nguiirĩ ndese sesi, ùqui nda serimba eã no. Ae nyesequa tuchi quia ngõngue ndese sesi, ùqui nda serimba eã no. Ae nyesequa tuchi quia nguoco rese sesi, ùqui nda serimba eã no. Ùqui ja ra serimba eã. 27 Ae mano sereãte serĩ, ùqui nda serimba eã no. Ae siqui sereãte quia serui, ùqui nda serimba eã no. 28 Sã emo ñee no. “Sechuchua tasaã na”, i. “¿Manya mbae isiquia ra amumba sechuchua raã sacuaã nde?” i nyii eao nonde. 29 Sã uchuchua raã naa ndaque no. Ihuaẽ tiquia tiquia raque. Hui bei chõ esi cote. Hue mbia iquia iquia ee cote. 30 “Co uchuchua saã saã ndei cose. Saã ja eã mbei chõchĩ nae”, i ra mbia iquia iquia ee. 31 Sã soldados rerecua icuã icuã emo je

no. Guerra raã serí ee. Guerra raã nonde ra ndua ndua. “Ae quiatu que soldados tubiriãte embae sesi ra”, i uchiangui re cote. ³² Nyebe guerra raã eã nguiã ee. Nyebe ucheẽ turã mondo nguiã ee. Isho mose. “iNandeico turã ño nyiese jê!” i ee. ³³ i jenyey si chõ nguia jê! Jendua rã nguia nyii. Jê jembae recha ja eã mose, serimbarã eã nda jê.

Embiquesa ise quiachamba mose

³⁴ Embiquesa turãte raque. Embiquesa ise quiachamba mose, eicuã tuchi cote. ³⁵ Nio ye echã aronea cote. Eicuãte cote. Emombo bei chõ cote. Ae eisate riqui, secheẽ jeñandu, i que Jesús ra.

15

Oveja quiachã je

¹ Mbia icuã ngue Jesús siichã nguia ra. Ae impuestos isi isi quia, ùqui abe que Jesús siichã nguia ra. Echeẽ andu sacua. ² Nyebe fariseos ñee icuã icuã nguiã Jesús rã. Embesasa abe ñee icuã icuã nguiã eriñ no. — ¿Mbaerã Jesús riqui mbia icuã isi turã turã nde? ¿Mbaerã eriqui quiaru erese re? i que equia ñee Jesús mbutereã tuchi ra. ³ Nyebe Jesús ñee nguiã ee. Embaquiatsu sacua.

⁴—Sã emo nimba quiachã oveja no. Cien ndei erimba. Co mii ngue quiachã ee ra. Aque esi quia quiachã je requia aque. Eataque recha. Noventa y nueve recha. ⁵ Quiachã je rea mose, sui cote. Equiaama cote. Eya tuchi erese cote. ⁶ Tu uchuchua cote. “Quiatuchu rã”, i uquiato je cote. Nguesenda je abe no. “Quiachã je que atea cote ra. ¡sã jê! Jëya tuchi serese cote”, i que uquiato je ra. ⁷ Tacheẽ nyecua jêje. Quiachã je mo nyebi mose, Dios iate riqui co. Mbia icuã tu mose ee, Dios iate riqui erese co. Ae uturã saã saã nguia nae, ae huicua secha sereãte quia nae, ùqui ndese quia Dios ia eãte re.

Mbae isiquia quiachã je

⁸ Sã cuña mo mbae isiquia diez quereco no. Sã aque mii quiachã ndaque ee no. Lamparina ngue emendi eresae sacua nda. Sã uchuchua tii no. Mbae isiquia rea chee. ⁹ Ereare que ñee uquiato ja je ra. “Quiachã je que atea cote ra. ¡sã jê! Jëya tuchi serese cote, i que uquiato je ra. ¹⁰ Aico ñee nyecua jêje a. Mbia mo hui mose huicua si, ángeles ibatenda ia tuchi erese, i que Jesús ra.

Ae ngu secha

¹¹ Jesús que ñeembe ee ra. —Sã amei mo eriirí nyeremo no. ¹² Eriirí ndiquii que ñee ngu je ra. “Paba, mbae isiquia ataque embu rã se sembaerã. Ndemano nonde”, i que ñee ngu je ra. Ae eru mbae isiquia mbuchechea nguiã ee. Mondo eo cote. ¹³ Isamami nongue que eriirí nduinda

umbae rerecoquiatsu ra. Ae oso nguiã isho cote. Ngu recha. Huee que mbae isiquia umbae mumba chooño ja ra. Mbae icuã ndibishorõ. ¹⁴ Hue jenda mbia chiu que uate cote ra. Amei ndiirí abe riacua nyee que ra. Umbae mumba chooño jare. ¹⁵ “Taquie quie rã oso ererecua mo je”, i chee. “Teasu socoi esaarõ na serimba”, i chee ererecua mo ee. ¹⁶ “Teasu chiu au chõ mbichí ira a. Seriacua tuchichí”, i chee amei ndiirí. Emo ngue embuquiaruã mbei ra. ¹⁷ “Paba rimba chichí quiaru turãte sechuchua huee, seriacua mose aa. ¹⁸ Tasobe rei Paba rea. Tacheẽ ndei oso ee. “Seicuã tuchite que ndeje curi ra, Paba. Paba ibatenda je abe no. ¹⁹ Seriirí ere eã seje cote. Nderimbarã taico cote’, tae rã oso Paba je”, i que ndua ndua uchiangui re cote ra. ²⁰ Ngu rea que esi cote ra. Isho ereco mose que eru mae erese ra. Amei ia eã tuchi que eriqui erese ra. Amei ngue oso uchã nguiirí ndese oo ra. Equiaama. Eritii riite no. ²¹ Ngu je que eriirí ñee ndei cote ra. “Seicuã tuchite que ndeje curi ra, Paba. Paba ibatenda je abe no. Seriirí ere eã seje cote”, i rei que ngu je ra. ²² Eru que ñee nguimba je cote ra. “Eirao turã mo emondo seriirí je. Eiyaorã abe mo emingue ee. Anillo mo abe emingue eo rese. ²³ Ticuasú quira mo jëquishí echo je. Nandequiaru tuchi erese. Fiesta nandesã ee. ²⁴ Seriirí ngue mano naanguia oso curi resẽ. A eru quera si raanguia seje a. Quiachã tuchi que oso serecha ra. A erube seje a cote”, i que amei nguimba je ñee nda. Eya tuchi cote. Nyebe fiesta raã nguiã nguiirí je.

²⁵ Amei ndiirí nongue que siqui úcoo ra. Ngasẽ ndaque u quia uchuchuaa cote. Tootõ i que ehandu ra. Mbia chei cururi abe andu. ²⁶ Ñee ngue erimba mo je ra. “¿Mbaerã eriqui tootõ i re? ¿Mbaerã mbia riqui nyuruqui re?” i que amei ndiirí ndiquii ra. ²⁷ Erimba que ñee ee ra. “Ndenongue que tu ngasẽ nderu je ra. Nyebe ticuasú quia nguiã ee”, i que erimba ñee ee ra. ²⁸ Ae onongue paama i nguiã ngu je. Ique sereã nea ngu chuchuaa. Ae eru tu nguiã usẽ ñee ee taicuee. “Eique rã mae ndenongue rese”, i rei que eru ee ra. ²⁹ Eriirí ngue ñee ngu je ra. “Cosete que aico rei quie quie ndeje. Ndecheẽ ngue amumba mumba eite quia emo mose. Mbae mo ngue ereiquia eã mbeite seje. Sembae fiesta raã sacua sequiato rese. ³⁰ Ae tu ramo nderiirí, ¿mbaerã ticuasú mo ereiquia ee re? Umbae que emumba chooño oso curi resẽ. Siqui siqui cuña icuã ndese. ¿Mbaerã ereico fiesta raã ee re?” i que eriirí ngu je ra. ³¹ Eru que ñee echeẽ mose ra. “A ereico beite serese a resẽ, Echo. Sembae ja chõ nembraerã ndesẽ. ³² Ndenongue quiatu que quiachã nandesí resẽ. Mano naanguia oso nandesí. A eru si quera raanguia nande je a. Nyebe fiesta

nandesaā ee. Nandeya tuchi rā erese”, i que eru nguiirī nongue je ra, i que Jesús mbia je ra.

16

Ererecua rimba mo icoquiatsu

¹ Jesús que ñee uchimbaaquiatsu je ra. —Sā ererecua mo mbaechate riqi no. Erimba mo ngue embae saarō ja quia ra. “Nderimba que nembae mbuquiachā quiachā nguia ra”, i que mbia mo ererecua mbiirandu cote ra. ² Ererecua que ñee ee ra. “¿Mbaerā mbia riqi ñee nderiī seje re? ¿Cuentas esā sā mbia mbae ja jē! Sembae raarōsa eā nda nde cote”, i que ererecua ngūimba je ra. ³ Erimba que ndua ndua uchiangui re cote ra. “¿Mañi ae ra sequia sererecua se mombo mose re? Sequirācuā neate quieie sacuā ndesē. Seireite ache ache i mbia je. ⁴ Ūquī ño nda asā ee nda. † nda mbia seisi turā uchuchúaa sembae eā mose”, i que erimba uchiangui re ra. ⁵ Ae deber i quia ererecua je, ūquī je que erimba ñee nda. Co miī miī je. “¿Manya deber ere sererecua je re?” i que erimba emo je ra. ⁶ “Cien latas de aceite que deber ae ee ra”, i que erimba je ra. Erimba que ñee ee ra. “Nembae cuenta nandemombo chō. Emo nandesaā asi. Cien eā nda cote. Cincuenta achō ño nda cote”, i que erimba ee ra. ⁷ Ae deber i quia ererecua je, ūquī mo je que erimba ñee no nda. “¿Manya deber ere sererecua je re?” i ee. “Cien bolsas de trigo que deber ae ee ra”, i que erimba je ra. Erimba que ñee ee ra. “Nembae cuenta nandemombo chō. Emo nandesaā asi. Cien eā nda cote. Ochenta achō ño nda cote”, i que erimba ñee ee ra. ⁸ Ererecua que jirandu erese cote ra. “Serimba aracua chō eriquichī nde no”, i que ererecua ra. Mbiambi jenda aracua tuchi chōchī Dios quiato si. ⁹ Acheē tuchi quia jēje co. ¿Mbae isiquia jemondo mondo quia ibatenda je jē! Eī nda jēquiato jiri. Eī nda Dios jēisi quiatu turā ibate jembae ua mose. Huee ra jēingo bei cote.

¹⁰ Ae mbae ñetē saarō turāte quia, mbae tubiriā abe ra esaarō turā nguia. Ae mbae ñetē saarō turā eāte quia, mbae tubiriā abe ra esaarō turāyā nguia no. ¹¹ Jē jembae mondo turā eā mose Dios je, Dios ra mbae turā mondo eā jēje ibate. ¹² Jē Dios mbae raarō turā eā mose, ¿aba quia ra mbae mondo jēje jembraerā tuchi cote re? ¹³ Co miī erimba siqui aronea ererecua nyeremo ndese. Ererecua nyeremo mose, huee ra erimba nguerecua nongue ucuāyā. Ererecua nongue ra ebite. Ae ndua beite quia mbae isiquia rese nae, ūquī siqui aroneate Dios rese. Ae siqui beite quia Dios rese nae, ūquī

ndeī ndua eā jiri mbae isiquia rese, i que Jesús ra.

¹⁴ Fariseos que chi Jesús cheē andu ja ra. Mbae isiquia quiato tuchi que ūquī nda. Nyebe ñee icuā nguia Jesús cheē mose. ¹⁵ Nyebe Jesús ñee asite nguia ūquī je. — Jē nguiareī jēturā jembuchecua tuchi mbia rēsa. Dios quiareī jeñiangui renda icua tuchi quia co. Ae eturā abareāte riqi mbia je nae, ūquī Dios ucuāyate quia co.

Dios cheē nda io ja

¹⁶ Moisés chimbasa que mbia mbaaquiatsu quiatu nyii ra. Dios cheē mbuchecuasa chimbasa abe que mbia mbaaquiatsu quiatu nyii ra. Juan tu nonde. Juan ngue Dios cheē turā senei cote ra. “Mbia rerecurā tuchi ra Dios cote”, i bei que Juan nguia ee cote ra. Nyebe mbia riqi nguia ñee. “Dios rimba ra se”, i tuchi mbia quia ā cote. ¹⁷ Ibei ua arōte quia co. Ibi abe ua arōte quia co no. Embesa jī Dios cheē nguia ra uayā mbei. Io ja rae.

Eicuāte ngūinisi mombo mose

¹⁸ Mbiam ngūinisi mombo mose, ngūinisirā mo nderequia mose, eicuā tuchi ūquī. Adulterio, i que ūquī je ra. Ae eru mombo, emo aque rerequia mose, eicuāte ūquī abe no.

Mbaecha mo oso tata cuasu

¹⁹ Sā mbaecha tuchi mo ndiqui no. Huirao turā mingue mingue bei. Huirao nininya mingue mingue bei. Fiesta que esā sā mbei quia ra. Umbae mbae isiquia mumba choño mbae rese. ²⁰ Sā mbaecha reā mo abe riqi no. Lázaro, i que ee ra. Erete reechu echu que ra. Huee que Lázaro riqi chí mbei ngoi ra. Mbaecha chuchua taronda jii. ²¹ Lázaro riācuā ngue ñee mbei quia ra. “Mbaecha chiū rire nda au rā ña”, i tuchi que equia uchiangui re ra. Nōoñoo ngue ngaē ngaē nguia erete reechu rere rere ra. ²² Lázaro mbaecha reā ngue mano cote ra. Angeles que equerao mbae turāsa Abraham ndea ra. Mbaecha abe que mano nda. Mbiam que echati ra. ²³ Mbaecha que oso tata cuasu cote ra. Isho que mae Abraham ndese ra. Lázaro abe. ²⁴ Sā ñeemombo mombo Abraham je no. “Paba Abraham, ndeya eā jiri serese ae. Serasite aico tata réndii a. Lázaro embu rā. Sā o mbia rā i je sechuru mbia sacuā”, i rei que mbaecha ñeemombo Abraham je ra. ²⁵ Abraham ngue ñee ee cote ra. “Mbae tubiriāte que nembae nyii resē. Lázaro quiatu que mbae rasi sā tuchi quia nyii ra. A eriqui turāte a cote, nde nderasi rasi mose cote. ²⁶ A jenda mo oso aroneate erasa ndeje hue. Hue jenda abe tu aroneate erasa ure je aa no”, i que Abraham mbaecha je ra. ²⁷ Mbaecha que ñeemombobe Abraham je ra. “Lázaro chō emondo Paba chuchúaa

no, Abraham. ²⁸ Hue senongue cinco chi hue. Sã Lázaro si ñee ee. Embiirandu. † nda ecuaē eã mbae rasi raã a”, i rei que mbae cha ñee Abraham je ra. ²⁹ Abraham ngue ñee ee ra. “Ndenongue Moisés chimbasa rerequia hue. Dios cheē mbuchecuaa cheē abe rerequia hue no. Sã ũquí mumbayã”, i que Abraham ee ra. ³⁰ Mbae cha que ñeembe Abraham je ra. “Embesa ji rerequia raque. Mano je oso mose ñee ee, aque cheē nguia ra emumbayã cote. Huiicuã nda esecha cote”, i rei que mbae cha ñee Abraham je ra. ³¹ Abraham ngue ñee ee ra. “Ndenongue Moisés chimbasa mumba mumba mose, mano je cheē abe ra emumba no. Eraaque mo quera si je ñee mose ee, aque cheē abe ra emumba no”, i que Abraham ñee mbae cha je ra, i que Jesús ra.

17

Mbae icuã nda nandesã uquiachĩ emo je

¹ Jesús que ñee uchimbaaquiatu je ra. — Mbae icuã nguiareĩ siqui bei tuchi mbia mbiiicuã nonde. Ae ñee nguia mbia je nae, “mbae icuã esaã” i nae, eicuã tuchi chõ ũquí nde. Ae “mbae icuã esaã” i nae, ũquí nda mbae rasi saã tuchi cote. ² Ae ra mbae icuã saã uquia seicuaasa mo je nae, ũquí nda mbae rasi saã tuchi cote. ũquí nda aba mombo chõ ama ndisa ye nyii re chã. Sita resebe ecua ji mondo. † nda mbae icuã naa uquia eãte rei seicuaasa je. ³ ¡Jẽingo chooñoa ño nguia jẽ! Nderesenda icuã mose ndeje, echeē ño ee. “Nandeico turã ño”, ere ee. Hui mose huiicuã si, eicuã si etesareĩ chõ nde. ⁴ Sã nderesenda mbae icuã naa naa siete veces ndeje no. Sã ñee ndaque siete veces ndeje no. “Mbae icuã nda asaã eã ndeje cote”, sã i raque ndeje no. Eicuã si etesareĩ chõ, eicuã mbei bei raque, i que Jesús ñee ee ra.

Jẽ Dios icua jiri mose, eĩ nda mbae mo jeñee mumba eãte rei

⁵ Jesús chimbaaquiatu que ñee ee ra. — Dios eicua tuchi rã ure je, i que ñee Jesús je ra. ⁶ Jesús que ñee ee ra. —Jẽ Dios icua jiri mose, i nda mbae mo jeñee mumbayãte rei. † nda jeñee ndei ira je. “Nde ae echisiqui. Nde ae si echitiquia ama ndisha ite re”, i ira je. † nda ira jeñee mumbayãte rei, jẽ Dios icua jiri mose.

Dios rimbachõ ño nande re, jenyẽ chõ nguia

⁷ Sã emo nimba mo ndiqui bei turuquia rĩ ticua su raarõ arõ no. Ecua sã mose tuchuaa, ¿mañi nda ererecua ñee jei ee re? “Equiaru rã”, i jei ee re. ⁸ Tei. I jei eã nda ee. “Sechiurã esaã naa seje. Sequiaru eteaquiatu rã nyii. Aquere quia terequiaru nde”, i chõ nda ererecua ee. ⁹ Ererecua ra gracias i eã ngũimba je. Erimbachõ ño ñene. ¹⁰ Eĩ si chõ jẽ no

nde. Dios rimbachõ ño jẽ no nde. Ae rĩ Dios riqui ñee jẽje, ũquí naa ja mose, ¡jẽingo mingue chõ nguia ee jẽ! “Ae rĩ Dios ñee nande je nae, ũquí mii ño ngue nandesã nda. Erimbachõ ño nande re”, jenyẽ chõ nguia ico mingue, i que Jesús ra.

Jesús mbia leproso ata mbucherõ

¹¹ Jesús que ngata si Jerusalén icha rui ra. Galilea rĩ ngue écoi quia ra. Samaria rĩ abe que écoi quia ra. ¹² Jesús que ngasẽ sucha tubiriã moo nda. Hue que mbia rasi mo chi ee ra. Diez que ra. Eire rasi ja que ra. Lepra, i que ũquí mbia rasi je ra. Erasi que chi icúe isho jiri Jesús si ra. ¹³ ũquí mbia rasi que ñeemombo mombo Jesús je ra. — ¡Jesús! ¡Mbia mbaaquiatu! Urembucherõ na ae, i que ñeemombo mombo ee ra. ¹⁴ Jesús que mae erese cote ra. Ñee ngue ee ra. — Eno. Jẽso jendete reacquia sacerdotes je, i que Jesús ee ra. Ecuata mose chõ ngue nyerõ ja ra. ¹⁵ Ucherõ ñese mae mose que co mii ndu nyebi ñee Jesús je ra. Eya tuchi que ñeemombo mombo Dios rii nda. ¹⁶ Ngoi que ngũã ndese Jesús resa quiti ra. Nyibi que u ñee ee ra. Gracias i tuchi que Jesús je cote ra. Samaria jenda que ae ra. Judío eã ngue ra. ¹⁷ Jesús que ñee nda. — Eatate que ambucherõ. ¿Ma eataque ma nde? ¿Ma nueve ma nde? Nyebiã ñochi ecuaē gracias i seje. ¹⁸ Co mii tuchi chõ tuchi nyebi gracias i Dios je co. Judío eã ndaque, i que Jesús ra. ¹⁹ Jesús que ñee erasi je cote ra. — Ehuã. Eso cote. Nde que seicua ra. Nyebe arembucherõ nguiã, i que Jesús ee ra.

Mbia chiangui re quiatu Dios riqui nguiã mbia rerecuarã

²⁰ — ¿Manosete ra Dios ru íbii mbia rerecuarã tuchi re? i que fariseos ñee Jesús je ra. Jesús que ñee ee ra. — Mbia ra mae eã erese. ²¹ “¡Aa chõ Dios riqui mbia rerecuarã jẽ!” iã ndae. “¡Pee chõ Dios riqui mbia rerecuarã jẽ!” iã nda eno. Mbia chiangui re quiatu Dios riqui nguiã mbia rerecuarã, i que Jesús ra.

²² Jesús que ñee uchimbaaquiatu je cote ra. — Namõ jiri ra jẽ seosei oseĩ setiã mose cote. “Jesús nda siqui mbirĩ na nanderese chã”, jenyẽ rei nda re. ²³ “Hue Cristo riqui hue”, ichõ iñõ nda mbia jẽje serĩ. “Pe eriqui pe”, ichõ iñõ nda jẽje no. “Nya” jenyechi nda ee jẽ. Ñeeñoño ndae. ²⁴ Sechecua yã nguia ra achuã. Mbia ra mae ja quiatu senininya rese seru mose. Sã mbia riqui mae jate ama pirirã i rese no. Eĩ ae quia ra u mbia mumae ja. ²⁵ Sechube nonde ra mbia icuã tuchi seje. Mbae rasi ra asaã tuchi rã. Ae siqui namo ã mbia, ũquí nda seririrõ tuchi rã. ²⁶ Sã Noé mosenda mbia siqui sereã tuchi Dios rese no. Eĩ si ra mbia siqui sereã Dios rese sechu nonde no. ²⁷ Sã Noé mosenda mbia

quiaru chooño no. Ndua rocoĩ Dios rese. Sã nguĩnsirã nderequia chooño no. Sã mbae raã ñooño ndua rocoĩ Dios rese no. Sã Noé ique chee arca ye no. Sã ama ndicuasú tu cote no. Sã mbia mano ja no. ²⁸ Sã Lot mosenda abe mbia no. Sã quiaru chooño no. Sã mbae isi isi chooño no. Sã mbae eĩ tiquia chooño no. Sã uchucharã naa ñooño no. Sã mbae raã ñooño no. Ndua rocoĩ Dios rese no. ²⁹ Sã Lot usẽ nyee hue si cote no. Sã Dios tata mbu ibate si cote no. Sã Sodoma jenda oquei ja aque mose no. ³⁰ Eĩ si ra mbia mbae raã ñooño. Seru mose chee. Ndua rocoĩ serese. ³¹ Emo siqui mose taicuee se tu mose, ique eã nda uchucha umbae rerecoquiátu. Ae siqui úcoo, nyebiã nda u uchucha no. ³² ¡Lot ninisi rã nda jẽingochĩ jẽ! ³³ Ae ngueteãte quia ngueco rese nae, ereco ra quiachã esi. Ae ngueteã eãte quia ngueco rese nae, aque reco quia ra quiachãya esi. ³⁴ Sechu mose, aque isa ra nyeremo chi uque quisa ye. Co mĩ nda arao. Enongue ra siquichõ. ³⁵ Cuña nyeremo nda chi mbua tocho no. Co mĩ nda arao. Enongue ra siquichõ no. ³⁶ Mbua nyeremo nda chi úcoo no. Co mĩ nda arao. Enongue ra siquichõ no, i que Jesús ra. ³⁷ —¿Mangue ra úqui mangue re, Jesús? i que echimbaaquiátu ra. Jesús que ñeembe ee ra. —Ae rĩ mbae raaque riqui chi nae, huee ra urubu choi ja tuchi, i que Jesús ra.

18

Eru cheecha ñee chiibe ibe ererecua mo je

¹ Jesús que ñee uchimbaaquiátu je ra. — Sã mbia riqui ñee mbei Dios je. Sã tesareia mbei ñee Dios je. ²⁻³ Sã eru cheecha mo ndiqui no. Oso chiibe ibe ñee ererecua je no. “Ae sembae quereco nae, sã aque sembae meembe seje”, i chiibe ibe ererecua je. Dios quiatoã ndaque ererecua. Mbua quiato biãte raque aque ererecua. ⁴⁻⁵ Ererecua que eru cheecha cheẽ ñanduchõ nyii ra. Eru cheecha que ñee i i tuchi ee ra. Ererecua que ndua chee uchiangui re ra. “Ari riqui ñee chiibe ibe tuchi chĩ seje co. Echeẽ tamumbayã na”, i chee que ererecua ra, i que Jesús ñee uchimbaaquiátu je ra. ⁶ Ñeembe que ee ra. —Sã ererecua ari cheẽ mumbayã nyee no. Ererecua icuãte raque. ⁷ Eĩ nda Dios uquiato cheẽ mumbayã no. Dios quiato riqui ñee ñee mbei Dios je co. Arõ mose. Isa abe. Dios riqui uquiato ucuãyãsa riisu isu raque co. ⁸ Dios ra uquiato cheẽ mumbayã nyee cote. Se tube mose ibii manya sequiatio ra chi bei ñee Dios je reae, i que Jesús ra.

Mbua nyeremo ñee Dios je

⁹ Ucuasu raã naasa mo ngue chi Jesús je ra. Mbua ataque ririrõte que equia ra. Mbua ataque isi teã teã mbei. Nyebe Jesús ñee nguã úqui je. ¹⁰ —Sã mbia nyeremo nyoi

ique Dios chuchua no. Ñee Dios je no. Co mĩ ngue fariseo ra. Enongue que impuestos isi isi quia ererecua mbaerã nda. Mbua mbũrĩ irisa que ae ra. ¹¹ Fariseo que ñee ndei Dios je ra. “Dios, seturãte se. Mbua icuã na eã ño se re. Co mbua mbũrĩ irisa rã eã ño se re. Mbae mbuquiachãsa eã ño se no nde. Acheẽ ñooño eã ño se re. Emo ninisi rese aicoãte se. Mbua mbũrĩ irĩ ãte quia co. ¹² Aquliaruã mocoite quia ndua bei nderece co. Diezmos amee mee mbeite quia ndeje co”, i rei que fariseo ñee Dios je ra. ¹³ Aba mbũrĩ irisa que chĩ isho ra. Uãqui ngue embucheseco ibi quitu ra. Uchiã ngue eĩ ñee Dios je ra. “Ndeyayã ño serese, Dios. Mbae icuã asaã saã mbei chõchĩ nguia co. Seyayã tuchichĩ seicuã ndese”, i que ñee Dios je ra. ¹⁴ Tacheẽ nyecua rã jẽje. Dios que aba mbũrĩ irisa cheẽ isi turã nda. Ico mingüete quiátu nguã ñee ñee Dios je. Fariseo quiátu ngue uturã saã saã mbeite nguã ñee Dios je. Nyebe Dios echeẽ ñanuate nguã. Ae ucuasu saã saã nguia nae, úqui nda Dios isiãte. Ae ico tochei quia Dios je, úqui nguiatu ra Dios isi, i que Jesús ra.

Jesús mbia rirĩ isi turã turã

¹⁵ Mbua que nguĩrĩ ngurucuaẽ cuaẽ nguia Jesús je ra. Jesús oco oco sacuã erece. —¿Mbaerã jendiirĩ jendu quia co re? i rei que Jesús chimbaaquiátu ñee mbia je ra. ¹⁶ Jesús quiátu que ñee nda. —Tei. Jésecha. Sã nguĩrĩ ndurucuaẽ seje. Eĩ ño Dios rimba re. Mbua rirĩ na. Ucuasu raã naa eã. ¹⁷ Mbua rirĩ na ño jẽingo Dios isi turã. Eĩ jenyee mose, Dios rimba tuchi ra jẽ cote, i que Jesús ra.

Acuanĩndu mbaecha mo ñee Jesús je

¹⁸ Ererecua mo ngue ñee Jesús je ra. — Mbua mbaaquiatusa turãte nde. ¿Mañi ae ra se siqui bei nonde ibate re? i que ererecua ñee Jesús je ra. ¹⁹ Jesús que ñee ee ra. —¿Mbaerã ereico eturã i seje re? Dios mĩ ño eturã ndesẽ. ²⁰ Dios cheẽ ereicuate resẽ: “Emo ninisi rese ra ereicochĩ. Mbua mo nda ereiquiachĩ no. Mbae ra erembuquiachãchĩ. Erecheẽ ñooñochĩ nda emo nii. Ndeturã ño nderu je. Ndeturã ño ndesi abe je”, i que Dios cheẽ nda, i que Jesús ñee ererecua je ra. ²¹ Ererecua que ñee ndei Jesús je ra. —Úqui ngue amumbayã ja bei quia ra. Señetẽ mosenda bei, i rei que ererecua ra. ²² Jesús eandu mose que ñee ee ra. —Mbae mĩ mo abe eresã eãte. ã abe esaã. Nembae emondo mondo ja mbua mbaecha reã je. Nde úqui naa mose, mbae tubiriã nda nde, ndeico mose ibate. Nembae mondo ja mose mbaecha reã je, serui eico cote, i que Jesús ee ra. ²³ Ererecua Jesús cheẽ andu mose que echosoi oso serite cote ra. Mbaecha tuchite quiátu ngue ae re. ²⁴ Jesús que mae mbaecha ia eã ndese ra. Ñee ngue mbia

je cote ra. —Mbaranguiatu ãte mbaecha je ngasê sacua ibate Dios rese. ²⁵Sã ticusau mo ndiqui oso aroneate aguja sorei rĩ no nae. Eĩ si chõ mbaecha no nde. Oso aronea ibate Dios rese, i que Jesús ra. ²⁶—¿Aba quia ra oso Dios rea re no? i que mbia Jesús je cote ra. ²⁷Jesús que ñee ee ra. —Ae mbia saã aroneãte quia nae, Dios mii ño nda esaã, i que Jesús ee ra. ²⁸Pedro que ñee Jesús je ra. —Ure que urembae uresecha ja ra. Siqui sacua nderui, i que Pedro ee ra. ²⁹Jesús que ñee ee ra. —Emo umbae recha ja mose Dios rĩ, Dios ra esibishorõ tuchi ee. Ae uchuchua secha. Ae ngu secha. Ae usi secha. Ae ngõngue secha. Ae ngũinisi secha. Ae nguiĩ secha. ³⁰Ūqui mbae ja ra Dios sibishorõ tuchi. Ibi mbia reco bei mose. Aquere ra Dios emingo bei ibate cote, i que Jesús ra.

Mbia ra seiquia, i si Jesús

³¹Jesús que ñee icúee uchimbaaquiatu doce je ra. —Co nandeso quia Jerusalén co. Ae Dios cheẽ mbuchecuasa mbesa mbesa quia serĩ nyii nae, ũqui nda io ja cote. ³²Mbia ra semee judíos eã je cote. Mbia ra secheẽ naa naa. Ñee icuã tuchi ra seje. Ñinimbu nimbu ra serese. ³³Seiruã nua ndae. Seiquia ra cote. Tres nyaashĩ mose ra aquera si, i que ñee ee ra. ³⁴Echimbaaquiatu que echeẽ icuayãte ra. —¿Mbae rĩ eriqui ñee nande je re? i que nyue ra.

Jesús eresayã mo mbucherõ Jericoo

³⁵Jesús Jericó rurubi mose que eresayã mo ndiqui ee ra. Ñeenda jie que eñi ache ache i mbia je ra. ³⁶Eresayã ngue mbia tubiriã quicoi chandu ra. —¿Mbae ere? i que eresayã emo je ra. ³⁷—Co Jesús coi quia co. Nazaret jenda coi quia co, i que emo eresayã je ra. ³⁸Eresayã ngue ñee mombo ra. —¡Jesús! ¡David rucucha! ¡Ndeya eã ño serese jê! i que eresayã ñee Jesús je ra. ³⁹Ae rane nyoĩ quia, ũqui ngue ñee ndei eresayã je ra. —¡Equiriri chõ jê! i rei que ee ra. —Jesús, indeya eã ño serese jê! i bei bei que Jesús je ra. ⁴⁰Jesús que tiba cote ra. —Eresayã jendu rã, i que mbia je ra. Eresayã ngue oso Jesús richã cote ra. ⁴¹—¿Mafĩ ae ra ndeje re? i que Jesús ñee ee ra. —Seresa embuturã na, Sererecua, i que eresayã nda. ⁴²Jesús que ñee ee ra. —Nderesa que cote ra. Seicuate quiatu ngue se re. Nyebe arembucherõ nguiã, i que Jesús ee ra. ⁴³Aque mose tuchi que eresayã ndesa turã cote ra. Mae turã ngue cote ra. Jesús rui que esi quia cote ra. Ñee turã turã tuchi que equia Dios rĩ cote ra. Ae mae erese nae, ũqui abe que ñee turã ja quia Dios je cote ra.

19

Taico nderese, i Zaqueo Jesús je

¹Jesús que ngasê Jericoo cote ra. Sucha tubiriã ite rĩ ngue esi quia ra. ²Mbia mbaecha mo ngue siqui ee huee ra. Zaqueo, i que ee ra. Aba mbiĩrĩ irisa que ae ra. Impuestos isi isiquia rerecua que ae ra. ³—Jesús rese tamae. Jesús taicua rã, i rei que Zaqueo ra. Mbia tubiriã ngue Jesús chatite esi ra. Zaqueo jua tuchi que ra. Nyebe mae aroneate nguiã Jesús rese. ⁴Zaqueo que oso uchã Jesús nonde ra. Nyui que oso ira mo ñi nda. Jesús ucuã rese mae sacua. ⁵Jesús que ngasê Zaqueoqui re cote ra. Soboiba que mae erese ra. —Equichi, Zaqueo. Taso ndechuchua nderese, i que Jesús ee ra. ⁶Zaqueo que nguichi asi u cote ra. Eyate que Jesús rerao uchuchúaa ra. ⁷Mbia que ñee ñee tuchi Jesús rĩ cote ra. —¿Mbaerã Jesús si quia mbia icuã nyuchúaa aque re? i tuchi que mbia ñee nda. ⁸Zaqueo que juã ñee Jesús je ra. —Sererecua, tacheẽ ndeje. Sembae tachisia nyibite rĩ mondo sacua mbia mbaecha reã je. Ae asirõ ñooño mbia si nae, ũqui tambuchebibe ee. Eata tambuchebibe ee, cuatro veces, i que Zaqueo Jesús je ra. ⁹Jesús que ñee ee cote ra. —Arerirõ ngue mbae icuã si namo nda. Judiate quiatu nde re. ¹⁰Quiachã je requia chõ achu nguiã ibate si co. Quiachã je mingo bei sacua abe chõ achu nguiã ibate si co no, i que Jesús ra.

Mbae isiquia jembaata, i ererecua ngũimba je

¹¹Mbia que Jesús cheẽ ñandu turã nguia ra. Jerusalén ndurubite que echoi quia ra. —Mbia rerecuarã ja ra Jesús cote reae, i rei que mbia quia ndua ndua ra. Nyebe Jesús ñee nguiã ee. ¹²—Sã mbia mo ndiqui oso ibimo isho tuchi no. “Mbia rerecuarã eico nde cote”, i nonde mbia pe jenda ee. Aquere ra eru mbia rerecuarã cote. ¹³Sã ñee ja ngũimba je oso nonde no. Diez rei erimba. Mbae isiquia atate que embuchao chao ngũimba je ra. “Á mbae isiquia jembaata ata oso quia. Sechu mose chee”, i que ngũimba je ra. ¹⁴Sã hue jenda mbia aque ucuayãte no. Comisión ngue emondo ra. “Aque urebiãte urererecuarã”, i rei que comisión mondo ra. ¹⁵Gobierno ngue emii mbei chõ ererecuarã nda. Nyebe uba bei u nguiã uchuchua cote. Ngũimba je que ñee cote ra. Ūqui diez. Ae je eriqui mbae isiquia mondo nae, ũqui. “¿Sechimee mbae isiquia jembaata ata rei re?” i jaaja que ngũimba je ra. ¹⁶Erimba mo ngue ñee ee ra. “Ae. Aque mii ngue ereme ndei seje nyii, ambaatate que se cote ra. Diez que cote ra”, i que nguerecua je ra. ¹⁷Ererecua que ñee ee ra. “Coche ñene. Serimba turãte nde. Mbae ñetê ngue eresaã turãte quia secheẽ nguire ra. Nyebe mbae cuasu tamondo ndeje cote. Diez pueblos rerecuarã nda nde

cote”, i que ererecua ngũimba ñiinda je ra. ¹⁸ Erimba nongue que tu ñee ee cote ra. “Aque mĩ ngue eremee ndei seje nyii, ambaatate que se cote ra. Cinco que cote ra”, i que nguerecua je cote ra. ¹⁹ Ererecua que ñee ae abe je no nda. “Eno. Cinco pueblos rerecuarã nda nde cote”, i que aque ngũimba je ra. ²⁰ Erimba nongue que tu ñee ee cote ra. “Co nembrae mbae isiquia co. Tiru ye que areco bei ra. ²¹ Sesiquichete quiatu ngue ndesi re. Erequeteãte quiatu nguiã mbae rese. Ndechitiquia eã abe ereishao shaote quia co. Nyebe nembrae mbae isiquia areco quiatuchõ ño nguiã ndeje”, i que aque nguerecua je ra. ²² Ererecua que paama i tuchi ñee ee ra. “Serimba icuã tuchichĩ nde re. Nde sí chõ erecheẽ nguiã semiirandu. ‘Nembrae que ambaata eãte ra’, ere chõchĩ. ‘Areco quiatuchõ ño nguiã’, ere chõchĩ. Se ngueteã mose mbae rese ndeje ¿Mbaerã secheẽ eremumba re? ²³ ¿Mbaerã sembae mbae isiquia eremondo eã banco re? I nda ñimbaata jiri rei seje”, i que ererecua ñee asi aque ngũimba je ra. ²⁴ Ae chí huee, ũqui je que ererecua ñee nda. “Ae sembae quereco chooñõ nguia nae, jēsirõ na esi. Ae diez quereco quia nae, aque je jemondo”, i que ererecua ra. ²⁵ Mbia que ñee ererecua je ra. “¿Mbaerã nda re? Eatate ae resẽ. Diez que ae resẽ. ¿Mbaerã nda emo abe eremondo ee re?” i que mbia ñee ererecua je ra. ²⁶ Ererecua que ñee ee ra. “Ae embaete nae, mbae tamondobe ee. Ae mbae quereco ãte quia nae, mbae tasirõ ja esi. ²⁷ Seucuãyãsa jendu ja rã. Ae ñee nguia serĩ. ‘Aque urebiãte urererecuarã’, ae i quia serĩ. Ũqui jendu ja. Ũqui jēi quia ja sēsaa”, i que ererecua ra, i que Jesús ñee mbia mbaaquiata ra.

Jesús ngasẽ Jerusalén

²⁸ Jesús cheẽ jare que ngata si Jerusalén icha rui ra. ²⁹ Jerusalén ndurubite que echoi ngasẽ nda. Betfagé, i que hue sucha je ra. Betania, i que hue sucha erurubinda je no nda. Ibi ibate abe que chí huee ra. Monte de los Olivos, i que ee ra. Hue si que uchimbaaquiata nyeremo mondo cote ra. ³⁰ —Aichi súchaa chõ jeso rã. Burro riirĩ cuasa ra chí jēje hue. Ae ato emo nyui ãte. Jenyura seru seje. ³¹ “¿Mbaerã nda jenyura re?” i mose emo jēje, jeñee ee. “Nandererecua que jendu i ra”, jenyee ee, i que Jesús ũqui nyeremo mondo ra. ³² Nyoi que súchaa ra. Ae rĩ Jesús ñee ee nae, ũqui ngue nyecua je ee cote ra. ³³ Burro riirĩ ngue etea ra. Era mose que echa ñee ee ra. —¿Mbaerã jēngo era era re? i que ee ra. ³⁴ Jesús chimbaaquiata que ñee ee ra. —Nandererecua que jendu i ra, i que echa je ra. ³⁵ Burro riirĩ ngue ecuruchoi Jesús je cote ra. Echimbaaquiata que huĩrao

chono ñono burro arõ nda. Mbia que Jesús mbuchui burro ato cote ra. ³⁶ Jesús ngata mose burro ato, mbia que huĩrao mbiitee ee ibi rĩ nda. Jesús nonde. Jesús oso sacua hue rĩ. ³⁷ Jesús quiato tubiriã tuchi que nyoi quia erese ra. Monte de los Olivos icha re ngasẽ mose, Jesús quiato que tasẽ tasẽ tuchi ra. Eya tuchi que ra. Ñee mombo mombo turã ngue Dios je cote ra. —Jesús riqui mbia mae sayã naa naa tuchi mbia je co, i que ñee mombo mombo turã Dios je ra. ³⁸ Mbia ia tuchi que tasẽ tasẽ nda. —Co nandererecua ru quia ngasẽte co. Co Dios chĩmbu ru quia ngasẽte nande je co. Dios turã tuchite nande je, i que mbia ia tuchi ra. ³⁹ Fariseos mo abe que chí huee ra. Ũqui ngue ñee ndei Jesús je ra. —Ndechimbaaquiata embaasẽ asẽ eã jiri ae, i rei que Jesús je ra. ⁴⁰ Jesús que ñee ee ra. —Sequiato ñeemombo mombo eã mose serĩ, eĩ ndei ra sita ñeemombo mombo serĩ cote, i que ñee nda.

⁴¹ Jesús que ngasẽ serĩte oso quia Jerusalén cote ra. Sucha checuate que esi quia ee cote ra. Jesús ia eã tuchi que Jerusalén ndese ra. Nyeseo que erese cote ra. ⁴² Jesús que ñee sucha tubiriã je cote ra. Jerusalén je. —Seyayã tuchi aico nderese co, Jerusalén. Mbia mbiasa ereicuayã mbei chõchĩ nguia co. Echecuayã mbei chõ eriquichĩ ndeje co. ⁴³ Mbae rasi ra eresaã tuchi cote. Ndeucuayãsa ra nderiquisã tuchi cote. Nemama nda euaẽ. ⁴⁴ Sucha ra embucoi ja ndeyenda. Sita ra embucoi ja tuchi mbia chuchua si. Mbia ra mano ja ndeyenda cote. Dios quiatu ngue ereisiã mbeite nguiã. Dios sembu mose nderea, aque mose abe que seisiãte no nda, i que Jesús ñee Jerusalén je ra.

Jesús mbia mbusẽ Dios chuchua si

⁴⁵ Jesús que oso Dios chuchuaa ra. Huee que mbia riqui mbae isi isi querabe ra. Mbae mondo mondo abe mbae isiquia ribishorõ. Jesús que ũqui mombo ja Dios chuchua si ra. ⁴⁶ Jesús que ñee mbia je ra. —“‘Mbia cheẽsa Dios je’, i ra mbia Dios chuchua je”, i que embesa ji ra. Jē nguia jēcuã tuchite Dios chuchua je re. Mbae mbuquiachãsa chuchuarã ño jēsãte chí nguiã Dios chuchua je, i que Jesús ũqui je ra. ⁴⁷ Jesús que mbia mbaaquiata quiatu bei quia Dios chuchuaa ra. Ererecua cuabẽte que mae icuã icuã nguia erese ra. Sacerdote rerecua. Embesasa abe no. Mbia rerecua ja. Ũqui ererecua ja que ñee ñee nguia nyue ra. —¿Mañi nande ra equia Jesús i quia sacua nde? i que ererecua quia ñee ñee nyue ra. ⁴⁸ Ererecua que Jesús i quia aroneate ra. Mbia tubiriãte quiatu que Jesús chandu quia ra.

20

¿Aba nembu re? i mbia ñee Jesús je

¹ Emo mose que Jesús riqui mbia mbaaquiату quiatu Dios chuchúaa ra. Ererecua que ngaë ja ñee ee ra. Sacerdote rerecua. Embesasa abe no. Amei abe no. ² Ūqui ngue ñee ja Jesús je ra. —¿Mbaerã ereico mbia mbaaquiату quiatu re? ¿Aba “mbia mbaaquiату quiatu” i ndeje re? i que ererecua ja Jesús je ra. ³ Jesús que ñee ee ra. —Se rane tacheë jêje. Se rane preguntar tae jêje. ⁴ ¿Aba ñee Juan je re? “Eso bautizar i mbia je” i ee re. ¿Dios eã ño ere no? Jeñee seje, i que Jesús ee ra. ⁵ Ererecua que ndua ndua ja u ra. Ñee ñee ngue u nyue ra. —¿Mañi nande ra echeë ndobeishĩ nde? “Dios que Juan mbu ra”, nande aroneate. Eĩ nda ñee nande je. “¿Mbaerã jêingoãte erui re no?” i quiarei ra nande je. ⁶ “Dios eã ngue embu ra”, nande aroneate no. Mbia ataque ra paama i tuchi nande je. Nande ei ra sita je. Juan quiato tuchi que mbia, i que ererecua ñee ñee nyue ra. ⁷ Ererecua que ñee nyee Jesús je ra. —Ureicuayãte. Aba chõ Juan mbu. Bautizar i sacua, i que ererecua ñee ja ee ra. ⁸ Jesús abe que ñee ee cote ra. —Se abe ra acheë eã jêje no. Aba chõ “ã esaã” i seje. Acheë eã nda jêje no, i que ererecua je ra.

Uva raarõsa icuã icuã nguerecua je

⁹ Jesús que mbia mbaaquiату quiatu cote ra. —Sã mbia no ndiqui no. Sã ibicha no ndiqui no. Sã ibicha riqui uva i tiquia tiquia no. Sã ibicha riqui “sembae uvas jêsaarõ”, i emo je no. Sã eriqui oso itõte no. ¹⁰ Uva quiche mose que echa ngũimba mo mondo rei umbaerã ndea ra. Ae uva saarõ nguia nae, ūqui ngue eisi icuã tuchi ra. Ucuu ucua que erese ra. Eochi que emondo mbuchebi ra. ¹¹ Echa que ngũimba mo mondo rei ereabe no nda. Aque abe que eraarõsa isi icuã no nda. Ucuu ucua que aque abe rese no nda. Eochi que emondo mbuchebi ra. ¹² Echa que emo abe mondo rei ra. Aque abe que eiruã nua mondo mbuchebi no nda. ¹³ Echa ia eãte que ra. “¿Mañi ae ra se re? Seriiĩ quiatu tamondo erea cote. Ūqui nda irei irei jiri esi cote reae”, i rei que echa ra. ¹⁴ Uva raarõsa mae mose erese que ñee nyue ra. “iCo eriiĩ ndu quia co cote jê! ¡Nandeiquia rei jê! ¡nda uvas nandembaerã ae cote”, i que ñee nyue ra. ¹⁵ Eraarõsa que eriiĩ quero pe jiri eiquia ra. Eriiĩ ngue mano cote ra. ¿Mañi nda echa quia eraarõsa je cote re? ¹⁶ Echa ra oso eraarõsa iquia ja cote. Ibi ra emondo emo je cote. Eraarõ sacua, i que Jesús mbia je ra. —¡Ūqui nda iquechĩ jê! i que mbia ra. ¹⁷ Jesús que mae erese ñee ee cote ra. —¿Ã embesa ji rese jemaie ãte re?

Sã emo ndiqui tuchua ao sita je no.

Sã sita mo ndirirõ mombo no.

Eicuãte eriqui reĩ nguiaã ee.

Aquere Dios emundua si erese.

“Earonda sacua turambi chõ eriqui re”, i ndua si uchimombo rese.

Sã uchimombo rirõ si cote no, i que embesa ji ra. ¹⁸ Ae ra nyoi ngoi aque sita arõ nae, ūqui nda huë. Aque sita ngoi mose emo arõ, ūqui nda mano, i que Jesús ra. —Aque sita rã ndei se, i chõ ngue re.

¿Impuestos ra uremee ererecua je re? i mbia ñee Jesús je

¹⁹ —Nanderĩ ño Jesús riqui nguiaã ñee a. Nandeisi rei serao jê, i rei que sacerdotes rerecua ñee nyue ra. Embesasa abe no. Ūqui ngue paama i ja Jesús je ra. Jesús isi aronea tuchite que mbia rêsaa ra. Eireite quiatu ngue mbia tubirã si re. ²⁰ Ererecua que mbia icuã mondo mondo quia Jesús cheë andu andu ra. —¡Jêturã jêsaã saã oso Jesús je jê! ¡Echeë ndese jenyiisaquia quiatu ure je jê! Mbae mo nii ñee icuã mose, inandeisi rei jê! Ererecua tuchi je nandemondo cote, i ja que ererecua ñee nda. ²¹ Ae chi uturã naa naate Jesús je nae, ūqui ngue ñee ee ra. —Jesús, co ereico mbia mbaaquiату quiatu turãte co. Mbia jaje ndeturãte riqui co. Mbia erembaaquiату quiatu turãte quia Dios icha rĩ co. ²² Nyebe ureico nguiaã ñee ndeje a. ¿Coche mbia mbae isiquia mee mee mose Romano nderecua je re? ¿Uremee nda ee re? ¿Uremee eã nda ee re no? i que ñee Jesús je ra. ²³ Jesús que ūqui icuã icuate ra. Nyebe ñee nguiaã ee. —¿Mbaerã jêingo “ĩ nda Jesús ucheë nyabi”, i seje re? ²⁴ Mbae isiquia mo jêteacuquia imbu seje. ¿Aba mbae nombre ñi mbae isiquia rese a re? ¿Aba ãqui aingue abe ñi a re? i que Jesús ee ra. —Romano nderecua, i que ñee Jesús je ra. ²⁵ Jesús que ñee ee cote ra. —Romano nderecua mbaerã jemee ño ee. Dios mbaerã jemee ño ee, i que Jesús ee ra. ²⁶ Jesús que ucheë nyabi aroneate ee ra. Ūqui ngue nyuruira jate u Jesús cheë andu ra. Nyebe eriqui ñee eã ee cote.

Mbia raaque ra quera si, i Jesús

²⁷ —Mbia raaque ra quera eã mbei, i que mbiamo nguia ñee nda. Saduceos i que ūqui je ra. Ūqui mo ngue nyoi ñee Jesús je ra. ²⁸ —Ã ngue Moisés mbesa nande je ra: “Emo eriiĩrã mano mose, ngũinisi recha mose, sã enongue mano je ninisi rerequia. Sã tiĩrĩ ngõngue raaque rĩrĩ”, i que Moisés embesa nande je ra. ²⁹ Sã eriqui mo ndiqui no. Eribi que seis ra. Eriqui que ngũinisirã queroco rei ra. Mano ño ngue tiĩrĩ ndocoĩ ngũinisi recha ra. ³⁰ Enongue que nguiqui checha queroco rei cote ra. Ae abe que mano ño tiĩrĩ ndocoĩ no nda. ³¹ Enongue abe que

equereco rei cote no nda. Ae abe que mano ño tiirĩ ndocoĩ no nda. Ūqui seis ja que ngõngue cheecha quereco ja rei ra. Mano ja tuchi chõ ngue tiirĩ ndocoĩ no nda. ³² Eninisi eru cheecha abe que mano ño nyee cote ra. ³³ Siete que eru nyii resẽ. Mbia raaque quera si mose, çabate ra equereco cote re? i que saduceos ñee Jesús je ra. —Ma Jesús ñee icuã no, i chõ ngue re.

³⁴ Jesús que ñee ee ra. —Aa chõ mbia riqui nguiã ngüinisi rerequia querabe. Siqui mose ïbii. ³⁵ Ae raaque ra Dios mbuquera si nae, ae ra Dios mingo bei nyiese nae, ūqui nda ngüinisi quereco eã mbei huee cote. Ūqui nda ngu quereco eã mbei huee cote no. ³⁶ Huee quiatu ra mbia manoã mbei. Angeles rã mbei ra mbia riqui huee cote. Dios riirĩ tuchi ra eriqui huee mose cote. Embuquerái quiatu ra cote. ³⁷ Moisés abe que mbia mbiirandu ra. “Mbia raaque quera quera bei quia co”, i que Moisés ra. “Se rei Dios. Abraham nderecua chõ aico nguiã co. Isaac nderecua abe. Jacob nderecua abe no’, i que Dios ra”, i que Moisés embesa ra. Ira ruri rendi mose que Dios Moisés mbiirandu ūqui ndese ra. ³⁸ Ūqui mano ndaque nyii. Ūqui ndeco siqui bei chõ nguiã ūqui. Mbia raaque rerecua eã ño Dios re. Mbia reco rerecua chõ ñene. Mbia reco ja chõ siqui nguiã Dios je ã, i que Jesús ee ra. ³⁹ —Ndecheẽ turãte, i que embesasa mo ñee Jesús je ra. ⁴⁰ Ae “Jesús nandembicuã” i rei quia, ūqui ngue ñee eã Jesús je cote ra.

çAba rucucha Cristo re?

⁴¹ Jesús que ñee mbia je ra. —Se abe tacheẽ jẽje cote. çMbaerã mbia riqui ñee nde? “David rucucha chõ Cristo re” i re. ⁴² David si que “sererecua” i Cristo je ra. Sã David çimbesa Salmos no: Dios que ñee Cristo sererecua je ra. “Ecoi sejii.

Nde abe ra ererecua serese.

⁴³ Ae ndeucuãyãte quia nae, ūqui je ra ndequirãcuã atecuquia tuchi.

Ndequirãcuã tuchi chee ra ūqui si”, i que Dios sererecua je ra,

i que David embesa ra. ⁴⁴ David si chõ “sererecua” i nguiã Cristo je. çMañi nda David rucucha Cristo re? Jeñee ño seje, i que Jesús ūqui je ra.

Jesús ñee asi embesasa je

⁴⁵ Mbia ja rêsaa que Jesús ñee uchimbaaquiatiu je cote ra. ⁴⁶ —jEmbesasa rã ño nda jẽngochĩ je! Ūqui ucuasu saã saã mbeite quia ã. Huĩrao turã equereco beite quia ã. “Sã mbia ererecua i nande je”, i beite equia ã. Mbia renda turã abe eirabo rabo beite quia mbia si ã. “Fiestacha jii quia tai jẽ”, i abe bei equia ã no. ⁴⁷ Ari eru cheecha mbae abe embutiã tiã nguia ã no. Ucheẽ

oco abe esaã saã mbeite quia Dios je ã no. “I nda mbia mae nanderese”, i chõ nguiã. Ūqui nda Dios mbasi tuchi cote, i que Jesús uchimbaaquiatiu je ra.

21

Eru cheecha mbaecha reã mo mbae mo mee Dios je

¹ Jesús que nyoi nyoi quia Dios chuchúaa ra. Hue que mbia mbaecha riqui ofrenda mondo mondo ofrenda riru ye ra. ² Eru cheecha abe que siqui ra. Ae que centavos nyeremoño mondo ofrendarã nda. Mbaecha reãte quiatu ngue ae re. ³ Jesús que ñee nda. —Tacheẽ tuchi jẽje. Eru cheecha mbaecha reã ngue mbae mondo tuchi mbia ataque si ra. ⁴ Mbaecha quiatu que umbae rire ñetẽ mondo mondo ra. Eru cheecha quiatu nbbbbknnnknnnnnnn que umbae mii mondo ja nguia, i que Jesús ra.

Mbia ra Dios chuchua mbucoi ja, i Jesús

⁵ Mbia que ñee ñee Dios chuchua turã nii nda. Tuchua mbarõ ji sita turã nii. Mbae aba queteamba riĩ abe no, Dios chuchua jenda. Jesús que ñee mbia je cote ra. ⁶ —Ae rese jẽingo mae nae, ūqui nda mbiamo mbutiã ja cote. Sita mo nda chi eã nyuchuarõ cote. Mbia ra tuchua mbucoi ja tuchi. Dios chuchua ra chi eã juã cote, i que Jesús ra.

Mbae ua ja nonde

⁷ —çManose ra ūqui nde? çMañi ure ra equia irandu mbae ua nonde re? i que Jesús çimbaaquiatiu ee ra. ⁸ Jesús que ñee ee ra. —Jẽtesa jiri quia jẽ. Mbia ra jembiri irichĩ jẽ. “Cristo chõ se re”, i ra mbia ñee ata atate jẽje. “Co rei é co cote”, i ra mbia ñee ata atate jẽje no. Ūqui nda jẽanduchĩ. Ñeeñoõno je chõ ūqui nde. ⁹ Mbia ra ñee ñee tuchi nyiiquia iquia je riĩ. Guerra riĩ abe no. Ūqui mose ra jẽsiquichechĩ jẽ. Ūqui ja rane nda nyecua raque. Aque mose ra mbae ja ua eã ná, i que Jesús mbia mbaaquiatiu ra.

¹⁰ —Mbia ra guerra saã tuchi chee. Nyiiquia iquia tuchi rae. ¹¹ Ibi ra nyere nyere tuchi. Mbia mo abe riãcuã tuchi ra aque mose. Emo ñooñoa tuchi ra mbia rasi. Mbia mae sayã nda nyecua tuchi ibei ri cote. ¹² Ūqui nonde ra mbia icuã icuã tuchi jẽ je seriĩ. Nguerecua je ra mbia jenderao rao tuchi. Ererecua abe icuã icuã tuchi ra jẽje. Jẽtarõ tarõ tuchi ra seriĩ. ¹³ Ūqui mose nda secheẽ jẽsenei senei tuchi mbia je chã. ¹⁴ çManyae ra ūqui ñee ndibishorõ nde? jenyechĩ nda ñee ūqui nonde jẽ. ¹⁵ Se chõ nda jaembucheẽ turã nguia aque mose. Nyebe ra jẽucuayãsa jeñee ndibishorõ aroneate aque mose. ¹⁶ Jendu ra jemondo chee mbia icuã je. Jenongue abe ra jemondo chee mbia icuã je no. Jendesenda abe ra jemondo chee mbia icuã je no. Jẽquiato abe no. Ūqui nda

jemo iquia chee no. ¹⁷Mbia ra jëucuaã tuchi serii. ¹⁸Jësiquichechi nda esi. Jaendeaquiatu tuchi ra aque mose. ¹⁹Jëñimbiracua mose ra Dios jemingo turã mbei.

Jerusalén tiã tuchi rae, i Jesús

²⁰Soldados Jerusalén mama mose, aque mose ra Jerusalén mbutiã cote. ²¹Sã Judea jenda choi uchã ibi ibate rüchã aque mose. Sã Jerusalén jenda abe choi uchã hue si. Ae chi isho isho Jerusalén si nae, sã ùquĩ nyebibe eã Jerusalén ndichã aque mose. ²²Aque mose ra mbia mbae icuã ja irara tuchi huicua nã. Embesa ji cheë nda ique ja aque mose. ²³Aba mbia eã tuchi ra emo àquë ndiru rerequia mose aque mose. Ngui-irĩ mbuquiambu je abe no. Mbia ra mbae rasi saã tuchi aque mose. Mbae icuã nda irara tuchi huicua nã. ²⁴Aque mose ra mbia guerra raã tuchi. Mbia ra nyiãquia iquia aque mose. Jerusalén jenda ra sasë tuchi aque mose. Mbia ra ecuruchoi choi tuchi tarõ isho. Judios eã nda chi tuchi Jerusalén aque mose. Dios ra emondochoi chee hue si cote.

Dios riirĩ nda tube ibate si

²⁵Mbia mae sayã ndese ra mbia mae tuchi ibei rĩ cote. Tenda rese. Nyasi rese abe no. Nyasi tata rese abe no. Ama ndisha ra sieu tuchi quia aque mose cote. Mbia ra titi titi i tuchi aque mose. Quiachã tuchi rae. ²⁶Mbia chiã nda cuaacua i tuchi aque mose. “Mbae rasi ra nandesaã tuchichĩ nde”, i tuchi ra titi titi i. Ibei jenda abe chee ra quiata quiata cote. ²⁷Aque mose tuchi ra achube ibii cote. Ibeishĩ ndese ra achu. Senininya tuchi ra achu. Sequiracua tuchi ra achu. ²⁸Ûquĩ ndese jemae mose, jëo jëo tuchi aque mose jë. Dios ra jendiro jëi mbae icuã si aque mose cote, i que Jesús ra. ²⁹Jesús que ñeembe ee ra. —Sã higuera riqui no. Sã ira mo ndiqui no. ³⁰Ero quira usë ja mose, “iraro itõ ndacu ra cote”, i chõ mbia nguiã aque mose cote. ³¹Ei si chõ nda mbia mae mbae ja rese cote. Ûquĩ ndese mae mose, “achite Jesús ñi tu a cote”, jenyè rae. “Mbia rerecua tuchi ra Dios cote”, jenyè ra aque mose. ³²Ae siqui quia mbia aque mose nae, ùquĩ nda manaõ mbae ua ja mose chee. ³³Ibei ra ua. Ibi abe ra ua. Secheë nguia ra uayã mbei.

³⁴⁻³⁵Mbia ndua eã mose serese ra achu cote. Ibi jenda ja ra ambua tuchi u. Jë nguia seraarõ arõ mbei quia. Mbae icuã ndese siqui rocoi. Quiacua siqui rocoi. Mbae rese ndua ata ata rocoi. Ûquĩ icuã ndese jëingo mose, jaembuate ra u. ³⁶Jëtesa bei quiatu quia serese. Jeñee mbei quiatu quia Dios je. Æ mbae icuã jëi eã sacua jëje. Jëingo turã sacua serese sechu mose, i que Jesús ra.

³⁷Nyaashĩ mose que Jesús riqui mbia mbaaquiatu quiatu Dios chuchua ra. Isa

que eriqui oso oso bei Monte de los Olivos ra. ³⁸Isamamimbe que mbia riqui ngaë ngaë ja bei echeë andu ra. Dios chuchúaa.

22

Jesús nandeisi tarõ, i ja mbia rerecua ñee nyue

¹Achite que fiesta de la pascua cote ra. Mbichae mbuchimatã iriã ngue mbia u u quia aque fiesta mose querabe ra. ²Sacerdotes rerecua que ñee ja nyue ra. Embesasa abe no. —Jesús nandeiquia. ¿Mañi nande ra equia eiquia nonde re? i que equia ñee ñee nyue ra. Eireite que eriqui mbia tubiriã si ra. ³Judas Iscariote, i que Jesús chimbbaaquiatu mo je ra. Satanás que ique aque chiangui re cote ra. ⁴Nyebe aque si nguiã ñee sacerdotes rerecua je. Dios chuchua raarõsa je abe no. —Jesús tamondo jëje. ¿Mañi nande ra equia ee re? i que Judas ñee ee ra. ⁵Ûquĩ iate que Judas ñee mose ee ra. —Mbae isiquia ra uremese ndeje, i que Judas je cote ra. ⁶Judas que eno i mbia ñee mose ee ra. —Jesús tamondo rã jëje mbia tiãsa, i que ñee nda.

Jesús quiaru uchimbbaaquiatu rese

⁷Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimatã iriã ngue eu eu quia no nda. ⁸Jesús que ñee Pedro je ra. Juan abe je. —Jëso oveja mbuchi nande je, i que Jesús ee ra. ⁹Ûquĩ ngue ñee echeë mose ra. —¿Mangue ra aba embuchi mangue re? i que Jesús cheë mose ra. ¹⁰Jesús que ñee ee ra. —Jengasë mose sucha cuasu, emo i rerao rese ra jemae. I ra equerao quia irasa mo ye. Aque rui jëso bei quia ique chee echuchua. ¹¹Tuchuacha je jeñee. “Jesús que urembu ñee ndeje ra. ¿Ma cuarto ra urecu quiaru oveja u que re? Sechimbbaaquiatu rese”, i que Jesús ñee ndeje ra”, jenyè tuchuacha je. ¹²Tuchuacha ra cuarto cuasu mee jëje. Mbia quesa ibatenda ra emee jëje. Embuquiche ji. Huee chõ oveja jembuchi nandequiaru sacua, i que Jesús ñee ee ra. ¹³Pedro que nyo i cote ra. Juan abe. Jesús cheë ndui si tuchi que mbae ei ja cote ra. Huee que oveja mbuchi cote ra.

¹⁴Mbae quiche ja mose que Jesús ngoi uchimbbaaquiatu rese quiaru sacua cote ra. ¹⁵Jesús que ñee ee ra. —Co oveja que ause tuchi quia jendese semana nonde ra. Co mose pascua mose. ¹⁶Pascua mo nda au eã mbei jendese cote. Dios mbia rerecua tuchi mose chee, i que Jesús ee ra. ¹⁷Jesús que vino mbeisa isi cote ra. Gracias i que Dios je ra. Ñee ngue uchimbbaaquiatu je cote ra. —Co jëisi. Jembe jaaja jë. ¹⁸Vino mo nda ambei eã mbei cote. Dios mbia rerecua tuchi mose chee, i que Jesús ra. ¹⁹Jesús que mbichae isi cote ra. Gracias i que Dios je ra.

Siquio que mbuchao chao ee cote ra. Ñee ngue ee cote ra. —Á ndei serete rá ã. Serete ra mano jêje cote. Jendua serete riquio ji rese ã mbichae u mose, i que Jesús ñee ee ra. ²⁰ Eĩ si que Jesús vino mbeisa isi no nda. Quiaru jare. —Á ndei seruqui rá ã. Mbia icuã mbutiã sacuã tuchi chõ seruqui re. Dios cheẽ yasu rui si chõ seruqui riqui nguiã mbia icuã mbutiã co. ²¹ Ae ra semee mbia icuã je nae, aque abe riqui quiaru serese a. ²² Co acua raque quia mano nonde co. Dios cheẽ ndui si co. Ae semee nguia mbia icuã je a nae, aque ra mbae rasi saã tuchi. Aba mbia eã tuchi rae, i que Jesús ee ra. ²³ Echimbaaquiatu que mae jaaja nyiese ra. —Aba tuchi ra emee mbia icuã je reae, i ja jate que nyue ra.

Jesús chimbaaquiatu mbia rerecua saã saã tuchi nyue

²⁴ Aquere que Jesús chimbaaquiatu ñee icuã icuã tuchi nyue ra. —Se quia ererecua tuchi ndesi re, i jaaja que nyue ra. ²⁵ Jesús que ñee ee ra. —Mbia ataque rerecua riqui ucuasu raã naa tuchi ngũimba je ũqui. ²⁶ Eĩ jenyechi nda jêjê. “Ererecuarã se”, jenyechi nda jê. Ae equiatu jiri jemo nae, sã ũqui ndiqui uñetê naa naa ño. Sã ũqui ndiqui tochei chõ nguia. Ae ererecua jemo nae, sã ũqui ndiqui ererecua rimba rá tuchi chõ. ²⁷ Ererecua ngoi chõ nguiã. Erimba mbae mee mee ño nguiã ee. Eĩ eã ño se re. Se quia mbae amee mee nguiã jêje co.

²⁸ Jê nguiatu ngue jêingo beite nguiã serese. Se mbae icuã irara tuchi mose. ²⁹ Nyebe ra jaemii tuchi mbia rerecuarã. Sã seru semii tuchi mbia rerecuarã no. ³⁰ Jêingo tuchi ra serese, se ererecua tuchi mose. Jêquiaru ra serese. Mbae mo abe ra jembei serese no. Israel ndiirĩ nderecua ja ra jê. Judíos rerecua ja ra jê, i que Jesús ee ra.

Jesús aicuayãte resê, ira Pedro serũ, i Jesús

³¹ Jesús que ñee Pedro je cote ra. —Simón, Satanás que ñee jeni nda. “Ndechimbaaquiatu emee na seje. Tã taerã ee. Ma siqui beite Dios rese”, i rei ngue Satanás jeni nde. ³² Acheẽ tuchite que Dios je nderi nda. Nde Dios icua tuchi sacuã. Nde ubabe mose serese, nderesenda abe je echeẽ emingo sacuã serese, i que Jesús Pedro je ra. ³³ Pedro que ñee ee ra. —Sererecua chõ nde re. Aico bei ra se quia nderese. Mbia nda sematã ndei nguiã. Mbia nda sei quia rei nguiã nderese, i que Pedro ra. ³⁴ Jesús que ñee ee ra. —Tacheẽ nyecua ndeje, Pedro. Nguira cheẽ nonde ra erecheẽ ñoñoño tres veces serii namo, Pedro. “Jesús aicuayãte resê”, ere chooño ño nda serii, i que Jesús Pedro je ra.

Embesa ji chee nda ique ja serii cote, i Jesús

³⁵ Jesús que ñee uchimbaaquiatu je ra. —Jaemondo que mbia mbaaquiatu quiatu sacuã nyii, jêochi que jaemondo. Mbae isiquia mo ngue jendao eã tuchi icua. Mbae rirurã mo abe que jendao eãte. Jêiyao eã abe no. ¿Aque mose mbae eãte jêje re? i que Jesús ee ra. —Tei. Urembae tubiriãte que ra, i que echimbaaquiatu ñee Jesús je ra. ³⁶ Jesús que ñee ee ra. —Ae jemo embae rirurã mo nae, jendao cote ae. Ae mbae isiquia mo nae, jendao cote ae. Ae echuuru eãte ti quise mo nae, sã emo isi huirao ribishorõ ae. ³⁷ Sã embesa ji riqui ñee serii no. “Mbia icuã ndese ra Dios ririĩ mingo chee”, i. Ũqui nda ique cote. Embesa ji cheẽ nda ique ja tuchi serii cote, i que Jesús ñee nda. ³⁸ —Co ti quise nyeremo ñi co resê, i que echimbaaquiatu echeẽ mose ra. —Coche ñene, i que Jesús ee ra.

Jesús ñee ngu je

³⁹ Jesús que oso usê taicuee cote ra. Oso que Monte de los Olivos cote ra. Eĩ mbei que ae quia oso oso huee ra. Echimbaaquiatu que nyoĩ erese ra. ⁴⁰ Ngasê mose que ñee uchimbaaquiatu je ra. —Jêñee tuchi Dios je. Satanás tã i eã sacuã jêje, i que Jesús ñee ee ra. ⁴¹ Jesús que oso pe quiti jiri esi ra. Ngoi que nguiã ndese ñee Dios je ra. ⁴² —Paba, ndebi mose sereaquiatu se, mbae rasi raã eã sacuã. Ae sebite nae, ũqui esaã eã seje. Ae ndebite nae, ũqui nguiatu esaã, i que Jesús Dios je ra. ⁴³ Aque mose que ángel mo tu ibate si ee ra. Embirãcuã sacuã. ⁴⁴ Jesús ia eã tuchite que ra. —Mbae rasi ra asaã tuchichi nde, i tuchi que ndua ndua ra. Ñee tuchi que Dios je ra. Eiriei ruqui que tiqui tiqui tuchi quia ibii ra. ⁴⁵ Jesús ñee jare Dios je que juã cote ra. Uchimbaaquiatu rea que esi ra. I que u uque ee ra. Eya eãte quiatu ngue re. ⁴⁶ Ñee ngue ee ra. —¿Mbaerã jêingo uque a re? Jenyuruã eae. Jêñee na Dios je. Satanás tã i eã sacuã jêje, i que Jesús ee ra.

Mbia Jesús nyucua serao

⁴⁷ Jesús cheẽ ua eã mose que mbia ngaẽ jate ee ra. Judas que tu quia mbia nonde ra. Jesús chimbaaquiatu raque que ae ra. Ae que Jesús siichã u eriti riite sacuã nda. ⁴⁸ Jesús que ñee Judas je ra. —¿Ereico seritii riite mbia icuã je sereacuquia sacuã a re? i que Jesús ee ra. ⁴⁹ Jesús resenda que mae u erese ra. Ñee ngue Jesús je ra. —Urererecua, ¿ti quise ra ureuru uru mbia rese re? i que ñee Jesús je ra. ⁵⁰ Jesús resenda mo ngue ti quise uru sacerdote rerecua rimba rese ra. Eisa sia. Eisa equiatocuti quitinda. ⁵¹ —Jêhui esi ae. Coche ñene, i que Jesús ee ra. Oco que eisa rese embucherõ nda. ⁵² Jesús

rerao sacua ño mbia ngaẽ nguia reaẽ. Sacerdotes rerecua. Policía abe no. Judíos rerecua abe no. Nyebe Jesús ñee nguia ee. —¿Mbaerã jenyu quia tiquise reru serea co re? Ira jua abe no. Mbae mbuquiachãsa isi rã ño jenyuchi nguia serea co. ⁵³ Tenda que amumba mumba beite rei quia jendese resẽ. Mbia mbaaquiату quiatu Dios chuchúaa resẽ. ¿Mbaerã jẽingo seisiã secua aque mose re? Isa chõ jenyuchi serea co, mbia mae eã sacua jendese. Itondaru rãnda chõ jẽ nde, i que Jesús ee ra.

Jesús aicuayãte resẽ, ichõño Pedro

⁵⁴ Mbia que Jesús isi nyucua cote ra. Sacerdotes rerecua chuchua que eruruchoi cote ra. Pedro que oso quia ishote erui ra. ⁵⁵ Itaicuee que mbia tata mbucha ra. Huee que echĩ ngoi tata jii ra. Pedro abe que ngoi embirõ nda. ⁵⁶ Nyucuaaque mo ngue chĩ mae nguiatu tuchi Pedro rese ra. Tata rendi que etesaete ee ra. —Aque abe que Jesús resenda, i que mae Pedro rese ra. ⁵⁷ Pedro que ñee ee ra. —Tei. Jesús aicuayãte resẽ, ichõño ngue Pedro nyucuaaque je ra. ⁵⁸ Emo jiri mose que mbia mo mae Pedro rese ra. —Nde abe que Jesús resenda ra, i que Pedro je ra. —Tei. Eresenda eã ño se resẽ, ichõño ngue Pedro ee ra. ⁵⁹ Emo mose jiri que emo ñee ee no nda. —Jesús resenda chõ nde resẽ. Galilea jenda chõ nde abe resẽ, i tuchi que Pedro je ra. ⁶⁰ Pedro que ñee ee ra. —Tei. Ndecheẽ aicuayãte resẽ, ichõño ngue Pedro ee ra. Pedro cheẽ mose tuchi que nguira ñee cote ra. ⁶¹ Jesús que uba mae Pedro rese nguira cheẽ mose cote ra. Pedro que ndua Jesús cheẽ ndese cote ra. —Nguira cheẽ nonde ra echeẽ ñooño tres veces seriĩ, sã Jesús i Pedro je nyii no. ⁶² Pedro ndua mose ùqui ndese que esi nyeseo pe jiri ra.

Mbia iquia chooño Jesús je

⁶³ Ae Jesús isi mii nae, ùqui ngue iquia iquia tuchi u Jesús je ra. Ucuu ucua tuchi que u erese ra. ⁶⁴ Jesús resa abe que echati ra. Eruba rese que ucua ucua tuchi ra. —¿Aba ucua ucua quia nderuba rese a re? i abe que equia Jesús resa ati ji je ra. ⁶⁵ Ùqui mii eã ngue eriqui ñee ee ra. Mbae ja rii ngue embuqueta ra.

Mbia Jesús ruruchoi ererecua chumunua mose

⁶⁶ I que nyaashĩ u quia ra. Aque mose que ererecua ñumunua ja ra. Judíos rerecua. Sacerdotes rerecua abe no. Embesasa abe no. Ùqui ñumunua mose que Jesús ruruchoi ee cote ra. Ererecua que ñee ja Jesús je cote ra. ⁶⁷ —¿Cristo nde re? Echeẽ tuchi ure je no, i que ererecua ñee Jesús je ra. —“Cristo chõ se re”, ae raque ra jẽje, “nyia”, jenyete ra secheẽ mose. ⁶⁸ Se abe preguntar i mose jẽje mbae mo nii, jeñee ãte chõ nda

secheẽ ndibishorõ. Jẽhui eã abe ra sesi no. ⁶⁹ Namo jiri ra acoi Dios quietocuti cote. Hue bei ra aĩ cote. Dios quirãcuã na si ra aico mbia rerecua cote, i que Jesús ñee ererecua chumunua mose ra. ⁷⁰ Ñee ja que Jesús je cote ra. —¿Dios rucucha chõ nde re? i ja que ñee Jesús je ra. —Ae. Dios rucucha rei se, i que Jesús ee ra. ⁷¹ Ererecua que ñee ja nyue ra. —¿Mbaerã nda mbia Jesús icuã nenei i ite nande je re? Jesús cheẽ icuã ngue nandechandu rei nande abe resẽ. Sã mbia equia, i que ererecua ñee ja nyue ra.

23

Mbia Jesús ruruchoi Pilato je

¹ Judíos rerecua que juã ja cote ra. Jesús que ecuruchoi Pilato je cote ra. ² Ùqui ngue ñee icuãte Pilato je Jesús rii nda. —Jesús que mbia mbaaquiату icuã icuãte quia ra jẽ. “Impuestos ra jemee mechiã mbia rerecua je”, i chõ ngue equia mbia je ra jẽ. “Se chõ Cristo re. Mbia rerecuarã nda se”, i que equia ra, i que judíos rerecua ñee icuã Jesús rii nda. ³ —¿Judíos rerecua nde re? i que Pilato ñee Jesús je ra. —Ae. Judíos rerecua chõ se re, i que Jesús ee ra. ⁴ Pilato que ñee mbia je cote ra. Sacerdotes rerecua je abe no. —“Mbae icuã mo ngue Jesús saã nda”, ae aroneate eriĩ, i que Pilato ra. ⁵ Judíos que ñee asite ee ra. —Jesús riqui mbia mbaaquiату icuã icuã tuchi co. Mbia mbesa chooño. Judíos mbaaquiату icuã icuã ja. Galilea jenda rane. A jenda abe chee cote, i que ñee asite Pilato je ra.

Mbia Jesús ruruchoi Herodes je

⁶ Galilea jenda, i mose que Pilato ñee ee ra. —¿Galilea jenda chõ Jesús re? i que mbia je ra. ⁷ —Ae. Galilea jenda chõ Jesús re, i que mbia Pilato je ra. Nyebe Pilato Jesús mondo nguia Herodes je. Galilea jenda rerecua quiatu ngue Herodes re. Herodes que siqui Jerusalén aque mose ra. ⁸ Herodes que maese beite quia Jesús rese ra. Jesús rese que eriqui jirandu beite ra. —Jesús nda mbia mae sayã mo saã na serésaa chã, i beite que equia ra. Nyebe eya tuchi nguia mae mose Jesús rese cote. ⁹ Herodes que ñee atate rei Jesús je ra. Jesús que ñeeã mbeite echeẽ ndibishorõ nda. ¹⁰ Sacerdotes rerecua abe que chi ra. Embesasa abe no. Ùqui ngue ñee icuã icuãte quia Jesús rii nda. ¹¹ Herodes que iquia iquia chõ nguia Jesús rii nda. Erimba soldados abe no. Jesús ririrõ tuchi que equia ra. Tiru nininya tuchi que emingue Jesús je ra. Ererecua raã naa tuchi Jesús je. Aquere que Herodes embuchebi mondo Pilato je cote ra. ¹² Aque mose ramo ngue Herodes quiato Pilato cote ra. Eicuã icuã mbeite que eriqui nyue nyii ra.

Jesús jẽiquia mbucha ira rese, i ererecua

¹³ Pilato que mbia rerecua munua ja ra. Sacerdote rerecua. Judíos rerecua abe no. Mbia ja abe no. ¹⁴ Ñee ngue mbia je cote ra. —Jē ngue Jesús jendu rei seje ra. “Mbia mbiri irisa chō Jesús re”, jenye rei que seje ra. Acheē ocote rei que ee jēsaa ra. Ae jeñee ndei seje nae, ũquí icuã mo eãte seje Jesús rii. ¹⁵ Herodes je abe mbae icuã mo eãte Jesús rii. Herodes que Jesús mbube chō nande je ra. ¿Mbaerã nda nandei quia re? Mbae icuã mo ngue esaã eãte resē. ¹⁶ Tairuã nua ño. Aquere tambui mondo, i rei que Pilato ñee mbia je ra. ¹⁷ Pascua mose bei que Pilato riqui mbia matã ji mii mbui bei ra.

¹⁸ Mbia que tasē tasēte ñeemombo mombo Pilato je ra. —Jesús eiquia. Barrabás quia embui ure je, i tuchi que mbia quia Pilato je ra. ¹⁹ Barrabás tarō ji que chĩ nda. Mbia iquiasa tuchi que ae ra. Romanos nderecua je abe que eicuã icuã tuchi riqui ra. ²⁰ —Jesús quia tambui, i rei que Pilato ñeembe mbia je ra. ²¹ —Jesús embucha ira rese, i tuchi que mbia quia tasē i i ra. ²² Pilato que ñee si ee ra. Tres veces cote. —¿Mbaerã nda Jesús aiquia re? ¿Mbae icuã esaã nde? Mbae icuã esaã eãte umano sacuã. Tairuã nua ño. Aquere tambui mondo, i rei que Pilato ra. ²³ Mbia que ñee mombo mombo tuchite ee ra. —¡Eiquia jê! ¡Ira rese embucha jê! i tuchi que mbia quia tasē tasē ee ra. Sacerdotes rerecua abe que tasē i ite ra. Eno i chee que Pilato cote ra. ²⁴ Pilato que mbia cheē mumbayã nyee ra. ²⁵ Pilato que Barrabás mbui mondo cote ra. Mbia iquia iquiasate raque ae. Ñee icuã icuãstate raque ererecua je. Pilato que Jesús mee mbia je cote ra. Eiquia sacuã.

Mbia Jesús mbuchesecho ira rese

²⁶ Soldados que Jesús curuchoi eiquia sacuã cote ra. I rei que emo u quia uco si ra. Simón, i que ee ra. Cirene jenda mo ngue ae ra. Aque que soldados isi ra. Ira mbuchicuandasa ji rerao sacuã Jesús rui. Cruz, i equia ee. ²⁷ Mbia tubiriã ngue nyoi quia erui ra. Cuña abe tubiriã. ũquí ngue nyoi quia tasē tasē tuchi nyeseo erese ra. ²⁸ Jesús que uba mae ñee ee ra. —Cuña, jenyeseochĩ nguiã serese. Jenyiese quia jenyeseo. Jendiirĩ abe rese quia jenyeseo, Jerusalén jenda. ²⁹ Mbae icuã nda tuutu tuchi jêje cote. Ae eririĩ nderecua nae, ũquí nda mbae rasi saã tuchi aque mose cote. Aque mose quiatu bichĩ mbia ririĩ eã ja mbite re. Mbae icuã tuchite quia nda aque mose cote re. ³⁰ “Amano ño mbichĩ se”, i tuchi ra mbia aque mose cote. “Sita ibate tu chō mbichĩ seati”, i tuchi ra mbia aque mose cote. ³¹ Se chee mbia riquichĩ sembasi mbasi a. Seicuã eã ndaque se. Mbia quiatu ra mbae rasi saã tuchi huicuã nii cote, i que Jesús ñee nda.

³² Soldados que mbia icuã nyeremo curuchoi Jesús rese eiquia sacuã nda. ³³ Ngasē ngue ibi ibate mo cote ra. Eresa cuare, i que hue je ra. Huee que Jesús mbucha ira rese cote ra. ũquí mbia icuã abe que embucha ira rese ra. Enongue que emii Jesús quiatocuti ra. Equiatocutiã ngue enongue mii no nda. ³⁴ Mbia Jesús mbucha mose ira rese que Jesús ñee Dios je ra. —Paba, ã icuã embutiã esi. Ñimbaaquiutuã equia seiquia ã, i que Jesús Dios je ra. Soldados que sita ñetē mbaaba aba o je ra. —Aba ra ja. Aba mbaerã nda Jesús irao reae, i que nyue ra. ³⁵ Mbia que chi ja tuchi mae erese ra. Ererecua abe chee que chi iquia iquia Jesús je ra. —Ma ndequirãcuãte. Mbia que erembucherō cherō tuchi quia. ¿Mbaerã ereico eĩ ãte ndechue nde abe re? Dios ririĩ nde reaē, i que ererecua u iquia iquia Jesús je ra. ³⁶ Soldados abe que iquia iquia chō nguia ee ra. Vinagre chiquino ngue emee ndei ee echimbei sacuã nda. ³⁷ —¿Mbaerã ereico nguichi ãte ira si nde ae re? Judíos rerecua rei nde reaē, i que soldados iquia iquia Jesús je ra. ³⁸ Mbia que embesa ji mii Jesús ãquí quiti ibate ra. JUDIOS RERECUA CHŌ CO RE, i que embesa ji huĩ nda. Griego cheē. Latín ñee abe no. Hebreo cheē abe no.

³⁹ Ae mbia icuã mbuchesecho ji chi Jesús rese nae, ũquí mo ngue ñee icuã Jesús je ra. —¿Mbaerã ereico nguichiã nde ae re? ¿Mbaerã ereico urembuquichiate ure abe re? Dios ririĩ nde reaē, i que ũquí mo ñeemombo Jesús je ra. ⁴⁰ Enongue que ñee ee ra. —¿Mbaerã ereico ñee ũquí Jesús je re? ¿Ndesiquiche ãte eriqui Dios si re? Ereico mano Jesús rã si a resē. ⁴¹ Nandeico mano nandei quia nii a resē. Jesús quiatu que mbae icuã saã eãte rei resē, i que enongue ñee ee ra. ⁴² Aque sí que ñee Jesús je cote ra. —Jesús, endua serese nde ererecuarã mose, i que ñee Jesús je ra. ⁴³ Jesús que ñee ee ra. —Tacheē nyecua ndeje. Ereico ra serese namo Dios rese seico mose, i que Jesús ee ra.

Jesús mano cote

⁴⁴ Tenda chĩ mose nandeite re que itondaru ru cote ra. Ibi ja que itondaru ra. Itondaru beite que ra. Tenda nyedero chee. Tres horas que ra. ⁴⁵ Tenda cuute que aque mose ra. Tiru mbuchesecho ji Dios chuchua jenda que nyisia turã nda. ⁴⁶ Jesús que ñee mombo ngu je ra. —Paba, aso quia nderea aque, i que ra. Mano ngue cote ra. ⁴⁷ Soldado rerecua que mae tuchi huĩ erese ra. Ae que ñee turã Dios rii cote ra. —Mbae icuã naasa eã tuchi chō Jesús riqui re, i que maende erese ra. ⁴⁸ Mbia tubiriã chi quia mae ja erese nae, ũquí ia eã tuchi que nyoi quia uchiã isi cote ra. ⁴⁹ Mbia Jesús chi quia ja que chi isho mae erese ra. Ae cuña nyoi

beite quia erese Galilea si nae, ũqui abe que chi isho mae erese ra.

Mbia Jesús raaque chati cote

⁵⁰ I que mbia turã mo nguia huee ra. José, i que ee ra. Judío mo ngue ae ra. Arimatea jenda que ae ra. Judíos rerecua mo ngue ae ra. ⁵¹ José ia eâte que ererecua ataque rese Jesús iquia mose ra. Ae que Dios quiatote ra. —Dios ra ererecua, i beite que equia eraarõ arõ nda. ⁵² —Jesús raaque emee na seje, i que José oso ñee Pilato je ra. ⁵³ José que Jesús raaque mbuquichi cote ra. Tiru je que ema nda. Sita ribicoi ji imi ye que emondo ra. Mbia raaque mo ngue emondo eâte huee nyii ra. ⁵⁴ Viernes que aque mose ra. Mbia que icuquiatu ja quia sábadu nonde ra. ⁵⁵ Ae cuña nyoí beite quia Jesús rese Galilea si nae, ũqui ngue nyoí sita imi ndese mae nda. Jesús raaque iti ji rese que mae tuchi ra. ⁵⁶ Nyebi que ehoi uchuchua ra. Aba mbushimbusa que esañ nyoí ra. Sábado mose que ũqui uquenea ucua cote ra. Dios cheẽ si.

24

Jesús raaque quera si

¹ Isamamimbe tuchi que cuña nyoí domingo mose sita imi ndese mae nda. Aba mbushimbusa que ecuruchoi rei eichusẽ chusẽ sacua Jesús raaque rese ra. Cuña mo abe que nyoí quia erese ra. ² I que sita eraaque atiquia ruruba ji u ee ra. ³ Cuña ngue ique rei nyoí sita imi ye ra. Jesús raaque oreâte que ee ra. ⁴ Tiri i tuchi que ra. —¿Mañi nda aba re? i tuchi que ra. Aque mose que mbia nyeremo chi juã ee ra. Eirao nininya tuchi que chi ee ra. ⁵ Cuña ngue titi titi i tuchi u ra. Nyebe echi nguã nyibi beite. Angeles que ñee ee ra. —¿Mbaerã jëingo Jesús raaque requia requia a re? Quera si que resẽ. ⁶ Emoate a resẽ. Quera si que resẽ. Sã ñee jëje siqui mose Galilea no. ⁷ “Mbia icuañ nda seisi iquia. Sembucha ra ira rese. Tres días mose ra aquera si”, i que jëje nyii resẽ, i que ángeles ñee cuña je ra. ⁸ ũqui ndese que aña ndua cote ra. ⁹ Cuña ngue nyebi cuaẽ mbia mbiirandu ja cote ra. Jesús chimbaaquiatu once abe mbiirandu. ¹⁰ María Magdalena i que mbia mbiirandusa je ra. Juana i que emo je ra. María i que enongue je ra. Jacobo si que María ra. Cuña mo abe abe que ra. ¹¹ Nyia iã ñochĩ Jesús chimbaaquiatu cuña ñee mose ee. Cuña ñee ñooño nei nguã ee. ¹² Pedro que oso uchã sita imi ndese mae nda. Nyurucua que mae erese ra. Jesús umanda achõ ngue chi ee ra. Pedro que nyebi oso quia ndua ndua Jesús oreã cote ra.

Jesús ngata querare uquiato rese

¹³ I que Jesús quiatu nyeremo nyoí quia aque mose ra. Emañ quiti que ehoi quia ra. Dos leguas que Jerusalén si ra. ¹⁴ ũqui ngue nyoí quia ñee ñee nyue ra. Jesús mano nií. Jesús raaque oreã nií abe no. ¹⁵ ũqui ñee ñee ndichã ngue Jesús si ra. Erese que Jesús si quia ngata cote ra. ¹⁶ ũqui ngue mae ndei Jesús rese ra. Icuã eâte chõ ngue ra. Mbiamo nda eriqui rei ee raẽ. ¹⁷ Jesús que ñee nyee ee ra. —¿Mbae riñ jëingo ñee nyue ã nde? ¿Mbaerã jëya eâte riqui re? i que Jesús ñee ee ra. ¹⁸ ũqui mo ngue ñee Jesús je cote ra. Cleofas, i equia ee. —¿Ereiranuate erese re? ¿Nde miñ ño ereiranua erese ndeico mose Jerusalén nde? i que Cleofas ñee ee ra. ¹⁹ —¿Mbae rese? i que Jesús ee ra. ũqui ngue ñeembe ee ra. —Jesús rese. Nazaret jenda rese. Dios cheẽ nenei neneisa tuchi rei que ae ra. Equirãcuã tuchi rei que ae ra. Mbia que mae ja tuchi rei equirãcuã ndese ra. ²⁰ Mbia rerecua que Jesús iquia cote ra. Sacerdotes rerecua abe chõ ngue Jesús iquia nguã. Nyebe soldados equia nguã mbucha ira rese cote. ²¹ Israel jenda rerecua rei nda ure je. Tres días chee namo cote emano mosenda bei. ²² Uresenda cuña mo ngue ñee uremudi tuchi ra. ũqui ngue nyoí rei eatísaa nyaashĩ namo mose ra. ²³ Jesús raaque oreãte nda ee ra. Nyebe ecuaẽ nguã urembiirandu cote. Angeles mo nda chi ee eatísaa ra. “Jesús que quera si ra”, i nda ángeles ñee ee ra. ²⁴ Aquere que ureresenda mo abe nyoí eatísaa ra. Cuña ñee ndui si que Jesús raaque oreãte ee ra. Jesús rese quiatu que mae eã nda, i que Cleofas ñee Jesús si je ra. Jesús eã nda eriqui rei ee raẽ. ²⁵ Jesús que ñee ee cote ra. —¿Mbaerã jëaquiatuãte riqui re? ¿Mbaerã jëingo Dios cheẽ icuayãte re? ¿Mbaerã jëingo Dios cheẽ nenei neneisa chimbesa icuayãte re? ²⁶ Sã embesa ji ñee no. “Cristo ra mbae rasi saã ja oso nonde ibate”, i que embesa ji no, i que Jesús ee ra. ²⁷ Jesús que Dios cheẽ mbuchecua ja ee cote ra. Ngasi riñ. Umano nií abe no. Uquera riñ abe no. Moisés chimbesa que embuchecua ee ra. Aquere que Dios cheẽ nenei neneisa chimbesa abe mbuchecua ja ee ra.

²⁸ Ngasẽ ngue ũqui nyuchúaa cote ra. Jesús que ngata i abareã oso ra. ²⁹ Jesús ngata i abareã mose que ũqui eriquisã nda. —Eitõ urerese aa ae. Tenda osote resẽ. Itondarute ra ndeje resẽ, i que ñee ee ra. Nyebe Jesús ique nguã echuchúaa erese. ³⁰ Ngoi ja que quiaru nonde cote ra. Jesús abe que ngoi erese ra. Mbichae que esirõ o je cote ra. Gracias i que Dios ibatenda je mbichae riñ nda. Mbichae que esiquio mondo ee cote ra. ³¹ ũqui mose tuchi que Dios mbia mumae turã tuchi Jesús icua sacua cote ra. Jesús icua ramo sacua cote. Jesús que quiachá asi

esi cote ra. ³² Ūquĩ ngue ñee ñee nyue cote ra. —Jesús chō eriqui reaē. Nyebe nandeya tuchite riqui nguĩā Dios cheē mbuchecua checua mose nande je ñeenda cúa, i que equia ñee ñee nyue ra. ³³ Nyebe echoi jei nguĩā nyebi si Jerusalén. Huee que Jesús chimbacquiātu chí ñumunua ee ra. Eresenda mo abe rese. ³⁴ Ūquĩ ñumunua je que ñee ee ra. —Jesús que quera si ra. Ae bei. Simón ngue mae erese ra, i que ñumunua je ee ra. ³⁵ Aquere que ūquĩ nyeremo ñee mbia chumunua je cote ra. —Jesús rese que uremae ñeenda cúa ra. Urembaacquiātu quiātu que umano ñi nda. Uquera riĩ abe no. Mbichae riquio mose ure je, aque mose ramo ngue Jesús ureicua ra, i que mbia mbiirandu ja ra.

Jesús nyecua uchimbacquiātu je

³⁶ Ūquĩ ñee ua eā mose que Jesús nyecua ee ra. Mbia ite re. —Jēya chō serese, i que ñee ee ra. ³⁷ Mbia que titi titi i tuchi u mae erese ra. Aba checuayā nda Jesús riqui rei ee raē. ³⁸ Jesús que ñee ee ra. —¿Mbaerā jēsiquichete riqui re? ¿Mbaerā “Jesús chō eriqui re” jenye eā seje re? ³⁹ ¡Sā jē! Jemae seo rese. Jemae sei abe rese ae. Jēoco serese ae. ¡Sā se si chō jē! Aba checuayā nguia eroo eā nde. Equiangue eā abe no. Se rā eā, i que Jesús ee ra. ⁴⁰ O que eteacucua ee cote ra. Hui abe que eteacucua ee ra. ⁴¹ —Jesús chō eriqui re, i eā ngue ra. Ndua ndua chō erese. Eyate raque erese. Jesús que ñeembe ee ra. —¿Mbae mo ndei eu sacua aa re? i que ee ra. ⁴² Sira resi ji que emee ee ra. Irao abe que emee ee eretā ndesebe ra. ⁴³ Jesús que eisi eu bei ūquĩ ndésaa cote ra.

⁴⁴ Jesús que ñee ee cote ra. —Sā acheē jēje seico mose jendese nyii no. “Ae Moisés mbesa serĩ nae, ūquĩ nda ique ja serĩ cote. Dios cheē nenei neneisa chimbesa abe ra ique ja cote. Salmos ndesenda cheē abe ra ique ja serĩ cote”, ae que se quia jēje nyii. Ūquĩ ngue ique ja semana mose cote ra. Sequera mose abe no, i que Jesús ñee ee ra. ⁴⁵ Dios cheē ngue embuchecua checua ee cote ra. ⁴⁶ Jesús que ñeembe ee ra. —Sā embesa ji riqui ñee no: “Cristo ra mbae rasi saā tuchi mano nonde. Tres días mose ra quera si. ⁴⁷ Mbia ra echeē senei senei tuchi cote. Jerusalén jenda je rane nda erenei nenei. Mbia ja je ra erenei nenei cote. ‘Jēicua si jēhui rā. Cristo jēicua mbutiā sacua’, i tuchi ra mbia ja je Cristo riĩ cote”, i que embesa ji quia nae. ⁴⁸ Ūquĩ ique quia ā cote. Jemae nguia erese ā cote. ⁴⁹ Ae je Paba ñee jēje nae, “Espíritu Turā tamondo jēje”, i equia jēje nae, aque tamee jēje cote. A jenguchō na Jerusalén. Paba ibatenda quirācuā mee nyee jēje, i que Jesús ñee uchimbacquiātu je ra.

Jesús nyui oso ibate

⁵⁰ Jesús que equerao ja pe jiri Jerusalén si cote ra. Betania i que hue sucha je ra. Jesús que o mumbate ñee uchimbacquiātu je cote ra. —Sā Dios jendeaquiātu turā, i ee. ⁵¹ Aque mose tuchi que Jesús si nyui ibate erecha cote ra. ⁵² Ūquĩ ngue hue turāte Jesús riĩ nda. Eya tuchi que nyebi nyoi Jerusalén nda. ⁵³ Dios chuchua que eriqui bei nyoi ñee turā Dios riĩ nda. Amén.

EL SANTO EVANGELIO SEGÚN SAN JUAN

Jesucristo rane ngue siqui nyii ra

¹ Dios cheë nane tuchi que nyii ra. Mbae ja si. Dios cheë ndei Jesús. Ae que siqui bei Dios rese ra. Dios si rei Jesús. ² Ae chõ ngue siqui bei Dios rese nyii ra. ³ Dios que mbae chao eã ae ae ra. Jesús rese ae mbae ao ja nguiã. ⁴ Jesús chõ mbia mingo nguiã ã. Nandemíngosa chõ nanderesae nguiã ã. ⁵ Nandemíngosa chõ mbae tesae tuchi nguiã itondaru. Itondaru quia ra emungue aroneãte. ⁶ Dios que emo mbu cote ra. Juan, i que ee ra. ⁷ Juan ngue tu aba resaesa renei nenei mbia je ra. Mbia mbiirandu randu ja. I nda mbia aba resaesa icua ja, Juan ñee nguire. ⁸ Aba resaesa eã ño Juan nde. Emo nii ño Juan ndiqui nguiã ñee. —Ae chõ nanderesae nguiã co, i que Juan nda. ⁹ Aba resaesa que tu ibi cote ra. Aba resaesa chooñoã tuchi que ra. Ae chõ aba resae ja nguiã ã. ¹⁰ Aba resaesa que siqui ibi cote ra. Mbia que eicua eãte chõ nda. Mbae aosa ja raque ae. ¹¹ Aba resaesa que tu rei nguesenda mbirõ nda. Eresenda que eisiteã ñochi nguiã. ¹² Mbia mii mii ño ngue eisi turã turã nguiã. Mbia mii mii ño ngue eicua icua nguiã. Uqui je quia Dios riqui nguiã “seriirĩ” i. ¹³ Mbia riirĩ na eã ño Dios riirĩ ndiqui nguiã nyaacuquia cuquia ã. Áquẽ nyaacuquia rá eã ño Dios riirĩ ndiqui nguiã nyaacuquia cuquia ã cote. Sã emo ndiqui nguinisi rese embiirĩ nae, uqui na eã ño Dios riirĩ ndiqui nguiã nyaacuquia cuquia ã. Dios ae chõ “seriirĩ” i nguiã ee Dios icua mose. ¹⁴ Jesús rei Dios cheë. Jesús que tu mbiarã cote ra. Mbia tuchi que ae cote ra. Siqui que equia urerese cote ra. Echisaã turã ndese que ureico mae cote ra. Eturã tuchi chõ ae re. Ugu rá si chõ ae re. Ichõiñosa reã tuchi chõ ae re. ¹⁵ Juan ngue Jesús senei senei nguia mbia je ra. —Co riĩ ngue acheë jêje resë. “Ae ra tu serui, aque quiarei ererecua tuchi sesi. Ae rane nguia siqui rei seã mose nyii”, ae rei que jêje resë. Ae siqui co cote, i que Juan mbia je ra. ¹⁶ Jesús turã tuchi que ra. Nyebe eriqui nguiã mbae turã mee mee mbei nande je. ¹⁷ Dios cheë mumbayã sacua ngue Moisés ñee ndei nguiã nande je. Jesús quiatu ngue tu nguiã cote. Dios turã nenei nenei nande je. Jesús quiatu ngue Dios cheë ñooñoa senei senei nguiã nande je no. ¹⁸ Emo maeãte Dios rese. Eriirĩ ae que nandembiirandu randu quia Dios rese ra. Eriirĩ nguiarei ngu rá si.

Juan el Bautista ñee turã Jesús riĩ

¹⁹ Judíos Jerusalén jenda que mbia mondochoi ñee Juan je ra. Sacerdotes mondo

erea. Levitas mo ndese. —¿Aba nde re? i sacua Juan je. ²⁰ Juan ngue ñee nyecua tuchi ee ra. —Christo eã ño se re, i que ee ra. ²¹ —¿Abate nde re? ¿Elías chõ nde re? i que judíos chimondo ñeembe Juan je ra. —Tei. Elías eã ño se re, i que Juan ee ra. —Dios cheë mbuchecuasa ra tu, i equia nae, ¿ae chõ nde re? i que mbia ñee Juan je ra. —Tei, i que Juan ee ra. ²² Judíos chimondo que ñeembe Juan je ra. —Ndecheë embuchecua ure je. ¿Abate nde re? I nda ndecheë uresenei uqui je, ae urembu. ¿Mañi ure ra nderi nde? i que Juan je ra. ²³ Juan ngue ñee ee ra. —Tacheë jêje cote. Aba chõ se chã. Mbia amingo quiatu quiatu quia co. Ae ñee mombo mombote quia mbia je turuquia ite re nae, ae chõ se re. —“Ñeenda jembuquiche nandererecua mbaerã”, ae i quia, aque chõ se re, i que Juan nda. (Isaías chimbesa rui si chõ Juan ñee nguiã.) ²⁴ Ae ñee ñee nguia Juan je nae, uqui ndei fariseos chimondo uqui. ²⁵ Fariseos chimondo que ñee ee ra. —¿Mbaerã ereico bautizar i re? Cristo eã ño nde resë. Elías eã ño nde resë. Dios cheë mbuchecuasa eã ño nde resë, i que Juan je ra. ²⁶ Juan ngue ñee ee ra. —I je chõ aico nguiã bautizar i. Emo nguia siqui raque quia jêite re. Aque quia jêicuayãte nguiã co. ²⁷ Enonde aico co. Aque ra tu serui. Ae quia ererecua tuchi sesi re. Erã si eã ño se re, i que Juan fariseos chimondo je ra.

Jesús rei oveja rá

²⁸ Betábara, i que hue sucha je ra. Huee quia fariseos chimondo ñee nguiã Juan je. Ama Jordán ndobei. Ae Juan ndiqui bautizar i, huee. ²⁹ Isamami nongue que Juan mae Jesús rese ra. Jesús que tu quia Juan ndichã nda. —Co mbia icua ndiquicharõ sacua ndu quia co. Oveja riirĩ na eriqui Dios je. Ae ra nandeicua mbutiã nandesí. ³⁰ Erĩ ngue aico ñee jêje. “Ae ra tu serui, aque quiarei ererecua tuchi sesi. Ae rane nguia siqui rei seã mose nyii”, ae que se quia jêje. Co chi eru quia co cote. ³¹ Se sí que aicuayãte nyii ra. I je que bautizar ae quia mbia je cote ra. I nda Israel jenda Cristo icua, i que Juan nda. ³² Juan ngue ñee mbei quia ra. —Espíritu Turã ndese que amae nda. Nguichi que u Jesús arõ nda. Nyurusi rá ngue eru nguichi earõ nda. Ibate si. ³³ “¿Aba ra Cristo re?” ae beite que se quia ra. Dios que ñee seje ra. “I je eico bautizar i mbia je jê! Ae arõ nda Espíritu Turã ndu nguichi bei nae, ae quiatu bautizar i sacua mbia je Espíritu Turã je”, i que Dios seje ra. ³⁴ Atea que se cote ra. Ae rei Dios riirĩ. Aicuate se cote, i que Juan nda.

Jesús mbia irabo uchimbacuatúrã

³⁵ Isamami nongue que Juan ndiqui hue sí no nda. Nguesenda nyeremo ndese que eriqui ra. ³⁶ I que Jesús ucua quia ra. —Qui mbia icuã ndiquicharõ sacuã coi quia qui. Oveja ririĩ na eriqui Dios je, i que Juan Jesús riĩ nda. ³⁷ Juan ndesenda nyeremo ngue Juan ñee ñandu ra. Nyoi que Jesús rui cote ra. ³⁸ Jesús que mae nguique quti ra. —¿Mbae jêsequia quia re? i que mae erese ra. Úqui ngue ñee Jesús je ra. —Mbia mbaaquiatusa, ¿ma ndechuchua ma nde? i que ee ra. ³⁹ —Jenyu mae erese, i que Jesús ee ra. Nyoi que mae echuchua rese ra. Tenda nyesecote mose que echoi erese ra. Tenda oso cheete que echi erese cote ra. ⁴⁰ Úqui nyeremo ngue Juan ñee ñandu ra. Siqui que Jesús rui cote ra. Andrés, i que úqui mo je ra. Simón Pedro nongue que ae ra. ⁴¹ Andrés que oso asite ngõngue requia ra. Simón ndequia. —Dios chimondo que uretea ra. Cristo que uretea ra, i que Andrés ngõngue je ra. ⁴² Andrés que ngõngue querao Jesús rea cote ra. Jesús que mae erese ra. Ñee ngue ee ra. —Simón ño nde re. Jonás ndiiri ño nde re. Cefas, i ra ndeje cote. Cefas, i chõ Pedro re, i que Jesús ee ra.

Jesús Felipe irabo; Natanael abe

⁴³ Isamami nongue que Jesús ñee nda. —Taso Galilea, i que ra. Ngasê ngue Felipe je ra. —Serui eico, i que ee ra. ⁴⁴ Betsaida jenda que Felipe ra. Hue jenda si chõ Andrés re. Pedro rese. ⁴⁵ Felipe que oso Natanael ndequia cote ra. —Ae riĩ Moisés riqui embesa mbesa cose, aque que uretea ra. Ae riĩ Dios cheẽ mbuchecuasa riqui embesa mbesa cose, aque que uretea cote ra. Jesús chõ eriqui re. Nazaret jenda chõ eriqui re. José ririĩ ño eriqui re, i que Felipe Natanael je ra. ⁴⁶ Natanael que ñee Felipe je ra. —¿Mbae turã mo nda tu Nazaret jenda re? i que ra. —Echu erea ae, i que Felipe ee ra. ⁴⁷ Natanael que tu Jesús riichã nda. Jesús que mae erese ra. —Co israelita turã tuchi mo ndu quia co. Aba mbiiri irisa reã tuchi mo ndu quia co, i que Jesús Natanael ñi nda. ⁴⁸ —¿Mañi ere quia seicuate re? i que Natanael Jesús je ra. —Amae ngue nderese ra. Felipe ‘quiatuchu’ i nonde ndeje. Iraqui re que amae nderese ra. Higo iqui re, i que Jesús ee ra. ⁴⁹ Natanael que ñeembe ee ra. —Mbia mbaaquiatusa, Dios ndiiri ño nde riqui re. Israel jenda rerecua tuchi chõ nde riqui re, i que Natanael Jesús je ra. ⁵⁰ Jesús que ñee ee ra. —¿Seicuate se re? “Iraqui re que amae nderese ra”, ae que ndeje, ¿aque bei bei seicua quia co re? Mbae turã tuchi rese ra eremae cote, aque si, i que Jesús Natanael je ra. ⁵¹ Jesús que ñee si ee ra. —Tacheẽ nyecua jêje. Ibei ra obo jêje. Angeles nda nguichi quichi quia seje. Nyoi nyoi si ra

equia ibate. Angeles ibatenda. Dios rimba. Jemae nda erese, i que Jesús ee ra.

2

Emo ngüinisirã nguereco

¹ Tres días mose que emo ngüinisirã isi ra. Galilea. Caná, i que hue sucha tubiriã je ra. Mbia que ñumunua nua fiesta raã ngüinisirã isi mose ra. Jesús si abe que siqui huee ra. ² Jesús abe que siqui huee no nda. Uchimbaaquiatu rese. ³ Mbia que uva rique mbei u huee ra. Ua jei que mbia je ra. Jesús si que ñee nda. —Uva rique que ua jeite ra, i que ñee Jesús je ra. ⁴ Jesús que ñee ee ra. —¿Mbaerã ereico ñee seje úqui nde, Tai? Achecua jei eã nda mbia je, i que Jesús usi je ra. ⁵ Esi que ñee mbia rimba je ra. —¿Jesús cheẽ ndui si chõ jêingo jê! i que ee ra. ⁶ Cántaro atate que chi ra. Seis que cántaro ra. Sita ao ji. Úqui jie que judíos riqui nyoi nyoi querabe ra. Úqui cántaro jie que cien litros jaaja ra. ⁷ Jesús que ñee mbia rimba je ra. —Cántaro jemombisê mbisê ja i je, i que Jesús ee ra. Nyebe emombisê ja ngüiã. ⁸ Jesús que ñeembe ee ra. —Embisengue jenyarabe jiri mondo fiesta raã naasa je, i que ee ra. Erimba que echara serao ee cote ra. ⁹ Uva rique rã si chõ ngue i fiesta raã naasa je cote ra. Fiesta raã naasa que ubi erese ra. Eiranuã ngue ubi erese ra. Erimba achõ ño ngue jirandu ja ngüiã. Ae ngüinisirã isi quia nae, aque je que fiesta raã naasa ñee nda. ¹⁰ —Mbia ja quiarei uva rique turã nane mee mee ngüiã mbia je querabe. Eturã mbei ja mose, ereã jiri mbei ruquia ruquia mbia je cote. Nde quia eturã tuchi ererecoquiatu ngüiã. Hui bei sacuã cote, i que ra. Jesús chisã ñi ño eriqui ngüiã ñee. ¹¹ Úqui nane ngue Jesús saã mbia mae sayã nyii ra. Uva rique rã si tuchi que i raã nda. Úqui ngue esaã Galilêaa eriqui mose ra. Caná, i que hue sucha tubiriã je ra. Hue rane ngue Jesús uquirãcuã ndeacuquia mbia je ra. Echimbaaquiatu que Jesús icua tuchi cote ra. ¹² Huesi que Jesús choi Capernaum nda. Usi rese. Ngõngue rese. Uchimbaaquiatu abe rese. Hue que echi itõ mocoite ra.

Jesús oso Dios chuchúaa

¹³ Fiesta rurubite mose que Jesús si Jerusalén nda. Pascua, i que judíos aque fiesta je ra. ¹⁴ Jesús que oso Dios chuchúaa ra. Huee que mbia chi ticuasú mee mee nyue mbae isiquia ribishorõ nda. Ovejas abe no. Nyurusí cuasu abe no. Emo ngue chi ngoi ra. Mbae isiquia que esibishorõ shorõ u ra. ¹⁵ Mbia iruã nuãsa que Jesús saã nda. Esã nderecua. Aque je que Jesús mbia mbusê ja mondochoi Dios chuchua si ra. Ticuasú abe. Ovejas abe. Ae mbae isiquia

sibishorō shorō nguia, ũquí mbae abe que embuchiichere chere ja mesa ra. Mbae isiquia mombo mombo íbii. ¹⁶ Ae nyurusí cuasu mee mee nguia mbia je nae, ũquí je que Jesús ñee asite ra. —Ā nyurusí cuasu jendao Dios chuchua sí. Mbae isi isisa jěsaã saã ñochí u Paba chuchúaa, i que Jesús ñee ee ra. ¹⁷ Jesús chimbaaquiātu que ndua ndua quia embesa jí rese ra. —Sebí tuchi ndechuchua, i que embesa jí huí nda. Ũquí ndese que echimbaaquiātu ndua ndua ra. Jesús mbia icuã mbusē mondochoi mose Dios chuchua sí. ¹⁸ Judíos que ñee Jesús je ra. —¿Mañi mbae mae sayã nda eresaã ure je re? Ure ndeicua sacuã. “Ererecua chō eriqui re”, ure nda ndeje chã, i que judíos ñee Jesús je ra. ¹⁹ Jesús que ñee ee ra. —Jē Dios chuchua mbutiã mose, asiquicharō nda se. Tres días mose ra asiquicharō, i que Jesús ra. ²⁰ Judíos que ñeembe Jesús je ra. —Tenda atate que nanderu riqui itōte Dios chuchua ao ao resē. Cuarenta y seis años. ¿Mañi ere ra tres días eao ja nde re? i que judíos Jesús je ra. ²¹ Nguete ríi ngue Jesús riqui ñee nda. Mbia chumunuasa ríi eã ño ngue ñee nguã. ²² Jesús quera sí mose ramo ngue echimbaaquiātu ndua aq̄ue echeē ndese cote ra. Embesa jí rese ndua. —¿nguia equia re, i que echimbaaquiātu ndua ndua cote ra. Jesús quera sí mose.

Jesús mbia chiã icuate

²³ Mbia tubiriã ngue Jesús icuate aque mose ra. Fiesta de la pascua mose. Siqui mose Jerusalén. Mbia mae sayã naa naa mose que mbia icuate cote ra. ²⁴ Jesús que mbia ndua ndua icuate quia ra. Nyebe ñee tuchi eã nguã mbia je. ²⁵ —Ēi ño mbia nguã ã, i aronea mbia mo Jesús mbiirandu. Jesús quiātu que mbia chiã icuate quia ra.

3

Nicodemo oso ñee Jesús je

¹ Mbia mo ngue siqui ra. Nicodemo, i que ee ra. Fariseo que ae ra. Judíos rerecua que ae ra. ² Itondaru mo ngue esi Jesús rea ra. —Mbia mbaaquiātusa chō nde re. Dios chimbu chō nde re. Ureicuate que ra. Mbia mae sayã nda mbia mo saã eã, Dios siquiã mose erese, i que Nicodemo Jesús je ra. ³ Jesús que ñee ee ra. —Tacheē nyecua ndeje. Ae nyaacuquia sí eã, ũquí nda siquiã Dios rese, i que Jesús ee ra. ⁴ Nicodemo que ñee Jesús je ra. —¿Mañi nda mbia cuasu nyaacuquia sí re? ¿Usi riequi rí nda esi sí re? ¿Nyaacuquia sí nonde re? i que Nicodemo Jesús je ra. ⁵ Jesús que ñee ee ra. —Tacheē nyecua ndeje. Ae nyaacuquia i achō je nae, ũquí nda siquiã Dios rese. Ae nyaacuquia Espiritu Turã abe je nae, ũquí nguia ra siqui Dios

rese cote. ⁶ Mbia nyaacuquia mose, mbia sí chō eririĩ nde. Emo nyaacuquia mose Dios riirina, Dios rã sí chō eno nde. ⁷ “Nducuã”, erechĩ nda secheē mose jē. “¡Jenyaacuquia sí ja chō jē!” se i mose. ⁸ ¿Mbaranguiti sí quiririã ndiqui ichu re? ¿Mbaranguiti ra esi re? Ereicuayãte. Quiririã erchandū raque. Eremae áte erese. Eĩ sí chō Dios riiriĩ nde. Ae nyaacuquia Dios je nae, i que Jesús ee ra. ⁹ —¿Mañi ũquí nde? i que Nicodemo Jesús je ra. ¹⁰ Jesús que ñee ee ra. —¿Secheē ereicuayãte quia re? Mbia mbaaquiātusa raque nde. Judíos mbaaquiātusa raque nde. ¹¹ Tacheē nyecua ndeje. Ae urecua, ũquí ño uresenei senei ndei nguã jēje. Ae rese uremae, ũquí ño uresenei senei ndei nguã jēje. “Ichōiño nguã”, jenye chōchĩ nguã urecheē mose. ¹² “Ichōiño nguã”, jenye chōchĩ nguã secheē mose. Ibi jenda renei nenei mose jēje. Secheē nda jemumba tuchi cote, ibatenda nenei nenei mose jēje. ¹³ Emo nguichiãte ibei sí. Se m̄i ño ngue achu nguã nguichi ibei sí. Mbiarã ño ngue achu nguã. Asobe ra ibei. Ibei jenda chō se re. ¹⁴ Sã Moisés mbei raanguia mbuchecua mbia je turuquia re cose no. Eĩ sí ra mbia sembucha ira rese. ¹⁵ † nda seicuaa quiachã eã mbei sesi. † nda seicuaa siqui bei ibate serese.

Dios nyesecua ja mbia rese

¹⁶ Dios que nyesecua tuchite mbia ja rese ra. Nyebe nguiriĩ m̄i mbu nguã mbia je. Eriiriĩ icua sa ra manoa. Siqui bei rae. ¹⁷ Mbia mbasi sacuã eã ngue Dios nguiriĩ mbu íbii ra. Mbia rirō sacuã mbae icuã sí quia ñi ngue Dios nguiriĩ mbu nguã. ¹⁸ “Eso tata cuasu”, i eã nda Dios nguiriĩ icuaa je. “Eso tata cuasu”, i Dios quia nguiriĩ icuaa reã je ã. Jesús icua eãte quia ñene. ¹⁹ “Eso tata cuasu”, i Dios quia nguiriĩ icuaa reã je. Ebite quia ñi itondaru nyaashĩ sí re. Nyaashĩ tu mose íbii, isiteã ngue ra. Mbae icuã ndese quia eriqui beite nguã. ²⁰ Ae siqui beite quia mbae icuã ndese, ũquí nguia siquichete nguã nyaashĩ sí. Nyaashĩ ndichã sereãte quia ñene. “† nda mbia mae eã nandechisaã ndese mbae icuã ndese”, i ñene. ²¹ Ae mbae turã saã mbeite quia nae, ũquí nguia tu nyaashĩ síchã sete nguã. † nda echisaã saã nyecua mbia je. † nda mbia ñee, “Dios quiracuã nguia siquite nguã erese”, i ra mbia ñee, i que Jesús ra.

Juan el Bautista ñee turã Jesús r̄i

²² Jesús que nyoĩ Judéaa cote ra. Uchimbaaquiātu rese. Huee que eriqui mocoĩte ũquí ndese ra. Huee que eriqui bautizar i mbia je ra. ²³ Juan abe que bautiza r i quia mbia je ra. Enón, i que sucha tubiriã je ra. Salim ndurubi que ra. Hue quiātu ngue i tubiriãte re. Mbia que ngaē ngaē nguia erea ra. Juan ngue bautizar i

quia ee ra. ²⁴Mbia Juan tarō nonde mii ngue eriqui bautizar i huee nyii ra.

²⁵Judío mo ngue ñee icuã icuã Juan ñimbaaquiato je ra. Bautizar i rii. —¿Aba quia ra bautizar i mbia mbitirō sacuã nde? i que ñee icuã icuã nyue ra. ²⁶Nyebe Juan ñimbaaquiato nyoí nguiã ñee Juan je. — Ae rese ereico Ama Jordán ndobei, ae abe riqui bautizar i mbia je huee. Ae eresenei senei turã nguia ure je, aque. Mbia riqui tuchite erui ã, i que Juan ñimbaaquiato ñee ee ra. ²⁷Juan ngue ñee ee ra. —Coche ñene. Dios ibatenda quiarei. Emo siqui aroneate mbia rerecuarã, Dios emingo sereã mose. ²⁸Cristo tu nonde que Dios sembu resẽ. Mbae mbuquiche ja sacuã Cristo tu nonde. “Cristo eã ño se resẽ”, ae checua rei que jêje resẽ. ²⁹Jesús rui ra mbia siqui ja. Sã emo ngũinisirã nguereco no nae. Sã eninisi riqui ngu rese no. Sã eru quiato abe eya erese no. Eru quiato rã ño seya riqui Jesús rese co, mbia siqui mose erui. ³⁰Jesús quia ererecua tuchi riqui nguiã sesi co. Ererecua eã ño aico nguiã se co, i que Juan nda.

Jesús rei ibatenda

³¹Jesús rei ibatenda. Nyebe eaquiato riqui nguiã mbia si co. Ibi jenda chõ nande re. Ibi jenda rese achõ ño nandeaquiato nande re. Ae quiarei ibatenda. ³²Ibatenda umaesa senei senei nguia mbia je co. Ae echandu ibate nae, ùqui abe esenei senei nguia mbia je co. Mbia mii jiri riqui echeẽ andu andu ã. ³³Ùqui mii mii ño Jesús cheẽ isi turã nguiã ã. Ùqui mii “Dios ichõñiosa reã”, i tuchi nguiã ã. ³⁴Dios quiatu que Jesús mbu ra. Nyebe Jesús riqui Dios cheẽ nenei nenei co. Dios que Espiritu Turã mondo tuchite Jesús je ra. ³⁵Jesús rese Paba riqui nyesecua tuchite co. Erucucha quia ae re. Nyebe Paba uquiracuã mee tuchi nguiã ee. I nda Jesús riqui mbae rerecuarã ja. ³⁶Ae Dios rucucha icua nae, ùqui nda siqui bei Dios rese. Ae Dios rucucha icuayã nae, ùqui nda siquiã tuchi erese. Nyoí eã mbei ra ibate. Dios ra ùqui mundo tata cuásuu.

4

Jesús ñee acuaní mo je

¹⁻²Mbia que siqui tuchite Jesús rui cote ra. Bautizar i sacuã mbia je. Jesús sí que bautizar i eã nda. Echimbaaquiato quia ngue bautizar i nguiã ee. —Fariseos riqui ndeucuayãte ã. Mbia siqui tuchi mose nderui, i que mbia mo Jesús mbiirandu ra. ³Jesús jirandu mose que esi Judea recha cote ra. —Tasobe Galilea, i que ra. ⁴Samaria ni ngue esi ra. ⁵Ngasẽ ngue Samaria ra. Sucha tubiriã mo ngue ngasẽ nda. Sicar, i que hue je ra. Jacob chimee ibi ndurubite que huee ra. Ae emee nguiirí José je. ⁶Jacob chibicoi ibi que chí huee ra. Noria. Jesús que ngoi

huĩ uquenea ucua huee ra. Noria ji. Tenda nandeite re mose. Ñeenda ishote que ee ra.

⁷⁻⁸Jesús ae que tiba huee ra. Echimbaaquiato que nyoí sucha tubiriã nda. Mbae mo isi uchiurã. Acuaní mo ngue tu ngasẽ i rea huee ra. Samaria jenda que ae ra. —I embu rã. Tayu, i que Jesús ñee ee ra. ⁹Judíos que ñee eã mbei quia mbia Samaria jenda je querabe ra. Isho bei que eriqui nyesi ra. Nyebe acuaní ñee nguiã Jesús je. —Judioti nde resẽ. ¿Mbaerã ereico ñee seje re? ¿Mbaerã ereico “i embu” i seje re? Samaria jenda chõ se resẽ, i que acuaní Jesús cheẽ ndibishorã. ¹⁰Jesús que ñee ee cote ra. —Dios chimee ereicuayãte quia co. Co ereico seicuayãte co. Eĩ nda “i raanguia embu seje” ere rei seje. Seicua mose. Eĩ nda i mbia mingo beisa amee ndeje, i que Jesús acuaní je ra. ¹¹Acuaní ngue ñee sí Jesús je ra. —Noria cuate nyeresẽ. I arasa ereru eãte quia a resẽ. Ma je quia ra i raanguia erechra seje. ¹²Nanderu ñiinda abe nda íu íu quia a yenda ye resẽ. Jacob. Nguiirí ndese. Erimba abe nda íu íu quia a yenda ye resẽ. ¿Ndeaquiature ae si nde re? i que acuaní Jesús je ra. ¹³Jesús que ñee acuaní je ra. —Mbia íu mose a yenda jie, eisei jei chõ nda eno. ¹⁴Ae i raanguia mbei quia nae, ùqui nda eisei chiã mbei cote. I raanguia sechimee nguia ra siqui bei echiangui re. Uchi uchi bei ra equia echiangui re. Emingo bei sacuã, i que Jesús acuaní je ra. ¹⁵Acuaní ngue ñeembe Jesús je ra. —I raanguia embu nembra seje no. Eĩ nda seisei chiã mbei. Eĩ nda achu achu eã a jenda ara, i que acuaní ee ra.

¹⁶—Eso nderu rea. Eru seje a, i que Jesús ee ra. ¹⁷—Seru eãte nyeresẽ, i que acuaní nda. Jesús que ñee ee ra. —Ae beite. Nderu eãte que ereico namo co ra. ¹⁸Nderurã ngue eretea mocoite rei resẽ. Cinco. Ae erereco co nae, nderu tuchi eã ño aque re. Erecheẽ ñooño ãte rei nguiã seje a, i que Jesús acuaní je ra. ¹⁹Jesús cheẽ mose que acuaní ñeembe ee no nda. —Mbae mbuchecua nae nde re. Dios resenda nde reae. ²⁰Ureramei nda ngaẽ ngaẽ nguia a ibi ato ra. Ñee ñee sacuã Dios je. “Jerusalén quiatu mbia cheesa Dios je re” jenyé chõchí nguiã judíos, i que acuaní Jesús je ra. ²¹Jesús que ñee acuaní je ra. —Tacheẽ nyecua ndeje. Mangue chooño ãte ra mbia ñee Dios je cote. Namó jiri. Jerusalén mii eã. A ibi ato mii eã no. ²²Jeñee mbeite raque equia Dios je ã. Dios icuare rocóí. Ure quia ureico nguiã Dios icuate ã. Judíos chõ ure re. Judío rei mbia rirõsa mbae icuã si. ²³Namó jiri ra Dios quiatote ñee turã turã Dios rii uchiangui re. Mangue chooñoa cote. Dios quiatote ra ñee turã bei quia Dios rii cote. Echeẽ nguire. ²⁴Dios rei espíritu. Mae aronea erese. Nandechiangui re chõ nandeico Dios andu ã. Nandechiangui re

nandechē turā turā Dios rī. Dios cheē nguire, i que Jesús ra. ²⁵ Acuanī ngue ñee Jesús je ra. —Mesías ra tu ibate si. “Cristo”, i equia ee nae, aque ra tu ibii cote. Tu mose ra mbae mbuchecua ja mbia je. Ūquī aicuate quia co, i que acuanī nda. ²⁶—Cristo chō se re. Ae je ereico ñee, i que Jesús acuanī je ra.

²⁷ Aque mose que Jesús chimbaaquiatu ngaē ngasē cote ra. —Jesús riquichī ñee acuanī je a re, i que eu nyuruirate mae erese ra. —¿Mbae jenyē quia ñee nde? i eā ngue emo nda. Ireī ireite quiatu ngue ñee Jesús je re. ²⁸—Se rei Cristo, i mose que acuanī ia tuchi ra. Nio ngue esecha oso ra. Mbia mbiirandu randu sucha tubiriā jenda. ²⁹—A emo ndiqui a. Semumbusē ja que ra. Cristo chō ae reae. Nyao rā mae erese, i que acuanī mbia je ra. ³⁰ Nyebe mbia nyoī ja nguīā icuaa. Jirandu mae Jesús rese. Acuanī ñee nguire.

³¹—Mbae mo eu, i chūbe ibe que echimbaaquiatu Jesús je ra. Acuanī oso mose sucha tubiriā. ³²—Tei. Sechiu jēicuayāte jē, i que Jesús ee ra. ³³—Emo mbae mo queru echirūā ndeae, i que echimbaaquiatu ñee ñee nyue ra. ³⁴ Jesús que ñee ee ra. —Ae rī Paba ñee seje nae, ūquī tasaā mbei quia ee. Paba cheē numbayā mose, ūquī ño sechiu riqui nguīā. ³⁵ “Pete mbae ishao shao ñi pe”, jenyē chōchī nguīā ā. Mbiacoyenda ea ireī ishao iriā na ño mbia riqui nguīā ā. Sā mbia riqui nyoī mbae a ishao shao no. Eī jenyē si chō nguia nyoī mbia reru reru seje. Serese siquī sacuā. ³⁶⁻³⁸ Sā emo ndiqui mbae a ishao shao no. Sā mbae acha riqui mbae mondo mondo ee eishao shao ribishorō no. Sā emo ndiqui mbae eī tiquia tiquia no. Sā emo ndiqui eishao shao equiche mose no. Eī si chō secheē no nde. Sā emo ndiqui secheē nenei nenei nyii no. Aquere emo mbia reru reru seje no. Ae secheē nenei nenei quia nyii nae, ae mbia queru queru quia seje cote nae, ūquī ia jate nyiese cote. Ae emo ndiqui secheē nenei nenei nyii, huee jaemondo quia aque. Mbia reru reru sacuā seje. Se mbia mingo bei sacuā. Emo nane serenei nenei nguīā ee nyii. Jē jēingo ereru reru seje ā cote. Jēya jate riqui jenyiese ā cote. Ae secheē nenei nenei quia nyii, ūquī ndese jēya jate, i que Jesús ra.

³⁹—Jesús que semumbusē ja ra, i que acuanī ñee sucha tubiriā jenda je ra. Nyebe mbia tubiriā siquī nguīā Jesús rui hue jenda cote. ⁴⁰ Samaria jenda que nyoī Jesús rea cote ra. —Eico are jiri ure rese, i que mbia Jesús je ra. Nyebe Jesús itō nguīā nyeremo huee. ⁴¹ Jesús sí que mbia mbaaquiatu quiatu cote ra. Nyebe mbia tubiriā siquī tuchi nguīā eruī cote. ⁴² Mbia que ñee acuanī je cote ra. —Nde chō ngue urembiirandu rei

nyii ra. Uremae ngue erese cote ra. Echeē ngue urechandu cote ra. Nyebe ureico nguīā eicua tuchi ā cote. Erecheē ñooñoa ngue ra. Cristo tuchi chō ae re. Mbia rirōsa mbae icuā si chō ae re, i que mbia ñee acuanī je ra.

Jesús ererecua mo ndiirī mbucherō

⁴³ Huee que Jesús itō nyeremo nda. Samáriaa. Hue si que esi si nyuruā Galilea quiti ra. ⁴⁴—Mbia ra Dios cheē nenei neneisa quereco turā eā hue jenda sí mose, i que Jesús nyii ra. Nyebe esi nguīā Galiléaa. ⁴⁵ Jesús que ngasē Galiléaa cote ra. Mbia hue jenda que embucasē turā nda. Mae nguīatu equia erese Jerusalén neaē. Pascua mose. Mbia mae sayā nguīatu ngue Jesús saā saā nguīā ee nyii. Nyebe eyate nguīā Jesús cuasē mose cote.

⁴⁶ Jesús que oso si Caná de Galilea no nda. Ae eriqui i mbuchiicabo uva rique rā mbia je nyii nae, huee que esi si ra. Hue rurubi que ererecua mo ndiirī ndasi riqui ra. Capernaum, i que hue je ra. ⁴⁷—Jesús ru Judea si a cote, i que mbia ererecua mbiirandu ra. Nyebe ererecua si nguīā Jesús rea cote. —Seriirī chí mano serite qui. Nyao terembucherō seje, i que ererecua ñee ee ra. ⁴⁸—Mbia mae sayā naa eā mose ra jē seicuayā ñochī nde, i que Jesús ee ra. ⁴⁹—Nyao jei rā. Seriirī nda mano nyee re, i que ererecua Jesús je ra. ⁵⁰—Esobe nyebi ndechuchúaa. Nderiirī ngue nyero nda, i que Jesús ee ra. —Jesús ñee ñooño aroneate, i que ererecua oso nyebi ra. ⁵¹ Echuchua rurubi que erimba ngaē erobeishī ñee nda. —Nderiirī ngue nyero ra, i que ñee embiirandu ra. ⁵²—¿Ma tenda seriirī ngasi ucua re? i que ererecua ra. —Tenda nyiichere ramo mose que nderiirī ngacu ucua curi ra, i que mbia ñee ee ra. ⁵³—Hue tenda tuchi que Jesús ñee seje curi ra. “Nderiirī ngue nyero nda”, i seje curi, i que ererecua ra. Nyebe eriqui nguīā Jesús icua tuchi cote. Echuchua jenda abe que Jesús icua ja cote ra. ⁵⁴ Judea si que Jesús ru Galiléaa ra. Mbia mae sayā nyeremo ngue Jesús saā Galilea jenda je ra. I que esaā uva riquerā nyii ra. Ererecua riiirī ngue embucherō namo no nda.

5

Jesús Amei mbucherō

¹ Aquere que judíos mbae fiesta ra. Jesús que oso Jerusalén fiesta mose ra. ² Oveja iguesa que chí huee ra. Mbia icua abe que chí huee ra. Cinco tei que chí hue eicua mama nda. Betesda, i que judíos hue mbia icua je ra. ³ Mbia rasi que chí jate nyaara huee ra. Taiqui re. Eresayā. Ecuatayā. Echaacua. Mbia rasi chumumbara que chí huee ra. I rebera raarō arō. ⁴ Angel mo nda nguichī quichi quia ra. I mumbera sacuā

mbia rasi je. —Ae rane nda ua ama ndebera mose nae, aque rane nda nyerō, i que mbia ra. ⁵ Amei ndasi ima mo ngue chi bei aque ri nda. Treinta y ocho años que amei ndasi ra. ⁶ Aque que chi nyaara Jesús je ra. —Aa chō erasi riqui bei a cose re, i que Jesús uchiangui re ra. —¿Erecherō sete ere? i que ee ra. ⁷ Amei ndasi que ñee ee ra. —Aba quia ra sembua i ye, i rebera mose. Mbia rane ngue secuā secuā nguia ra. I rebera mose, i que erasi Jesús je ra. ⁸ Jesús que ñee ee ra. —Ēhuā. Ndequisa erao. Eso, i que Jesús ee ra. ⁹ Echeē mose que nyerō nda. Uquia que esirō serao ra. Erasiā ngue oso cote ra. Sábado mose que Jesús embucherō nda. ¹⁰ Nyebe judíos paama i nguia embucherō mose sábado mose. —Co mose que mbia uquenea ucua ra. ¿Mbaerā nda ndequisa ererao re? i que judíos Jesús chimbucherō je ra. ¹¹ —Ae sembucherō, aque que ñee seje ra: “Ndequisa erao. Eso”, i que sembucherōsa seje ra, i que judíos cheē mose ra. ¹² Judíos que ñee ee ra. —¿Aba aque re? ¿Aba “ndequisa erao”, i ndeje re? i que ra. ¹³ —Aicua eāte se. Aba chō sembucherō. Mbia tubiriāte quiatu ngue re, i que erasi judíos je ra. Jesús oso rei. ¹⁴ Emo mose que Jesús ngasembe uchimbucherō je ra. Dios chuchúaa. Ñee ngue ee ra. —¡Sā jē! Arembucherō ngue se resē. ¡Mbae icuā nda eresaā sichi jē! Mbae mo nda jei tuchi ndeje cote, i que Jesús ee ra. ¹⁵ Amei ngue oso judíos mbiirandu cote ra. —Jesús chō sembucherō nguia reaē, i que judíos je ra. ¹⁶ Nyebe judíos paama i nguia Jesús je. Nandei quia, i. Sábado mose quia Jesús riqui nguia mbia mbucherō cherō judíos je. Judíos uquenea ucua mose. Nyebe judíos paama i nguia ee. ¹⁷ Jesús que ñee judíos je cote ra. —Paba recoteā mbeite riqui co. Namō abe. Se abe Paba rā si serecoteā teā mbeite riqui co, i que Jesús ee ra. ¹⁸ Nyebe judíos riqui nguia paama i tuchi Jesús je. Iquia serī serīte que cote ra. Jesús que judíos cheē mumba mumba ra. Mbia rasi mbucherō cherō sábado mose. —Dios rā si aico co. Paba rei Dios, i que Jesús ra. Nyebe judíos paama i tuchi nguia ee.

Jesús rei Dios rucucha

¹⁹ Jesús que ñeembe judíos je ra. —Dios rucucha rei se. Dios rucucha ae ra mbae saā eā. Se ae ra mbae asaā eā. Paba chisaā ndese maende ae aico nguia mbae raā naa se abe co. Ae Paba saā saā nguia, ũqui asaā saā ja quia se abe co. ²⁰ Dios rucucha rei se. Paba riqui nyesequa tuchi serese co. Paba riqui uchiao reacuquia tuchi seje co. Uchiao ra eteacuquia tuchi seje cote. Mbia mae sayā tuchi. Jenyuraira tuchi ra mae erese cote. ²¹ Paba mbia raaque mbuquera quera. Se abe ra mbia raaque ambuquera quera.

Ae amingo bei sete, ũqui abe ra amingo bei. ²² Paba ra mbia mo mondo eā tata cuásuu. “Nde chō mbia equirirō ndirō mondo tata cuásuu”, i que Paba seje ra. ²³ † nda mbia ñee turā serī. Sā mbia riqui ñee turā Paba rīi no. Ae ñee turā eā nguia serī, ũqui ñee turā eāte Paba abe rīi no. Dios rucucha rei se. Dios chimee ndei se. ²⁴ Tacheē nyecua jēje. Secheē andusa ra siqui bei. Paba icuasa ra siqui bei. Nyoī eā mbei ra tata cuásuu. Paba ra emingo bei cote.

²⁵ Tacheē nyecua jēje. Namō jiri ra mbia raaque secheē andu. Secheē mumbasa reā nda siqui bei. ²⁶ Paba quiarei mbia mingō beisa. Se abe rei mbia mingō beisa Paba rui si. ²⁷ Se abe ra mbia amondo tata cuásuu. “Nde chō mbia equirirō ndirō mondo tata cuásuu”, i que Paba seje ra. Se chi erucucha. ²⁸ ¡Jenyuraira techi nda secheē mose jē! Mbia raaque ra secheē ñandu ja chee. ²⁹ Júā ja ra ngua si. Ae siqui turā, ũqui nda Dios mingō bei cote. Ae siqui icuā icuā nguia, ũqui nda nyoī tata cuásuu.

Serī ño embesa ji ñee, i Jesús

³⁰ Se ae ra mbae asaā eā. Paba cheē ndui si chō aico nguia mbia mondo tata cuásuu. Paba cheē ndui si chō aico nguia mbia mingō bei no. Paba cheē nda achabiā. Paba cheē nguire chō aico nguia mbae raā naa co. Se ae eā ño ñene. ³¹ Se ae eā ño acheenei enei nguia mbia je co. † nda “ichōiño” jenyere rei seje. ³² Aque emo ndiqui serenei nenei mbia je aque. Aque eriqui ñee ñooño eā serī aque. ³³ Jemo ngue jemondo Juan je. Jēirandu sacuā serese. Juan ngue ñee ñooño eāte jēje ra. ³⁴ Ae mbia ñee ñee serī, ũqui ñee ndeseā aico nguia se. “Dios ririī eā ño co re”, i mose mbia serī, Dios ririī mbei chō se re. Jēicuā mbutiā sacuā ño aico rei nguia ñee jēje. ³⁵ Tata rendi rā ndei Juan. Mbae resae ja raque. Huee que jengu mbirī ndei erese ra. Jēhui jei chōchi esi. ³⁶ Juan ñee ngue mbia mbiirandu rei serese ra. Sechisaā nguia mbia mbiirandu tuchi serese Juan ñee si. Dios cheē nguire ae aico nguia mbae ao ao co. Sechisaā ndese mae jee mbia jirandu nguia serese cote. “Dios chimondo quiarei Jesús”, i mbia cote. ³⁷ Paba abe riqui serenei nenei mbia je co. Paba cheē jeñanuate raque. Jemae sayāte raque Paba no. ³⁸ Jē nguia seicuayāte nguia co. Paba chimondo chō se re. Nyebe Paba cheē chi eāte jendese. ³⁹ Embesa ji rese jēingo mae tuchite raque. “Embesa ji ra nandemingo beite”, jenyechi nguia. Serese jembiirandu sacuā ño embesa ji re. Se quiatu mbia mingosa tuchi re. ⁴⁰ Jē nguia jēingo sereāte nguia serese. † nda se jaemingo beite rei. ⁴¹ Jēingo eā mose Dios rese, sebiāte jeñee turā turā mose serī. ⁴² Co aico jēicuate co resē. Jenyesequa eāte quia Dios rese co resē.

43 Paba que sembu resê. Jêo eã ñochĩ serese. Paba chimondo eã tu mose, aque rese quia ra jêo tuchite cote. 44 Mbia resa rae jêingochĩ nguiã jêturã naa naa. Dios je quiarei jêturã eãte. ¿Mañi jenye quiatu ra equia seicua re? 45 Se quia ra jêicuã ambuchecua eã Paba je. Moisés chimbese quia jêicuã mbuchecua nguiã. “Moisés chimbese rei mbia mingo beisa”, jenyechĩ nguiã. 46 Moisés chimbese jêicua eãte quia ã. Nyebe jêingo nguiã seicua eãte ã. Serĩ ngue Moisés embesa ra. 47 “Nya” jenye eã mose Moisés chimbese je, “nya” jenye eã nda secheê mose abe no, i que Jesús judíos je ra.

6

Jesús mbichae mbeta tuchi

1 Aquere que Jesús choi ama ndisa rasa ra. Galilea, i que ama ndisa je ra. Tiberias, i abe que ee ra. Hue robei que echoi ra. 2 Mbia que nyoĩ tuchite Jesús rui ra. Mbia mae sayã ngue Jesús saã saã nguia ra. Echisaã ndese que mbia mae mae nda. Mbia rasi mbucherõ cherõ mose. 3 Sita ibate rĩ ngue Jesús choi ra. Huee que echĩ ngoi uchimbacquiatiu rese ra. 4 Fiesta de pascua rurubi que ra. 5 Mbia tubiriã ngue ngaẽ nguia Jesús rui ra. Jesús que mae erese ra. Ñee ngue Felipe je ra. —Mbia tubiriã tuchi. ¿Mangue ra echĩurã nandeisi mangue re? i que Jesús ee ra. 6 Jesús eicuate raque. —Mañi nda Felipe quia secheê mose reae, i que Jesús ra. 7 Felipe que ñee ee ra. —Doscientos plata mbia chayãte mbia chiurã isi sacua. Echayã tuchite, i que Felipe ra. 8 Andrés abe que chi ra. Jesús chimbacquiatiu. Simón Pedro nongue. Ae que ñee nda. 9 —A aqũe mo ndiqui a. Cinco mbichae rerequia a. Sira nyeremo abe rerequia a. Echayãte quiatu nda re. Mbia tubiriãte quia ñene, i que Andrés Jesús je ra. 10 —“Jengoi ja”, jenye mbia je, i que Jesús ra. Quiata turã ngue huee ra. Quiata tose que mbia ngoi ja ra. Mbia cuabê. Cinco mil que mbia ra. 11 Jesús que mbichae isi cote ra. Iaañe, i que ngu je cote ra. Mbichae rĩ. Mbichae que embuchao chao cote ra. Uchimbacquiatiu je que emondo mondo ra. Echimbacquiatiu que emondo mondo mbia je cote ra. Ae chi ngoi. Sira abe que embuchao chao mbia je ra. Mbia que eu ja ra. Mbia que echosei chiã chiã nyee ra. 12 Mbia rio ja mose que Jesús ñee uchimbacquiatiu je cote ra. —iMbia chiũ sique jemunua nua jê! jendecoquiatiu ja jê! i que ra. 13 Echĩu sique que emunua ja ra. Doce irairu que puk i ja ra. Mbichae sique sique. Cinco chõ ndei que mbichae nyii aẽ. 14 Mbia que mae tuchi Jesús rese ra. Mbichae mbeta rese ra. Ūqui ndese que mbia riqui mae eã tuchi nyii ra. —Dios cheê nenei neneisa chõ co riqui re.

Ae uresaarõ arõ nguia, ae chõ eriqui re, i que mbia Jesús rĩ nda.

15 Jesús que mbia icua ra. —Mbia ra seisichĩ suruchoi ererecuarã nde, i que ra. Nyebe esi si nguiã mbia recha. Sita ibate rĩ ngue esi erecha ra.

Jesús ngata i arõ

16 Itondaru ndaru que Jesús chimbacquiatiu choi ama ndisaa ra. 17 Nyui nyui que canoa ye cote ra. Aque echoichĩ nguia iasa Capernaum aque. Jesús que nyebi eã mbeite u ee ra. Itondaru chee. Nyoi chee que erecha ra. 18 Quiririã ngue tu icuã icuã ee ra. Ama ndiite re mbia reco mose. I rebera que tu asi asi tuchi ra. 19 Mbia que nyoi choi bei canoa ye ra. Una legua. Jesús que canoa curubite cote ra. I arõ ngue esi quia ngata ra. Canoa yenda que mae erese ra. Echĩã ngue cuaãcuã i tuchi ra. 20 —Se chõ nyeresê. ¿Mbaerã jêingo siquiche sesi re? i que Jesús ee ra. 21 Canoa yenda que oote erese cote ra. Mbua que canoa ye ra. Ngasê asi que ecuaẽ ibi cote ra.

Mbia cuabê Jesús requia

22 Mbia cuabê ngue chi sobei ra. Isamami ngue Jesús tiãte ee ra. Nyebe ñee nguiã nyue. —Canoa mi ño ngue chi resê. Canoa ye eã ño Jesús si iasa resê. Echimbacquiatiu achõ ño ngue nyoi iasa canoa ye resê. ¿Mangue Jesús riqui mangue re? i que mbia cuabê u ñee Jesús requia ra. 23 Aque mose que canoa mo ngaẽ ngasê ee ra. Tiberias si que canoa cuaẽ nda. Mbia mbichae usa rurubi que ecuaẽ tiba ra. 24 Jesús tiã mbei que mbia je huee ra. Mbichae úsaa ra. Echimbacquiatiu abe tiã ngue mbia je ra. Nyebe mbia choi nguiã erequia canoa ye. Ngasê ngue coquimo cote ra. Capernaum, i que hue sucha je ra.

Mbichae rã ndei Jesús

25 Mbia cuabê ngue ngaẽ ama ndasa coquimo ngote ra. Ngasê ngue Jesús je cote ra. —Mbia mbacquiatiusa, ¿manose erechu ngasê aa re? i que mbia cuabê Jesús je ra. 26 Jesús que ñee ee ra. —Tacheê nyecua jêje. Se jembuquiarure chõ jêingo nguiã serese. Se jembiore chõ jêingo nguiã serese. Sechisaã icuare rocoi. Jemae sayã ngue asaã saã ndei quia resê. 27 Jenyĩurã ndese jêingochĩ nguiã ndua tuchite. Ūqui nda ua jeite. Ae ua eã mbeite quia, ūqui ndese quiatu jendua. Mbia mingo beisa rese quiatu jendua. Se rei mbia mingo beisa. Se rei Dios rucucha. Paba que uquirãcuã mondo seje ra, i que Jesús ee ra. 28 Mbia que ñeembe Jesús je ra. —¿Mañi ure ra cuabê re? ¿Mbae rese ra aba riqui Dios mbia re? i que mbia Jesús je ra. 29 Jesús que ñeembe ee ra. —Dios que sembu ra. Seicua quia se. Seicua mose ra Dios ia tuchi jendese cote,

i que Jesús mbia je ra. ³⁰ —¿Mbae mo nda eresaã na ure je re, uremae sayã nde? I nda uremae nderese. Eĩ ure ra ndeicua cote. ³¹ Cose nda nanderamei ndiqui maná u u turuquia rĩ nda. Sã embesa ji no: “Dios que mbichae mbu ibei si mbia je ra”, sã embesa ji riqui i no, i que mbia Jesús je ra. ³² Jesús que ñee ee ra. —Tacheẽ nyecua jêje. Moisés eã ño ngue mbichae mondo nguiã mbia je ibei si. Paba chõ ngue emondo nguiã ibei si mbia je. Aque mbichae ra mbia mingo bei eã. Paba ra mbia mingo beisa mondo mbia je cote. ³³ Dios riqui mbichae mbuae mondo mondo mbia je co. Ae Dios mondo mondo nguiã mbia je co nae, aque que tu ibei si ra. Aque rei mbia mingo beisa, i que Jesús ra. ³⁴ Mbía que ñee Jesús je ra. —Aquembichae mbichae emondo mondo bei quia ure je, Urererrecua, i que mbia Jesús je ra.

³⁵ Jesús que ñee ee cote ra. —Mbichae rã ño se re. Mbía mingo beisa chõ se re. Serese siqui mose ra jeniãcuã eã mbei. Serese siqui mose ra jêisei eã mbei. Jêya bei rae. ³⁶ Jemae ndei que equia serese resẽ. Seicuayã mbei chõchĩ nguiã ã. Acheẽ ndei que jêje nyii resẽ. ³⁷ Ae Paba mee seje mbia nae, ùqui nda siqui bei serese. Ûqui nda aisi teã eã mbei. ³⁸ Paba que sembu ibei si resẽ. Secheẽ nguire eã ño aico nguiã mbae raã naa. Paba cheẽ nguire ae chõ aico nguiã mbae raã naa co. ³⁹ “Ae amondo ndeje nae, ùqui mo nda quiachãchĩ”, i que Paba seje ra. Ambuquera ja ra se, se tube mose íbii. ⁴⁰ Se rei Dios rucucha. Paba que sembu ra. Ae seicuate nae, ùqui nda siqui bei. “Ûqui nda amingo bei”, i que Paba ra. Ûqui ndaambuquera ja, se tube mose íbii, i que Jesús ra.

⁴¹ Judíos que paama i Jesús je ra. —Se rei mbichae rã. Ibei si que achu ra, i mose que judíos ñee icuã icuã Jesús je ra. ⁴² —Jesús chõ co re. José riri ño co re. Eru rese que nandemae ndesẽ. Esi abe rese que nandemae ndesẽ. ¿Mbaerã eriquiñee nande je re? “Ibei si que achu ra”, i nande je re, i que mbia ñee ñee nyue ra. ⁴³ Jesús que ñee ee cote ra. —¿Mbaerã jêingo ñee icuã icuã serĩ nde? ⁴⁴ Mbía ae ra siqui eã serese. Paba emingo mose serese, aque mose ra eriqui tuchi serese cote. Ûqui ndaambuquera si mingo sechube mose íbii. ⁴⁵ “Dios ra mbia mbaaquiatu ja”, sã embesa ji riqui i no. Nyebe ra Paba cheẽ andusa siqui bei serese. Nyebe ra Paba cheẽ mumbasa reã siqui bei serese. ⁴⁶ Emo ngue mae eãte Paba rese ra. Se mii ño ngue amae erese ra. Esi chõ ngue achu resẽ. ⁴⁷ Tacheẽ nyecua jêje. Ae seicuate quia nae, ùqui nda siqui bei. ⁴⁸ Se rei mbichae rã. Mbía mingo beisa rei se. ⁴⁹ Nanderamei ngue maná u u turã ndei quia turuquia re ra. Emo mose que mano

mano ja ra. ⁵⁰ Mbichae mbuae chõ asenei senei nguiã jêje co. Mbía mingo beisa rei mbichae mbuae. Aque que tu ibei si ra. Ae mbichae mbuae u nae, ùqui nda siqui bei. Ûqui nda ua eã mbei. ⁵¹ Se rei mbichae. Ibei si que achu ra. Mbía mingo beisa rei se. Ae seu nae, ùqui nda siqui bei. Mbichae ra amee mbia mingo bei sacua. Aque mbichae rei serete sí. Seroo sí, i que Jesús judíos je ra.

⁵² Judíos que ñee icuã icuã nyue cote ra. —¿Mañi nda nguete mee nandechiurã nde? i que nyue ra. ⁵³ Jesús que ñee ee cote ra. —Tacheẽ nyecua jêje. Mbiarã ngue achu ra. Serete jêu eã mose, jêingo bei eã ndae. Seruqui jembei eã mose, jêingo bei eã ndae. ⁵⁴ Ae serete u quia nae, ùqui nda siqui bei. Ae seruqui mbei quia nae, ùqui nda siqui bei. Ûqui ndaambuquera si mingo, sechube mose íbii. ⁵⁵ Serete rei mbia chiu rã. Seruqui rei mbia chimbei rã. ⁵⁶ Ae serete u quia nae, ae seruqui mbei quia nae, ùqui nda siqui bei sechiangui re. Se abe ra aico bei echiangui re. ⁵⁷ Paba riqui bei co. Paba riqui semingo se abe co. Eĩ nda serete usa abe siqui bei. Amingo bei ra se. ⁵⁸ Mbichae mbuae chõ asenei senei nguiã jêje co. Ae tu ibei si. Maná na eã ño aque mbichae re. Maná ngue nanderamei u u rei ra. Maná ngue mbia mingo bei eã nda. Emo mose que mano ja chõ nda. Ae sechimee u quia nae, ùqui nguia ra siqui bei, i que Jesús judíos je ra. ⁵⁹ Eĩ ngue Jesús quia judíos mbaaquiatu quiatu ra. Capernaum. Judíos chumunuãsaa.

Mbia tubiriã hui Jesús si

⁶⁰ Jesús cheẽ andusa que ñee tuchi nyue ra. —Mbarangiatuã tuchi chõ Jesús cheẽ ndiqui re. Echeẽ nandemumba eã aroneate quiatu quia re, i que nyue ra. ⁶¹ —Mbía riqui ñee icuã icuã tuchichĩ secheẽ nii, i que Jesús uchiangui re ra. Nyebe ucheẽ mbuchecua ee cote. —¿Mbarangiatuãte secheẽ jêje re? ⁶² ¿Mañi jenye ra mae mose serese re? Seso si mose ibate re. ⁶³ Nande rete nandemingo eã nguiã. Nande aĩ ño nandemingo nguiã. Secheẽ nguia ra mbia mingo bei íbatee. ⁶⁴ Seicua ja eãte quiatu nguiã ã. Jemo seicua eãte quia ã, i que Jesús ee ra. Mbae ao ramo mosenda bei que Jesús mbia icua uchiangui re ra. —Ã nda seicua. Ã nda seicua eã. Co ra semondo mbia icuã je, i que Jesús mbia icua uchiangui re nyii ra. ⁶⁵ —Acheẽ ngue jêje nyii, ùqui sí aico ñee jêje a. Mbía ae ra siqui eã serese. Paba emingo mose serese, aque mose ra eriqui tuchi serese cote, i que Jesús ra.

⁶⁶ Aque mosebe bei que mbia tubiriã hui Jesús si cote ra. Ae siqui erese nyii nae, ùqui mo ngue hui ja esi cote ra. Ngatayã ngue equia erui cote ra. ⁶⁷ Jesús que ñee uchimbaaquiatu je cote ra. Doce je. —¿Jê abe ra jêhu sesi re? i que uchimbaaquiatu

je ra. ⁶⁸ Simón Pedro que ñee ee ra. — Tei, Urererecua. Aba rui quia ra ureico cote. Ndecheê ño mbia mingo beisa resê. ⁶⁹ Ureico ndeicua â cote. Cristo rei nde. Dios rucucha rei nde, i que Pedro ra. ⁷⁰ Jesús que ñee ee cote ra. —Jê doce que jaêirabo rei ra. Sechimbaaquiatu sacua. Jemo ngue diablo rã nda, i que ra. ⁷¹ Judas Iscariote riñ ngue eriqui ñee nda. Diablo, i. Simón ndiirí ndei Judas. Ae quia Jesús mee nguiã mbia icua je. Jesús chimbaaquiatu mo ndaque.

7

Jesús nongue siquiã Jesús rese

¹—Jesús nandei quia, i rei que judíos quia ñee ñee nyue ra. Nyebe Jesús si eã nguiã Judea cote. Galilea bei que eriqui ngata ra. ² Fiesta rurubi mose que cote ra. Tuchua ñetê ngue judíos saã saã mbei quia aque fiesta mose ra. Curubite que cote ra. ³ Jesús nongue que ñee ja ee ra. —Eso rã Judea. † nda ndechimbaaquiatu mae ja ndechisaã ndese Judea jenda. ⁴ Mbae esaã nyecua chõ mbia resa rae jê! † nda mbia ndeicua ja. Co ereico mbia mae sayã naa naa co. Mbía resa rae quiatu esaã saã, i que enongue ee ra. ⁵ Jesús nongue abe que Jesús icuayãte ra. Nyia, i eã Jesús cheê je. ⁶ Jesús que ñee ee cote ra. —Emo mose quia ra aso nyecua mbia je cote. Jê jêso jê ae ae, jêsose mose. ⁷ Dios cheê mumbasa riqui jêucuyã eãte raque jê. Se quia eriqui nguiã seucuyãte ã. “Jenyisaã saã nguiã eicuãte riqui nguiã”, ae quiatu nguiã ee co. Nyebe eriqui nguiã seucuyãte ã. ⁸ Jê ño jêso fiesta rea. Se ra asoã. Emo mose quia nda achecua nguiã mbia je cote, i que Jesús ngõngue je ra. ⁹ Jesús que siqui are jiri Galilea cote ra.

Jesús mbia mbaaquiatu quiatu fiesta mose

¹⁰ Jesús nongue que nyoi fiesta rea cote ra. Aquere que Jesús abe si mingue cote ra. Ngasê nyecuyã ño ngue oso ra. —Mbía ra jiranduchí serese re, i que uchiangui re ra. ¹¹ Judíos rerecua que Jesús sequia sequia u ra. —¿Ma Jesús riqui ma nde? i ja que fiesta mose ra. ¹² Mbía que ñee ata atate Jesús rñ nda. —Jesús turãte que, i que emo emo nda. —Jesús turã eã ngue ra. Mbía mbirí iríte que equia no nda, i que emo emo no nda. ¹³ Mbía que siquichete judíos rerecua si ra. Nyebe mbia ucheê mbuchecua eã nguiã Jesús rñ.

¹⁴ Fiesta ite mose que Jesús si Dios chuchua mbia mbaaquiatu quiatu cote ra. ¹⁵ Judíos que nyuruirã tuchi Jesús cheê andu ra. —Eaquiatute quia eriqui re. ¿Mangue eriqui ñimbaaquiatu mangue nyii re? i que mbia ra. ¹⁶ Jesús que ñee ee ra. —Secheê ae eã asenei senei nguiã jêje co. Paba cheê ño asenei senei nguiã jêje. Ae sembu. ¹⁷ Emo

siquise mose Dios cheê ndui, aque ra Dios cheê icua tuchi. Aque ra ñee. “Ucheê ño eã Jesús senei senei nguiã mbia je co. Dios cheê ño esenei senei nguiã mbia je co”, i ra aque ñee serí. ¹⁸ “¿sã mbia ñee turã mbe i serí jê!” i ra emo ucheê achõ nenei nenei. “¿sã mbia ñee turã mbei Dios rñ nguiatu jê!” ae chõ nguiã Dios cheê nenei nenei se co. Acheê ñooño eã ño nguiã co. Mbía ambirí irí eã ño nguiã co. ¹⁹ Moisés que Dios cheê mbesa rei nande je ra. Nande emumbayã sacua. Jê nguia rei Dios cheê mumba. ¿Mbaerã jêingo sei quia seríte re? i que Jesús ee ra. ²⁰ Mbía que ñee ee cote ra. —Emo ndiqui ndei quia serí eãte co. Aba checuyã icua ae nembicua ndeae, i que mbia Jesús je ra. ²¹ Jesús que ñee ee cote ra. —Mbía rasi mo ngue ambucherõ sábadu mose. Aque mñ ño ngue asaã ndei nguiã. Aque mñ je chõ jêingochí nguiã nyuruirate mae serese. ²² Moisés que circuncisión teacuquía jêje ra. Nanderamei nane ngue circuncisión saã nguiirí je ra. Nyebe jêingo nguiã sábadu mose abe circuncisión naa naa jendiirí je. ²³ Moisés cheê nguire chõ jêingo nguiã circuncisión naa naa jendiirí je ã. Sábado mose abe. ¿Mbaerã jêingo paama i seje mbia mbucherõ mose sábadu mose re? ²⁴ “Aque eicuãte”, jenyje jei chõchí nguiã. Jêirandu turã na erese nyii, i que Jesús ee ra.

Ibatenda chõ se re, i Jesús

²⁵ Jerusalén jenda que ñee ñee Jesús rñ cote ra. —A Jesús riqui ñee mbia je a. ¿Nandererecua ra Jesús iquía eã si chõ nde? ²⁶ A eñi nyecua ñee mbia ite re a. Nandererecua ñee eã tuchi chõchí ee. Teachõ tuchi chõchí. ¿Cristo eriqui rei nandererecua je re? ²⁷ Cristo eã ño Jesús re. Galilea jenda chõ ae re. Cristo tu mose quiatu ra nandeiranuate. Ma si chõ nda eru, i que Jerusalén jenda ñee nda. ²⁸ Jesús que echeê ñandu ja ra. Dios chuchúa eriqui mose mbia mbaaquiatu quiatu. Nyebe Jesús echeê ndibishorõ nguiã cote. —¿Ma si achu co re? ¿Jê seicuate re? Se ae achu eã nguiã co. Sembu ji ae aico nguiã co. Ichõifiosa reã ae ngue sembu nguiã. Ae rese jemaie ãte nae, ae chõ sembu nguiã. ²⁹ Se ae que amae erese ra. Esi que achu ra. Ae chõ sembu nguiã co, i que Jesús ee ra. ³⁰ Mbía que paama i Jesús cheê mose ra. —Jesús nandei etarõ sacua, i rei que mbia ñee nyue ra. Ae mbia eisiã ño nguiã. —Aque mose ra eremano, i ãte quiare Dios ee. ³¹ Mbía tubiriã ngue Jesús icua icua ramo nguiã cote ra. Nguerecuarã. —Cristo tuchi rei co. Co eriqui mbia mae sayã naa naa tuchi co. Emo aquiatu mo nda tuãte rei. Co mñ tuchi chõ ndei Dios chimbu co, i que mbia tubiriã nguiã ñee ñee Jesús rñ nda.

Fariseos paama i Jesús je

³² Fariseos que nyiisaquia mbia cheẽ ndese ra. Mbia ñee turã turã mose Jesús rĩĩ. Nyebe fariseos paama i nguiã Jesús je. Policía jenda mo ngue emondo rei Jesús isi sacuaã nda. Sacerdote rerecua abe que policía jenda mondo rei Jesús isi sacuaã nda. ³³ Jesús que ñee nda. —Aico mbirĩ ño nguiã jendese a cote. Aquere ra aso si Paba rea. Ae sembu. ³⁴ Jẽ nda serequia cote. Serea eãte ra se cote. Ae ra aso nae, huee jengasẽ aroneate, i que Jesús ee ra. ³⁵ Judíos que ñee nyue ra. —Manguiti ra esi reae. Manguiti ra nandecuasẽ aroneate ee reae. Judíos siqui quia griegos rese nae, ũquí ndea ra esi reae. Griegos mbaaquiatiu sacuaã ndeae. ³⁶ “Serequia ra se cote. Serea eãte ra se. Ae ra aso nae, huee jengasẽ aroneate”, i chõchĩ nguiã nande je. ¿Mbaerã eriqui ñee nande je ũquí nde? i que judíos u ñee nyue ra.

Jesús icuasa rei i riõ na

³⁷ Fiesta ua nonde que mbia ñumunua tuchi cote ra. Fiesta mumba bei. Aque mose que Jesús ñi juã ñee mbia ite re ra. —“Emo isei mose, sã eru serea. Ambiu ra se. ³⁸ Ae ra seicua nae, i riõ na nda ũquí. Iãcuã turã na nda ũquí”, sã embesa ji riqui i no, i que Jesus ucheẽ mbirãtãte mbia je ra. ³⁹—Ae ra seicua nae, ũquí je ra Espiritu Turã amondo, i ñene. Espiritu Turã mbu nonde chõ eriqui nguiã ñee. Jesús oso eã mose ibate chõ eriqui nguiã ñee.

Mbia ñee atate Jesús rĩĩ

⁴⁰ Mbia tubiriã ngue chi Jesús cheẽ andu ra. ũquí mo ngue ñee nyue ra. —Co rei Dios cheẽ nenei neneisa co. Ae uresaarõ arõ nguia co, i que u ñee Jesús rĩĩ nda. ⁴¹ Emo emo ngue ñee nda. —Co rei Cristo tuchi co, i que ra. Emo emo ngue echeẽ sibi shorõ no nda. —Tei. ¿Mañi nda Galilea jenda Cristo re? Hue jenda eã ño nda Cristo ndesẽ. ⁴² “David riirĩ nda Cristo. Belén jenda ra Cristo, David rã si”, sã embesa ji riqui i no, i que mbia ñee ñee nyue ra. ⁴³ Hue rĩ ja mbia ñee eãchĩ Jesús rĩĩ. Mbia que ñee ata ata Jesús rĩĩ nda. ⁴⁴ —Jesús nandei serao tarõ, i rei que emo emo ñee nda. Isiã si que ra.

Fariseos Jesús icuayã

⁴⁵ Policía jenda ochi que nyoi nyebi fariseos je cote ra. Sacerdotes rerecua je abe nyebi. —¿Mbaerã Jesús jendu eã ure je re? i que ererecua policía jenda je ra. ⁴⁶ Policía jenda que ñee ee ra. —Aque Jesús riqui mbia mbaaquiatiu turã tuchi aque. Ae rã si emo mbia mbaaquiatiu turã aronea, i que policía jenda ñee mbia rerecua je ra. ⁴⁷ Fariseos que ñee policía jenda je cote ra. —¿Jẽ abe chee chõ Jesús jembĩrĩ irĩ nguia re? ⁴⁸ Nandererecua mo ngue “coche rei” iã tuchi Jesús je resẽ. Fariseos mo abe que “coche rei” iã tuchi Jesús je resẽ. ⁴⁹ A

mbia ataque riqui Dios cheẽ icua eãte ã. Quiachã ja ra Dios si, siqui mose Jesús rese, i rei que fariseos ra. ⁵⁰ Nicodemo abe rei fariseo. Ae tu Jesús je isa nae, aque que ñee fariseos je ra. Uataque je ra. ⁵¹—Emo nandembasi mbasi choõño aroneate. Echeẽ nandechandu rane nguiatu. Nandeirandu ja rã nguiatu erese. Embasi nonde. Eĩ ngue Moisés embesa mĩ nande je ra, i que Nicodemo uataque je ra. ⁵² Fariseos que ñee ee cote ra. —¿Nde abe chõ Galilea jenda Jesús rese re? Embesa ji rese emae mae. Dios cheẽ nenei neneisa mo eãte que Galilea jenda resẽ, i rei que fariseos ñee asi Nicodemo je ra. ⁵³ Mbia que nyoi ja uchuchua cote ra.

8

Cuña mo siqui emo ndu rese

¹ Jesús que oso Monte de los Olivos ra. ² Isamami ngue Jesús si nyebi si Dios chuchúaa ra. Eresaitõ ndabe. Mbia que esiichã tuchi ra. Jesús que ngoi ra. Mbia mbaaquiatiu quiatu. ³ Fariseos que cuña mo curucuaẽ Jesús je ra. Embesasa rese que cuña ndurucuaẽ ee ra. Cuña nda siqui emo ndu rese mbia je ra. Mbia ite re que fariseos cuña mĩ nda. ⁴ Ae cuña curucuaẽ nae, ũquí ngue ñee Jesús je ra. —Urembaaquiatusa, mbia que mae cuña ndese ra. Emo ndu rese siqui mose. ⁵ Moisés que ñee nande je ra. “Á jëiquia sita je”, i que Moisés quia ã mbia rĩĩ nda. ¿Mañi ere ra ã nii ñee nde re? i que cuña ndurucuaẽsa ñee Jesús je ra. ⁶—Jesús nandembĩrĩ. İnda ñee icuã. İnda mbia nandembĩcuã Jesús je cote, ichõ equia nyii reae. Nyebe cuña ndurucuaẽchĩ ee reae. Jesús que nyatiqiuo chõ nda. Ibi que embesa mbesa o je ra. ⁷—¿Mañi ere ra nde cuña je re? i bei que mbia quia Jesús je ra. Jesús que juã ñee mbia je cote ra. —Jemo turã mbeite mose, sã aque rane cuña chei sita je, i que Jesús ee ra. ⁸ Nyatiqiuo si que ibi mbesa ra. ⁹ Jesús cheẽ andu mose que mbia rerecua ireĩ ireĩ ja chõ nda. —Nandecuaã jate que, i ja chõ ngue ñee uchiangui re ra. Nyebe echoi nguiã usẽ ja ra. Amei nane ja que ra. Eataque quia usẽ nguiã erui cote. Ererecua que usẽ ja ra. Jesús ae que siquichõ nda. Cuña ndesechõ. ¹⁰ Jesús que juã mbia rerecua ruibe cote ra. Cuña je que ñee cote ra. —¿Ma nderurucuaẽsa ma nde? “Nandechei rã sita je”, ¿iãte emo nguia nderiĩ co re? i que Jesús ñee cuña je ra. ¹¹—Tei. Emo ñeeãte, Sererecua, i que cuña Jesús je ra. Jesús que ñee ee cote ra. —Se abe ra acheẽ eã ndeje. Eso rei. ¿Mbae icuã nda eresaã sichĩ jẽ! i que Jesús cuña je ra.

Tata rendi rã ndei Jesús

¹² Jesús que ñee si mbia je ra. —Mbia ja mbaaquiatusa chõ se re. Tata rendi

rã ño aico nguiã mbia je co. Ae siqui serui nae, ùqui nda siquiã itondáruu. Ûqui amingo bei quia querabe co, i que Jesús mbia mbaaquiату ra. ¹³ Fariseos que ñee Jesús je cote ra. —Ndechue chõ ereico nguiã ñee mbia je. Nyebe mbia “coche rei” i aronea ndecheê je, i que fariseos ñee Jesús je ra. ¹⁴ Jesús que ñee echeê ndibishorõ nda. —Sechue acheê ndaque mbia je. “iAe bei jê!” i chõ mbite raque aba secheê mose. Ae si achu nae, huee jêicuayâte. Ae ra aso nae, huee abe ra jêicuayâte no. Se ae aicua nguiã co. ¹⁵ Jeñee icuã jei chõchí nguiã aba rií. Mbae mumbusê ja mose rocoí. Eí ae eã ño nguiã se. ¹⁶ “Co eicuâte”, ae eã nguiã se ae co. Paba rese chõ aico nguiã mbia mumbusê ja co. Nyebe aico nguiã ñee Paba cheê ndui si co. ¹⁷ “Mbia nyeremo ñee mose hue rí si, ‘ae beite’ jenyê chõ”, i que Moisés jêje ra. ¹⁸ Sã ure nyeremo ure no. Paba rese. Ae sembu. Sã ureico ñee serií Paba rese no. Ure nyeremo, i que Jesús fariseos je ra. ¹⁹ —¿Ma nderu riqui ma nde? i que fariseos Jesús je ra. Jesús que ñee ee ra. —Paba jêicuayâte quia ã. Se abe seicuayâte quia ã. Jê seicua mose, Paba abe ra jêicua, i que Jesús ra. ²⁰ Eí ngue Jesús quia mbia mbaaquiату quiату Dios chuchúaa ra. Ofrenda nõ nosa jii que eriqui mbia mbaaquiату quiату ra. Emo ngue Jesús isi áte etarõ sacuí nda. —Aque mose ra eremano, i áte quiarei Dios ee.

Aso si ra ibate Paba rea, i Jesús

²¹ Jesús que ñee si fariseos je ra. —Aso si ra Paba rea cote. Serequia requia rei nda se re. Jêicuã mbei ra jemano nyee. Ae ra aso nae, huee jengasê aroneate, i que Jesús ee ra. ²² Judios que ñee ñee nyue ra. —¿Mbaerã nda nandecuasê aroneate ee re? Nyíquia ra reae, i rei que ñee nyue ra. ²³ Jesús que ñee ee ra. —Ibi jenda chõ jê nde. Ibatenda chõ se re. Ibi jenda eã ño se re. ²⁴ Nyebe aico nguiã ñee jêje nyii. “Jêicuã mbei ra jemano nyee”, ae que jêje nyii. Seicuayã mbei mose ra jemano nyee jêicuã mosebe, i que Jesús ee ra. ²⁵ —¿Aba tuchi nde re? i que mbia Jesús je ra. Jesús que ñee ee ra. —Cose ndare bei chõ aico nguiã serenei nenei jêje co. ²⁶ Mbae ra asenei tuchi jêje reae. Secheê nda jêicuã mbuchecua tuchi jêje. Ae sembu nae, aque quiarei ñee ñooño aronea. Echeê ngue achandu ra. Ae cheê ño asenei senei mbei nguiã mbia je co, i que Jesús mbia je ra. ²⁷ Mbia rerecua que Jesús cheê icuayã mbei ra. —Dios rií ño eriqui nguiã ñee, iã mbei que mbia ra. ²⁸ Jesús que ñeeembe ee ra. —Mbiarã ngue achu ra. Jê nda sembucha ira rese cote. Aque mose ra mbae jêicua jiri serií cote. “Dios cheê nguire chõ eriqui mbia mbaaquiату quiату re”, jenyê ra serií cote. “Dios rucucha chõ eriqui re”, jenyê ra serií cote. ²⁹ Ae sembu nae, aque riqui bei serese

co. Echeê nguire aico bei embia co. Nyebe eriqui nguiã serechayã mbei co, i que Jesús ra. ³⁰ Jesús cheê mose que mbia Jesús icua icua cote ra.

Jêingo bei mose serui, sechimbaaquiату tuchi chõ jê nde

³¹ Ae Jesús icua quia judios nae, ùqui je que Jesús ñee nda. —Secheê si jêhui eã mose, sechimbaaquiату tuchi ra jê. ³² Jê nda ichõñosa reã jêicua tuchi cote. Mbia icuã nderecua rimba eã nda jê cote, i que Jesús ee ra. ³³ Mbia que ñee Jesús je ra. —Abraham nducucha rei ure. Mbia no nimba eã mbei que ureico resê. ¿Mbaerã ereico ñee ure je re? “Mbia si taembui mingo cote”, i ure je re, i que mbia Jesús je ra.

³⁴ Jesús que ñee ee cote ra. —Ae mbae icuã saã saã nguia nae, ùqui ndiqui bei eicuã nimbarã ã. ³⁵ Erimba ra siqui bei eã nguerecua rese. Nguiirí tuchi quiату ra equereco bei nyiese. ³⁶ Se jembui mose mbae icuã si, eicuã nimbarã eã nda jêingo cote. ³⁷ Abraham nducucha raque jê. Ûqui aicuate raque. Á jêingo secheê isi turã eãte ã. Secheê jêicuayã nguia ã. Nyebe jêingo nguiã seiquia serite ã. ³⁸ Ae Paba teacuquia seje nae, ùqui ño asenei senei nguiã jêje co. Ae jendu teacuquia jêje nae, ùqui ndese chõ jêingo nguiã jê ã no, i que Jesús ee ra.

³⁹ —Abraham ño ureru resê. Ure resê, i que mbia Jesús je ra. Jesús que ñee ee cote ra. —Abraham nducucha turã mose jê, eí nguia nda jêingo turã nguiã ña. Abraham ndui si. ⁴⁰ Dios que sembaaquiату ra. Dios quiarei ñee ñooño eã. Echeê ño asenei senei nguiã jêje co. Ûqui je chõ jêingo nguiã seiquia serite ã. I áte que Abraham quia seje ra. ⁴¹ Jendu rá si chõ jêingo nguiã ã, i que Jesús ee ra. Mbia que ñee Jesús je cote ra. —Ureru ata ata eãte nyeresê. Dios mii ño ureru re, i que ñee Jesús je ra. ⁴² Jesús que ñeeembe ee ra. —Dios jendu tuchi mose, eí nguia nda jêingo nguiã nyeseccua serese chã. Ae quiarei sembu. Se ae eã achu nguiã. ⁴³ Á jêingo secheê andu sereãte ã. Nyebe jêingo nguiã secheê icua aroneate ã. ⁴⁴ Aba checuayã nderecua rei jendu. Erese bei chõ jêingo nguiã ã. Echeê jemumbayã mbei chõ nguiã ã. Mbia iquiasa iquiasa bei que ae ra. Cose ndare mosenda bei. Ñee ñooñosa reã quiato aronea tuchi quiarei ae. Ñee ñooño mbeite equia co. Ucheê achõ ño esenei senei nguiã mbia mbiirí irí querabe co. Ñee ñooñosa rerecua chõ aque re. ⁴⁵ Se quia acheê ñooño áte rei nguiã jêje. Secheê jêicuayâte chõchí nguiã. ⁴⁶ Mbae icuã ngue asaã eãte ra. Ûqui jêicuate raque. Acheê ñooño áte sequia co resê. ¿Mbaerã jêingo secheê andu sereã neate ã nde? ⁴⁷ Dios quiato quia Dios cheê ñandu turã nguiã.

Dios quiato eã ño jê nde. Nyebe jêingo nguiã Dios cheê andu sereãte ã, i que Jesús mbia je ra.

Jesús rane siqui Abraham si nyii

⁴⁸ Judíos que ñee si Jesús je ra. “Samaria jenda chõ nde reae. Aba checuayã nyireco chõ nde reae”, ure que nderiã nda. ¿Ae tuchi nde re? i que judíos ñee Jesús je ra. ⁴⁹ Jesús que ñee ee ra. —Aba checuayã nyireco eã ño se resê. Co aico ñee turã tuchi Paba riã co resê. Jê nguia jeñee icuã mbeite nguiã seriã. ⁵⁰ “¡Sã mbia ñee turã seriã jê!” ae eã ño nguiã se co. Paba quia siqui nguiã ñee turã turãte seriã co. Ae quia ra mbia icuã mbasi. ⁵¹ Tacheê nyecua jêje. Ae secheê mumbayã nguia nae, ùqui nda amingo bei. Úqui nda manaõ mbei, i que Jesús ra. ⁵² Judíos que ñee Jesús je ra. —Aba checuayã nyireco tuchi chõ ereico nguiã co. ¿Mbaerã ereico ñee nde? “Mbia ra manaõ, secheê mumbayã mose”, i re. Abraham ngue mano. Nandei. Dios cheê nenei neneisa que mano ja resê. ⁵³ ¿Nde ndeaquiato tuchi Abraham si re? Ae chee que mano. Dios cheê nenei neneisa chee que mano. ¿Abate nde re? “Mbia ra manaõ”, ere chõte equia co, i que judíos Jesús je ra. ⁵⁴ Jesús que ñee ee cote ra. Se ae secheê turã mose seriã, mbia ra seanduchõ. Paba quia ñee turã mbei nguiã seriã co. Ae je jêingo ñee. “Dios urererecua” i raque eriã. ⁵⁵ ¿Jêingo Dios icuayãte ã. Se quia aicuate nguiã co. “Dios aicuayã”, se i mose, eã nda acheê ñooñote rei jê na si. Dios aicua tuchite. Echeê ndui chõ aico bei nguiã co. ⁵⁶ Abraham ngue seraarõ arõ mbei quia ra. “Tu rae”, i bei que equia ñimbia seriã nda. Secuasê mose que eyate mae serese cote ra, i que Jesús mbia je ra. ⁵⁷ Mbia que ñee Jesús je ra. —Cosete que Abraham mano ndesê. ¿Mañi ere mae erese re? Cincuenta años eãte nde resê, i que ra. ⁵⁸ Jesús que ñee ee ra. —Tacheê nyecua jêje. Cose ndare bei chõ aico nguiã co. Abraham tiã mosenda bei, i que Jesús ra. ⁵⁹ —¡Sita je Jesús nandechei jê! i rei que mbia sita isi isi ra. Jesús que ñimi ñimi oso ra. Usê Dios chuchua si.

9

Jesús emo ndesayã mbucherõ

¹ Ñeenda rui que Jesús mae emo ndesayã ndese ra. Echaacuquia mosenda bei que eresayã nyobei ra. ² Jesús chimbbaaquiato que ñee ee ra. —Urembaaquiatusa, ¿abate mbae icuã saã nyii re? Co resayã nde re. Eru ereae. Esi ere no ae. Ae si ere no ae. ¿Abate ere? i que Jesús je ra. ³ Jesús que ñee ee ra. —Tei. Emo ngue mbae icuã saã eãte rei ra. Mbia ra mae ja Dios quirãcuã ndese chã. Embucherõ mose. Nyebe eresayã nyaacuquia nguiã. ⁴ Arõ ño nandeico nguiã mbae raã naa. Itondaru mose, mbae

rese nandeico aroneãte cote. Nyebe aico bei nguiã mbae rese Paba je co. Semano mose quia aico aroneãte nguiã mbae rese íbii cote. ⁵ Seico mose íbii, aico mbia resae te co, i que Jesús ra. ⁶ Jesús que ñinimbu íbii cote ra. Tuchu que esaã ngüendi je ra. Nguiti que eresayã ndesa rese cote ra. ⁷ —Eso nderuba irei cote. Ama Siloé eso eirei, i que Jesús eresayã je ra. (“Echimondo”, i chõ nguiã Siloé je.) Eresayã ngue oso nguesa irei huee ra. Obei que eru quia mae turã cote ra. ⁸ Hue jenda que nyuruira jate mae erese ra. Ae mae nguia erese nyii nae, ùqui ngue nyuruira tuchi mae erese cote ra. Eresa cherõ mose. —¿Co resayã ño ache ache i quia nyii re? ¿Ae chõ ere? i que mbia ñee ñee nyue ra. ⁹ —Ae eã ño ñene, i que emo nda. —Ae chõ ñene, i que eso mose nda. Eresayã ngue ñee cote ra. —Se chõ nyeresê, i que ñee mbia je ra. ¹⁰ —¿Mañi nderesayã mae nde? i que mbia ee ra. ¹¹ Eresayã ngue ñee nda. —Ae eriqui “Jesús” i nae, aque que tuchu saã nda. Nguiti que seresa rese ra. “Eso nderuba irei Ama Siloé”, i que seje cote ra. Aso que se ra. Seruba irei ji que amae cote ra, i que eresayã mbia je ra. ¹² —¿Ma nderesa mbucherõsa riqui ma nde? i que mbia eresayã je ra. —Qui chõ esi, i que ee ra.

Fariseos ñee eresayã je

¹³ Mbia que eresayã curuchoi fariseos je cote ra. ¹⁴ Ae mose Jesús eresayã mbucherõ nae, sábado mose que ra. Tuchu que esaã, aque mose que ra. ¹⁵ —¿Mañi ere nderesa ira re? i que fariseos ee ra. —Tuchu que equiti seresa rese ra. Ae seresa airei nguiã. Co aico mae co cote, i que eresayã nda. ¹⁶ Fariseos mo ngue ñee nyue ra. —Ae eresa mbucherõ sábado mose nae. Dios cheê nenei neneisa eã ño aque re, i rei que nyue ra. Emo emo ngue ñee no nda. —Ei nguia nda eicuã mose mbia mae sayã naa naa eã nguiã nande je chã, i que fariseos mo ñee nyue ra. Hue ri ja eã ngue fariseos ñee Jesús riã nda. ¹⁷ Fariseos que ñee si eresayã je ra. —Ae nembucherõ nae, ¿mañi ee re? ¿Mañi ere quia nde eriã co re? i que ra. Eresayã ngue ñee nda. —Dios chimondo que ae ra, i que eresayã nda.

¹⁸ Judíos que echeê ñandu sereã nda. Eresa turã mbei mo eriqui rei nguiã ee. Nyebe “jenyu” i nguiã eresayã ndu je. Esi je abe no. —Nandeirandu rã erese, i que ra. ¹⁹ —¿Co nderiirõ co re? ¿Eresayã nyobei nyii re? ¿Eresayã nyaacuquia nyii re? ¿Mbae emumae nguia co cote re? i que ñee eru je ra. Esi je abe. ²⁰ Eru que ñee ee ra. —Co rei seriirõ co. Eresayã ngue nyaacuquia rei ra. ²¹ Mañi ño equia mae co cote. Aba chõ embucherõ. Ureicuayãte. Jeñee nguia ee. Etiarõte nyeresê. Ae ra ñee jêje, i que eru ñee judio rerecua je ra. Esi abe. ²² Judíos

rerecua quia ñee nguia nyue nyii reaē. — Emo ñee turā mose Jesús rīī, ūquī nandemombo bei mbia chumunuasa si. “Dios chimbu rei Jesús”, i mose, nandemombo bei mbia chumunuasa si, i quia ererecua quia ñee nyue nyii reaē. Nyebe eresayandu siquichete nguia ñee turā Jesús rīī. Esi abe no. ²³ Nyebe eru rīqui nguia ñee ererecua je. —Jeñee nguia seriirī je. Etiarōte nyeresē, i ee. Esiquichete quia ñene.

²⁴ —Quiatuchu, i si que judíos rerecua eresayā je no nda. —Echeē turā Dios mii je. ¡Jesús abe je ra ercheē turāchī jē! Eicuāte ae resē, i rei que judíos rerecua eresayā je ra. ²⁵ Eresayā ngue ñee ee ra. —Aicuayāte se. Eicuāte ereae. Eaturāte ere no ae. Aicuayāte se. Seresayā ngue nyii ra. Co aico mae co cote. Ūquī mii ño aicua nguia co, i que eresayā judíos rerecua je ra. ²⁶ —¿Mañi equia ndeje re? ¿Mañi nderesayā ira re? i si que eresayā je no nda. ²⁷ Eresayā ngue ñeembe ererecua je ra. —Acheē ndei que jēje resē. Secheē ngue jemumb resē. ¿Mbaerā jēingo “echeembe” i seje ā nde? ¿jē abe jēingose rete sembucherōsa rui re? i que eresayā judíos rerecua je ra. ²⁸ Ererecua que ñee icuāte ee cote ra. —Ae rui chō ereicochī nguia nde co. Moisés rui chō ureico nguia ure ā. ²⁹ Moisés je quiatu que Dios ñee nyii resē. Ūquī ño ureicua nguia ā. Ae nembucherō nae, ma si quiatu ñi ae ru. Ae quia ureicuayāte nguia, i que judíos rerecua ra. ³⁰ Eresayā ngue ñee ee ra. —Seresa que embucherō ndesē. “Dios chimbu”, jenyē eā ñochī equia ā. Seresa mibucherōsa raque ae. ³¹ Dios ra mbia icuā ñee ñanuā. Ae Dios cheē mumbayā nguia nae, ūquī ñee nguia ra Dios ñandu. ³² Seresayā ngue achaacuquia rei nyii ra. Ae que sembucherō nda. Emo abe ra ūquī saā eā. ³³ Dios chimbu eā mose, eī nguia nda mbae raā eāte nguia ña, i que eresayā judíos rerecua je ra. ³⁴ Judíos rerecua que ñee eresayā je ra. —Ndechaacuquia mosenda bei chō ndeicuā ndiqui nguia co. ¿Mbaerā ereico urembaaquiātu sete re? i que judíos rerecua eresayā je ra. Nyebe que judíos rerecua eresayā mombo bei judíos chumunuasa si cote ra.

Ureaquiature ure, i chōchī fariseos

³⁵ Jesús que jirandu erese ra. Emombo mose. Nyebe esi nguia ñee eresayā je. —¿Dios rucucha ereicuate quia co re? i que ee ra. ³⁶ —¿Aba chō Dios rucucha re? Aicua sete quia co, i que eresayā nda. ³⁷ —Ae chō se resē. Ae je chō ereā ñee a resē. Eremae ndei serese resē, i que Jesús ee ra. ³⁸ Eresayā ngue ngoi nguia ndese Jesús ji cote ra. —Areicua tuchi se cote, i que Jesús je ra. ³⁹ Jesús que ñee ee ra. —Achu que ibii ra. Mbia icuā mbuchecua mbia je ra. Achu que eresayā ndesa mumae mae

nda. Ae eresa nae, ūquī mumae eā sacuā abe que achu ra, i que ra. ⁴⁰ Fariseos mo abe que chi hue ra. Jesús cheē andu que ñee Jesús je ra. —¿Uresayā ureico ure abe ā nde? i que fariseos ee ra. ⁴¹ Jesús que ñee ee ra. —Jendesayā mose, eī nda jēicuā ambuchecuayā ndei. “Seaquiature”, jenyechī equia ā. Nyebe aico nguia jēicuā mbuchecua jēje co, i que Jesús judíos rerecua je ra.

10

Ovejas ucha cheē icuate

¹ Jesús que ñee nda. —Tacheē nyecua jēje. Ae iqueā nguia oveja chiquesa rī nae, mbae mbuquiachāsa chō ūquī nde. Echiquesa eā ñi ique ique mose. ² Ae ique ique quia oveja chiquesa rī nae, aique quia oveja raarōsa aique re. ³ Ae echiquesa saarō nguia nae, aique ra echiquesa equia oveja raarōsa je cote. Eique sacuā. Oveja raarōsa cheē nda oveja icua ja. Ñee mii mii nda umbae oveja je. Oveja icua ja. Ae ra oveja nyoī usē erui. ⁴ Eraarōsa embusē ja mose etaronda si, ae rane nda ngata oso quia erēta. Oveja ra nyoī ja quia erui. Echeē nguia eicuate nguia. ⁵ Emo ndui ra echoī eā. Uchā ño nda emo si. Echeē nguia eicuayāte nguia, i que Jesús ñee nda. ⁶ Jesús que eī ndei ñee fariseos je ra. Ejemplo je. Oveja renei nenei ee. Jesús cheē andusa que echeē icuayāte ra.

Jesús rei oveja raarōsa

⁷ Jesús que ñee si ee ra. —Tacheē nyecua jēje. Oveja chiquesa rā ño se re. ⁸ Ae ngaē senonde nyii nae, mbae mbuquiachāsa ja chō ūquī nde. Nyebe ovejas eche siichā eā nguia. ⁹ Oveja chiquesa chō se re. Ae seicua quia nae, ūquī nda ateaquiātu bei mingo. Sā oveja mo ndiqui oso quiaru quiaru no. Sā eriqui cuaē nyebi chebi bei utaronda no. Eī si ra seicua quia siqui bei serese. ¹⁰ Mbae mbuquiachāsa quia ra tu mbae rirō sacuā. Mbae mbutiā sacuā. Mbae iquua sacuā. Se quia ni achu nguia mbia mingo bei sacuā. Mbia mbia tuchi nonde que achu ra. ¹¹ Oveja raarōsa rei se. Ovejas ateaquiātu bei quia co. Amano nda emingo bei sacuā. ¹² Ae ovejacha eā nae, aique ra ovejas saarō ndaque, saarō turā eā ndae. Uchā ño nda nyacua tu mose ovejas je. Nyacua ra ovejas isi embuquiachamba u quia. ¹³ “Echa eā ndei se re”, i ra eraarōsa uchā ercha. Esiquiche mose. Oveja raarō turā eā. ¹⁴⁻¹⁵ Se quiarei oveja raarōsa turā. Sā Paba rīqui seicuate co no. Sā aico Paba icuate se abe co no. Eī ae chō nguia oveja icua sembae co no. Sembae abe seicua quia ā. Sembae ovejas mingo bei sacuā nda amano. ¹⁶ Ovejas mo abe que sembae no nda. A jenda eā ño ūquī nde. Ūquī abe ra aru a. Ūquī nda secheē mumbayā no. Sembae oveja ra chi

ja serese cote. Se mii ño nda asaarõ ja cote. ¹⁷ Sesiquiche eã semana ndese. Sembae ovejas mingo sacua. Nyebe Paba iate riqui nguiã serese co. Semanonde ra aquera si. ¹⁸ Semano sereaã mose, eã nda mbia seiquia aroneate rei. Se ae chõ amanosete nguiã mbia je. Se ae chõ nda aquera si no. Paba quia uquirãcuã meete nguiã seje, i que Jesús mbia je ra.

¹⁹ Judíos que ñee ata atate nyue ra. Jesús cheẽ mose. Hue rĩ si ñee ja eã. ²⁰ —Aba checuayã siquite Jesús rese co resẽ. ¿Mbaerã jẽingo echeẽ andu re? i que emo emo uataque je ra. ²¹ Emo emo ndue ñee no nda. —Ae rese aba checuayã ndiqui nae, ùquiã nda ñee turã eã ndesẽ. Aba checuayã nda mbia resayã mbucherõ eã ndesẽ, i que emo emo no nda.

Judíos Jesús oseí chiã

²² Mbía que ñumunua nua nguia Jerusalén cote ra. Dios chuchua ao mosenda ndese ndua ndua. Nyiiseite que aque mose ra. ²³ Jesús que oso Dios chuchúaa ra. Portal de Salomón ngue eriqui ngata ra. ²⁴ Judíos que ngaẽ Jesús mama nda. Ñee ngue ee ra. —Ureico ndeicuayãte ã. ¿Manosete ra erecheẽ tuchi ure je re? Nde rii. Echimbu checuã jiri ure je. Nde Cristo mose, ndecheẽ embuchecua ure je, i que judíos ñee Jesús je ra. ²⁵ Jesús que ñee ee ra. —Acheẽ ndei que jẽje resẽ. Secheẽ jẽñanuã ño nguiã ã. Paba quirãcuã je chõ aico nguiã mbia mae sayã naa naa co. ã ndese mae nda seicua nguiã ña. ²⁶ Acheẽ ndei que jẽje nyii resẽ. Serimba eã ño jẽ nde. Nyebe jẽingo nguiã secheẽ anuã. ²⁷ Serimba secheẽ icua ja quia ã. Serimba aicua ja quia ã. Serui ja serimba riqui ã. ²⁸ Serimba amingo bei quia co. Serimba ra quia chã eã mbei. Emo eisi aronea tuchi sesí. ²⁹ Paba que emee serimarã nda. Emo eisi aroneate Paba o si. Ae quiareí equirãcuã tuchi. ³⁰ Aque mii ño ureico nguiã ã. Paba rese. Eĩ si tuchi ureico nguiã ã, i que Jesús ee ra.

³¹ Nyebe judíos paama i nguiã ee. Sita que esirõ sirõ nda. —Jesús nandechei, i rei que ra. ³² Jesús que ñee ee ra. —Paba que sembuquirãcuã tuchi ra. Nyebe jemaẽ sayã asaã saã tuchi nguiã jẽje. ¿Úqui mo nii jẽingo “nandechei” i seje re? i que Jesús judíos je ra. ³³ Judíos que ñee Jesús je ra. —Ndechiao turã mo je eã ño ureico nguiã “nandechei” i ndeje. Erecheẽ icuãte que Dios rii ndesẽ. Dios eresaã saãte quia ure je co resẽ. Mbía si chõ ndaque nde, i que judíos Jesús je ra. ³⁴ Jesús que ñee ee ra. —Sã embesa ji riqui i no: “Jẽ ndei dioses, i que Dios ra”, sã embesa ji riqui i no. ³⁵ Embesa ji ñeeñoño aronea. “Dioses rei jẽ”, i que Dios ucheẽ nenei neneia je ra. ³⁶ Dios que seirabo ra. Sembu que íbii cote ra. ¿Mbaerã jẽingo

paama i secheẽ mose re? “Dios riiri ño se re”, i mose re. “Ndeicuãte chõchĩ Dios je”, jenyẽ chõchĩ nguiã seje. ³⁷ Se mbae raã naa eã mose Paba rã si, ùqui mose quia secheẽ jẽñanuã. ³⁸ Paba rã si mose, “coche ñene” jẽnye chõ sechisaã je. Secheẽ jẽñandu sereaã ndaque. Paba riqui serese co. Se abe aico Paba rese co. Úquiã nda jẽicua cote, “coche ñene” i mose sechisaã je, i que Jesús ee ra. ³⁹ —Jesús nanderao etarõ sacua, i rei que mbia ra. Jesús que oso chee hue si ra.

⁴⁰ Jesús que oso Ama Jordán ndobei ra. Ae Juan ndiqui bautizar i nyii nae, huee que esi ra. Huee que Jesús riqui arete cote ra. ⁴¹ Mbía que nyoĩ nyoĩ tuchite erea huee ra. Ñee ñee ngue nyue ra. —Juan ngue nandemaẽ sayã mo saã eãte rei nande je. Nandembiirandu turã tuchi chĩ Jesús rii. Ichõño eã ño equia ñee nande je reaẽ, i que mbia ñee nyue ra. ⁴² Mbía tubiriã ngue Jesús icua huee ra.

11

Lázaro mano

¹ Emo ndasi que chi ra. Lázaro, i que ee ra. María, i que enongue je ra. Marta, i que enongue je no nda. Echari ja que ùquiã nda. Betania jenda ja que ùquiã nda. ² María rei aba mbushimbua ichusẽsa Jesús i rese. Ua je que esi ra. Enongue quia erasi re. Lázaro, i que ee ra. ³ Nyebe echari mbía mo mondo nguiã Jesús mbiirandu sacua. —Ndequiato rasi que chi aque rĩ nda, i que ehoi Jesús mbiirandu ra. ⁴ Jirandu ngue que Jesús ñee cote ra. —Mano sacua eã ño erasi chi nguiã aque. Dios quirãcuã ndese mbía mae sacua ño erasi chi nguiã aque. Se abe sequirãcuã ndese mae sacua ño erasi chi nguiã aque, i que Jesús ra. ⁵ Jesús que nyesecua tuchi Marta rese ra. María rese. Lázaro rese abe no. ⁶ Lázaro rasi rese jirandu mose que esi jei eã erea ra. Siquichõ ngue ra. Itõ nyeremo ngue huee ra. ⁷ —Nyaobe Judea cote, i que uchimbaaquiatu je cote ra. ⁸ Echimbaaquiatu que ñee ee ra. —Namote que judíos ndeiguia serite sita je. ¿Mbaerã nda ereso si huee re? i que Jesús je ra. ⁹⁻¹⁰ Jesús que ñee ee ra. —Dios quiatu que sembu ra. Mbae raã naa sacua ee. Echeẽ ngue asaã ja eãte ra. Nyebe emo seiquia aroneate namo. Se echeẽ naa ja mose quia ra mbía seiquia arõte cote, i que ñee uchimbaaquiatu je ra. ¹¹ Aquere que ñee si uchimbaaquiatu je ra. —Nandequiatio que uque cote ra. Lázaro. Taso emumba cote, i que ra. ¹² —Uque mose u, ae ae ra ñumumba rei, i que echimbaaquiatu ee ra. ¹³ —Lázaro que mano nda, i eã ngue Jesús ucheẽ mbuchecua tuchi ee ra. Lázaro mano tuchi raque. Lázaro uquechõ nei nguiã echimbaaquiatu je. ¹⁴ Jesús que ucheẽ mbuchecua ramo ee cote ra. —Lázaro que

mano nda. ¹⁵ Coche aico eã nguiã huee. Jê nda seicua tuchi cote. Nyao erea cote, i que Jesús uchimbaaquiatu je ra. ¹⁶ Tomás que ñee echimbaaquiatu ataque je ra. —Nyao erese nande abe no. Sã mbia nandeiquia nande abe rō, i que Tomás ra. “Eata”, i que mbia quia Tomás je ra. Eata rei ae.

Jesús mbia raaque mbuquerasa

¹⁷ Ngasê ngue Betania cote ra. Mbia hue jenda que ñee Jesús je cote ra. —Co Lázaro ati ji chi itō mocoite co resê. Cuatro días tuchite nyeresê, i que mbia ñee Jesús je ra. ¹⁸ Aichite que Betania Jerusalén si ra. Tres kilómetros que ra. ¹⁹ Nyebe judíos rane ngaê jate nguiã ngasê Jerusalén si. María mbia jiri sacua. Marta abe no. Enongue raaque ati ji mose. ²⁰ Marta jirandu mose Jesús rese que esi erobeishî nda. Oo que erese ra. María quiatu que siquichō tuchúaa ra. ²¹ Marta que ñee Jesús je ra. —Sererecua, ndeico mose a, eî nda senongue manoãte rei. ²² Dios ra ndecheê ñandu. “Mbae mo embu seje”, i mose, i que Marta Jesús je ra. ²³ —Ndenongue ra quera si, i que Jesús ee ra. ²⁴ Marta que ñee ee cote ra. —Ae bei. Mbia raaque quera ja mose, aqae mose ra senongue abe quera si. Mbae ua ja mose ra quera si. Aicuate raque se quia co, i que Marta ra. ²⁵ Jesús que ñee ee ra. —Mbia raaque mbuquerasa rei se. Mbia mingosa rei se. Ae seicua quia nae, ũqui nda mano ndaque, quera si rae. ²⁶ Ae seicua quia nae, ũqui nda uayã mbei. ¿Ūqui ereicua quia co re? i que Jesús ee ra. ²⁷ Marta que ñee ee ra. —Ae. Cristo chō nde re. Dios rucucha chō nde re. “Dios rucucha ra tu ibii”, i que mbia quia nyii nae, ae chō nde re, i que Marta Jesús je ra.

Jesús nyeseo

²⁸ Aqere que Marta si María mbiirandu ra. —Nandembaaquiatusa que tu ra. Hue que eriqui nderequia ra, i que Marta ñee ngōngue ísaa ra. ²⁹ Echeê nduibe tuchi que María si juã asi Jesús rea ra. ³⁰ Jesús ngasê mose rocoi mbia chuchua ite re. Marta erobeishîsa bei que Jesús riqui ra. ³¹ Mariaso rese que judíos chi mae ja ra. —Ngōngue atisa chō María si nguiã nyeseo qui, i rei ngue judíos choi nguiã eruî. ³² María que ngasê Jesús je ra. Ngoi que nguiã ndese ejii ra. Ñee ngue ee ra. —Ndeico mose a senongue ndasi mose, eî nda manoãte rei, i que María Jesús je ra. ³³ María que nyeseo ra. Judíos que chi erese, ũqui abe que nyeseo no nda. Nyebe que Jesús abe ia eãte ra. Echiã ngue ngoi eã tuchi ra. ³⁴ —¿Mangue jenyati mangue re? i que Jesús mbia je ra. —Nyao erea ae, i que mbia ee ra. ³⁵ Jesús que nyeseo ra. ³⁶ Judíos que ñee nyue ra. —¡Sã jê! Nyesequa tuchi Lázaro rese. Eya eãte riqui erese co, i que mbia ra. ³⁷ Emo emo ngue ñee

nda. —Jesús que eresayã ndesa mbucherō. Eî nda Lázaro rasi mbucherō nde chaê. Eî nda manoãte, i que mbia ra.

Jesús Lázaro mbuquera si

³⁸ Jesús ia eãte que ngasê Lázaro atigua ra. Sita imi ye. Sita chō ngue eatiquia no nda. ³⁹ —¡Sita eatiquia jêjea jê! i que Jesús mbia je ra. Marta que ñee Jesús cheê mose ra. —¡Enete ra nande je jê! Curite que mano ndesê. Cuatro días tuchi que ra, i que Jesús je ra. ⁴⁰ Jesús que ñee ee ra. —“Seicua tuchi mose ra eremae Dios quirãcua ndese”, ae rei que ndeje nyii, i que Jesús ra. ⁴¹ Sita eatiquia que mbia jea cote ra. Jesús que mae ibate quiti ra. Ñee Dios je. —Paba, secheê ngue erchandui. “Íaanye”, ae bei quia ndeje co. ⁴² Nde quiarei seandu ra. Mbia resa rae aico ñee ndeje a. “Dios chimondo chō eriqui re”, i nda ã seriî ña, i que Jesús ñee Dios je ra. ⁴³ Jesús que ñeemombo Lázaro raaque je cote ra. —Lázaro, jechu usê! i que ra. ⁴⁴ Eraaque que usê u juã cote ra. Eo cuasa resebe que usê nda. Ei abe ecua ji tiru je. Eruba abe ecua ji tiru je. —Jenyura mondo, i que Jesús mbia je ra.

Jesús nandeiquia, i judíos

⁴⁵ Judíos que nyoi María rese, ũqui ngue mae ja Jesús rese ra. Lázaro mbuquera mose. Ūqui tubiriã ngue Jesús icua cote ra. ⁴⁶ —Jesús que Lázaro raaque mbuchurua nda, i que emo nyoi fariseos mbiirandu ra. ⁴⁷ Fariseos que ñumunua ja cote ra. Sacerdotes rerecua ja rese. Mbia rerecua ja. Ñee tuchi Jesús riî. —¿Mañi nande ra equia ee re? Mbia mae sayã naa naa tuchichî equia aqae. ⁴⁸ Nande ereachō mose ra mbia siqui ja techî erui re. ¡Roma jenda ra nandembae isichî ibi jê! ¡Dios chuchua ra embucoichî ngaê jê! i que ererecua ñee nyue ra. ⁴⁹ Caifás que sacerdote rerecua tuchi aqae mose ra. Ae que ñee uataque je ra. —Mbae jêicuyã tuchichî nguia ã. ⁵⁰ Jendua eã ñochî equia ã. Aqae mui ño nda mano nguiã nande ja je chã. Eî nda judíos ua tuchi eã, i que Caifás uataque je ra. ⁵¹ Caifás ae que ñee eã nda. Dios ae quiatu ngue embucheê nguiã ũqui. Sacerdote rerecua tuchite quiatu ngue ae re. Nyebe Dios embucheê nguiã. —Jesús ra mano judíos mingo ja sacua. ⁵² A jenda achō je eã nda Jesús mano. Dios riirî mangue chooña jenda je abe chō nda Jesús mano nguiã. Dios riirî munua ja sacua, i que Caifás ñee nda. ⁵³ Aqae mose bei que judíos rerecua ñee ñee nyue ra. —¡Jesús nandeiquia rei jê! i que equia ñee ñee nyue ra. ⁵⁴ Jesús que nyecua eã judíos je cote ra. Judea si que esi cote ra. Turuquia rurubi que esi ra. Efraín, i que sucha tubiriã je ra. Huee que eriqui arete uchimbaaquiatu rese cote ra. ⁵⁵ Fiesta de la pascua que ecurubite ra.

Nyebe judíos nyoí choi ja nguiã Jerusalén. Suchamo jenda emo emo ngue nyoí jate ra. Pascua nonde que echoi huicua mbitirõ sacua nda. ⁵⁶ Mbia que Jesús sequia quia ra. —¿Tu ra fiesta re? ¿Tu eã nda re? ¿Tu aroneate jêje re? i que mbia ñee ñee nyue Jesús rã nda. I que mbia u ñee Dios churchúaa ra. ⁵⁷ Mbia rerecua que ñee mbia je nyii ra. —Emo jirandu mose Jesús rese, sã urembirandu jei. Eĩ nda ureisi. Eĩ nda uretarõ mii, i que sacerdote rerecua ñee nyii ra. Fariseos abe no.

12

María aba mbushimbusa ichusẽ Jesús i rese

¹ —Seis días mose ra pascua cote, i que mbia ra. Aque mose que Jesús si Betania nda. Huee que Lázaro riqui ra. Ae Jesús mbuquera erua si. ² Mbia que ñio mii Jesús chiurã nda. Marta que echuurã mondo mondo ee ra. Mbia je abe. Lázaro abe que chí quiaru erese ra. ³ María que aba mbushimbusa queru Jesús je cote ra. Medio litro. Nardo, i que ùqui je ra. Mbae isiquia mumba tuchi que ùqui nda. María que eichusẽ Jesús i rese ra. Ua je que esi ra. Tuchua mbushimbu ja que ra. ⁴ Judas Iscariote abe que siqui ra. Simón ndiirĩ ngue aque ra. Jesús chimbaaquiatu mo ndei que aque ra. Ae quiatu que Jesús mee mbia icua je emo mose cote ra. Ae que ñee nda. ⁵ —¿Mbaerã eichusẽ ñooño nde? ¿Mbae isiquia ribishorõ ño nda aba emondo re? Tres cientos ribishorõ. Mbaecha reã je emee sacua, ùqui mbae isiquia, i que Judas ra. ⁶ Judas ndua eã ndaque mbaecha reã ndese. Mbae mbuquiachãsa tuchi que ae ra. Mbae isiquia riru que eqereco quia Jesús je ra. Eyenda que esirõ sirõ nguia mbuchemi chemi nda. ⁷ Jesús que ñee Judas je ra. —¡Erechechi nda María je jê! ¡sã ae ae riqui jê! Seati nonde chõ aba mbushimbusa icherẽ nguiã serese. ⁸ Mbaecha reã nguia nda chi are jiri nguiã a. Se quia nda aico bei eã nguiã jêje a, i que Jesús ra.

Lázaro nandei quia, i rei judíos rerecua

⁹ Judíos que jirandu jate Jesús rese ra. Eriqui mose Betania. Nyoí jate que erese ra. Lázaro abe rea. Ae Jesús mbuquera erua si. ¹⁰ Nyebe judíos rerecua ñimbiirandu nguiã. —¡Lázaro abe nandei quia rei jê! i que ererecua ñee nyue ra. ¹¹ Judíos que siqui tuchite Jesús rese cote ra. Nguerecua que esecha jate cote ra. Lázaro que embuquera erua si nyii. Ùqui mbei bei que nyii ra. Jesús oso Jerusalén

¹² Mbia tubiriã ngue nyoí Jerusalén nda. Pascua raã naã sacua huee. Jesús abe que oso ra. Mbia que jirandu erese ra. Ecuasẽ nonde. ¹³ Mbia yate que Jesús cuasẽ mose

ra. Sindo que ecuruchoi erobeishi nda. Mbia que tasẽ tasẽ tuchi ra. —Eturã tuchi ruchĩ nguia co. Dios rucucha ruchĩ nguia co. Israel rerecua ruchĩ nguia co cote, i que mbia tasẽ tasẽ tuchi ee ra. ¹⁴ Jesús que ngasẽ burro riirĩ mo je ra. Nyui que eato ra. Embesa ji rui si. ¹⁵ I que embesa ji quia nyii ra:

¡jêireĩ ireichĩ nda, Sion jenda!

Co jenderecua ru quia co.

Co eru quia burro átoo co,

i que embesa ji quia nyii ra. ¹⁶ Jesús chimbaaquiatu que ã icuayãte nyii ra. Embesa ji. Jesús quera si mose que ã icua cote ra. —Embesa ji rui si chõ eriqui rei reãe, i que echimbaaquiatu eicua ramo cote ra.

¹⁷ Jesús que Lázaro mbuquera, ùqui ndese maesa que mbia mbiirandu randu tuchi quia ra. ¹⁸ Nyebe mbia nyoí ja tuchi nguiã Jesús robeishi. Jirandure Lázaro raaque mbuquera rese. ¹⁹ Fariseos que ñee ñee si nyue no nda. —Jesús rui ja tuchichĩ mbia. ¿Mañi nda aba mbia je re? i que ñee nyue ra.

Griegos mo Jesús requia

²⁰ Griegos mo abe que nyoí Jerusalén nda. Pascua raã naa Dios je. ²¹ Ùqui ngue nyoí ñee Felipe je ra. Felipe que Betsaida jenda ra. Galilea jenda. —Uremaese rete Jesús rese, i que griegos Felipe je ra. ²² Felipe que oso Andrés mbiirandu ra. Ùqui ja que nyoí Jesús mbiirandu cote ra. ²³ Jesús que ñee ee ra. —Mbiarã ngue achu ibate si ra. Semano nonde arubite cote. Sequera si nonde arubite cote. ²⁴ Tacheẽ nyecua jêje. Ibasí eĩ tiquia eã mose ra ia eã mbei. Chí chooño mbei rae. Etiquia mose ra suri cote. I a tuchi ra cote. Eĩ ae ra se. Ibasí eĩ na si. Amano nda se. Mbia ra setiquia. ²⁵ Ae nduate quia nyiese nae, ùqui nda nyoí eãte ibate. Ae ndua eãte quia nyiese nae, ùqui nguia ra nyoí ibate. Siqui bei sacua huee. ²⁶ Ae secheẽ mumba sereãte quia nae, sã ùqui ndiqui bei serui. Ae ra aico nae, huee ra ùqui abe riqui. Ae secheẽ mumba sereãte quia nae, ùqui ñi nda Paba ñee turã.

Amano nda se, i Jesús mbia je

²⁷ Seya eãte aico co. ¿Mañi ae ra ñee Paba je re? “Semingobe rei se ae. Sembasiã ndei se ae”, ae aroneate Paba je. ã sacua ño ngue achu resẽ. Sembasi sacua ño ngue achu resẽ. ²⁸ Paba, ndequirãcua eteauquia mbia je, i que Jesús ra. Ùqui mose que echeẽ mo ndu ee ibate si ra. —Sequirãcua ngue ateauquia mbia je ra. Ateacuquia si ra mbia je, i que ibatenda ñee ee ra. ²⁹ Mbia que ibatenda cheẽ ñandu ja rei ra. Ae chí Jesús rese, ùqui. —Ama ndieu ereae, i que mbia ra. —Tei. Angel mo ño ngue ñee nguiã Jesús je, i que emo no nda. ³⁰ Jesús que ñee mbia je cote ra. —Seje eã ño ngue

ibatenda ñee ndesê. Jê eandu sacua ño ngue ñee ndesê. ³¹ Paba ra seicuaa reã mbasi ja cote. Mbia icua ñderecua ra Paba mombo ibi jenda cote. ³² Sembucha mose mü ibate, mbia ra siqui tuchi serese cote. Sucha mo jenda ja abete ra siqui serese cote, i que Jesús ra. ³³ —Mbia ra seiquia mü sembucha ira rese, i ñene. ³⁴ Mbia que ñee Jesús je cote ra. —“Cristo ra siqui beï”, i que Dios cheê embesa ji urembiirandu. ¿Mbaerã erecheê nde? “Mbia ra sembucha ira rese”, i re. ¿Aba quia Cristo re? ¿Aba quia tu mbiarã nde? i que mbia ñee Jesús je ra. ³⁵ Jesús que ñee ee ra. —Taico mbirimbe jendese jembaaquiatu quiatu. Jendesaebe mbirí. Tata rendi rãte aico co. Tata rendi siqui mose jendese, ijengata turã ño nguia jê! Seicuaa reã ño siqui nguiã itondaru. Ūquí quiachã ño nguiã ūquí. ³⁶ Tata rendi raãte aico co. Seico beebe mose jendese, seicua tuchi rã. Eï nda jêingo turã jendesae ji, i que Jesús mbia je ra. Aquere que esi ñemi mbia si cote ra.

Judíos Jesús icua eã mbei

³⁷ Jesús que mbia mae sayã saã saã tuchite rei mbia je ra. Mbia que Jesús icuayã mbei chõ nda. ³⁸ Ae Isaías mbesa mü nyii nae, ūquí na si chõ ngue mbia Jesús icuayã cote ra. Eï ngue Isaías embesa mü nda: Sererecua, ae uresenei senei nguia mbia je nae, ūquí mbia icua sereãte quia ã. Ndequirãcua mbia tea sereãte quia ã, i que Isaías embesa ra. ³⁹ Mbia que Jesús icua aroneate ra. Isaías chimbese rã si chõ ngue ra. Eï ngue Isaías embesa mü no nda:

⁴⁰ Dios que mbia chiã matã nda. Nyebe eriqui mbae icuayã ñe. Nyebe eriqui nguiã uba eãte serese. Se embitiirõ sacua, i que Isaías chimbese huï nda. ⁴¹ Isaías que Cristo quirãcua tea nyii ra. Nyebe ã mbesa mü nguiã Jesús rã a. ⁴² Judíos tubiriãte que Jesús icua ra. Judíos rerecua emo emo abe que Jesús icua rei ra. Siqui checuayã ño ngue Jesús rui ra. Esiquichete quiatu ngue fariseos si re. —iFariseos ra nandemombochã mbia chumunuasa si jê! i que ra. ⁴³ —Dios cheê nandemombayã jê, iã ñochi ngue re. —iMbia cheê nguiatu nandemombayã jê! i chõchõ ngue re.

Secheê nguia ra seucuyãsa mbasi, i Jesús

⁴⁴ Jesús que ñee irãtã mbia je ra. —Ae seicua quia nae, se mü icua eã. Paba abe icua. Ae sembu ibate si. ⁴⁵ Ae mae nguia serese co nae, Paba abe rese mae. ⁴⁶ Mbia resae sacua ño achu nguiã co. Eï nda seicuaa siquiã itondãruu. ⁴⁷ Jêingo secheê andu ã. Jemo secheê mumba mose, se ra ambasiã. Secheê ae ra embasi. Mbia mingo beï sacua ño achu nguiã co. Mbia mbasi sacua eã ño achu nguiã. ⁴⁸ Secheê nguia ra seucuyãsa mbasi, mbae ua mose. Ibi

ua mose. Secheê ae ra secheê mumbasa mondo tata cuasu. Secheê andu chooño nguiatu ngue re. ⁴⁹ Se ae eã ño acheê nguiã mbia je. Paba quia ñee nguiã seje. “Eï ere mbia mbaaquiatu quiatu”, i que Paba sembu ra. ⁵⁰ Paba cheê ndei mbia mingo beisa. Echeê mumbayã mose. Nyebe aico nguiã Paba cheê nenei nenei co. Secheê ae eã ño ñene.

13

Jesús mbia i irei irei

¹ —Namo jiri ra Paba sererao ibate ibi si cote, i que Jesús uchiangui re ra. Nyese-cua tuchi que equia uchimbaaquiatu rese ra. Mano nyee. ² Jesús que quiaru u uchimbaaquiatu rese isa ra. Pascua nonde. —Jesús emondo mbia icua je, i que diablo Judas Iscariote je nyii ra. Simón ndiirã ndei aque. ³ Jesús que mbae icua jate ra. —Dios si chõ achu nguiã co. Asobe ra erea. Paba que uquirãcua mee tuchi seje ra, i que Jesús uchiangui re ra. ⁴ Quiaru jare que Jesús juã huïrao mbui ra. Ngũmbi que echuca toalla je ra. ⁵ I que eichuse mbae mo ye ra. Uchimbaaquiatu i que eirei irei ra. Mbãru iru que toalla je ra. ⁶ Pedro i nda eirei nguiã cote chã. —Sererecua chõ nde resê. ¿Mañi ere ra sei irei re? i que Simón Pedro ñee Jesús je ra. ⁷ Jesús que ñee ee ra. —Ã ereicuyãte. Ae asaã saã nguia ã. Ereicua rei ra cote, i que Jesús ñee Pedro je ra. ⁸ —Sei ra ereirei eã mbei, i rei que Pedro Jesús je ra. —Ndeirei eã mose, serese eã nda nde cote, i que Jesús Pedro je ra. ⁹ —Sei achõ eã eirei rõ. Seo abe eirei no. Seãquï abe no, i chee que Pedro ee cote ra. ¹⁰ Jesús que ñee ee ra. —Ae echasu quiite, equishite ūquí ndesê. Jêi mü ño tairei. Jêquishã ja eãte raque. Aque mãite raque echia nondei, i que Jesús uchimbaaquiatu je ra. ¹¹ Jesús que jirandu Judas rese ra. Nyebe eriqui nguiã ñee. —Aque müite raque echia nondei, i.

¹² Ei irei jare que huïrao mingue cote ra. Ngoi si que ra. Ae ñee nguiã nguesenda je. —Jêi que airei, ¿ūquí jêicuate rei quia re? ¹³ Nyebe jêingo nguiã ñee seje. “Sererecua, Sembaaquiatusa”, i seje. Coche jeñee nguiã seje. Ererecua rei se. ¹⁴ Jêi que airei irei. Ererecua raque se. Nyebe jê abe jemo i jêirei irei ae. ¹⁵ Nyebe que ateaquiquia jêje resê. Serui sichõ jêingo emo i irei irei ae. ¹⁶ Tacheê nyecua jêje. Se rei jenderecua. Se chõ aemondo mondo nguiã mbia mbaaquiatu sacua. Jengasu ra jesaã saãchã sesi jê. ¹⁷ Jê secheê icua mose, secheê mumbayã mose, jêya tuchi ra jêingo. ¹⁸ Jê ja je eã aico nguiã ñee a. Jaëirabo que se resê. Jaëicuate que se resê. “Ae quiaru serese nae, aque icuate ra seje cote”, sã embesa ji i no. Embesa ji rui si ra jemo icua seje cote. Quiarure

serese. ¹⁹ ¡A aico ñee jei jêje a jê! Eicua ñonde seje. Eicua mose seje, jê ñda seicua cote. “Dios nducucha” jenyete tuchi ra seje cote. ²⁰ Tacheê nyecua jêje. Ae secheê nenei neneisa isi quia nae, ũquí ñda seisi se abe. Ae seisi quia nae, Paba abe isi rae, i que Jesús uchimbaaquiatu je ra.

Jemo ñda semondo mbia icuã je, i Jesús

²¹ Jesús ia eã tuchi que cote ra. —Tacheê nyecua jêje. Jemo ñda semondo mbia icuã je cote, i que ñee nyecua uchimbaaquiatu je ra. ²² Echimbaaquiatu que mae mae ja chõ nyiese ra. —¿Aba ra re? ¿Aba ra re? i jaaja nyue. ²³ Jesús chesecua tuchi que chĩ ngoi ejii ra. ²⁴ Aque je que Simón Pedro o mee mee ñda. —“¿Aba ra re?” ere ee, i que Pedro ra. ²⁵ Jesús chesecua que ñimbucha i i ñee Jesús je ra. —¿Aba ra re? i ee. ²⁶ Jesús que ñee ee ra. —Mbichae monde jì ra amee jemo je. Ae je ra amee, aque ra semee mbia icuã je, i que Jesús ra. Mbichae que emonde mondo Judas Iscariote je cote ra. ²⁷ Judas mbichae u mose que Satanás ndu embicua tuchi cote ra. Jesús que ñee ee ra. —Ae ra eresaã nae, ¡quí esaã jeichõ jê! i que Jesús Judas je ra. ²⁸ —¿Mbae rii Jesús riqui ñee Judas je re? i que eataque ra. Mbia iranua ja que ra. ²⁹ Judas que mbae isiquia quereco ja quia ra. —Mbae mo eisi rá nandechiurá, i rei Jesús quia Judas je uchimbaaquiatu je. —Mbae mo emondo rá mbaecha reã je, i rei Jesús quia Judas je uchimbaaquiatu mo je. Echeê ngue eicuayã ja ra. ³⁰ Mbichae ure que Judas si usê cote ra. Itondarوقي ri.

Jesús ucheê yasu renei mbia je

³¹ Judas usê mose que Jesús ñee ñda. —Mbiarã ngue achu ra. Sequiracuã ndese ra mbia mae cote. Dios quiracuã abe areco co. Dios quiracuã abe rese ra mbia mae cote. ³² Aico Dios quiracuã ndeacuquia mbia je a cote. Dios abe ra sequiracuã teacuquia mbia je cote. Sequiracuã ñda eteacuquia je mbia je cote. ³³ Seresenda, aico mbiri ño nguia jendese a cote. Serequia rei ra se cote. Acheê ngue judíos je, ũquí sí aico ñee jêje a. Ae ra aso nae, huee jengasê aroneate. ³⁴ Aico secheê yasu nenei jêje a. Secheê mumbayã sacua. ¡Jenyesequa ja jenyiese jê! Sã ñi aico nyesequa tuchi jendese no. ¡Ei jenyete nyesequa tuchi jenyiese jê! ³⁵ Jenyesequa tuchi mose jenyiese, mbia ra ñee ja tuchi jeni. “Ei nguia Jesús chimbaaquiatu quia re”, i ra mbia jêje, i que Jesús uchimbaaquiatu je ra.

Pedro ra ñee ñoño serí, i Jesús

³⁶ —¿Manguiti ra ereso re? i que Simón Pedro ñee Jesús je ra. —Ae ra aso nae, huee ereso aroneate namo. Emo mose jiri ra ereso serui cote, i que Jesús Pedro je ra. ³⁷ Pedro que ñeembe ee ra. —¿Mbaerã ñda asoã ñderese namo ñde? Seso sete ñderese.

Semano sete ñderese, i que Pedro Jesús je ra. ³⁸ Jesús que ñee ee ra. —“Semano sete ñderese”, erechĩ nguia seje. Co isa ra erecheê ñoño serí tres veces. “Jesús aicuayãte resê”, ere choño ñda serí nguira cheê ñonde, i que Jesús Pedro je ra.

14

Jesús rei ñeenda Dios icha

¹ Jesús que ñee uchimbaaquiatu je ra. —Jêya eã eriquichĩ nguia. Dios jêicua chõ ae. Se abe jêicua chõ ae. ² Ae Paba riqui, huee tuchia tubiriãte. ũquí eande rae, eã ñda acheê eate rei jêje. Aso ra tuchuarã naã jêje. ³ Jenyucharã naa jare ra achube jendea cote, jenderao bei serese cote. Jê ñda jêingo bei serese pee cote, ae ra aico. ⁴ Ae ra aso, huee jêicuate resê. Ñeenda abe jêicuate resê, i que Jesús ee ra. ⁵ Tomás que ñee ee ra. —Ureicuayãte nyeresê. ¿Mangue ra ereso mangue re? Ñeenda ra ureicua eate chi ñde, i que Tomás Jesús je ra. ⁶ Jesús que ñee ee ra. —Ñeenda rei se. Ñee ñoñoã je rei se. Mbia mingo beisa rei se. Ae ra seicuayãte, ũquí ñda ngasã mbei Paba je. ⁷ Jê seicua mose, Paba abe jêicuate quia ã. Jê Paba jêicuate quia cotê resê. Jemae ngue erese namo ñdesê, i que Jesús ee ra.

⁸ Felipe que ñee ee cote ra. —Nderu eteacuquia rá ure je. ũquí mii ño ureico nguia ñee ñdeje, i que Felipe ra. ⁹ Jesús que ñee Felipe je ra. —Aico tuchite que jendese, Felipe. ¿Mbaerã ereico seicuayãte re? Ae mae nguia serese, Paba abe rese maete. ¿Mbaerã ereico ñee seje re? “Nderu eteacuquia ure je”, i seje. ¹⁰ Co aico Paba rese co resê. Paba abe riqui serese co. ¿ũquí ereicuayãte re? Ae aico ñee jêje nae, secheê ae eã ño ũquí ñde. Paba riqui serese co. Ae abe riqui mbae raã naa serese co. ¹¹ Secheê jêicua rá. Co aico Paba rese co. Paba abe riqui serese co. “Nyia”, jenyete eã mose secheê je, sechisaã je chõ “nyia” jenyete.

¹² Tacheê nyecua jêje. Ae seicua quia nae, ũquí ñda sechisaã saã saã se rá si cote. ũquí ñda mbae saã saã tuchi sesi. Co quia aso nguia Paba rea se co. ¹³ “Mbae emondo ure je” i mose seje, amondo ra jêje. Jê seicua mose. Eĩ ae ra Paba quiracuã ndeacuquia mbia je. ¹⁴ “Mbae emondo ure je”, i mose seje, amondo ra jêje. Jê seicua mose.

Espíritu Turã tamondo jêje, i Jesús

¹⁵ Jenyesequa mose serese, secheê jemumbayã ae. ¹⁶ Tacheê Paba je. “Espíritu Turã emondo sechimbaaquiatu je”, ae ra Paba je. Espiritu Turã ñda siqui bei jendese cote. Jêquiato tuchi ra ae cote. ¹⁷ Espiritu Turã ñda ñee ñoñoã jêje, jembaaquiatu quiatu. Ae ra siqui eã tuchi Dios quiatu ñde. Espiritu Turã icuayãte quia ñe ne. Jê

nguia jêicuate nguia. Co Espiritu turã ndiqui jendese co. Siqui bei ra jendese.

¹⁸ Aso raque quia co. Esi cheecha rã nda jêingoã. Achube ra jembirõ. ¹⁹ Aichite aĩ oso a cote. Dios icuasa reã nda mae eã serese cote. Jê nguia nda jemaes nguia serese. Aquera si ra siqui bei nonde. Jê abe ra jêingo bei seriĩ cote. ²⁰ Espiritu Turã tu mose ra jêicuate cote. “Jesús riqui ngu rese co. Æ ureico Jesús rese ã. Jesús riqui urerese co”, jenye ra seriĩ cote. ²¹ Ae secheẽ icua quia nae, ae secheẽ mumbayãte quia nae, ùquĩ nguia nyesequate nguia serese. Paba nyesequate ùquĩ ndese. Se abe achesequate ùquĩ ndese. Tachecua ñimbucha ùquĩ ndese, i que Jesús uchimbaaquiatu je ra. ²² Judas, i que echimbaaquiatu mo je ra. Judas Iscariote eã ño aque re. Judas mo ño aque re. Judas que ñee Jesús je ra. —¿Mbaerã nda erechecua ure je re? Mbia ja je nyecua rocoĩ, i que Judas ra. ²³ Jesús que ñee ee ra. —Ae nyesequate quia serese, ùquĩ secheẽ mumbayãte quia ã. Paba abe ra nyesequate ùquĩ ndese. Paba ra siqui ùquĩ ndese. Se abe ra aico ùquĩ ndese. ²⁴ Ae nyesequate eãte quia serese, ùquĩ secheẽ mumba mubate quia ã. Secheẽ ae eã asenei senei nguia jêje co. Paba cheẽ ño asenei senei nguia jêje. Ae chõ sembu nguia.

²⁵ Seso nonde aico co renei nenei jêje a. Sereco mosebe jendese. ²⁶ Paba ra Espiritu Turã mondo jêje secheẽ ndui si. Jêquiato tuchi ra Espiritu Turã cote. Ae ra jembaaquiatu tuchi mbae ja riĩ cote. Ae ra jemundua tuchi secheẽ ndese cote. ²⁷ Co aso quia co. Jêyayã eã taemingo a. Seicuasa reã na si eã taemingo. Ùquĩ nguia eya eãte riqui nguia. Sã seyate se no. Eĩ tae jembia mingo a. ¡Jêya bei chõ jê! ¡Jêsiquichẽ ño jê! ²⁸ Aso ra Paba rea cote. Aquere ra achube jembirõ. Ùquĩ ndese que jêirandu resẽ. Jenyesequa mose serese, eĩ ndei ra jêyate secheẽ ndese. “Taso Paba rea”, i mose. Ae quiarei i tuchi sesi. ²⁹ Seso nonde aico ñee tuchi jêje a cote. “Ñee ñoñoã tuchi quia equia re”, jenye tuchi ra seso mose cote. Huee ra jê seicua tuchi cote. ³⁰ A nda aicobe ñee ñee jêje chã. Diablo quia tu nguia co. Mbia icuã nderecua ru quia co. Ae quiarei equirãcuã neã jiri sesi. ³¹ Paba cheẽ ndui si taico. Mbia sei quia arondete raque. “Nyesequa tuchi quia equia ngu rese re”, i ra mbia seje cote. Paba cheẽ mumbayã mose. Jêhuã. Nyao, i que Jesús uchimbaaquiatu je ra.

15

Jesús rei ira i rã

¹ Jesús que ñeembe uchimbaaquiatu je ra. —Se rei ira i rã. ² Paba rei ira raarõsa rã. Ira rãquiã ndibisho ia eã mose, nyisia rae. Erãquiã ia mose, saarõ turã ndae. Mbeerera

rera rae. Embitirõ sacuã. Ia tuchi sacuã cote. ³ Jê ngue secheẽ jêisi turã ndesẽ. Nyebe Paba jembitirõ secheẽ je resẽ. ⁴ Jêingo bei ñimbucha serese. Sã aico ñimbucha jendese no. Ira rãquiã ae ra ia eã. Siquiã mose ñimbucha hui rese. Eĩ jenye ra jê. Mbae turã nda jêsaã eã jê ae. Siquiã mose ñimbucha serese. ⁵ Se rei ira i rã. Erãquiã na ndei jê. Jêingo mose ñimbucha serese, seico mose ñimbucha jendese, jêturã tuchi ra jêingo cote. Jê ae ra mbae turã jêsaã eã, siquiã mose ñimbucha serese. ⁶ Ae siquiã ñimbucha serese nae, ùquĩ nda siqui ira rãquiã sia ji rã. Eiru mose ra mbia emunua nua. Erei sacuã. ⁷ Jêingo bei mose serese, jeñee nda amumbayã. “Mbae embu ure je”, i mose, amondo ra jêje. Jêtesareia mose secheẽ si. ⁸ Jêingo turã mbei mose, mbia ra ñee turã turã mbei Paba riĩ. Jêingo turã mbei mose, “Jesús chimbaaquiatu tuchi quia eriqui re”, i ra mbia jeni. ⁹ Sã Paba riqui nyesequa serese nae, eĩ ae si equia nyesequa jendese co. Jêingo bei ñimbucha serese. Eĩ nda achesequa bei jendese. ¹⁰ Paba cheẽ amumbayãte quia co. Nyebe Paba riqui nguia nyesequate serese co. Jê secheẽ mumbayã mose, achesequa bei tuchi ra jendese. ¹¹ Aico ñee jembaaquiatu co. Jembia sacuã. Sã seyate se no, se rã si ra jêya.

¹² Æ ndei secheẽ ã: ¡Jenyesequa tuchi quia jenyiese jê! Sã aico nyesequa tuchi jendese no. ¹³ “Se tamano sequiato ribishorõ”, i mose emo, aque quiarei nyesequa tuchite uquiato rese. ¹⁴ Sequiato rei jê, secheẽ mumbayã mose. ¹⁵ “Serimba” aeã nda jêje cote. Ererecua quiatu “sequiato” i ãte nguia ngũimba je. Ñee ja eãte ngũimba je. Sã eriqui ñee ja uquiato je no. Se quia ñi Paba cheẽ asenei senei jate nguia jêje. Nyebe “sequiato” tae jêje cote. “Serimba” i rocoĩ. ¹⁶ Jê ngue seirabo eã ndesẽ. Se quiatu ngue jaẽirabo nguia. ¡Mbae turã ño jêsaã saã mbei quia seje jê! ¡Jenyisaã nda uachi jê! Jê ngue seicuate. Nyebe jê “mbae mo embu ure je”, i mose Paba je, mondo ra jêje. ¹⁷ Æ ndei secheẽ jêje ã: ¡Jenyesequa tuchi quia jenyiese jê!

Mbia ataque Jesús rimba ucuayã

¹⁸ Dios icuasa reã nda jêucuayãte cote. ¡Jêicua quiatu jê! “Eĩ ngue equia Jesús ucuayã nyii resẽ”, jenye ra cote. ¹⁹ Jaẽirabo que se ra. Nyebe jêingo nguia Dios icuasa reã na eã. Nyebe eriqui nguia jêucuayãte ã. Jê ùquĩ na mose, eĩ nda eriqui turãte rei jendese. ²⁰ Acheẽ ngue jêje nyii, ¡quĩ ndese jendua jê! ¡Jengasu ra jêsaã saãchĩ sesi jê! Mbia icuã mose seje, jêje abe ra eicuã. Mbia secheẽ mumbayã mose, jê abe cheẽ mumbayã ndae. ²¹ Seriĩ nda Dios icuasa reã jê jê jêje. Dios icuayãte quiatu nguia ã. Nyebe ra eicuã icuãte jêje. ²² Achu que

mbia mbaaquiatu quiatu ra. Nyebe ra Dios eicuã tea chooñoã cote. Eĩ nda Dios eicuã tea chooño ndei. Se embaaquiatu eã mose. “Ureicuã ureicuayãte quia ã”, i aronea ño emo cote re. ²³ Ae seucuayãte quia, Paba abe ucuayãte equia ã. ²⁴ Mbia mae sayã ngue atacuquia tuchi rei ee ra. Sechisaã nda mbia mo saã eã. Eĩ nda Dios mbia icuã tea chooño ndei. Sechisaã ndese mae eã mose. Sechisaã ndese mae ndaque, seucuayã ño nguiã ã. Paba abe ucuayã ño nguiã ã. ²⁵ Mbia riqui seucuayãte ã. Sã embesa ji riqui ñee no: “Mbia seucuayãte. Se mbae icuã asaã eãte raque”, sã embesa ji riqui i no. Ûqui ìquechĩ cote. ²⁶ Seso mose Paba rea, Espiritu Turã tamondo jêje. Jêquiorã. Ae ra tu Paba si jêje. Ae ra ñee ñooñoã jêje. Ae ra jembaaquiatu quiatu turã seriĩ. ²⁷ Nyii mosenda bei chõ jêingo nguiã serese. Nyebe ra jê abe mbia jembaaquiatu quiatu turã seriĩ, i que Jesús ra.

16

¹ Jesús que ñee i i uchimbaaquiatu je ra. — A aico ñee jêje a. Eĩ nda jêhu i eã sesi, mbia icuã icuã mose jêje. ² Mbia ra jendiquisã quiaã, jêso jêso mose mbia chumunuasa. “Å ureico rei nguiã mbae turã naa naa Dios je ã”, i ra mbia jêiquia iquia mose. ³ Seucuayãte quia ñe ne. Paba abe icuayãte quiatu nguiã ã. Nyebe ra eriqui mbae raã icuã icuã jêje. ⁴ Eĩ ae chõ nguiã ñee jêje co. Eĩ nda jendua secheẽ ndese, mbia icuã icuã mose jêje. “Jesús cheẽ ìquechĩ cote”, jenyete ra cote.

Espiritu Turã nda jembaaquiatu quiatu, i Jesús

Acheẽ jei eã ngue jêje ùqui cose resẽ. Aicote quiatu ngue jendese re. ⁵ Co quia asote nguiã Paba rea co cote. Ae sembu. “¿Manguete ra ereso mangue re?” i eã ñochĩ jemo seje. ⁶ Se “taso” i mose jêje, jêya eãte chõ jêingochĩ nguiã ã. ⁷ Tacheẽ nyecua jêje. Coche aso nguiã jendecha co. Espiritu Turã nda ambu jêje. Jêquiorã. Ae ra siqui jendese. Eĩ nda Espiritu Turã tuãte rei. Seso eã mose jêsi. ⁸ Espiritu Turã tu mose ra ñee ñee mbia je. “Mbia icuã ja chõ ñe ne. Jêingo turã Dios resa rae. Dios ra Jesús icuasa reã mbasi ja”, i ra Espiritu Turã ñee mbia mbaaquiatu quiatu. ⁹ “Jê nguia Jesús jêicuayãte nguiã ã. Nyebe jêicuã ndiqui nguiã”, i ra Espiritu Turã ñee mbia mbiirandu. ¹⁰ Aso ra Paba rea cote. Mbia ra mae eãte serese cote. Nyebe ra Espiritu Turã mbia mundua mbae turã ndese cote. ¹¹ “Dios ra diablo mondo tata cuasu”, i ra Espiritu Turã ñee mbia mbiirandu.

¹² “Taembaaquiatube jiri”, ae rei se. Jêicuayã jeite chõ ndae. ¹³ Espiritu Turã tu mose, ae ra jembaaquiatu quiatu turã

mbae ja rese. Ñee ñooñoa tuchi rae. Ucheẽ ae ra esenei seneiã. Paba cheẽ ño esenei senei nguiã. Mbae tu nonde ra Espiritu Turã jembiiirandu erese. ¹⁴ Espiritu Turã nda jembaaquiatu quiatu secheẽ ñii. Ûqui mose ra mbia ñee turã turã seriĩ cote. ¹⁵ Ae Paba senei senei nguia, ùqui asenei senei nguia se abe co. Nyebe ra Espiritu Turã jembaaquiatu quiatu secheẽ ñii.

Jêya eande nyii ra jêya tuchi cote, i Jesús

¹⁶ Namu jiri ra jemaẽ eã serese cote. Aquere ra jemaembe serese cote. Aso ra Paba rea, i que Jesús uchimbaaquiatu je ra. ¹⁷ Echimbaaquiatu que ñee ñee nyue ra. — ¿Mbae i Jesús quia re? “Namu jiri ra jemaẽ eã serese cote. Aquere ra jemaembe serese cote. Aso ra Paba rea”, i chõchĩ. ¿Mbae ùqui nde? ¹⁸ ¿Mbaerã eriqui “namu jiri” i re? ¿Mbae rĩ eriqui ñee nde? Nandeiranuã tuchichĩ, i que echimbaaquiatu ñee nyue ra. ¹⁹ Jesús que jirandu erese ra. — “Ndecheẽ embiasa jiri ure je” ¿jenyete sete seje re? “Namu jiri ra jemaẽ eã serese cote. Aquere ra jemaembe serese cote”, ae que jêje, ¿aque jêicuayãte re? ²⁰ Tacheẽ nyecua jêje. Namu jiri ra jenyeseo. Jêya eãte rae. Sequiatoã nda eya tuchi. Aquere ra jêya tuchi cote no. Jêya eande nyii. ²¹ “Serasichĩ nda cote re”, i ra esi ndua ndua ãquẽ nyaacuquia seriĩ mose. Eyayã tuchi ae. Áquẽ nyaacuquia mose cote, eya tuchi ra cote. Ndua eã tuchi ra ngasi rese cote. Eya tuchi chõ nda nguiĩ ndese cote. ²² Áquẽ ndasi rá ño jê nde. Jêya eãte namo. Setube mose jendea, jêya tuchi ra cote. Emo nda jembia eã eã cote. ²³ “Ndecheẽ embiasa jiri ure je”, jenyete eã nda seje cote. Tacheẽ nyecua jêje. Jê seicuate. Nyebe jê “mbae mo embu ure je”, i mose Paba je, mondo ra jêje. ²⁴ “Mbae mo embu ure je. Jesús icuasa je”, jenyete eã mbeite equia Paba je ã. Jeñee ee. Jeñee mose ee, mondo ra jêje. Jêya tuchi ra cote.

Jesús quirãcua tuchi ibi jenda si re

²⁵ Acheẽ tuchi rei que jêje ra. Secheẽ ngue ambiasa tuchĩã jiri jêje ra. Emo mose jiri quia ra secheẽ ambiasa tuchĩã jêje cote. Paba rĩ. ²⁶ Aquẽ mose ra jeñee Paba je. “Mbae embu rá ure je”, jenyete ra Paba je seriĩ. Aquẽ mose ra acheẽ eã ee jeni cote. Jê ae chõ nda jeñee ee cote. ²⁷ Paba sí nyesecua tuchite quia jendese co. Jenyesequate quiatu nguiã serese ã. “Dios que Jesús mondo nande je resẽ”, jenyete quiatu nguiã seje ã. Nyebe Paba riqui nguiã nyesecua tuchi jendese. ²⁸ Paba si que achu ibi resẽ. Asobe ra ibi recha cote. Paba rea ra asobe ibátee cote, i que Jesús ñee uchimbaaquiatu je ra.

²⁹ Echimbaaquiatu que ñee ee ra. — Ereicochĩ ñee nyecuate ure je a cote. Ndecheẽ erembiasa tuchichĩ nguia ure je

a cote. ³⁰ Mbae ereicia ja tuchi quiatu quia nde reaē. Mbia ndua ndua ereicuate quia equia co reaē. Nēe nonde ndeje. Nyebe ureico nguiā ndeicuate ā. “Paba si chō erechu nguiā co”, ure equia ndeje ā, i que echimbaaquiatu ee ra. ³¹ Jesús que nēe ee cote ra. —Jē ngue seicuate rei nguiā. ³² Seandu rā se. Namu jiri ra jeñimbuchao chao oso sesi. Jēso ja ra serecha namo. Se ae eā nda aico. Paba riqui nguiā serese co. ³³ Jē seicua mose, mbae ra jembia eā eā. Nyebe aico nguiā jembirandu randu beite co. Mbia icuā icuā mbeite ra eriqui jēje a íbii. ¡Jeñimbiracuā jiri quia jē! Se quia sequiracuā tuchi ibi jenda si re, i que Jesús nēe uchimbaaquiatu je ra.

17

Sechimbaaquiatu eteaquiatu, i Jesús Dios je

¹ Jesús nēe jare uchimbaaquiatu je que soboiba mae ibate nēe Dios je ra. — Paba, ndecheē ndiquichí io a cote. Seturā eteacua mbia je cote. Eī nda se abe ndeturā eteacua mbia je. ² Nde chō ngue semii mbia rerecuarā, Paba. Mbia mingo bei sacuā. Mbia que eremeese seje, ũquí mingo bei sacuā. Se rei nderucucha. ³ Paba, nde mii ndei Dios tuchi ereico co. Se rei Jesucristo ndechimbu ibate si. Ae ndeicuate quia nae, se abe icua equia nae, ũquí nda siqui bei. ⁴ Ndeturā ngue ateaquiatu mbia je ra. “Ā esaā íbii”, ere que seje, ũquí ngue asaā ja cote ra. ⁵ Paba, seturā eteacua mbia je. Cose ndare rā. Mbae eā mosenda rā. Asobe ra siqui nderese. MSā ndeturā eteacua mbia je nae, seturā abe eteacua mbia je.

⁶ Mbia que eremeese seje, ũquí ngue ambiirandu tuchi nderese ra. Nembae rei que nyii ra. Eremee ngue seje cote ra. Ndecheē ngue emumbayā nda. ⁷ Nde chō ngue sembaaquiatu quiatu nguiā, Paba. Ndecheē ae chō ā nde. Secheē eā ño ñe ne. ũquí ngue sechimbaaquiatu icuate ra. ⁸ Eresenei senei ngue seje, ũquí ngue asenei senei ja ee ra. Nandecheē ngue eisi ja turāte ra. “Paba si que Jesús ru ra. Paba que embu ra”, i equia nderii ā. ⁹ Sechimbaaquiatu eteaquiatu, Paba. Seicuaa reā je eā ño aico nguiā “eteaquiatu” i ndeje. Ae eremeese seje nae, ũquí je chō aico nguiā “eteaquiatu” i ndeje. Nderimbate quia ñe ne. ¹⁰ Ae nderimba nae, serimba chō se abe re. Ae serimba nae, nderimba chō ũquí no nde. Serimba riqui nēe turā mbei serii ā. ¹¹ Asobe ra ndeje, Paba. A ra aicoā íbii cote. Serimba quia ra chichō íbii. Eteaquiatu, Paba. Ae eremeese seje, ũquí eteaquiatu ndequiracuā je. Mbae mii ndese ja chō emundua ndua mingo. Sā nande nandendua ndua mbae mii ndese no

nae. ¹² Ae eremeese seje, ũquí ngue ateaquiatu quiatu quia ndequiracuā je ra. Seico mose íbii. Emo ngue quiachā eāte sesi ra. Aque mii nda quiachā. Embesa ji cheē ndui si ra aque mii quiachā. Huicuaē je. Emo ngue quiachāyi cote ra. ¹³ Aso ra nderea cote. Seico beebese mose íbii, aico nēe nēe ndeje serimba rii a. ¹⁴ Ndecheē ngue asenei senei ee ra. Ibi jenda eā ño se re. Serimba abe rei ibi jenda eā. Nyebe ibi jenda riqui nguiā serimba ucuayā. ¹⁵ “Serimba erao ibi si”, ae eā ño nguiā ndeje co, Paba. “Eteaquiatu diablo si”, ae chō nguiā ndeje co. ¹⁶ Se rā si rei serimba. Ibi jenda eā ndiqui ā. ¹⁷ Serimba emingo tuchi icúe nembraerā. Ndecheē je emingo icúe. Nde quia erecheē ñoñoño eāte nguiā. ¹⁸ Sā nde sembu mbia je no, eī ae si chō nguiā serimba mondo mondo mbia mbaaquiatu quiatu co. ¹⁹ Aico ñumondo tuchi ndeje co, Paba. Mano sacuā serimba je. ²⁰ Sā nde serimba abe ñumondo tuchi ndeje.

²⁰ Ā nii achō eā aico nēe ndeje. “Eteaquiatu” i ndeje. Ā nda secheē senei senei emo je abe cote. ũquí abe ra seicua cote. Serimbarā. Ae ra seicua icua nae, ũquí abe eteaquiatu. ²¹ Mbae mii ndese ja chō ũquí emundua ndua mingo. Mbae mii naanguia tuchi emingo nanderese, Paba. Sā ereico serese no nae. Sā aico nderese no nae. Eī nyere si ũquí mingo mbae mii na. Eī nda mbia seicuaa reā nēe serii. “Dios chimbu quia eriqui re”, i nda mbia nēe serii ña. Seicuaa siqui mose mbae mii ndese. ²² Ndeturā ngue eremeese seje, eī ae que seturā mondo seicuaa je ra. Eī nda eriqui mbae mii na. Sā nandeico mbae mii na nande no, Paba. ²³ Nyebe aico nguiā seicuaa rese co. Nde ereico serese co no. Nyebe seicuaa riqui mbae mii na co. Eī nda seicuaa reā nēe nderii. “Dios quia Jesús mbu quia reaē. Dios quia nyesecua quia Jesús icuaa rese re. Jesús rese rā si nyesecua”, i nda mbia nēe nderii ña. ²⁴ Paba, serimbarā ngue eremeese seje. Ae ra aso, sā echoi serea siqui bei huee serese cote. Ndecheē turā andu sacuā serii huee. Erecheē turā mbeite serii. Ibi eā mosenda bei chō ereico nguiā nyesecua serese co. ²⁵ Ndeturā tuchi, Paba. Seicuaa reā ndeicuaate quia ā. Se quia areicuate nguiā co. Serimba abe que ndeicuate quia ā no nda. “Dios chimbu”, i seje nderii. ²⁶ Arerenei nenei tuchi que serimba je ra. Tarerenei nenei tuchibe ee. Eī nda nyesecua tuchi serese no nae. Taico bei serimba rese cote, i que Jesús Dios je ra.

18

Mbia icuā ngaē Jesús ruruchoi

¹ Jesús ñeende ngu je que echoi ama ñetē ndobei ra. Cedrón, i que aque ama je ra. Aque robei que esi uchimbaaquiatu rese ra. Iraqui turā mo ngue echoi ra. ² Jesús que oso oso beite quia huee ra. Iraqui re. Uchimbaaquiatu rese. Nyebe Judas riqui nguiā hue icuate. —Jesús tateacuquia checuayā mbia je, i que Judas ra. ³ Nyebe Judas mbia ruruchoi nguiā huee Jesús isi sacuā. Soldados que ecuruchoi ra. Policía jenda abe que ecuruchoi no nda. Sacerdotes rerecua chimondo rei policía. Fariseos chimondo abe no. Ūquí ja que nyoí ngasē Jesús je ra. Tiquise que ecuruchoi quia ra. Lámparas abe no. Mbae rendi abe no. ⁴ Jesús que mbae icuate ra. —Mbia ra jeí jeí seje, i que eicuate ra. —¿Aba rea jenyu quia co re? i que oso ñee ee ra. ⁵ —Jesús rea urechu quia co. Nazaret jenda, i que mbia ñee nda. —Se chō Jesús resē, i que ee ra. Judas abe que siqui mbia rese huee ra. Ae que siqui Jesús mee mbia icuā je huee ra. ⁶ —Se chō Jesús resē, i mose que mbia siri siri choi uquite quiti ra. Ngoi ngoi chee que echoi ra. ⁷ —¿Aba rea jenyu quia co re? ibe que Jesús ñee ee ra. —Jesús rea urechu quia co, i que ra. ⁸ Jesús que ñeembe ee ra. —“Se chō nyeresē”, ae que jēje. Serequia mose, sererao se ae. Sā seresenda chichō, i que Jesús ee ra. ⁹ —Ae Paba mee seje serimbarā, ūquí mo quichāyāte sesi, i que Jesús nyii ra. Nyebe ñee nguiā mbia je cote. —Sā seresenda chichō, i mbia je cote. ¹⁰ Simón Pedro que uchuuru siqui tiquise ra. Sacerdote rerecua rimba rese que tiquise rerequie requia ra. Eisa que echisia equiatocuti quitinda ra. Malco, i que aque je ra. Ae isa Pedro chisia. ¹¹ Jesús que ñee Pedro je ra. —Ndechuuru emingue chō eriru ye. Paba cheē tamumbayā na. Tachecuachō na mbia je. Sā mbia icuā sem-basi tuchi cote, i que Jesús Pedro je ra.

¹² Soldados que Jesús isi cote ra. Soldados rerecua rese. Policía rese. Ūquí ja que Jesús isi ra. Nyucua que suruchoi ra. ¹³ Anás chuchua rane ngue eruchoi ra. Anás ndiiri ngue Caifás ninisi ra. Caifás que sacerdote rerecua aque mose ra. ¹⁴ Caifás sí quia que ñee nyii ra. —Aque mi ño nda mano nguiā nande ja je chā, i que judíos je nyii ra.

Jesús aicuayāte, ichōiño Pedro

¹⁵ Mbia Jesús ruruchoi mose que Simón Pedro nyoí eruí ra. Jesús chimbaaquiatu nongue rese. Co mi ndese. Nongue que sacerdote rerecua icua ra. Nyebe ique oso nguiā Jesús rui. Sacerdote rerecua itaicuee. ¹⁶ Mbia que Pedro siquisā mi etaronda robei ra. Sacerdote chiicua que tu nyebi ñee echiquesa raarōsa je cote ra. —Sā Pedro ique rā serese, i que ra. Nyebe emingue

nguiā cote. ¹⁷ Echiquesa raarōsa que ñee Pedro je ra. —¿Jesús resenda nde re? i que nyucuaaque Pedro je ra. Echiquesa raarōsa. —Tei, ichōiño ngue Pedro ee ra. ¹⁸ Nyiiseite mose que ra. Nyebe policía jenda tata mbucha nguiā. Sacerdote rimba rese. Ūquí ja que chi nyee ra. Pedro que chí nyee erese ra.

Sacerdote rerecua ñee Jesús je

¹⁹ Sacerdote rerecua que ñee Jesús je ra. —¿Aba ndechimbaaquiatu re? ¿Mbae rii ereico mbia mbaaquiatu quiatu re? i que ererecua ra. ²⁰ Jesús que ñee ee ra. —Se que acheē ja mbia resa rae ra. Mbia chumunua nuásaa ja que aico mbia mbaaquiatu quiatu ra. Dios chuchúaa abe no. Acheē nyecuayā cuayā eā ngue se quia mbia ísaa ra. ²¹ ¿Mbaerā ereico ñee seje re? Secheē andusa je quia echeē. Sā ūquí ñee. Mbae rii acheē ee re. Ūquí ngue secheē ñandu ja quia ra, i que Jesús ererecua je ra. ²² Jesús cheē mose que policía jenda mo ucua eritii rese ra. —¿Mbaerā ereico ñee sacerdote rerecua je ūquí nde? i que policía mo ñee ucua Jesús rese ra. ²³ Jesús que ñee ee ra. —Secheē icuā mose quia echeē seje. Mbae icuā nii aico ñee nde. Secheē turā mose chō erecuachí nguiā serese, i que Jesús ee ra. ²⁴ Anás que Jesús mondo Caifás je cote ra. Ecuasa que ecuruchoi Caifás je ra. Caifás que sacerdote rerecua ra.

Jesús aicuayāte, i si Pedro

²⁵ Pedro que nyee beite u tata ra. Mbia mo ngue ñee ee ra. —¿Jesús resenda nde re? i ee. —Tei, ichōiño ngue Pedro ee ra. ²⁶ Ae isa Pedro chisia nae, aque resenda que siqui huee ra. Sacerdote rerecua rimba chō ae re. Ae que ñee Pedro je ra. —Nde rese amae iraqi re Jesús rese reae, i que Pedro je ra. ²⁷ —Tei, ichōiño ngue Pedro ee no nda. Aque mose tuchi que nguira ñee cote ra.

Pilato ñee Jesús je

²⁸ Policía jenda que Jesús curuchoi Caifás chuchua si cote ra. Ererecua tuchi chuchúaa que eruchoi cote ra. Pretorio, i que hue tuchia je ra. I que nyaashí u quia cote ra. Judíos que iqueā ererecua chuchua ra. Mbaeiaete que abae chuchua ee ra. Pascua raā nonde. —Ei nda oveja roo nandeuāte rei pascua mose, ique mose abae chuchua, i que ra. ²⁹ Nyebe Pilato si nguiā usē ñee ee. —¿Mbaerā jéingo ñee Jesús je re? ¿Mbae icuā esañ nde? i que Pilato ra. ³⁰ Mbia que ñee ee ra. —Jesús que mbae icuā sañ saāte ra. Ei nda uremondoāte rei ndeje. Mbae icuā naa naa eā mose, i que mbia Pilato je ra. ³¹ Pilato que ñee mbia je ra. —Jē ae Jesús jendao ae. Jē ae jéingo erese ae. Jē ae Jesús jembasi mbasi ae. Jenamei ñimbasa mumba mose, i que Pilato ee ra. Judíos que ñee Pilato je ra. —Ure rei judíos. Ure mbia mo ureiquia

aroneate. Nde chõ ecbh ã. “Jêiquia” ere chõ soldados je, i que mbia ñee Pilato je ra. ³²Jesús cheê iquechĩ cote. —Mbia ra sei quia sembucha ira rese, i rei nyii. Echeê iquechĩ cote.

³³Pilato que ique si oso uchuchúaa ra. Ae “quiatuchu” i nguiã Jesús je. —¿Judíos rerecua tuchi nde re? i que Pilato Jesús je ra. ³⁴Jesús que ñee ee ra. —¿Nde ae erecheê nguia seje a re? Emo ñee ndeje nyii reae, i que Jesús ee ra. ³⁵Pilato que ñee ee ra. —Judío eã ño se resê. Judíos sí chõ ngue nemondo seje resê. Sacerdote rerecua abe no. ¿Mbae icuã eresaã nde? i que Pilato ra. ³⁶Jesús que ñee ee ra. —Ererecua raque se. Ererecua eã ño se a íbii re. Eĩ nda serimba nyarõ tuchi rei serese, judíos ndiquisã quisã tuchi sesi. Ibi jenda rerecua eã ño se re, i que Jesús Pilato je ra. ³⁷—¿Ererecua rei nde re? i si que Pilato ñee Jesús je ra. Jesús que ñeembe ee ra. —Ae. Achu que íbii ra. Sechusua rei íbii. Achu que mbia mbiirandu randu Dios cheê nii nda. Ichõifosa reã ñee nii. Ichõifosa reã ndesenda ra seandu ja, i que Jesús Pilato je ra. ³⁸—¿Mbae ichõifosa reã nde? i que Pilato ee ra.

Jesús jembucha iquia ira rese, i ererecua

Aquere que Pilato usê si oso ñee judíos je ra. —Mbae icuã Jesús saã eãt e reae. ³⁹Pascua mose bei que aico etarõ ji mbusê mondo bei jêje ra. ¿Aba ra ambusê mondo jêje namo nde? ¿Judíos rerecua ra ambusê mondo jêje re? i que Pilato ñee mbia je Jesús rĩ nda. ⁴⁰Mbia que ñee mombo mombo ja Pilato je ra. —Tei. Aque eã. Barrabás quia ambusê imbu ure je, i ja que mbia ñee nda. Mbae mbuquiachâsa tuchi rei Barrabás.

19

¹—Jesús jêiruã nua, i que Pilato ra. Mbia que Jesús iruã nua cote ra. ²Nyu ritiméi uma ji que soldados mii Jesús áquĩ ndese ra. Tiru irei ngue emingue ee ra. ³—Judíos rerecua tuchi chõ nde re, ichõifõ ngue soldados ucuu ucuu Jesús rese ra. ⁴Pilato que usê si oso ñee mbia je ra. —Secheê jeñandu rá. Acheê ndei que Jesús je ra. Mbae icuã esaã eãte reae. Nyebe anosembe nguiã jêje co, i que Pilato ra. ⁵Jesús que econosê mbia je ra. Nyu ritiméi uma ji que equerao quia uãquĩ ndese ra. Tiru irei ngue equerao quia nguete rese ra. —A Jesús a resê, i que Pilato Jesús ndeacuquia mbia je ra. ⁶Sacerdote rerecua que chí ja huee ra. Policía jenda mo abe que chí huee ra. Úquĩ ja que ñee mombo mombo Pilato je ra. —¿Embucha ira rese! ¡Embucha ira rese! i ja que ñee mombo mombo ee ra. Pilato que ñee ee ra. —Jê ño jembucha ira rese ae. Mbae icuã esaã eã arõte seje, i que Pilato mbia je ra. ⁷Judíos que ñee Pilato je cote ra. —“Dios rucucha

rei se”, ichĩ Jesús nguiã. Nyebe eiquia. Sã embesa ji riqui i no: “Ae Dios riiĩ saã saã nguia, aque jêiquia”, i que embesa ji ra, i que judíos ñee Pilato je ra. ⁸—Dios rucucha, i mose que Pilato siquiche tuchi cote ra. ⁹Pilato que ique si oso ñee Jesús je ra. —¿Ma jenda rei nde re? i que Pilato Jesús je ra. Jesús que ñee eã tuchi echeê mose ra. ¹⁰Pilato que ñee si ee ra. —¿Mbaerã ereico ñee áte secheê mose re? Arembucha arõte ira rese. Arembui abe arõte se. Se chí mbia rerecua, i que Pilato ñee Jesús je ra. ¹¹Jesús que ñee Pilato je ra. —Dios nemii eã mose mbia rerecuarã, eĩ nda ereoco áte rei serese. Ae semondo ndeje, ae quiarei eicuã tuchi ndesi, i que Jesús ee ra.

¹²Aque mose bei que Pilato ndua ndua Jesús rese ra. —Jesús tambui mondo, i raque ndua ndua. Judíos quiatu que ñee ee ra. —Nya. ¡Erembuichĩ nda jê! Nde embui mose, César quiato eã nda nde cote. “Ererecua rei se”, i quia ñi Jesús re. Nyebe eicuãte riqui nguiã César je, i que judíos tasê tasê Pilato je ra. ¹³⁻¹⁴Judíos cheê andu mose que Pilato ngoi ngüenda tose ra. Huee que eriqui ñee mbeite mbia je ra. Gábata, i que erenda je ra. “Sita mbiíteje ji”, i ñi Gábata re. —Jesús jendu rá seje, i que Pilato policía jenda je cote ra. Pascua nonde. Mbia ico quiatu mose pascua nonde. Tenda nandeite re mose. —A jenderecua ñi a resê, i que Pilato mbia je ra. ¹⁵Mbia que tasê tasê ee ra. —¿Eiquia rei! ¡Embucha ira rese! i que mbia Pilato je ra. —¿Se ra jenderecua aiquia re? i que Pilato mbia je ra. —Urererecua mo eãte nyeresê. César mii ño nyeresê, i que sacerdote rerecua Pilato je ra. ¹⁶Aque mose que Pilato Jesús mondo mbia je cote ra. —Jêiquia. Jembucha ira rese, i que mbia je ra. Hue si que mbia Jesús ruruchoi cote ra.

Mbia Jesús mbucha ira rese cote

¹⁷Jesús que usê oso cruz resebe cote ra. Mbia que ecuruchoi ibi ibátee ra. “Eresa cuare” i que hue ibi ibate je ra. “Gólota” i que judío cheê hue je ra. ¹⁸Huee que soldados Jesús mbucha ira rese ra. mbia nyeremo abe que embucha ira rese ra. Co mii Jesús ribisho quiti. Enongue eribisho quiti no. Jesús que emii eite re ra. ¹⁹Pilato que letrero mbesa ra. JESUS DE NAZARET REI JUDIOS RERECUA, i que embesa ra. Embesa ji que emii ibate Jesús áquĩ nguiti ra. ²⁰Judíos tubiriã ngue chí mae embesa ji rese ra. Sucha tubiriã jiite quiatu ngue Jesús mbucha nguiã ira rese. Embesa ji que chí mbia cheê mbuae jaaja ra. Judío cheê. Griego cheê. Latín ñee. ²¹Sacerdotes rerecua que ñee ja Pilato je ra. —“Judíos rerecua” erechĩ nguiã embesa. “Judíos rerecua raã ñooño” ere chõ embesa mii ae, i rei que judíos rerecua Pilato je ra. ²²—Ae

ambesa, sã ũquĩ ñi ño, i que Pilato judíos rerecua je ra.

²³ Cuatro soldados que chi huee ra. Ũquĩ ngue Jesús mbucha ira rese ra. Ũquĩ ngue Jesús irao isirõ sirõ ja ra. Jesús irao mii ngue chichõ cote ra. Tejido turã tuchi que aque tiru ra. Eiasa eã tuchi que ra. Eao ji chõ eresebe que ra. ²⁴ Soldados que ñee nyue ra. —Aque ra nandechisia eã. Sita ñetê nandesurubaba baba rã nandehue. Aba ra ja. Aba ra eirao querao ja, i que nyue ra. Sita ñetê ngue esurubaba baba uchue cote ra. Embesa ji cheẽ iquechĩ cote. Jesús irao soldados mbuchao chao mose. “Seirao que embuchao chao nyue ra. Sita ñetê ngue esurubaba baba uchue ra”, i que embesa ji huĩ nyii ra. Embesa ji iquechĩ cote.

²⁵ Jesús mbuchasa ira rese que cuña mo chi ra. Jesús si que ra. Esi nongue abe que ra. María Magdalena abe que ra. Cleofas ninisi abe que ra. María, i que aque je ra. Ũquĩ ngue chi ja Jesús ji ra. ²⁶ Juan abe que chi Jesús si ji ra. Jesús mae mose usi rese que ñee ee ra. —Taĩ, aque quia nderiirina cote, i usi je. Juan nii eriqui ñee. Jesuubi tuchi quia ñi Juan nde. ²⁷ —Aque ndesirã cote, i que Juan je cote ra. Juan ngue Jesús si querao bei uchuchua cote ra.

Jesús mano cote

²⁸ —Achimbirãcuã tuchi que mbae ja je Dios cheẽ nguire ra, i que Jesús uchiangui re cote ra. —Seisei, i cote. ²⁹ Vinagre mo ngue chĩ mbae mo ye huee ra. Mbia que esponja monde vinagre ye ra. Mondo que Jesús chũruu ra. ³⁰ Jesús que vinagre mocõ esponja resenda cote ra. —Dios cheẽ ngue asaã ja cote ra, i que Jesús ra. Uãquĩ ngue embucheseo cote ra. Mano ngue cote ra.

Soldado Jesús cúa chiõ tiquise je

³¹ Judíos que ñee nyue ra. —Ae embucha ji chi ira rese nae, sã ũquĩ chiã ira rese pascua mose huee, i que mbia ra. Pascua nonde que embucha ira rese ra. Mbia icoquiato mose pascua nonde. Mbia chumunuasa tuchi quiarei pascua. Sábado mose rei pascua. Nyebe mbia ñee nguĩã Pilato je. —Sã soldados ira resenda timasiquio ja jẽ. Eĩ nda mano jei. Eĩ nda soldados ecuruchi sábado nonde, i que judíos Pilato je ra. ³² Soldados que nyoĩ ira resenda tima ndiquio ra. Ae chi Jesús rereco chobei. ³³ Ngasẽ mose Jesús je, eraaquete que ee ra. Nyebe etima ndiquio eã nguĩã. ³⁴ Soldado mo ngue Jesús cúa chiõ tiquise je ra. Eruqui que uchẽ nda. Eri abe que uchẽ nda. ³⁵ Nyebe aico nguĩã ã mbesa mbesa a. Amae jee ngue erese re. Acheẽ ñooñoã se quia a. Eĩ nda jẽ abe “ae bei jẽ” jenye Jesús rii. ³⁶ Embesa ji cheẽ ngue ique cote ra. Jesús tima ndiquio eã mose. —Etima nda mbia siquio eã, i que embesa ji

nyii ra. ³⁷ —Ae embucha uquia ira rese nae, ũquĩ nda mae si erese, i abe que embesa ji huĩ nyii no nda.

Jesús ruruchoi eraaque atisa

³⁸ José de Arimatea, i que emo je ra. Jesús rimba checuayã ngue ae ra. —Sã judíos jiranuã serese, i que equia uchiangui re ra. Ae que “Jesús rete embu seje” i Pilato je ra. Pilato que “eno” i ee ra. José que Jesús rete curuchi ira si cote ra. Ae equerao nguĩã. ³⁹ Nicodemo abe que tu erea ra. Ae tu ñee Jesús je isa nyii nae, aque. Aque que tu aba mbushimbusa tubiriã tuchi reru ra. Eraaque mbaerã ndei aba mbushimbusa. Ira shimbu turã mbucú ji. Mbae a mbucú ji abe no. ⁴⁰ Ũquĩ ja que Jesús rete querao cote ra. José. Nicodemo ndese. Aba mbushimbusa resebe que eraaque uma uma tiru je ra. Eĩ mbei que judíos quia mbia raaque je ra. Eati nonde. ⁴¹ Jesús iquiasa rurubi que sita imi mo ñi nda. Eao ramo ji. Mbia raaque mondosa eã nyii. ⁴² Huee que Jesús raaque nduruchoi nyati ra. —Cochite quia sábado ru nguĩã nande je co, i que eati aichi chõ nda.

20

Jesús quera si

¹ Domingo mose que María Magdalena nyoĩ mae Jesús tãsa rese ra. Nyaasi nonde. Jesús atiquia nduruba ji que chi sita ra. ² Nyebe echoi nguĩã uchã ñee Simón Pedro mbiirandu. Jesús chimbaaquiato nongue abe mbiirandu. Ae Jesús quiato tuchi nae, aque. —Aba chõ nandererecua raaque sirõ suruchoi. Mangu e no mangu reae, i que María Magdalena nda. ³ Nyebe Pedro si nguĩã ea tiquia rea. Uquiato rese. ⁴ Nyoĩ ja que uchã nda. Enongue rane ngue Pedro chucua oso ngasẽ nda. ⁵ Nyibi que mae Jesús atiquia rese ra. I que Jesús umanda achõ u tiru ra. Ique tuchiã ngue oso sita imi ni nda. ⁶ Aquere que Simón Pedro ngasẽ cote ra. Ae quiatu que ique oso sita imi ni nda. Ae abe que mae Jesús umanda achõ ndese cote ra. ⁷ Eãquĩ umanda rese abe que mae nda. Tiru ataque rese ja eã ngue eãquĩ umanda chi ra. Eacua ji que chi icue ra. ⁸ Ae rane ngasẽ nguia nyii nae, aque abe que ique tuchi oso sita imi ni cote ra. Mae tuchi que Jesús oreã ndese cote ra. —Jesús quera chõ nguia re, i que eicua cote ra. ⁹ Ũquĩ ngue embesa ji icuayãte ra. “Jesús ra quera si”, i que eicuayãte ra. ¹⁰ Nyebi si que echoi uchuchúaa ra.

Jesús nyecua María Magdalena je

¹¹ María que chiño nyeseo eatiquia jii ra. Echeseo que nyibi mae Jesús rua rese ra. ¹² Angeles mo ngue chi huee nyeremo ee ra. Eiraoshĩ ja que chi ee ra. Enongue que chĩ

ngoi Jesús ãquĩ ndúa quiti ra. Enongue ecuii rúa quiti no. ¹³ Angeles que ñee María je ra. —¿Mbaerã ereico nyeseo re? i que María je ra. —Aba chõ sererecua raaque querao. Nyebe aico nguiã nyeseo. Mangue chõ eriqui ererequia mangue, i que María ra. ¹⁴ Ucheẽ nduibe que mae ndei uquite quiti ra. I que Jesús uã ee ra. Icuã eãte que ra. ¹⁵ —¿Mbaerã ereico nyeseo re? ¿Aba eresequia quia re? i que Jesús María je ra. Ira a raarõsa Jesús riqui rei nguiã María je. Nyebe María ñee nguiã ee. —¿Nde Jesús raaque ererao re? ¿Mangue ererchono mangue re? Taso erea ae. Tarao ae, i que María ra. ¹⁶ Jesús que “María” i María cheẽ mose ra. María que uba tuchi Jesús icua cote ra. Judíos cheẽ ño ngue María ñee Jesús je ra. —Raboni, i que ra. —Sembaaquiatusa, i ñe ñee Jesús icua re. ¹⁷ Jesús que ñee María je ra. ¡Seisi jeichĩ nda re! ¡Aso ãte Paba rea resê! Eso rã ñee senongue je. “Jesús que ñee jêje ra. ‘Aso ra ibate Paba rea. Dios rea. Ae abe chõ jendu re. Huee ra aso’, i que Jesús ñee jêje ra”, ere rã senongue je, i que Jesús ñee María je ra.

Jesús nyecua uchĩmbaaquiatu je

¹⁸ María Magdalena que oso Jesús chĩmbaaquiatu mbiirandu ra. —Amaechĩ Jesús rese, i que ee ra. Jesús cheẽ ngue esenei ja ee ra. ¹⁹ Aque mose que domingo ra. Aque isa que Jesús chĩmbaaquiatu chi ñumunua nda. Etaronda matã ji que chĩ nda. Siquichete quia judíos si re. Jesús que oso ique uchĩmbaaquiatu mbuate ra. Eite re que esi ñee ee ra. —¡Jêya eãte jirichĩ nda jê! i que Jesús ñee ee ra. ²⁰ Aquere que Jesús o iõsa reacuquia ee ra. Ucuã iõsa abe no. Echĩmbaaquiatu ía tuchi que mae Jesús rese ra. ²¹ Jesús que ñee si ee ra. —¡Jêya eãte jirichĩ nda jê! Sã ñi Paba sembu no, eĩ tae si jemondo secheẽ nenei nenei sacua mbia je, i que Jesús uchĩmbaaquiatu je ra. ²² Jesús que uchĩmbaaquiatu ichu ñee nda. —Espíritu Turã ndu jêje a cote, i que eichu ra. ²³ —“Dios chõ jêicuã mbutiã nguiã jêsi co”, jenyee mose emo je, Dios ra ùquĩ icuã mbutiã esi cote. “Dios chõ jêicuã mbutiã eã nguiã jêsi co”, jenyee mose emo je, Dios ra ùquĩ icuã mbutiã eã esi, i que Jesús ra.

Tomás mae Jesús quera si rese

²⁴ Tomás oreãte que Jesús nyecua mose uchĩmbaaquiatu je ra. Jesús chĩmbaaquiatu raque Tomás. Eata, i que Tomás je ra. ²⁵ —Jesús rese que uremae nda, i que eataque embiirandu ra. Tomás que ñee nda. —Jesús eã ndei e. Se mae eã mose eo iõsa rese, se ocoã mose eo iõsa rese, se ocoã mose ecúa iõsa rese, “nyia” aeã nda se, i que Tomás ñee nda. ²⁶ Jesús chĩmbaaquiatu que ñumunua si domingo nongue mose ra. Tomás abe que siqui uataque rese huee cote ra. Etaronda matã ji que chĩ nda. Jesús que ique oso ra.

Eite re que esi ñee ee ra. —¡Jêya eãte jirichĩ nda jê! i que ee ra. ²⁷ Ñee ngue Tomás je cote ra. —¡Sã seo jê! Seo iõsa rese eoco. Secúa iõsa rese abe eoco ae. “Jesús quera si eãte” jere sichĩ nda jê! “Jesús que quera si ra”, ere chõ cote, i que Jesús ñee Tomás je ra. ²⁸ —Sererecua. Nde rei sembae Dios, i que Tomás Jesús icua cote ra. ²⁹ Jesús que ñee Tomás je ra. —Nde mae mose serese, aque mose chõ seicuachĩ. Mae eã mose serese chõ ngue emo ndiqui seicua ra. Ûquĩ nguiarei eya tuchi ndesi, i que Jesús ee ra.

Je Jesús icua sacua ño co ambesa nguiã jêje

³⁰ Jesús que mbia mae sayã saã saã tuchi uchĩmbaaquiatu je ra. Ûquĩ ambesa ja eã nguiã a. ³¹ Ñ nguia ambesa ja quia a. Jê Jesús icua sacua. —Jesús rei Cristo. Jesús rei Dios rucucha, jenyee nda chã. Ûquĩ icua mose ra jêingo bei.

21

Jesús nyecua siete uchĩmbaaquiatu je

¹ Aquere que Jesús nyecua si uchĩmbaaquiatu je ra. Ama nimia ndese que eñi nda. Tiberias, i que aque ama ndisa je ra. Eĩ ngue Jesús uã nyecua ee ra. ² Echĩmbaaquiatu que chi nyiese ra. Simón Pedro. Tomás ndese. Ae je eriqui “Eata” i. Natanael ndese. Canã de Galilea jenda rei Natanael. Zebedeo ririĩ abe que chi ra. Echĩmbaaquiatu nongue abe que chi nyeremo no nda. ³ —Taso rã sira rea, i que Simón Pedro ra. —Ure abe ra ureso nderese, i que eataque ee ra. Nyoi ja rei que sira rea ra. Nyui ja que echoi canoa ye ra. Sira que embua mbua eãte aque isa ra.

⁴ Jesús que chĩ erimia ndese echĩmbaaquiatu je ra. Jesús eã eriqui rei nguiã ee. ⁵ —¿Sira mo jembua re, Áquẽ? i que Jesús ñee mombo ee ra. —Tei, i que echĩmbaaquiatu ee ra. Jesús icua rocoĩ. ⁶ —Sira mbua mbuasa jenduba canoa quiato cuti. Sira ra jembua cote, i que Jesús ee ra. Jesús cheẽ ngue emumbayã nda. Sira que ua jate embua mbuasa ye cote ra. —Nandenosẽ ama si. Nandechuchã canoa ye, i rei que ra. Eusite que ee ra. ⁷ Ae Jesús quiatote, aque que ñee nda. —Jesús chõ eriqui re, i que uataque je ra. Pedro eandu mose que huĩrao mingue asi oso ii ra. Jesús rea. Sira mbua mbua nonde quia huĩrao mbui nguiã nyii. ⁸ Isho tuchiã ngue ama nimia nda. Cien metros chõ ngue ra. Pedro ataque que canoa querao ama nimia ndichã nda. Sira mbua mbuasa que ecuruchoi quia mbutiriri sira resebe ra.

⁹ Nguichĩ que canoa si ibi rĩ cote ra. I que tata u ee ra. Sira mii ngue chi tata rĩ ee ra. Mbichae abe que chi ra. ¹⁰ —Sira

mo jendu rã. Ae jembua ramo, i que Jesús uchimbaaquiatu je ra. ¹¹ Simón Pedro que nyui oso canoa ye ra. Sira mbua mbuasa que embutiriri serao sonosê ama nimia ndese cote ra. Embisê sira resebe. Sira mbua mbuasa que soroâte enonosê mose ra. Sira cuasu achôte raque. Sira 153 raque. ¹²—Jenyu quiaru cote, i que Jesús ee ra. —¿Aba nde re? i âte que emo ñee ireĩ nguĩã ee ra. Mbia que Jesús icua jate ra. ¹³ Jesús que oso tátaa cote ra. Mbichae que esirõ nda. Mbuchao chao que uchimbaaquiatu je ra. Sira abe que embuchao chao ee ra. ¹⁴ Jesús que mano nyii ra. Quera si que ra. Nyecua nyecua que uchimbaaquiatu je cote ra. Co rei tercera vez co.

Jesús ñee Pedro je

¹⁵ Quiaru jare que Jesús ñee Simón Pedro je ra. Jonas ndiirĩ ndei Simón Pedro. —Simón, ¿erechesequa tuchi quia serese ã si re? i que Jesús Pedro je ra. —Ae. Achesequa tuchite sequia nderese co resê. Seicuate se resê, i que Pedro ñee ee ra. —Oveja raarõsa rã eico no. Seicuasa embaaquiatu quiatu quia secheê je no, i que Jesús Pedro je ra. ¹⁶—Simón, ¿erechesequate quia serese re? i si que Jesús ñee Pedro je ra. Pedro que ñee ee ra. —Ae. Achesequa tuchite sequia nderese co resê. Seicuate se resê, i si que Pedro ñee ee ra. —Oveja raarõsa rã eico no. Seicuasa esaarõ turã nguia no, i que Jesús Pedro je ra. ¹⁷—Simón, ¿erechesequate quia serese re? i si que Jesús ñee Pedro je ra. Co que tercera vez cote ra. Jesús ñee tres veces mose que Pedro ía eã tuchi ra. Pedro que ñee ee cote ra. —Mbae ereicua jate quia co, Sererecua. Achesequa tuchite sequia nderese co resê, i que Pedro ñee Jesús je ra. —Oveja raarõsa rã eico no. Seicuasa esaarõ turã nguia no. ¹⁸ Tacheê nyecua ndeje, Pedro. Ndeyasu mose que ereico ndeirao mingue oso ngata chooño ndesose quti ra. Nde amei mose ra ndechiba ereira cote. Mbia ra ndecua cote. Ndeso sere ãsa quti ra mbia nderuruchoi cote, i que Jesús Pedro je cote ra. ¹⁹—Eĩ nda mbia Pedro iquia, i chõ Jesús re. —Eĩ nda Pedro Dios quirãcuã ndeacuquia mbia je, i chõ Jesús re. —Eico serui, i que Jesús Pedro je cote ra.

Ae uchimbaaquiatu rese Jesús nyesequa tuchi

²⁰ Pedro que uba mae serese cote ra. Se rei Juan. Jesús nyesequa tuchi rei se. Se chõ ngue acoi hui quiaru Jesús jii aque isa resê. Se chõ ngue “¿Aba ra neme mbia icuã je re?” ae Jesús je resê. ²¹ Pedro que mae serese cote ra. Ñee ngue Jesús je cote ra. —¿Mañi ite ra mbia quia Juan je re? i que Pedro Jesús je ra. ²² Jesús que ñee ee ra. —¿Mbaete ere? Serui chõ eicochõ nde. “Sechube mose chee ra Juan manoã”, se i

mose, manoã ndae. Eico chõ serui nde, i que Jesús Pedro je ra. ²³—Juan nda manoã mbeichĩ nde, i que Jesús icuasa Juan ñii cote ra. Jesús cheê abi chõchĩ. —Juan nda manoã, ire rocoi Jesús nyii. —Se cheê mose ra manoã, i chõ ndei ngue Jesús re. —Juan nda manoã, i âte que Jesús ra.

Juan ñimbese hui bei

²⁴ Jesús chimbaaquiatu chõ se re. Se chõ ã ambesa ja nguĩã. Amae jate que se quia Jesús chisaã ndese ra. Aceê ñooño eãte se quia ã mbesa mbesa co. ²⁵ Jesús chisaã saã tubiriãte quia ñene. Ambesa ja aroneãte quia a. Jesús chisaã saã mbesa ja mose, eĩ ndei ra papel mbesa ji mbia recua mbiitayã jate. Amén.

LOS HECHOS DE LOS APOSTOLES

Espíritu Turā nda tu, i Jesús

¹⁻² Ambesa que ndeje nyii, Teófilo. Arembiirandu ja que Jesús chiao rese. Eresco mose ibii. Jesús que mbia mbaaquiātu quiātu ereco mose ibii ra. Dios que equerao bei jiri ibate cote ra. Ūquí ngue asenei senei ndeje nyii ra. Oso nonde ibate que ucheē nenei nenei sacua irabo ra. Uchiirabo que embaaquiātu quiātu ra. Siqui que Espiritu Turā ndese mbia mbaaquiātu quiātu ra. Eaquiātu que esecha oso ibate cote ra. ³ Manonde que eru si nyecua ūquí je ra. Oso nonde ibate. Ngucco que eteacuquia cuquia si ee ra. Cuarenta días que eriqui nyecua nyecua bei uchi mbaaquiātu je ra. Dios rese que eriqui embiirandu randu ra. Dios rei ererecua tuchi. Ae riñ eriqui embiirandu randu. ⁴ Jesús oso nonde ibate que eriqui ñee ñee uchimbaaquiātu je ra. —¡Jēsochi nda sucha tubiriā si jē! ¡Jēsochi nda Jerusalén si jē! ¡Paba cheē nguire jengu Espiritu Turā ndaarō aa jē! “Espiritu Turā t-amondo jēje”, i que Paba jēje ra. Aque riñ ngue acheē jēje nyii resē, i que Jesús ee ra. ⁵ —I je que Juan bautizar i mbia je ra. Namō jiri ra Espiritu Turā ndu. Ae ra ique jēñiangui re. Eñ nda Espiritu Turā bautizar i jēje. I je eā cote. Espiritu Turā nda ique chō jēñiangui re cote, i que Jesús uchimbaaquiātu je ra.

Jesús oso ibate

⁶ Emo mose que Jesús chimbaaquiātu ñee ee ra. Jesús oso nonde ibate. —¿Manose ra urererecua ishonda erembutiā ure si re? Israel jenda rei ure. ¿Namō nda ure mo eremū urererecuarā nde? i que mbia Jesús je ra. ⁷ Jesús que ñee ee ra. —Manose chō ndae. Paba mū eicua. Mbia eicuayā. Jē nguia jēicuayāte nguia no. Manosete chō ndae. ⁸ ¡Co rese chō jendua jē! Espiritu Turā nda tu jēje cote. Ae ra jembuquirācuā. Ae ra jembucheē ñee serī. Jē nda jēingo serenei nenei tuchi cote. Serenei nenei Jerusalén jenda je. Judea jenda je abe no. Samaria jenda je abe no. Mbia mangue chooñoa jenda ja je abe no. Ūquí ja je jēingo serenei nenei, i que Jesús ra. ⁹ Ñeende que Jesús si ibate cote ra. Uchimbaaquiātu resa rae que esi erecha ra. Ibeishī ngue embuchecuayā cote ra. ¹⁰ Echimbaaquiātu que soboiba bei u mae ibei rese ra. Ibei rese mae mose que mbia nyeremo ngaē erea ra. Ibate si. Huee que echi ra. Eiraoshī tuchi que ngaē ejii ra. ¹¹ Ibatenda que ñee ee ra. —Galilea jenda, ¿mbaerā jengu beite mae ibei rese a re? Jesús oso quia ibate nae, ae si ra tube no. Jemae

ngue u eso rese nae, eñ si ra u ibii no, i que ibatenda ee ra.

Dios que Matías irabo ra

¹² Jesús chimbaaquiātu que nyoī nyebi hue recha ra. Monte de los Olivos recha. Nyoī que sucha tubiriā Jerusalén cote ra. Aichi jiri. Monte de los Olivos rei Jerusalén ndurubi. ¹³ Ngasē ngue Jerusalén nda. Nyoī que uchuchúaa cote ra. Ā ja que ra. Pedro. Juan. Jacobo. Andrés. Felipe. Tomás. Bartolomé. Mateo. Alfeo riirī. Jacobo, i ee. Simón el Cananista. Judas. Jacobo riirī ndei Judas. ¹⁴ Ūquí ja que ñumunua mbei bei quia ñee ñee Dios je ra. Ari abe no. Acuanī abe no. María abe no. Jesús si rei María. Jesús nongue abe no. Ūquí ja que ñumunua mbei bei quia ñee ñee Dios je ra.

¹⁵ Emo jiri mose que Jesús icuasa ñumunua ja ra. Ciento veinte que ra. Pedro que uā ñee ee ra. ¹⁶ —Seandu rā se, Seresenda. ¡Sā embesa ji ñee ñooño eā ño jē! Cose que Espiritu Turā ñee Judas rñ nda. David que embesa Espiritu Turā ñee nguire ra. Judas rñ. Judas rei Jesús reacuquia mbia icuā je. Jesús rerao nonde iqua. ¹⁷ Jesús que Judas irabo rei nyii ra. Nanderesendacuā. Nyebe rei Judas nanderesenda nyii. ¹⁸ Judas que mbae isiquia isi icuā nda. Mbae isiquia je que ibi mo isi ra. Hue ereco mose que mano nda. Ibate si eru ngoī mano. Uāquí nguiti que eru ngoī ra. Erie que oo ra. Echique mburiri. ¹⁹ Jerusalén jenda que jirandu ja eres ra. Acéldama, i que hue ibi je cote ra. Mbia ruqui rua, i chō nguā hue je. Ecoisa ibi je. ²⁰ I ñi embesa ji Salmos nde:

Sā echuchua oreā mbei.

Sā mbia mo ndiquiā mbei equi re.

Sā eriquicharomba riqui Dios cheē nenei nenei cote,

i que embesa ji Judas rñ nda. ²¹ Emo nandeirabo Judas riquicharō. Mbia chi bei quia nanderese nae. Jesús nandembaaquiātu quiātu bei mose. ²² Juan mbia mbiirandu randu mosenda bei. Dios Jesús querao chee quia ibate. Ae siqui beite quia nanderese nae, ūquí mo nandeirabo nanderesendacuā. Jesús quera rese mbia mbiirandu randu sacua, Judas riquicharō, i que Pedro ñee ee ra. ²³ Mbia nyeremo ngue etea cote ra. José Justo, i emo je. Barsabás, i abe ee no. Matías, i enongue je. ²⁴ Jesús chimbaaquiātu que ñee Dios je cote ra. —Urererecua, aba chiā ereicuate quia co. Ā nyeremo ndiqui ā. ¿Aba ndechiirabo re? ¿Aba ereirabo urembirō sacua nde? ²⁵ ¿Aba eretea ndechimbaaquiātubiriā nde? ¿Aba eretea Judas riquicharō nde? Ae hui quia ndecheē si. Ae oso quiachā ndesi cote. ¿Aba eretea eriquicharō nde? i que Dios je ra. ²⁶ Sita que embaba mbaba o ye cote ra. —¿Aba Dios chiirabo re? i ñene.

Eí ngue Matías irabo ra. Dios que Matías mingo Jesús chimbaaquiatu rese cote ra. Mbia once mbirō. Docerā. Doce que Jesús chimbaaquiatu cote ra.

2

Espíritu Turā tu Jesús icuasa je

¹ Fiesta de Pentecostés mose que Jesús icuasa chi ja ñumunua nda. Hue mii ngue echi ja ñumunua nda. ² Ibei rieu que embuate ra. Ama ndieu raanguia. Tuchua mbieu tuchi Jesús icuasa je. ³ Tata rendi raanguia que tu nguichi eāquī ndes e ra. Jesús icuasa āquī ja rese. ⁴ Espiritu Turā ngue ique tuchi hue jenda chianguī re ra. Ique ja que Jesús icuasa chianguī re ra. Mbia que echeē ata mo saā saā cote ra. Echeē uchianuā ngue esaā saā nda. Espiritu Turā nguia rei embucheē echeemo. Mbia cheē mbuae jaaja que cote ra.

⁵ Aque mose que judíos tubiriā nyi Jerusalén nda. Ishonda tubiriā nyi huee. Mangue choñoa jenda ja chō chi nguiā huee. Ūquī ndei Dios cheē mumbasa reā judíos ataque rā si. ⁶ Ibei rieu andu mose que ūquī ngaē uchā nda. Nyuruira tuchi eandu. Jesús resenda mbia cheē mbuae saā saā ja chōchī nguiā u. Espiritu Turā ño ngue embucheē nguiā. Mbiamo ñee icuasa reā ndaque. Mbia que ucheē ñandu ñandu ja u ra. Jesús icuasa ñee mose. Nyebe que mbia chi nguiā nyuruira eandu. ⁷ Mbia nyuruira ja eandu. —¿Mañi equia mbiamo ñee icua ja re? Galilea jenda achō ño ndaque ā, i tuchi que mbia u nyuruira eandu ra. ⁸⁻¹¹ —Mañi equia nandē ja cheē naa naa ā nde? Nandechēē Jesús icuasa saā jaaja chōchī nguiā ā. Partia jenda cheē esaā saā ñochī nguiā ā. Media jenda cheē abe no. Elam jenda cheē abe no. Mesopotami a jenda cheē abe no. Judea jenda cheē abe no. Capadocia jenda cheē abe no. Ponto jenda cheē abe no. Asia jenda cheē abe no. Frigia jenda cheē abe no. Panfilia jenda cheē abe no. Egipto jenda cheē abe no. Libia jenda cheē abe no. (Cirene ndobei.) Roma jenda cheē abe no. (Roma jenda mo ndei judíos. Roma jenda ataque rei judíos eā.) Creta jenda cheē abe no. Arabia jenda cheē abe no. Jesús icuasa ūquī ñee saā saā ja chōchī nguiā ā. Nandechēē esaā saā ja chōchī nguiā ā. Jesús icuasa riquichī nandechēē naa naa tuchi Dios chiao turā nenei nenei ā, i ja que mbia ucheē andu jaaja mose. ¹² I jate que mbia u nyuruira eandu ra. Ndua ndua tuchi que u eandu ra. —Mañi equia ñee ā nde, i nyue. Jesús icuasa mbia cheē mbuae naa naa mose. ¹³ Emo emo ngue ñee icuā icuā Jesús icuasa je ra. —Quiacua chō eriqui nguiā ā, i raque Jesús icuasa rii.

Pedro ñee mbia je

¹⁴ Pedro que uā ñee mbia je cote ra. Ngue-senda once rese que echi uā ñee mbia je ra. Tasē jiri ñee ee. —¡Seandu ja u jē! Tacheē jēje, Jerusalén jenda. Judea jenda abe no.

¹⁵ ¿Quiacua reī Jesús icuasa riqui jēje re? Quiacua eā ño ñene. Tenda que nyui ramote resē. Mbia quiacuasa eā ño huee tenda resē. ¹⁶ Ā nii ngue Joel embesa mbesa cose ra. Dios cheē mbuchecuasa que embesa ā nii nda. Eī ngue embesa ra:

¹⁷ “Mbae ua jiri mos e ra Espiritu Turā amondo mbia ja je”, i que Dios ra.

“Jendiiri nda secheē mbuchecua mbia je.

Acuanindu ra serea rea tuchi cuu.

Amei abe ra serea rea cuu no.

¹⁸ Aque mose ra Espiritu Turā amondo serimba ja je.

Serimba ra secheē mbuchecua checua mbia je.

¹⁹ Mbia mae sayā nda asaā saā ibi rī no.

Eruqui rese ra mbia mae no.

Tata rese ra mbia mae no.

Tatashī ndese ra mbia mae no.

²⁰ Mbia rerecua tu nonde ra tenda ñimoo.

Eruqui rā nda nyasi mbia rerecua tu nonde”, i que Dios ra.

²¹ “Ndeya eā ño serese, Sererecua”, i mose emo ñee Dios je, aque ra Dios sirō eicuā si,

i que Joel embesa ra. ²² Israel jenda, ¡seandu rā! Nazaret jenda rii aico ñee ñee jēje a. Jesús rii. Dios que Jesús mboquirācuā tuchi ra. Nyebe que Jesús mbia mae sayā saā saā nda.

Ūquī ndese que jemae nda. ²³ “Mbia icuā nda seriiirī iquia”, i que Dios Jesús mano nonde ra. Jē nguia Jesús jēiquia tuchi nguiā cote. Jē nguia jemee nguiā mbia icuā je. Eiquia nonde. Dios rane ngue jirandu Jesús rese ra. “Mbia icuā nda Jesús iquia”, i que Dios quia nyii ra. ²⁴ Dios que Jesús mbuquera si ra. Jesús mano mbei aroneāte. ²⁵ David que Jesús cheē senei cose ra. Ā ngue ñee nda:

Sererecua riqui sembui eā mbei co.

Eriqui bei serese co.

Mbae riqui sembusiquiche aroneāte co.

²⁶ Nyebe seya tuchite riqui co.

Nyebe aico ñee turāte Dios rii co.

Semano mose abe ra Dios hui eā mbei sesi.

²⁷ Seanguie ra eresechayā semana mose, Sererecua.

Serete abe ra erembuquera si mingo.

Ndechesequate aico co.

²⁸ Semingosa tuchi rei nde.

Sereco mose nderese ra seya tuchi,

i que David Jesús cheē nenei cose ra.

²⁹ Tacheē nyecua jēje, Seresenda. Nanderu David que mano cose resē. Mbia que echati resē. Eatisa nandecua ja quia co resē. ³⁰ David rei Dios cheē mbuchecuasa. Dios que ñee ee ra. “Nderiiri mo nda Cristo. Ae ra mbia rerecuarā tuchi. Nderiquiharō

nda mbia rerecubi tuchi”, i que Dios David je cose ra. “Dios ñee ñooñoa tuchi chõ nguiã”, i que David ra. ³¹ David que Dios cheẽ icuate quia ra. Nyebe que ñee Jesús riĩ nda. “Seaingue ra eresechayã semano mose. Serete ra erembuquera si mingo”, nyebe David i nguiã Jesús riĩ. ³² Dios que Jesús mbuquera si ra. Ûqui ureicia ja quia ã. Nyebe ureico nguiã jembiirandu randu ùqui ndese ã. ³³ Dios que Jesús querao ibate nyiese ra. Dios jii eriqui pee cote. Dios que Espiritu Turã mee Jesús je cote ra. Ucheẽ nguire que emee ee ra. Jesús riqui Espiritu Turã mondo ure je co. ã Espiritu Turã nyisãã jeñandu ñandu quia ã. Espiritu Turã ndiqui ã mbucheẽ mbia mo ñee ã. ³⁴⁻³⁵ David osoã ibate aque mose. Jesús riĩ ngue David embesa ra. ã ngue embesa ra:

Dios que ñee rerecua je ra. “Ecoi sejii. Nde abe ra ererecua serese.

Ae ndeucuayãte quia nae, ùqui je ra ndequirãcuã atecuquã tuchi.

Ndequirãcuã tuchi ra ùqui si?”, i que Dios sererecua je ra,

i que David embesa mbesa ra. ³⁶ Jesús jembucha quia ira rese nae, ae si Dios mingo mbia rerecuarã co. Ae nandesaarõ arõ nguiã, ae si rei Jesús. Jesús rese tẽirandu ja, Israel jenda, i que Pedro ñee ocote ra.

³⁷ Mbã ia eã tuchite que Pedro cheẽ andu ra. Ñee ngue Pedro je ra. Pedro resenda je abe. —¿Mañi ure ra equia re? i que Pedro je ra. Jesús chimbaaquiãtu ja je. ³⁸ Pedro que echeẽ sibishorõ nda. —¡ÿeicuã si jẽhui rá jẽ! Sã bautizar ure jẽje Jesucristo riĩ. Dios jẽicuã mbutiã sacuaã. Aquere ra Dios Espiritu Turã mondo jẽje. ³⁹ “Espiritu Turã nda amondo jẽje. Jendiiri je abe ra amondo. Ishonda je abe ra amondo. Sechiirabo ja je ra Espiritu Turã amondo”, i que Dios ñee nande je ra, i que Pedro Dios cheẽ nenei nda. ⁴⁰ Eĩ ngue Pedro ñee ocote mbia je ra. Ñee turã ngue ee ra. —Mbã icuã achõte eriqui ibi jenda ã. Quiachã ja equia Dios si ã. Ûqui si jẽhui chõ. Jẽ abe jẽquiachãyã sacuaã Dios si, i que Pedro mbia mbaaquiãtu ra. ⁴¹ —¡Ae beite jẽ! i que mbia tubiriã Pedro cheẽ andu ra. Ûqui j e que bautizar i ra. Aque mose que mbia tres mil Jesús isi ra. ⁴² Ûqui abe que ñumunua nua nguiã Jesús quiato ataque rese ra. Jesús chimbaaquiãtu ñee ñee mose mbia je. Ñumunua nua ñee Dios je. Etura mbei que eriqui nyue ra. Mbichae que eu eu quia ndua ndua Jesús rese ra.

Jesús icuasa siqui turã nyue

⁴³ Mbã que siquiche ja Dios si ra. Jesús chimbaaquiãtu que Dios mbuquirãcuã nda. Nyebe mbia mae sayã naa naa tuchi nguiã. ⁴⁴ Jesús icuasa que ñumunua nua mbei quia ra. Abei tuchi que eriqui nyue ra. ⁴⁵ Umbae

je que eriqui vender i tuchi ra. Mbãe isiquia que emee mee nguiã mbãechea reã je cote ra. ⁴⁶ Ñumunua nua mbei que equia Dios chuchúaa ra. Quiaru quiaru que equia nyiese uchuchúaa ra. Dios riĩ ngue eriqui ñee turã turã nyue ra. Eya tuchi que eriqui Dios rese ra. ⁴⁷ Dios riĩ ngue eriqui ñee turã turã nda. Mbã ataque que ñee turã turã nguiã Jesús icuasa riĩ nda. Jesús icuasa que Dios mbeta mbeta bei quia ra.

3

Ecuatayã mbucherõ

¹ Emo mose que Pedro nyoĩ quia Dios chuchúaa ra. Juan ndese. Tenda nyesece mose. Hue tenda bei que mbã riqui ñee ñee Dios je ra. ² Huee que amei mo ngatayã ndiqui bei huee ra. Echaacuquia mosenda bei eiquieĩ icuã. Mbã que ecuruchoĩ choĩ bei quia huee ra. Dios chuchúaa. Eiquesa turã, i que hue eiquesa je ra. Huee que eriqui ecuatayã mñi mñi mbei eiquesa jii ra. Ache ache i sacuaã mbã ique mose Dios chuchúaa. ³ Dios chuchúaa nda Pedro ique nguiã Juan ndese chã. Ecuatayã ngue mae erese ache ache i ee ra. ⁴ Pedro que nguesa mbui reã mae erese ra. Juan abe. —¡Ure rese emae jẽ! i ecuatayã je. ⁵ Eandu mose que mae erese ra. —Mbãe mo nda emee seje reae, i mae nguiatu erese. ⁶ Pedro que ñee ee ra. —Mbãe isiquia eã ndaque sembae. Mbãe mo nda asaã ndeje. Jesucristo quirãcuã nembucherõ na mbucuata. Ehuã na ngata. Nazaret jenda quirãcuã nembucherõ na, i que Pedro ee ra. ⁷ Pedro que eo isi ra. Mua ngue eo rese ra. Aque mosebe que ei nyerõ nda. Eiquieĩ abe nyerõ eo isi ruibe. ⁸ Ecuatayã ngue juã asi cote ra. Ngata cuata que ra. Ique Dios chuchúaa ùqui ndese. Eya tuchi que ra. Oo oo tuchi que ra. Iaanee, i tuchi que equia Dios je ra. ⁹ Mbã que mae ja u ecuatayã ngata rese ra. Ñee turã mose Dios je que mbã nyiisaquia u echeẽ ndese ra. ¹⁰ Mbã que nyuruira u mae erese ra. Mbã que ecua ja ra. —Ecuatayã ño aque re. Ache ache i beite que equia Dios chuchúaa, ae chõ co re, i que mbã nyuruira tuchi mae erese ra.

Pedro ñee oco judíos je

¹¹ Embucherõ ji que Pedro chiba isi isi quia ra. Juan chiba abe no. Mbã que ngãe ucha mae erese ra. Nyuruira erea. Portal de Salomón, i eiquesa je. Huee que echi ra. ¹² Pedro que mae mbã chumunua ndese ra. Ñee ngue ee ra. —¿Mbaerã jẽingo nyuruirate mae erese re, Israel jenda? ¿Mbaerã jẽingo nyuruirate mae urerese re? Ure ae eã ño Ecuatayã urembucherõ nguiã. Urequirãcuã eã Ecuatayã mbucuata nguiã. Dios quiarei uquirãcuã mee ee embucherõ. Ureacuata

turã embucherõ eã nguiã. ¹³ Dios rei nanderu rerecua bei. Abraham. Isaac. Jacob. Ûqui nderecua bei Dios. Dios ñee turã mbei nguiĩrĩ nii. Jesús rĩĩ. Ae que jemee icuã mbia je eiquia sacuã nda. “Jesús tambui”, i mose Pilato, ùqui mose que jëisi quiatu quiatu chõchĩ nguiã. ¹⁴ “Embui”, jenye eã ñochĩ ngue Jesús turã nii nde. “Embui”, jenye chõchĩ ngue mbia iquiasa rĩĩ nde. ¹⁵ Eĩ jenye chõchĩ ngue mbia mingosa iquia nguiã. Dios que embuquera si ra. Equera si rese que uremae nda. Æ ureico mbia mbiirandu randu equera rese ã. ¹⁶ Æ jengu mae Ecuatayã ndese ã. Jë Ecuatayã jëicuate resë. Jendesa rae que Dios embucherõ nda. Ure Jesús ureicuate quia ã. Nyebe Ecuatayã mbuquirãcuã nguiã.

¹⁷ Jëaquiatuã ño Jesús jëiquia nguiã, Seresenda. Jenderecua aquiatuã ño Jesús iquia nguiã no. ¹⁸ Dios quia que ucheë mbuchecuaa mbucheë cose ra. Cristo rĩĩ embucheë. “Mbia icuã icuã nda Cristo je. Cristo mbasi mbasi rae”, i que embuchecuaa cose ra. Ûqui ñee nguire quia Cristo mbasi mbasi nguiã cote. ¹⁹ jëicuã si jëhui chõ jë! Jemba rã Dios icha cuti. Dios jëicuã mbutiã sacuã. Eĩ jenye mose ra Dios jembiate cote. ²⁰ Dios ra Jesucristo mbuquichi imbu cote. Ae que emi jenderecua rã cos e ra. ²¹ Namõ ño nda Jesús riquichõ ibate. Dios mbae mbitirõ ja mose ra eru cote. Eĩ ngue Dios cheë mbuchecuaa ñiinda ñee nda. ²² Nyebe Moisés ñee nguiã nanderu cose ndare je. “Dios ra nanderesenda mo isi. Dios cheë mbuchecua sacuã. ¡Ae cheë nda jemumba jirichĩ jë! ²³ Echeë mumbasa ra Dios mbuquiachã nyesi”, i que Moisés ñee nda. ²⁴ Dios cheë mbuchecuaa ja que mbia mbiirandu randu mbae rĩĩ nda. Ae riqui nyecua namõ ã cote. Samuel nane ngue mbia mbiirandu randu ã nii nda. Samuel nduinda ja abe que embiirandu randu ã nii no nda. ²⁵ Jëje chõ Dios cheë mbuchecuaa ñee ñee nguiã. “Seturãte ra jendiirĩ ja je”, i que Dios ñee nanderu ñiinda je ra. Jëje abe Dios ñee. Ucheë nda embucheĩ eã. Dios que ñee Abraham je cose ra. “Nderiirĩ mo nda mbia mbia ja tuchi quia. Ibi jenda ra embia ja tuchi”, i que Dios Abraham je ra. ²⁶ Dios que nguiĩrĩ mondo ibii cote ra. Jë nane je que embu ra. Jembuturã sacuã. Jëhui sacuã jëicuã si, i que Pedro judíos je ra.

4

Ererecua paama i ja Pedro je, Juan abe je

¹ Sacerdotes que ngaë cote ra. Pedro ñee mbei mose mbia je. Juan abe ñee mose ee. Dios chuchua raarõsa abe que tu erese huee ra. Saduceos mo abe que ngaë erese huee

ra. ² Ûqui paama i ja Pedro je. Juan abe je. Mbia mbaaquiatu quiatu mose chõ ngue paama i ra. —Jesús que quera si manonde ra. Eĩ nda mbia abe quera si, i que Pedro ee nyii ra. Nyebe ùqui ndiqui nguiã paama i ee. ³ Nyebe eisi suruchoi nguiã policiaa. Eresaitõ ño emingue nguiã tarõ. —Isamami nguiã nda nandechandu nguiã, i que ererecua nyue ra. ⁴ Mbia tubiriã Dios cheë ñandu erenei nenei mose. Eatate que Jesús icua ra. Jesús icuasa rei cinco mil hombres.

⁵ Isamami ngue mbia tubiriã ñumunua nda. Judíos rerecua que ngaë ñumunua huee ra. Amei abe que ngaë ñumunua erese ra. Embesasa abe que ngaë ñumunua erese no nda. Ûqui ja que ñumunua Jerusalén nda. ⁶ Anás abe que chĩ erese ra. Ae rei sacerdotete rerecua. Caifás abe que chĩ erese ra. Juan abe no. Alejandro abe no. Sacerdotes nducucha ja que chĩ ñumbaacua ra. ⁷ Pedro que emi mbia ite re ra. Juan ndese. Mbia ñee ee cote. —¿Aba jembirãcuã nde? ¿Aba jembirãcuã nguiã ecuatayã mbucuatã nonde re? i que ee ra. ⁸ Espíritu Turã ngue Pedro mbucheë cote ra. —Tacheë jëje, mbia rerecua. Tacheë jë abe je, Amei. ⁹ “Ecuatayã ndese urembiirandu rã”, jenye chõ nguiã ure je ã. “¿Aba jembirãcuã ecuatayã mbucherõ nonde re?” jenye chõ nguiã ure je ã. ¹⁰ Tacheë nyecua jëje. Sã mbia ureandu ja. Sã Israel jenda ureandu ja. A ecuatayã embucherõ ji riqui jendesa rae a. Jesucristo quirãcuã nguiarei embucherõ. Aque sí quirãcuã ño ñene. Ae jëiquia. Ae jembucha ira rese. Ae Dios mbuquera si. Ae que quirãcuã ño ñene. Nazaret jenda quirãcuã. ¹¹ Ñhuaë nandechirirõ na ño Jesús re. Sañi nandeico mae mae ñhuae nandechirirõ ndese no. “Aque chõ nde que eturã nda”, sañi nandeico erirõ i no. Eĩ nyee ra mbia Jesús ndiichã i no. Mbia ra eisi tuchi nguerecuarã cote. Jesús momboi isi. Eisire rocoi nyii. ¹² Aba mo eã ndei nanderirõsa nandeicuã si. Jesús ae nanderirõ nguiã nandeicuã si. Dios aba mo abe mbu eã nguiã mbia rirõ sacuã huicua si. Jesús ae ñene, i que Pedro ra.

¹³ Mbia rerecua nyuruirã Pedro cheë andu. —¿Mbaerã eriqui siquicheãte ñee nde? Papel ndesenda eã ndaque. Mbia ataque rã ño ndaque, i que ererecua nyue ra. Pedro rĩĩ. Juan nii. —Jesús resenda quia eriqui reaë. Nyebe eriqui siquicheãte ñee nde, i nyue cote. ¹⁴ Hue que embucherõ ji riqui huee ra. Nyebe mbia rerecua ñee icuã aroneate erĩ. ¹⁵ Ererecua ñee ja cote. —Sã Pedro choi usë taicue. Juan abe no. Nandechëë nandechue nande ae, i que ererecua nyue ra. ¹⁶ —¿Mañi nande ra Pedro je re? ¿Mañi nande ra Juan abe je re no? Pedro chimbucherõ ndese mbia riqui

jirandu randu jate ã. Jerusalén jenda riqui jirandu randu jate ã no. “Mbucheroã ngue ra”, nande aroneate. ¹⁷ Nandembusiquiche rã no. Ñee ñee siã nda equia Jesús rii ña. Mbia nda jiranua nguia mámbii chã. Jesús rese chã. “¡Jesús cheê nda jësenei senei sichi jê!” nande rã ee, i que ererecua nyue ra. ¹⁸ —Jenyu, i Pedro je cote. Juan abe je. —¡Mbia ra jembaaquiatuchi Jesús rii jê! ¡Jesús ra jësenei seneichi mbia mo je jê! i rei que ee ra. ¹⁹ Pedro que echeê sibishorõ nda. Juan ndese. —¿Aba cheê nguia ra aba mumbayã nguia re? ¿Jeñee nguia tu ra aba mumbayã nguia re? Dios cheê aba mumba aroneate. ¿i jêje re? ²⁰ ¿Mañi nda aba umaesa reneiã nde? ¿Mañi nda aba uchiandu abe reneiã ne no? i que Pedro ee ra. Juan abe. ²¹ Ererecua ñee icuã Pedro je. Juan abe je. —Nandembusiquiche nandechesi, i raque. Hui chõ ngue esi cote ra. Embasiã mondo cote. Ererecua ireite mbia tubiriã si. Nyebe eiruã nuã eã nguia. Pedro ecuatayã mbucherõ mose mbia ñee turã turã ño nguia Dios rii neaê. Nyebe ererecua ireite riqui nguia esi. ²² Ae Dios mbucherõ nae, aque amei. Cuarenta años que ae ra.

Urembusiquicheã, i equiato Dios je

²³ Mbia rerecua hui ja Pedro si. Juan abe si. Nyoï nguesenda mbiirandu ja mbia rerecua cheê ndese. Amei ñee ndese. Sacerdotes cheê ndese. Nguesenda mbiirandu ja. ²⁴ Eresenda eandu mose que ñee ja Dios je ra. Ñee nyecha ee. —Dios, urererecua tuchi nde. Nde rei mbae aosa. Ibei aosa. Ibi aosa. Ama abe aosa no. ²⁵ Sã David erembucheê nenderima cose no. Sã eï erembucheê no:

¿Mbaerã ño mbia pare pare i ja re?

¿Mbaerã mbia riqui ndua ndua chõõnote mbae mo ndese re?

²⁶ Ibi jenda rerecua ja rei icuã Dios je.

Mbia rerecua ja ñumunua icuã Dios je.

Ñumunua icuã ja eriiri abe je no. Cristo je, sã David i cose no. ²⁷ Eï si tuchi mbia rerecua quia ñumunua icuã Jesús je co. Nderiiri turã je co. Herodes. Poncio Pilato. Judíos. Judíos eã abe no. Ūqui ja que siqui icuã icuã nguia Jesús je ra. Ndechiirabo raque Jesús. ²⁸ Eï ere que ñee cose, eï si icuã nguia ã namo. ²⁹ Echiisaquia echeê icuã ndese, Urererecua. Nandembusiquiche, i tuchi equia ure rii ã. Urembusiquicheã na, Urererecua. Urembusiquicheã ndecheê nenei nenei sacua. ³⁰ Ndequiracuã embu ure je. Mbia rasi mbucherõ cherõ sacua. Mbia mae sayã naa naa sacua. Jesús rii. Nderiiri turã ñii, i que Pedro resenda ñee nyecha Dios je ra. ³¹ Ñeende Dios je que ibi nyere ee ra. Ñumunuaãaa que ibi nyere mbia je ra. Espiritu Turã ngue ique tuchi

echiangui re ra. Esiquicheãte que mbia mbiirandu randu Dios cheê ndese cote ra.

Jesús quiato abeichiã eã

³² Hue rii ja Jesús icuasa ndua ndua checha. Eicuasa tubiriã. Ndua ndua ja. —Sembae ae chõ co re, i eã emo umbae je. —Nandembaerã ja chõ ã nde, i umbae ja je nyue. ³³ Jesús chi mbaaquiatu que mbia mbiirandu randu tuchi Jesús quera resera. Jesús que uquiracuã mee mee nguia uchimbaaquiatu je ra. Dios que siqui tuchi erese ra. ³⁴⁻³⁵ Mbae tiã eã ngue eriqui Jesús icuasa mo je ra. Tuchuacha que vender i jaaja uchuchua je ra. Ibicha abe que vender i jaaja umbae ibi je no nda. Mbae isiquia que emee mee Jesús chimbaaquiatu je cote ra. Jesús chimbaaquiatu que emee mee mbaecha reã ja je cote ra. Nyebe mbae tiã eãte riqui nguia emo je. Jesús quiato mo je. ³⁶ Sã José mo. Bernabé, i Jesús chimbaaquiatu José je. Mbia mbiã, i chõ nguia Bernabé i. Ae rei Chipre jenda. Levita mo ngue ae ra. ³⁷ Ae rei ibicha. Ibi umbae je que vender i ra. Mbae isiquia que emee Jesús chimbaaquiatu je cote ra.

5

Ananías ñee ñooño

¹ Ananías, i que emo je ra. Safira, i que eninisi je ra. Ūqui ngue vender i ibi mo je ra. ² —Mbae isiquia ataque nandembuchimi nandembaerã, i nyue. Eataque que emee Jesús chimbaaquiatu je cote ra. Eninisi abe que eicua ja ra. ³ Pedro que ñee Ananías je ra. —¿Mbaerã Satanás ndiqui ique ndechiangui re re? ¿Mbaerã erecheê ñooño Espiritu Turã je re? ¿Mbaerã ño mbae isiquia ataque erembuchimi nde? ¿Mbaerã ño ibi ribishoronda erembuchimi nde? ⁴ ¿Mbaerã ño ere? Ibi rei nembae vender i nonde. Mbae isiquia abe rei nembae. Mbia je rocoï erecheê ñooño chii nde. Dios je chõ erecheê ñooño nguia, i que Pedro ra. ⁵ Ananías eandu mose que esi ngoi mano nda. Eandua que siquiche ja ra. ⁶ Acuanindu mo ngue ngaê eraaque uma nda. Nguruchoi que nyati ra.

⁷ Emo mose jiri que mano je ninisi ru ra. Tres horas. Jiranuãte que ngu rese ra. ⁸ Pedro que ñee ee ra. —¿Manya rei ibi ribishoronda re? ¿Nderu ibi ribishoronda quera ja rei re? i que Pedro ee ra. —Ae. Ūqui ja chõ nyeresê, ichõño ngue eninisi Pedro je ra. ⁹ Pedro ñee ee cote. —¿Mbaerã ere? ¿Mbaerã jendua nduachi ūqui ndese re? Jeñee ñooño chii nguia Espiritu Turã je. Ae nderu curuchoi nyati nae, ūqui nyi nderaerã arõ a. Eiquesa ji a. A ecuaê ndererao sacua a, i que Pedro ee ra. ¹⁰ Pedro cheê mose tuchi que esi ngoi mano nda. Ngu rã si. Pedro resa rae mano. Acuanindu que ique ja eraaque rea ra. Nguruchoi que nyati

ra. Eru atiquia jii que eruruchoi nyati ra. ¹¹ Jesús icuasa que siquiche jate ra. Eandusa abe que siquiche jate no nda.

Mbia mae sayā

¹² Jesús chimbaaquiātu que Dios quirācuā teacuquia cuquia mbia je ra. Mbia mae sayā ngue esaā saā nguia mbia je ra. Milagros, i que ūqui je ra. Jesús icuasa que ñumunua nua ja quia eiquésaa ra. Portal de Salomón, i que eiquesa je ra. ¹³ Jesús icuasa riñ ngue mbia ñee turā ja quia ra. Mbia ataque que siquichete ra. Nyebe ñumunua eā nguiā erese. ¹⁴ Jesús icuasa tubiriāt e que cote ra. Hombres tubiriā. Mujeres abe tubiriā no. ¹⁵ Erasi abe que mbia curuchoi choi quia ñeenda jie ra. Huee que eriqui eno eno ngua ye ra. —Sā Pedro aī ño ubi ubi erasi rese, i que mbia ñee Pedro ucua mose ra. ¹⁶ Jerusalén ndurubinda abe que ngaē ngaē nguia ra. Erasi rurucuaē cuaē Jerusalén. Aba checuayā nyireco abe que ecurucuaē cuaē nguia ra. Dios que embucherō cherō ja quia ra.

Jesús quiato tarō policíaa

¹⁷ Sacerdote rerecua que paama i ra. Sadeuceos mo abe que chí erese ra. Ūqui abe que paama i no nda. ¹⁸ Nyebe que Jesús chimbaaquiātu isi icuā nda. Tarō ngue policíaa ra. ¹⁹ Isa que ibatenda mo nguichi ee ra. Angel. Etaronda que embuquiata ra. Jesús chimbaaquiātu que equerao itaicuee ra. Ñee nonde ee. ²⁰ —Dios chuchúaa jēso. Mbia je mbiirandu randu tuchi Dios cheē ndese. Dios cheē ndei aba mingosa. Aque rese mbia jembirandu randu, i que ibatenda Pedro je ra. Juan abe je. ²¹ Jesús chimbaaquiātu eandu mose que echoi Dios chuchúaa ra. Mbia mbaaquiātu quiātu que echoi ra. Isamamimbe cote. Isamamimbe echoi mbia mbaaquiātu. Sacerdote rerecua que “jenyu” i mbia rerecua ja je ra. Sacerdote resenda abe. Amei je abe ñee. Ñumunua ja u nyiese. Ñee ngue policíaa raarōsa je cote ra. —Jēso policíaa. Jesús chimbaaquiātu jendu rā ure je, i rei que ee ra. ²² Ecuasē mose policíaa que Jesús chimbaaquiātu oreā ño ee ra. Ae nyebi chō ecuaē nguiā sacerdote rerecua mbiirandu. Ñee ee. ²³ —Puerta ātā ngue chí ndei nguiā ure je. Soldados ngue chí rei nguiā itaicuee. Eraarō ndaque. Ureequia rei ngue re. Eoreā ngue ra. Jesús chimbaaquiātu oreāte que ure je ra, i que ra. ²⁴ Sacerdote rerecua que nyuruira eandu ra. Dios chuchua raarōsa abe nyuruira eandu. —¿Mañi mañite equia re? i que u ñee ñee nyue ra. ²⁵ Emo ngue tu ñee ee cote ra. —Huee que jenyitarō nyi Dios chuchúaa ra. Mbia mbaaquiātu quiātu, i que embiirandu ra. ²⁶ Eandu mose que Dios chuchua raarōsa nyoi erea ra. Nguesenda rese echoi erea.

Curucuaē ja nguerecua je. Curucuaē turā. —Mbia tubiriā nda sita mombo mombochí nande je, i ñene. Nyebe eicuā eā ee.

²⁷ Jesús chimbaaquiātu que ecurucuaē mbia rerecua je ra. Sacerdote rerecua que ñee ee cote ra. ²⁸ —“¡Mbia ra jembiiirandu randuchi Jesús rese jē!” ure rei que jēje. Urecheē jemumba chōchí. Jerusalén jenda ja jembiiirandu randu chōchí nguiā. “Jesús iquiasa chō ūqui nde”, tjenyechi nda ure riñ jē! i que sacerdote rerecua Jesús chimbaaquiātu je ra. ²⁹ Pedro que echeē sibishorō nda. Nguesenda rese echeē ndibishorō. —Dios cheē nguia aba mumba aroneate nguiā. Mbia cheē nguia nda aba mumba jiri nguiā ña. ³⁰ Jē nguia Jesús jembucha nguiā ira rese. Eiquia sacua. Dios que embuquera si ra. Nanderu rerecua que embuquera si ra. ³¹ Dios que nguiirí mingo mbia rerecuarā tuchi cote ra. Ujii bei que emingo ra. Mbia rerecuarā. Mbia rirō sacua eicuā si. Israel jenda mbui sacua huiicua si. Dios eicuā mbutiā sacua esi. ³² Ūqui ndese que uremae ja ra. Nyebe ureico nguiā mbia mbiirandu randu ā. Espíritu Turā abe mae ja erese. Nyebe a e abe riqui nguiā mbia mbiirandu randu co. Dios qui Espíritu Turā mee mee nguiā ucheē mumbasa reā je, i que Pedro ra.

³³ Ererecua que paama i ja Pedro cheē mose ra. Nyebe eriqui nguiā eiquia ja seríte. ³⁴ Fariseo mo abe que chí erese ra. Gamaliel, i que ee ra. Ae abe que ererecua ra. Mbia chūcua jat e que ae ra. Mbia mbaaquiātu quiatua que ae ra. Dios cheē nenei neneisa que ae ra. Ae que juā ñee nda. —Jesús chimbaaquiātu jemondo mbiirí conosē itaicuee, i que ra. ³⁵ Ñee ngue ererecua uataque je cote ra. —Tacheē jēje, Israel jenda. ¡Jendua tuchi jē! ¡Jēocochí nda Jesús chimbaaquiātu rese jē! ³⁶ ¿Teudas si jētesarei re? ¿Jendua eāte quia erese re? Teudas quiātu ucuaas saā saā nguia resē. Erimbarā tubiriāte chee. Cuatro cientos chee erimba. Mbia Teudas iquia chee. Teudas mano nyee. Erimba que saseí saseí ja chee. Erimba que ua ja ra. ³⁷ Aquere que Judas abe riqui ra. Galilea jenda. Censo mose. Mbia que siqui jate erui no nda. Erimbarā. Ae abe que mano cote ra. Erimba abe que saseí saseí nda. Erimba que ua ja no nda. ³⁸ Nyebe ā jēteachō. Jesús chimbaaquiātu jēteachō. Sā ae ae quia ua, Dios siquiā mose erese. ³⁹ Dios quirācuā siqui mose erese ra nandesiquisā aronea. ¿Mañi nande ra eriquisā nde? ¡Jesús rimba nandeteachō ño jē! Dios quirācuā nguia siqui rei erese. Dios je ra nandeicuā abareāte, i que Gamaliel ra.

⁴⁰ Gamaliel cheē ndui si chō ngue ererecua siqui ja nguiā cote. —Jenyu, i nguiā Jesús chimbaaquiātu je cote. Iruā nua cote.

—¡Mbia je ra Jesús cheë jēsenei senei sichi core jê! i rei que ee ra. Ererecua que hui esi cote ra. ⁴¹ Jesús chimbaaquiatsu que nyoï mbia rerecua recha cote ra. Eyate que nyoï ra. —Jesús rii ño ureiruã nua nguã, i que ra. Eya tuchi chõ ngue ra. ⁴² Mbia que embaaquiatsu quiatu bei ra. Jesucristo rii mbia mbiirandu randu bei. Mbia chuchua que embuchesea sea quia mbia mbiirandu randu Jesús rii nda. Dios chuchúaa abe mbia mbiirandu randu.

6

Mbia siete irabo mbia mbuquiaru sacua

¹ Jesús quiato tubiriãte que cote ra. Ae griego cheë saã nguia, ùqui ngue paama i ra. Ae judío cheë saã nguia, ùqui je que paama i ra. Jesús quiato ja raque. —Urerenda eru cheecha ja ngue jembuquiaru icuã icuã ñochi nguã, i que griegos judíos je ra. ² Nyebe Jesús quiato rerecua mbia munua nguã. Jesús quiato munua ja. Ñee sacua ee. —Á ureico Dios cheë nenei nenei mbei mbia je ã. Urehui aronea tuchi quiarei Dios cheë si. Mbia urembuquiaru quiaru aroneate. Dios cheë nenei nenei ndocoi. ³ Nyebe Jesús quiato siete chõ jëirabo. Mbia mbuquiaru sacua. Mbia chiucua siete chõ jëirabo. Hombres aracua chõ jëirabo. Espiritu Turã ndesenda tuchi chõ jëirabo. Sã ùqui ño mbia mbuquiaru quiaru quia. ⁴ Ure quiatu ra urecheë mbei quia Dios je. Ure quiatu ra Dios cheë uresenei senei mbei quia mbia je, i que Jesús quiato rerecua ra. ⁵ —Coche ñene, i jat e que Jesús quiato ra. Nyebe que siete irabo ra. Esteban irabo. Ae rei Jesús quiato tuchi. Ae rei Espiritu Turã ndesenda tuchi. Felipe. Prócoro. Nicanor. Timón. Parmenas. Nocolás. Ùqui ja que eirabo ra. Nicolás ndei Antioquia jenda. Judío eã ngue ae ra. ⁶ Curuchoi ja que Jesús quiato rerecua je ra. Jesús quiato rerecua que o chono ñono ja ùqui aquí arõ nda. Ùqui siete aquí arõ. Ñee ngue Dios je cote ra. ⁷ Mbia tubiriã ngue Dios cheë isi isi quia ra. Jesús quiato tubiriã tuchi que mbia Jerusalén jenda cote ra. Sacerdote tubiriãte abe que Jesús quiato cote ra.

Mbia icuã tuchi Esteban je

⁸ Dios que siqui tuchi Esteban ndese ra. Dios quiracuã ngue siqui tuchi erese ra. Nyebe eriqui nguã mbia mae sayã naa naa tuchi mbia je. ⁹ Mbia emo emo ngue paama i Esteban je cote ra. Esclavos Libertados, i que mbia chumunuasa mo je ra. Hue jenda que paama i ee ra. Cirene jenda abe no. Alejandría jenda abe no. Cilicia jenda abe no. Asia jenda abe no. Ùqui jate que paama i Esteban je ra. ¹⁰ Ùqui ngue Esteban ñee sobeishi aroneate quia ra.

Espiritu Turã nguia Esteban mbaaracuate nguã. Espiritu Turã nguia Esteban mbuch eë aquiature nguã. Nyebe ùqui ndiqui Esteban ñee ndibishorõ aroneate. ¹¹ Paama isa que mbae isiquia mee mbia mo je ra. Ñee ñooño nonde Esteban nii. —Esteban ngue ñee icuãte Moisés rii nda. Esteban ngue ñee icuãte Dios rii no nda, ichõño nonde Esteban nii. ¹² Ñee ñooño je que mbia mbicuãte Esteban je ra. Amei abe mbicuãte Esteban je no. Embesasa abe mbicuãte Esteban je no. Nyebe mbia Esteban isi suruchoi nguã ererecua je. ¹³ Ñee ñooño je que ñee icuã si Esteban nii huee no nda. —¡Esteban ngue ñee icuã icuãte quia Dios chuchua rii nda jê! ¡Dios cheë nii abe que Esteban ndiqui ñee icuã icuãte ra jê! ichõño Esteban nii. ¹⁴ — ¡Esteban ñee ngue urechandu ra jê! “Jesús ra Dios chuchua mbucoi. Moisés cheë nda Jesús mbutiã”, i que Esteban nda jê! ique ñee ñooño ererecua je ra. ¹⁵ Mbia que mae ja u Esteban ndese cote ra. Ererecua abe que mae ja u erese ra. Ibatenda nduba rá tuchi quiarei Esteban. Eruba nininya tuchi quiarei ùqui mose.

7

Esteban ñee mbia je

¹ Sacerdote rerecua que ñee Esteban je cote ra. —¡Mbia ñee ñooño nguia nderiñ nde? i Esteban je. ² Esteban ngue ñee oco ee cote ra. —Tacheë jêje, Seresenda. Tacheë jêje, Amei. Dios Turã ngue nyecua u nanderu Abraham je ra. Abraham siqui mose Mesopotamia. Oso nonde Harán. ³ Dios que ñee Abraham je ra. “Ibi mo nguia eso. Nderecua esecha. Nderesenda abe esecha ja. Ibi mo tateacuquia ndeje. Huee eso rá. Huee quia tereico”, i que Dios ee ra. ⁴ Abraham ngue oso nguecua recha ja ra. Ibi Caldea recha ja. Oso ibi mo. Harán, i que hue ibi je ra. Emo mose que eru mano ee ra. Aquere que Dios Abraham ndurucuaë aa ra. A nandeico a. Aa que erurucuaë nda. ⁵ Dios que ibi mo mee eã Abraham je ra. Ibi boque ñetë mo mee eã tuchi ee. “Ibi tamondo nderiiri mbaerã. Ndetiã mose ra amee nderiiri je”, i que Dios ee ra. Abraham nguiiri ndea eã mose qu e Dios ñee ee ra. ⁶ “Nderiiri nda siqui ja rei mbiamo ndese. Ndetiãmbaa. Mbiamo ndécuaa ra eriqui bei. Mbia icuã tuchi ra eriqui nderiiri je. Mbia rimbarã nda nderiiri. Cuatro cientos años nda eriqui mbia rimbarã”, i que Dios Abraham je ra. ⁷ “Nderiiri mbuquie quieisa ra ambasi mbasi. Ùqui mos e ra nderiiri cuaë usë aa. Aa ra ñee ñee turã seje aa cote”, i que Dios ra. ⁸ Dios que ñee Abraham je ra. Abraham ngue Dios cheë ñanduchõ eã nda. Nyebe Dios circuncisión ndeacuquia Abraham je cote. Erãcoi ire ai

o ji je chō eriqui nguiã circuncisión, i ũqui je. Dios cheẽ si embutesareia sacua ndei circuncisión. Nyebe Abraham circuncisión saã nguiirĩ je. Eitãquieĩ mose. Ocho días mose. Isaac, i que eririĩ je ra. Isaac cuasu mose que ae abenguiirĩ tea ra. Jacob, i que eririĩ je ra. Isaac abe que circuncisión saã nguiirĩ je no nda. Embutesareia sacua Dios cheẽ si. Jacob abe que nguiirĩ tea ecuas mose ra. Ae abe que circuncisión saã nguiirĩ je no nda. Doce eririĩ. Ũqui ndei nandei cose.

⁹ José, i que Jacob ririĩ mo je ra. José nongue que paama i ja José je ra. Nyebe José mee nguiã mbia rimbarã cote. Mbía que José isi suruchoi Egíptoo ra. Huee ab e que Dios riqui tuchi José rese ra. ¹⁰ Mbía icuã mose José je, huee que Dios riqui eraarõ tuchi ra. José ia eã eãte que eriqui ra. Dios embaaracua tuchi. Nyebe mbía rerecua turãte riqui nguiã ee. Faraón, i Egípto jenda rerecua je. Ererecuabi tuchi que José riqui ra. Nyebe emingo nguiã ererecuarã. Egípto jenda rerecuarã. Nyebe emingo nguiã uchuchua jenda rerecuarã. ¹¹ Emo mose jiri que mbae tiã mbía je ra. Mbía chiurã tiã ngue Egíptoo ra. Canaán abe mbía chiurã tiã. Nandei riãcuã ja que eriqui cose ra. ¹² Quiata a mbuae que Egíptoo ra. Jacob jirandu mose que nguiirĩ mondochoi erea ra. “Nandechiurã mo jëisi rã oso”, i que emondochoi Egíptoo ra. Aque ramo tuchi que eririĩ nyoĩ Egíptoo ra. Jacob ndiirĩ ndei nandei ja. ¹³ Aquere que echoi si uchiurã ndea ra. Aque mose chõ ngue José nyecua nguiã ngõngue je cote ra. Nyebe e Faraón José nongue icua nguiã cote. ¹⁴ José que ngõngue mondochoi ngu rea cote ra. Jacob, i que eru je ra. “Nanderu jendu rã. Jeninisi abe jendu rã. Jendiirĩ abe jendu rã”, i que José ee ra. Curucuaã ja que ra. Setenta i cinco que mbía ra. ¹⁵ Eĩ ngue Jacob oso siri Egíptoo ra. Huee que eriqui bei ra. Mano nyee. Nandei ja abe que chi bei huee ra. Mano nyee. ¹⁶ Emo mose que mbía Jacob quiangue ruruchoi Siquem nda. Ibicua rie que eno huee ra. Ae Abraham isi ibi nyii, huee que equiangue no nda. Huee que nandei quiangue no nda. Ae ibi Abraham isi quia Hanor ndiirĩ si nae, huee que equiangue no nda.

¹⁷ “Cuatro cientos años nda nderiirĩ nyi bei Egíptoo. Aquere Ibi Canaán tamee ee”, i quia Dios Abraham je nyii reaẽ. Cuatro cientos años ua jiri mose que nandei tubiriãte cote ra. ¹⁸⁻¹⁹ Aque mose que emo Egípto jenda rerecua rã cote ra. Ae que jiranuã José rese ra. Nyebe ngue eriqui nguiã nandei mbiri irĩ. Eicuã tuchi que eriqui nandei je ra. “Jendiirĩ itãquieĩ jësecha chõ. Sã ae ae mano ja”, i que ererecua nandei je ra. ²⁰ Aque mose que Moisés

nyaacuquia ra. Diosbi tuchi que Moisés ra. Nyaacuquia ramo mose. Tres nyasi que esi embutiarõ nyecuayã nda. Mbía rerecua si. Eru abe siqui embutiarõ nyecuayã. Eitãquieĩ mose. ²¹ Nguereco checuayã aroneate chee que ra. Nyebe ererecua ririĩ ngasẽ nguiã ee. Isi turã ngue ra. Mbutiarõ ngue nguiirina nda. Nyucuaaque que ererecua ririĩ nda. Ae que Moisés itãquieĩ mbutiarõ cote ra. ²² Nyebe Moisés mbaaquiutu tuchi nguiã Egípto jenda rã si. Earacua tuchi que ecuas mose cote ra. I tuchi que ra.

²³ Moisés que ndua tuchi uataque rese cote ra. “Taso rã israelitas rea”, i que cuarenta años mose cote ra. ²⁴ Oso que cote ra. Egípto jenda mo icuã icuã mose israelita mo je que Moisés si ngasẽ nda. Moisés que esiquisã nda. Iquia que ra. Egípto jenda iquia que ra. ²⁵ Moisés que ñee uchiangui re ra. “Sere senda ra seisi turã. Seicuate rae. ‘Dios chimbu chõ tu nguiã co. Urerirõ sacua a si’, i ra seresenda seriĩ”, i rei ngue Moisés uchiangui re re. Eresenda que eisiã ñochĩ nguiã. ²⁶ Isamami nongue que israelitas mo icuã icuã nyue ra. “Tacheẽ turã ee. I nda eturã si nyue”, i rei que Moisés ra. “¿Mbaerã jëicuã icuã ndiqui jenyue re? Nande ja chõ nyeresẽ”, i que Moisés ee cote ra. ²⁷ Ae rane eicuã icuã ndiqui nyue nae, aque que ñee icuã Moisés je ra. Moisés maña mondo. “¿Aba nemingo ererecuarã nde? Urereachõ ño ae”, i que ñee icuã Moisés je ra. ²⁸ “Ae ereiquia curi, ¿aque rã si ra seiquia re?” i que ñee icuã Moisés je ra. ²⁹ Á andu mose que Moisés si uchã nda. Ibimo. Madián, i que ibimo je ra. Huee que eriqui arete ra. Nguiirĩ nyeremo ngue etea huee ra.

³⁰ Huee que eriqui arete ra. Cuarenta años. Emo mose que esi turuquia rĩ nda. Ibi ibate jii que eriqui ra. Sinaí, i que hue je ra. Huee que ira ruri riqui sendi ee ra. Tata rendi mbirõ ngue ibatenda mo nyecua ee ra. Angel que nyecua Moisés je ra. Ira ruri rendi ite re que nyecua ee ra. ³¹ Moisés que nyuruira tuchi erea ra. Erurubi que mae tuchi erese cote ra. Dios que ñee ee cote ra. ³² “Dios chõ se re. Ndei rerecua chõ se re. Abraham nderecua. Isaac abe rerecua no. Jacob abe rerecua no. Ũqui nderecua ja chõ se re”, i que Dios ra. Moisés que titi titi i ra. Siquichete que mae ndocoi erese ra. ³³ Dios que ñembe ee ra. “Ndeiyao esirõ na. Seturã ño se re. Sésaa ndeiyao esirõ. ³⁴ Serimba rese aico mae mae mbeite Egíptoo co. Mbía icuã tuchite ee. Mbía embasi mbasi beite. Amae mae mbeite que erese ra. Echeseo seo rese que aico mae mbei ra. A achu erirõ sacua a. Tasirõ eicuã si cote. Eso Egíptoo. Taremondo Egípto cote”, i que Dios Moisés je cote ra.

³⁵ Dios que Moisés mingo mbía rerecuarã cote ra. Mbía rirõ sacua Egípto si. Mbae

icua si. Mbia que Moisés isi sereã nea nyii ra. “¿Aba nemingo urererecuarã nde?” i que mbia Moisé je nyii ra. Ūquí sí je que Dios Moisés mondo si ra. Ererecuarã. Dios que tata rendi ite renda mbucheẽ Moisés je ra. ³⁶ Moisés que mbia mae sayã saã saã nguia nandei je ra. Mbia mae sayã tubiriãte que esaã saã nguia ra. Moisés que mbia curuchoi Egipto si cote ra. Curuchoi que Ama Irei ndasa ra. Moisés que mbia quereco bei turuquia rui ra. Cuarenta años. Mbia mae sayã tubi riãte que esaã saã nguia ra. ³⁷ Amei mose que Moisés ñee mbia je ra. “Dios ra jemo irabo ucheẽ mbuchecua sacua jêje. Seraanguia si ra eirabo. ¡Aque cheẽ nda jemumbachĩ jê!” i que Moisés israelitas je ra. ³⁸ Moisés bei chõ ngue ererecua ra. Moisés bei chõ ngue nandei quereco quia turuquia rĩ ndesẽ. Ae je chõ ngue ángel ñee ndesẽ. Mbia chumunua mose Ibi Ibate Sinaí. Ibatenda mo ngue ñee ñee u Moisés je ra. Moisés que ñee ñee nandei je cote ra. Ibatenda cheẽ mbuchecua ee. Mbia mingosa cheẽ nenei nenei mbia je. Nandei je. ³⁹ Nandei que Moisés cheẽ ñandu sereãte quia ra. Echeẽ mumba mumba. “Nyaso rei nyebi Egipto ae”, i que equia ra. ⁴⁰ Nandei que ñee ñee Aarón je ra. Moisés cutiã ngue ñee ñee ee ra. “Mbae raanguia mo esaã jiri ure je ae. Imagen. Urererecuarã. Ae je nda ureico ñee ñee jiri chã. Ae nda urererao Egipto chã. Moisés tiãte ure je cote. Ae urereru Egipto si. Maranguiti chõ esi ure-recha”, i que mbia Aarón je ra. ⁴¹ Nyebe que Aarón ticuas raanguia raã ee ra. Imagen. Nandei que mbae iquia iquia ticuas raanguia je ra. Eroo que emiã ticuas raanguia jii ra. Mendi que ee cote ra. Mbia ia tuchi que uchiao rese cote ra. ⁴² Ūquí icua tuchi que Dios je ra. Nyebe Dios hui nguia nandei si cote. Nandererecua, i chõchĩ mbia tenda je cote. Nyasi je abe no. Nyasi tata je abe no. Ūquí je chõ mbia riquichĩ ñee ñee. Ūquí mose que Dios ucheẽ mbu cote ra. Dios cheẽ mbuchecua que Dios cheẽ senei senei mbia je ra. Co rei embesa ji co: Israelitas, ¿aba je jëingo mbae roo mendi mendi cose re?

Jëingo mose turuquia cuarenta años mose. ¿Seje chõ jëingo mbae roo mendi mendi cose re?

⁴³ Tei. Seje eã ñene.

Jenyiao je chõ jëingo mbae roo mendi resẽ. Tuchua ñetẽ jendaso raso bei chõchĩ.

Mbae aingue raanguia resebe. Moloc, i ee.

Aque je chõ jëingochĩ nguia ñee ñee.

Seje ñee ñee ndocoi.

Nyasi tata je abe jëingochĩ nguia ñee ñee.

Nyasi tata rei Refán mbae.

Mbae raanguia jenyiao je abete que jëingo ñee ñee nda.

Nyebe ra jaemondo jembae ibi si.

Babilonia ndobei ra jaemondo.

Mbia rimbarã nda jaemondo,

i que Dios nandei je cose ra. ⁴⁴ Nandei

que chi arete turuquiaa ra. Aque mos e

que nandei riqui tuchia rurucuatã bei cose

ra. Mbae ire que tucharã cose ra. Aque

tuchuaqui re que mbia riqui ndua ndua

Dios rese ra. Dios que tuchia nyao uquia

Moisés je ra. “¡Eĩ ere chõ eao jê!” i que

Dios Moisés je ra. Dios cheẽ ndui si tuchi

que Moisés eao ra. ⁴⁵ Moisés manonde que

Josué nandei rerecua cote ra. Ae que nandei

curuchoi turuquia si cote ra. Ngasẽ nonde

ibi mo je. Dios chimee, hue ibi je que

ngasẽ cote ra. Nandei que guerra saã saã

hue jenda je ra. Dios que mbia mombo ja

hue jenda ra. Aque mose que nandei riqui

tuchia ruruchoi bei ra. Tuchua, i chõ nguia

mbae ire ao ji je. Aque tuchia que equereco

bei quia ra. David abe mbia rerecua mose.

⁴⁶ Dios que siqui tuchi David rese ra. David

que ñee ee ra. “Tuchia cuasu tasaã ndeje”,

i rei ngue David Dios je re. Jacob nderecua

rei Dios. ⁴⁷ David ndiirĩ nguiatu que tuchia

saã Dios je ra. Salomón, i que eriirĩ je ra.

⁴⁸ Mbia rá eã ndei Dios. Dios siquiã tuchi chõ

nguia tuchiaqui re. Mbia chiaoqui re. Dios

cheẽ mbuchecua que Dios cheẽ saã nda:

⁴⁹ Se quia ererecua tuchi re.

Ibatenda rerecua abe rei se.

Ibi jenda rerecua abe rei se no.

¿Mañi nda mbia sechucharã ao re?

Equi re ra aicoã ndesẽ.

⁵⁰ Se quiatu que mbae achao ja resẽ,

i que Dios nandei je ra. ⁵¹ Jëñia icua ñochĩ.

Jëisayã ñochĩ. Espiritu Turã jëisiteã teã ñochĩ.

Jendu rá si chõ Espiritu Turã jëisiteã teã

ñochĩ. ⁵² Jendu icua bei que eriqui Dios

cheẽ mbuchecua ja je ra. Jendu que Dios

cheẽ mbuchecua iquia iquia bei quia ra.

Ibatenda Turã nda tu, ae i quia cose nae,

ũquí abe que jendu iquia iquia quia cose

resẽ. Ibatenda Turã tu mose que jeme

ñochĩ nguia mbia icua je ra. Eiquia nonde

que jeme ñochĩ nguia mbia icua je. ⁵³ Dios

que ángeles mbu rei jêje ra. Ucheẽ nderu

raque jêje. Jê echeẽ mumbayã sacua. Echeẽ

ngue jemumba mumba bei chõchĩ nguia, i

que Esteban ñee oco tuchi ee ra.

Mbia Esteban iquia sita je

⁵⁴ Eandusa que paama i tuchi Esteban je

ra. Esteban i quia serĩ. ⁵⁵ Espiritu Turã ngue

siqui tuchi Esteban ndese ra. Esteban ngue

mae tuchi ibei rese mbia paama i mose ee

ra. Dios Turã ndese que mae ibate ra. Jesús

rese abe que mae nda. Jesús que chí juã Dios

ji ee ra. ⁵⁶ Esteban ngue ñee nda. —Jemae

jê. Ibei nyiequia rese aĩ mae a. Huee mbia

rucucha ñi juã Dios ji huee. Huee Jesús ñi

juã Dios ji huee, i que Esteban nda. ⁵⁷ Mbia

que tasê tasê tuchi paama i ra. Huisacua que emitao ja Esteban ñee si ra. —Nandecua recua erese, i que o oe Esteban ndese ra. ⁵⁸ Mbia que Esteban curuchoi sucha tubiriã si ra. Huee que sita mombo mombo erese ra. Sita mombo mombosa que huiãrao mbui mbui acuanindu mo je ra. —Esaarõ, i que ee ra. Saulo, i que eieiraõ raarõsa je ra. ⁵⁹ Mbia que sita mombo mombo Esteban ndese ra. Sita mombo mombo mose que Esteban ñee Ibatenda je ra. —Aque aso quia ndeje aque, Sererecua Jesús. Seisi cote, i que Esteban Ibatenda je ra. ⁶⁰ Ngoi que nguiã ndese cote ra. Tasê tasête que ñee mombo mombo ra. —Sererecua, ã icuã ndaque seje. ¡Erembasi mbasichĩ nda huiãcuã ñii jê! i que Esteban Jesús je ra. Esteban ngue mano cote ra.

8

Saulo icuã Jesús quiato je

¹ —Coche rei mano, i que Saulo Esteban mano mose ra. Aque mose tuchi que mbia icuã icuã tuchi Jesús quiato je cote ra. Jerusalén jenda. Jesús quiato que nyoĩ ja ñimbuchao Judea rĩ nda. Samaria rĩ abe que echoi ñimbuchao ra. Jesús chimbaaquiato achõ ngue chichõ Jerusalén nda. ² Mbia turã mo ngue Esteban nyati ra. Nyeseo tuchi que eati mose ra. ³ Saulo icuã tuchi que eriqui Jesús quiato je ra. —Jesús quiato tambutiã, i tuchi que Saulo quia ra. Nyebe eriqui nguiã mbia chuchua mbuchesea seate. Jesús quiato rea rea ererao sacuã tarõ policiaa. Saulo icuã tuchi que eriqui Jesús quiato je ra.

Samaria jenda Dios cheẽ ñandu

⁴ Ae uchã nyoĩ quia Jerusalén si nae, ùqui ngue nyoĩ mbia mbiirandu randu tuchi quia Jesús rĩ nda. Mbia recua ja que eriqui nyoĩ nyoĩ mbia mbiirandu randu Jesús rĩ nda. ⁵ Felipe que oso Samária ra. Sucha tubiriã mo. Huee que eriqui mbia mbiirandu randu Jesús rĩ no nda. ⁶ Dios que Felipe mbuquirãcuã nda. Mbia mae sayã ngue esaã saã nda. Mbia tubiriã ngue nyiisaquia tuchi quia echeẽ ndese ra. ⁷ Aba checuayã icuã ngue Felipe jea jea tuchi mbia si ra. Aba checuayã icuã ngue tasê tasê nguia hui mose mbia si ra. Felipe que mbia cuatayã mbucuata ja quia ra. Mbia umi sayã abe que embucherõ cherõ nguia ra. ⁸ Nyebe hue jenda ia tuchi sucha tubiriã jenda.

⁹ Huee sucha tubiriã ngue Simón ndiqui ra. Brujo que ae nyii ra. Ae que mbia mbiriĩ irĩ tuchi quia nyii ra. Mbia Samaria jenda chũcua tuchi que ae ra. ¹⁰ Mbia que nyiisaquia tuchi quia Simón ñee ndese cose ra. Mbia ririĩ abe que nyiisaquia quia echeẽ ndese ra. —Dios mbuquirãcuã tuchi quia co, i rei que mbia Simón ñii nda. ¹¹ Simón ngue mbia mbiriĩ irĩ tuchi quia brujeria je

ra. Nyebe que mbia riqui nyiisaquia tuchi eres e nyii ra. ¹² Huee que Felipe Jesús renei nenei tuchi cote ra. —Dios ra mbia rerecuarã tuchi, i que Felipe quia hue jenda je ra. Ûqui mose que mbia Jesús icua icua tuchi ra. Bautizar i que mbia atate je ra. ¹³ Simón Brujo abe que Jesús icua cote ra. Bautizar i que ee ra. Felipe rui bei que eriqui cote ra. Felipe que mbia mae sayã saã saã nguia ra. Simón ngue nyuruira tuchi quia mae erese ra.

¹⁴ —Samaria jenda riqui Dios cheẽ isi isi tuchi ã, i que mbia Jerusalén jenda mbiirandu randu ra. Nyebe que Jerusalén jenda Pedro mondochoi Samária ra. Juan abe mondo. ¹⁵ Ngasê mose que ñee Dios je ra. —Espíritu Turã emondo rã Jesús quiato a jenda je, i que Dios je ra. ¹⁶ Espíritu Turã iqueã mose hue jenda chiangui re que Pedro choi erea ra. Jesús rimbarã ño ngue mbia bautizar i nguiã ee nyii. Espíritu Turã iqueã ño nguia echiangui re nyii reaẽ. ¹⁷ Pedro que o chono Jesús quiato ãqui arõ nda. Juan ab e o chono earõ. Espíritu Turã ngue tu Jesús quiato je cote ra. ¹⁸ Simón ngue mae erese ra. O chono mose earõ. Espíritu Turã tu mose ee. Nyebe que mbae isiquia reacuquia Pedro je ra. Juan abe je. ¹⁹ Ñee ngue ee ra. —Sembaaquiato se abe. Ndequirãcuã embu seje. Sã se abe seo tachono ñono mbia arõ. Sã se abe Espíritu Turã quirãcuã tamee mee mbia je. Mbae isiquia tamee jêje jêquirãcuã ndibishorõ, i rei que Simón nda. ²⁰ Pedro que ñee asi ee ra. —Sã mbae isiquia nembae quiachã ja. Nde abe equiachã tuchi. ¡Dios ra uquirãcuã mee eã mbae isiquia ribishorõ jê! ²¹ Ndeturã eã ñochi ndechiangui re. Nyebe ra Dios uquirãcuã mee eã ndeje. ²² ¡Ndeicuã si ehui rã jê! Echeẽ ñee Dios je. Sã Dios nendua icuã mbutiã ndesi. ²³ ¡Sã ndeicuã tuchi riqui ndechiangui re jê! Ndeicuã aicuate quia co, i que Pedro ee ra. ²⁴ Simón ngue ñee Pedro je cote ra. —Echeẽ turã Dios je seriĩ. Sã Dios seicuã mbutiã. † nda aquiachãyã esi, i que Simón nda.

²⁵ Pedro que Dios cheẽ senei senei nguia ra. Juan abe esenei senei no. Aquere que echoi nyebi Jerusalén nda. Ñeend a cua jenda que embuchesea sea sucha tubiriã nda. Samaria jenda mbuchesea sea Jesús renei nenei mbia je.

Carro yenda Dios cheẽ ñandu

²⁶ Angel mo ngue tu Felipe je ra. Ibate si que eru nguichi ñee ee ra. —Eso chõ turúquiaa. Eso chõ ñeenda icõĩ Jerusalén icha. Gaza icha abe, i que ibatenda Felipe je ra. ²⁷ Felipe que oso Dios cheẽ nguire ra. Echia o ji mo ngue esobeishĩ ñeenda cúaa ra. Etiopía jenda rei echia o ji. Ae rei ererecua resenda. Candace, i que ererecua

je ra. Reina. Mbae isiquia Candace mbae que esaarõ arõ tuchi quia ee ra. Echia o ji oso quiatu quia Jerusalén nyii reaë. Oso quia equia Jerusalén ñee ñee sacua Dios je nyii reaë. ²⁸ Uba que u quia uchuchua quiti cote ra. Carro ye que eru quia cote ra. Isaías chimbesa rese que eru quia mae mae carro ye ra. Dios cheë. ²⁹ Espiritu Turã ngue ñee Felipe je ra. —Eso rã carro jii, i que ee ra. ³⁰ Felipe que oso ra. Oso que Etiopía jenda andu ra. Isaías chimbesa rese que esi quia maemae nda. Nyebe Felipe ñee ee. —¿Isaías chimbesa checuata eriqui ndeje re? i que Felipe ee ra. ³¹ —Tei. ¿Mañi ae ra eicua re? Aba mo eicuayãte seje resë. Echui rã. Ecoi seji. Sembaaquiату rã se, i que carro yenda ee ra. ³² ã Isaías chimbesa rese que eriqui mae mae nda. ã ndei e ã: Nanderiquicharõsa rei oveja rã. Mbia que oveja querao eiquiãsa ra. Mbia que ovejara nyisia sia ra. Oveja ñee ñeeã ee. Eï ngue nanderiquicharõsa ñee ñeeã huiquia mose ra.

³³ Nanderiquicharõsa turãte raque. Mbia icuã tuchi ee. Mbia eiquiachõ. Emosenda icuã tuchite ee. Emosenda eiquia chee. Nanderiquicharõsa siquiã ibi rã cote, i qu e Isaías embesa ra. Embesa ji rese que Etiopía jenda riqui mae mae nda. ³⁴ Etiopía jenda que ñee Felipe je ra. —Embasa ji embuchecua seje. ¿Aba riñ Isaías riqui embesa mbesa re? ¿Mbiamo niñ eriqui embesa re? ¿Ngũñ eriqui embesa re no? i que Felipe je ra. ³⁵ Felipe que embuchecua ee ra. Mbaaquiату tuchi que Jesús riñ cote ra. ³⁶ Carro que ngasë ama moo cote ra. —¿Co ama ñi co! ¿Aa ra bautizar ere seje re? i que Etiopía jenda Felipe je ra. ³⁷ —¿Jesús ereicua quia cote re? Jesús icua tuchi mose ra bautizar ae ndeje cote, i que Felipe ee ra. Etiopía jenda ñee ee cote. —Jesús aicuate quia co cote. Jesucristo rei Dios ndiirã. Aicua sequia co cote, i que ra. ³⁸ Carro que embutiba cote ra. Nguichi que esi ra. Ama ndie que ehoi ra. Felipe que bautizar i ee cote ra. ³⁹ Usë ngue ama si cote ra. Espiritu Turã ngue Felipe querao hue si cote ra. Etiopía jenda que mae eã mbei Felipe rese cote ra. Etiopía jenda ia tuchi que oso ra. ⁴⁰ Felipe que ngasë Azótoo ra. Sucha tubiriã ngue embuchesea sea ra. Mbia mbiirandu randu tuchi Jesús cheë ndese. Ngasë nyee que Cesarea ra.

9

Saulo uba ramo Dios icha rui

¹ Saulo icuã mbei que eriqui Jesús quiato je ra. Taiquia ja, i rei que equia ra. Nyebe que esi ñee sacerdote rerecua je ra. ²—Papel embesa rã sechiraorã. Tarao Damáscocoo.

Judíos chumunua mose ereacuquia sacua ee. Jesús quiat o hue jenda taru taru Jerusalén. Ecuasa taru taru quia etarõ sacua policiaa. Mujeres abe taru. Hombres abe taru taru no, i rei que Saulo ñee icuã Jesús quiato riñ nda. ³ Damasco rurubi mose que tata mo tu tuchi ee ra. Tata mo ngue tu tuchi ee ibate si ra. Tata que Saulo tesae tuchi ra. ⁴ Saulo que ngoi oso ibii ra. Echeë mo ngue ehandu ra. —¿Mbaerã ndeicuãte riqui seje re? i que ibatenda ñee ee ra. ⁵ Saulo que ñee ee ra. —¿Aba nde re? i ee. Ibatenda que ñee ee ra. —Jesús rei se. Seje quia ndeicuãte riquichã nguã. Ndeicuã mose seje, nde sí chõ ereico ñimbasi co. Sã ticuas riqui nambacua mbuti no. Sã eriqui hui mbaba ira racua echi no. Úqui na tuchi quiarei nde, i que Jesús ee ra. ⁶ Saulo que titi titi i eandu ra. —¿Mañi ae ra sequia se re, Sererecua? i que Saulo Jesús je ra. —Ehuã. Eso sucha tubiriã. Huee ra sequioto mo secheë nenei ndeje, i que Jesús Saulo je ra. ⁷ Saulo resend a que siquiche tuchi ra. Echeë andu mose. Mbia mo ndese que maeã nda. Nyebe siquichete echeë andu. ⁸ Saulo que juã ndei nguesa ira ra. Emae sayã tuchi. Eresayã ngue ra. Nyebe que mbia eo isi suruchoi sucha tubiriã nda. Sucha tubiriã Damáscocoo. ⁹ Tres días que eresayã tuchi riqui ra. Aque mose que eresayã mbae mo uate ra. Aque mose que yu eã no nda.

¹⁰ Huee sucha tubiriã ngue Jesús quiato mo ndiqui ra. Ananías, i que ee ra. Aque nda Dios tea cuu ra. —Ananías, i nda Dios eque re ra. —¿Mbae? i nda Ananías e e ra. ¹¹ —Eso rã Ñeenda Chaa Chaareã. Huee que Judas chuchua ñi nda. Huee eso Saulo rea. Saulo rei Tarso jenda. Hue eriqui ñee ñee seje hue. ¹² Saulo que nderea cuu ra. Ereso que ndeo no eresë cuu ra. Eresa que erembucherõ cuu ra. Úqui sí esaã oso ee, i nda Dios Ananías je ra. ¹³ Ananías que teã ndei ra. —Mbia Saulo icuã icua tuchi quia co, Dios. Eicuã tuchi Jesús quiato Jerusalén jenda je. Mbia sembiirandu ja quia co, Dios. ¹⁴ A eru Jesús quiato isi ererao sacua a. Úqui je chõ sacerdote rerecua embu nguã a. Uretarõ ja sacua, i que Ananías Dios je ra. Esiquichete que Saulo si ra. ¹⁵ Dios que ñee ee ra. —Eso chõ erea. Ae quia airabo mingo serimbarã co. Ae ra Israel jenda mbiirandu randu secheë ndese. Ae ra mbia manguue chooñoa jenda abe mbiirandu randu secheë ndese no. Ae ra mbiamo nderecua abe mbiirandu randu secheë ndese no. ¹⁶ Saulo secheë nenei nenei mose ra mbia embasi mbasi tuchi. Mbia icuã icuã tuchi ra ee seriñ mambi. Úqui ndese Saulo tambiiirandu, i que Dios ra. ¹⁷ Ananías que oso cote ra. Dios cheë nguire. Ique que Judas chuchúaa ra. O que echono Saulo rese ra. —Seresenda

ereico co cote, Saulo. Jesús que nyecua ndeje ñeenda cúaa, ae sí sembu quia ndeje co. Jesús sembu ndeje co. Espíritu Turá ique sacua ñdechiangui re. Nemaie sacua abe sembu co no, i que Ananías Saulo je ra. ¹⁸ Aque mose tuchi que síra quiishí naanguia tu ngoi eresa sí ra. Saulo que mae turá cote ra. Jesús quiato que bautizar i Saulo je cote ra. ¹⁹ Saulo que quiaru ñimbuquirácuá cote ra. Itó mocoí jiri que Jesús quiato rese huee ra. Damasco jenda rese itó mocoí.

Saulo Dios cheë nenei namo

²⁰ Saulo que oso oso quia Jesús renei nenei judíos chumunuásaa ra. —Jesús rei Dios riiri, i tuchi que equia mbia je ra. ²¹ Mbía que nyuruira tuchi quia echeë andu ra. —Co chõ Jesús quiato iquia iquia quia cose nye. Jerusalén jenda. Co chõ tu a Jesús quiato rerao sacua nye. Co chõ Jesús quiatõ queraose rete quia sacerdote rerecua je nye. Ae Jesús quiato riqui quia namo co cote, i que mbia nyuruira Saulo rea ra. ²² Saulo quirácuá tuchi que eriqui cote ra. Ererecua rá ño eriqui nguia mbia mbaaquiato quiatu Jesús rií. —Jesús rei Cristo. Ae jësaarõ arõ nguia, aque rei Jesús, i tuchi que Saulo quia judíos je ra. Judíos Damasco jenda que Saulo cheë sibishorõ aronea nda.

Saulo uchã judíos si

²³ Emo mose jiri que judío rerecua ñee nyue ra. —¡Saulo nandei quia jê! i rei que ñee nyue ra. ²⁴ Mbía mo ngue Saulo mbiirandu ra. —Nandei quia, i nda mbia nderií nda. Hue echi nyiquitirõ nderese eiquésaa hue. Isa abe echi nyiquitirõ nderese hue, i que embiirandu ra. ²⁵ Itondaru mose que Jesús quiato mo Saulo mbuchemi nda. Nyuchã ngue iru ye ra. Iru resebe que embuquichi mondo etaronda robei ra. Muralla robei.

Saulo siquibe Jerusalén Jesús quiato ramo mose

²⁶ Saulo que oso Jerusalén cote ra. —Taico Jesús quiato rese, i rei que ngasë nda. Jesús quiato que siquiche ja esi ra. —Saulo Jesús quiato saã saã ño nguia nande je co, i rei que mbia ra. Nyebe siquiche rei nguia esi. ²⁷ Bernabé mií ngue Saulo isi turá nda. Ae que Saulo querao Jesús quiato rerecua je ra. Embiirandu tuchi Saulo rese. —Saulo que oso rei Damascoo ra. Nandererecua Jesús que nyecua ee ñeenda cúaa ra. Jesús que ñee ee ra. Saulo que siqui Jesús rui cote ra. Saulo que siquicheã nguia Jesús renei nenei Damasco jenda je cote ra, i que Bernabé uataque je ra. ²⁸ Aquere que Jesús quiato Saulo isi turá cote ra. Saulo que siqui are jiri Jerusalén cote ra. Hue jenda Jesús quiato rese que eriqui tuchi ra. ²⁹ Saulo siquicheã ngue eriqui Jesús renei nenei mbia je ra. Ae

griego cheë saã saã nguia nae, ũqui je abe que erenei nenei nda. Ñee asi asi que Saulo je Jesús rií nda. Saulo abe que ñee tuchi ee Jesús rií nda. Nyebe mbia riqui nguia “nandei quia” i Saulo rií. ³⁰ Jesús quiato que jirandu erese ra. Nyebe Saulo ruruchoi nguia Cesarea. Mondo que echuchúaa sí cote ra. Tarso, i que Saulo chuchua je ra. ³¹ Aquere que mbia icuá icuá eã Jesús quiato je cote ra. Judea jenda je. Galilea jenda abe je. Samaria jenda abe je no. Jesús quiato hue jenda que ñimbuquirácuá nacua ja ra. Siqui i i tuchi Jesús rese. Espíritu Turá ngue embeta mbeta ra. Etubiriã nyee. Jesús quiato que Dios cheë mumba mumbayã nguia ra.

Jesús quirácuá Eneas mbucherõ

³² Pedro que mbia mbuchesea sea tuchi quia ra. Oso que Jesús quiato Lida jenda rea no nda. ³³ Hue que umi sayã mo ndiqui ra. Ae ngatayã mbei quia ocho años. Nyaara bei chõ ngue equia ra. Eneas, i que umi sayã je ra. ³⁴ Pedro que ñee ee ra. —¡Jesús riqui nembucherõ a jê! Ehuã na. Nderua abe enua, ique Pedro umi sayã je ra. Ũqui mose que nyerõ nda. ³⁵ Mbía que mae ja u umi sayã ngata rese ra. Nyebe que mbia Jesús icua ja cote ra. Lida jenda Jesús icua ja. Sarón jenda abe que eicua ja n o nda. Ngãmeí ñee si que hui Jesús isi cote ra.

Dios quirácuá Dorcas mbuquera si

³⁶ Dorcas, i que ari mo je ra. Jope jenda que ra. Dorcas, i que griego cheë quiicuá je ra. Jesús quiato que ae ra. Ae que eturã mbei riqui mbia je ra. Ae que mbae mee mee mbei quia mbae cha reã je ra. ³⁷ Dorcas rasi que eiquia cote ra. Mbía que eraaque mbuchasu ra. Mií ngue equesa nongue ibatenda ye ra. Segundo piso. ³⁸ Pedro que siqui aichi ra. Lida, i que sucha tubiriã je ra. Nyebe que Jesús quiato mbia nyeremo mondochoi Pedro reru sacua nda. ³⁹ Pedro que oso erese ra. Ngasë mose que mbia eruruchoi equesa ibatenda ra. Dorcas raaque rese mae. Hue eru chiecha tubiri a nyi nyeseo eraaque res e hue. Dor cas chimee tubiriã ngue eteacuquia cuquia u nyue hue ra. Mbía irao tubiriã ngue Dorcas chiao ra. ⁴⁰ Pedro que mbia mbusë ja mondo taicuee ra. Ngüã ndese que ñee Dios je cote ra. Aquere que ñee eraaque je cote ra. —Ehuã na, Dorcas, i que ee je ra. Eraaque que nguesa ira mae Pedro rese ra. Nyuruã ngue ngoi cote ra. ⁴¹ Pedro que emua eo rese ra. Jenyu, i que Jesús quiato je cote ra. Eru chiecha ja je abe no. Ngaë ngue mae equera rese cote ra. ⁴² Mbía Jope jenda que jirandu tuchi erese ra. Nyebe que mbia tubiriã Jesús icua cote ra. ⁴³ Pedro que itó mocoí hue ra.

Sucha tubiriã. Simón curtidor chuchúaa que eriqui uque ra.

10

Pedro oso Cornelio rea

¹ Soldados rerecua mo ngue siqui sucha tubiriã Cesaréaa ra. Italia jenda rei ũqui soldados. Cien ngue soldados ra. Cornelio, i que soldados rerecua je ra. ² Ae que ñee ñee mbei quia Dios je ra. Ae que eturã ndiqui Dios je ra. Mbae isiquia que emee mee tuchi quia mbaecha reã je ra. Echuchua jenda abe que eturã ndiqui Dios je ra. ³ Tenda nyesecco ramo mose que Cornelio ibatenda mo ndea cuu ra. Angel. Echecua tuchi que ee cuu ra. Ique que echuchúaa ee cuu ra. —Cornelio, i que ñee ee cuu ra. ⁴ Cornelio que mae quiatu tuchi erese ra. —¿Mbae ere, Sererecua? i que siquiche ñee ee ra. Ibatenda que ñee ee cote ra. —Co ereico ñee ñee mbeite Dios je co. Co ereico mbae mo mee mee mbeite mbaecha reã je co. Nyebe Dios ia tuchi riqui nguiã nderece co. ⁵ Huee que Simón Pedro mo ndiqui Jópee ra. Nderimba mo emondochoi erea. Ereru sacua ñee ndeje. ⁶ Huee eriqui Simón Curtidor chuchúaa huee. Am a ndisha rimia eriqui hue. Sã nderimba ecurucuaẽ hue si. Ñee ñee sacua ndeje, i que ibatenda Cornelio je cuu ra. ⁷ Dios chimondo ibatenda que oso Cornelio recha cote ra. Cornelio que ñumumba cote ra. Jenyu, i que ngũimba nyeremo je ra. Aquere mii soldado je abe no. Ae rei Cornelio raarõsa. Ae que ndua ndua bei quia Dios rese ra. ⁸ Ũqui je que Cornelio uquereicuã nenei neni ja ra. —Jẽso Pedro reru Jope si, i que ee cote ra.

⁹⁻¹⁰ Isamami ngue Cornelio rimba ngasẽ Jope rurubi cote ra. Aquere mose que Pedro chi tuchua arõ nda. Huee rei equesa no. Huee que Pedro chi ñee ñee Dios je ra. Tenda ibate mose que Pedro riãcuã nda. Echũurã ngue uchi ate ra. Nyebe que uque u ra. Uchiũurã naa mose. Equereicuã ngue cote ra. ¹¹ Ibei que nyiequia ee cuu ra. Tiru icoi que tu ibei si ra. Tiru chimangũiana isi ji que tu nguichi ee cuu ra. Echimangũiana isi ji ja. ¹² Mbae tubiriã ngue tu nguichi tiru icoi y ee cuu ra. Mbae chumumbara tuchi. Quiaa riinda ja. Mbei abe n o. Nguireĩ abe no. Mbae ibi riinda ja tuchi que chi tiru ye cuu ra. ¹³ Pedro que echeẽ mo ñandu cote ra. —Ehuã na, Pedro. Emo eiquia ndechũurã, i que ra. ¹⁴ —Tei, Sererecua. Urechũu eã ño ã ndesẽ. ã mo ngue ureu eã mbei quia ra. Mbaeiaẽ tuchi ure je judíos ja je, i que Pedro ee ra. ¹⁵ Dios que ñeembe ee ra. —¡Sechimee ndechũurã nda ereiseiteãchĩ jẽ! i que ra. ¹⁶ Eĩ si que tiru icoi ru tres veces ra. Mbae chumumbara ja resebe. Tiru que oso bei ibate cote ra.

¹⁷ Pedro que ñumumba cote ra. Ndua ndua tuchi que uquereicuã ndese ra. Aquere mosete que Cornelio rimba ngasẽ nda. —¿Ma Simón chuchua ma nde? i que ngasẽ nda. ¹⁸ —¿Simón Pedro riqui a re? i que ra. ¹⁹ Pedro qu e ndua ndua beite quia uquereicuã ndese ra. Nyebe Espiritu Turã ñee nguiã ee. —Mbia tres ngaẽ nguia nderequia co. ²⁰ Equichi. Eso rã erese. ¡Esiquicheã oso erese jẽ! Se chõ ngue ambu nderea resẽ, i que Dios Pedro je ra. ²¹ Pedro que nguichi u ee cote ra. Cornelio rimba je. —Serequia chõ jenyu nguiã co. ¿Mbaerã jẽingo serequia re? i que Pedro ra. ²² —Cornelio quia urembu nguiã nderea co. Ae rei soldados rerecua turã. Judío chũcua tuchi que ae ra. Eturete eriqui Dios je co. Angel que oso ñee Cornelio je ra. —Mbia emondo rã Pedro reru sacua. Pedro cheẽ echandu rã”, i que ángel Cornelio je ra, i que Cornelio rimba Pedro je ra. ²³ —Jenyu rã ique. Jengue a, i que Pedro ee ra. Isamami ngue Pedro oso erese cote ra. Jesús quiato Jope jenda abe que nyoi eresera. ²⁴ Isamami ngue ngasẽ Cesarea cote ra. Cornelio que esaarõ arõ nguia huee ra. Nguensenda rese que eriqui eraarõ arõ nda. Nguiĩrĩ abe rese que eriqui eraarõ arõ nda. —Jenyu Pedro raarõ serese. Echeẽ andu sacua, i nda nguensenda je nyii ra. ²⁵ Pedro que ngasẽ oso Cornelio chuchúaa ra. Cornelio que oo erese ra. Aquere que ngoi ngũiã ndese ñee ñee ee ra. Ibatenda Pedro riqui reĩ nguiã Cornelio je. ²⁶ Pedro que ñee ee ra. —Ehuã na. Dios eã ño se re. Nderã si chõ se re. Mbia chõ se re, i que Pedro ra. ²⁷ Ñee ñee ngue equia nyue cote ra. Nyoi que ique mbia tubiriã cote ra. ²⁸ Pedro que ñee ũqui je ra. —Se rei judío. Judío siqui aronea ndaque mbiamo ndese. Judío ique aronea mbiamo nyuchúaa. Ũqui jẽicua raque quia ã. Dios que ñee seje cuu ra. Dios que sembaaquiutu cuu ra. “Mbiamo abe que eturãte riqui ra. Mbiamo ndese abe eico jiri”, i que Dios seje ra. ²⁹ Nyebe achu jei nguiã ndecheẽ mose co. ¿Mbaerã “echu” ere seje re? i que Pedro Cornelio je ra.

³⁰ Cornelio que ñee ee cote ra. —Hue tenda bei aico ñee ñee Dios je co. Tenda nyesecco mose aico bei ñee ñee Dios je co. Se cheẽ mose que ibatenda mo ndu seje ra. Angel. Tu que seje hace cuatro días ra. Tirushĩ tuchi que ecunua nda. ³¹ Ibatenda que ñee seje ra. “Cornelio, Dios ndecheẽ ñandu bei quia co. Dios mae mbei quia nderece co. Mbae mee ndese mbaecha reã je eriqui mae co. Dios riqui ndeicuate co. ³² Mbia mo emondo rã Jópee. Hue Simón Pedro ndiqui hue. Hue eriqui Simón Curtidor chuchúaa hue. Ama ndisha rimia ndese eriqui hue. Sã nderimba mo erurucuaẽ aa”, i que ángel seje ra. ³³ Nyebe serimba amondo jei nderea. Coche erechu nguiã seje aa. Ndecheẽ andu

sacua ño urecu nguiã aa. Dios cheẽ esenei na ure je cote. Ae Dios mondo ndeje, erenei sacua ure je, i que Cornelio Pedro je ra.

³⁴ Pedro que ñee ee cote ra. —Judíos achõ je eã ño Dios turã ndiqui reaẽ. Mbiamo abe chõ ebi riqui reaẽ. ³⁵ Mbiamo abe irei irei chĩ nguiã Dios si re. Ibimo jenda re. Ûqui siqui turã ño nguiã Dios je reaẽ. Nyebe Dios abe eturã ndiqui ùqui je reaẽ. Judíos achõ eã ndaque. ³⁶ Dios que ucheẽ turã mondo judíos je ra. Dios cheẽ turã ngue tu Jesucristo riã nda. Ae rei aba mbiasa. Jesucristo rei mbia rerecua tuchi. ³⁷ Judío recua ja que Dios cheẽ turã ndiqui ã ndesẽ. Juan Bautista reco mose que Dios cheẽ ngasẽ judíos ja je ra. Juan Bautista que Dios cheẽ senei senei Galilea ra. Aque mose rane ngue Dios cheẽ ngasẽ judíos ja je cote ra. Ûqui jẽicua tuchi quia ã ndesẽ. ³⁸ Jesús siqui turã jẽicua quia resẽ. Jesús Nazaret jenda siqui turã mbei. Dios que Jesús mbuquirãcuã Espíritu Turã je ra. Dios que siqui tuchi erese ra. Nyebe eriqui nguiã mbae turã naa naa. Nyebe eriqui nguiã aba checuayã icuã jea jea mbia si. Ûqui jẽicua quia ã ndesẽ. ³⁹ Jesús chimbacquiãtu chõ ureico nguiã ã. Jesús chisãã ndese que ureico mae mae huee ra. Judea rui ja. Jerusalén abe que ureico mae mae echisãã ndese ra. Huee Jesús reco mose que mbia eiquia cote ra. Huee que mbia embucha ira rese ra. Eiquia sacua. ⁴⁰⁻⁴¹ Dios que Jesús mbuquera si cote ra. Tres días mose. Dios que Jesús mbuchecua ure je cote ra. Mbja ja je embuchecua. Ure je achõ ngue embuchecua ra. Uchiirabo achõ je. Jesús renei nenei sacua ngue Dios ureirabo ra. Urequiaru que Jesús rese ra. Jesús quera ico. Mbae mo abe que urembei erese ra. ⁴² Jesús que uremondo mbia mbiirandu randu sacua ngũñi nda. “Secheẽ turã jẽsenei senei nguia mbia je. ‘Dios que Jesús mõi nda. Mbja mano je icuã ndea sacua. Manoã je abe icuã ndea sacua. Jesús r a eicuã tea ja’, jenyẽ quia mbia mbiirandu randu”, i que Jesús ure je ra. ⁴³ Dios cheẽ mbuchecua ja que embesa mbesa Jesús riã cose ra: “Dios turã nda eriqui Jesús icuasa je. Dios ra Jesús icuasa icuã mbutiã tiã esi”, i que Dios cheẽ mbuchecua ra, i que Pedro Cornelio je ra.

Espíritu Turã ique judíos eã chianguí re

⁴⁴ Pedro cheẽ mose que Espíritu Turã ndu ique eandusa chianguí re ra. Eandusa chianguí re ja ique. ⁴⁵ Pedro resenda judíos que nyuruira tuchi ra. —Judíos eã je abe chõ Dios riqui Espíritu Turã mondo mondo re, i que judíos Jesús quiato u nyuruira ra. ⁴⁶ Judíos eã ngue mbiamo ñee saã saã nda. Espíritu Turã ique mose echianguí re. Ñee turã ja Dios riã. Nyebe judíos ñee. —Ã ñiangui re abe Espíritu Turã iquechĩ. Judíos eã ndaque, i que eandu ra. Pedro que ñee

nguesenda je cote ra. ⁴⁷ —Espíritu Turã ngue ique echianguí re cote ra. Nyebe bautizar tae ee i je cote. Emo nda seriquisãyã, i que Pedro ra. ⁴⁸ Nyebe que Pedro bautizar i ee ra. Jesucristo rimbarã ngue bautizar i ee ra. Aqueque ñee ja Pedro je ra. —Eitõ mocoĩ jiri quia ure rese aa, i que ee ra.

11

Pedro Jerusalén jenda mbiirandu ja

¹ Jesús chimbacquiãtu que jirandu erese ra. Judíos eã ndese. Jesús quiato Judea jenda abe que jirandu erese ra. —Judíos eã abe riqui Dios cheẽ isi isi ã, i que mbia ee ra. ² Pedro que oso Jerusalén cote ra. Huee que judíos ñee asi asi ee cote ra. ³ —Mbiamo je ereso chõchĩ. Judíos eã je ereso chõchĩ. Judíos eã ndese ereiaru chõchĩ, i que ñee asi Pedro je ra. ⁴ Pedro que embiirandu tuchi cote ra. ⁵ —Emo mose que aico Jope ra. Huee que aico ñee ñee Dios je ra. Mbae mo ngue atea cuu ra. Tiru icoi mo ngue tu ibate si cuu ra. Echimgũiana isi ji que tu nguichi seje cuu ra. Echimgũiana isi ji ja. ⁶ Mbae chumumbara tuchi que tu aque tiru ye cuu ra. Quiaa riinda ja. Mbei abe no. Ngurei abe no. Mbae ibi riinda ja tuchi que chi tiru ye cuu ra. ⁷ Echeẽ mo ngue tu seje cote ra. “Ehuã na, Pedro. Emo eiquia ndechiurã”, i que seje cuu ra. ⁸ “Tei, Sererecua. Urechiu eã ño ã ndesẽ. ã mo ngue ureu eã mbei quia ra. Mbaeia tuchi ure je judíos ja je”, ae rei que ee ra. ⁹ Dios que ñeembe seje ra. “¡Sechimee ndechiurã nda ereisi teãchĩ jẽ!” i que seje ra. ¹⁰ Eĩ si que tiru icoi ru tres veces ra. Oso beĩ que ibate serecha cote ra. ¹¹ Aque mosete que Cornelio rimba ngasẽ seje ra. Seruruchoi sacua ngue ecuaẽ Cesarea si ra. Tres que ngaẽ seruruchoi sacua nda. ¹² “Eso rã erese. ¡Esiquicheã oso erese jẽ!” i que Espíritu Turã seje ra. ã nanderesenda seis que nyoĩ serese ra. Urecuasẽ ngue emondosa chuchua ra. Cornelio chuchua. ¹³ Cornelio que uquereicuã senei ure je ra. “Angel mo ngue tu ñee seje ra. ‘Mbja emondo Jópee Simón Pedro rea. ¹⁴ Ae ra ñee ñee nguia jẽje. Ndechuchua jenda je abe ra eriqui ñee ñee. Dios jendiro sacua jẽicua si’, i que ángel seje ra”, i que Cornelio seje ra. ¹⁵ Se ñee namo mose ee que Espíritu Turã nguichi ee ra. Ique que echianguí re ra. Ique que nandechianguí re nyii nae, eĩ si que ique Cornelio chianguí re cote ra. Cornelio chuchua jenda chianguí re abe. ¹⁶ Jesús cheẽ ndese que andua ndua cote ra. ã ndei echeẽ ã: “I je que Juan bautizar i rei mbia je ra. Espíritu Turã je bautizar tae jẽje cote”, i que Jesús cose ra. Aque rese que andua ndua cote ra. ¹⁷ Nande judíos achõ je eã ño Dios riqui nguiã Espíritu Turã mondo. Judí eã je abe chõ eriqui nguiã Espíritu Turã

mondo. Jesús icua mose. ¿Mañi ae ra Dios riqisã se re? i que Pedro ñee oco judíos je ra. ¹⁸ Mbia que Pedro cheë sobeishiãte ra. Ñee turã turã ngue Dios je cote ra. —Dios judío eã abe mbui mbui quiatu quia huñcuã si reãe. Judío eã abe chee ra siqui bei Dios rese nye, i que judíos ra.

Antioquía jenda Jesús quiato

¹⁹ Mbia icuã tuchi que eriqui Jesús quiato je cote ra. Esteban iquia mosebe bei que mbia icuã ndiqui Jesús quiato je ra. Nyebe Jesús quiato choi nguiã uchã Jerusalén si. Emo nyoí Feniciaa. Emo nyoí Chipre no. Emo nyoí Antioquía no. Huee ja que echi Jesús cheë turã nenei nenei nda. Judíos achõ je que echi erenei nenei nda. Judío eã je erenei nenei eã. ²⁰ Chipre jenda rei emo. Cirene jenda rei emo no. Ûquĩ nguia que nyoí Antioquía ra. Ûquĩ nguiatu que Jesús cheë senei senei judío eã je ra. ²¹ Dios quirãcuã ngue siqui tuchi embiirandusa rese ra. Nyebe que hue jenda tubiriã Jesús icua ra. ²² Jesús quiato Jerusalén jenda que jirandu erese ra. Antioquía jenda rese. Nyebe Bernabé mondo Antioquíaa. ²³ Bernabé que ngasë ñee Jesús quiato je ra. —Dios turã tuchi riqui nguiã jêje co. Aque rese seyate riqui co. jêingo tuchi nanderereca rese jê! jêhuichí nda esi jê! i tuchi que Bernabé quia mbia je ra. ²⁴ Bernabé turãt e que eriqui ra. Espíritu Turã ngue siqui tuchi erese ra. Ae que Dios icua tuchi quia ra. Nyebe mbia tubiriã ndiqui nguiã Jesús isi isi. ²⁵ Aquere que Bernabé si Tarso ra. Oso que Saulo requia huee ra. Tea que ra. Nguerao que Antioquíaa ra. ²⁶ Huee que echi bei Jesús quiato mbaaquiatu quiatu ra. Un año que echi huee ra. Mbia tubiriã mbaaquiatu quiatu bei. Hue jenda je rane ngue “Cristianos” i Cristo quiato je ra.

²⁷ Aque mose que Dios cheë mbucheuasa mo ngaë Antioquíaa ra. Ngaë ngue Jerusalén si ra. ²⁸ Emo ngue juã ñee mbia je ra. Agabo, i que ee ra. Espíritu Turã ngue Agabo mbucheë ñee nda. —Mbia chiurã eã nda namo jiri. Mbia riãcuã ja ra cote, i que Agabo ra. Echeë nguire tuchi que mbae ua cote ra. Mbia riãcuã tuchi que cote ra. Claudio mbia rerecua mose. ²⁹ Nyebe Jesús quiato Antioquía jenda ñee ñee nyue. —Mbae mo nandemondo rã Jesús quiato Judea jenda je. Nandembae mbae mo nandemondo ee, i que nyue ra. ³⁰ Eí ngue umbae mondo mundo Judea jenda je ra. Mee mee ja que Saulo je ra. Bernabé abe je. Ûquĩ ngue ecuruchoi cote ra. Ae emee nguiã Jesús quiato rerecua je. Judea jenda.

12

Mbia Jacobo iquia; mbia Pedro tarõ

¹ Aque mose que ererecua icuã tuchi riqui Jesús quiato je ra. Herodes, i que ererecua je ra. ² Ae que Jacobo ãquĩ ndoso ti quise je ra. Jacobo rei Juan nongue. ³ Judíos ia tuchi que Jacobo ãquĩ ndoso mose ra. —Judíos tambiaabe no, i que ererecua ra. Nyebe Pedro abe isi nguiã. Fiesta de Pascua mose que Pedro isi nguiã. ⁴ Tarõ ngue mii mbia icuã tarõsaa ra. Diez y seis soldados que chi eraarõ mbei ra. —Pedro tamee je mbia je. Eiquia sacua. Fiesta ua mose r a amee ee, i rei que ererecua uchiangui re ra. ⁵ Nyebe que soldados Pedro tarõ ji raarõ tuchi u ra. Pedro resenda que ñee ñee tuchi Dios je ra. Jesús quiato mo. Ñee ñee tuchi que equia Pedro rií ee ra.

Dios Pedro sirõ nyecuayã etaronda si

⁶ Isamami nda ererecua Pedro mee nguiã mbia je chã nde. Eiquia sacua. —Isamami nda amee mbia je, i rei que Herodes ra. Aque isa que Pedro uque u soldados joõ ñi nda. Ecua ji que uque u ra. Cadena nyeremo je que ecua ino nda. Soldados nyeremo ngue uqueã u eraarõ nda. ⁷ Ibatenda mo ngue tu Pedro je isa ra. Angel. Nyaashí na tuchi que tuchia ra. Mbae resae ja. Ibatenda que oco Pedro rese ra. Emumba. —jehuã asi jê! i que Pedro je ra. Ehuã mose que cadenas nyera eo si ra. ⁸ —Ndeirao emingue ja rã. Ndeiyao abe emingue, i que ibatenda ee ra. Ae que Pedro emingue echeë mose ra. —Ndeirao aronda abe emingue. Nyao serese cote, i que Pedro je ra. ⁹ Pedro que oso erese ra. Etaronda si que Pedro rerao cote ra. —Seque re chõ aico rei co, i rei que Pedro ra. Equereicuã eriqui rei nguiã ee. ¹⁰ Eraarõsa cuaãcuã ngue echoi quia ra. Eraarõsa jiranua tuchi erese. Ngasë nyee que etaronda icoi ra. Fierro que etaronda ra. Etaronda a e que nyeequia ee ra. Usë ngue ra. Pe jiri que echoi nyiese ra. Ibatenda que oso Pedro recha cote ra. ¹¹ —Cu u eã ño eriqui re. Echecua chõ eriqui re, i que Pedro eicua cote ra. —Dios chõ ibatenda mo mbu serirõ sacua nde. Serirõ ño equia Herodes si re. Judíos ra seiquiayã cote, i que Pedro uchiangui re ra.

¹² Pedro que ndua ndua huñ nda. Ae esi nguiã María chuchúaa. María rei Juan Marcos si. Mbia tubiriãte que chi ñumunua huee ra. Ñee ñee ngue u Dios je ra. ¹³ Pedro que ngasë eiquesa mbuu mbuu ra. Nyucuaaque mo ngue oso rei ee ra. Rode, i que ee ra. ¹⁴ Pedro cheë ngue eicua ra. Eya tuchi que nyebi asi oso mbia mbiirandu ra. Eiquesa equia rocoí Pedro je. —Hue Pedro ñi taicuee hue, i que embiirandu ra. ¹⁵ —Tei. Echeë ñooñoa na, i chõ ngue mbia Rode je ra. —Ae beite. Acheë ñooñoa ño jêje re, i tuchi Rode. —Pedro eã ño ñene. Eãingue chõ ñee ndei ndeje, i ja rei que mbia nyucuaaque

je ra. ¹⁶ Eiquesa que Pedro mbuu mbuu bei hui mbia je ra. Emo ngue oso cheete rei eequia ee ra. Pedro que ique cote ra. Numunua je que nyuruira tuchi mae erese ra. ¹⁷ Pedro que mbia mbuquiriri o je ra. Mbae que esenei ja ee cote ra. —Ei ngue Dios seriro setarosa si ra, i que erenei nenei ja ee ra. —Jacobó jembiiirandu ja ra serese. Jesús quiato ja jembiiirandu, i que Pedro ra. Pedro que oso mbia recha cote ra.

¹⁸ Isamamimbe que soldados pare pare i tuchi ra. Pedro oreã ndese mae. —¿Mañi Pedro usẽ nde? i que u ñee ñee nyue ra. ¹⁹ Herodes que ñee nda. Ererecua. —Pedro jendu ra seje, i rei que soldados je ra. Pedro oreã ngue ee ra. —Sembiiirandu ja ra se. ¿Mañi Pedro si usẽ nde? i que ererecua soldados je ra. Soldados que eicuayate ee ra. Nyebe que ererecua soldados iquia nguiã. Pedro raarosa iquia ja. Aquere que Herodes si siri Cesaréaa ra. Judea si siri.

Herodes mano

²⁰ Herodes que mbia chiurã mondo mondo Tiro jenda je nyii ra. Sidón jenda je abe no. Paama i que ee cote ra. Nyebe echuurã mondo monoa ee cote. Nyebe que uqui nyoi ja Herodes chuchúaa ra. —¡Nandeturã mbei chõ ee jê! I nda nandechuurã mondobe nande je, i que nyue ra. Herodes resenda mo ngue ñee turã ee ra. Blasto, i que aque je ra. —Echeẽ turã turã Herodes je ure riã. I nda eturambe ure je, i que mbia Blasto je ra. ²¹ Emo mose jiri que Herodes huirao turã mingue ra. Ngoi que ngũenda icoi tose ra. Jenyu seje, i que Tiro jenda je cote ra. Sidón jenda je abe no. Herodes que ñee ocote uqui je cote ra. ²² Mbia abe que ñeete ee cote ra. —Dios chõ nde resẽ. Dios cheẽ na si nde. Mbia cheẽ na eã, i que mbia Herodes mbucuasuu i i ra. ²³ —Dios eã ño se re, i eã mbei que Herodes mbia je ra. Ñee turã eã ngue equia Dios riã nda. Nyebe Dios embasi nguiã. Nyebe Dios ángel mo mbu nguiã Herodes mbasi tuchi. Erosei que erie u ra. Eiquia nonde. Mano ngue cote ra. ²⁴ Jesús quiato que Jesús cheẽ senei senei tuchi quia ra. Mbia tubiriã ngue ehandu chandu quia ra. Mbia tubiriã ngue Jesús icua icua quia cote ra. ²⁵ Bernabé que nyoi Jerusalén nda. Saulo rese. Mbae isiquia ruruchoi sacua. Mbae isiquia que emee mee Jesús quiato hue jenda je cot e ra. Nyoi que Antioquíaa cote ra. Juan Marcos abe que ecuruchoi nyiese ra.

13

Espíritu Turã Bernabé mondo Dios cheẽ nenei nenei sacua, Pablo rese

¹ Jesús quiato que Numunua nua nguia Antioquia jenda ra. Mbia mbaaquiato quia-tusa abe que chi erese ra. Dios cheẽ

mbuchecuasa mo abe que chi erese ra. Bernabé, i que emo je ra. Simón nonde abe que ra. Lucio de Cirene abe que ra. Manaén abe que ra. Ae rei que Herodes resenda eñetẽ mose ra. Herodes ererecua nonde. Saulo abe que ra. Uqui ja que mbia mbaaquiato quiatusa ra. ² Emo mose que uqui nyi Numunua nda. Ñee ñee ngue u Dios je ra. Uchiu si que hui ra. Ndua ndua sacua Dios rese. Aque mose que Espiritu Turã ñee ee ra. —Bernabé jemee na seje. Saulo abe jemee na seje no. Uqui ngue airabo ra. Airabo que secheẽ nenei nenei sacua nda, i que Espiritu Turã ñee Numunua je je ra. ³ Mbia que ñee turã mbei Dios je ra. Quiarua mbei que u ra. O que echono ñono Bernabé aquí ndese cote ra. Saulo aquí ndese abe no. Mondo que Dios cheẽ nenei nenei sacua cote ra.

Pablo Dios cheẽ senei senei Chipree, Bernabé rese

⁴ Aquere que Espiritu Turã Bernabé curuchoi Selúciaa ra. Saulo rese. —Ama ndui nyao Chipre, i que ua canoa cuasu ye ra. ⁵ Ngasẽ ngue sucha tubiriã Salamina nda. Salamina ndei Chipre jenda mo. Judíos chumunuasaa que echoi Dios cheẽ nenei nenei nda. Juan Marcos abe que siqui erese Dios cheẽ nenei nenei nda. ⁶ Tuchua que embuchesea sea tuchi ra. Ngasẽ nyee Pafos. Huee que brujo mo ndiqui ee ra. Barjesús, i que brujo je ra. Judío mo ndei aque brujo. —Dios cheẽ mbuchecuasa rei se, ichõiño mbei que equia mbia je ra. ⁷ Brujo que siqui ererecua rese ra. Sergio Paulo, i que ererecua je ra. Ererecua aquiato tuchi que ra. —Jenyu, Dios cheẽ tachandu ra, i que ererecua Bernabé je ra. Saulo je abe no. ⁸ Brujo que Bernabé cheẽ siquisã nda. Pablo cheẽ abe riquisã. —I nda sererecua Jesús icuayã, i tuchi brujo uqui ñee ndiquisã. Elimas, i abe que brujo je ra. ⁹ Espiritu Turã ngue siqui tuchi quia Pablo rese ra. Pablo, i abe que equia Saulo je ra. Pablo que ma e quiato brujo rese ra. ¹⁰ Ñee ngue ee ra. —Mbia mbiriã irisa tuchi quiarei nde. Diabolo resenda tuchi quiarei nde. Mbae turã ndesenda reã tuchi quiarei nde. ¿Mbaerã ereico mbia riquisã quisã Dios icha si re? ¿Manose ra erehui uqui si re? i que Pablo ñee icua ee ra. ¹¹ —Dios ra nembasi tuchi cote. Nderesayra cote. Tenda rese ra ereico mae eã are jiri, i que Pablo brujo je ra. Echeẽ mosebe que eresa uque tuchi ra. Mae eã mbae rese cote. —Jenyiba taisi. ¡Sembucuata turã na nguia jê! i tuchi eresayã nguia mbia je cote. ¹² Ererecua que ehandu ja ra. Nyebe ngue Jesús icua nguiã cote. Nyuruira tuchi que hui Jesús cheẽ andu ra.

Pablo que siqui Antioquiaa ra; Bernabé rese

¹³ Pablo que nyoí Pafos recha cote ra. Nguesenda rese que echoi ama ndui ra. Ngasê ngue Perge de Panfiliaa ra. Huee si que Juan Marcos si nyebi Jerusalén nda. Pablo recha. Bernabé abe recha. ¹⁴ Emo mose que echoi Perge si ra. Ngasê ngue sucha tubiriã Antioquiaa ra. Pisidia, i que hue ibi je ra. Sábado mose que ique judíos chumunuásaa ra. Huee que echi ngói ra. ¹⁵ Judíos que leer i Dios cheê je ra. Moisés chimbese je. Dios cheê mbuchecuaa chimbese je abe no. Aquere que judíos ñee Pablo je ra. Bernabé je abe no. —¿Mbia ra jembaaquiату quiatu jê nde? i que ee ra. ¹⁶ Pablo que juã cote ra. O je que mbia mbuquiriri ra. Ñee ngue ee cote ra. —Seandu rá se, Israelitas. Seandu rá se, Dios quiato. ¹⁷ Dios que Israelitas rerecua ra. Dios que nanderamei cose ndare irabo ra. Siqui tuchi que equia nanderamei ndese ra. Nanderamei chi mose Egipto. Dios que nanderamei mbeta mbeta ra. Dios quirãcuã ngue nanderamei sirõ nyee Egipto si ra. ¹⁸ Dios que nyecuachõ tuchi quia nanderamei je ra. Cuarenta años que eriqui nyecuachõ tuchi ra. Nanderamei chi mose turuquia. ¹⁹ Sucha tubiriã jenda que mano ja mbiamo nda. Dios que eiquia ja ra. Siete rei sucha tubiriã. Canaán jenda. Dios que ùqui iquia ja nanderamei si ra. Ùqui mbae ibi que Dios mee nanderamei je cote ra. ²⁰ Dios que jueces mii mii nanderamei nderecuarã cote ra. Jueces que emii mii nguia cuatro cientos cincuenta años nda. Aquere que Dios Samuel mii nanderamei nderecuarã nda. ²¹ Aquere que nanderamei ñee Dios je ra. “Rey mo nguia emii urerercuarã”, i que Dios je ra. Nyebe que Dios Saúl mii ererercuarã nda. Rey. Ae rei Cis riiri. Cis rei Benjaminito. Saúl que siqui arete nanderamei nderecuarã nda. Cuarenta años que eriqui ererercuarã nda. ²² Cuarenta años ua mose que Dios Saúl mombo cote ra. Dios que David mii nanderamei ndere cuarã cote ra. Saúl rendaque re. David rei Isaí riiri. Dios que ñee David je ra. “David sebi tuchi. Ae quia ra secheê mumba mumbayã”, i que Dios cose ra. ²³ David sí que Jesús ramei nda. Dios que Jesús mbu Israel jenda rirõ sacuã huicua si ra. Ucheê nguire que Jesús mbu ra. Dios que ucheê mbuchebiã nda. ²⁴ Jesús tu nonde que Juan Bautista riqui ñee ñee nanderamei je ra. Israel jenda je. “Jëicuã si jêhui. Jemba Dios icha rui. † nda bautizar ae jêje”, i tuchi que Juan nguia mbia je ra. ²⁵ Umano nonde que Juan ñee mbia je ra. “Ae jësaarõ nguia nae, ae eã ño se re. Ae ra tu serui. Ae rei ererecua tuchi sesi. Se oco aronea eiyao rese”, i que Juan ñee Jesús rií

nda.

²⁶ Seresenda, Abraham ndiiri ndei jê. Jemo ndiqui Dios icua ã. Nande je quia Dios ucheê mondo nguiã. Nanderirõ sacua nandeicuã si. Dios que Jesús mondo nande je ra. ²⁷ Jerusalén jenda que Jesús icuayãte ra. Ererecua ja que chi Jesús icuayãte ra. Dios cheê mbesa ji abe que eicuayãte ra. Eraã naa mbei raque sábado mose, eicuayã mbei. Dios cheê mbuchecuaa cheê nguire que Jesús iquia ra. ²⁸ “Jesús eiquia rá”, i tuchi que mbia quia Pilato je ra. Jesús icuã eã ndaque. ²⁹ Nyebe que Jesús mano ndei ra. Embesa ji cheê nguire que Jesús mano nda. Jesús raaque que embuquichi ira si cote ra. Ñono ngue sita ribicoi ji ye ra. ³⁰ Jesús que quera si manonde cote ra. Dios que embuquera si ra. ³¹ Galilea jenda que siqui bei quia Jesús rese Jerusalén nae, ùqui ngue mae mae equera si rese cote ra. Mae mae mbei equia Jesús quera si rese cote. Ùqui ñee mbei quia Jesús rií ã cote. ³² A ureico Dios cheê turã nenei nenei jêje a. Dios ñee ñee nguia nanderamei je nyii nae, ùqui uresenei senei nguia jêje a. ³³ Nande je que Dios Jesús mbuquera si ra. Ucheê nguire que embuquera si ra. Dios ñee ñee nguia nanderamei je nyii nae, eí si que Jesús mbuquera ra. “Nde rei serucucha. Namo ngue arembuchecua mbia je ra”, i que Dios Jesús rií cose ra. Eí ngue Salmo dos nda. ³⁴ Dios que Jesús mbuquera si ra. Jesús roo ra soõ eã mbei cote. Nyebe que Dios ñee nyii ra. “Seturãte ra jêje. Seturã David je nyii nae, eí si ra seturãte jêje”, i que Dios ra. “Jesús tambuquera si jêje”, i ñene. ³⁵ Co abe rei embesa ji. ã ndei e ã: “Se rei Ibatenda rucucha turã. Ibatenda ra seroo sechayã. Seroo ra emoo eã. Sembuquera si rae”, i que embesa ji ra. ³⁶ David que siqui turã mbei quia uchabenda ja je ra. Dios cheê nguire que eriqui turã ee ra. Aquere que mano nda. Mbia que echati ngãmei jii rií nda. Aquere que David roo soõ cote ra. ³⁷ Jesús roo quiatu que soõ eã nda. Dios que embuquera si resê. Nyebe ae roo soõ eã nguiã. ³⁸ Seresenda, Jesús mii ndiqui nandeicuã mbutiã sacua co. A ureico ùqui nenei nenei jêje a. Jëirandu sacua ere. ³⁹ Dios que ucheê senei senei nguia Moisés je nyii nae, aque cheê nguia r a aba icuã mbutiã eã. Jesús mii ndiqui nandeicuã mbutiã sacua co. Nande Jesús icua mose. ⁴⁰ “Mbae icuã nda tuchi jêje”, i que Dios cheê mbuchecuaa ra. Jëtesa bei u jê. Sã Dios cheê mbuchecuaa io eã jêje. Eí ngue Dios cheê mbuchecuaa ra: ⁴¹ Co jê, mbae turã ucuayãsa. Je nyuruira rae. Jemano ndae. Mbia mae sayã nda asaã ndaque jêje. Jëicua sereãte ra equia.

Mbia embuchecua raque jêje. Nyebe ra jemano,
i que Dios cose ra, i que Pablo ra.

⁴² Pablo que usê nyoî echumunuasa si cote ra. —Jenyube râ sâbado nongue. Ūquî jêsenei seneimbe râ u ure je, i que mbia ee ra. ⁴³ Mbia que usê ja echumunuasa si cote ra. Judíos tubiriã ngue nyoî Pablo rui ra. Bernabé rui abe no. Judíos resenda tubiriã abe no. Pablo que ñee tuchi mbia je ra. Bernabé rese. —Dios rese jêingo tuchi jê, i tuchi que equia ee ra.

⁴⁴ Sâbado nongue mose que sucha tubiriã jenda ñumunua ja ra. Ñumunua nua ja Dios cheê andu. ⁴⁵ Judíos mo ngue chi mae mae mbia chumunua ndese ra. —Pablo cheê ño echanduchî nguiã. Nandechê andu rocoî, i que judíos ngueteã mbia rese Pablo si ra. Nyebe judíos ñee icuã icuã nguiã Pablo je. ⁴⁶ Pablo que siquicheã tuchi ñee judíos je ra. Bernabé rese. —Jê nane je ureico rei Dios cheê nenei nenei ã. Dios cheê nguire ureico rei nguiã erenei nenei jê nane je ã. Ibate jêingo bei sereã ñochî. Nyebe jêingo nguiã Dios cheê isiteã teã ã. Nyebe ureso nguiã erenei nenei judíos eã je co. ⁴⁷ ã ngue Dios ñee ure je cose ra: “Aremingo que secheê nenei nenei sacuã mbia ja je ra. Judíos eã ja je. Mbia ibi jenda ja je. Secheê isiquia ra siqui bei”, i que Dios ure je ra, i que Pablo ra.

⁴⁸ Judíos eã ia tuchi que Pablo cheê ndese ra. Ñee turã turã ngue Dios cheê ñii nda. Dios que mbia irabo ata ra. Emingo bei sacuã ibate. Ūquî ngue Jesús icua ja cote ra. ⁴⁹ Hue jenda ja que embucha mbucha quia Dios cheê nenei nenei nda. ⁵⁰ Judíos que mbia mbuqueta queta tuchi Pablo je ra. Bernabé je abe. Ari mbia chiucua mbuqueta tuchi que ra. Amei mbia chiucua abe mbuqueta que ra. Nyebe mbia paama i ja Pablo je. Bernabé je abe. Nyebe Pablo mombo nguiã hue si. Bernabé abe mombo no. ⁵¹ Nyoî nonde que hui tubi mbutomo tomo mbia je ra. —Jêicuã têicua, i ñe hue jenda je re. Aquere que echoi Iconio nda. ⁵² Jesús quiato ia tuchi que chi ra. Espíritu Turã ngue siqui tuchi quia erese ra.

14

Pablo que siqui Icónio nda, Bernabé rese

¹ Pablo que ngasê Iconio nda. Bernabé rese. Judíos chumunuasa que echoi ra. Dios cheê ngue esenei senei huee ra. Nyebe que judíos tubiriã Jesús icua ra. Judíos eã abe que eicua no nda. ² Judíos ataque que Jesús cheê isiteã teã no nda. Ūquî ngue judíos eã mbicua icuã Pablo je ra. Bernabé je abe no. Ñee icuã icuã tuchi eriã. ³ Pablo que chi arete huee ra. Bernabé abe no. Siquicheã tuchi que equia Dios cheê nenei nenei nda. Ebia

tuchi Dios rese. Dios que embuquirãcuã nda. Nyebe que eriqui mbia mae sayã naa naa nda. —Ichôño eã ño equia re, i chee mbia Pablo cheê je. Bernabé cheê je abe no. ⁴ Mbia cuabê ndua turã ja eã. Emo emo ngue siqui Jesús resenda rui ra. Emo emo ngue siqui judíos rui no nda. ⁵ Nyebe judíos icuã icuã Pablo je. Pablo resenda je abe no. Judíos eã abe eicuã icuã ee no. Mbia rerecua abe que eicuã icuã ee ra. —¡Pablo nandêiquia jê! ¡Bernabé abe nandêiquia jê! ¡Sita nande mombo mombo erese jê! i rei que mbia ra. ⁶ Pablo que jirandu erese ra. Bernabé abe. Nyebe echoi uchã sucha tubiriã mo. Licaonia jenda. Listra, i sucha tubiriã mo je. Derbe, i emo je. Hue rurubi que echoi ra. ⁷ Hue jenda je que Dios cheê nenei nenei nda.

Mbia sita mombo mombo Pablo rese

⁸ Ngasê ngue Listra ra. Huee que emo ngatayã ñi ee ra. Eitãquieî mosenda bei ei icuã. Nyebe ngatayã mbei. ⁹ Aque que Pablo cheê ñandu ra. —Sembucherô arô, i ndua uchiangui re. Pablo que eicua ra. Nyebe e mae nguiatu erese. ¹⁰ Ñee nyecua que ee ra. —Ehuã ndei rese, i que Pablo ee ra. Ecuatayã ngue juã asi ngata cote ra. ¹¹ Mbia tubiriã ngue chi mae Pablo chimbucherô ndese ra. Nyebe ucheê naa naa u nyue. Pablo rii ñee ñee. —Dios ngasê nguichi nande je mbia râ sí a, i rei que nyuruira ra. Tasê tasê. Licaonia, i hue jenda cheê je. ¹² Mercurio reî nda Pablo mbia je. Mercurio, i mbia umbae dios mo je. Pablo que ñee mbeite quia ra. Nyebe “Mercurio” i mbia ee. Jupiter reî nda Bernabé mbia je. Jupiter, i mbia umbae dios mo je no. ¹³ Hue jenda que ñumunua nua nguia ñee ñee Jupiter je ra. Ae ñee ñee nguia Jupiter je, aque que ticuas quimbae queru Pablo je ra. Ira uti resebe ereru ee. —Ticuas nandêiquia iquia râ Pablo je. Nandesei sei ee, i ja que mbia ra. —Pablo rei Dios râ si. Bernabé rese. Nyebe ticuas nandêiquia iquia râ ee. Dios raanguia je, i rei que mbia ra. ¹⁴ Pablo que echandu ra. Bernabé rese. Nyebe huïrao ndoro ndoro paama i ee. —Ureya eã jendese, i ñe ne. Ique que echoi mbia ite ite rî nda. Ñee asi asi mbia je. ¹⁵ —¿Mbaerã nda re, mbia? ¿Mbaerã nda ticuas jêiquia ure je re? Mbia chô ure re. Jê na si chô ure resê. Dios eã ño ure resê. Nyebe urechu nguiã Dios cheê turã nenei nenei jêje ã. ã mbae icuã jêsecha ja chô. Dios quiarei ereco. ¡Ae rui jêingo! Ae que ibei chao ra. Ae que ibi chao no nda. Ae que ama nyao no nda. Ae que mbae chao ja ra. Mbae aosa rui jêingo. ¹⁶ Dios que mbia teachô cose ra. Mbia tesarei mose esi. ¹⁷ Dios que eturã saã saã mbei quia mbia je ra. Mbi a eicua sacuã. Dios chô ama mbuchaaqui bei nguiã

nande je. Ae quia mbae a mee mbei nguiã nandechiurã. Dios chõ nandembia mbia bei nguiã co, i que Pablo mbia je ra. ¹⁸ Eĩ ngue Pablo embiirandu Dios rese ra. Nyebe que mbia ticuasú iquía eã nyee ee ra.

¹⁹ Emo jiri mose que judíos ngaẽ huee ra. Antioquia sí. Iconio sí abe no. Uqui ngue mbia mbiicua icua Pablo je ra. Nyebe que mbia sita mombo mombo tuchi Pablo rese ra. Pablo manote rei nguiã ee. Mbía que ecuruchoi mbutiriri pe jiri sucha tubiriã sí. ²⁰ Hue que Jesús icuasa chí Pablo matãte hue ra. Pablo que juã quera cote ra. Osobe que nyebi sucha tubiriã nda. Isamami ngue esi Derbe ra. Bernabé rese. ²¹ Dios cheẽ turã ngue esenei senei nguiã huee ra. Derbe jenda je. Mbía tubiriã ngue Jesús icua hue jenda cote ra. Aquere que nyebi Lístaa ra. Iconio abe. Antioquia abe. Huee sucha tubiriã ngue echoi nyebi ra. ²² Pablo que Jesús icuasa mbaaquiátu quiátu hue jenda ra. Bernabé rese. —Jesús rese jẽingo tuchi jẽ! Mbía ra nandembasi mbasi tuchi. Aquere ra Dios nandererecuarã tuchi cote, i que Pablo mbia je ra. Bernabé rese. ²³ Amei mo ngue eirabo rabo mi ino huee ra. Jesús icuasa rerecuarã no hue. Nmunua je rerecuarã jaaja. Aquere que hui uchú sí ra. Quiaruã. Nee ñee ngue equia Dios je ra. Nee ñee ee ererecua namonda riĩ. —Ã jẽingo Dios icuate ã. Sã Dios jendaarõ arõ, i que Pablo ererecuarã je ra. Bernabé rese.

Pablo ngãembe Antioquia, Bernabé rese

²⁴ Nyoĩ que ercha cote ra. Pisidia, i equia ibi je, hue ri ngue echoi ra. Ngasẽ ngue Panfilia no nda. ²⁵ Jesús cheẽ turã ngue esenei senei sucha tubiriã Perge jenda je ra. Aquere que echoi Atalia no nda. ²⁶ Hue sí que echoi ama ndui ra. Nguique riíta quti que ecuã tiba Antioquia cote ra. Mbía hue jenda rane nguiátu que Pablo mondo Bernabé rese Dios cheẽ nenei nenei sacua nyii ra. —Chã Dios turã jendeaquiátu jẽso mose, i que ee nyii ra. Huee que tiba obei cote ra. ²⁷ Ngasẽ mose Antioquia, Jesús icuasa que emunua nua cote ra. Mbae ja que esenei tuchi ee ra. —Dios que urereaquiátu tuchi quia ra. Dios que urembuchẽ ñee nguiã judíos eã je ra. Dios que Jesús icua tuchi ee ra. Nyebe etubiriã ndiqui nguiã Jesús icua cote, ure echeẽ nenei nenei mose, i que Pablo ra. Bernabé rese. ²⁸ Chi arete que Antioquia ra. Jesús icuasa ja rese echi huee.

15

Jesús quiato rerecua ñumunua ja

¹ Judea jenda mo ngue ngaẽ Antioquia ra. Ngaẽ ngue Jesús icuasa mbaaquiátu quiátu icua nda. —Circuncisión jẽsaã saã ja. Moisés cheẽ nguire jẽsaã saã, i rei que Jesús icuasa

je ra. Eracoĩ ire o ji je chõ eriqui nguiã circuncisión, i uqui je. —Eĩ jenyee eã mose ra jẽsoã ibate, i rei que ra. ² —Tei, eĩ eã ñene, i tuchi que Pablo ee ra. Bernabé rese. —Ae beite. Pablo ñee ñofoño nguiã, i tuchi Judea jenda. Nyebe ñee tuchi nguiã nyue circuncisión niĩ. Nyebe Jesús icuasa mondochoi Jerusalén. Jirandu sacua circuncisión ndese. Pablo mondochoi. Bernabé abe no. Mbía mo abe no. Uqui mondochoi ja. —Jẽso Jerusalén. Jeñee Jesús quiato rerecua je. “¿Circuncisión nda uresaã saã nde?” jenyee oso ee. Sã Jesús quiato rerecua ñee jẽje. Jenyu ñee ure je cote, i que ñee uchimondo je ra. ³ Jesús icuasa que embucuata turã cote ra. Mondochoi Jerusalén. Fenicia rui que echoi ra. Samaria rui abe no. Judíos eã je rese que hue jenda mbiirandu randu ra. —Judíos eã abe que Jesús isi isi quia cote ra. Judíos eã ngue hui hui quia huicua sí cote ra, i que hue jenda mbiirandu randu ra. Jesús icuasa ia tuchi que eandu ra. ⁴ Pablo que ngasẽ Jerusalén cote ra. Bernabé rese. Nguesenda rese no. Hue jenda Jesús icuasa que eisi turã nda. Jesús quiato rerecua abe que eisi turã no nda. Pablo que Dios turã senei senei ee ra. —Dios quirãcua ngue siqui quia ure rese ra. Ure echeẽ naa naa mose, i que embiirandu ra. ⁵ Fariseos Jesús icuasa mo ngue juã ñee cote ra. —Judíos eã Jesús icua mose, circuncisión jẽsaã saã ee. Jeñee na ee. “Moisés cheẽ ndui jẽingo bei”, jenyee chõ ee, i rei que Fariseos ee ra.

⁶ Nyebe Jesús quiato rerecua ñumunua ja aque riĩ. ⁷ Nee ñee tuchi nyue circuncisión niĩ. Aquere que Pedro juã ñee nda. —Tacheẽ se, Seresenda. Dios que seirabo cose ra. Ucheẽ turã nenei nenei sacua judíos eã je. Uqui Jesús icua sacua ngue seirabo cose ra. Uqui jẽicuate quia ã. ⁸ Dios quia aba chiã icua jate nguiã co. Judíos eã je abe Dios Espiritu Turã mondo mondo cote. Nande achõ je eã emondo. Uqui abe je emondo mondo Jesús icua mose no. “Judíos eã abe sequiato”, i ñee Dios re. ⁹ Judíos eã Jesús icua mose, Dios uqui ñia mbiasu cote. Nande rã sí. Nyebe Dios riqui nguiã judíos eã je abe siqui turã. Nande rã sí. ¹⁰ ¿Mbaerã jẽingo Dios cheẽ abi abi chõ nde? Dios cheẽ jembeta mbeta chõchĩ nguia re. Judíos eã je chõ jẽingochĩ embeta re. Embeta ji chí nda eãtã tuchi aba je cot e re. Uqui nanderu cose ndare saã aroneate. ¹¹ Dios turã nguiã nandemingo bei nguiã ã. Dios turã nguiã nandemingo bei nguiã ibate. Nande Jesucristo icua mose. Dios turã nguiã judíos eã abe mingo bei nguiã ã no. Nande rã sí no, i que Pedro ra.

¹² Pablo que mbae senei ja mbia je cote ra. Bernabé rese. Mbía tubiriã ngue quiriri cote ra. Nyiisaquia que Pablo cheẽ ndese

ra. Bernabé cheê ndese abe. —Dios que urererao judíos eã je ra. Urembiracua tuchi que equia ee ra. Nyebe mbia mae sayã uresaã saã tuchi ee, i que Pablo ra. Bernabé rese. ¹³ Pablo cheê huire que Jacobo ñee cote ra. —Seandu rã se, Seresenda. ¹⁴ Pedro que ñee jêje namo nda. Dios turâte que judíos eã je ra. Dios que ũquí mo irabo rabo ngesendarã nda. Pedro que jembirandu erese namo nda. ¹⁵ Eĩ ngue Dios cheê mbuchecuasa embesa cosete ra. Nyebe eriqui nguiã eĩ eĩ ã cote. ¹⁶ Æ ndei embesa ji ã:

Se rei Dios. David reco mose que serimba siqui tuchi serese ra.

Aquere hui ja sesi cote.

Achube ra echia mbitirõ si cote.

Siqui si ra serese cote.

¹⁷ Judíos eã abe ra siqui serese cote.

Mbia sembaerã nda siqui ja serese cote, i que Dios ra. ¹⁸ Eĩ ngue Dios ñee mbia mbiirandu cose ra, i que Jacobo ra. ¹⁹ —Judíos eã mo ngue Dios icua icua quia cote ra. ¡Nandecheê nandembetayã jiri ee jê! ²⁰ ¡Nandecheê mii ño nandembesa mondo ee jê! Nandecheê mumbayã sacua. “Mbia soo mondo mondo mose dios raanguia je, ¡aque soo ra jêuchĩ jê!” nande rã ee. “¡Jeninisi rese siqui rocoĩ nda jêingochĩ emo ndese jê! ¡Jendu rese siqui rocoĩ nda jêingochĩ emo ndes e jê!” nande chõ ee. “¡Eruqui resebe ra soo jêuchĩ jê! ¡Mbae ruqui ra jêuchĩ jê!” nande chõ ee. ũquí mii nandembesa rã mondo ee. Nandecheê mumbayã sacua. ²¹ ũquí mii nande rã ee. ũquí ño mbia ñandu ñandu mbei quia cose ndare bei. Mbia Moisés chimbese saã saã sucha tubiriã ja je. Sábado mose bei. Judíos chumunua nua mose, i que Jacobo ra.

²² —Coche ñene, i ja Jesús quiato rerecua Jacobo cheê je. Jesús icuasa ja abe. Nyebe mbia nyeremo mondo Pablo rese. Bernabé rese abe. Silas, i que ee ra. Judas, i que enongue je ra. Barsabás, i abe que equia Judas je ra. ũquí ndei Jesús quiato rerecua mo. ũquí ngue emondo Antioquia ra. —Urecheê jēsenei senei Jesús icuasa hue jenda je, i que Jerusalén jenda ra. ²³ Jesús icuasa que ucheê mbesa mondo ee ra. A rei embesai a: —Ure rei Jesús quiato rerecua. Ure rei Jesús icuasa. A ureico embesa mbesa jêje a, Jesús icuasa. Judíos eã je. Antioquia jenda je. Siria jenda je. Cilicia jenda je. Saludos. ²⁴ Ureresenda mo ngue nyoichĩ jembaaquiato icua icua nda. ũquí ñee jemingo asi asite rei. “Circuncisión jêsaã saã”, i chõchĩ equia jêje reaê. “Moises cheê ndui jêingo bei”, i chõchĩ equia jêje re. ũquí uremondo eã ñee jêje. Ae ae chõ nyoĩ nguiã ñee ñooño jêje. ²⁵ Nyebe ureico nguiã ñumunua a. Emo ngue ureirabo emondo sacua jendea ra. Nyeremo uremondo quia aque. Pablo

rese. Bernabé abe rese. Urequiato tuchi que ũquí nda. ²⁶ ũquí ireĩ ireĩ eã tuchi nyoĩ Jesucristo cheê nenei nenei. Mbia equia arondete raque. Siquicheã tuchi. ²⁷ Aque Judas uremondo quia jendea aque. Silas rese. ũquí nda jembirandu ja. ũquí nda urecheê senei senei jêje. ²⁸ Espiritu Turã ngue urembaaquiato ra. Nyebe ra urecheê tuchia jêje. Echeê mumbayã sacua. Æ mii ño uremondo quia jêje aque. ²⁹ “Mbia soo mondo mondo mose dios raanguia je, ¡aque soo ra jêuchĩ jê! ¡Eruqui resebe ra soo jêuchĩ jê! ¡Mbae ruqui ra jêuchĩ jê! ¡Jeninisi rese siqui rocoĩ nda jêingochĩ emo ndese jê! ¡Jendu rese siqui rocoĩ nda jêingochĩ emo ndese jê!” Coche ũquí jemumbayã nguiã. Aque mii ño urecheê urembesa mondo aque, i que embesa ra. Eĩ ngue Jerusalén jenda embesa ee ra.

³⁰ Uchimondo que emondochoi turã nda. Ngasê ngue Antioquia cote ra. Jesús icuasa hue jenda que emunua ja ra. Embesa ji que emee ee ra. ³¹ Echumunua mos e que leer i ee cote ra. Eya tuchi que erese ra. Eya tuchi Jerusalén jenda chimbese isi mose. ³² Dios cheê mbuchecuasa rei Judas. Silas rese. Nyebe que ũquí Dios cheê nenei nenei tuchi Jesús icuasa je ra. Jesús icuasa mbaaquiato quiato tuchi. ³³ Chi are jiri que huee ra. Jesús icuasa que embuchebi turã mondochoi cote ra. Nyoĩ que nyebi Jerusalén nda. ³⁴ Silas que siquichõ nda. ³⁵ Pablo abe que siquichõ Antioquia ra. Bernabé rese. Mbia que embaaquiato quiato quia ra. Dios cheê turã ngue esenei senei nguiã ra. Jesús icuasa tubiriã ngue esenei senei erese ra.

Pablo nyao Bernabé si

³⁶ Aquere que Pablo ñee Bernabé je ra. —Nyao nanderique rui Jesús icuasa mbuchesea sea mae ja erese. Dios cheê ngue nandesenei senei, hue jenda mbuchesea sea nyao. Mañi Jesús icuasa u mambi reae. Nyao eresa, i que Pablo ra. ³⁷ —Eno. Juan Marcos abe nanderao, i rei que Bernabé ra. ³⁸ —Tei. Ae que nanderecha Panfilia nyii resê. Hui jei que nande si resê, nande Dios cheê nenei nenei mose. ¿Mañi nande ra ererao si re? i que Pablo ra. ³⁹ Ñee asi asi chee que nyue ra. Marcos rii. Nyebe que nyao nyesi ra. Bernabé que Marcos querao ra. Ama ndui que echoi Chípree ra. ⁴⁰ Pablo que ñee Silas je ra. —Nyao serese, i que ee ra. Jesús icuasa que ñee ee ra. —Chã Dios turã jendeaquiato bei jêso mose, i ja que ee ra. Pablo que nyoĩ cote ra. Silas rese. ⁴¹ Siria rĩ ngue echoi ra. Cilicia rĩ abe no. Hue jenda Jesús icuasa mbaaquiato quiato que echoi ra.

16

Pablo resenda bei que Timoteo cote ra

¹ Pablo que nyoí Dérbee ra. Lístraa abe echoi. Huee que Jesús icuasa mo ndiquí ee ra. Timoteo, i que ee ra. Esi rei judía. Esi rei Dios icuasa. Judío eã ngue eru ra. ² Jesús icuasa hue jenda que Timoteo icua ja ra. Timoteo turâte, i ja que Jesús quiato quia ee ra. ³—Timoteo tarao serese, i que Pablo ra. Judíos tubiriã ngue chi aque ibi rui ra. —Judío eã ndei Timoteo ru, i ja judíos. Nyebe Pablo circuncisión naa Timoteo je. Nguerao nguesendarã cote. ⁴ Nyoí que sucha tubiriã mbuchesea sea cote ra. Jesús quiato rerecua cheë ngue esenei senei ja quia mbia je ra. Jerusalén jenda cheë. —¡Ûquí ñee nda jemumba mumbachí jê! i que Pablo nyoí quia ra. ⁵ Pablo que Jesús oseí uquia Jesús quiato je ra. Jesús icuasa tubiriã nia ngue esi quia cote ra.

Echu urembaaquiato quiatu, i que Macedonia jenda Pablo je cuu ra

⁶—Nyao Dios cheë nenei nenei Asia, i rei ngue re. Espíritu Turã ngue nya i ee ra. Nyebe echoi nguiã Frígíaa. Galáciaa abe. ⁷ Ngasë ngue Mísíaa ra. Nyao Bitínia, i rei ngue re. Espíritu Turã ngue nya i ee ra. ⁸ Mísia que echucuaño nyoí ra. Ngasë nyee Troas. ⁹ Huee que Pablo Macedonia jenda mo ndea isa ra. Tea que cuu ra. Chĩ nda juã ñee ñee Pablo je cuu ra. —¡Echu aa Macedóníaa jê! Echu urembaaquiato quiatu, i nda Pablo je cuu ra. ¹⁰ Nyebe ureso nguiã ereare. Se abe que aso erese ra. Se rei Lucas. —Dios urererao quia Macedonia co. Ucheë nenei nenei sacua, ure que urechue cote ra. Nyebe urecuata nguiã cote.

Pablo tarõ ji que chi Filipos ra

¹¹ Ama nduí que ureso Troas si ra. Eriimbe que ureso iasa ra. Urecuasë nyee que oso Samotracia ra. Isamamí ngue ureso Neápolis cote ra. ¹² Hue sí que ureso ibi rĩ nda. Urecuasë nyee oso sucha tubiriã tuchi je. Filipos, i hue sucha tubiriã je. Romanos mbae rei sucha tubiriã. Macedonia, i que ibi ja je ra. Huee que urecu arete ra. ¹³ Sábado mose que ureso ama nimíaa nda. Sucha tubiriã ndecha. Huee que judíos riqui ñumunua nua mbei ñee ñee Dios je ra. Ari que ngãe ngãe nguia huee ra. Acuaní mo ndese. Urecoi que Dios cheë nenei nenei ee ra. ¹⁴ Lidía, i que urecheë andusa mo je ra. Ae rei tiru rubi vender isa. Ae rei Tiatira jenda. Ae rei Dios icuasa. Dios que Pablo cheë mbuchecua ee ra. Pablo cheë ngue eisi ra. ¹⁵ Nyebe que bautizar i ee ra. Echuchua jenda je abe que bautizar i ra. —Se Jesús resenda tuchi mose jêje, jenyu uque sechuchúaa, i que Lidia ure je ra. Ñee tuchi ure je. Nyebe urererao nguiã uchuchua.

¹⁶ Emo mose que ureso quia mbia ndua nduásaa Dios rese ra. Nyucuaaque mo ngue uresobeishí nda. Aba checuayã icuã ngue

siqui tuchi quia erese ra. Aba checuayã icuã ngue mbae icua icua quia ee ra. Nyebe mbia mbae isiquia mee mee tuchi quia nyucuaaque rerecua je. Nyucuaaque cha je. ¹⁷ Nyucuaaque que tu Pablo rui ra. Tu ure ja rui. Ñee ngue urerĩ nda. —Á ndei Dios rimba ã. Ibatenda rimba. A echi aba icuã mbutiãsa nenei nenei jêje a. A echi Jesús renei nenei jêje a, i bei que nyucuaaque quia urerĩ nda. ¹⁸ I bei que nyucuaaque quia urerĩ nda. Pablo que echeë nyosei chiã nyee ra. Uba que ñee aba checuayã icuã je cote ra. —Jesús rĩ aico ñee ndeje a. Esë nyucuaaque sí, i que Pablo aba checuayã icuã je ra. Echeë mosebe que usë esi ra.

¹⁹ Nyucuaaque rerecua que paama i Pablo je ra. —Mbia ra mbae isiquia mondo monoa techí nande je cote re, i nyue. Nyebe que Pablo isi ra. Silas rese. Curuchoi que plaza ra. ²⁰ Mondo que mbia rerecua je ra. —Á ndei judíos ã. Mbia mbícuã icuãte equia ñee ñee ã. ²¹ “Ure rá jéngo”, ichí nguiã nande je. Romanos ndaque nande. Ûquí ndesaã aronea tuchi quiarei, i que mbí nguerrecua je ra. ²² Nyebe que mbia paama i Pablo je ra. Silas abe je. Ererecua que eirao mbui asi ra. —Ira je jêruã nua, i que ererecua ra. ²³ Mbia que eiruã nua tuchi ra. Tarõ ngue cote ra. —Jêsaarõ tuchi, i que ererecua eraarõsa je ra. ²⁴ Echeende que etarõ tuchi cote ra. Ei abe que emumbi ino ira je ra.

²⁵ Pablo que ñee ñee nguia Dios je itondiite mose ra. Silas rese. Irasei rasei abe no. Etarõi que ehandu ja quia ra. ²⁶ Aque mose que ibi titi titi i ra. Etarõsa abe que quiata quiata ja ra. Eiquesa abe que quiata ja ra. Eicuasa que nyera ja cadenas nda. Etarõ ji sí que nyera ja ra. ²⁷ Eraarõsa que ñumumba ra. Eiquesa eequia ji rese que mae nda. Etarõ ji uchã nei nguiã ee. Nyebe ñee nguiã. —Tachíquia, i que tiquise rirõ nda. ²⁸ Pablo que tasë ee ra. —¿Mbaerã nda erechíquia re? ¡A urecu chõte a resë! i que Pablo ee ra. ²⁹ —Tata eru, i que eraarõsa mbia mo je ra. Ique que Pablo rea cote ra. Titi titi i tuchi que ra. Ngoi que nguiã ndese Pablo je ra. Silas abe je. ³⁰ Eraarõsa que ecuruchoi taicuee cote ra. Ñee ee. —Sã Dios serirõ seicua sí. ¿Mañi ae ra se re? Siqui bei sacua Dios rese re, i que eraarõsa ra. ³¹ Pablo que ñee ee cote ra. Silas rese. —Jesucristo eicua. Ûquí mose ra Dios nnderirõ ndeicua sí. Ûquí mose ra Dios ndechuchua jenda abe rirõ huícuã sí, i que Pablo ee ra. ³² Jesús cheë ngue esenei senei ee ra. Echuchua jenda je abe que erenei nenei nda. ³³ Pablo iruã nua ji que eraarõsa irei irei ra. Silas iruã nua ji abe. Itondii mose raque. Bautizar i que eraarõsa je cote ra. Echuchua jenda ja je abe que bautizar i ra. ³⁴ Eraarõsa que Pablo querao mbuquiaru uchuchúaa ra. Silas abe

no. Ey a tuchi que ra. Echuchua jenda abe ia tuchi. —Nandeico Dios icua co cote, i ñene. Nyebe eya tuchi Dios rese.

³⁵ Isamamimbe que ererecua ñee policia je ra. —Jêso Pablo mbusê cote. Silas abe jembusê, i que ee ra. ³⁶ Eraarôsa que ñee Pablo je ra. —A policia cuaê a. Jembusê sacua. Hui que jêsi ra. Jêso turâ cote, i rei que eraarôsa Pablo je ra. ³⁷ —Nya, i que Pablo ee ra. —¿Mbaerâ ererecua ureirua ñooño nde? Mbiâsa. Mbae icua naa mose rocoï. Romanos ndaque ur e abe. Uretarô ñooño ngue ra. “Nandembusê checuayâ”, i raque ure je co cote. Tei. Sâ ûqui ngaê urembusê nyecua, i que Pablo ee ra. ³⁸ Pablo cheê ngue policia senei nguerecua je ra. “Romanos”, i mose que ererecua chiâ cuaâcua i ja ra. ³⁹ Ererecua que nyoï Pablo rea cote ra. Silas abe rea. —Ureicua ñochi jêje. Ureicua eã nda cote. Jêso a si cote, i que ererecua embusê turâ mondo cote ra. ⁴⁰ Pablo que usê etarôsa si cote ra. Silas rese. Nyoï que Lidia chuchua ra. Hue que echi mbiri Jesús icuasa mundua ndua ra. Nyoï que hue si cote ra. Sucha tubiriã si.

17

Pablo que siqui Tesalónicaa ra

¹ Pablo que nyoï Antípolis rí nda. Apolonia nã abe echoi. Silas rese. Hue si que echoi ngasê Tesalónicaa ra. Huee que judíos chumu nuasa mo huee ra. Sina goga, i equia tuchua je. ² Pablo que oso hue sábado mose ra. Querabe que eriqui oso oso bei judíos chumunuásaa ra. Tres sábado que Pablo mbia mbaaquiati quiatu huee ra. ³ Dios cheê ngue esenei senei ee ra. —“Mbia ra Cristo mbasi tuchi. Manonde ra quera si”, i que Dios cheê nda. Eï ngue mbia Jesús je cote ra. Jesús ae rí aico ñee ñee jêje, ae rei Cristo. Ae jêsaarô arô mbeite quia, aqre rei Jesús, i que Pablo embaaquiati quiatu ra. ⁴ Emo emo ngue Jesús isi cote ra. Siqui que Pablo rui ra. Silas rui abe. Griegos tubiriã ngue siqui erui no nda. Dios icuasa rei ûqui. Griego ninisi tubiriã abe que siqui Pablo rui ra. Mbia chiçua tuchi rei ûqui. ⁵ Judíos que ngueteâte quia mbia rese Pablo je ra. Mbia siqui mose Pablo rui. Ae Dios cheê andu sereâte quia, ûqui ngue ngueteâte quia mbia rese ra. Nyebe ngata chooño je munua nguiã. Ûqui ngue sucha tubiriã jenda mbupaama i tuchi ra. Mbia tubiriã ngue mbaba chee Jasón chuchua je cote ra. —¿Ma Pablo ma nde? ¿Ma Silas ma nde? Uremee nda mbia icua je, i rei que judíos ra. ⁶ Pablo oreã ngue ee ra. Silas abe oreã ngue ee ra. Nyebe que Jasón nduruchoi mbutiriri nguerecua je ra. Jasón ndesenda rese. Ñee nguerecua je. —Pablo ngaê ñochi mbia mbiçua icua je aa. Pe jenda mbiçua icua

jare. ⁷ Jasón eisi turâ ñochi nguia uchuchúaa a. Ûqui icua je que eriqui nandererecua je. César cheê emumba mumba bei chôchi nguiã ã. “Jesús quia ererecua tuchi César si re”, i chôchi Pablo, i que mbia paama i Pablo je ra. ⁸ Mbia ataque eandu mose que paama i ra. Ererecua abe que paama i ra. ⁹ Ererecua que mbae isiquia isi Jasón si ra. Jasón ndesenda si abe. —Uremembe ra jêje Pablo choi mose, i que ererecua ee ra. Ererecua que hui ja esi cote ra.

Pablo que siqui Beréaa ra

¹⁰ Jesús icuasa que Pablo mondochoi jei Berea ra. Silas rese. Aque isa mose bei. Ngasê ngue Berea ra. Nyoï que judíos chumunuasa cote ra. ¹¹ Judíos Berea jenda que earacua ra. Tesalónica jenda si. Berea jenda quiatu que Dios cheê ñanduse rete ra. Berea jenda que embesa ji tea jei jei ra. —Ma Pablo ñee Dios cheê ndui si, i que nyue ra. ¹² Nyebe que mbia tubiriã Jesús icua ra. Griegos tubiriã abe que Jesús icua ra. Griegos ninisi abe. Mbia chiçua rei griego s ninisi. ¹³ Pablo que Dios cheê senei senei Berea jenda je ra. Judíos Tesalónica jenda que jirandu ra. Jirandure que echoi Beréaa mbia mbiçua icua Pablo je ra. ¹⁴ Jesús icuasa que Pablo mondo ama ndisha quiti ra. Silas que siquichô Beréaa ra. Timoteo rese. ¹⁵ Ae Pablo curuchoi, ûqui ngue tiba esi ra. Atenas, i que sucha tubiriã je ra. —A ureico nyebi a, i que Pablo je ra. Echebi mose que Pablo ñee ee ra. —Silas jembu je seje. Timoteo rese, i que Pablo ee ra.

Pablo que siqui Atenas nda

¹⁶ Pablo que siqui Silas raarô arô Atenas nda. Timoteo abe raarô arô. Dios abareã tubiriã ngue huee ra. Ûqui ndese quiatu que mbia riqui oo tuchi ra. Pablo que mae icua ñee ndese ra. Pablo que paama ite mbia rese mae nda. Mbia Dios abareã nderequia requia mose. ¹⁷ Nyebe Pablo oso oso bei nguiã judíos chumunuasa. Ñee ñee tuchi hue jenda je. Judíos eã je abe ñee ñee tuchi hue jenda mbia je. Dios icuasa je. Plázaa abe que Pablo riqui ñee ñee tuchi mbia je ra. ¹⁸ Epicúreos resenda mo ngue ngaê ñee tuchi Pablo je ra. Estoicos resenda mo abe que ngaê ñee Pablo je ra. —¿Mbae ichôte Pablo quia nande je re? Echeêse rete eriqui reae, i que emo emo nda. —Dios mo nü eriqui ñee ñee nande je reae, i que emo emo nda. Pablo ñee ñee mose Jesús rii. Pablo Jesús quera renei nenei mose. ¹⁹ Mbia que Pablo curuchoi ibi ato mo cote ra. Huee que ererecua riqui ñumunua nua mbei ra. Ñee ngue Pablo je cote ra. —¿Mbae rii ereico ñee ure je re? Embuchecua ure je. ²⁰ Ængue urechanuate quia ra. Ndecheê embuchecua ure je. ¿Mbae ere quia re? i que mbia Pablo

j e ra. ²¹ Atenas jenda mingo uquia reã mbae mo ndese. Ae siqui Atenas jenda rese, ũqui abe mingo uquia reã mbae mo ndese. Echeemo andu andu bei. Echeemo ndese bei.

²² Nyebe que Pablo juã mbia ite re ra. Ibi ato. Ñe e ngue mbia je cote ra. —Tacheẽ jêje, Atenas jenda. Dios ata rete rese jêingo reae. ²³ Secuatasa que amae mae dios tubiriã jembae rese ra. Emo ndese que amae nda. “Co Dios mbia mae sayã”, jenyje que embesa mi nda. Ae je jêingo ñee ñee ũqui. Jemae sayã ndaque. Ae riã aico ñe e jêje co. ²⁴ Co Dios que ibi chao ra. Mbae ao ja. Ae rei mbae rerecua. Ibi riinda rerecua. Ibei jenda abe rerecua. Dios siquiã ño nguiã tuchuaqui re mbia chiaõ. ²⁵ —¿Aba ra mbae chao seje re? i eã ngue Dios quia ra. Ae quiarei mbae meesa. Nandembuquiarusa rei ae. Nande mingosa rei ae. ²⁶ Mbia mi ngue Dios chao ra. Aque rei mbia i ja aque. Emo eã ño nandeico nguiã ã. Nande ja chõ nandeico nguiã ã. Dios rei nandeiosa. Nyebe Dios mbae rerecua ja. —Co ra nyeacuquia co mose. Co ra mano co mose, i bei que Dios quia ra. Mbia recuarã ngue Dios mee mee mbia je ra. ²⁷ Dios que mbia mingo ibi ri nda. † nda mbia Dios requia. † nda mbia Dios icua. Isho eãte Dios riqui a. Nande ja jii eriqui a. ²⁸ Dios riã ae nandeico nguiã. Erã ae nandeico nguiã ngata. Jemo abe que ñee nda. “Dios riã ño nandeico ja nguiã ã”, i que jemo nda. ²⁹ Ae bei chõ nandeico nguiã ã. Dios riã. “Dios” nandechã nguiã mbia chiaõ je. Oro ao ji je. Plata ao ji je. Sita ao ji je. ³⁰ Dios que mbia icuã teachõ cose ra. Mbia aquiataã mose. Namõ ño Dios riqui nguiã ñee mbia je co. “Jêhui chõ jêicuã si”, i Dios quia mbia jaje co. ³¹ Dios que Jesucristo irabo ra. Jesucristo turã mbei. Jesucristo ra ñee emo je. “Jêso tata cuasu”, i ra ee. “Jêso ibate”, i ra emo je no. Manose chõ nda ñee. Dios mi ño eicua nguiã. Dios que Jesucristo mbuquera si manonde ra. Nyebe ra Jesucristo emo mondo ibate. Emo mondo tata cuasu no. ³² —Jesucristo que quera si manonde ra, i que Pablo ee ra. Mbia que iquia iquia chõchã nguiã Pablo cheẽ mose. Emo emo ngue ñee ee ra. —Emo mose quiatu ra ndecheẽ urechandu, i que eataque ra. ³³ Pablo que oso mbia recha cote ra. ³⁴ Emo emo ngue siqui eruã ra. Ae Jesús cheẽ isi turã, ũqui ngue siqui bei eruã ra. Dionisio, i que ũqui mo je ra. Ae rei mbia rerecua mo. Dámaris, i que cuña mo je ra. Emo emo abe que siqui Pablo ruã ra.

18

Pablo que siqui Coríntoo ra

¹ Pablo que oso Atenas ndecha cote ra. Ngasẽ ngue sucha tubiriã mo cote ra. Corinto, i que hue je ra. ² Hue que judío mo ndiqui ee ra. Aquila, i que ee ra. Ponto jenda que ae ra. Priscila, i que eninisi je ra. ũqui ngue ngaẽ namo Italia si ra. Italia recha ramo. Claudio judíos mombo ja mose Roma si. Pablo que oso Aquila chuchua ra. ³ Pablo que tuchua saã saã nguiã mbae ire je ra. Eĩ ngue Aquila no nda. Tuchua raã naa mbei mbae ire je. Nyebe Pablo siquichõ nguiã erese. Quiẽ quiẽ erese. ⁴ Sábado mose que Pablo riqui oso oso judíos chumunuasa ra. Hue que eriqui bei Dios cheẽ nenei nenei judíos je ra. Judíos eã je abe no.

⁵ Silas que ngasẽ Macedonia si cote ra. Timoteo rese. Pablo que Dios cheẽ senei senei tuchi quia judíos je cote ra. Jesús mbuchecua checua tuchi ee. —Jesús rei Cristo. Ae jêsaarõ arõ mbeit e quia, aque rei Jesús, i tuchi que Pablo ee ra. ⁶ Judíos que paama i Pablo je cote ra. Ñee icuã icuã tuchi que ee ra. Nyebe Pablo huiãrao mbaaba aba ee. Taso jendecha, i ñene. —“Aemingo bei ra se”, i rei Dios nande je. Jê nguiarei Dios cheẽ isi sereã tuchi. “¿Mbaerã Dios cheẽ eresenei eã ure je re?” jenycheã nda seje. ¡Dios cheẽ ngue asenei tuchi rei jêje ra jê! Nyebe taendecha. Judíos eã je Dios cheẽ tasenei senei cote, i que Pablo huiãrao mbaaba aba ee ra. ⁷ Pablo que oso judíos recha cote ra. Judíos chumunuasa jii esi. Justo chuchúaa. Judío eã ndei Justo. Dios quiato que Justo ra. ⁸ Crispo que judíos chumunuasa rerecua ra. Aque que Jesús icua cote ra. Echuchua jenda ja abe que Jesús icua cote ra. Corinto jenda tubiriã ngue Dios cheẽ ñandu ra. Mbia tubiriã ngue Jesús icua cote ra. Bautizar i que cote ra. ⁹ Itondaru mo ngue Pablo Jesús rea ra. Ñee ngue Pablo je cuu ra. —Eresiquichechã nda mbia si jê. Secheẽ esenei senei mbei. Erehuichã nda esi jê. ¹⁰ Co aico nderea quiatu co. Mbae icuã nda i eã ndeje. Secheẽ esenei senei mbei. A jenda ra seicua ja jiri cote, i que Jesús Pablo je cuu ra. ¹¹ Pablo que siqui arete Corinto ra. Un año ndobeichõ jiri que eriqui huee ra. Mbia mbaaquiato quiatu bei Dios riã.

¹² Galión ngue Acayo jenda rerecua ra. Aque mose que judíos ñimbicuã tuchi Pablo je ra. Oo que erese ra. Curuchoi que nguerucua je ra. ¹³ Judíos que ñee rerecua je ra.

—Pablo que mbia mbaaquiato icuã icuã nguiã ra. Dios riã. Nandererecua cheẽ ndui eã, i que judíos ra. ¹⁴ Pablo nda ñee nguiã ña. Ererecua Galión nane nguiã ñee nguiã esi. Ñee judíos je. —Mbae icuã ndese que Pablo riqui ãte. Eĩ nguiã nda jeñee achandu nguiã ña. ¹⁵ Mbae icuã ngue esaã eãte. Pablo cheẽ je chõ jêingo nguiã paama i. Judíos cheẽ ni ño jêingo nguiã paama i Pablo je. Nyebe ra

jeñee achanaua. Jē ae jeñee turā jenyue ae, i que Galión judíos je ra. ¹⁶ Mombo ja que uchuchua si cote ra. ¹⁷ Sóstenes, i que judíos chumunua nuasa rerecua je ra. Judíos eā ngue paama i Sóstenes je ra. Isi icuā ngue ra. Iruā nua tuchi que ra. Ererecua Galión ndésaa que eiruā nua nda. Ererecua que teachō nda.

Pablo tube Antioquíaa

¹⁸ Pablo que siqui atate Corintoo ra. — Co acua quia jendecha co, i que uataque je cote ra. Jesús quiato je. Aquila abe que oso erese ra. Priscila abe no. Ngasē ngue ama nimiaa nda. Sucha a tubiriā. Cencrea, i que hue sucha tubiriā je ra. Pablo que ua chisia cote ra. —Acheē ngue Dios je, aq̄ue que amumbayā nda, i que ua sia cote ra. Siria icha rui que echoi cote ra. Ama ndisha icoi tuchi rui. ¹⁹ Sucha tubiriā je que ngasē cote ra. Efeso, i que sucha tubiriā je ra. Aquila que siquichō eresebe huee ra. Priscila, i que eninisi je ra. Pablo que oso judío s chumunuásaa ra. Ñee ñee tuchi que judíos je ra. ²⁰ —Eico are jiri aa, i rei que judíos ee ra. Pablo que echeē mumba bei oso ra. ²¹ —Taso Jerusalén. Mbia chumunua mose taico rā Jerusalén. Achube ra mae jendese. Dios sembu mose ra achube mae jendese, i que Pablo ra. Oso que Efeso si cote ra. Ama ndisha rui bei que echoi ra. ²² Ngasē ngue Cesaréaa ra. Hue si que Pablo si Jerusalén cote ra. Hue jenda rese que mae nda. Jesús quiato. Hue si que esi Antioquíaa ra. ²³ Siqui arete que Antioquíaa ra. Oso que Galacia cote ra. Frigia abe no. Sucha tubiriā ngue embuchesea sea tuchi quia hue jenda ra. Jesús quiato mundua ndua hue jenda.

Apolos Dios cheē senei senei

²⁴ Aq̄ue mose que judío mo ngasē huee ra. Efésoo. Apolos, i que ee ra. Alejandría jenda que ae ra. Dios cheē nenei neneisa tuchi mbia je. Dios cheē icuasa tuchi. ²⁵ Apolos que Dios icha icuate ra. Mbia que embaaquiato quiatu turā tuchi quia ra. Mbia mbaaquiato turā Jesús rii. Juan Bautista cheē achō ngue eicua quia ra. Juan bautizar i mose mbia je. ²⁶ Apolos siquicheā tuchi que eriqui mbia mbaaquiato quiatu ra. Judíos chumunuásaa. Aquil a que echandu ra. Priscila rese. Nyebe que ũqui Apolos rerao mbaaquiato quiatu tuchi ra. Dios icha que embuchecua tuchi ee ra. ²⁷ Apolos que ose Acáyaa ra. Nyebe Jesús quiato emondo turā. Papel que embesa Acaya jenda je ra. Jesús quiato je Acaya jenda je. —Apolos jēisi turā, i ee. Apolos que ngasē cote ra. Ae Jesús icua quia, ũqui mbaaquiato quiatu tuchi. ²⁸ Apolos que judíos cheē siquisā tuchi ra. Judíos mbia mbaaquiato chooño mose. Jesús rii eā. Nyebe Apolos echeē ndiquisā. Dios cheē ngue esenei senei

ngua ee ra. —Jesús rei Cristo. Ae jēsaarō arō ngua, aq̄ue rei Jesús i tuchi que Dios cheē nenei ee ra.

19

Pablo que siqui Efésoo ra

¹ Sita ibate bate ite rī ngue Pablo si ra. Ngasē ngue Efeso cote ra. Apolos siqui mose Corinto. Jesús quiato mo je que Pablo ngasē Efésoo ra. ² Pablo que ñee ee ra. —Jē Jesús isi mose, ¿Espíritu Turā abe ique jeñiangui re re? i que Pablo ee ra. —Espíritu Turā ndese ureiranuate, i que mbia Pablo je ra. ³ Pablo que ñee ee ra. —¿Mbae rii bautizar i jēje re? i que ra. —Juan ñee nī ngue bautizar i ure je ra, i que Pablo je cote ra. ⁴ Pablo que ñee ee ra. —Juan ngue bautizar i mbia je ra. Mbia hui mose huicua si. “Ae ra tu serui, aq̄ue jēcua jē. Jesucristo chō aq̄ue re”, i que Juan nda, i que Pablo ra. ⁵ Pablo cheē andu mose que bautizar i Jesús rii cote ra. ⁶ Pablo que o chono earō nda. Espiritu Turā ngue ique echiangui re cote ra. Ucheemo ngue esaā saā ngua cote ra. Dios cheē ngue embuchecua checua quia mbia je cote ra. ⁷ Doce que ũqui nda. Jesús quiato.

⁸ Pablo que oso oso quia judíos chumunuaa ra. Tres meses. Siquicheā tuchi que equia Dios cheē nenei nenei nda. — Ererecua tuchi quiarei Dios. Jesús jēcua rā, i que Pablo quia mbia je ra. ⁹ Emo emo ngue Pablo cheē ñandu sereā nda. Echeē mumba mumba. Jesús rii ñee icuā icuā mbei mbia ja je. Nyebe Pablo nyao nguiā esi. Pablo que Jesús quiato curuchoi esi ra. Curuchoi que Tiranno chuchúaa ra. Huee que eriqui embaaquiato quiatu cote ra. ¹⁰ Dos años ngue Pablo riqui huee ra. Nyebe mbia Asia jenda jirandu ja nguiā Jesús rese. Judíos jirandu ja erese. Judíos eā abe no.

¹¹ Pablo que mbae saā saā tuchi quia Dios quirācuā je ra. Mbia mae sayā ngue esaā saā ngua ra. ¹² Mbia rasi mbucherō sacū ngue mbia riqui tiru mbucha mbucha Pablo rese ra. ũqui tiru que ecuruchoi choi quia mbia rasi je cote ra. ũqui tiru ruruchoi mose, mbia rasi que nyerō nyerō ngua cote ra. Aba checuayā icuā abe que usē usē ngua mbia chiā si cote ra. ¹³ Judíos mo ngue ngata beite quia ra. Sucha tubiriā mbuchesea sea bei que equia ra. —Aba checuayā icuā mbusē aquiato que ure ra, i que equia ra. —Jesús rii aba checuayā icuā nandembusē, i rei que nyue ra. Nyebe que ñee aba checuayā icuā mo je ra. —Jesús quirācuā nī aico jembusē mbia si co. Ae Pablo senei senei ngua, i rei que judíos aba checuayā icuā je ra. ¹⁴ Sacerdote rerecua rii rī abe que eī si ra. Siete eriri. Esceva, i que sacerdote rerecua je ra. Judío que ae ra. Ae rii rī ngue eī si rei no nda. ¹⁵ ũqui ngue ñee ndei

aba checuayā icuā je ra. Aba checuayā icuā ngue echeē mumba ra. —Jesús aicua. Pablo abe aicua. ¿Aba chō jē nde? Jaēicuayāte se, i que aba checuayā icuā nda. ¹⁶ Aba checuayā nyireco que oo erese cote ra. Ucuu ucua tuchi que ũqui ja rese cote ra. Ũqui siete rese. Aba checuayā icuā nyireco quirācuā tuchi que esi ra. Aba checuayā nyireco que ũqui mbasi ja ra. Nyebe ũqui ndasi rasi uchā aba checuayā icuā si. Eirao eā ngu e nyoī uchā itaicuee rī nda. ¹⁷ Efeso, i que hue sucha tubiriā je ra. Hue jenda que jirandu ja erese ra. Judíos que jirandu ja erese ra. Judíos eā abe no. Nyebe hue jenda siquiche ja. Nyebe mbia ñee turā turā jate Jesús rīi. ¹⁸ Jesús quiato mo ngue ngaē ngaē nguia ra. Eya eāte que huīcuā ndese ra. Nyebe huīcuā nenei nenei. ¹⁹ Mbia tubiriā ngue mbae icuā papel mbesa ji curucuaē nda. Libros de brujería. Munua ja que huee ra. Ũqui ngue eseī sei mbia ja resaa cote ra. Mba e isiquia ata tuchi raque que ũqui libros isiquia ra. Cincuenta mil plata. ²⁰ Mbia tubiriā ngue Dios cheē isi isi quia ra. Dios cheē irātāte que mbia tea quia cote ra.

²¹ Aquere que Pablo ñee nda. —Taso Macedonia. Acaya abe. Aquere ra aso Jerusalén cote. Jerusalén osore ra aso Roma cote, i que ra. ²² Nguenda nyeremo ngue emondo Macedonia nda. Timoteo. Erasto rese. Pablo que siquichō are jiri huee ra. Asia.

Efeso jenda paama i ja Pablo je

²³ Aque mose que mbia paama i tuchi Jesús rīi nda. ²⁴ Demetrio quia rei mbia mbiīcuā icuā nyii. Dios mbuae chuchua que esaā saā nguia ra. Mbae rendi ātā je que eriqui sucha ñetē naa naa nda. Sucha ñetē tubiriā ngue esaā saā nguia ra. Dios mbuae chuchuarā. Diana, i que Dios mbuae je ra. Demetrio que mbae isi tuchi quia sucha ñetē ndibishorō nda. Eresenda tubiriāte que sucha ñetē naa naasa ra. ²⁵ Nguenda ja que emunua nda. Dios mbuae chuchua raāsa que emunua ja ra. Ñee ngue ee ra. —Mbae nandesi turāte rei nguā nandechiao ribishorō ā. ²⁶ Pablo riqui ñee ñee mbia je co. “Dios mbuae mbia chiao rei eicuāte”, i Pablo quia co. Mbia riqui echeē mumbayāte ā. A jendachō eā ñene. Efeso mii eā ñene. Asia jenda abe eriqui echeē andu ā. ²⁷ Ũqui icuāte nande je. Nandechiao ra mbia isi isiā ñochī cote re. Mbia ra hui ja chōchī Diana chuchua si cote re. Diana abe si ra mbia hui chōchī nde. Nandererecua tuchi que Diana. Mbia chūcua tuchi que ae. Asia jenda chūcua tuchi que ae. iMbia ra hui chōchī esi jē! i que Demetrio ra.

²⁸ Demetrio resenda echeē andu mose que paama ite ra. —iDiana quirācuāte jē! i tuchi jEfeso jenda rerecua quirācuāte jē! i tuchi

que mbia tasē tasē nda. ²⁹ Hue jenda que paama i ja ra. Pare pare i tuchi. Pablo resenda nyeremo ngue eisi ra. Gayo. Aristarco rese. Macedonia jenda. Ũqui nyeremo ngue ecuruchoi mbia chumunuāsa ra. ³⁰ —Taique se abe. Tacheē ñee mbia je, i rei que Pablo ra. Jesús quiato que Pablo siquisā nda. ³¹ Asia jenda rerecua mo abe que ucheē mondo Pablo je ra. —jEreiquechī nda nde jē! i Pablo je. Pablo quiato que ũqui nda. ³² Mbia que pare pare i tuchi ra. Tasē tasē ja que ra. Hue rī ja mbia ndua eāte. Mbae mii ndese ndua eā. Paama i chooño ja. Eaquiātuā ño ñumunua ñooño nguā. ³³ Mbia mo ngue mbia senei senei ja Alejandro je ra. Judíos que Alejandro mua mbia ite re cote ra. —Echeē mbia ja je, i que ee ra. Alejandro que o mee mbia je ra. —jEquiriri chō jē! i rei ngue ee re. —Mbia je tacheē. i nda paama iā judíos je, i rei ngue re. ³⁴ —Judío chō Alejandro riqui re, i ja que mbia ra. Nyebe mbia riqui tasē tasē mbeite re. Dos horas. —iDiana quirācuāte jē! iEfeso jenda rerecua quirācuāte jē! i tuchi que mbia tasē tasē nda. ³⁵ Secretario rei ererecua mo. Aque que mbia cheē siquisā cote ra. Ñee ngue ee cote ra. —Tacheē jēje, Efeso jenda. Efeso jenda chō nande re. Diana ndei nandererecua. Nande rei Diana ndaarōsa. Diana naanguia ngue tu ibei si, aque raarōsa chō nande re. Diana chuchua raarōsa abe chō nande re. Mbia jirandu jate ũqui ndese. ³⁶ Emo eicuayā eāte. Nyebe jēquiriri chō jē. jEaquiātuā jēsaā saā eā ño jē! ³⁷ Ae jēisi seru nae, ũqui mbae mbuquachā eāte dios mbuae chuchúaa. Ũqui ñee icuā icuā eāte dios mbuae rīi. Dios mbuae jenderecua rīi. ³⁸ Demetrio ñee icuāse mose emo nii, sã esi nandererecua chuchúaa. Demetrio resenda ñee icuāse mose emo nii, sã echoi nandererecua chuchúaa. Huee chō ererecua riqui nguā mbia cheē andu. Sã echoi ja ererecua je. Sã ñee ñee ja nyue ererecua resaa. Mbae icuā nii. ³⁹ Mbae mo nii abe mose, jeñee mbia chumunua mose. ⁴⁰ Jesús quiato que nandesi chooño chī nda. Nandechimbiīcuā ñooño ño nguā. Nandererecua ñee arōte nande je. Echeē nda nandesibishorō eā, i que secretario ra. ⁴¹ Aquere que hui mbia si ra. Mbia mbui que cote ra.

20

Pablo nyoī Macedoniaa, Gréciaa abe

¹ Mbia quiriri mose que Pablo Jesús quiato munua nda. Embaquiātu quiatu jiri. —Co acua quia co, i que ee cote ra. Macedoniaa ngue echoi cote ra. ² Hue jenda sucha mbuchesea seate que echoi ra. Jesús quiato mundua ndua. Ngasē ngue Gréciaa cote ra. ³ Huee que eriqui are jiri ra. Tres nyasi. —Taso Siria ama ndisha ruī, i rei que

cote ra. Jirandu que judíos icuã ndese cote ra. —Nandeisi, i nda judíos quia Pablo riñ nda. Nyebe Pablo ru nguã nyebi si Macedonia. ⁴ Æ ngue nyoí erese ra. Eata rete. Sópater. Berea jenda. Aristarco. Segundo abe. Tesalónica jenda rei ũquí. ⁵ ũquí ja rane nguia nyoí nguã ure si. Troas que echí nguã ureraarõ. ⁶ Fiesta de Pascua mose que urecu Filipos ra. Aquere que ureso ama ndisha rui cote ra. Cinco días que tu ure je ama ndisha ite re ra. Urecuasẽ namo ngue Troas cote ra. Ae ureraarõ arõ nguia, ũquí ngue uresiiti cote ra. Urecu are jiri que hue cote ra. Siete días.

Pablo nyoí Troas

⁷ Jesús quiato que ñumunua ja domingo mose cote ra. Mbichae sia sia nyue. Pablo que embaaquiato quiatu quia ra. —Taso isamami, i que ra. Nyebe embaaquiato quiatu itondiite mose chee. ⁸ Sucha ibátee que echí ñumunua nda. Eironguia ibate tuchi que ra. Ibate tuchi que echí ñumunua nda. Tata rendí tubiriã ngue etesae tuchi ra. ⁹ Mbia mo ngue chí ibate ra. Ventana tose. Etiarõ namo ngue ra. Eutico, i que ee ra. Uque que huí ngoi ibate ra. Pablo que ñee oco tuchi embeesi esi ra. Eque que tu ngoi ibate si ra. Mano ndei que ra. Tambuchuruã, i rei que emo nda. Eraaque chõ eriqui reaẽ. ¹⁰ Pablo que nguichi u erea ra. Oo tuchi que erese ra. Quiaama ngue ra. —¡Jësiquichechí nda jë! Manoãte, i que Pablo mbia je ra. ¹¹ Pablo que osoi nyui ra. Mbichae que echisia sia ra. U que ra. Mbia que embaaquiato quiatube ra. Eresaitõ ndabe chee. Oso que erecha cote ra. ¹² Ae ngoi nae, erasiã ño ngue mbia curuchoichí nguã. Mbia ia tuchi que ngoi je rese cote ra.

Pablo nyoí Milétoo

¹³ Pablo que ñee nda. —Ibi rí taso se Asón. Hue si ra aso jendese cote. Ama ndisha rui, i que ra. Nyebe ure rane ureso nguã ama ndisha rui. ¹⁴ Ae urecuasẽ nguã Pablo je Asón cote. Pablo que oso urerese am a ndisha rui cote ra. Canoa naanguia ye. Urecuasẽ ngue Mitilene cote ra. ¹⁵ Hue si que ureso ra. Isamami ngue ejoõ acua mo urechucuã cote ra. Quío, i que hue ejoõ acua je ra. Isamami nongue que urecuasẽ Samos cote ra. Hue si que ureso Trogilioo ra. Hue que urequeneã urecuca ra. Isamami ngue urecuasẽ Milétoo cote ra. ¹⁶ Pablo que quicoi asi Asia si ra. Nyebe uresoã Efésoo. —Tacuasẽ quicoi oso Jerusalén. Fiesta de Pentecostés taicusu oso ngasẽ, i que Pablo ra.

Pablo ñee Jesús quiato rerecua je, Efeso jenda je

¹⁷ Mileto si que Pablo emo mondo Efésoo ra. —Jenyu, i que amei je ra. Jesús quiato rerecua je. ¹⁸ ũquí ngue ngaẽ ee ra. Pablo que ñee ee ra. —Cosete que achu Asia ra. Seicuate raque se. Sechisaã jëicuate raque. ¹⁹ Dios cheẽ ngue asenei senei turã tuchi quia jëje. Secuasú que asaã saã eãte quia jëje. Acheseo tuchi que sequia mbia rese. Judíos que sembasi mbasi tuchi quia ra. “Taiquia”, i rei que judíos quia seje ra. ²⁰ Dios cheẽ ngue asenei senei mbeite quia jëje. Asiquicheã mbei que sequia erenei nenei jëje. Jembitirõ sacuã. Jeñumunua nuu mose. Jenyuchúaa ja abe que aico Dios cheẽ nenei nenei jëje. ²¹ Achẽẽ tuchi que jëje. Judíos je. Judíos eã je ab e no. “¡jëicuã si jëhuí rã! Jesucristo jëicua rã”, ae tuchi que sequia jëje. ²² Co aso quia Jerusalén co. Co Espiritu Turã sererao quia Jerusalén co. Mañi ño nda seje pee. ²³ Co mii ño aicua nguã. Espiritu Turã ngue ñee seje ra. Sucha mbuchesea sea mose que eriqui ñee ñee seje. Mbia icuãte ra seje. Sembasi rae. Sematã ndae. Setarõ ndae. Espiritu Turã ngue sembiirandu ra. ²⁴ Sesiquicheãte ũquí si. Sã sequia quiatu. “Dios turã esenei senei mbei quia mbia je”, i que Jesús seje ra. Aque mii ndese chõ aico nguã ndu a co. Echeẽ mii ndese. † nda echeẽ amumba eã. ²⁵ Dios nandererecua que asenei senei tuchi jëje. Jemae eã mbei ra serese cote. Aicuate se quia co. ²⁶ Jemo siqui sereã mose Jesús rese, se eã ño cote re. Jë ño cote re. Jë ja je chõ ngue asenei senei ndesẽ. ²⁷ Dios cheẽ ngue asenei senei jate jëje. Asiquicheã mbei que sequia erenei nenei jëje. Dios cheẽ mo ngue atibo tibo eãte jëje. ²⁸ ¡jëingo turã ño nyiese jë! Jesús quiato abe jëtequiato quia jë! Espiritu Turã ngue ñee jëje resẽ. “Jesús quiato rerecuarã jë”, i que Espiritu Turã jëje resẽ. Jesús quiato jëtequiato quia jë. ũquí ndibishorõ ngue Jesús nguqui mondo ra. Umano mose. ²⁹ Sesoo mose ra emo ngaẽ ñee ñooño jëje. Tambürí irí, i ra jëje. Eicuã ño ũquí nde. Nyacua rã sí. ³⁰ Jendese ra emo ndiqui. Jesús quiato mbaaquiato icuã icuã. Jesús quiato mbürí irí. “† nda Jesús quiato siqui nanderese”, i ra ũquí. ³¹ Jëtequiato jë. Jaembaaquiato quiatu tuchi que se. Tres años. Jë ja que jaembaaquiato quiatu. Acheseo tuchi que sequia jendese. ³² Aico jendecha Dios je a. ¡Dios cheẽ turã jemumbayã mbei quia jë! Dios cheẽ nda jembuquirãcuã. Dios cheẽ nda jemingo tuchi Jesús quiato rese. ³³ Mbae isiquia que achosei chosei áte quia mbia mbae aẽ. Mbia irao abe que achosei chiãte quia aẽ. ³⁴ Seicuate rei que equia aẽ. Se sí chõ aquiei quiei nguã icua. Seresenda mbaerã abe que aquiei quiei quia aẽ. ³⁵ Jaembaaquiato quiatu

beite que se. “Jêquiei quiei”, ae beite que sequia jêje. “Mbaecha reã je mbae jeme mee”, ae que sequia jêje. Jesús cheẽ ndese jendua. “Ae mbae meeño nguia emo je, eya tuchi chõ aque re. Ae eo jenda isi, aque quia eya tuchiã jiri”, i que Jesús nande je ra, i que Pablo Efeso jenda je ra.

³⁶ Aquere que Pablo ngoi ngũã ndese ra. Ñee ngue Dios je ra. Ûqui ndes e ja. ³⁷ Mbia que nyese o ja Pablo rese ra. Quiaama ama ngue ra. Eritii que esiite it e ra. ³⁸ —Jemae iã nda serese cote, i que Pablo ee ra. Nyebe que eya eã tuchi ra. Pablo rese que ehoi erasaa ra. Ama ndisha rimia ndese. Pablo so rese mae.

21

Pablo nyoi Jerusalén

¹ Urecuata que ùqui ndecha cote ra. Canoa naanguia ye que ureso cote ra. Cos que ureso ra. Isamami ngue ureso Rodas cote ra. Hue si que ureso Pátaraa cote ra. ² Huee que canoa mo chi ure je ra. Fenisia rĩ ngue esi quia ra. Aque ye que urea cote ra. Eye que ureso cote ra. ³ Chipre rese que uremae nda. Ejoõ acua. Ejii rĩ ngue ureso ra. Síriaa que ureso ra. Tiro que ure cu mbirĩ cote ra. Huee que canoa yenda jea jea ra. ⁴ Jesús quiato que urembirõ hue jenda ra. Siete días que ureico erese ra. Espíritu Turã ngue hue jenda mbucheẽ Pablo je ra. —¡Eresochĩ nda Jerusalén jê! i rei ngue Pablo je re. ⁵ Aquere que ureso cote ra. Jesús quiato que nyoi ja urerese ra. Ama nimia ndese. Eresebe ehoi urerese. Nguiirĩ abe ruruchoi. Ama ndisha rimia ndes e que urecoi ja arenia ndese ra. Ñee ñee Dios je. ⁶ Urechiquiaama ama ja que cote ra. —Co urecu quia co, ure que ee ra. Canoa ye que ureso cote ra. Hue jenda que nyoi nyebi uchuchúaa cote ra.

⁷ Tiro si que ureso cote ra. Ureso que Tolemaida ra. Huee que urecheẽ ñee Jesús quiato je ra. Ureitõ mii ngue erese ra. ⁸ Isamami ngue ureso cote ra. Cesaréaa que urecuasẽ nda. Felipe chuchúaa que ureso ra. Ae que Jesús cheẽ nenei neneisa ra. Ae que mbaecha reã mbuquiaru sa ra. Diáconos, i que mbaecha reã mbu quiarusa je ra. Aque chuchúaa que urecu ra. ⁹ Cuatro que Felipe rucucha ra. Eruã ja. Dios cheẽ nenei neneisa ja que ùqui nda. ¹⁰ Huee urecu are jiri mose que emo ndu ra. Judea si. Agabo, i que ee ra. Dios cheẽ nenei neneisa que ae abe ra. ¹¹ Ae que tu ure je ra. Pablo numbicuasa que eisi ra. O que echucua eye ra. Hui abe que echucua ra. Pablo numbicuasa je. Ñee ngue cote ra. —Espíritu Turã ndiqui ñee ndeje a. “Í nda judíos ndecua pee Jerusalén. Nemees nda judíos eã je cote”, i que Espíritu Turã nda, i que Agabo Pablo je ra. ¹² Ure eandu mose

queurecheẽ Pablo je ra. Cesarea jenda abe que ñee ee ra. —¡Eresochĩ nda Jerusalén jê! ure ja rei ngue ee re. ¹³ Pablo que ñee ure je ra. —¿Mbaerã jëingo nyeseo seo serese re? ¿Mbaerã jëingo sembia eãte re? ¿Mbaete ere? Sã secua Jerusalén ae. Sã sei quia Jesús rii ae, i que Pablo ra. ¹⁴ Pablo que uresiquisã aroneate ra. Nyebe urecheẽ eã nguiã e e cote. —Sã Dios ae riqui ñee ñee ee no, ure chee que ra.

¹⁵ Ureico quiatu que cote ra. Ureso que Jerusalén cote ra. ¹⁶ Jesús quiato mo abe que nyoi urerese ra. Cesarea jenda. Chipre jenda mo ngue siqui Jerusalén nda. Masón, i que ee ra. Jesús quiato tuchi que ra. Cose tuchi que eriqui Jesús rese ra. Cesarea jenda que urererao Masón nyuchúaa ra. Huee que urecu erese ra.

Pablo oso Jacobo rea

¹⁷ Jesús quiato ia tuchi que urecuasẽ mose Jerusalén nda. Ureisi turã ngue ra. ¹⁸ Isamami ngue Pablo si Jacobo rea ra. Ure abe que ureso erese ra. Huee que amei ja chi ra. Jesús quiato rerecu. ¹⁹ Pablo que ñee ee ra. Mba e renei nenei ja ee. —Dios que siqui tuchi serese ra. Se echeẽ nenei nenei mose judíos eã je, i que Pablo Jesús quiato rerecu je ra. ²⁰ Pablo cheẽ andu mose que ñee turã turã Dios je ra. Ñee ngue Pablo je cote ra. —Jesús quiato tubiriãte que judíos cote ra. “¡Moisés cheẽ ndui si chõ nandeico jê!” i tuchi que ùqui nguia ra. ²¹ Ûqui ndiqui ñee icuã icuã nderii ùqui. “Pablo que judíos ataque mbui Moisés cheẽ si ra”, i equia nderii ùqui. “‘Coche rei Moisés cheẽ jemumba. ¡Circuncisión jësaãchĩ jendiirĩ je jê! ¡Judíos ataque chisaã saã nda jësaãchĩ jê!’, i que Pablo quia judíos je ra”, i rei equia nderii ùqui. ²² ¿Mañi nande ra re? Jesús quiato ra ñumunua ja judíos. Jirandu mose ndereco mose a. ²³ ¡Í ere jê! Mbia cuatro que siqui urerese ra. Ûqui ngue ñee Dios je ra. “Á nda uresaã ndeje”, i que ùqui Dios je ra. Ûqui nda esaã ee cote. ²⁴ Ûqui erao Dios chuchúaa. Ûqui na si esaã nde abe. Nembu-turã sacuã. Mbae isi quia emondo ee Dios chuchúaa. Queñi ua sia cote. Í ere quiatu. Mbia ra jirandu jate nderese. “Pablo abe riqui Moisés cheẽ mumbayã tuchichĩ nande rã si”, i ra nderii cote. ²⁵ Judíos eã je que nandechẽ Jesús quiato je. Nandechẽ mii ño ngue nandemondo ee. Í nande chõ ngue ee. “Mbia soo mondo mondo mose dios mo je, ¡aque soo ra jëuchĩ jê! ¡Eruqui resebe ra soo jëuchĩ jê! ¡Mbae ruqui ra jëuchĩ jê! ¡Jeninisi rese rocoi nda jëingochĩ emo ndese jê! ¡Jendu rese rocoi nda jëingochĩ emo ndes e jê!” nande que judíos eã je, i que Jesús quiato rerecu Pablo je ra.

Soldados rerecu Pablo si

²⁶ Pablo que ũquí cuatro querao cote ra. Dios chuchúaa que ererao ra. Isamami ngue Pablo ñimbitirō nda. Ũquí cuatro rese. Oso que ñee Dios chuchua rerecua je cote ra. —Aque mose ra mbae mo ureiquia Dios je cote, i que Pablo ee ra. ²⁷ Siete días que echi huee ra. Judíos mo ngue mae Pablo rese cote ra. Asia jenda mo. Dios chuchúaa Pablo chí mose que judíos mae erese ra. Ũquí ngue mbia mbicua Pablo je ra. Oo que Pablo rese ra. Isi que ra. ²⁸ Tasē tasē ngue ñee mbia je ra. —¡Israel jenda! Jenyu rā urerese. Pablo nandei si rā. Ae quia oso oso beite nguiā ñee icuā icuā judíos rīī. Moisés cheē ñi i abe quia eriqui nguiā ñee icuā icuā mbeite. Dios chuchua rīī abe quia eriqui nguiā ñee icuā icuā mbeite. Judíos eā mo abete quia equeruchī nguiā Dios chuchúaa. Dios chuchua mbicuaē nyeresē, i que mbia paama i Pablo je ra. ²⁹ Pablo quia ñi siquichī nguiā Trófimo ndese. Pablo quia Trófimo querao abareāte nguiā Dios chuchúaa judíos je. Nyebe ngue mbia riqui nguiā ñee icuā icuā ee. Judíos eā nguiā ñi ngue Trófimo nde. Efeso jenda quia ñi ngue Trófimo nde. Nyebe ngue mbia riqui nguiā ñee icuā icuā Pablo je. ³⁰ Hue jenda que ñimbitirō tuchi Pablo je ra. Oo ja que erese ra. Isi que ra. Mbutiriri que Dios chuchua si ra. Dios chuchua que ematā cote ra. ³¹ Pablo nda mbia iquā nguiā ña. Emo ngue oso ñee soldados rerecua je ra. —Mbia Pablo iquā serite quia pee, i que oso ee ra. ³² Soldados rerecua que soldados munua nda. Oficiales abe no. Nyoī así que mbia icuā ndea cote ra. Mbia que Pablo iruā nua eā cote ra. Soldados rese mae mose. ³³ Ererecua que oso Pablo rea ra. Pablo isi que ra. —Echucua cadenas je, i que soldados je Pablo rīī nda. Ererecua que ñee mbia je cote ra. —¿Aba co re? ¿Mbae icuā esaā jēje re? i que mbia je ra. ³⁴ Hue rī ja mbia ñee eā ee. Mbia que ñee ata ata ee ra. Tasē tasēte que ñee ee ra. Ñee ñoño ererecua je. —¿Mbae ra aba icua jeñee nde? i chee que ererecua mbia je ra. —Pablo jenya mbirī na cuartel, i que ererecua soldados je ra. ³⁵ Pablo ruruchoi que ra. Ngasē ngue eiquesa rurubi cote ra. Hue que mbia icuā icuā si Pablo je no nda. Nyebe soldados ecuruchoi nguiā sui cote. ³⁶ Mbia que tasē tasē ngaē nguiā eruī ra. —¡jēiquia rei ae! i que mbia cuaē nguiā eruī ra.

Pablo ñee mbia cuabē je

³⁷ Pablo nda emingue nguiā soldados chuchúaa chā. Ae Pablo ñee ño nguiā ererecua je. —Tacheē na, i que ererecua je ra. ³⁸ Ererecua que ñee Pablo je cote ra. —¿Griego cheē ereicuate nde re? Egipto jenda ereico rei seje. Ae eicuā icuā ndiqui gobierno je, ¿ũquí nderecua eā nde re? ¿Nde

mbia iquā iquiasa rerecua eā nde re? Cuate mil mbia iquiasa. ¿Nde ererao eā turúquiaa re? i que ererecua Pablo je ra. ³⁹ Pablo que ñee ee ra. —Tei. Judío chō se re. Tarso jenda chō se re. Sucha tubiriā tuchi que Tarso de Ciliciaa ra. Tacheē na mbia je, aechī nguiā ndeje, i que Pablo ererecua je ra. ⁴⁰ —Eno. Echeē ee, i que ererecua ra. Eironguia ibate rese que Pablo ñi juā nda. O que emee mbia mbuquiriri ra. Mbia quiriri mose que ñee ee ra. Judíos cheē ngue esaā mbia je ra.

22

¹—Seataque, seandū rā. “Eicuā”, jenyechī nguiā seje. Nyebe tacheē jēje, i que Pablo ra. ² Pablo judíos cheē naa mose, mbia que quiriri ja tuchi cote ra. Pablo que ñee mbei mbia je ra. ³—Judío chō se re. Tārsoo que achaacuquia ra. Tarso de Cilicia. Aa que atiarō nda. Jerusalē ngue atiarō nda. Gamaliel que sembaaquiatua ra. Nanderamei ndui si que sembaaquiatu quiatu ra. Eraā si. Dios cheē ngue amumba sereā tuchi ra. Sā jēingo namo ā no. ⁴ Seicuā tuchi que eriqui Jesús quiato je nyii ra. Emo eme ngue aiquia chee ra. Emo eme ngue aru aru quia tarō nda. Mbia ninisi abe que atarō tarō nguiā ra. ⁵ Sacerdote rerecua que cartas mondo seje ra. Judíos rerecua abe que cartas mondo seje ra. Damáscoo nda aso nguiā ererao chā. Judíos je nda cartas arao nguiā ña. Hue jenda je. Damáscoo nda aso nguiā ña. Jesús quiato requia requia. Aa nda aru nguiā tarō ña. Aa nda aru nguiā eiruā nua ña. Jenderecua ũquí icuate raque. Jeñee ee ae.

Aico uba Dios rese co cote, i Pablo

⁶ Acuasē nda Damáscoo chā nde. Tenda ibate que tata mo tu seresae ra. Ibate si que eru ra. Tata rendi que seresae tuchi ra. Sembua tuchi que ra. ⁷ Tata rendi rese mae mose que acoi oso ibii ra. Echeē mo ngue achandu ra. “Saulo, Saulo. ¿Mbaerā ndeicuāte riqui seje re?” i que seje ra. ⁸ “¿Aba nde re?” ae que ee ra. “Jesús rei se. Nazaret jenda. Ae je ndeicuāte riqui”, i que seje ra. ⁹ Seresenda que siqueche tuchi ra. Mae ndei ngue tata rese re. Echeē nguiā echanuate nguiā. ¹⁰ “¿Mañi ae ra se re, Sererecua?” ae que se ra. “Dios que ndeirabo ra. Ehuā cote. Ecuasē oso cote. Damáscoo. Mbae rīī nda acheē ja ndeje huee cote”, i que Jesús seje ra. ¹¹ Tata rendi que seresa mungue ra. Seresayā. Nyebe seresenda sererao nguiā seo rese. Damáscoo.

¹² Huee que emo ndiqui ra. Ananías, i que ee ra. Moisés s cheē ngue emumbayā tuchi quia ra. Judíos huee jenda que ñee turā ja quia ee ra. ¹³ Ananías que tu serea ra. Ñee ngue seje ra. “Saulo, Jesús quiato ereico

co cote. Emae cote”, i que seje ra. Seresa turã ngue cote ra. Amae ngue erese cote ra. ¹⁴ Ananías que ñee seje ra. “Nanderu rerecua que Dios ra. Dios que ndeisi cose ra. Ae Dios chosei quia, ùquĩ icua sacua ngue Dios ndeisi cose ra. Jesús turã ndese mae sacua ngue ndeisi cose ra. Jesús cheẽ andu sacua ngue ndeisi cose ra. ¹⁵ Dios cheẽ nda eresenei senei mbia ja je cote. Ae erchandu, ùquĩ nda eresenei senei mbia ja je cote. Ae rese eremae, ùquĩ nda eresenei senei mbia ja je cote. ¹⁶ ¿Mbaerã ereico chõte a re? Ehuã na. Sã Jesús quiato bautizar i ndeje. Echeẽ na Jesucristo je. Sã Dios ndeicua mbutiã”, i que Ananías seje ra.

Dios que atea cuu ra, i Pablo

¹⁷ Achube que Jerusalén nda. Aso que ñee Dios je ra. Dios chuchúaa. Huee que Jesús atea cuu ra. ¹⁸ Jesús que atea ra. Ñee ngue seje ra. “Eso así Jerusalén si. A jenda ra ndecheẽ mumba mumbate, nde serenei nenei mose. Eso erecha” i que Jesús seje ra. ¹⁹ Acheẽ ngue Jesús je ra. “Sererecua, a jenda que seicuate nyii ra. Seicuãte que eriqui nyii ra. Jesús quiato que asirõ sirõ nguia judíos chumunuasa si nyii ra. Atarõ tarõ ngue sequia ra. Airuã nua ngue sequia nyii ra. ²⁰ Mbia Esteban iquia mose, seyate que ùquĩ mose ra. Huee que aico ra. Eiquiasa irao que asaarõ nda”, ae que Jesús je cuu ra. ²¹ Jesús que ñee seje ra. “Eso. Taremondo isho. Secheẽ nda eresenei seneite judíos eã je”, i que Jesús seje ra, i que Pablo mbia je ra.

²² Judíos eã nii ñee mose que mbia nyi-ibute cote ra. Pablo cheẽ andu sereã cote. — ¡Pablo nandeiquia rei jê! † nda eriquiã cote, i que judíos tasê tasê nda. ²³ Mbia paama i ja Pablo je. Tasê tasê. Huirao mbaaba aba. Ibi tuba ara ara mombo mombo ibate. ²⁴ Soldados rerecua que ñee cote ra. — Pablo jendao matã. ¡Nandeiruã nua jê! † nda ñee, i que ererecua ra. — ¿Mbaerã mbia ñee icuã icuã ndeje re? i Pablo je. ²⁵ Soldados que Pablo chucua ra. Iruã nua nda eã nde. Pablo que ñee capitán je cote ra. — ¿Mbaerã nda seiruã nua nde? Romano ño se resê. Mbae icuã asaã eãte resê, i que ra. ²⁶ Capitán ngue oso ererecua mbiirandu cote ra. Pablo cheẽ nguire. — ¡Ereiruã nuachĩ nda jê! Romano ño ae re, i que capitán nda. ²⁷ Ererecua que oso ñee Pablo je cote ra. ¿Romano nde re? i que ee ra. Ae, i que ee ra. ²⁸ Ererecua que ñee mbe ee ra. — Mbae isiquia que amondo tuchi mbia je ra. “Romano” i nonde seje, i que ererecua Pablo je ra. Pablo que ñee ee ra. — Romano mbei chõ se re. Sechiacuquia mosenda bei, i que ra. ²⁹ Pablo iruã nua eã ngue cote ra. Mbia que hui esi cote ra. Mbia siquiche ja tuchi que cote ra. — Pablo nandechucuachĩ.

Romano ño eriqui re, i que mbia cote ra. Ererecua abe que siquiche tuchi cote ra. Pablo o cuare.

Ererecua ñu munua Pablo cheẽ andu

³⁰ — ¿Mbaerã judíos paama i Pablo je re? i que soldados rerecua ra. Isamami ngue ererecua ataque munua cote ra. Sacerdote rerecua ja. Amei ererecua ja. Pablo que ecuruchoi ererecua achõ je cote ra. Ùquĩ ererecua ñee sacua ee.

23

¹ Pablo que mae huĩ ererecua ja rese ra. Ñee ngue ee ra. — Seresenda, mbae turã ndese aico bei co. Namó abe. Nyebe sesiquicheã mbei riqui Dios si co, i que Pablo ra. ² Ananías, i sacerdote rerecua je. Aque que ñee Pablo ji jenda je ra. — Pablo churu rese jengua, i que ra. ³ Pablo que ñee ee cote ra. — Dios ra ucua nderese jê. Ndeturã eresaã ñooñochĩ nguia. “¡Moisés cheẽ nda jemumbachĩ jê!” ere rei que ure je. ¿Mbaerã ereico echeẽ mumba mumba nde re? “Jengua Pablo churu rese”, ere chõchĩ nguia serĩ. Moisés cheẽ mumba, i que Pablo ee ra. ⁴ Pablo cheẽ andusa que ñee asite ee ra. — ¿Mbaerã erecheẽ icuã sacerdote rerecua je re? Dios emingo rei a resê, i que Pablo je ra. ⁵ Pablo que ñee ee ra. — Sacerdote rerecua eã eriqui rei nguia seje. † nda acheẽ eãte erĩ. Aicuayãte quia ñi se re. “Jenderecua rĩ jëingochĩ nguia ñee icuã”, i rei que Dios ñee nande je resê, i que Pablo ra.

⁶ Hue rĩ ja ererecua ndua eã. Fariseos, i que ererecua ataque je ra. Saduceos, i que eataque je no nda. Nyebe Pablo ñee nguia ee. — Seresenda, se rei fariseo. Seru ja rei fariseos no. “Mbia mano je ra quera si”, ae quiatu nguia co. Ùquĩ je chõ mbia riqui nguia paama i seje. Ùquĩ je chõ ngue sereru nguia jêje, i que Pablo ererecua je ra. ⁷ Pablo cheẽ nguire que ererecua ñee icuã icuã nyue ra. Saduceos que ñee icuã icuã fariseos je ra. Fariseos abe que ñee icuã icuã saduceos je no nda. ⁸ Saduceos que ñee nguia ra. — Mbia raaque ra quera si eã. Angeles eã ibatenda. Mbia aĩ abe eã, i que saduceos quia ra. Fariseos que echeẽ sobeishĩ nda. — Eraaque ra quera si. Angeles siqui ã ndesê. Mbia aĩ abe siqui ã ndesê, i que fariseos ra. Nyebe ererecua ñee icuã icuã nguia nyue. ⁹ Tasê tasê tuchi que nyue ra. Fariseos mo ngue juã ñee nda. Ùquĩ ndei embesasa. Ñee ngue Pablo rĩ nda. — Pablo que mbae icuã saã eãte quia. Emo aĩ ñee ee reae. Angel mo ñee ee re no ae. Nyebe nandeico turã ee no. Ùquĩ mose ra nandeico turã Dios je abe, i que fariseos ra. ¹⁰ Mbia que ñee icuã icuã mbei chõchĩ nguia nyue. Soldados rerecua ireite que eriqui ra. Mbia que Pablo iquia

seríte quia ee ra. Nyebe ñee soldados je. — Jêso Pablo rea. Jendao rã jenyuchúaa, i que ererecua soldados je ra.

¹¹ Isa que Jesús ru ñee Pablo je ra. — Eresiquiche techĩ nda, Pablo. Serenei nenei ngue se a, eĩ ere si ra oso serenei nenei Roma, i que Jesús Pablo je ra.

Pablo nandei quia, i rei mbia

¹² Isamami ngue judíos ñee ja nyue ra. — ¡Pablo nandei quia jê! i ja nyue. Mbae mo nda nandeu eã mbei, Pablo ¡quiayã mbei mose. Nandeyu eã mbei ra Pablo ¡quiayã mbei mose. Chã Dios nandembasi, Pablo ¡quiayã mose, i tuch i que judíos ñee nyue ra. ¹³ Ae Pablo ¡quia seríte quia, ùqui cuabête que ra. Cuarenta que ra. ¹⁴ Ûqui ngue nyoĩ ja ñee mbia rerecua je ra. Sacerdote rerecua je abe no. — Mbae mo nda ureu eã mbei, Pablo ¡quiayã mbei mose. Chã Dios urembasi, Pablo ¡quiayã mose. ¹⁵ “¡Pablo embu ure je!” jenyee soldados rerecua je. “Pablo rese uremae na”, jenyee soldados rerecua mbĩrĩ irĩ. Ñeenda cúa ra urechiquitirõ erese. Pablo ra ureiquia chã, i rei que judíos ra.

¹⁶ Pablo nongue ririĩ ngue jirandu erese ra. Aque que oso Pablo mbiirandu ra. Soldados chuchúaa. — ¡Mbia ra nyiquitirõ tirõ nderese jê! ¡Ndeiquiachĩ nda jê! i que Pablo je ra. ¹⁷ Nyebe Pablo ñee soldado mo je ra. — Senongue ririĩ erao ndererecua je. Ñee nda ndererecua je chã, i que Pablo ra. ¹⁸ Nyebe ererao nguiã nguerecua je. — Pablo que acuanindu mbu ra. Mbae i chõ nda ndeje, i nguerecua je. ¹⁹ Ererecua que acuanindu querao eo rese ra. Pe jiri que eñi ñee ee ra. — ¿Mbae ere u ñee seje re? i que ererecua ra. ²⁰ Acuanindu que ñee ererecua je cote ra. — Judíos ra ñee ndeje. “Pablo embu ererecua chumunua mose. Ererecua ra Pablo cheê ñandu”, i ra nembĩrĩ irĩ. ²¹ Ñee ñoño nda ndeje. ¡Echeê nda eremumbayãchĩ jê! Judíos cuabê nda nyiquitirõ tirõ erese. Cuarenta. “Mbae mo nda nandeu eã mbei Pablo ¡quiayã mbei mose. Nandeyu eã mbei ra Pablo ¡quiayã mbei mose”, i tuchi judíos, i que acuanindu ererecua mbiirandu ra. ²² Soldados rerecua que ñee acuanindu je ra. — ¡Equirirĩ chõ oso! ¡Erecheêchĩ nda emo je jê! i que ee ra.

Pablo mondo ererecua Félix je

²³ Ererecua que ñee ererecua ataque mo je cote ra. — Sã soldados icoquiatu. Sã echoi Cesarea itondáruu. Sã doscientos choi ibi rĩ. Sã setenta choi ticuasú ato. Sã doscientos choi ira racuatirõ ji rerecua. Cesarea ra jêso itondaru, i que soldados rerecua ñee nda. ²⁴ — ¡Ticuasú jêisi mua Pablo rendacuã jê! ¡Pablo jendao turã nguia jê! Jendao turã ererecua Félix je, i que soldados rerecua ra. ²⁵ Embesa ji que emondo Félix je ra. f

ngue carta mbesa ra: ²⁶ — Se rei Claudio Lisias. Co ambesa quia ndeje co, Félix. Mbia rerecua tuchi quiarei nde. ²⁷ Co amondo quia ndeje co. Pablo, i equia ee. Judíos eischĩ neaê. “Nandei quia”, i rei ereaê. Se chõ ngue asiquisã nguiã. Romano ndei ae. Nyebe mbia asiquisã nguiã esi. ²⁸ Judíos rerecua chumunua mose que Pablo arao ee ra. “¿Mbaerã mbia icuãt e riqui Pablo je re?” ae rei ngue ñee ererecua je re. ²⁹ “Pablo nandetarõ”, i rei que judíos quia ra. “Pablo nandei quia”, i rei que judíos quia ra. Pablo siquiã ndaque mbae icuã ndese. Judíos cose ndare cheê nguire chõ ngue judíos paama i Pablo je ra. ³⁰ Airandu que erese ra. “Judíos ra Pablo ¡quia”, i que mbia mo ñee seje ra. Nyebe aico nguiã Pablo mondo ndeje aque. Ae eicuã icuãte riqui Pablo je, ùqui que acheê nda. “Jêso quia ñee Félix je”, ae chõ ngue ee ra. Hasta luego. f ngue carta mbesa ra.

³¹ Soldados que Pablo curuchoi isa ra. Nguerecua cheê nguire. Ngasê ngue Antípatris ra. ³² Soldados que nyoĩ ibi rĩ, ùqui ngue ngasê nyebi isamami nda. Ae nyoĩ ticuasú ato, ùqui ngue nyoĩ bei ngasê Pablo ruruchoi ra. ³³ Ngasê ngue Cesaréaa ra. Soldados rerecua chimbesea que emondo mbia rerecua je ra. Pablo abe que emondo mbia rerecua je ra. ³⁴ Mbia rerecua que mae huĩ carta echimbesea rese ra. — ¿Ma jenda nde re? i que Pablo je cote ra. — Cilicia jenda rei se, i que Pablo ee ra. ³⁵ — Ae ñee icuã icuã nguiã ndeje, ùqui ngasê mose ra ndecheê achandu ja, i que ererecua Pablo je ra. — Pablo jêteaquiatu tuchi Herodes chuchúaa, i que soldados je cote ra.

24

Judíos ererecua mbĩcuãse Pablo rĩ

¹ Cinco días mose que sacerdote rerecua ngasê Cesaréaa cote ra. Ananías, i equia sacerdote rerecua je. Ererecua ataque mo ngue ngasê erese ra. Tértulo abe que ngasê erese ra. Abogado rei Tértulo. Ngasê ngue ecuã ñee ñoño Félix je ra. Pablo rĩ. ² Soldados que Pablo curucuaê ererecua chumunua mose ra. Tértulo que ñee icuã tuchi Pablo rĩ cote ra. Ererecua nda embĩcuã nguiã Pablo rĩcharã ña. Ñee ngue ererecua je ra. — Ndeturãte eriqui ur e je co, Urererecua. Ndeaquiatute eriqui ur e je co. Urembate equia co. ³ Nyebe “iaanye” ure bei nguiã ndeje co, Félix. ⁴ Ureandu mbĩrĩ na. Urecheê oco eã nda ndeje nye. ⁵ Pablo quiarei siqui chooñoa judíos je. Judíos mbuchesea sea ja. Embĩcuã icuã uchue. Nazarenos, i que judíos ataque mo je ra. Ûqui nderecua rei Pablo. ⁶ Pablo que Dios chuchua mbĩcuã seríte rei ra. Nyebe ureisi

nguiã. Urerao rei que judíos rerecua chumunua mose ra. ⁷ Lisias tu chõchí soldados rurucuaẽ cote. Ureriquisã. Pablo rirõ icuã ureo si. ⁸ “Jeñee icuãse mose Pablo riĩ, jeñee ño oso Félix je”, i que Lisias ure je ra. Echeẽ Pablo je no. Ereirandu ra Pablo rese cote. Eicuã ndese, i rei que Tértulo Félix je ra. ⁹ — Ae beite, i ja judíos Tértulo cheẽ mose. Ñee icuã icuã ja Pablo riĩ.

Pablo ñee ererecua Félix je

¹⁰ Ererecua que ñoomee Pablo je cote ra. —Nde echeẽ seje cote, i chõ ñoomee nguiã ee. Pablo que ñee ee cote ra. —Urererecua ima nde. Ndeaquiatus. Nyebe sebite riqui nguiã secheẽ mose ndeje. Á ngue ñee ñooño nguiã serĩ nda. Echeẽ tasibishorõ ndeje. ¹¹ Namu jiri que aso Jerusalén nda. Doce días. Acheẽ ñee ngue oso Dios je ra. Echeẽ ñee mbia je ae. Sã mbia nembirandu ae. “Ae beite” i ra mbia ndeje. ¹² Emo je que aico ñee icuã icuã eãte Dios chuchúaa ra. Mbua que ambucheẽ icuã eã nguiã nyue ra. Judíos chumunuásaa que aico eã mbia mbicua icuã nda. Mbua chuchua ite re abe que aico eã mbia mbicua icuã no nda. ¹³ Á ñee ñooño ño nguiã serĩ. Á mae áte seicua mo ndese resẽ. ¹⁴ Aque mui ndese chõ aico resẽ. Dios cheẽ yasu rui bei chõ aico nguiã co. Dios cheẽ yasu quiarei eicuã eã. Dios rei ureru rerecua bei. Co aico Dios icua co. Co aico Moisés cheẽ icua co no. Co aico Dios cheẽ mbuchecuaasa chimbasa icua co no. ¹⁵ Co aico Dios icua ùqui na si co. Mbua raque ra quera si no. Ùqui aicuate. Mbua icuã nda quera si. Mbua turã na si. Quera ja chõ ndae. ¹⁶ Nyebe aico Dios cheẽ ndui bei co. Nyebe sechiã cuaãcua i eã Dios si. Mbua si abe. ¹⁷ Cosete que aso a si ra. Muchos años. A achube a cote. Mbae mee mee sacua mbaecha reã je. Seresenda je. Dios je abe mbae mee. ¹⁸ Achimbuturã ngue Dios chuchúaa ra. Mbua eãsa. Mbua ambicua eã. Judíos Asia jenda que mae serese ra. Dios chuchúaa. ¹⁹ Sã ùqui ngaẽ serenei ndeje. Seicua mose, sã ùqui ngaẽ ñee ndeje. ²⁰ Sã ã abe ñee ndeje. Seruruchoi rei que judíos rerecua chumunua mose ra. Mbae i áte que seje ra. “Mbae icuã ngue eresaã nda”, i eã ngue ererecua seje ra. ²¹ “Mbua mano je ra quera si, ae chõ ndei nguiã co. Ùqui je chõ ngue sereru nguiã jẽje”, ae que ererecua je ra. Ùqui i equia seje reae, i que Pablo Félix je ra. Félix rei ererecua.

²² —Emo mose ra acheẽ ndeje, i que Félix Pablo je ra. Félix jirandu tuchi rei Jesús chimbaaquiatus rese reae. —Sã soldados rerecua ru rã. Huee quia nda acheẽ nguiã cote. Mañi ño nda aba ndeje cote, i que ererecua Pablo je ra. ²³ Félix que ñee capitán je cote ra. —Pablo jeteaquiatus bei jẽ. Jẽhui

jẽhui jiri esi. Sã equiatus ngaẽ ngaẽ erea. Mbae mondo mondo ee, i que Félix ra.

²⁴ Emo mos e jiri que Félix ngasembe Cesaréaa ra. Eresebe que eru ra. Drusila, i que eninisi je ra. Judía rei eninisi. —Pablo jendu rã. Pablo cheẽ tachandu rã. Jesucristo riĩ tachandu, i que Félix ra. ²⁵ Pablo que tu ñee ee ra. —Sã mbia siqui turã Jesús rã si. Sã mbia ñimbirãcua mbae icuã si. Dios ra mbia icuã mbuchao, embasi sacua, i tuchi que Pablo Félix je ra. Félix chiã ngue cuaãcua i Pablo cheẽ mose ra. Nyebe ñee Pablo je. —Eso cote. Serecochĩ mose ra achembe ndeje, i que Félix Pablo je ra. ²⁶ —Pablo ra mbae isiquia mondo chee seje. Se embui sacua, i rei que Félix ra. Nyebe Félix “echu” i i bei nguiã Pablo je. ²⁷ Eĩ mbei que Félix quia ra. Dos años. Aqere que Félix ererecua eã cote ra. Porcio Festo que esiquicharõ nda. Félix que Pablo tarõ mbei mui nda. —I nda judíos paama iã seje, i que ra.

25

Pablo ñee ererecua Festo je

¹ Festo que ngasẽ Cesaréaa cote ra. Félix rendaque re, mbia rerecuarã. Tres días mose que esi Jerusalén cote ra. ² Huee que sacerdote rerecua ñee icuã ja Pablo riĩ nda. Judíos rerecua abe ñee icuã ja Pablo riĩ. Festo je ñee ñee Pablo riĩ. ³ —Urembia jiri rã. Pablo eru Jerusalén, i ja rei que sacerdote rerecua Festo je ra. Iquia nda eña nde. Ñeenda cúa. ⁴ —Pablo tarõ ji ñi Cesarea pee. Aruã nda se. Namu jiri ra aso pee, i que Festo ra. ⁵ —Sã jenderecua abe nyoi serese Cesaréaa. ¿Mbae jenyje quia Pablo je re? ¿Mbae icuã esaã nde? Nyao pee teñee seje, i que Festo ra.

⁶ Festo que siqui mbirĩ Jerusalén nda. Ocho o diez días. Hue si que eru nyebi Cesaréaa ra. Isamami ngue esi mbia chumunuásaa ra. Ae que mbia rerecua cote ra. Ngoi que huee ra. —Pablo jendu rã. Echeẽ tachandu cote, i que mbia je cote ra. ⁷ Pablo que ique cote ra. Judíos Jerusalén jenda que ñee icuã icuã Pablo riĩ nda. Maende rocoĩ mbae icuã naa mose. Ñee ñooño eriĩ. ⁸ Pablo que ñee echeẽ mose ra. Judíos cheẽ ngue esibishorõ nda. —Mbae icuã mo asaã eãte resẽ. Judíos chimbasa amumbayãte resẽ. Romanos nderecua cheẽ amumbayãte no ndesẽ. Dios chuchua abe ambicua eãte no ndesẽ, i que Pablo ra. ⁹ —¿Ndeso sereãte Jerusalén nde? Mañi ae ra se quia ndeje hue reae, i rei que Festo Pablo je ra. — I nda judíos paama iã seje. Judíos tambia jiri, i que equia ndua ra. ¹⁰ Pablo que ñee ee ra. —Romanos nderecua raque jẽ. Aico raque jẽsaa a. Jẽ nguiatus jeñee seje. Á jẽingo raque seicuate ã. Mbae icuã mo asaã eãte judíos je resẽ. ¹¹ Se mbae icuã naa tuchi

mose, ¿seiquia se jê! Judíos ñee ñooño mose serîi, ¿mbaerâ nda semondobe judíos je re? Semondo aroneate ee. Ererecua tuchi je semondo rã. Sã ae quia ñee seje, i que Pablo Festo je ra. ¹² Festo que ñee nyecuayã cuayã nguenda je ra. Aquerê que ñee Pablo je cote ra. —“Semondo ererecua tuchi je”, ere que seje. Taremondo ee cote, i que Festo Pablo je ra.

Pablo cheẽ tachandu, i Agripa

¹³ Aquerê que Agripa si Cesarêaa ra. Ererecua rei ae. Berenice rese que esi ra. Festo rea. ¹⁴ Huee que itõ mocoite ra. Festo que Agripa mbiirandu ja Pablo rîi nda. —A emo tarõ ji ñi a. Félix que etarõ müi nda. ¹⁵ Seso mose Jerusalén, sacerdote rerecua ñee tuchi seje. “Pablo eiquia”, i rei ngue seje re. Judíos rerecua abe ñee icuã icuã tuchi Pablo rîi. ¹⁶ Acheẽ ndei ngue ee re. “Tei. Mañi ae ra mbia mo iquiachõ nde. Mbia eicuã nenei eã mose seje. Ae ñee icuã nguia erîi, sã ùqui ngaẽ ñee ee. Sã ñee nguia nyue séssaa”, ae que ee ra. ¹⁷ Judíos que ngaẽ a cote ra. “Isamami jeñee tachandu Pablo je”, ae que ee ra. “Pablo jendu rã”, ae que isamami serimba je cote ra. ¹⁸ Pablo ucuayãsa que juã ja rei cote ra. Ñee icuã tuchite rei nda Pablo rîi seje. Pablo chisaa icuã mo ngue embuchecuyã ñochi nguia seje. “Mbia ra Pablo mbiicua tuchi chî nde”, aechî ngue se re. ¹⁹ “Judíos rã eã ño Pablo. Judío ndua rã eã ño Pablo riqui nguia ndua”, i chõ ngue judíos ñee ñee seje ra. Jesús, i que emo je ra. Judíos que ñee icuã icuã tuchi Jesús rîi nda. “Jesús que quera si manonde ra”, i que Pablo judíos je ra”, i que Festo Agripa je ra. ²⁰ —“¿Mañi ae ra se re?” aete que se ra. Nyebe que acheẽ ee ra. “¿Ndeso sereate Jerusalén nde? Huee quia nandechê”, ae rei que ee ra. ²¹ “Sã ererecua tuchi quia ñee seje. Semondo ee Roma”, i que Pablo seje ra. “Eno. Aremondo je nda ee re”, ae que ee ra. Nyebe ngue atarõ mbeite müi nguia, i que Festo Agripa je ra. ²² Agripa que ñee ee ra. —Se abe nda aque cheẽ achandu rã ña, i que Festo je ra. —Eno. Isamami nda echeẽ erchandú cote, i que Festo ra.

²³ Isamami ngue Agripa huiirao turã mingue ra. Berenice rese. Ererecua irao. Ererecua ataque chumunua mose que echoi ique ra. Soldados rerecua que chí ja huee ra. Mbia rerecua mo abe que chí ra. —Pablo jendu cote, i que Festo mbia je cote ra. ²⁴ Festo que ñee cote ra. —Tacheẽ ndeje, Agripa. Jê abe je tacheẽ, mbia rerecua. A eriqui a cote. Pablo, i equia ee. Ae rîi judíos riqui ñee mbeite seje. “Eiquia”, i bei seje. Jerusalén jenda abe ñee mbei erîi. Cesarea jenda rã. “Sã mano”, i bei seje. ²⁵ ¿Mbae rîi nda aba eiquia re? Mbae icuã mo esaã eate resê. Ae quiare ñee. “Semondo

rã ererecua tuchi je”, i que Pablo seje ra. Nyebe tamondo ee. ²⁶ ¿Mbae i ra aba embesa mondo ee re? Mbae icuã ngue esaã eate. Nyebe Pablo aru nguia jêje a. Ndeje chõ ngue aru nguia, Agripa. Echeẽ ee. ¿nda eicuã erembuchecua. ¿nda eicuã ambesa mondo ererecua tuchi je. ²⁷ ¿Ma nda aba etarõ mondochõ nde? Eicuã mbesa iriã mose, i que Festo Agripa je ra.

26

Pablo ñee ererecua Agripa je

¹ Agripa que ñee Pablo je ra. —¿Mbae i mbia quia ndeje re? Nde quia echeẽ cote, i Agripa. Pablo que o sui ñee ee ra. ² —Secheẽ rete ndeje, Sererecua. Judíos que ñee icuã tuchi quia serîi nda, Sererecua. ³ Nde quiare i ureicuasa tuchi. Judíos icuasa tuchi nde. Urecheẽ icuã icuã ereicuate nde. Nyebe nderosei nguia rã secheẽ andu.

⁴ Judíos maesate raque se, señetê mosenda bei. Sererecua quiti. Jerusalén abe. ⁵ Se rei fariseo. Setiarõ namo mosendachõ ndei fariseo se. Judíos seicuate raque. Fariseos achõ ño ureramei ñee mumbayã mbei. ⁶ “Mbia raaque ra ambuquera si”, i que Dios ureramei je cose ra. Dios ra ucheẽ nyabiã. Nyebe “ae bei” ae nguia ee. Ùqui nüi ño judíos riqui nguia seucuyã ã. Ùqui nüi ño mbia riqui nguia ñimbiicua seje ã. ⁷ “Mbia raaque ra ambuquera si”, i que Dios ra. “Ae bei”, i ja Israel jenda quia ee ã. Nyebe Israel jenda riqui bei nguia echeẽ ndui si ã. “Mbia raaque ra Dios mbuquera si”, ae sequia se abe co. Ùqui je chõ judíos icuã icuã ndiqui nguia seje, Agripa. ⁸ ¿Jê abe je Dios mbia raaque mbuquera aroneate re?

Seicuã tuchi Jesús quiato je nyii, i Pablo

⁹ Se abe que seicuã icuãse rete riqui Jesús quiato je cose ra. Nazaret jenda chõ Jesús re. ¹⁰ Seicuã icuãte que ee Jerusalén nda. Sacerdote rerecua que ñee seje ra. Nyebe ngue aico nguia Jesús quiato tarõ tarõ mbeite cose. Sacerdote rerecua cheẽ nguire. Jesús quiato iquia iquia mose, “coche rei” ae que sequia ra. ¹¹ Jesús quiato que airuã nua tuchi quia ra. “¿nda hui Jesús si”, ae rei que sequia ra. Sucha tubiriã ngue ambuchesea sea quia ra. Jesús quiato je seicuã sacua. Judíos chumunua mbuchesea sea. Paama ae tuchi que sequia Jesús quiato je nyii ra. Isho tuchi que aico oso oso Jesús quiato requia ra. Seicuã tuchi sacua ee.

Aico uba Dios rese co cote, i Pablo

¹² Emo mose ngue aso rei nguia Damáscoc. Sacerdote rerecua semondo mose. ¹³ Tacheẽ tuchi ndeje, Sererecua. Tenda nandete re mose que tata mo tu seresae ra. Ibate si que seresae ra. Seresenda abe resae. Tata rendi que

ureresae tuchichĩ nguiã tenda si. ¹⁴ Tata rendi rese ma e mose que urecoi ibii ra. Echeẽ mo ngue achandu ra. Hebreo cheẽ. “Saulo, Saulo, ¿mbaerã ndeicuãte riqui seje re? Nde sí chõ erechimbasi mbasi nguiã aque. Ticuasú rã tuchi quiarei nde aba cheẽ mumba mose. Sã ticuasú riqui nambacua mbuti no. Sã eriqui hui mbaba ira racua echí no. Ũquí na tuchi quiarei nde”, i que seje ra. ¹⁵ “¿Aba nde re?” ae que ee ra. “Jesús rei se. Ae je ndeicuãte riqui”, i que seje ra. ¹⁶ “Ehuã na. Aico nyecua ndeje a. Serenei nenei sacuí mbia je. ‘Jesús rese que amae nda’, ere bei quia mbia je. Mbae mo abe ra ambucuecua ndeje. Ũquí abe teresenei senei mbia je. ¹⁷ Judíos eã je taremondo. Secheẽ nenei nenei sacuí. Ũquí o taisi eicuã icuã mose ndeje. Judíos o abe taisi eicuã icuã mose ndeje no. ¹⁸ Taremondo judíos eã je. Terembaaquiatu quiatu. † nda eriquiã mbae icuã ndese. † nda eriqui mbae turã ndese. † nda eriquiã aba mbiirĩ irisa rui. † nda eriqui Dios rui. † nda Dios icua. † nda eicuã ambutiã esi. † nda Dios ũquí ngue recoc umbaerã”, i que Jesús seje ra.

Pablo Dios cheẽ senei tuchi Agripa je

¹⁹ Ibatenda cheẽ ngue amumbayã nda, Agripa. ²⁰ Dios cheẽ ngue asenei senei tuchi mbia je ra. Mbia Damasco jenda je. Jerusalén jenda je abe no. Judea rurubinda je abe no. Judíos eã je abe no. “jẽicuã si jẽhui chõ jẽ! Dios icha rui jẽingo. Jẽingo turã. ‘Dios icha rui eriqui’, i nda mbia jẽje chã”, ae que ee ra. Embaaquiatu quiatu. ²¹ Nyebe judíos seisi nguiã Dios chuchúaa. Nyebe eriqui nguiã “nandeiquia” i seje. ²² Dios que serea quiatu bei quia ra. Namó abe. Nyebe aico echeẽ nenei nenei mbei mbia ja je. Mbaecha je. Mbaecha reã je abe. Moisés cheẽ nduí sí aico ñee ñee mbia je co. Dios cheẽ mbucuecua rui sí aico ñee ñee mbia je co. ²³ † ngue Dios cheẽ mbucuecua embesa cose ra: “Mbia ra Cristo mbasi mbasi. Aqwere ra mbia eiqua. Ae rane nda quera sí mbia raaque sí. Ae ra mbia mbiirandu nguoco mose uquera rĩ. Judíos mbiirandu. Judíos eã ab e mbiirandu”, i que Dios cheẽ mbucuecua mbia je cose ra, i que Pablo Agripa je ra.

²⁴ Festo que ñee Pablo je cote ra. — Erequiachã ño nguiã co, Pablo. Embesai rese mae tuchire erequiachãte equia co, Pablo, i que Festo tasẽ Pablo je ra. ²⁵ — Aquiachã eãte se resẽ, Festo. Acheẽ nyecuate raque jẽje. Dios cheẽ tuchi chõ asenei nguiã jẽje co. ²⁶ A Agripa riqui raque a. Nanderrecua tuchi. Echeẽ ee. Ae rĩ aico ñee jẽje, ũquí ngue Agripa icua tuchi ra. Nyebe sesiquiche eãte riqui nguiã ñee ee. Secheẽ icua jate equia co. Jesús que ñee nyecuyã eã mbia je ra. Jesús mbae saã nyecuyã eã,

i que Pablo ra. ²⁷ — ¿Dios cheẽ mbucuecua cheẽ ndebite re, Agripa? Ndebite que ra, i que Pablo ee ra. ²⁸ — “Jesús quiato ra nde cote”, ¿erechĩ equia seje re? i que Agripa Pablo je ra. ²⁹ Pablo que ñee ee ra. — Nde mii eã. Seandusa ja. A jengu ja a. Jesús quiatorã na jẽ, se rã sí, aechĩ nguiã jẽje. Jengasa ra chi eã nguiã, se rã sí, i que Pablo ra.

³⁰ Pablo ñeende que ererecua juã cote ra. Agripa. Festo abe. Berenice abe. Ae chi ngói erese, ũquí abe que juã nda. ³¹ Nyoí que pe jiri cote ra. Ñee ñee nyue. — Pablo mbae icuã saã eã tuchi chõ nguia re. Eiquia aroneate quia eriqui re. Etarõ abe aroneate quia eriqui re, i que ererecua nyue ra. ³² Agripa que ñee Festo je ra. — “Semondo rã ererecua tuchi je”, i chõchĩ Pablo. † nda aa chõ nandehui esi, ñee eã mose. “Semondo rã pe ererecua tuchi je”, iã mose, i que Agripa ra.

27

Pablo mondo Roma quitu

¹ — Pablo tamondo Italia, i que ererecua ra. — Jẽisi suruchoi, i que soldados rerecua mo je ra. Julio, i que soldados rerecua je ra. Augusto rimba, i que ũquí soldados je ra. Emo abe que ecuruchoi isi ra. Se abe que aso erese ra. Lucas rei se. ² Aristarco abe que oso urerese ra. Macedonia jenda rei ae. Tesalónica, i sucha tubiriã je. Ureique ja que canoa cuasu ye ra. Adramitio jenda rei canoa. Asia quitu que urecua ta ra. Sucha mbuchesea sea sacuí hue jenda. ³ Isamami ngue urecuasẽ Sidón cote ra. Julio turãte que Pablo je ra. Ecuatasa que eriqui ra. Nyebe Pablo sí equiatu rea. Equiatu que eteaquiatu ra. ⁴ Urecuata sí que ama nduí ra. Quiririã ngue ureriquisã nda. Canoa mbucuatayã. Nyebe ejoõ acua mo uresichã nguiã. Eibichĩ que ureso quia cot e ra. — † nda quiririã nandembutiba eã, ure que ra. Chipre, i que ejoõ je ra. ⁵ Cilicia que urechucuã cote ra. Panfilia abe que urechucuã nda. Urecuasẽ ngue Mira cote ra. Licia, i que ibi je ra. ⁶ Huee que soldados rerecua canoa cuasu nongue tea ra. Alejandría jenda rei canoa. — Oso ra Itáliaa, i que ure je ra. — Aque ye jẽingue, i que ure je ra. Ae ureso nguiã eye cote. ⁷ Ureitõte que oso quia ra. Ureque atate que ama ndisha rasa ra. Urecuasẽ nyee que Gnidoo ra. Quiririã mbeite que ureruba quitu ra. Nyebe ejoõ acua mo uresichã nguiã. Creta, i que ejoõ je ra. Salmón ngue urechucuã nda. ⁸ Ejoõ acua que uremama jiri ra. Quiririã icuã icuã ngue ure je ra. Buenos Puertos que urecuasẽ cote ra. Lasea, i que hue rurubinda je ra. Sucha tubiriãte que ra.

⁹ Ureitõ mocoite que huee ra. Quiririã tuchite chee que ra. Aba ireite que quiririã cote ra. Ama mose. Nyebe que Pablo ñee

mbia je ra. ¹⁰ —Nandecuata i i mose ra canoa ñiimi nande je. Mbae ra ñiimi ja canoa yenda. ¡Nande abe ra nandemanochĩ jê! i que Pablo ee ra. ¹¹ Soldados rerecua que Pablo cheê mumba ra. Canoanya cheê mumbayã. —Nyao rei, i que soldados rerecua ra. ¹² —Canoa ndua icuâte a. Quiririã aronea. Nyao rei a si. Ma nandecuasê âte Fenice. Huee nda nandecu are jiri nguiã. Huee que quiririã eã jiri. Nyao huee, i que ureataque ra. Fenice rei sucha tubiriã. Ejoõ acua jenda.

Quiririã mbia iquia serĩ

¹³ Quiririã ngue uba cote ra. Ichu chooño jiri que cote ra. —Nandecuatasa jirichĩ cote, i que ureataque ra. Canoa que embucuatã cote ra. Ejoõ acua ibi que ureso quia ra. ¹⁴ Urecuatã ramo mose que quiririã icuã tu ure je ra. Ejoõ acua quiti que eru ra. Noreste, i que aque quiririã je ra. ¹⁵ Quiririã ngue canoa mbucuatayã ureruba quiti ra. —Sã quiririã ae nanderuruchebi serao, ure chee que ra. ¹⁶ Ejoõ quitera quiti que ureso ra. Ejoõ ngue quiririã nyoote ure si ra. Claudia, i que ejoõ je ra. Canoa ñetê ngue urembuti serao quia ra. Canoa cuasu riita rese. Ejoõ quitera quiti que canoa ñetê urechuchã canoa cuasu ye cote ra. Eusite raque. ¹⁷ Canoa ñetê ngue urechuchã canoa cuasu ye ra. Canoa cuasu que echucua chucua ra. —Quiririã nda embuquiatachĩ nande je re, i que ra. Mbia siquiche tuchi que ra. —¡Eriiri iri quiti ra nyaochĩ jê! Nandejaã ndae, i que nyue ra. Nyebe que tiru canoa aronda mbuquichi cote ra. —Sã canoa ae si quia nandererao surucuatã, i que nyue ra. ¹⁸ Isamami abe que quiririã icuã icuã mbeite ra. Nyebe mbia mbae mombo mombo nguiã ii. Canoa yenda. Emumbebi sacua. ¹⁹ Aquere que ureitõ si no nda. Isamami ngue mbae uremombo mombo ja cote ra. Canoa mumbebi tuchi cote. ²⁰ Ureitõ mocoĩ mocoĩ tuchi ama ndisha riite re. Itõ nguicoi bei que ure je ra. Quiririã mbei. Pã i bei. Tenda checuayã mbei que ra. Nyasi tata abe checuayã bei que ra. —Nandecuasê mbeichĩ nda ibi je re. Ama ndisha riite re ra nandemanochĩ nde, ure chee que ra.

²¹ Mbae que ureu eã mocoĩ mocoĩ nda. Nyebe que Pablo juã ñee mbia je ra. Canoa yenda je. —Seresenda, secheê ngue jemumbachĩ nda. Secheê aba mumbayã mbichĩ. Crétaa nandecuchõ mbichĩ. † nda canoa yenda nandemomboãte ii. Mbae mbuquiachã nondechĩ. ²² ¡Jeñimbirãcuã ño jê! Nande mo nda mano eã. Canoa nda quiachã. Nande quiatu ra nandequiachã. ²³ Dios rimba rei se. Dios que ángel mo mbu ñee seje isa ra. ²⁴ “¡Eresiquichechĩ nda jê, Pablo! Eremano eã ndae. Erecuasê nyee

r a ererecua Roma jenda je. Nderĩ nda nderesenda mo manoã. Dios ra eteaquiatu ja,” i que ibatenda seje ra. ²⁵ Seresenda, ¡jeñimbirãcuã ño jê! Dios aicua tuchite quia co. Dios ra ucheê nyabiã nande je. Angel cheê nguire ra nandemanoã. ²⁶ Quiririã nda nandemondo ejoõ acua mo ndese, i que Pablo ra.

²⁷ Ureitõ mocoĩ mocoĩte que ama ndisha riite re ra. Catorce días. Quiririã ngue urerurucuatã chôte quia ra. Adria, i que ama ndisha je ra. —Ama nimia nanderubite rei reae, i que canoa yenda ra. Itondiite mose. ²⁸ Ama ndiite que embuchecha ra. ¿Ecuã tuchi ere? i que nyue ra. Treinta y seis metros. Pe jiri que embuchecha si no nda. Veintisiete metros cote. ²⁹ —¡Canoa nda cua ichĩ sita je jê! ¡Quiatachĩ nda jê! i que mbae nyue ra. Nyebe mbae usi mondo mondo nguiã ii canoa ndiquisã sacua. Mbae usi cuatro. Anclas, i que ñiqui je ra. Ae ecuaa chĩ nguiã canoa ndese embutiba. —Quiatuchu, nyaashĩ, i tuchi que equia ra. ³⁰ —Nandechã nyecuayã, i que canoanya rimba ra. Nyebe canoa ñetê mbuquichi mondo ii. —Mbae usi urechucua mondo ii. Urechucua canoa ai rese, i que uremburi irĩ nda. —Nandechã nyecuayã, i chõ mbei que equia nyue ra. ³¹ Pablo que ñee soldados je ra. Ererecua abe je. —Á chichõ eã mose canoa ye, jeñiimi ja rae. Ama nda jêiquia, i que Pablo ra. ³² Ae soldados canoa ñetê sã nyisia nguiã. Emondo ii. Hui esi cote.

³³ Nyaashĩ namo mose que Pablo ñee ja mbia je ra. —Mbae mo jêu jiri cote. Jeniãcuã mocoĩ mocoĩte que. Mbae mo ngue jêuãte catorce días. Jengueãte que catorce días no. ³⁴ Mbae mo jêu rã cote ae. † na jêquirãcuã jiri. Mbae mo nda jêi eã jêje. Jemo nda mano eã, i que Pablo ee ra. ³⁵ Aquere que Pablo mbichae sirõ nda. Iaanye, i que Dios je ra. Mbia resa rae. Nyisia que ra. U que cote ra. ³⁶ Pablo cheê ngue mbae ose i uquia mbia je ra. Mbia ja que mbae u cote ra. ³⁷ Urecuabête que canoa yenda ra. Doscientos setenta y seis que ure ra. ³⁸ Mbia ja que mbae u tuchi ra. Quiata a raanguia que emombo mombo ii cote ra. Canoa mumbebi sacua.

Canoa jaã

³⁹ Urechaashĩ ngue cote ra. Ibi rese que uremaa cote ra. —A ureicuayãte, i que mbia ibi je ra. Eicoinda rese que uremaa nda. Ama nimia turã. —Nyao nguichi huee. Eicoinda, i rei que ererecua ra. ⁴⁰ Anclas sã ngue echisia sia ra. Anclas recha bei ii. Canoa mbuchaa chaasa que embuquiata ra. Tiru icoi que embucheseconde quiririã je ra. Canoa ngue ngata ama nimia turã nguiti cote ra. ⁴¹ Iaãcuã eicoinda que canoa jaã nda. Eriquiraa eãsaa. Canoa ai que jaã tuchi

ra. I rebera tubiriã ngue ra. Canoa ndiita mbaaba aba. Eriita que nyiquiiso ra. Quiata que ra. ⁴² Soldados que ñee cote ra. —Ñ ecuasa riqui ã nae, ñã nandeiquia ja jê! ¶ nda echoi eã ita. Oso chee eã, i rei ngue soldados re. ⁴³ Soldados rerecua que Pablo iquia sereã nda. Nyebe ñee nguiã soldados je. —¡Ecuasa mo nda jêiquiachĩ jê! i que soldados je ra. Ererecua que ñe e mbia je cote ra. —Eita aquiata jêso ii. Jêso usê ama nimia ndese. ⁴⁴ Eita aquiataũ, jêso mbebi ira rese, i que soldados rerecua ure je cote ra. Eĩ ure ja que usê ama nimia ndese cote ra.

28

Ngasê ejoõ ácuua Máltaa

¹ Uresê ja que ama nimia ndese ra. — Malta, i que a je ra. Ejoõ acua je, i que hue jenda ure je ra. ² Hue jenda turâte que ure je ra. Tata que emendi ure je ra. Urechee sacua. Tiquindiiseite que eriqui ure je ra. ³ Pablo que nyea queru mbuchuuta ra. Nyea mbucha mose que mbei usê asi Pablo echĩ ra. Mbei que Pablo o shiu ra. ⁴ Eo resebe tuchi que eñi nda. Nyebe hue jenda ñee ñee nyue. —Mbia iquia iquiaa Pablo reae. Oso chee que ama ndisha si no. A mbei riqui eshiu a no. Mano nda cote reae. Huiicua mose, i rei que hue jenda nyue ra. ⁵ Pablo que mbei mbaba tátaa ra. Erasiã mbei que Pablo je ra. ⁶ Mbia que mae nguiatu Pablo rese ra. —Ma eruru. Embusiate rei rae. Mano ndae, i rei que ra. Mbia que mae nguiatute rei u nguiã erese. Erasiã mbeite que ee ra. Nyebe mbia ucheẽ mbuchebi nguiã. —Dios mo ndei Pablo, i que mbia cote ra.

⁷ Hue robeichõ ngue ererecua mbae ibi ra. Ejoõ acua rerecua. Publio, i que ererecua je ra. Urererao que uchuchúaa ra. Urembuquiaru turâte que ra. —Jêitõ mocoĩ jiri, i que ure je ra. Tres días que ureitõ erese ra. ⁸ Publio ru rasite que ra. Eracute que ra. Eruushi ruquite que ra. Pablo que oso erea ra. O que echono earõ nda. Ñee ngue Dios je ra. Nyerõ ngue cote ra. ⁹ Aquere que mbia rasi ngaẽ ngaẽ ja Pablo je cote ra. Ejoõ jenda ja. Dios que embucherõ ja ra. ¹⁰ Mbia que mbae mee mee tuchi ure je ra. Ureacuata mose que mbae chuchã nyuchã tuchi canoa ye ra. Urechuurã.

Pablo ngasê Rómaa

¹¹ Ejoõ acua que urecu bei ra. Tres meses. Canoa cuasu mo abe que chi beite aque rĩ nda. Alejandria jenda rei aque canoa. Dios Nyeremo, i que aque canoa je ra. Aque canoa ye que ureso cote ra. ¹² Siracusa, i que sucha tubiriã mo je ra. Huee que urecuasê nda. Huee que ureitõ mocoĩ nda. Tres días. ¹³ Hue si que ureso siquibi cot e ra. Ureacuasê ngue Regio ra. Huee que

ureitõ nda. Isamami ngue quiririã ureichu urequite quiti ra. Canoa maña turã. Co mii ngue ureque ama ndiite re ra. Ureacuasê ngue Puteoli ra. Huee que urequichi bei canoa si cote ra. ¹⁴ Jesús quiato mo ngue uretea huee ra. —Jenguchõ na urerese, i que ure je ra. Ae urecuchõ nguiã una semana erese. Aquere que ureso Roma nguiti cote ra. Ibi rĩ. ¹⁵ Jesús quiato que jirandu urerese cote ra. Roma jenda. Nyebe ecuã nguiã urerobeishĩ. Foro de Apio, huee que urerobeishĩ nda. Tres Tabernas, hue abe que urerobeishĩ ishĩ nda. —Iaanye, i que Pablo mae mose Jesús quiato rese ra. Pablo ia tuchi erobeishĩ mose. ¹⁶ Ureacuasê ngue Roma cote ra. Sucha tubiriã tuchi que Roma nda. Soldados rerecua que ecuasa mondo ja mbia icuã ndaarõsa je cote ra. Pablo mbuchao que ra. —Ndechuchua chõ eico nde, i que ee ra. Soldado mii ngue Pablo reaquiata bei quia ra.

Pablo Dios cheẽ senei senei Rómaa

¹⁷ Ureacuasê namo jiri mose que Pablo judíos rerecua munua j a ra. Roma jenda. Pablo que ñee ee ra. —Seresenda, mbae icuã ngue asaã eãte judíos je ra. Nanderamei ñee abe que amumba eãte ra. Judíos que semeeño Romanos je ra. Jerusalén seico mose. ¹⁸ Romanos ngue ñee tuchi seje ra. “Nandehui esi”, i rei ngue seriĩ cote re. “¿Mbaerã nda nandeiquia re? Mbae icuã mo ngue esaã eãte”, i que seriĩ nda. ¹⁹ “¡Jêhuichĩ nda esi jê!” i bei que judíos quia ra. Romanos je. Judíos quia ñi hui sereãte nguiã sesi. “Semondo ererecua tuchi je”, ae chee que se ra. Ererecua saa ra acheẽ icuã eã ndei judíos rĩ. ²⁰ Nyebe “Jenyu. Tamae jendese. Tacheẽ jêje”, ae que jêje ra. Mbia mano je ra quera si, nande chõ ndaque equia co. Úqui je chõ secuasa riqui nguiã co, i que Pablo judíos je ra. ²¹ Judíos rerecua que ñee Pablo je ra. —Jerusalén jenda que ucheẽ mbesa eãte imbu ure je ra. Ae ngaẽ ngaẽ nguia hue si, úqui abe que ñee icuã eãte quia nderĩ nda. ²² Ndecheẽ urechandu rã. Mangue chooñi eã mbia ñee icuã icuã jeni. Jesús quiato rĩ. Nyebe echeẽ ure je, i que Roma jenda Pablo je ra.

²³ —Aque mose ra urechu ndecheẽ andu, i que judíos Pablo je ra. Aque mose que ecuã jate cote ra. Pablo chuchúaa. Isamamimbe. Pablo que embaaquiata quiatu tuchi ra. Tenda mondo chee. Jesús rĩ ngue eriqui ñee ñee mbia je ra. Moisés chimbesa que esenei senei ee ra. Dios cheẽ mbuchecuasa chimbesa abe que esenei senei ee ra. ¶ nda mbia Jesús icua. —Dios quiarei ererecua tuchi, i tuchi que Pablo judíos je ra. ²⁴ Emo emo ngue Jesús isi ra. Pablo cheẽ mose judíos je. Eataque que Pablo cheẽ isiteã teã nda. Ichõiño nei equia ee reaẽ. ²⁵ Pablo cheẽ

ndui ja eã ngue ra. —Nyao rei erecha, i que eataque ra. Nyebe Pablo ñee ee. —Espíritu Turã ngue Isaías mbucheẽ turã nanderamei je cose ra. Eĩ ngue ñee nda:

²⁶ Eso rã ñee judíos je: “Secheẽ nda jeñandu rei nguĩã.

Jeñandu eã naanguia rae.

Jemae ndei nda erese re.

Jemae eã naanguia ra erese.

²⁷ Jeñia átãte.

Aba cheẽ mumba mumba.

Jendesa jemungue munguete.

Secheẽ jëicua sereãte.

Jemba sereãte seicha rui.

Nyebe aico nguĩã jembucheroãte”, i que Dios ra, ere ee,

i que Isaías chimbesa ra, i que Pablo ra.

²⁸ Pablo que ñee mbei ra. —Tacheẽ jêje, judíos. Judíos eã je ra Dios cheẽ uresenei senei cote. Ûquĩ nguia ra eya tuchi erese.

f nda Dios erirõ eicuã si, i que Pablo ra.

²⁹ Pablo cheẽ niĩ ngue judíos choi guiã ñee icuã icuã nyue ra. ³⁰ Dos años ngue Pablo riqui huee ra. Roma. Mbae isiquia que emondo mondo tuchuacha je ra. Huee eico mose. Pablo iate que eriqui ra. Mbia nyoĩ nyoĩ mose erea. ³¹ Mbia mo ngue Pablo cheẽ siquisã eãte ra. Jesucristo riĩ ngue eriqui ñee ñee mbia je ra. —Dios ra mbia rerecua tuchi, i que equia mbia je ra. —¿Mbaerã ereico ñee Jesús riĩ nde? i eã ngue emo Pablo je ra.

LA CARTA DEL APOSTOL SAN PABLO A LOS ROMANOS

Pablo ucheẽ mbesa mondo Roma jenda je

¹ Co aico co mbesa jẽje co. Se rei Pablo. Jesucristo rimba rei se. Dios que seirabo ra. Ucheẽ nenei nenei sacua. Dios que semingo icuẽ ra. Ucheẽ turã nenei nenei sacua. ² —Secheẽ turã tamondo mbia je, i que Dios cose ra. Ucheẽ nenei neneisa je ñee. Echeẽ ngue ique cote ra. ³ Dios cheẽ turã nandembiiranduchi Jesucristo riĩ cote. Dios riiri ndei Jesucristo. David riirina ngue tu íbii cote ra. ⁴ Jesucristo manonde, Espiritu Turã ngue embuquera ra. Dios quirãcuã je que embuquera ra. Dios riiri ndei Jesucristo. Nyebe Espiritu Turã embuquera nguiã. Mbia mbiirandu randu sacua Dios riiri ndese. ⁵ Dios turãte que ure je ra. Jesucristo riĩ. Nyebe ureirabo mingo nguiã ucheẽ nenei nenei sacua. I nda mbia mangu chooñoa jenda abe Jesucristo icua. I nda mbia mangu chooñoa jenda abe Jesucristo cheẽ mumbayã no. ⁶ Sã jẽ Jesucristo cheẽ jemumbayãte no. Sã Dios jẽirabo no. Jesucristo rimbarã. ⁷ Co ambesa mondo quia Rómaa jẽje co. Dios chesecua tuchi chõ jẽ nde. Dios que jemingo icuẽ uquiatorã nda. Nanderu chõ Dios re. Nandererecua chõ Jesucristo re. Sã uqui turã mbei riqui jẽje. Sã uqui ndiqui jembia tuchi.

Pablo oso sete raque Rómaa

⁸ —Jesús quiato tuchi chõ uqui ndiqui re, i jate mbia quia jeniã. Mangu chooñoa jenda abe. Nyebe aico nguiã gracias i tuchi Dios je co. ⁹ Dios cheẽ asenei senei mbeite quia mbia je co. Eriiri nui. Dios resa rae aico embesa mbesa jẽje a. Aico ñee mbeite Dios je jeniã co. ¹⁰ Aico ñee ñee mbeite Dios je co. I nda Dios semondo jendea. Semondose mose ra aso jendea. ¹¹ Seso sete raque jendea. Jembaaquiato quiatu sacua Jesús riĩ. Jembiiracuã sacua Jesús riĩ. ¹² Seso sete jendea. Nimbiasa sacua nyiese. Nandeico tuchi sacua Jesús rui. Nande Jesús nandeicuate resẽ. ¹³ Taso jendea, ae beite rei que se quia ra. Taembaaquiato quiatu Jesús riĩ, ae rei se. Eĩ nda Jesús jẽicua secheẽ nguire. Sã mbiamo Jesús icua tuchite secheẽ nguire no. Mbae seriquisã quisã mbeite. Nyebe asoã mbeite nguiã jendea. ¹⁴ Jesús cheẽ nenei nenei si ahui aroneãte. Tasenei senei tuchi mbia ja je. Griego ja je. Mbiamo abe je. Eaquiato je. Eaquiato abe je. ¹⁵ Nyebe aico nguiã icoquiature co, Jesús cheẽ nenei nenei sacua jẽje. Roma jenda je.

Jesús cheẽ quirãcuã tuchi

¹⁶ Aireĩ ireĩ eãte Jesús cheẽ nenei nenei mbia je. Jesús cheẽ quirãcuã tuchi quia ique nguiã aba chianguĩ ri. Aba rirõ sacua mbae icua si. Judíos je rane ngue Jesús cheẽ quirãcuã nda. Judío eã je abe no. ¹⁷ Jesús cheẽ nandembiirandu quia ã. Nande Jesús icua mose, Dios ra nandeisi turã uquiatorã. Mbae turã mo nandesã eãte raque. Ae Jesús icua quia nae, Dios ra uquiĩ isi turã tuchi.

Uquiĩ nda siqui bei cote,
i ñi embesa ji re.

Mbia icua tuchi Dios je

¹⁸ Ae siqui Dios rã eãte nae, uquiĩ nda Dios mbasi ja. Ae siqui icuate quia nae, uquiĩ nda Ibatenda mbasi ja no. Uquiĩ nandembiirandu quia nande co. Ichõiñoosa reã ñee andu sereãte quia ñene. ¹⁹ Jirandu tuchi rei que Dios rese ra. —Eĩ ae chõ nguiã co, i rei que Dios ee ra. Dios icua sereãte quia ñene. ²⁰ Dios rese mbia mae aroneãte raque. Dios quirãcuã ndese mbia mae aroneãte raque. Mbia ra Dios icua uchianguĩ re, echiao rese mae mae mose. Dios que mbae chao ja nyii ra. Aque mose bei mbia riqui mae mae Dios chiao rese co. Nyebe eriqui nguiã “Dios rese ureiranuãte”, i aroneãte. ²¹ Jirandu tuchi rei que Dios rese resẽ. Ñee turãyã tuchi chõchĩ Dios riĩ. Gracias iã ñochĩ Dios je. Nyebe eriqui nguiã ndua icua icua mbei. Nyebe eriqui nguiã itongui rĩ mbei. ²² “Ureaquiature” ichõiño ñochĩ equia uqui. Eaquiaturã ño siqui nguiã uqui. ²³ Hui tuchi que Dios si ra. Ae manõã mbeite quia, aque si. Sererecua i chõchĩ mbae ao ao ji je cote. Ae ra mano, uquiĩ je chõ eriquichĩ nguiã “sererecua”, i. Mbia raanguia je. Quiaa riinda je chõ eriquichĩ nguiã “sererecua” i. Ae mbebe quia. Ae uchã nguiã. Ae nguata quia nguĩe rese. Uquiĩ je chõ eriquichĩ nguiã “sererecua” i.

²⁴ Nyebe Dios hui nguiã esi cote. Mbae icua naa naa mbei sacua cote. ²⁵ Ñee ñooño tuchi Dios riĩ cote. “Nandererecua” i chõchĩ Dios chiao je cote. “Nandererecua” i rocoĩ Dios mii je. “Nandererecua” i bei chõ mbichĩ aba quia Dios mii je. Amẽn.

²⁶ Nyebe Dios erecha ja nguiã cote. Oco chooño sacua mbae icua ndese. Ubi icua ndese. Cuña mo oco oco nyiese si. Cuña ngu raã naa cuña nongue je. Siqui rocoĩ ngu rese. ²⁷ Hombre mo abe hombre nongue mo osei osei. —Seminisirã nde, i ñee ñee uchue si. Oco oco nyiese. Siqui rocoĩ nguiinis rese. Icha tuchi Dios si. Nyebe Dios riqui nguiã embasi tuchi co cote.

²⁸ Dios rese jirandu sereã. Nyebe Dios hui nguiã esi. Siqui bei bei sacua ubi icua ndese. Nyebe eĩ eĩ nguiã nyue mbae icua ndese. ²⁹ Eicua tuchi eriqui uqui. Ico chooño tuchi equia cuña ndese uqui. Ndua ndua

icua mbei tuchi equia ũqui. —Aque rã nda se chã, i beite equia emo mbae je ũqui. Mbia mbasi chooñote equia ũqui. Mbaecha ucuayã ñooño tuchi equia ũqui. Mbia icua i chooñote equia uchue ũqui. Mbia mbirĩ irĩ ñote equia ũqui. Mbia ucuayã ñooño mbeite equia ũqui. ³⁰ Ñee ñooño mbeite equia mbia mo nii ũqui. Dios ucuayã tuchi equia ũqui. Ñee icua icua mbeite equia aba cheẽ ndibishorõ ũqui. Ucuasu raã naa ñooñote equia ũqui. “Se quiarei i tuchi”, i beite equia ũqui. Emo mbiicua icua mbeite equia ũqui. Ngu cheẽ mumba mumba chooñote equia ũqui. Usi cheẽ abe mumba mumba chooñote equia ũqui. ³¹ Eaquiataũ tuchite ũqui. Ucheẽ mumba mumbate ũqui. Emo je eturã eãte riqui ũqui. Emo icua si eriqui tesareiatẽ ũqui. Eya eã eãte riqui emo ndese ũqui. ³² — Ae ũqui saã saã nguia mbae icua nae, ũqui nda amondo tata cuasu, i que Dios ra. Dios cheẽ icuare quiatu eriqui nguã mbae icua naa i ite. —Sã emo abe mbae icua naa naa nandechabe, i chee chee.

2

Dios mbia cuata tea ja

¹ —Dios ra ũqui mbasi rã ña, erechĩ nda ũqui mbia icua je. Nde i mose, nde abe ra ndeicua nyecua mbia je. —Seturãte aico co, jerechĩ nda jẽ! —Ũqui ndiqui mbae icua naa naa ũqui, nde i mose, ũqui icua sí chõ eresaã saã nguã nde abe aque. ² —Ae ũqui icua saã saã nguia, ũqui tambasi, i mose Dios, Dios ra embasi chooño eã. Maende erese quia ra embasi. ³ —Dios ra ũqui mbasi rã ña, erechĩ nguã huee. Eraã sí tuchi chõ ereicochĩ nguã ũqui sí raã naa aque. Nde abe ra Dios nembasi ũqui ndese resẽ. ⁴ Dios ia eãte raque aba icua ndese. Dios aba mbasi jei eã ndaque aba icua mosebe. Ñimbirãcuãte aba icua je. Coche ñene, ereã ñochĩ Dios chimbirãcuã mose ndeje. —Eyayã jẽ nda huicua ndese chã, i Dios quia nderĩ co. Nyebe eriqui nguã ñimbirãcuã ndeicua je. ⁵ Ndechiã ãtã tuchi chõchĩ. Ndeico sereã tuchi chõchĩ Dios rui. Ndeicua eremunua tuchi chõ nguia aque re. Dios nembasi nonde. Dios mbia icua mbasi ja mose ra nde abe mbasi. ⁶ Aque mose ra Dios mbia mbuchao chao. Emo emo nda emondo tata cuãsuu. Emo emo nda emingo bei no. ⁷ Ae eturã mbeite riqui, ũqui nda Dios mingo bei. Nyoi sete quia Dios rea re. Siqui bei serete quia mbia mingo beisa rese re. Nyebe ra Dios emingo bei cote. ⁸ Dios ra paama i tuchi mbia icua je. Mbasi tuchi rae. Mbia mbiicua tuchi quia ũqui nde. Dios cheẽ mumbate quiatu nguã. Nyebe ra Dios embasi tuchi. ⁹ Ae siqui mbae icua ndese,

ũqui ja ra Dios mbasi. Judíos icua nane nda embasi. Judíos eã abe ra embasi no. ¹⁰ Ae siqui mbae turã ndese, ũqui je ra Dios turã mbei. Judíos turã nane. Judíos eã abe cote. Mbia ra ũqui turã quia tuchi. Dios ra ũqui mbia tuchi. ¹¹ Co quiatu, i eã nda Dios mbia mo mii je. Mbia mii ndese ra ebia eã. Mae turã ja chõ nda erese.

¹² Ae jirandu eãte Moisés chimbese rese nae, ũqui siqui icua mose ra Dios embasi. Jirandu eãte raque Moisés chimbese rese. Ae Moisés chimbese icua nae, ũqui siqui icua mose ra Dios embasi. Moisés chimbese cheẽ nguire ra Dios embasi. ¹³ Ae Dios cheẽ ñandu chooño nguia nae, “taẽisi turã” iã nda Dios ũqui je. Ae Dios cheẽ mumbayã nguia nae, ũqui nguia ra Dios isi turã. ¹⁴ Ae judíos eã nae, ũqui Moisés chimbese ñandu eã mbeite raque. Ũqui mo ae siqui turã turã mbei mbae turã ndese. —Mbae turã nandesaã, ite eicua. Dios cheẽ andu eãte raque emo mose. ¹⁵ Ae ae chõ mbae turã icua nguã. Mbae icua abe icua. Mbae icua naa mose, “eicua asaã ñochĩ”, i tuchi eicua uchiangui re. Mbae turã abe raã mose eicua tuchi uchiangui re no. ¹⁶ Aque mose ra Dios ñee Jesucristo je. Ae icua mbia saã nye-cuayã cuayã nguia nae, ũqui nda Jesucristo mbuchecua ja cote. Jesucristo ra mbia icua mbasi mbae icua nii cote.

Judíos Moisés cheẽ mumba mumba

¹⁷ —Judíos chõ ure re, jenyẽ equia ũqui. — Moisés chimbese ra nandemingo bei, jenyẽ chõchĩ equia ũqui. —Dios quiarei ebia tuchi ure mii ndese, jenyẽ chõchĩ equia ũqui. ¹⁸ Ae Dios bite nae, ũqui jẽicuate quia jẽ ũqui. —Moisés cheẽ ureicuate quia ã. Nyebe mbae turã ureicua jate quia ã, jenyẽ chõchĩ nguia ũqui. ¹⁹ —Ure mii ño ñeenda Dios icha ureicuchĩ, jenyẽ bei chõchĩ equia ũqui. —Itondaru jenda uretesaete, jenyẽ chõchĩ equia ũqui. ²⁰ —Mbia aquiataũ urembaaquiato quiatu, jenyẽ chõchĩ nguia ũqui. —Mbia aracuayã urembaaquiato quiatu, jenyẽ chõchĩ nguia ũqui. Jẽ Moisés chimbese jẽicua aba reãte quia ũqui. — Moisés chimbese ñee ñooño eãte, jenyẽ raque quia eicua ũqui. ²¹ Jẽaracuayã mbia jembaaquiato quiatuchĩ nguã. ¿Mbaerã jẽmbaaquiato iã jẽ nyii re? —Mbae ra jem-buquiachãchĩ, jenyẽ chõchĩ equia ũqui. Jẽ sí chõ mbae jembaaquiachã nguã ũqui. ²² — Emo ninis rese ra jẽingochĩ, jenyẽ chõchĩ equia ũqui. Jẽ sí chõ jẽingo nguã emo ninis rese ũqui. —Ae je mbia riqui “Dios” i chooño nae, ũqui ndese ra jẽingochĩ, jenyẽ chõchĩ equia ũqui. Dios abareã mbae jem-buquiachã quiachã ñochĩ nguã ũqui. ²³ — Dios cheẽ ureicua tuchi quia ure ã, jenyẽ chõchĩ equia ũqui. Jẽ sí echeẽ jemumbate quia ũqui. Nyebe mbia riqui nguã ñee turã

eâte Dios rĩĩ ã. ²⁴ Nyebe embesa ji cheẽ ndiqui nguiã ique ã cote. Jẽ Dios cheẽ mumba mose, judíos eã ndiqui ñee icuã tuchi Dios rĩĩ ã.

²⁵ Coche circuncisión jẽsaã saã nguiã Dios je, jẽingo bei mose Dios cheẽ ndese. Jẽingo eã mose Dios cheẽ ndese, circuncisión naa eã naanguia chõ jẽingo nguiã ùqui. ²⁶ Ae circuncisión saã eã nguia nae, ùqui siqui mose Dios cheẽ ndese, circuncisión naande raanguia chõ eriqui nguiã ùqui. ²⁷ Ae circuncisión saã eã nguia nae, ùqui siqui mose Dios cheẽ ndese, Dios ia tuchi chõ ùqui ndese re. Eyare rocoĩ jendese. Jẽ nguia Dios cheẽ jẽmumba mumbate nguiã. Dios cheẽ jẽicuate raque. Circuncisión jẽsaã saãte raque. ²⁸ Ae judíos Dios cheẽ mumba mumba quia nae, judíos tuchi eã ño ùqui nde. Circuncisión naa naa ndaque. Ae circuncisión saã nguia nae, ùqui siquiã mose Espiritu Turã ndese, circuncisión turã eã ño ùqui nde. ²⁹ Ae Dios isi tuchi quia uchiangui re, ùqui nguiarei judíos tuchi. Ae siqui Espiritu Turã ndese, circuncisión tuchi chõ ùqui cote re. Ùqui je ra mbia achõ ñee turã eã. Dios abe quia ra ñee turã ee.

3

¹ ¿Mbaerã judiorã sete riqui mbia re? ¿Mbaerã circuncisión sete riqui mbia re? ² Eturãte quia mbia je re. Judíos je quiatu ngue Dios ucheẽ mondo nguiã. Mbiamo je eã. ³⁻⁴ Judíos mo hui hui raque Dios cheẽ si. Dios quia ra ñee ñoofoã mbei. Echeẽ nguia ra io bei. Mbiamo hui hui raque esi. Mbiamo ñee ñooño ndaque. I ñi embesa ji re: Ndecheẽ nda io tuchi mbia resa rae. Mbiamo icuã mose ndeje, nde quia ra ere tuchi mbia si, i que embesa ji re. ⁵ Jemo ngue ñee no nda: —Dios turãte riqui nandecuã je co. Mbae icuã nandesaã saã mbei chõ nguia. Mbiamo mae sacuaã Dios turã ndese. Dios nandecuã mbasi mose, Dios icuãte, i chõchĩ jemo. ¿Mañi nande ra ùqui ñee mose re? ⁶ Ichõĩño tuchi chõ ùqui nde. Dios icuã aroneãte. Dios icuã mose, eĩ nda Dios mbia icuã mbasi aroneãte rei. ⁷ Jemo ngue ñee ño nda. — ¡Nandechẽ ñooño ño nguia jẽ! Nandechẽ ñooño mose, mbia ra ñee turã Dios rĩĩ. “Ñee ñooñoso reã tuchi quia Dios riqui re,” i ra mbia Dios rĩĩ cote. Nyebe Dios riqui nguiã nandembasi ãte nandechẽ ñooño mose, i chõchĩ jemo. ⁸ —Mbae icuã nandesaã saã ño. I nda Dios turã nyecua mbia je, i chõchĩ jemo. Urecheẽ ãte ure ùqui ndesẽ. Ae ñee nguia ùqui, ùqui nda Dios mbasi.

Mbia mo eturã eãte

⁹ Judíos chõ nande re. ¿Nandeturã nda eriqui reĩ mbia mo si re? Tei. Nandeturã eã ño esi re. Nandecuã ja chõ ñene. Judíos eã

icuã ja chõ ñene. Judíos icuã ja chõ eno nde.

¹⁰ I ñi embesa ji re:

Emo eturã eãte. Aque mĩ mo eã.

¹¹ “Dios icha taicua”, iãte emo.

“Dios rese taico”, iãte emo.

¹² Mbiamo que icha icha jate Dios si ra.

Eicuã jate que eriqui ra.

Emo mbae turã mo saã eãte.

Aque mĩ mo eã.

¹³ Ùqui quiarei mbiamo raaque tã tãsa rã.

Aba mbiamo eã.

Sã eriqui ñee icuã mbei.

Mbiamo mbiĩrĩ irĩ tuchi ñee ñooño uchuru je.

Mbei rasi rã ño echeẽ nde.

Aba mbasi.

¹⁴ Echeẽ icuã achõ tuchi chõ ñene.

Mbiamo mbiicuaã tuchi chõ echeẽ nde.

¹⁵ Mbiamo iquia chooño ño ñene.

¹⁶ Mangue chooño ño eriqui nguiã mbiamo icuã naa naa.

Mbiamo mbiayã ñooño.

¹⁷ Ico chooñoa mbei mbiamo je.

¹⁸ Dios rese ndua eã tuchi,

i ñi embesa ji re. ¹⁹ Dios que Moisés chimbasa mee ja judíos je ra. Embesa ji mumbayã sacuaã. Mbiamo huiicuaã icua ja sacuaã. —Dios cheẽ nandemumba tuchi chõ nguia re, i nda mbiamo ja chã. ²⁰ Emo ñee aroneãte. —Embesa ji amumbayã mbeite quia co. Nyebe ra Dios seisi turã, i aroneãte emo. Dios que Moisés chimbasa mee mbiamo je ra. Mbiamo huiicuaã icua ja sacuaã.

Dios icuasa quia ra siqui bei

²¹⁻²² Dios que Jesús turã teacuquia nande je cote ra. Ae que mano nandecuã ndiquicharõ sacuaã nda. Nande Jesús icua mose, Dios ra nandesei turã cote. Eĩ ja chõ Dios mbiamo je re. Dios bia eã ño mbiamo mĩ ndese. —Jẽ Moisés chimbasa mumbayã mose, taẽisi turã, iãte Dios. —Jẽ Jesús icua mose, ùqui mose quiatu ra jaẽisi turã, ite Dios. Embesa ji ñiinda abe que ñee ñee Jesús rĩĩ nyii no nda. ²³ Nandecuã ja chõ ñene. —Aque eturãte, iã nda Dios nandemo je. ²⁴ Nandecuãte raque. Dios quia eturãte nande je re. —Mbae mo jemondo jẽicuaã ndibishorõ, i ãte Dios. Jesucristo que mano nandecuã ndibishorõ ndesẽ. Nyebe Dios riqui nguiã mae turã nanderese co. ²⁵ Dios que Jesucristo mondo mbiamo je ra. Mano sacuaã mbiamo icuã ndiquicharõ. —Jesús que mano seicuaã ndibishorõ nda, nande i mose, ùqui mose ra Dios nandemingo bei. Dios que mae ñooño mbiamo icuã ndese nyii ra. —Seriĩrĩ nguia ra mano nguiã eicuã ndiquicharõ, i que ra. Echeẽ ngue ique cote ra. Dios uturã ndeacuquia mose que echeẽ ique cote ra. ²⁶ Dios riĩrĩ ngue mano mbiamo icuã ndiquicharõ nda. Mbiamo mae sacuaã Dios turã ndese. Dios turã mbeite. Mbiamo icuã isi turã

nonde. Mbia Jesús icua mose ra Dios mbia isi turã.

²⁷ Nande ae ra nandeicua nandembutiã eã. Dios ae quia nandeicua mbutiã nguiã, Jesús icua mose. Nyebe nandeico nguiã nandecuasu raã naa aroneãte. Moisés chimbesa que nandemumba mumbate quia resê. ²⁸ Mbia Jesús icua mose, aque mose quia ra Dios mbia isi turã. —Taëisi turã, jê Moisés chimbesa mumbayã mose, iãte Dios nande je. —Jê Jesús icua mose, ũqui mose quiatu ra jaëisi turã, ite Dios nande je. ²⁹ Judíos achõ nderecua eã ño Dios re. Judíos eã abe rerecua chõ ñene. ³⁰ Emo abe eãte Dios. Dios mii ño ñene. Ae Jesús icua quia nae, ũqui nda Dios isi turã ja. Judíos abe isi, Jesús icua mose. Judíos eã abe isi, Jesús icua mose no. ³¹ Nande Jesús icua mose, Dios cheë mbesa ji riqui ua eã mbeite nande je co. Nande Jesús icua mose, Dios cheë nda nandemumbayã tuchi cote.

4

Abraham abe Dios icua

¹ Nandendua mbiã na Abraham ndese. Nandei ñiinda tuchi quia Abraham nde. ² Cose que Dios Abraham isi turã nda. Abraham mbae turã naa naa eã mose que Dios eisi turã nda. Dios icua mose quiatu que Dios eisi turã nda. Nyebe Abraham uturã naa naa aroneãte nguiã. ³ I ñi embesa ji re: Abraham ngue Dios icua ra.

Nyebe Dios eisi turã nguiã, i ñi embesa ji re. ⁴ Sã emo ndiqui quiei quiei emo je no. Mbae mo ndibishorõ. Ae echa mondo quia ee, mondochõ eã ño nguiã ee. Embae raã naa ndibishoronda chõ ũqui nde. Eĩ eã ño Dios re. ⁵ Dios chõ mbia icua isi turã nguiã. Emo Jesús icua mose, ũqui nda Dios isi turã. Emo mbae turã naa naa eã ndaque. Jesús icua mose, aque mose chõ Dios “ndeturãte seje,” i ee. Mbae turã naa naa eã ndaque. ⁶ David abe que ñee nda: “Ae je Dios ñee, ‘ndeturãte seje,’ i mose ee, aque ia tuchi chõ ñene. Mbae turã naa eã ndaque. Dios icuate quia ñene,” i que David ñee nda. ⁷ Co rei David chimbesa co:

Ae icua Dios mbutiã nae, ũqui ia tuchi chõ ñene.

⁸ Ae icua ndese Dios riqui mae ãte nae, eicuãte raque, Dios ra eisi turã.

Ũqui ia tuchi chõ ñene, i ñi David chimbesa re. ⁹ ¿Aba icua ño nda Dios mbutiã ña? Embia sacua ña. ¿Judíos icua achõ nda embutiã nde? ¿Ae circuncisión saã nae, ũqui achõ icua nda embutiã nde? Tei. Ũqui achõ eã ñene. Abraham Dios icua mose, aque mose tuchi chõ Dios eicua mbutiã nguiã esi. ¹⁰ Abraham circuncisión naa eã mose chõ Dios eicua mbutiã nguiã. Circuncisión naa nonde. ¹¹ Abraham

Dios icua mose chõ ngue Dios eicua mbutiã nguiã. Aquere quiatu ngue Abraham circuncisión naa nguiã cote. Circuncisión ndei marca Dios mbae. Dios Abraham isire chõ circuncisión naa nguiã Abraham je. — Abraham ngue aisi turã nda, i ñe Dios re. Ae circuncisión saã eã nae, ũqui abe chõ “seru” i nguiã Abraham je, Jesús icua mose. ¹² Ae circuncisión saã nae, ũqui abe chõ “seru” i nguiã Abraham je, Jesús icua mose. Ũqui nyicua chõ Dios re. Sã Abraham nyicua Dios no. Circuncisión naa eã mose no.

Abraham Dios icua mose, Dios ucheë mbuchebiã mbei ee

¹³ Dios que ñee Abraham je cose ra. — Ibi tamondo ja ndeje nembraerã. Nderiãrã mbaerã abe no, i que ee ra. Secheë mumbasa reã je chõ ibi tamondo, iã ño Dios re. —Ae seicua quia, aque je chõ tamondo, i que Dios Abraham ñi nda. ¹⁴ —Nandeico bei mose Moisés chimbesa ru, aque mose ra Dios nandemingo bei, i chõchõ judíos mo. Ũqui mose quiatu ra nandeico rei Jesús icua chooño. Ũqui mose quiatu ra Dios cheë ique ãte rei nande je. ¹⁵ —Ã jësaã saã, i mose Dios, emo echeë mumba mose, ũqui nda embasi. —Ã jësaã saã, iã mose, emo nda embasiã cote.

¹⁶ Dios turãte quia ñene. Nyebe eriqui nguiã mbae mondo chooño nande je eicua mose. Judíos achõ je eã ño eriqui nguiã mbae mondo mondo. Judíos eã je abe chõ eriqui nguiã mbae mondo mondo, Dios icua mose. Sã Abraham Dios icua no. Sã Dios mbae mondo mondo ee no. Nyebe nandeico nguiã “nanderu” i Abraham je co. Ae rane nguiatu ngue Dios icua nguiã. ¹⁷ Nyebe embesa ji riqui nguiã i:

Dios que ñee Abraham je ra.

“Nde ra mbia i tuchi.

Ibi jenda ja i tuchi ra nde”, i que Dios Abraham je ra,

i que embesa ji ra. Dios ra mbia mangu chooñoa jenda ja isi turã, Jesús icua mose. Dios cheë sí tuchi chõ ã nde. Dios ae mbia raque mbuquera nguiã. Ae emoãte namo nae, Dios ae ra ũqui nyao no. ¹⁸ —Nderiãrina tamee ndeje. Eretiãrã nda cote. Mbia ja i ra nde cote, i que Dios Abraham je ra. Abraham ngue “nyia, eno”, i Dios cheë mose ra. Amei tuchi raque. Tiãrã aroneãte raque aba je. ¹⁹ Amei tuchite raque. Cien añote raque. Eninisi abe arite raque. Eninisi rie chuamate raque. —Dios ra seriãrina mee seje ucheë nguire, i que Abraham nda. — Ureimate nyeresê. ¿Mañi nda Dios ureriãrã mee ure je re? i ãte que Abraham nda. ²⁰ Abraham ngue “nducua” iã mbeite quia Dios cheë mose ra. “Nyia, eno”, i beite que equia Dios cheë mose ra. Ñee turã mbei

que equia Dios rĩ nda. ²¹—Dios quirãcuã tuchi quia ñene. Ae ra ucheẽ nyabiã nã ñeende seje, i que Abraham nda. ²²Nyebe Dios Abraham isi turã nguiã. —Abraham ndiqui seicua tuchite co, i que Dios ra. ²³⁻²⁴Abraham mũ je eã ño Dios riqui nguiã ñee. —Abraham seicuate. Nyebe aico nguiã eisi turã co, i que Dios ra. Abraham mũ je eã ño embesa ji riqui nguiã ñee. Nande abe je chõ eriqui nguiã ñee. Nande Dios icua mose, Dios ra nande abe isi turã. Dios sí que Jesús raaque mbuquera ra. ²⁵Dios que Jesús mbu íbii nande je ra. Mano ngue nandecuã ndiquicharõ nda. Aquere que Dios embuquera si cote ra. Nandembitirõ sacua ngue Dios embuquera ra.

5

Nande Jesús icua mose, Dios riqui nandeiisi turã

¹ ã nandeico Jesucristo icuate ã. Nyebe Dios riqui nguiã nandeiisi turãte cote. Nyebe Dios riqui nguiã nandembiate cote. ² ã nandeico Jesucristo icuate ã. Nyebe Dios riqui turãte nguiã nande je co. Dios turã tuchi. Dios ra nandemingo Jesucristo rã si tuchi cote. Ûqui ño nandesaarõ arõ nguiã ã. ³ Ûqui mũ eã ño nandembia nguiã. Mbia icuã icuã ndaque ra nande je, ùqui mose abe chõ nda Dios nandembia no. Mbia icuã icuã mose nande je, Dios ra nandechiã mbucoi turã. Nandeico tochi sacua. ⁴ Nandeico tochi mose, Dios ia tuchi ra nanderese. Dios ia mose nanderese, Dios cheẽ nandesaarõ arõ na. Sã echeẽ ique rã nande je. ⁵ Nande Dios cheẽ ndaarõ arõ mose, ae ra ucheẽ nyabiã. Ae quiatu ngue Espiritu Turã mondo nguiã nande je. —Dios riqui nyesequate jendese co, i Espiritu Turã nguia nande je co.

⁶ Mbae turã ngue nandesã aroneãte nandechue, aqwe mose que Cristo mano nande je ra. Nandecuã mbitirõ sacua. ⁷ Mbia mo mano aroneate emo ndibishorõ. Nande turã mose, aqwe mose abe ra emo mano aroneãte nanderibishorõ. Eturã tuchi mo ndibishorõ nguia emo mano sete raque reae. ⁸ Cristo quiatu que mano nanderibishorõ nandecuã tuchi mose ra. Nyebe nandeco nguiã ñee: —Dios riqui nyesequa tuchite nanderese co, i. ⁹ Cristo mano mose que nandecuã mbitirõ cote ra. Ae ra nandemingo icue Dios mbia icuã mbasi mose. ¹⁰ Dios riiri ngue mano nande je ra. Nande Dios ucuayã mose. Ae quia ngue eturã mbeite riqui nguiã nande je. Dios que “sequiatorã jẽ”, i nande je cote ra. Nyebe ra nandeico tuchi erese cote. Jesús quiatu ngue quera sichĩ nguiã nande je cote. ¹¹ Nyebe nandeya tuchi riqui nguiã Dios rese co. Jesucristo rĩ. Jesucristo quiatu ngue mano nguiã nande je.

Adán na eã tuchi chõ Jesucristo re

¹² Mbia mũ nane ngue siqui nyii ra. Aqwe rane ngue mbae icuã saã nande je ra. Nyebe mbia icuã jate riqui nguiã cote. Nyebe Dios riqui nguiã ñee. —Mbia ra mano ja, i cote. ¹³ Mbia que mbae icuã saã saã ndei quia nyii ra. Moisés Dios cheẽ mbesa nonde. —Dios cheẽ ngue jemumbachi nda, i aroneãte que aqwe mose ra. Dios cheẽ mbuchecua iriãte quiatu ngue aqwe mose re. ¹⁴ Adán nane ngue Dios cheẽ mumba cose ra. Aqwe mose bei chõ ngue mbia mbae icuã naa naa nguiã cote. Nyebe mbia riqui nguiã mano mano ja huicua mose cote. Moisés que Dios cheẽ mbesa chee ra. Moisés embesa nonde que mbia mano mano ja huicua mose ra. Jesucristo rã eã tuchi chõ Adán nde.

¹⁵ Adán nane tuchi que mbae icuã saã nda. Jesucristo quiatu que mbia rirõ nguia mbae icuã si ra. Adán mbae icuã naa mose, aqwe mose bei que mbia mano mano cote ra. Jesucristo mbae turã naa mose, ae que mbia icuã mbitirõ tirõ cote ra. Dios turã ni. Jesús chisaã nguia rei Adán chisaã na eã tuchi. ¹⁶ Adán ae rane ngue mbae icuã saã cose ra. —Mbia ra mano mano ja cote, i que Dios cote ra. Adán icuã ndese maende. Ae Adán saã icuã nande je nae, aqwe je que Jesucristo mano nda. Jesucristo turãte que mbia je cote ra. Nyebe Dios riqui nguiã nandeiisi turã, nandecuã ndese mae ndocoĩ. ¹⁷ Adán ae que mbae icuã saã nyii ra. —Mbia ra mano mano ja cote, Adán mbae icuã naande, i que Dios cote ra. Jesucristo ae que mbae turã saã mbia je cote ra. Mbia icuã mbutiã sacua esi. Ae Jesús turã icua quia nae, ùqui nda Dios mingõ turã mbei, ùqui icuã ndese mae ndocoĩ.

¹⁸ Adán ae que mbae icuã saã nyii ra. —Mbia ra mano mano ja cote, i que Dios cote ra. Adán icuã ndese maende. Aquere que Jesucristo mbae turã naa mbia je cote ra. Mano nguiatu ngue mbia riquicharõ nde. Nyebe Dios riqui nguiã nandemingo bei co cote. Jesús rĩ ae ñene. ¹⁹ Adán Dios cheẽ mumba mose, mbia mbicua ja que ùqui cote ra. Jesucristo Dios cheẽ mumbayã mose chõ mbia tubiriã mbuturã nguiã no. ²⁰ Dios que ñee Moisés je ra. —Secheẽ embesa mbia je, i que ee ra. ñ nda mbia jirandu tuchi huicua ndese. Mbia icuã i i tuchi mose, eĩ ño Dios turã i i tuchi mbia je no nde. ²¹ Adán mbae icuã naa mose, mbia mbicua ja chõ ùqui nde. —Mbia ra mano mano cote, i que Dios cote ra. Jesucristo que mano nandecuã ndiquicharõ cote ra. Aqwe mose que Dios uturã ndeacua tuchi nande je cote ra. Nandembuturã sacua cote. Nandemingo bei sacua cote.

6

Nandeyasu chõ nandeico nguiã ã cote

¹ ¿Mañi nande ra cote re? ¿Mbae icuã nda nandesã i i re? ¿Dios turã i i sacuã nande je re? ² Tei. Dios biãte ùquĩ. Jesús rese que nandemano ndesẽ. Nandemano ngue mbae icuã naa eã sacuã ndesẽ. ¿Mañi nande ra mbae icuã naa naa si re? ³ ¿Jẽiranuãte bautizar i rese re? —Jesús resenda tuchi chõ ùquĩ ndiqui re, i nda mbia bautizar ire nande je chã. Nande bautizar ire, nandemano nde raanguia chõ ùquĩ nde. Mbae icuã naa eã sacuã cote. ⁴ ¿Mbaerã ño bautizar nande chã? —Amano ngue Jesús rese ra, i chõ bautizar i re. —Seati que Jesús rese ra, i chõ bautizar i re. —Dios que sembuquera si Jesús rese ra, i chõ bautizar i re. Sã Dios quirãcuã Jesús mbuquera eraaque mose no. Eĩ nande chõ siqui nandeyasu ae.

⁵ Nandeico Cristo rese ã. Nandemano mose Cristo rese, nandereco yasu chõ nandeico nguiã erese ã. ⁶ Cristo mbucha mose ira rese, nandeicuã abe que Dios mbucha ira rese ra. Nande mbae icuã osei chiã sacuã ño ùquĩ nde. Mbae icuã nimba nda nandeico eã cote chã. ⁷ Mbia raaque quia mbae icuã saã aroneãte nguiã. Eĩ nande chõ nguiã mano mose Cristo rese ã. Mbae icuã naa aroneã. ⁸ Nandemano mose Cristo rese ira rese, nandemingo bei ra uchiese cote. Ae rã si. ⁹ Cristo que mano nda. Quera si que cote ra. Aquere ra mano siã cote. ¹⁰ Aque mii ngue Cristo mano mbia icuã je ra. Quera si que cote ra. Mano si eã ndae. Siqui bei equia Dios rese co. ¹¹ Jendaaque chõ jẽsaã saã mbae icuã je. Jenderecuã eã mbae icuã cote. Jesucristo rese nandeico tuchite ã cote. Mbae yasu rã ño nandeico nguiã Jesucristo rese ã cote.

¹² ¿Mbae icuã ndese ra jẽngochĩ jenderecuãrã jẽ! Jẽ mba e icuã osei mose, jẽteachõ ño jẽ! ¹³ Jendete ra jemee meechi mbae icuã je jẽ! Dios je quia jendete jemee. Mbae turã naa sacuã. Cristo rese que jemano ndesẽ. Jẽyasu chõ ngue jẽquera si Cristo rese resẽ. ¹⁴ Nandererecuãrã eã nda mbae icuã cote. Moisés chimbasa rui eã ño nandeico nguiã ã cote. Dios turã ndui ae chõ nandeico nguiã ã cote.

Mbae turã nimba chõ nandeico cote

¹⁵ Dios turã ae nandemingo nguiã. ¿Ùquĩ mose ra mbae icuã nandesã saã nde? Tei. Dios biãte ùquĩ. ¹⁶ Nande nandechimondo mose mbae icuã je, mbae icuã nda nandererecuãrã cote. Mbae icuã nda nandeiquia chee cote. Nande nandechimondo mose Dios je, ae ra nandererecuãrã cote. Ae ra nandemingo bei mbae turã ndese cote. ¹⁷ Jẽingo bei que mbae icuã ndese jenderecuãrã nyii ra. Mbia Jesús cheẽ nenei nenei mose jẽje, jẽisi turã ño ngue cote ra. Æ jẽingo echeẽ mumbayã ã cote. Nyebe aico nguiã gracias ite Dios je co. ¹⁸ Dios que

jendirõ mbae icuã si cote ra. Mbae icuã ndese ra jẽingoã cote. Mbae turã ndese bei ra jẽingo cote. ¹⁹ Secheẽ ambuchecua tuchi quia jẽje co. Jẽ eicua tuchi sacuã. Jendete que jemondo tuchi mbae icuã je nyii ra. Jẽ ngue jẽingo i i tuchi mbae icuã ndese nyii ra. Jendete jemondo Dios je cote. Mbae turã naa i i sacuã cote.

²⁰ Mbae icuã mbaerã ño jẽingo nguiã cose. Mbae turã ngue jẽsaã aroneãte quia aque mose ra. ²¹ Jẽireite mbae icuã naa naande cote. Jenyisaã saã mbae icuã ñiinda, ùquĩ ngue mbae turã mo mondo ãte jẽje resẽ. Ae mbae icuã saã i ite quia, ùquĩ nda mano. ²² Dios que jendirõ mbae icuã si cote ra. Dios rimba chõ jẽ cote re. Nyebe Dios jemingo nguiã icũe mbae icuã si. Nyebe ra Dios jemingo bei ibate manonde cote. ²³ Ae mbae icuã saã saã nguia nae, ùquĩ nda Dios mbasi bei manonde. Ae Jesucristo icua quia nae, ùquĩ nguiatu ra Dios turã mingo bei. Mbae turã naa eã ndaque. Dios turãte quia ee re.

7

Eraaque rã ño nandeico nguiã Moisés chimbasa je cote

¹ Sã jenderecuã ibi jenda mo no. Echeẽ jemumba aroneate no. Jemano mose, jenderecuayã nda cote. ² Sã cuña mo ndiqui ngu rese no. Cuña mo ngu rerequia mose, sã eriqui bei erese. Eru mano mose, aque mose ramo nda siquã ere se cote. Aque mose ramo nda ae ae riqui cote. ³ Ngu reco mose, siqui aroneãte emo ndese. Siqui mose emo ndese, Dios cheẽ mumba chõ ùquĩ nde. Eru mano mose, aque mose quiatu ra ngu mo ndea cote. Dios cheẽ mumba eã ño ùquĩ nde.

⁴ Eraaque rã ño jẽingo nguiã Moisés chimbasa je ùquĩ cote. Cristo quiatu que mano jeniĩ nda. Quera si que jeniĩ no nda. Cristo rese chõ jẽingo nguiã ùquĩ cote. Dios je mbae turã naa naa sacuã ño jẽingo nguiã erese ùquĩ cote. ⁵ Nandeico mose mbae icuã ndese nyii, mbae icuã achõ ño ngue nandechosei chosei quia aque mose ra. Nandebi tuchi que Dio s cheẽ mumba mumba aque mose ra. Nyebe que nandeico mbae icuã naa i i tuchi aque mose ra. Eĩ nda nandeicuã nandeiquia rei aque mose. Espíritu Turã nandembiasu eã mose. ⁶ Eraaque rã ño nandeico nguiã Moisés chimbasa je ã cote. Moisés chimbasa rui eã ño nandeico nguiã ã cote. Dios cheẽ mii ndui chõ nandeico nguiã ã cote. Espíritu Turã nguiatu ngue nandembiasu nguiã. Espíritu Turã ño nandembaaquiatu nguiã ã cote. Moisés chimbasa achõ eã ño cote re.

⁷ —Moisés chimbasa icuãte, ae ãte raque quia co. Moisés chimbasa quiatu que sembiirandu seicuã ndese resẽ. —Eicuãte

quia emo mbae oseï oseï riqui re, i que Moisés chimbese ra. Eï nda seiranuâte rei ùquĩ ndese. Moisés chimbese eande ndae. Moisés chimbese ae ngue sembiirandu nguiã ùquĩ ndese. —Eicuâte ùquĩ, i seje. ⁸ Moisés chimbese sembiirandure mbae icuã ndese, mbae icuã achosei i i tuchichĩ cote. —Mbae icuã nda jêsaã saãchĩ, i mose chõ mbae icuã achosei i i tuchichĩ cote. Emo Moisés chimbese icuayã mose, mbae icuã abe ra icuayã no. ⁹ Moisés chimbese que aicuayãte quia nyii ra. Seturã aico rei aque mose. Moisés chimbese que aicua cote ra. Eicua mose que echeẽ amumba i i tuchi cote ra. Ûquĩ mose que seicuã aicua cote ra. ¹⁰ Mbia mingo bei sacuã ndaque Moisés chimbese. Ae que semingo bei eã nda. Moisés chimbese amumba mumba bei chõchĩ. Nyebe aico nguiã isho tuchi Dios si aque mose. ¹¹ Seicuã ño ngue sembiirĩ irĩ mbei quia nyii ra. Se Moisés chimbese icua mose, seya eã tuchi que aque mose cote ra. Seicuã nda seiquia chee, ae que se ra. ¹² Moisés chimbese turãte raque. Dios cheẽ ndaque.

¹³ Moisés chimbese turãte. Ûquĩ je eã ngue Dios paama i seje ra. Seicuã ae quiatu que Dios mbupaama i seje ra. Moisés chimbese que sembiirandu tuchi seicuã ndese ra. Se Moisés chimbese turã icua mose, ùquĩ mose que seicuã Dios mbupaama i seje ra. Nyebe Dios Moisés chimbese mee nguiã nande je. Nandeicuã mbuchecua tuchi sacuã nande je.

Nandechianqui renda icuã ño nandeisi isis nguiã

¹⁴ Moisés chimbese turãte raque. Se ae seicuã nde. Mbia chõ se re. Moisés chimbese amumba mumba chõchĩ nguia co. ¹⁵ Mbae turã asaã mbite raque. Mbae icuã asaã eã mbite raque. Mbae icuã nguia seisi isite nguiã. Mbae turã uquia reã. ¿Mbaerã aico mbae turã naa eãte re? ¹⁶ Ae asaã sereãte quia nae, ùquĩ asaã mbeichĩ. Moisés chimbese turãt e raque. Aico echeẽ mumba mumba mbeichĩ. ¹⁷ Se ae chõ eã ño aico nguiã mbae icuã naa naa co. Sechiangui renda icuã nguia “mbae icuã esaã saã”, ite nguiã seje co. Nyebe aico nguiã mbae turã mo naa eã mbeite co. ¹⁸ Seicuã tuchi chõchĩ se. Seturã mo eã tuchichĩ se. —Mbae turã tasaã, aete raque quia co. Aico mbae icuã naa naa mbei chõchĩ co. ¹⁹ Sebite raque mbae e turã. ¿Mbaerã aico mbae turã naa eãte re? Sebiãte raque mbae icuã. ¿Mbaerã aico mbae icuã naa naa mbeite re? ²⁰ Se ae eã mbae icuã asaã saã nguiã. Sechiangui renda icuã nguia “mbae icuã esaã saã” ite nguiã seje. Sechiangui renda icuã ño seisi isis nguiã mbae turã si co.

²¹ “Mbae turã tasaã”, i mose se, mbae icuã ño seriquisã quisãchĩ nguiã co. ²² Sebite raque Dios cheẽ sechiangui re. ²³ —Dios cheẽ ndese taico, ae rei nguiã sechiangui re co. Sechiangui renda icuã nguia seriquisã quisãte nguiã. Nyebe aico nguiã mbae icuã naa i ite. ²⁴⁻²⁵ Dios cheẽ ndese aico sete raque. Sechiangui renda icuã nguia semingo beite nguiã mbae icuã ndese. Seraanquete aico co. Nyebe seya eãte aico co. ¿Aba quia ra seicuã mbitirõ nde? Jesucristo quia ra seicuã mbitirõ cote. Nyebe aico gracias i tuchi Dios je co.

8

Espiritu Turã ndiqui nandembui mbae icuã si

¹ Ae Jesucristo icua quia nae, ùquĩ nda Dios mbasiã mbei. ² Nande Jesucristo icua mose, Espiritu Turã nda nandechiã mbi-asu. Espiritu Turã nda siqui nanderese, mbae icuã naa eã sacuã. Eï nda nandemano mbeite rei, mbae icuã naa naa mbei mose. ³ Moisés chimbese que nanderirõ aroneãte mbae icuã si ra. Echeẽ nguiatu ngue nandemumbayã aroneãte nguiã. Mbi-ate quiatu ngue nande re. Nandequirãcuã nea. Dios que ndua nanderese ra. Nyebe nguiirĩ mondo nguiã nande je. Mbia rã ngue Jesús ru ibii ra. Mbia icuã jate raque. Ae mii ngue icuã eã nda. Ae que mano nandeicuã ndiquicharõ nda. Nyebe nandererecua eã ño mbae icuã cote re. ⁴ Jesús que mano nande je ra. Nyebe mbae icuã ñumbirãcuã eãte nande je cote. Nyebe Dios cheẽ nandemumbayã arondete namo cote. Espiritu Turã ndui chõ nandeco nguiã cote. Mbia icuã ndui eã ño nandeco nguiã ã cote. ⁵ Ae siqui quia Espiritu Turã ndese nae, ùquĩ ño siqui nguiã Dios cheẽ ndui si. Ae siquiã nguia Espiritu Turã ndese nae, ùquĩ ño siqui nguiã uchiangui renda icuã ndui si. ⁶ Ae siqui quia Espiritu Turã ndese, ùquĩ ia bei ra eriqui. Siqui bei rae. Ae siquiã nguia Espiritu Turã ndese, ùquĩ nda siquiã. Mano ndae. ⁷ Nandechiangui renda icuã nguia siqui icuã icuã mbeite nguiã Dios je. Nandechiangui renda icuã nguiareï Dios cheẽ mumbayã aroneã. ⁸ Ae siqui bei quia uchiangui renda icuã ndui, ùquĩ siqui aroneãte Dios cheẽ ndui.

⁹ Eï jenyee eãte raque jẽ. Espiritu Turã ndui chõ jéingo nguiã jẽ. Espiritu Turã nguia siqui nguiã jeñiangui re. Espiritu Turã siquiã mose emo ñiangui re, Cristo rimba eã ño ùquĩ nde. ¹⁰ Jesucristo riqui jeñiangui re ùquĩ. Jendete ra mano ndaque mbae icuã je. Espiritu Turã nda jeãingue mingo bei ibate. Dios quiatu ngue jéisi turã nguiã. ¹¹ Dios que Jesucristo raaque mbuquera ra. Eï si ra Dios nanderete raaque mbuquera Espiritu Turã

quirãcuã je no. Eĩ si ra nanderete mbiasu, Espiritu Turã siqui mose nandechiangui re.

¹² Nandechiangui renda icuã ndui nandeico aroneãte cote. ¹³ Nandechiangui renda icuã ndui nandeico mose, nandemano mbei ra equia. Espiritu Turã nandebi icuã mbutiã mose, nandemingo bei rae. ¹⁴ Ae je Espiritu Turã ndiqui ñee nae, “eĩ jenyẽ” i nae, Dios rimba chõ ũqui nde. ¹⁵ Nande Espiritu Turã isi mose, aque mose bei chõ Dios ririĩ nande cote re. Dios rimbachõ eã ño nande cote re. Dios ririĩ tuchi chõ nande cote re. Nandesiquiche tuchi que equia Dios si nyii ra. Nandesiquicheate esi namo cote. — Paba, nande chõ nguiã e e co cote. ¹⁶ — Dios ririĩ tuchite jẽ, i chõ Espiritu Turã nguiã nandembiirandu tuchi. — Dios ririĩ tuchi rei nande re, nande chõ nguiã nande abe nandechiangui re co. ¹⁷ Dios ririĩ tuchite quia nande re. Nyebe ra Dios mbae mondo tuchi nande je Jesucristo rese. Sã ñi mbia Jesucristo mbasi cose no, eĩ si ra mbia nandembasi nande abe. Aquere ra nandeico turã mbei erese ibate cote.

Mbae turã mbei jee ra nande je nandeico mose ibate

¹⁸ Mbia ra nandembasi raque a nyii. Dios ra nandererao bei ibate cote. Aque mose ra mbae turã mbei nande je cote. Nyebe ra nandetsarei nanderasi jua si cote. Nandeico bei mose ibate. ¹⁹ Dios ra huiçuasa mbuchecua ja aque mose. — Co rei seicuaa co. Co abe no. Co abe no, i ra Dios aque mose. Ũqui ño nandesaarõ arõ nguiã ã. Ae Dios chao mbae ja, ũqui abe riqui ũqui ndaarõ arõ ã. ²⁰ Adán mbae icuã naa namo mose, mbae icuã ja que aquere cote ra. Dios chiao icuã ja cote. Dios que mbae mbiçuã ja Adán mbae icuã naa namo mose ra. ²¹ Eĩ mbei eã nda mbae. Mbae ra nimbiritõ ja cote. Ñimbiasu ra cote, Jesús tu mose ibii cote. Mbae ra manoã cote. Mbae ra shi eã cote. Jesús quiato rese ra mbae nyiçuabo ja aque mose cote. ²² Dios chiao ra nyiçuabo ja aque mose. Dios chiao ia eãte quia namo nde. Áquẽ ndasi rá ño eriqui nguiã namo. Nyebe ra Dios uchiao mbiasu ja cote. ²³ Dios que Espiritu Turã mondo nande je ra. Nyebe nandeico nguiã ñee, “Dios ra nandembiasu nguiirina tuchi cote”, i. Aque mose ra Dios nandembuchiçuabo tuchi uchiao ja rese cote. Namó ño nanderasi rasi re. Nandeya eãte abe no. Nandembuchiçuabo mose, nanderete abe ra embiasu. ²⁴ —Jendete tambiasu, i que Dios nanderirõ mose mbae icuã si ra. Ũqui ño nandesaarõ arõ nguiã ã. Nanderete yasu eãte namo. Nyebe nandeico nguiã eraarõ arõ ã. ²⁵ —Jendete tambiasu, i que Dios

nande je ra. Nyebe nandeico nguiã eraarõ arõ mingue ã.

²⁶ Nandequirãcuã neate nande. Nyebe Espiritu Turã ndiqui tuchi nguiã nanderese. Sã nandeico ñee: “¿Mañi nande ra ñee Dios je re?” i nandechiangui re. Nandechẽẽ ndequia requia mose chõ nandeico nguiã iabu abu. Nandeiahu mose chõ Espiritu Turã ndiqui nguiã ñee turã Dios je nanderiĩ. Nandeuru ñee Dios je nandechiangui re. ²⁷ Dios mbia chiã icua jate quia co. Espiritu Turã ñee mose Dios je nandeuru, Dios echeẽ icua chõ nguiã aque. Dios cheẽ ndui si chõ Espiritu Turã ndiqui nguiã ñee Dios je Dios icuasa riã. ²⁸ Ae nyesecua quia rese, ũqui je chõ Dios riqui nguiã mbae turã naa ja. Dios quiatu ngue eirabo nguiã. Ndua quiatu ngue erese nyii re.

²⁹ Ae res e Dios riqui nduate nyii nae, ũqui ngue Dios mingõ icuẽ nyii ra. Jesucristo rá si embiasu sacuã. Nyebe nandeico nguiã Dios ririĩ tuchi Jesucristo rese cote. Jesucristo rei nanderiquii cote. Nande tubiriãte ra Dios quiato cote. ³⁰ Dios que ndua nanderese nyii ra. Aquere que nandemingo icuẽ umbærã cote ra. Nandesi turã ngue cote ra. — Mbia tamumae turã ja jendese jẽingo mose ibate, i que Dios nande je cote ra.

Mbae mo nda nandembui eã mbei Dios si

³¹ Dios riqui tuchi nanderese co resẽ. Nyebe ra emo ñimbirãcuã eã nande je cote. ³² Dios que nguiirĩ mii mondo nande je ra. Mano sacuã nandeicuã je. Eĩ nda mbae mondo ja nande je no. Sã nguiirĩ mondo nande ja je no. ³³ Dios chesecua tuchi chõ nande re. Emo ñee icuã aroneãte nande je. Dios quiatu ngue nandesi turã nguiã. ³⁴ Cristo que mano nandeicuã je ra. Quera si que ra. Dios quiatocuti eñi ngoi hue cote. Ñee turã turã nanderiĩ Dios je hue cote. Nyebe emo ndiqui nguiã ñee icuã aroneãte nande je cote. ³⁵ Mbae mo Dios mbesarei aroneãte nandesĩ. Nyese-cua beite quiatu nguiã nanderese co. Nanderasi arondete raque. Mbae nandembia eã arondete raque. Mbi a icuã arondete raque nande je. Nanderiãcuã arondete raque. Nandearao eã arondete raque. Mbia nandequia arondete raque. Ũqui ja ra Dios mbesarei eã tuchi nandesĩ. ³⁶ Mbia icuãte riqui nande je ã. Sã embesa ji riqui i no: Nderiĩ ño mbia riqui nguiã ureiquia serĩ mbeite ã.

Oveja iquia iquia rá ño eriqui nguiã ure je ã, i ñi embesa ji re. ³⁷ Mbia icuã icuãte raque nande je. Ñimbirãcuã eã mbei ra nande je. Jesucristo quia siqui nguiã nanderese co. Nyese-cua beite quiatu nguiã nanderese co. ³⁸⁻³⁹ Dios nyese-cua tuchite quiatu nguiã nanderese co. Dios hui aroneãte nandesĩ. Mbia nandequia iquia mose, aque mose

abe Dios hui aroneâte nandes. Mbae mo nda embui eã nandes. Angeles. Aba checuayã icuã. Mbia rerecua. Ae icuã icuã ndiqui nande je namo. Ae icuã icuã nda nande je emo mose. Ibatenda mo. Ae siqui ibiqui rĩ no. Dios chiao mo. Ūquí ja ra Dios mbui eã nandes. Dios quia nyesequa tuchite nguiã nanderese Jesucristo rĩ co.

9

Dios que judíos mii icuê umbaerã tuchi ra

¹ Jesús icuasa chõ se resê. Aico ñee ñooño eâte co resê. Espiritu Turã abe riqui sembiirandu sechiangui re co resê. ² Seya eâte aico co. Seya eâte aico judíos rese co. ³ Se sí raque judío. Judíos ja chõ ure re. Judíos siqui sereâte chõchĩ Jesús rese. Seso sete raque tata cuasu, judíos mingo bei sacuã Jesús rese. Eĩ ndei ra sesose rete tata cuasu judíos rendaque re. Seresenda tuchite quia ñene. ⁴ Israel ndei judíos i tuchi. Seriiĩ, i rei que Dios judíos je ra. Dios que uquirãcuã teacuquia rei judíos je ra. Dios que contrato saã ndei judíos je ra. Moisés chimbasa que judíos quereco rei ra. —Eĩ jenyê chõ ñee seje, i rei que Dios judíos mbaaquiatu quiatu ra. —Mbae turã nda asaã saã mbei quia jêje, i bei que Dios quia judíos je ra. ⁵ Nanderamei ñiinda tuchi quiarei judíos i. Cristo tu mose ibi, judío que ae abe cote ra. Cristo rei Dios tuchi. Mbia rerecua bei tuchi rei Cristo. Amén.

⁶ Dios turã tuchi raque judíos je. Judíos que siquiâte Dios rese cote ra. Dios quiatu que ucheê mbuchebiã ndei ee ra. Ūquí mo nguiatu que judíos tuchi eã nda. Siquiã tuchi que Dios rese ra. ⁷ Abraham ndiĩri nyeremo ndei que ra. Ismael. Isaac. Ūquí nyeremo ngue eriĩri ja rei ra. Dios que Isaac mii isi ra. —Abraham ndiĩri, i eã ngue Dios Ismael riĩri je ra. —Abraham riĩri, i chõ ngue Dios Isaac ndiĩri je ra. Isaac ndiĩri jaje que Dios “judíos” i cote ra. ⁸ Abraham ndiĩri nducucha que Dios isi turã ja eã ndese. Ae Dios cheê isi turã nguiã, ūquí je chõ Dios riqui nguiã “seriiĩri” i. ⁹ Dios que ñee Abraham je ra. —Tenda nongue ra achu. Aque mose ra ãquẽ nacui mo nyaacuquia neninisi Sara je, i que Dios Abraham je ra. ¹⁰ Aquẽ ngue tiarõ cote ra. Isaac, i que ee ra. Isaac que ngüinisi tea chee ra. Rebeca, i que eninisi je ra. Eata riru rerequia mose que Dios ñee ee ra. ¹¹⁻¹² —Ae rane nda nyaacuquia ãquẽ, ngõngue rimba tuchi chõ nda aque, i que Dios Rebeca je ñee nda. Echaacuquia nonde. Eriĩri mbae icuã naa nonde. Mbae turã abe naa nonde. —Co chõ taisi, i que Dios ra. —Co chõ taisi, i beite Dios quia co no. Mbia mbae turã naa nonde chõ Dios eirabo nguiã. Dios turãte quia ñene. Nyebe mbia mo irabochõ nguiã. Ebite quia ñene.

¹³ Dios que ñee Rebeca riĩri ñii nda. Ūquí nyeremo ñii:

Jacob ndese chõ aio nguiã nyesequa. Esaú rese achesequa eâte, i que Dios ra, i que embesa ji ra.

¹⁴ ¿Mbaerã Dios riqui aque mii irabo re? ¿Mbaerã eriqui onongue abe isiã nde? ¿Dios icuãte ere? Tei. Eicuã eâte raque. ¹⁵ Sã Dios ñee Moisés je nyii no:

Seya eãse mose emo ndese, seya eâte erese. Setutãse mose emo je, seturãte ee, i que Dios Moisés je ra. ¹⁶ —Dios turã naa nda seje chã, i mose emo, ūquí je eã ño Dios turã ndiqui nguiã. Ae mbae turã saã saã ndei quia, ūquí je eã ño Dios turã ndiqui nguiã. Ae rese Dios ia eã ndiqui, ūquí je quiatu Dios turã ndiqui nguiã. ¹⁷ Sã faraón no. Egipto jenda rerecua. Dios que ñee ee ra. —Aremii ngue mbia rerecuarã nda. Sequirãcuã ndeacuquia sacuã mbia je. Mbia jirandu ja sacuã serese, i que Dios faraón je ra. ¹⁸ Dios ia eãse mose emo ndese, eya eã nda erese. Dios emo ñia matãse mose, matã ndae.

Dios ra judíos isi turã sí

¹⁹ Jemo nda ñee seje reae. —Dios ae emo ñiã matã mose, ¿mbaerã nda jeñee asi echĩã átã je re? i ra jemo ñee seje reae. ²⁰ Dios cheê nandesobeishĩ aroneãte. Sã nandembaecua ñio ñee aroneãte uaosa je no. —¿Mbaerã seraã ei nde? i aroneãte ñio ñee uaosa je no. ²¹ Ñio aosa ra ñio saã ñooño ño ubi mose no. Ñio turã tuchi raã arondete no. Ñio icuã abe raã arondete tuchu sique je no. Embae quia tuchu re. Tuchu rã ño nande re. Ñio aosa rã ño Dios re. ²² Ae eicuã icuã mbeite riqui Dios je nae, ūquí je Dios siqui mingue i ite co. Ūquí nda nyoi je tata cuasu. Ūquí Dios mbasi serite cote. ²³ Dios mbae turã saã sete ubi je. Nyebe uquirãcuã ndeacuquia nguiã ubi je. Diobi chõ nande re. Dios que nandea uchesecuarã nda. Nandeico sacuã erese. ²⁴ Diobi chõ nande re. Dios que nandeirabo ra. Nandemo ndei judíos. Judíos eã abe abe. Dios chiirabo ja chõ nande re. ²⁵ Sã Oseas Dios cheê mbesa no:

Ae serimba eã nyii nae, ūquí nda serimbarã cote.

Ae rese mbia nyesequayã nyii, ūquí ndese ra achesequa tuchi se cote.

²⁶ “Seresenda eã ño jê nde”, i que Dios ñee ee nyii ra.

Hue jenda sí je ra Dios ñee cote.

“Seresenda chõ jê cote re”, i ra Dios si ñee ee cote,

i que Oseas Dios cheê mbesa ra.

²⁷ Eĩ ngue Isaías Dios cheê mbesa cose ra:

Judíos tubiriã tuchite raque rae.

Siqui ja eã nda Dios rese.

Co mii mii ño nda siqui erese.

28 Dios quia ra uquiatoã mbasi ja ibi jenda cote.

Mbasi jei ra cote, i que Isaías embesa ra.

29 Isaías que ã mbesa cose no nda:

Mbia rese Dios ndua eande rae, eĩ nda judíos ua ja rei.

Dios judíos mo ndecha eande rae, eĩ nda judíos ua ja rei.

Sã Sodoma jenda ua ja no.

Gomorra jenda abe no,

i que Isaías embesa ra.

Judíos siqui sereã Jesús rese

30 Tacheẽ nyecua jêje. Ae judíos eã nae, ùquí ngue “taico Dios rese”, iã ndei ra. Aque mose que Jesús icua cote ra. Jesús icua mose que Dios echiã mbitirõ cote ra. 31 Judíos quiatu que ñee ndei ra. —Dios cheẽ ndui si tuchi nandeico. Nandeico mose erui, Dios ra nandemingo bei, i rei que judíos ra. Dios que emingo bei eã nda. Siqui bei eã nguiatu ngue Dios cheẽ ndese re. 32 — Jesucristo nandeicua, i eã ñochĩ judíos. — Nande ae nandeico Dios cheẽ ndui, i chõchĩ. —Nandeico mose erui, Dios ra nandemingo bei, i chõchĩ. Judíos biãte que Jesús riqui ra. Nyebe judíos riqui turã eãte nguiã. 33 Eĩ ngue embesa ji Dios cheẽ nda:

Serucucha que amũ judíos rae ra.

Judíos ra eisiteã.

Judíos ra cuã i nyoĩ ee.

Ngoĩ ra ehoi cuã i mose ee.

Sita rã ño serucucha ee re.

Ae serucucha icua quia nae, ùquí nguia ra ngoĩ eã nyoĩ.

“Dios rucucha aisi jirichĩ nguia no”, i eã nda Cristo icuasa mo ñee,

i que Dios cheẽ mbesa ji ra.

10

1 —Sã Dios judíos rirõ mbae icuã si, ae rei quia co. —Paba, judíos emingo Jesucristo rese, ae tuchi rei quia co. 2 Judíos siqui sete raque Dios cheẽ ndui. Ñeenda quia eicuayãte nguiã Dios icha. 3 —Dios ra nandechiã mbitirõ Jesucristo rĩ, i eã ñochĩ. Ae ae uchiã mbitirõse chõchĩ. Jesucristo icua sereã nea mbei chõchĩ. Nyebe Dios riqui nguiã echiã mbitirõ eã mbei. 4 Jesucristo tu nonde que judíos siquise tuchi Moisés chimbese rese ra. Jesús que tu ibi cote ra. —Moisés chimbese rui jêingo mose, taembitirõ turã, i ãte que Jesús ra. —Seicua mose quiatu ra jaembitirõ, i que ra.

Sã mbia siqui ja serese, i Dios

5 —Emo mbae icuã mo saã eã mbei emo mose, ùquí nda Dios mingõ bei, i rei que Moisés ra. 6-7 ã nandeico Jesús icuate ã. Nyebe ae riqui nguiã nandemingo bei i ite ã. Nyebe nandeico nguiã ñee ãte. —Aba quia ra oso Jesús reru ibate si nande je, i ãte. —Aba quia ra oso mbia raaque rea,

Jesús mbuquera sacua, i ãte nande mo. 8 ã ureico Jesucristo renei nenei mbia je ã. —

Jê Jesucristo icua mose, jêingo bei rae, ure equia mbia je ã. Jesucristo icuasa ra ñee: —A

Jesucristo cheẽ ndiqui aba jiite a. Echeẽ aba chũcua bite aba chiangui re, i ra Jesucristo icuasa ñee. 9 —Jesucristo rei sererecua,

ere chõ ñee. —Dios que Jesucristo raaque mbuquera ra, ere chõ nguia ndechiangui re.

Nde i mose, Dios ra nemingo bei. 10 Emo Jesucristo icua mose uchiangui re, Dios ra echiã mbitirõ. —Jesucristo aicua quia co,

i mose, Dios ra esirõ mbae icuã si. 11 —

Jesucristo aisi jirichĩ nguia no, i eã nda Jesús icuasa mo ñee, i que embesa ji Dios cheẽ nda.

12 Dios quia mbia ja rerecua tuchi re. Judíos achõ ndeerecua eã. Judíos eã achõ nderecua eã no. Ei ja chõ mbia Dios je re. —Mbae mo embu seje, i mose emo Dios je, mondo turã tuchi ra ee. 13 Sã embesa ji riqui i no:

“Paba, seicua embembitirõ”, i mose emo, Dios ra ùquí mingõ bei tuchi,

i que embesa ji ra. 14 Mbua mo Jesús icuayã mose, ñee aroneãte ee. Mbua jiranuã mose Jesús rese, Jesús icua aroneãte. Emo Jesús cheẽ renei nenei eã mose mbia je, mbua jirandu aroneãte Jesús rese. 15 Dios mbia mo mondo eã mose echeẽ nenei nenei sacua,

echeẽ nenei nenei aroneãte. Sã embesa ji riqui ñee no. Ei si chõ ñene:

Aba bite emo tu mose Dios cheẽ nenei nenei ure je.

Ureya tuchite erese,

i que embesa ji cose ra. 16 Mbua mii mii ño siquichĩ Dios cheẽ turã ndese ùquí. Sã Isaías ñee no:

Dios, mbua que urecheẽ ñandu sereãte ra,

i que Isaías embesa ra. 17 Mbua ra Jesucristo icuayã mbeite, jiranuã mose erese. Mbua ra jiranuãte Jesucristo rese, emo echeẽ nenei nenei mose ee.

18 ¿Judíos Dios cheẽ turã ñanuãte re? Ñandu ja rei que ra. Dios cheẽ ngue judíos chandu ja rei resẽ. Mangue chooño eã ngue ehoi Dios cheẽ nenei nenei ndesẽ. 19 ¿Judíos jiranuãte Jesús cheẽ turã ndese re? Jirandu tuchite rei que ra. Sã Moisés Dios cheẽ mbesa no:

Dios rei se. Judíos eã ndese taico turã.

Mbia aquiatuã taisi serimbarã. Judíos nda queteã tuchi serese chã,

i que Moisés Dios cheẽ mbesa ra. 20 Isaías abe que Dios cheẽ mbesa ra. ã ngue embesa ra:

Ae serequia eãte quia, ùquí ño ngue serea ra. Ae ndua eãte quia serese, ùquí je chõ achecua nguiã, i que Dios ra,

i que Isaías siquicheãte Dios cheẽ mbesa ra. 21 Isaías que ñee judíos je no nda:

Dios riqui ñee jêje co. “Jêingo serese”, ae beite raque se quia judíos je co.

Secheẽ mumba bei chõchĩ.

“Jëingo serese”, ae beite raque quia secheë mumbasa je co, i que Dios ra, i que Isaías Dios cheë mbesa ra.

11

Dios ia eâte judíos rese

¹ Dios que hui eã judíos si ra. Judío chõ se no nde. Abraham ndei sei. Benjamín abe rei sei no. ¿Mañi nda Dios hui judíos si re? ²—Serimbarã mbei ra judíos, i que Dios cose ra. Nyebe eriqui nguã emombo eã mbei. ¿Jëtesarei chõ Elías cheë si Dios je re? Elías que ñee icuãte judíos ataque rii aque mose ra. ³—Dios, judíos que ndecheë nenei neneisa iquia ja ra. Altar abe que embucoi coi nembae ra. Se ae tuchi aico nderimba co cote. Se abe ra judíos seiquia chee, i rei que Elías Dios je ra. ⁴ Dios que ñee Elías je cote ra. —Nde mui eã ño serimba re. Serimba tubiriãte nyeresë. Siete mi l serimba que ngoi eãte nguã ndese ñee ñee Baal naanguia je ra, i que Dios ñee Elías je cose ra. ⁵ Eĩ ño namo abe re. Judíos emo emo ño siqui nguã Dios rese ã. Uqui mui ño Dios chiirabo uqui nde. Uturã je chõ Dios uqui irabo nguã. ⁶ Mbae turã naa mose eã ño Dios eirabo nguã. Uturã je ae chõ Dios eirabo nguã. Mbae turã naa naa ndibishorõ eã ño Dios riqui nguã aba irabo umbaerã. Mbae turã naa naa ndibishorõ mose, eĩ nda Dios aba irabo eãte rei uturã je. ⁷ Dios quiatorã nande, i rei que judíos ra. Dios quiatoã tuchi que eriqui ra. Jesucristo icua sereãte que equia ra. Co mui mui ño ngue Dios irabo uquiatorã nda. Eataque que Jesucristo icua sereãte quia ra. ⁸ Sã embesa ji riqui ñee no: Dios que embaaracua eã nda.

Nyebe mbae icua eãte nguã, mae mose Dios chiaõ rese. Nyebe Dios cheë icua eãte nguã eandu mose no, i que embesa ji cose ra. Eĩ mbei chõ namo abe re. ⁹ David abe que ucheë mbesa ra. Eĩ ngue embesa ra:

Sã eya choõno umbae tubiriã ndese.
“Nandeico turãte ã”, sã i, siqui icuã mose.
Sã Dios embua tuchi embasi mose.

¹⁰ Sã eresa nyiati ati bei.

Mae eã sacua.

Sã mbae usi riqui eituquia bei, i que David ñee nda.

¹¹ Judíos que Dios cheë secha rei ra. Uba je quia ra ecuaë Dios rese. Dios si judíos hui mose quiatu que judíos eã siqui arõte Dios rese cote ra. Dios judíos eã mingo bei tuchi sacua cote. Judíos ra queteã tuchi chee Dios rese cote. Uba si sacua erese cote. ¹² Judíos que Dios cheë isiteã nda. Nyebe mbia judíos eã ja Dios cheë andu ja nguã cote. Judíos Dios cheë mumba mose, Dios que uturã teacuquia ja mbia mangu choõnoa jenda ja

je cote ra. Judíos uba si mose Dios rese, mbia mangu choõnoa jenda ra siqui tuchi Dios rese cote.

Judíos eã ño Dios cheë isi

¹³ Jëje judíos eã je aico Dios cheë nenei nenei a. —Judíos eã je eico secheë nenei nenei, i que Dios semondo ra. Nyebe aico nguã Dios cheë nenei nenei sete. ¹⁴ Judío chõ se no nde. Sã jë jëingo Dios rese no jë. Sã judíos abe riqui Dios rese jë na si. Dios erirõ sacua mbae icua si. ¹⁵ Judíos Dios isiteã mose que Dios hui chõ judíos si ra. Judíos eã nguiau que Dios isi uquiatorã cote ra. —Mbia mo ja sequiãtorã cote, i que Dios judíos eisiteã mose ra. Judíos ra uba si chee Dios rese emo mose cote. Mbia raaque quera si rã tuchi ra aque mose cote. ¹⁶ Sã mbia mo mbichae raã no. Mbichae ñiãnda uchi turã mose, eruinda abe ra uchi turã no. Mbichae ñiãnda rã ño Abraham nde. Judío i tuchi chõ Abraham nde. Sã Abraham siqui turã tuchi Dios je no. Nyebe ra eririã abe uba chee Dios rese no. Ei turã mose, erãquiã abe ra eturã no.

¹⁷ Olivo rãquiã na ño judíos re. Judíos siquiã mose Dios rese, olivo rãquiã na ño ngue Dios echisia mombo ra. Uqui naquiã nendaque re chõ ngue Dios jemiã nda. Jë judíos eã. Injertar i raanguia chõ Dios jembucha nguã ei rese. Jëmingo tuchi sacua Dios rese. Olivo rãquiã na eã ndaque jë. ¹⁸ ¡Jenguasu ra jësaã saãchi judíos je jë! ¡Dios jëisi turã mose jë! Erãquiã injertar i ji rã achõ ño jë nde. Erãquiã nda hui mingo eã. Ei quia nda erãquiã mingo nguã. Erãquiã na ño jëingo nguã jë. ¹⁹ —Olivo rãquiã ngue Dios chisia urembucha sacua ei rese, ¡jyechi nda jenguasu raã naa jë! ²⁰ Dios que echisia sia Jesucristo icua sereã mose ra. Jë Jesucristo icua mose chõ ngue Dios jembucha olivo i rese ra. Jëmingo bei sacua. Nyebe jëingo jenguasu raã naa eã. Jëirei irei jiri quia Dios si. ²¹ Dios que olivo rãquiã nyisia mombo Jesús icuayã mos e ra. Eĩ nda Dios jemombo jë abe Jesús icuayã mose. ²² ¡Sã Dios turãte mbia siqui mose erui no jë! ¡Sã mbia mbasi echeë mumba mose no jë! ¡Sã eturãte jëje no jë! ¡Jëingo bei chõ Dios turã ndese jë! Jëingo eã mose Dios rui, Dios ra jemombo. Ira rãquiã sia ji mombo rã si. ²³ Judíos uba si mose Dios rese, Dios ra embucha si esiasa rese. Injertar i si ra ee. Dios mui ño eaquiatu uqui naa nde. ²⁴ Judíos eã ño jë nde. Olivos turã naquiã eã ño jë nde. Olivo mbuae rãquiã na ño jë nde. Dios ae que jembucha nguã olivo i rese. Injertar i jëje. Ae Dios nyisia nyii nae, uqui nda Dios mbucha si uchisia rese.

Judíos abe ra siqui chee Jesús rese

²⁵ Tacheë nyecuayã na jëisaa. Mbia chiicuayã tasenei na jëje. Jenguasu raã naa

sacuã eã judíos je. Judíos yete tuchi que hui rei Dios si ra. Judíos eã nguia siqui tuchi Dios icua ã cote. Judíos eã Dios chiirabo Jesús icua ja mose, judíos abe ra uba ja erese cote. ²⁶ Aque mose ra Dios judíos rirõ ja huicua si cote. Sã embesa ji riqui i no: Mbia mbuturãsa ra tu Sion si. Ae ra Jacob riri sirõ ja huicua si. Judíos rirõ ja huicua si.

²⁷ Aque mose ra judíos icuã ambutiã ja esi. Secheë nda ique aque mose cote, i que Dios ra,

i que embesa ji ra. ²⁸ Judíos yete tuchi chõ Jesús cheë turã ucuayã nguã ùqui. Nyebe Dios uturã ndeacuã nguã jêje. Judíos eã je. Dios quia nyesequa beite nguã judíos rese. Irabo que nyii ra. Eramei ja rii ño Dios judíos irabo nguã. ²⁹—Mbae mo tamee jêje, i mose Dios, mondo rae. Dios ra uchimondo sirombe eã. Dios ra hui eã mbei uchiirabo si. ³⁰ Jesucristo que jêicuayãte quia nyii ra. Judíos hui mose Dios si, Dios que uturã teacuã jêje cote resë. ³¹ Judíos quia Jesucristo icuayãte nguã cote. Sã Dios ia eãte riqui jendese no, ei si ra eya eãte judíos rese cote. Uturã nda eteacuã quia chee judíos je. ³² Eĩ ja chõ mbia Dios je re. Emo ngue mumbayã eãte quia ra. Nyebe eya eãte riqui nguã nande ja rese.

³³ Dios turã tuchite. Dios aracua tuchite. —¿Mbaerã Dios ùqui naa nde? nande aroneate. Dios chisãã nandeicua aroneãte quia ã. ³⁴ ¿Emo ndua ndua quia Dios rã nde? ¿Emo mose mbia riqui Dios mbaaquiato re? ³⁵ ¿Emo nane mbae mo mondo quia Dios je re? ¿Dios mbae mondo nonde re? ³⁶ Dios ae que mbae chao ja ra. Umbaerã ño echao ja nguã mbae. Ae quia ecuasu jiri mbae ja si re. Nandecheë turã mbei ra equia eriã. Amén.

12

Je sí chõ jeñimondo Dios je

¹ Dios ia eã mbeite riqui nanderese co. Nyebe jê sí chõ jeñimee Dios je. Jendeco chõ jemee Dios je. Jeñia turã jemee Dios je. Ebite ùqui. Dios que mbae mondo tuchi nande je ra. Eĩ nande chõ ñimondo ee ae. ² ¡Jesús quiatoã na nda jëingochi jê! —Nde rã si semundua ndua ramo, Paba, jenyê chõ nguia Dios je. Eĩ jenyê mose ra Dios ñeenda huicha teacuã jêje. —Eĩ jenyê, eĩ jenyê chõ, i bei ra Dios quia jêje cote.

³ Dios turã ngue seirabo ucheë nenei nenei sacua jêje ra. Nyebe aico nguã jembiirandu randu co. —Se jiri quia mbia si re, jenyê tuchite chí na jê! ¡Endua ndua turã ño ndechue jê! Dios nembaaquiato tuchi mose, ebite quia nde re. ⁴⁻⁵ Mbae tubirãte nanderete rese. Nanderesa. Nandeo. Nandeisa. Ûqui jate nanderete rese. Mbae mii nda

siquiã nanderete rese. Nandeo oco mbae rese. Nandeisa mbae andu. Nanderesa mae mbae rese. Nandechuru ñee. Nanderete quiarei “ã nandesãã”, i tuchi nyue. Eĩ si chõ Jesús icuasa nande re. Jesús rete ja chõ nande re. “Ã nandesãã”, nandete equia nandechue ã. Mbae rese jaajate que Dios uquiato mingo ra. ⁶ Dios turã tuchi que nande je ra. —Co rese eico nde. Á ndese eico nde, i Dios quia nandembuchao chao co. Ûqui naa sacua Dios riqui uquirãcuã mee mee nande je co. —Secheë esenei senei, i mose Dios emo je, sã aque echeë nenei nenei turã echeë ndui si. ⁷—Mbae turã esaã saã mbia je, i mose Dios emo je, sã aque mbae turã naa naa mbei mbia je. —Mbia embaaquiato quiato, i mose Dios emo je, sã embaaquiato turã tuchi. ⁸—Seosei uquia mbia je, i mose Dios emo je, sã aque Dios osei uquia turã tuchi mbia je. —Mbae emee mee mbia je, i mose Dios emo je, sã aque abei tuchi. Sã ngueteã eã tuchi mbae rese ee. Dios emo mii mose ererecuãã, sã ererecuã turã tuchi aque. —Mbae cha reã je mbae esaã saã, Dios i mose emo je, sã aque ia tuchi mbae turã naa naa mbae cha reã je.

⁹ ¡Jenyesequa choñochi nda jenyese jê! ¡Mbae icuã si jenyicuãse cuasë tuchi quiato jê! ¡Mbae turã ndese chõ jëingo tuchi jê! ¹⁰ ¡Jembi turã ño jenyese jê! ¡Jenongue rã nguaiato jëingo turã tuchi jenyue jê! ¡Jeeñee turã turã ño nguia emo mii jê! ¡Nderii nda erecheë turã turãchí jê! ¹¹ ¡Jeñimbutomo tomochi nda jê! ¡Jeñimbiratã tuchi quiato Dios je jê! ¹² Jesucristo cheë nda io chee nande je emo mose cote. Ûqui ño nandesarõ arõ nguã ã. Nyebe jëya tuchi quiato siqui eraarõ arõ. Mbia jembasi mbasi mose, jenyecuachõ ño nguia ee. Jeeñee ñee mbei quiato quia Dios je. ¹³ Mbae eã mose Jesús quiato je, mbae mo jemondo ee. Mbia mo oso mose jenyuchuaa, ¡jêisi turã ño jê!

¹⁴ Mbia mo icuã icuã mose jêje, ¡jêturã ño ee jê! —Paba, mbae turã emondo rã ee. Ae icuãte riqui seje, ùqui je, jenyê chõ Dios je. ¹⁵ Ae eyate riqui, ùqui ndese chõ jëya jê abe. Ae nyeseo quia, ùqui jê ndese abe jenyeseo no. ¹⁶ Hue ri ja chõ jëingo ndua turã. ¡Jenguasu ra jësaã saãchí emo je jê! ¡Jëseteã ño jëingo jê! ¡Jëaquiato ra jësaã saãchí jê! ¹⁷ Mbia mo icuã icuã mose jêje, jenyecuachõ ño nguia ee. Mbae turã ño jësaã nguia mbia resa rae. ¹⁸ ¡Jëingo turã ño mbia je jê! ¡Nda jëingo ubi turã jenyese. ¹⁹ Mbia icuã mose jêje, ¡jêñee icuãchí nda erobeishí jê! Dios quia ra embasi nguã eicuã mose. Sã embesa ji riqui i no:

Se quia mbia tambasi eicuã mose, i que Dios ra,

i que embesa ji ra. ²⁰ Ae eicuãt e riqui jêje, ùqui jembuquiato chõ eriãcuã mose.

Ūquĩ jembiu chõ eisei mose. Eĩ jenyemose ee, eireĩ te ra huiĩcuã mose cote. ²¹ Mbia icuã mose jėje, jeñeechĩ nda echeẽ ndibishorõ, Jẽingo turã ño ee. Mbae turã nguia equirãcuã jiri mbae icuã si re. Mbae icuã mombo jiri.

13

Sã mbia riqui turã ererecua ja je

¹ Mbia ja ererecua cheẽ mumbayã nguaiatu. Dios ae chõ ererecua mũ nguia. Dios chimũ ja chõ mbia rerecua re. ² Ae mbia rerecua cheẽ mumba quia, Dios cheẽ abe mumba chõ nguia aque. Dios quia emũ tare nguia. Ae ererecua cheẽ mumba mumba quia, ũquĩ nda mbae rasi saã cote. ³ Mbia turã mbusiquiche sacua eã ño ererecua re. Mbia icuã mbusiquiche sacua nguia ñene. Nde ndeico turã mose, ererecua ra nembusiquiche eã. Ndeico turã mose, ererecua ra ñee turã mbei ndeje. ⁴ Dios ae chõ ererecua mũ nguia. Nanderaquiaturã turã sacua. Nde mbae icuã naa mose, ndesiquiche jiri nda esi chã. Ndeicuã mose ra ndeirũ nua arõte. Dios quiatu emũ nguia ererecuarã mbia icuã mbasi mbasi sacua. ⁵ Ererecua cheẽ nandemumbayã ño nguia. Nandebaasi asiã sacua achõ eã ño ñene. Nandendua turã sacua abe chõ ñene. ⁶ —Impuestos jëisi isi mbia si, i que Dios ererecua mũ nda. Nyebe nandeco nguia impuestos mondo mondo turã ererecua je. Dio s cheẽ nguire chõ ererecua riqui nguia eisi isi. ⁷ Jẽ deber i mose emo je, mbae jembuchebi jei chõ ee. Jẽ deber i mose impuestos, jemondo chõ ee. Ererecua je jẽingo turã ño. Jeñee turã ño erii.

Jenyesequa ja quia jenyiese

⁸ Emo mbae mondo mose jėje, jẽingo are arete chĩ nguia mbae mondo rocoĩ ee. Deber jenyechĩ nda emo je. jenyesequa ja quiatu quia jenyiese jẽ! Jenyesequa mose mbia rese, Moisés chimbasa ja jemumbayã ño nguia ũquĩ. ⁹ A ndei Moisés chimbasa ã: Emo ninisi rese ra ereicochĩ. Mbia mo nda ereiquiachĩ. Mbae mo nda eremubiquiachĩ. Emo je ra ercheẽ ñoofõchĩ. Emo mbae ra erchesei choseichĩ, i que Moisés chimbasa ra. Nandechesequa mose mbia rese, nandeico embesa ji cheẽ mumbayã ã. A ndei Jesucristo cheẽ ã: Sã ereico nyesequa nderete rese no, eĩ ere si chõ nyesequa emo ndese. Nde ã naa mose, Moisés chimbasa ja eremumbayã nguia ã. ¹⁰ Ae nyesequa quia mbia rese, ũquĩ nda mbae icuã saã eã mbei emo je. Emo nyesequa mose mbia rese, Dios cheẽ ndui si chõ eriqui nguia mbae turã naa naa ũquĩ. ¹¹ Dios rese jẽingo tuchi ũquĩ. Nandemaie jei ra Jesucristo rese cote. Nandechẽ

ngue equia nyii. —Nandemaie je ra Jesucristo rese, nande que equia nyii. Namo nda nandemaie erese cote. Aichite eñi tu a cote. ¹² Itondaru rã ño mbae icuã ja namo nde. Jesucristo ra tu mbae mbuturã cote. Nyaashĩ na nda cote. Nyebe nandeco bei rã mbae turã ndese cote. Dios rese nandeico tuchi rã cote. Mbae icuã ndiquisã sacua nandesĩ. ¹³ Nandeico turã ño Dios resa rae. iMbia quiacua ra nandesiichãchĩ jẽ! iNandequiacuachĩ nda jẽ! iEmo ninisi rese ra nandeico icochĩ jẽ! iMbae icuã nda nandehosei choseichĩ je! iNandeicuã icuãchĩ nda emo mbũcuã icuã jẽ! iEmo mbae ra nandehosei choseichĩ jẽ! ¹⁴ Jeñimee tuchi quia Jesucristo je. Ae nda uquirãcuã mee tuchi jėje chã. Mbae icuã ndiquisã sacua jësi. Ae icuã mbia chosei chosei quia nae, ũquĩ nda jësaã saãchĩ jẽ Jesús resenda chõ jẽ ndesẽ.

14

Jeñee asiã mbei jenongue je

¹ Jesús quiato mo Jesús icua tuchiã mose, jëisi turã ño. Jeñee asi achĩ nda ee. ² Emo emo mbae u ja. Emo emo soo u eã tuchi no. Ae soo u eate quia nae, embaquiatu tuchi iriã ño ũquĩ nde. ³ Ae soo u guia nae, sã ũquĩ ñee asiã mbei soocua reã je. Ae soo u eate guia nae, sã ũquĩ ñee asiã mbei soocua je no. Dios quiato ja chõ ñene. ⁴ Erecheẽ icuã aroneate ererecua rimba mo je. Ae ae mbae saã nguia nguerecua je. Dios ae nda ñee nguia nguimba je. Mbae raã turã mose. Mbae raã icuã mose abe no. Dios quirãcuã ae nda nguimba mingo nguia mbae turã ndese.

⁵ —Nyaashĩ mo ngue Dios irabo mbũcũe cose ra. Ūquĩ nyaashĩ mose nandechimbaacua rã, i Jesús quiato mo nguia co. Jesús quiato mo nguia ñee nguia: —Eĩ ja chõ nyaashĩ ndesẽ, i emo no. Sã Dios quiato ja ae riqui ndua ndua uchiangui re ae. ⁶ Dios quiato mo ñimbaacua mose aque nyaashĩ mose, Dios je chõ eriqui nguia ñimbaacua. Dios quiato mo mbae raã naa mose aque nyaashĩ mose, Jesús je chõ eriqui nguia mbae raã naa aque nyaashĩ mose. Ae soo u quia, Dios je chõ eriqui nguia soo u. Gracias, i que Dios je nyii ra. Ae soo u eã nguia, Dios je chõ eriqui nguia soo u eã no. Ae abe gracias i chõ nguia Dios je ague. ⁷ —Sebi rese chõ taico bei, nande aroneate. —Semanose mose quia tamano, nande aroneate. ⁸ Dios ae chõ nandereco mingo nguia. “Emano”, i mose Dios nande je, nandeico nguia mano. Nandereco siqui mose, Dios rimbarã ño ñene. Nandemano mose, Dios rimbarã ño nda nandeico nguia no. ⁹ Cristo que mano nda. Quera si que ra.

Mbia rerecuarã ngue quera si ra. Mbia reco rerecuarã. Mbia mano je rerecuarã abe no.

¹⁰Nandechẽĩ icuã icuã aroneãte nandere-senda mo je. Emo mose quia ra Dios mae tuchi nanderese cote. Nandechiangui renda ra etea tuchi cote. Ae quia nda nandechuã tea nguiã. Nandeturã abe rea.

¹¹ ã ndei embesa ji ã:

Dios ndei se. Se rei sereco bei.

Sésaa ra mbia chi ja ngoi ngũã ndese.

Ñee jaaja ra seje cote.

“Dios tuchi chõ nde re”, i jaaja ra seje cote, i que Dios ra,

i que embesa ji ra. ¹² Nande ae ae ra mbae nandesenei senei Dios je aque mose. —

ã ngue asaã saã nguia seico mose ibii ra, nande ja ja ra ee cote.

Jenongue jembũcuã eã

¹³ Nyebe nandechẽĩ icuã eã nguia nandere-senda mo nũ. ¡Nandembia eãte chĩ nda jê! ¡Mbae icuã nda nandesãã uquiachĩ ee jê! ¹⁴ Jesucristo que sembaaquiãtu ra. — Mbae turã ja chõ mbia chiurã nde, i que ra. — ¡Co ra jêuchĩ jê! iãte Dios mbae mo nũ. — Eicuãte co, i mose emo, sã ae mĩ eu eã. Ae eu mose, eicuãte ee. ¹⁵ — ¡Co nandeu eã jê! Eicuãte, i mose nderesenda mo ndeje, eu eã. Nde eu mose, ereshesecua eã ño nguiã nderesenda rese aque. Nderesenda je abe chõ ngue Jesucristo mano ndesẽ. ¿Mbaerã nda nderesenda erembũcuã ndechuubi je re? ¹⁶ Ndechuubi turã ndaque ndeje. “Eicuãte” i mose nderesenda mo, eu eã ae. Nde eu mose, mbia ra erembucheẽ icuã ndechue. ¹⁷ Dios chõ nandererecua cote re. Nyebe nandendua tuchi eã nguia nandechiurã ndese. Ae nandembei quia, ùquĩ abe rese. Dios rese quia nandendua. Ae chõ nandemingo nguiã mbae turã ndese co. Ae chõ nandechiã mbucoi nguiã co.

Espiritu turã ae nandembia mingo nguiã co. ¹⁸ Eĩ nande mose Cristo je, Dios ia tuchi ra nanderese. Mbia abe ia ra nanderese.

¹⁹ Nandeico turã nda nandechue chã. Eĩ nande nda Jesús oseĩ oseĩ uquiã nandechue chã. ²⁰ — ¡Aque soo ra nandechũ jê! i mose Jesús quiato mo, jereuchĩ nda jê! Jesús quiato ra erembũcuã arõte nde eu mose.

Mbae turã ja raque mbia chiu. “Eicuãte”, i mose Jesús quiato mo, eu eã ae. ²¹ Soo Jesús quiato mbũcuã mose, soo ra nandeu eã. Vĩno Jesús quiato mbũcuã mose, vino nda nandembei eã. Mbae mo Jesús quiato mo mbũcuã mose, nandeco eã erese nande abe. Mbae mo Jesús quiato mo mbũcha serĩ mose Dios icha si, ùquĩ ndese nandeicoã nande. Eĩ nda ichayã esi. ²² — So o icuã eã ño ñene, i mose Dios ndeje, echecuachõ ño nguia eu. Endua tuchi mbae mo naa nonde. Eicuã arõ mose ndeje, esaã eã. Eturã mose ndeje, echecuachõ ño eraã. Nde ùquĩ

naa naa mose, ndeya tuchi rae. ²³ Nde ndeirãnuã mose mbae mo ndese, esaã eã. — Eturãte ereae. Eicuãte ere no ae, nde i mose eriisu isu, esaã eã ño. Ndeirãnuã eraã ñoõno mose, eicuãte ùquĩ. Ndechiisu isu u mose soo, eicuãte ùquĩ. — Eicuãte ereae, nde i mose, ereicochĩ nguiã eu.

15

Nandebi rese ra nandeicochĩ jê; nandemongue bi rese quia nandeico

¹ Nande mo Jesús icuat e quia co. Ae Jesús icua tuchiãte quia nae, ùquĩ je nandeico turã jiri ae. Nandembaaquiãtu quiatu ae. Nandebi achõ ndese ra nandendua eã. ² Ae nandebite nande ae, ùquĩ ndese nandeicoã. Ae Jesús quiato nongue bite nae, ùquĩ ndese quia nandeico. Ùquĩ mose nandeico nandere-senda mbaaquiãtu tuchi Jesús rĩĩ co. ³ Cristo chee que siquĩã ubi rese ra. Sã embesa ji riquĩ ñee Cristo rĩĩ no:

Paba, ae ndeucuayãte quia nae, ùquĩ ngue ñee icuã mbeite quia seje ra,

i que Cristo ñee ngu je ra,

i que embesa ji ra. ⁴ Dios cheẽ mbesa ji cose ndare chõ nandembaaquiãtuasa re. Nandemingo mingue sacuaã. Nandembirãcuã sacuaã Jesucristo rĩĩ. Nyebe nandeico nguiã Jesucristo raarõ arõ minguetẽ ã. ⁵ Dios chõ nandemingo mingue nguiã. Dios chõ nandembirãcuã nguiã. Dios nda jemingo turã mbei nyiese Jesucristo cheẽ ndui si chã. ⁶ Ùquĩ mose ra jẽingo ñee turã mbei Dios je. Hue rĩ ja ra jẽingo ndua turã Dios rese. Dios quia Jesucristo ru re.

Dios iate judíos eã ndese

⁷ Sã Cristo nandesei turã no, eĩ jenye si chõ nguia nyiisi turã. Eĩ nda mbia ñee turã Dios rĩĩ. ⁸ — Eĩ tae tae, i que Dios judíos i ñiinda ja je cose ra. Nyebe Cristo ru nguiã mbae turã naa naa judíos je cote. — Dios cheẽ iochĩ cote, i nda judíos chã. ⁹ Judíos eã abe mundua sacuaã Dios rese que Cristo ru ra. Dios turã ndese emundua sacuaã ño ngue eru nguiã. Co rei David chimbese co: Paba, ndeturã tasenei senei judíos eã je. Tairasei rasei abe ndeje, i que David embesa ra. ¹⁰ Co rei embesa ji cheẽ mo co: Judíos eã, jẽya chõ Dios rese. Sã Dios rimba iate erese no, eĩ jenye chõ jê abe jẽya erese, i que embesa ji ñee nda. ¹¹ Co rei embesa ji cheẽ mo co no: Sã mbia ibi jenda ja ñee turã ja Dios rĩĩ, i que embesa ji ra. ¹² Isaías que co mbesa ra: Isaĩ rĩiri nguia ra mbia judíos eã nderecuarã tuchi cote. Mbia judíos eã nda “ichõĩfiosa reã”, i tuchi ee, i que Isaías embesa Jesús rĩĩ nda. ¹³ Ùquĩ jẽingo Dios icuate ùquĩ. Dios nda jembia

tuchi mingo chã. Dios nda jeñia mbuconi chã. Dios ae chõ “Cristo jësaarõ arõ”, i chõ nguiã nandemingo mingue ã. Espiritu Turã ndiqu i nandembirãcuã tuchi ã. Nandembia mingo Cristo raarõ arõ ã.

¹⁴ Seyate aico jendese co, Seresenda. Jëingo turãte quia jenyiese ùqui. Mbae jëicua tuchite cote. Jë ae jëingo nimbãaquiatu quiatu turã jenyue ùqui. ¹⁵ Airei irei ãte ã mbesa jëje, Seresenda. Jëtesareia sacua ã si. Dios turã ae ngue seirabo nguiã. Mbia mbesareie eã sacua Jesús cheë si. ¹⁶ Dios que seirabo Jesucristo rimbarã nda. Ucheë nenei nenei sacua mbia judíos eã je. Mbia judíos eã secheë isi turã mose, Espiritu Turã nda emingo icúe Dios mbaerã cote. Ùqui mose ra Dios judíos eã isi turã cote. ¹⁷ Se Dios cheë nenei nenei mose mbia je, mbia que siqui tuchi erese secheë nguire ra. Nyebe ùqui ndiqui nguiã sembia tuchi. ¹⁸ Jesucristo que sembirãcuã nda. Ucheë nenei nenei sacua judíos eã je. Nyebe judíos eã ndiqui nguiã siqui tuchi Dios rese cote. Secheë nguire cote. Sechisaã ndese abe maende cote. Mbae mo ñi abe ra acheë iã cote. Jesucristo que sembirãcuã, ùqui ñi ño aico nguiã ñee jëje a. ¹⁹ Espiritu Turã ngue uquirãcuã mee seje ra. Nyebe aico nguiã mbia mae sayã naa naa tuchi mbia je. Ùqui mos e que mbia riqui tuchi Dios rese cote ra. Jesucristo cheë ngue asenei senei Jerusalén nda. Mbia mangue choñoa jenda je abe. Ilirico jenda je abe. ²⁰ —Ae mbia riqui Jesucristo cheë nenei nenei eãte nae, huee Jesucristo cheë tasenei senei se, ae que se ra. Emo Jesucristo cheë nenei neneisa, huee taico bei eã, ae que se ra. ²¹ Sã embesa ji riqui ñee no: Ae jiranuãte quia Cristo rese, ùqui nda jirandu erese cote.

Ùqui nda eicua cote, i que embesa ji ra.

Aso ra Rómaa, i Pablo

²² Ae mbia riqui Dios cheë nenei nenei eãte, huee quiatu ngue aico nguiã Dios cheë nenei nenei. Nyebe aico nguiã osoãte jendea. ²³ Cose ndarechõ mbei chõ aico rei nguiã “taso jendea”, i. A jenda mbia que Dios cheë ñandu tuchi cote ra. Nyebe taso jendea cote. ²⁴ Seso mose España nda aso jendea. Sembia jiri sacua jendese. Taico mbiri na jendese huee. Jë nda sembucuata turã mondo hue si cote chã. ²⁵ Jerusalén nane nda aso. Ofrenda mo arao quia Jesús quiato je co. ²⁶ Jesús quiato Macedonia jenda que ofrenda munua nua nda. Jesús quiato Acaya jenda rese. — Jesús quiato mbaecha reã je mbae nandemondo rã Jerusalén jenda je, i que ñee nyue nyii ra. Ùqui ño arao nguiã co. ²⁷ Coche ùqui ndiqui nguiã mbae mondo judíos Jesús

quiato je. Judíos rane nguia Dios cheë senei senei tare nguiã judíos eã je. Nyebe ra judíos eã mbae mo mondo judíos Jerusalén jenda je cote. ²⁸ Nyebe ra ofrenda munua ji arao ee. Jesús quiato mbaecha reã je. Aquere ra aso España quiu cote. Aicha ra ñeenda cúa si mae jendese. ²⁹ Jesucristo ra semondo turã jendea. Ae ra nandembia ja uturã je. ³⁰ Seresenda, Jesucristo quiato quia jë nde. Espiritu Turã ño jembuchesequa nguiã jenyiese ùqui. Nyebe jeñee tuchi quia Dios je serií. Nandechëe ja tuchi quiatu ee serií. ³¹ —Paba, mbia icua Judea jenda esiquisã Pablo si. Paba, ndequiatio Jerusalén jenda nda ofrenda isi turã Pablo si chã, jenyue chõ Dios je. ³² Ùqui mose ra seya tuchi mae jendese cote, Dios “eno” i mose seje. Jendese seico Dios ra sequenea acuua tuchi cote. ³³ Sã Dios riqui bei jendese. Sã eriqui jembia.

16

Pablo saluda i ja mbia je

¹ Febe jëisi turã ño. Jesús quiato chõ aque cuña nde. Mbae turã esaã saã mbeite quia Jesús quiato Cencrea jenda je aque. ² Jëisi turã ño nguia Jesús rií. Sã Jesús quiato riqui nyiisi turã no, eí jenyue chõ Febe isi turã no. Ae que mbae turã saã saã mbeite Jesús quiato je ra. Seje abe no. Nyebe jëturã ño jë abe ee. ³ Aquila je saluda jenyue rã seje. Eninisi Priscila je abe no. Serese que ùqui ndiqui Jesucristo cheë nenei nenei tuchi ra. ⁴ Mbia que eiquia serií serií rei quia serií nda. Siquicheã mbeite que equia ra. Nyebe aico nguiã gracias i tuchi ee. Se ae eã. Jesús quiato judíos eã abe riqui gracias i jate ee ã. ⁵ Ae Jesús quiato ñumunua nua nguia Aquila chuchua, ùqui je abe saluda jenyue. Epeneto je abe saluda jenyue. Sequiatio tuchi que aque ra. Ae rane ngue Cristo isi Acaya jenda ra. ⁶ María je abe saluda jenyue. Ae que mbae saã saã tuchi Dios je jësaã ra. ⁷ Andrónico je abe saluda jenyue. Junias je abe. Se sí chõ ùqui nde. Serese que etarõ ji riqui cárcel nda. Dios cheë nenei neneisa tuchi chõ ùqui nde. Ùqui nane ngue Cristo icua sesi cose ra. ⁸ Amplias je abe saluda jenyue. Sequiatio tuchi chõ Dios resenda aque re. ⁹ Urbano je abe saluda jenyue. Ae que Dios cheë senei senei nguia urerese ra. Sequiatio Estaquis je abe saluda jenyue. ¹⁰ Apeles je abe saluda jenyue. — Seicuasa tuchi Apeles riqui co, i que Dios Apeles rií nda. Aristóbulo chuchua jenda je saluda jenyue seje. ¹¹ Herodión je abe saluda jenyue. Se sí chõ ae re. Narciso chuchua jenda, ae Jesús quiato nae, ùqui je saluda jenyue. ¹² Trifena je abe saluda jenyue seje. Trifosa je abe. Ùqui ndiqui mbae raã naa tuchi Dios je ùqui. Nandequiatio Pércida je

abe saludar jenyē. Ae que mbae saã saã tuchi quia Dios je ra. ¹³ Rufo je abe saludar jenyē. Dios chiirabo tuchi chõ ae re. Esi je abe saludar jenyē. Taĩ na tuchi que eriqui seje ra. Mbae que esaã ja tuchi quia seje ra. ¹⁴ Asíncrito je saludar jenyē seje. Flegonte je abe. Hermas je abe. Patrobas je abe. Hermes je abe. Ae Jesús quiato riqui ùquí ndese, ùquí je abe saludar jenyē. ¹⁵ Filólogo je abe saludar jenyē. Julia je abe. Nereo je abe. Enongue je abe. Olimpás je abe. Ae Jesús quiato riqui ùquí ndese, ùquí je abe saludar jenyē. ¹⁶ Jenyiquiaama ama saludar i nyue. Tuchuamo jenda ja Cristo quiato riqui saludar i jėje ã.

¹⁷ Huee emo ndiqui Jesús quiato mbücuã sete hue. Hue emo ndiqui “Jesús quiato tambücha Jesús si”, ite hue. Jenyücuasẽ ño nguia ùquí si. Jesús cheẽ ndui si eã ño eriqui nguia mbia mbaaquiato quiatu ùquí. ¹⁸ — Ae Jesucristo bite, ùquí nandesaa saã, iã ño nguia ùquí. Ubi achõ ño esaã saã nguia ùquí. Echeẽ turã aba reã ño eriqui nguia mbia je ùquí. Ae Jesucristo icua tuchi eãte quia nae, ùquí mbüri iri ño nguia ùquí. Jenyücuasẽ tuchi chõ nguia ùquí si. Aba mbüri irisa tuchi chõ ùquí nde. ¹⁹ Jẽ ngue Dios cheẽ jemumbayãte ra. Mbia que jirandu jate jendese ra. Nyebe seyate riqui nguia jendese co. Jẽingo bei nda equia mbae turã ndese chã. Mbia nda jembüri iri eã jiri quia mbae icua je chã. ²⁰ Dios quiarei aba mbiasa. Namo jiri ra ae Satanás ndiquisã mbei jësi cote. Sã Jesucristo riqui turã mbei jėje.

²¹ Timoteo ucheẽ mondo quia saludar i jėje aque. Siqui beite equia serese Dios cheẽ nenei nenei co. Lucio abe ucheẽ mondo quia saludar i jėje aque. Jasón abe no. Sosipáter abe no. Se sí chõ ùquí nde.

²² Se abe secheẽ amondo quia saludar i jėje aque. Tercio rei se. Se chõ aico nguia Pablo cheẽ mbesa mbesa jėje co. Jesús icuasa ja chõ nande re. ²³ Gayo abe ucheẽ mondo quia saludar i jėje aque. A aico rá echuchua uque a. Jesús quiato chumunua nuasa bei chõ a re. Gayo chuchua. Erast o abe ucheẽ mondo quia jėje aque. Ae chõ tesorero sucha tubüriã jenda je. Cuarto nandequiato abe ucheẽ mondo quia jėje aque. ²⁴ Sã Jesucristo riqui jendeaquiato turã mbei. Amén.

Pablo ñee hui bei sacua cote

²⁵ Nandechẽ turã mbei chõ nguia Dios rü. Ae ra jembücuã tuchi mingo ucheẽ turã je. Echeẽ turã ngue asenei senei nguia Jesucristo rü nda. Aque cheẽ turã ngue mbia icuayãte quia cose nyii ra. Dios que embuchecua eã mbei mbae ao ramo mosenda bei ra. ²⁶ Namo ño Dios ucheẽ turã mbuchecua nguia mbia je cote. Jesucristo rü. Dios cheẽ nenei neneisa que

echeẽ mbuchecua nande je cote ra. Mbesa que nande je ra. Dios que ñee seje ra. — Secheẽ turã esenei senei mbei quia mbia jaje cote. Siqui sacua secheẽ ndese. Secheẽ mumbayã sacua, i que Dios seje cote ra. ²⁷ Dios mü nguiarei siqui bei. Dios mü ño mae ja nguia mbae ja rese. Sã Jesucristo riqui mbia mbuchẽ turã mbeite Dios rü. Amén.

PRIMERA CARTA DEL APOSTOL SAN PABLO A LOS CORINTIOS

Pablo embesa Jesús quiato Corinto jenda

je

¹ Pablo, i que seje ra. Dios que seirabo Jesucristo renei nenei sacua nda. Aico a mbesa jêje a. Nanderesenda Sóstenes ndese aico embesa jêje a. ² Aico a mbesa jêje a. Jesús icuasa je. Corinto jenda je. Jê ndei Dios quiato jêingo Jesucristo rîi ûqui. Dios riqui jemingo icûe umbaerã ûqui. Sã Dios riqui mangue jenda chooñoa mingo icûe umbaerã no, eî si. Ñee mose Jesucristo je. Jesucristo rei ûqui abe rerecua no. Sã nandererecua nande no. ³ Sã Dios nanderu uturã mingo tuchi jendese. Sã Dios jembia bei mingo. Sã Jesucristo abe siqui jembia bei mingo.

Dios turãte riqui jêje co, i Pablo

⁴ Dios turã tuchi que eriqui jêje Jesucristo rîi nda. Nyebe aico nguiã gracias i tuchi Dios je jeni co. ⁵ Jesucristo quiato chõ jê cote re. Nyebe Dios riqui turã tuchi nguia jêje co cote. Jembaaquiato tuchi ucheê nenei nenei sacua mbia je. Jembaaracua tuchi que ucheê nii nda. ⁶ Ure Jesucristo renei nenei mose jêje que jêisi turãte ra. Jê Jesucristo jêicuate quia ûqui cote. ⁷ Nyebe Dios turã ndiqui nguiã hui âte jêsi co. Jembirãcua mbeite eaquea querabe co. Uqui jêingo Jesucristo raarõ arõ ûqui. ⁸ Dios ra jembirãcua mbei mingo mbae ua ja chee. Mbia mo nda ñee icua eã jêje Jesucristo tu mose. ⁹ Dios ra jendeaquiato bei. Ucheê nda embuchebiã mbei ñeende jêje. Ae quiatu ngue ñee nguiã jêje. —Taemingo bei seriirî ndese Jesucristo rese, i.

Jesús quiato nyao nyao chõchî nyesi

¹⁰ Seresenda, nandererecua ja chõ Jesucristo resê. Jenyao chao mose nyesi, eicuãte ûqui. Hue rî ja chõ jêingo ndua ndua. Mbae mii ndese chõ jêingo. ¹¹ Mbia quiatu ngue ñee nguiã seje. —Eicuã icuãte que nyue ra, i que Cloé chuchua jenda ñee sembiirandu jeni nda. ¹² —Pablo mbae chõ se re, i chõchî jemo nguiã seriî ûqui. —Apolos mbae chõ se re, i chõchî jemo nguiã ûqui no. —Pedro mbae chõ se re, i chõchî jemo nguiã no. —Cristo mbae chõ se re, i jemo no. ¹³ ¿Cristo mbuchao chao ji ere no? ¿Pablo mano jendiquicharõ nde no? ¿Pablo rîi batutizar i jêje re no? ¹⁴ Se que bautizar ae eã jêje resê. Crispo mii je que bautizar ae ra. Gayo je abe. ¹⁵ —Pablo rîi ño ngue bautizar i nguiã seje, i aroneate jemo ñee seriî. ¹⁶ Estéfanas chuchua jenda abe que bautizar ae ra. Aquare que bautizar ae âte

jemo je ra. ¹⁷ Bautizar i sacua eã ngue Cristo semondo ra. Ucheê turã nenei nenei sacua ño ngue semondo nguiã. Seaquiato asaã saã eã ño nguiã Dios cheê nenei nenei co. Cristo cheê ambiasa mingue turã ño nguiã co. Se seaquiato raã naa mose, i nda mbia ndua ndua eãte rei Cristo mano ndese.

Dios cheê quirãcua tuchi Jesús rîi

¹⁸ Ae ra nyoî tata cuásuu, ûqui ndei “ichõifiosa” isa Dios cheê nenei neneisa rîi. —Cristo que mano mbia riquicharõ nda, i mose ee, “ichõifio ñene” i chõ nguiã. Nande quiatu que Dios nanderirõ nandeicua si ra. Nyebe Dios cheê turã ndiqui nguiã uquirãcua ndeacuquia nande je co. ¹⁹ Ândei Dios cheê mbesa ji â:

Ae “seaquiato tuchi” i quia, ûqui aquiato ra ambuquiachã esi.

Ae “searacua tuchi” i quia, ûqui aracua abe ra ambuquiachã esi no,

i que Dios cheê mbesa ji ra. ²⁰ Ae uquiato saã saã nguia, ibi jenda ja chõ ûqui nde. Ae ucheê aquiato saã saã nguia, ibi jenda ja chõ ûqui no nde. Eaquiatuãte ûqui, i chõ Dios nguiã ûqui je. ²¹ Mbia ae ra Dios icuayã mbei uquiato ae je. Dios cheê ae je quia nda mbia Dios icua nguiã emo Dios cheê nenei nenei mose ee. Ae Dios cheê isi nae, ûqui nda Dios sirõ eicuã si. Ichõifio nguiã, i raque mbia ataque Dios cheê nii. ²² —Mbia mae sayã ndese nda uremaa na ña, i bei que judíos quia ra. —Urechimbaaquiato tuchi rã, i bei que judíos eã nguia ñee nyue no nda. ²³ Nande quiatu Cristo nandesenei senei nguia â. Ae mbia mbucha quia ira rese, a que chõ nandesenei senei nguia nande â.

Uqui si judíos ireite riqui â. Cristo renei nenei mose, judíos eã ndua eã tuchi chõ nguiã erese â. ²⁴ Nande quiatu nandebite riqui nguiã Cristo renei nenei mose â. Dios judíos mo irabo chõ nguiã. Judíos eã mo abe irabo chõ nguiã no. Uqui je chõ ngue Cristo Dios quirãcua mee nguiã. Uqui je chõ Cristo Dios aquiato mee nguiã. ²⁵ Dios aquiatuãte, i raque mbia mo ñee Jesús mano je rîi. Dios quia equiatio tuchi jiri riqui nguiã mbia si co. Dios quirãcua neate, i raque emo ñee no. Dios quia equirãcua tuchi jiri riqui nguiã mbia si co.

²⁶ Dios que jêirabo ja ra. Jêaquiato tuchi eã ndaque ee. Ererecua eã ndaque jê. Mbaecha eã ndaque jê. Dios ae chõ ngue jêirabo nguiã. Uqui ndese jendua jiri. ²⁷ Ae je mbia riqui “eaquiatuãte” i nae, ûqui ño ngue Dios irabo nguiã. Ae ucuasu saã saã nguia nae, ûqui ireî ireî sacua esi. ²⁸ Ae mbia ataque ucuayãte quia nae, ûqui ño ngue Dios irabo nguiã. Ae ucuasu saã saã nguia nae, ûqui mbutiã sacua. ²⁹ Nyebe nandeico nguiã nandeaquiato raã naa aroneate Dios je â. Nande mii mo jiri jiriã. ³⁰ Dios quiatu que

nandembucha Jesucristo rese ra. Ae quiatu que nandembiirandu Dios rese ra. Ae chõ ngue nandechiã mbuturã no nda. Ae chõ ngue nandemingo icúe Dios mbaerã no nda. Ae que mano nanderiquicharõ no nda. ³¹Sã embesa ji riqui ñee ã no:

Ae Dios saã nande je nae, ùqui ñi nandechẽẽ turã.

A e nandesã nande ae nae, ùqui ñi nandechẽẽ turã eã, i que embesa ji ra.

2

Jesucristo mii Pablo senei senei mbia je

¹Seresenda, seso mose jendea que Dios cheẽ asenei senei turã jẽje huee resẽ. Seaquiato asaã saã eã ño nguiã jẽje Dios cheẽ nenei nenei. ²—Jesucristo mii ño tasenei senei jẽje. Jesucristo mano nguia mbia icuã ndiquicharõ nae, ùqui mii ño tasenei senei jẽje, ae chõ ngue oso nguiã ñee jẽje. ³Seireite que seso mose ñee jẽje nyii ra. Semburirite que aque mose ra. ⁴Seaquiato que asaã saã eãte quia ra. Dios cheẽ ngue ambuchecua tuchi quia ñee ñee jẽje ra. Espiritu Turã nguiatu que secheẽ mbirãcuã tuchi quia ñee ñee jẽje ra. Nyebe mbia ñee nguiã. —Dios cheẽ ño eriqui re, i nguiã secheẽ mose. ⁵Dios quirãcuã ae jemingo nguiã Jesucristo rese ùqui. Mbiamo aquiatu eã ño jemingo nguiã Jesucristo rese ùqui.

Espiritu Turã ndiqui mbae icua jate nande je co

⁶Ae seaquiature, ùqui ja chõ asenei senei mbei nguiã Jesús quiato je co. Ae seaquiature nae, ibi jenda rã eã ño seaquiato riqui nguiã co. Ae seaquiature nae, ibi jenda rerecua rã eã ño seaquiato riqui nguiã co. Ùqui aquiatu quia ra tiã jei. ⁷Ae ureico ñee ñee nae, ùqui nguia mbia mbaaquiato jiri nguiã. Dios cheẽte quia ñene. —Secheẽ nda ambuchecua je nguiã mbia je. Mbiamingo bei sacua, i que Dios nyii mbae ao nonde ra. Dios que esenei eã nyii ra. Namonõ embuchecua nguiã nande je cote. ⁸Mbia rerecua que Dios aquiatu icua eãte ra. fnda eriri mbucha eãte rei ira naye. ⁹Sã embesa ji riqui ñee ã no: Dios ra mbae turã saã tuchi nande je. Uch-escua je.

Ae ra Dios saã nande je, ùqui ndese emo iranuete namo.

Emo mae ãte erese namo, i que embesa ji ra. ¹⁰Nande quia nandeico nguiã irandu erese ã. Espiritu Turã quiatu nandembiirandu nguiã. Espiritu Turã nguia mbae icua jate nguiã co. Dios chiao abe icua jate equia co. ¹¹Ae rese emo ndiqui ndua, mbiamo ùqui ndua ndua icuayãte. Ae rese nandeico ndua, nande ae nandeicua nguiã.

Ae rese Dios riqui ndua, Espiritu Turã mii ño eicua nguiã. Dios sí chõ Espiritu Turã nde.

¹²Dios que espiritu mbuae mo monoã nande je ra. Espiritu Turã ño ngue emondo nguiã nande je. Ae Dios saã turã nguia nande je nae, ùqui ndese nandembiirandu sacua ño ngue Espiritu Turã mondo nguiã nande je. ¹³Ae Dios saã turã nguia ure je nae, ùqui uresenei senei nguia ã. Æ ndese chõ ngue Espiritu Turã urembaquiato nguiã. Mbiamo cheẽno eã ño ñene. Nyebe aico nguiã Dios chisaã nenei nenei Dios quiato je co.

¹⁴Ae Jesucristo icua eãte, ùqui sí Espiritu Turã ñee icuayãte quia ã. Echeẽ mbaranguiatuãte riqui ee ã. Nyebe eriqui nguiã echeẽ isiãte. ¹⁵Ae Jesucristo icuate nae, ùqui nguia mbae icua jate nguiã ã. Ae eturãte nae, ae eicuãte nae, ùqui icua ja equia ã. ¿Mañi Jesús quiato quia re? i chõ mbia nguiã Jesús quiato cheẽ icuayã ã. ¹⁶Tarembaquiato, i aroneate mbiamo Dios je. Dios quiato eã mo ndua eãte quia Dios rã sí ã. Nande quia nandendua ndua nguiã Cristo ndua rã sí ã. Dios resendate quia nandeico nguiã ã.

3

Mbae mii na ño ureico nguiã Dios cheẽ nenei nenei

¹Jesús resenda jẽingo raque ùqui. Jẽingo tuchiãte quiatu nguiã erese ùqui. Ae jembite riqui nae, ùqui mii ndese chõ jẽingochi nguiã ùqui. Ae Cristo bite nae, ùqui ndese jẽingoã ñochi nguiã ùqui. Nyebe jaembaaquiato tuchi aroneate equia co. ²Mbia ririã na ño jẽingochi nguiã secheẽ andu mbirĩ mbirĩ cose. Querabe chõ jẽingo nguiã secheẽ andu sereã ùqui. Nyebe jaembaaquiato quiatu tuchiã nguiã Jesús cheẽ ndese. Ae jembite riqui nae, ùqui ndese jẽingo mose ra Dios cheẽ jẽicuayã mbei. ³Jẽicuã icuãte quia jẽingo nguiã jenyue ùqui. Jendua turã ja eãte equia ùqui. Jeñee turã turã eãte quiatu nguiã jenyue ùqui. Nyebe acheẽ nguiã jẽje. — Ae Cristo bite nae, ùqui ndese jẽingoã ñochi nguiã ùqui, ae chõ ndei nguiã jẽje co. ⁴— Se rei Pablo mbae, i chõchi jemo nguiã ñee ùqui. —Se rei Apolos mbae, i chõchi jemo no. Nyebe jẽingo eã nguiã Cristo bi rese ùqui.

⁵¿Aba chõ se chã? ¿Aba chõ Apolos no ña? Mbiamo rerecua eã ño ureico nguiã ã. Dios cheẽ nenei neneia chõ ureico nguiã ã. Ure Dios cheẽ nenei nenei mose jẽje que Jesús jẽicua resẽ. ⁶Mbae tiquia ji rã ño jẽ nde. Sã emo mbae eĩ tiquia no. Sã emo i icherẽ cherẽ erese no. Dios ae chõ embusuri nguiã. Anyae chõ ngue Dios cheẽ mingue nguiã jendese. Apolos chõ ngue jembaaquiato quiatu nguiã cote. Dios quiare uecheẽ mbusuri raanguia jeñiangui re. ⁷Ae echitiagua nae, aque embusuri

aroneate. Ae i icherê cherê erese nae, aque abe embusuri aroneate no. Dios ae embusuri nguiã. ⁸ Ae echitiquia quia, ae i icherê cherê nguia erese, eî si chõ ùqui nde. Dios ra mbae turã mee ee, ae esaã ùqui ndibishorõ. ⁹ Ure rei Dios cheê naa naasa. Sã chacocho no, eî si chõ Dios mbae jê nde. Sã tuchua no, eî si chõ Dios mbae jê nde.

¹⁰ Dios turã tuchi que seje ra. Seje quiatu ngue ucheê mee nguiã. Mbia mbaaquiato quiatu sacua. Tuchua ao aquiato rã ño se re. Tuchua i raanguia chõ asaã nguiã base cote. Aque arõ ño emo ndiqui nguiã tuchua ao hue no. Ae tuchua chao sechisaã arõ nae, sã eraã mingue turã. ¹¹ Tuchua i raanguia chõ Jesucristo riqui nguiã. Ae mii tuchi chõ tuchua i raanguia re. ¹²⁻¹³ Ae arõ tuchua mo nandesaã arondete. Sita je eraã mose, siqui turã mbei rae. Oro je eraã mose, siqui turã mbei ra eno. Plata je eraã mose, siqui turã mbei ra eno. Ùqui je eraã mose, oquei eã nda Dios tata mbu mose. Ira je eraã mose, oquei chõ ndae. Quiata je eraã mose, oquei chõ nda eno. Nandechisaã nda Dios tea ja. ¹⁴ Nandechisaã siqui i i mose, Dios ra mbae turã mee nande je. ¹⁵ Nandechisaã oquei mose, nandembae ra quiachã nandesí. Nande quia ra nandequiachâyã ndaque. Nandecuasê ndaque ra ibate Dios je. Nandechi quiatu ra nandeco cote.

¹⁶ ¿Jêtesarei chõ ere? Dios chuchua chõ nanderete riqui co resê. Dios riqui beite nandeye co. Espiritu Turã ndiqui beite nandeye co. ¹⁷ Emo Dios chuchua mbicua mose, aque ra Dios mbutiã. Nande quia Dios chuchua re. Dios que uchuchua mii icue umbaerã nda. Nanderete je sichõ nandeco nguiã ñee co. Dios chõ nandemingo nguiã icue umbaerã co.

¹⁸ —Nandeaquiature, jenyechi nguiã jeñiangui re ùqui. Ae eaquiature ibi jenda achõ ndese, sã ùqui uaqiaturã raã naa eã. Siqui mingue mose ra Dios embaaquiato turã cote. ¹⁹ Ae eaquiature ibi jenda achõ ndese, “eaquiaturã”, i chõ Dios nguiã ùqui je co. Sã embesa ji riqui ñee no: Dios ra ùqui aquiato mbutiã ño cote.

“Seaquiaturã tuchite aico co”, i quiatuchi ngue nyii re, i que embesa ji ra. ²⁰ Sã embesa ji riqui ñee no:

Ae rese eaquiaturã riqui ndua nae, ùqui Dios icua tuchite quia co. Ndua ndua iru chõ nguiã,

i que embesa ji ra. ²¹ iMbia aquiato mo ndese ra jeñimbucha chooñochi jê! Dios quiatu que mbae mondo ja jêje ra. ²² Jembae chõ se re. Apolos abe rei jembae no. Pedro abe rei jembae no. Mbae ibi jenda ja rei jembae. Dios mbia mingo mose, jêje chõ emingo. Dios mbia mingo eã mose, jêje chõ emingo

eã. Ae siqui quia namo, jembae ja chõ ùqui nde. Ae ra siqui aquere, jembae ja chõ ùqui no nde. Jembae ja chõ ñene. ²³ Cristo mbae chõ jê nde. Dios mbae chõ Cristo no nde.

4

Ureaquiaturã tuchi Jesu chimbaaquiaturã si, jenyechi nda jê

¹—Cristo rimba ja chõ ùqui nde, jenyechi serii. Apolos rii abe no. —Ae ambuchecua eã mbia je nyii, ùqui jembuchecua checua mbia je serii cote, i que Dios ure je ra. ² Dios rimba mose nande, Dios cheê nandemumbayã mbei chõ nguia. ³ —Serimba turã ño nde re, i ra Dios seje reae. Nducua. Aicuayãte se. —¿I se jêje re? ae ãte se quia jêje co. Ae ãte se quia emo je co no. Dios mii ño seicua nguiã. ⁴ Dios rimba turãte aico reae. Dios ae chõ seicua nguiã. ⁵ —Dios rimba turã ño aque re, jenyechi nda emo mii jê! Jesucristo tu mose, ae quia ra mbae mbuchecua ja. Ae ra nandendua ndua mbuchecua ja. Aque mose quia ra Dios ñee. —Co rei serimba turã tuchi co, i ra Dios mbia mbiirandu aque mose cote.

⁶ Jembaaquiaturã sacua ño aico nguiã ñee jêje co. Sechue si chõ aico nguiã ñee. Apolos rii abe chõ aico nguiã ñee. Dios rimba achõ ño ure re. Ure mii mo ndui jêingo bei aroneate. Dios rimba ja rui chõ jêingo. Eî jenyechi mose ra embesa ji jemumbayã. ⁷ ¿Mbaerã nda jêcuasu jêsaã saã nde? Ae jendeco jembaerã nae, Dios chimondo ja chõ ùqui nde. Jêaquiaturã mose, Dios ae jembaaquiaturã nguiã. —Se ae que sembae asaã saã nda, jenyechi nda jêcuasu raã naa jê!

⁸ —Ureaquiaturã tuchite cote, jenyechi ngue ñee nda. —Ureico Dios cheê icua jate co, jenyechi ngue ñee no nda. Ererecua tuchi jêsaã saãchí ureririrõ cote. Ererecua jêsaã ñooño na jê no. Se abe ra ererecua asaã saã ndei jê na ndeae. ⁹ Dios ucheê nenei neneisa quirirõ jiri ure reae. Mbia tarõ ji rã ño ureico uremano ndaarõ arõ ndeae. —¿Mañi ã nguia re? i tuchi mbia quia mae nguiaturã urerese co. Angeles abe ñee nyee mae nguiaturã urerese. ¹⁰ Ureico tuchi mose Cristo rese, “eaquiaturã”, jenyechi equia ure je ùqui. “Ureaquiaturã ure”, jenyechi equia jê jêingo mose Cristo rese ùqui. Urequrãcuã neãte ure, jê jêquirãcuã mose. Mbia ureosei chiãte ure; jê nguia mbia jêoseite nguiã. ¹¹ Mbae eã mbeite urembae namo abe. Ureirãcuã ãcuãte que eriqui emo mose ra. Ureiseite abe que eriqui ra. Ureirã eãte abe no. Mbia icua icua mbeite ure je. Urechuchua eãte abe no. ¹² Mbae uresaã saã tuchite quia ureo je co. Mbia icua icua mbeite riqui ure je co. Urecheê turã turã mbeite equia ure ee ã, ùqui ñee icua icua mose ure je. Urechecua

chôte equia ñimbiracuaã ee ã. ¹³ Urecheê mingue beite equia ùqui ñee icuaã mose ure je ã. Mbae quiaã rã tuchi chõ ureico nguiã mbia je ure ã. Mbia ureririrõ mbeite quia namo nyee ure ã.

¹⁴ Jêirei irei sacuaã eã ño aico nguiã ã mbesa jêje ã. Jemundua ndua sacuaã ño ñene. Seriiirite quiaã jê nde. ¹⁵ Jembaaquiato quia-tusa tubiriãte raque Cristo riã. Se mi tuchi chõ jendu re. Se rane nguiatu ngue echeê turã asenei senei nguiã jêje nyii. Se quiatu ngue Cristo aicua uquia nguiã jêje. Nyee aico nguiã “seriirĩ” i beite jêje co. ¹⁶ Nyee jêingo se rã si. ¹⁷ Timoteo amondo quiaã jêje aque. Ae rei sechimbaaquiato tuchi. Nyee “seriirĩ” ae tuchi nguiã ee. Ae quiarei siqui turã tuchi Dios rese. Ae ra jemundua bei secheê ndese. Sechisaã ndese abe no. —Ei ngue Pablo quia Jesús quiato mbaaquiato quiatu sucha mbuchesea sea mose ra, i ra Timoteo jêje seriã. ¹⁸ Jemo ndiqui uaquiato raã naa tuchichĩ ùqui. —Pablo ra tu eã mbei urerea, i chõchĩ jemo nguiã seriã ùqui. ¹⁹ Aso jei ra jendea, Dios eno i mose seje. Ae uaquiato saã saã tuchi quia jemo nae, ùqui tatea cote. Mañi nda equia mbae raã ndeae. Echeê achõ achandu sereã. ²⁰ Dios rimba cheê achõ aroneate. Siqui eã mose Dios quiracuaã ndese. ²¹ Manyae ra jêje seso mose jendea reae. Acheê asi asi ra jêje reae. Aico mingue chõ nda jêje renoae. Jêhui mose jêicuaã si, acheê asi asi eã nda seso mose jendea.

5

Ae siqui ngu ninisi rese, aque jemombo

¹ Mbae icuaã tuchi rese que ureirandu jendese ra. Jemo nda siqui siqui ngu ninisi rese ra. ¿Mbaerã jêataque jêtea choõno mbae icuaã naa mose re? Ae Jesús quiato ãte nae, ùqui ño siqui ãte ngu ninisi rese. ¿Mbaerã Jesús quiato quiatu siqui ngu ninisi rese re? ² Jêturã jêsaã saã mbei chõchĩ nguiã jê ùqui. Jêya eã eã ño jêingochĩ ùqui ndese ùqui. Jêirei nguiã tuchi chõchĩ. Ae siqui ngu ninisi rese, ae jemombo eã ñochĩ jeñumunua nuasa si.

³ Ishote aico raque jêsi co. Andua beite sequia jendese co. —Ae siqui ngu ninisi rese, aque jemondo Satanás je, ae chõ nguiã sechiangui re co. Se siqui raanguia jendese. ⁴ Jeñumunua na Jesús quiato hue jenda. Se abe ra andua ndua jendese. Jesucristo quiracuaã abe ra siqui tuchi jendese jeñumunua mose. ⁵ Ae siqui ngu ninisi rese nae, aque jemombo chõ jêsi. Jesús quiato si. Jemee ño Satanás je. † nda Satanás erete mbasi. † nda eã siqui bei Jesucristo tu mose cote.

⁶ ¿Mbaerã jeingo jêturã naa naa mbae icuaã ndea choõno nde? Levadura rã ño mbae icuaã nde. “Levadura ñetê nda oso raque

mbichae raã namo mose. Mbuchimatã ja rae”. ¿Ùqui jeñanuãte quia re? ⁷ Ae eicuãte nae, aque jemombo jêsi. † nda jê abe mbae icuaã jêsaã eã. Dios que Jesucristo iquia nandeicuaã ndibishorõ nda. Sã mbia riqui oveja iquia iquia huicuaã ndibishorõ no. ⁸ Nyee nandeico turã na Dios rese, mbae icuaã naa naa ndocoi. Cochee nandeico. Nandeicuaã nandesecha ja.

⁹ —Ae siqui emo ninisi rese, ùqui je ra jeñee ñeechĩ, ae que secheê mbesa mondo jêje nyii. ¹⁰ Ae Jesús quiato ãte, ùqui nii eã ño ngue acheê nguiã jêje. Nandechê eã aroneate Jesús quiatoã je nandeico mose ibii. Ae siqui quia emo ninisi rese nae, ae abei chiãte riqui nae, ae mbae mbuquiachã nguia nae, ae siqui Dios abareã ndese nae, ùqui je nandechê eã aroneate. ¹¹ Jesús quiato mo ùqui icuaã naa mose, jemombo chõ jêsi. Jeñee ñeechĩ nda ee. Emo ninisi rese siqui mose. Abei chiã mose. Dios abareã ndese siqui mose. Uchuru rerequia choõnoã mose. Quiacua mose. Mbae mbuquiachã mose. Jesús quiato ùqui naa naa mose, jêhui chõ esi. Jêquiaru jiri jiriã tuchi ùqui ndese. ¹² Jesús quiatoã nandeteaquiato aroneate. Ae Jesús quiato, ùqui nguiatu nandeteaquiato. ¹³ Dios quia ra Jesús icuasa reã mbasi. Ae siqui ngu ninisi rese nae, “Jesús quiato se”, i rei quia nae, aque jemombo chõ jêsi.

6

Jemo icuaã icuaã mose nyue, jê ae chõ jêingo

¹ Jemo icuaã icuaã mose nyue, jêsochĩ nguiã ñee Jesús quiatoã nderecia je. Jê ae chõ jemae erese ae. Jêicua ae. Sã Dios quiato achõ ño ñee ùqui je. —Ei jenyê jê! i ùqui je. ² Dios quiato quia ra “jêi jenyê jê!” i ja Dios quiatoã je emo mose. Jê nguia ra “jêi jenyê jê!” jenyê mbia ataque je emo mose. ¿Mbaerã jêingo “jêi je nye jê!” ise reã mbae ñetê naa mose re? ³ Angeles je abe chee ra “jêi jenyê jê!” nande. ¿Ùqui ndese jêiranuãte re? Á ibi jenda je “jêi jenyê jê!” nande turã ja rã ae. ⁴ Jesús quiato chõ jê nde. Ibi jenda mo nii jemo icuaã icuaã mose nyue, jê ae chõ jemae ùqui ndese. Jêsochĩ nguiã ñee Jesús quiatoã nderecia je. Dios quiato eãte quia ùqui nde. ⁵ Jesús quiato mo ñee icuaã icuaã mose nyue, ¿jemo jêaquiãte ñee ee re? “Ei jenyê jê!” i ee re. Jê jêirei irei sacuaã ño aico nguiã ñee jêje ùqui. ⁶ —¿Mañi ure ra re? i aroneate Jesús quiato ñee Jesús quiatoã nderecia je.

⁷ Jemo Jesús quiato mo icuaã icuaã mose nyue, echiã turã tuchi ãte quia ñene. Jeñimbiracuaã ño mbae icuaã naa mose jêje. Jeñimbiracuaã ño jembae mbuquiachã mose no. ⁸ Jê abe mbae icuaã jêsaã saã ñochĩ, ñimbiracuaã ndocoi. Jê abe jendesenda mbae

jembuquiachã ñochĩ Jesús quiato mbae, ñimbirãcuã ndocoĩ.

⁹⁻¹⁰ Mbia rerecuarã tuchi ra Dios cote. Aque mose ra mbia icuã siquiã tuchi Dios rese. Ae siqui emo ninisi rese nae. Ae siqui ngüinisiã ndese nae. Ae ndua chooño nguia Dios abareã ndese nae. Ae siqui quia nyiese ngüinisi raã naa nguesenda je nae. Ae mbae mbuquiachã quiachã nguia nae. Ae abei chiãte riqui nae. Ae quiacua quiacua quia nae. Ae ucheẽ mondo chooño mbeite quia mbia je nae. Ūqui nda siquiã tuchi Dios rese. —Eicuã abe ra siqui bei Dios rese, ijenyechĩ nda ñimbiĩrĩ irĩ jẽ! ¹¹ Eĩ ngue jemo icuã cose ra. Dios ae jembitirõ nguiã cote. Dios chõ jemũ nguiã icúe umbaerã cote. Espiritu Turã ngue jẽisi turã Jesucristo rĩ cote ra.

Espiritu Turã nyuchua chõ jendete re

¹² —Co rese ra ereicochĩ, i ãte raque Dios quia seje mbae mo nũ. Dios biãte nande mbae raã ja chooño mose. Mbae mo sembũcuã serĩ mose, asaã eã mbei ra se. ¹³ Nandechiurã ndei nanderie je sacua. Nanderie rei nandechiu rirurã. Ūqui ja ra Dios mbutiã emo mose cote. Dios mbaerã ño nanderete re. Siqui chooño sacua eã ño emo ninisi rese chõ nanderete re. Nanderete rerecua chõ Dios re. ¹⁴ Dios quirãcuã ño ngue Jesucristo raaque mbuquera nguiã. Eĩ ño nda Dios quirãcuã nanderaaque mbuquera nguiã nande abe no. ¹⁵ Jjẽiranuãte quia jendete rese re? Cristo nanderete mbucha quia uchiese co. Cristo rete chõ nandeico nguiã co cote. Cristo rete nandembucha aroneate cuña icuã ndete mo ndese. ¹⁶ Emo siqui mose cuña icuã mo ndese, erete ucha chõ nguiã nyiese aque. Erete nyeremo eã ño cote re. Ūqui ndete ja ra co miĩ cote, i que Dios cose ra. ¹⁷ Emo siqui mose Cristo rese, nguete mbucha chõ nguiã erese ūqui cote. Erete miĩ na ño ūqui cote re. ¹⁸ Jjeninisiã ndese ra jẽingochĩ jẽ! Mbae icuã mo naa mose, ūqui nda nanderete mbũcuãyã jiri. Siqui mose ngüinisiã ndese, ūqui nguia ra nanderete mbũcuã tuchi cote. ¹⁹ Espiritu Turã siqui chee jẽiangui re ūqui. Espiritu Turã nyuchua chõ jendete re. Dios mbae chõ jẽ nde. Jembae ae eã ño jendete re. ²⁰ Eicuã nimba rei ngue jẽ nyii re. Dios quiatu ngue jẽisi nguiã cote. Nguiĩrĩ ngue emondo jendibishorõ nda. Nyebe jẽingo jendete mee Dios je. Jẽaĩ abe jemee ee noae.

7

Pablo mbia mbaaquiato emo ngüinisi rerequia rĩ

¹ Jẽnee ngue jembesa mondo seje nyii nae, ūqui tasibishorõ jẽje cote. Coche emo siquiã nguiã cuña mo ndese. ² Coche mbia ngüinisi ae rerequia nguiã. Coche cuña ngu miĩ nderequia nguiã no. Emo ndese siqui

chooño eã sacua ño ūqui nde. ³ Sã eru riqui turã ngüinisi rese. Sã eninisi abe riqui turã ngu rese. Nyao aroneate nyesi. ⁴ Eninisi rete chõ eru mbae cote re. Eru rete chõ eninisi mbae cote no nde. ⁵ Nya i aroneate eru ngüinisi je nguete rese ngueteã. Nya i aroneate eninisi nguete rese ngueteã ngu je no. —Nandechẽẽ mbei Dios je namo, siqui rocoĩ nyiese, i mose nyue, eturãte ūqui. Sã eriquibe nyiese aquere cote. Ñee ñeende Dios je cote. Siquibe eã mose nyiese, ñimbirãcuã eã arõ ndete. Satanás embũcuã arõte cote. ⁶ —Jeninisirã jendeco, ae ãte quia jẽje co. —Jeninisiĩ mose, jendeco ae, ae chõ nguiã jẽje co. ⁷ —Sã Jesús quiato ja ninisiã ndiqui se rã si, ae rei que se ra. Dios cheẽ eã ño ūqui nde. Nandechisaã ae aerã ño Dios mondo nguiã nande je. Emo ninisiã siqui turã arondete. Emo ae ngüinisi quereco sete nguiã no.

⁸ Ae eninisiãte nae, ūqui je tacheẽ. Eru cheecha je abe tacheẽ no. Coche jẽingo nguiã jendu eã. Coche jeninisiã ndiqui nguiã no. Se rã si. ⁹ Jjẽimbirãcuãyã mose jendete je, jeninisirã mo jẽtea ae. Jendurã mo jendeco noae. Mbia mo oseĩ oseĩ rocoĩ.

¹⁰ Ae ngu quereco nae, sã ūqui ngu rechayã mbei. Jesús cheẽ tuchi chõ ūqui nde. Secheẽ ae eã ño ūqui nde. ¹¹ Cuña mo ngu recha mose, sã eriquiã mbei emo ndese. Sã ae ae chõ ndiqui bei, ñimbucha si eã mose ngu rese. Sã eru abe ngüinisi rechayã mbei.

¹² Se ae tacheẽ cote. Jesús cheẽ eã ño ã cote re. Jesús quiato mose emo, sã eriqui bei ngüinisi rese. Jesús quiatoã ndaque eninisi. Eninisi siquise mose ngu rese, sã eru siquichõ erese. ¹³ Jesús quiato mose cuña mo, sã eriqui bei ngu rese no. Jesús quiatoã ndaque eru. Eru siquise mose ngüinisi rese, sã eninisi siquichõ erese no. ¹⁴ Jesús quiato mose eru, eru ngüinisi mbucha arõte quia Jesús rese co. Jesús quiato mose eninisi, eninisi ngu mbucha arõte quia Jesús rese co no. Eĩ nda eriĩrĩ abe Jesús icuayãte rei, ūqui ande. ¹⁵ Jesús quiato mo ninisi siquiã mose Jesús rese, “seru tasecha” i bei mose, sã eru eriquisã quisã eã. Cuña mo Jesús quiato mo ndu siquiã mose Jesús rese, “seninisi tasecha” i bei mose, sã eninisi ngu riquisã quisã eã no. Ūqui naa mose, Jesús quiato mbae icuã saã eãte. —Sã seriĩrĩ ndiqui turã nyue, i quiatu que Dios nande je ra. ¹⁶ Ae Jesús quiato nae, ūqui ngüinisi mingo arõte Jesús rese. Ae Jesús quiato cuña nae, ūqui ngu mingo arõte Jesús rese no.

¹⁷ —Eĩ jenyẽ chõ nguia jẽ ae ae, i que Dios nandechiãorã mee mee nande je ra. Ūqui ndese nandeico bei quiatu nande ae ae. Dios que ñee nande je nyii, aque mosenda rã si bei chõ nandeico. Ūqui ño aseneĩ seneĩ

nguiã Jesús quiato ishonda jaje abe. ¹⁸ — Echu serui, i mose Dios judío mo je, sã judío bei chõ ae riqui. — Echu serui, i mose Dios judío eã mo je, sã ae riqui judío raã naa eã. ¹⁹ Sebite judíos achõ, iã nda Dios. Sebite judíos eã achõ, iã nda Dios no. Ae Dios cheẽ mumbayãte quia nae, ùqui nguia Dios bite re. ²⁰ Eĩ nande que equia Dios ñee namo mose nande je nyii, aque mosenda rã mbei chõ nandeico. ²¹ Mbia rimba mose nde, Dios “eico serui” i mose ndeje, eico chõ erui. Mbia mo nimba raque nde. Erechãchĩ nda ndererecua si. Ndererecua huise mose ndesi, nde ae eico cote ae. ²² — Eico serui, i mose Dios mbia rimba mo je, Dios embui chõ nguiã eicuã si cote. — Eico serui, i mose Dios emo ae siqui mose, Cristo rimba chõ aque cote re. ²³ Jesucristo que mano jêje ra. Nyebe Jesucristo rimba ae chõ jêingo nguiã ùqui cote. Mbia rimba ae eã ño jêingo nguiã ùqui cote. ²⁴ Dios que ñee nande je nyii, aque mosenda raanguia bei chõ nandeico Dios rese.

²⁵ Nyucuaaque riã tacheẽ ndaque jêje cote. Dios que ñee ãte seje ùqui niã nda. Se ae chõ tacheẽ jêje. Airandu que Dios ia eã mose serese ra. Nyebe aico nguiã ñee ñoño eã tuchi jêje co. ²⁶ Sã mbia ngüinisirã mo ndea eã namo. Sã nyucuaaque ae riquichõ ngurã mo ndea rocoĩ. Mbia icuãte quiatu eriqui nguiã Jesús quiato je ã cote. ²⁷ Neninisi mose, eico bei chõ erese erchayã mbei. Neninisiã mose, nde ae eico bei. ²⁸ Neninisirã ndae mose, eicuã eã ño ùqui no nde. Nyucuaaque ngurã mo ndea mose, eicuã eã ño ùqui no nde. Mbae icuã nda ei ei ee ngurã ndea mose cote reae. Nyebe aico nguiã ñee jêje. — Jê ae jêingo neninisiã, i jêje. ²⁹ Tacheẽ tuchi rã jêje, Seresenda. Mbae ra ua jei ja nande je cote. Ae ngüinisi quereco quia, sã ùqui ndiqui ngüinisi rerequia eã naanguia. ³⁰ Ae eya eãte riqui, sã ùqui ia tuchi raanguia riqui no. Ae eyate riqui, sã ùqui ia eãte raanguia riqui no. Ae mbae isi quia, sã ùqui ndiqui mbae isiã naanguia no. ³¹ ã nandeico rei nguiã ibi ã. Ibi jenda rese ra nandendua tuchichĩ jê! ã ibi jenda ja ra ua ja chõ jê!

³² — Jeninisiã ño jêingo, ae que se ra. Jendua ndua eã jiri nda ibi jenda rese chã. Ae eninisiã, ùqui ndua ndua bei arõte Dios miã ndese. Ae Dios bite, ùqui esaã saã mbei arõte. ³³ Ae eninisi nae, ùqui ndua ndua bei arondete ibi jenda achõ ndese. Ae eninisi bite nae, ùqui esaã saã mbei arondete. ³⁴ Eĩ si chõ cuãna no nde. Eru eã mose, ndua ndua arondete Dios achõ ndese. Ae Dios bite, ùqui nda esaã saã mbei ee. Siqui tuchi ra Dios rese. Ae ngu quereco nae, ùqui ndua ndua bei arondete ibi jenda achõ ndese. Ae eru bite nae, ùqui esaã saã mbei arõte. Siqui

rocoĩ Dios rese. ³⁵ Jaendiquisã quisã eãte raque se jeninisirã mo ndea mose. Jemundua sacua Dios rese chõ aico nguiã ñee jêje co. Jendua eã sacua mbae mo ndese chõ ñene. Jeninisi mose jendua bei aroneate Dios rese.

³⁶ — Seririĩ ndu bite chĩ cote. Etiarõte chĩ cote, i mose amei mo, sã eririĩ ngurã mo nderequia. Eicuã eã ño ngüiriĩ ndurã mee ee re. ³⁷ — Sã seririĩ ndu eã ae riqui. Erurã nda amee eã ee, i tuchi mose amei mo, eturãte ùqui abe. ³⁸ Ae ngüiriĩ ndurã mo mee ee, eturã ño ùqui nde. Ae ngüiriĩ ndurã mo mee eã ee, eturã tuchi chõ ùqui cote re.

³⁹ Eru mbae bei chõ eninisi re. Nyao aroneate nyesi. Eru mano mose, ngurã mo nderequia arõte Dios quiato mo cote. ⁴⁰ Eru mano mose, siqui turã arondete ngurã mo ndea eã mose cote. Eya tuchi ra siqui ngu eã mose reae. Se chõ acheẽ nguia ùqui ndeae. Espiritu Turã abe sembucheẽ nguia reae.

8

Ae soo mbia mondo rei dios abareã je nae

¹ — Mbia soo mondo mondo quia dios abareã je nae, ùqui soo ra nandeu re? jenyje que seje. ùqui tasenei jêje cote. — Seaquiatute se, nande ja jate raque quia ã. Emo eaquiatu tuchi mose, ucuasu raã naa arondete. Emo nyesecua mose mbia rese, Dios abe rese ra nyesecua bei. ² Seaquiatute se, i mose emo, eaquiatuã ño ùqui nde. ³ Emo nyesecua mose Dios rese, Dios ùqui icua chõ nguiã ùqui.

⁴ Mbia soo mondo mondo quia dios abareã je, ùqui nda nandeu re? ùqui nde eã tuchi chõ nda re? Dios eã tuchi chõ dios abareã nde. Co miã tuchi chõ Dios re. ⁵ Dios abareã nguia etubiriãte re. Ibi jenda. Ibei rinda abe no. Dios raanguia tubiriãte raque no. ⁶ Dios quia co miã tuchi nande je re. Ae quiarei nanderu tuchi. Ae miã ngue mbae chao ja tuchi ra. Ae miã ngue nandea umbaerã nda. Nandererecua miã tuchi chõ siqui nguiã co no. Jesucristo, i equia ee. Ae que mbae chao ja tuchi Dios rese ra. Ae miã ño nandemingo nguiã ã.

⁷ Dios quiato mo iranuate quia ùqui ndese ã. Siquiche beite quiatu nguiã dios abareã si ùqui. Ae soo mbia mondo dios abareã je, ùqui mbaeiaie riqui rei nguiã ee. — ùqui soo jêje eã jê! i rei Dios nguiã ee. ⁸ Ae nandeu quia nae, ùqui nda nandembuturã eã Dios je. Nandechiu mo nda nandembuturã eã mingo. Nandechiurã nandei teã teã mose, ùqui nda nandembicua eã no. ⁹ — ùqui soo ra jêuchĩ jê! iãte raque Dios nande je. Mbaeiaie eãte raque ùqui soo. Mbaeiaie nda eriqui rei Jesús quiato namonda je raẽ. Jê eu mose, ùqui abe ra eu chee. — Mbaeiaie au chõchĩ, i ra ñimbiãcuã tuchi cote. ¹⁰ Jêquiaru

mose dios abareã chuchua, Jesús quiato namonda ra mae jendese. Ūquí abe ra soo u chee, ae mbia mondo Dios abareã je, Maende jendese. Eicuã ndaque eriqui reĩ nguiã ee. ¹¹ Jê ndaque jêirandu ūquí soo rese. Eicuã eã ndaque eu mose. Jêu eã ndei. Jê eu mose, Jesús quiato namonda abe ra eu chee, Siquichete raque esi. Eĩ jentye chõchĩ ūquí mbiicha arõte Dios si. Ūquí nĩ abe chõ ngue Jesucristo mano nguiã. ¹² Soo mbaeiae riqui reĩ mose ee, jêu eã uquia ee ae. Jê euquia mose Cristo quiato namonda je, eicuãte ūquí Cristo je. ¹³ Jesús quiato mo ambicuã sereã tuchi chõ nguiã se. Se soo u mose, ūquí Jesús quiato mo mbiicuã mose, soo ra auã mbei cote.

9

Mbae mo jembu seje Dios cheẽ nenei nenei ndibishorõ, i áte Pablo

¹ Jesús cheẽ nenei neneisa tuchi chõ se re. Sererecua mo eãte ibi jenda mo. Amae tuchi que Jesucristo rese se ra. Secheẽ nguire chõ jêingo nguiã Jesucristo icua ūquí cote. ² Jesucristo cheẽ nenei neneisa eã ño co re, i arõte raque emo seje. Jê quiatu jeñee aroneate nguiã ūquí seje. Ūquí jêingo seicua tuchia ūquí. Secheẽ nguire quiatu que Jesús jêicua cote resẽ.

³ Eĩ ae chõ nguiã ñee mbia ñee icuã mose seje. ⁴ Se abe Jesús quiato sembuquiaru quiaru arondete raque. ⁵ Seninisirã Jesús quiato mo arao rao arondete raque mananguiti. Secuata cuata mose mbia mbiirandu randu Jesús rii. Sã Pedro riqui ngũmisi rerao rao no. Jesús nongue abe no. Sã Jesús cheẽ nenei neneisa ja ngũmisi rerao rao no. ⁶ ¿Se mii ño nda Jesús quiato sembuquiaru aroneate reĩ jêje re? Bernabé abe rese. Ure Jesús cheẽ nenei nenei mose. ⁷ Sã soldado siqui chooño eã comandante mbae mee eã mose ee. Sã emo ndiqui mbae tiquia chooño no. —Sechitiquia nda au chã, i chõ nguiã. Sã emo ndiqui ticuas raarõ ñooño no. —Equiandi nda ambei chã, i chõ nguiã.

⁸ Secheẽ ae eã ño ūquí nde. Embesa ji chõ asenei nguiã jêje. ⁹ Co rei Moisés chimbasa co:

Jê ticuas mbuquieĩ quieĩ mose, echuru jembumbi eã.

Sã ae ae si quia mbae cua, i que embesa ji ra. Ticuas achõ je eã ngue Dios ñee nguiã. ¹⁰ Nande abe je chõ ngue ñee nguiã. —Sã Jesús quiato abe riqui mbae mee mee echeẽ nenei neneisa je, i chõ ñene. Ae mbae chitiquia quia nae, “sechitiquia tau”, i chõ nguiã etiquia. Ae mbae a chiqui chiqui quia nae, “sechiqui tau”, i chõ nguiã eiqui iqui. ¹¹ Dios cheẽ ngue uremingue mingue tuchi quia jendese resẽ. ¿Jê urembuquiaru quiaru aroneate quia cote

re? ¿Ureiraorã jeme aroneate quia ure je cote re? ¹² Mbae mo jeme mee nguia Jesús cheẽ nenei neneisa mo je ūquí. ¿Mbaeã jêingo emee eã ure abe je quiatu re? —jMbae mo nandeisi teã eo si jê! ure que equia oso mose jendea ra. Dios si jembiiicha eã sacua ño ngue mbae mo ureisi teã nguiã jêsi. ¹³ Sã Dios ñee sacerdotes je cose no. —Ae siqui quia sechuchua sacrificio raã naa nae, sã ūquí ndiqui ofrenda u u bei ae, i que Dios ñee cose ra. ¹⁴ Eĩ si chõ ngue Jesús ñee nguiã ucheẽ nenei neneisa je. —Ae secheẽ turã senei senei nguia nae, sã sequiatio ataque riqui mbae mee mee mbei ūquí je, i que Jesús ra.

¹⁵ Dios cheẽ nenei neneisa tuchi raque se. Mbae mo ngue aisi chõ áte jêsi ra. Se ae chõ mbae achao chao nguiã sembaeã co. —Mbae mo jeme seje, ae áte chõ nguiã co mbesa mbesa jêje co. Tamano ae, “mbae embu seje”, i rocoĩ jêje. ¹⁶ Dios cheẽ nenei neneisa tuchi chõ se re. Ūquí nĩ seturã asaã saã aroneate. —Secheẽ esenei senei mbia je, i quiatu Dios nguiã seje. Se erenei nenei eã mose mbia je, Dios ra paama i seje. ¹⁷ Se ae que andua eã nda. —Dios cheẽ tasenei senei, aeã ngue se ae ra. Dios chõ ngue ñee nguiã seje. —Secheẽ esenei senei mbia je, i nguiã seje. Se ae andua mose, eĩ nda Dios mbae mo mee ndei seje ucheẽ nenei nenei ndibishorõ. Dios rimbate quia se re. ¹⁸ ¿Mbae chõ sebite riqui chã? Mbae mo isiã Dios cheẽ nenei nenei ndibishorõ, ūquí ño sebi re. —Mbae mo embu seje Dios cheẽ nenei nenei ndibishorõ, ae áte quia co. Ūquí nguia sebi re.

¹⁹ Mbia mo nimba eã ndaque se. Mbia rimba asaã saã ño nguiã Dios cheẽ nenei nenei mbia je co. Mbia Jesucristo icua sacuaã. ²⁰ Seico mose judíos ite re, judío asaã saã ño nguiã. Judíos Jesucristo icua sacuaã. Ae siqui tuchi quia Moisés chimbasa rui nae, ūquí ite re seico mose, Moisés chimbasa asaã saã ño nguiã se abe. Ūquí Jesucristo icua sacuaã. —Moisés chimbasa rui eico, i áte raque Dios seje. ²¹ Ae siquiã nguia Moisés chimbasa cheẽ ndui nae, ūquí ite re seico mose, se abe Moisés chimbasa asaã saã eã ño nguiã cote. Ūquí Jesucristo icua sacuaã. Cristo mii ñee ño amumba mumbayã nguiã co. ²² Jesús quiato quirãcuã ite re seico mose, ūquí asaã saã ño nguiã se abe, sequirãcuã nea naa naa. Ūquí Jesucristo icua sacuaã. Ae ite re aico oso oso beite nae, ūquí na ño aico nguiã se abe. Ūquí Jesucristo icua sacuaã. ²³ Ūquí ja chõ asaã saã nguiã Dios cheẽ turã nii co. Nandeico turã ja sacuaã Jesús rese.

²⁴ Sã mbia carrera raã naa no. Mbia ja chõ uchã ndaque. Co mii ño nda premio isi. Aque rã tuchi chõ jêingo Jesús rese. Premio

isi sacuā naanguia. ²⁵ Ae ra carrera sāa sāa nae, ũqui mbae icuā secha ja chō nguiā ũqui. Premio isi sacuā ño eriqui nguiā mbae icuā naa eā. Premio nda ua jei raque. Ae Jesús mee arōte quia nande je premio nae, ũqui nguia ra ua eā mbei nandesī. ²⁶ Se aico chooñoa nguia Jesús rese co. Jesús rese aico turā tuchi chō nguiā se co. ²⁷ Mbae asāa sāa ño nguiā serete mbirācuā co. Serete secheē mumbayā sacuā. Se premio ganar i sacuā ño aico nguiā eraā naa co. Premio isiā sebiāte, se Dios cheē nenei nenei tuchire. Nyebe aico nguiā siqui tuchi Jesús rese co.

10

Dios raanguia rese ra jëingochi jë

¹ jÿetesareichī nda nandei ñiinda si jël iMoisés mosenda si jël iũqui ngue siqui ja rei ibeishī ndui ra jël iũqui ngue nyoi ja rei Ama İrei ndasa Dios ñee mose ee ra jël ² —Moisés rese nandeico bei, i ja rei que mbia siqui ja mose ibeishī ndui ra. —Moisés rese nandeico bei, i ja rei que mbia Ama İrei ndasa mose ra. ³ Ae Dios mee ndei ee echurā nae, ũqui ngue mbia ja u u rei ra. ⁴ Ae Dios mee ndei ee embei sacuā nae, ũqui ngue mbia ja mbei mbei rei ra. I que tuutu quia sita si nae, ũqui ngue mbia ja mbei mbei rei ra. Aque sita rei Cristo rā. Cristo que siqui tuchi quia ũqui mbia rese ra. ⁵ ũqui ataque rese que Dios ia eā tuchi riqi ra. Siqui turā eā tuchi que equia Dios rui ra. Nyebe Dios eataque iquia iquia nguiā turúquiaa.

⁶ Nandemundua sacuā ño ũqui nde. Mbae icuā osei osei eā sacuā nande chō ũqui nde. Sā ũqui mbae icuā osei osei no. ⁷ Jëingochi nda dios abareā ndese. Sā ũqui ndiqui dios abareā ndese no. Sā embesa ji riqi ñee no: “Mbia que quiaru quiaru ra”, i que embesa ji ra. Jë nguia jëingo eā dios abareā ndese. ⁸ ũqui nandei que siqui siqui ngüinisiā ndese no nda. Nyebe Dios eiquia iquia tuchi nguiā. Veintitrés mil que mano aque nyaashī mose ra. iMbae icuā nda nandesā saāchī ũqui na jël ⁹ —Ma Cristo roseite, nandechī nda mbae icuā naa jë. Sā nandei riqi “ma Dios roseite” i nyii no. Sā ñi ngue eriqui mbae icuā naa mbei cose no. Sā mbei tāsie riqi eiquia iquia no. iũqui nandesā saā eā tuchi chō nguia nandei jël ¹⁰ jÿeñee icuā icuāchī nda Dios rii jël Sā ũqui nandei ñee icuā icuā nguia Dios rii no. Nyebe ángel nandei ñiinda iquia iquia tuchi nguiā. ¹¹ Eī si tuchi que nandei ñiinda quia nyii ra. Dios que embesa mii nandetesareī eā sacuā nda. Mbae ua ja serī mose chō Dios riqi nguiā nandembesareī eā co. ¹² —Sequirācuā tuchi chō se re, i mose emo, isā aque riqui nyiicia tuchi quiatu jël

Mbae icuā jei nonde ee. ¹³ —iMbae icuā esāa jël i mose diablo jëje, ei si chō nguiā ñee mbia ataque je. Jë mii je eā. Dios quia ra ucheē mbuchebiā mbei. Jendeaquiātu bei ra diablo ñee mose jëje. Jembirācuā ndae. Jë “nya” i sacuā mbae icuā je.

¹⁴ Seresenda, jdios raanguia rese ra jëingochi jël ¹⁵ Jëaracuate rei jë ndesē. Secheē ndese jemae quiatu. ¿Acheē ñooño se re? Acheē ñooño eā se reae. Jëtea quiatu. ¹⁶ Nande Santa Cena naa naa mose, Cristo ruqui mbei raanguia chō nandeico nguiā uva rique mbei mbei. —Cristo ruqui nandembitirō ja bei quia ā, i chō nguiā uva rique mbei mbei. Mbichae nandesiquio quio quia eu nonde nae, Cristo roo rā ño ũqui nde. —Cristo roo nandembitirō ja bei quia ā, i chō nguiā mbichae u u. ¹⁷ Nandetubiriāte raque Jesús quiato. Nande ja chō aque mbichae mii nandeu ja nguiā. Mbae mii na nguiatu nandeico nguiā nande ja ā. ¹⁸ Judios rese chō jendua. ũqui sacrificio raā naa mose, sacrificio eu chō nguiā ā. —Dios resete quia nandeico nguiā ā, i equia ā. ¹⁹ —Dios abareā mbae mo saā arondete, ae āte raque quia co. Ae soo mbia mondo mondo quia dios abareā je, soo chō ndaque ũqui. ²⁰ Mbia soo mondo mondo mose dios abareā je, Dios tuchi je eā ño eriqui nguiā emee mee. Aba checuayā icuā je chō eriqui nguiā emee mee. iAba checuayā icuā ndese ra jëingo jiri jirichī jël ²¹ Jë mbae mbei mose aba checuayā ndese, Jesús ruqui mbei raanguia jësaā aronea ño nguiā cote. Jëquiaru quiaru mose aba checuayā nyuchua, Santa Cena jesaā aronea ño nguiā cote. ²² ¿Mbaerā jëingo Jesucristo mbupaama ite re? ¿Jëquirācuā tuchi chō eriqui esi jë nde?

Jesús quiato ataque rese quia jëingo ndua

²³ —Ae soo mbia mee mee nguia dios abareā je nae, ũqui ndese ra jëocochī, i āte raque Dios nande je. Dios biāte nande mbae raā ja chooño mose. ũqui ñii Dios ñee āte raque nande je. Nande ae chō nandeicua. Mbae mo Jesús quiato mo mundua icuā mose, ũqui si nandehi chō. ²⁴ —Nande ae nandeico Dios rese, jenyechī nda jë. —Mbia ja quiatu nandemingo erese, jenye quiatu. ²⁵ Soo jëisichō ño nguia mbae vender ísaa. —¿Dios abareā je co soo jemondo nyii re? jjenye chī nda ñee ee jël Jëiranua mose, mbaeiae eā ño soo jëje cote re. Jëisichō ño nguia jëiranua. ²⁶ Jesucristo mbae chō ibi re. Mbae ibi jenda ja abe rei embae no. Ae Jesucristo chao ja nae, ũqui ndei nandechurā ja. ²⁷ —Nyao rā quiaru serese, i mose emo jëje, jëso chō quiaru erese jësose mose. Ae ra echara mondo jëje, jëuchō ño. —¿Co mbia mondo dios abareā je nyii re? jenyechī nda ee. Jëiranua mose, mbaeiae eā ño jëje cote

re. Jëiranua ño jëquiaru. ²⁸—Co soo que mbia mondo dios abareã je ra, i mose emo jëje, jëu eã ño cote. Ae ñee jëje nae, aque mbicua eã sacua ño jëu eã. Aque soo jëu eã cote, jëirandu mose erese. Jë eu mose, Jesús quiato ra ndua icua icua cote. ²⁹ Jendua icua eã ndaque jë. Emo ngua ndua icua aröte nguiã cote, jirandu mose jë eu rese. —¿Mbaerã nda aque soo au eã sebi mose re? i aröte jemo seje. —¿Mbaerã nda emo ñee amumbayã nde? i aröte jemo seje. ³⁰—Se “gracias” i mose Dios je aque soo u nonde, eicua eã ño cote reae. ¿Mbaerã nda emo ñee icua seje re? i aröte jemo seje. —¿Mbaerã nda au eã eicua eã mose re? i aröte jemo seje.

³¹ Æ ndese chö jendua. Ae nandesã saã ngua nae, Dios je chö nandesã. Ae nandeu ndeu quia mbae nae, Dios je chö nandeu. Ae nandembei mbei quia mbae nae, Dios je chö nandembei no. Mbia ra ñee turã Dios je, nandeico turã mose. ³² ¿Mbia ra jemundua ata atate chí jë! —Æ icua ereae, i mose emo jëje, jüquí nda jësaächí jë! Jë eraã mose, üquí nda ndua icua Jesús rese cote. Judíos. Judíos eã abe. Jesús quiato abe. Üquí ndua icua arö Dios rese, jë eraã mose. ³³—Se ae taico Dios rese, ae äte quia co. —Mbia ja riatu tamingo erese, ae quia co. Dios mbia rirö sacua eicua si. Mbia siqui bei sacua Dios rese.

11

¹ Se rä si chö jëingo. Sã aico Cristo rä si se no.

Æ jeny chö ngua u ñumunua nua mose, i Pablo cuña je

² Acheë turäte quia jenü co. Jendua beite quiatu quia serese. Acheë ngue jëje nyii, üquí jemumbayã mbeite quia secheë üquí. ³ Ae ra ambesa jëje namo, jüquí jëicua tuchi quiatu jë! Cristo rei hombre ja rerecua. Hombre rei ngüimisi rerecua no. Sã Dios Cristo rerecua no. ⁴ Mbia ñumunua mose, sã hombre mo ñee eã Dios je huiite sucha resebe. Sã eäquí nyecua chö siqui Dios cheë nenei nenei. Uäquí ati mose, aba ireite üquí. ⁵ Mbia ñumunua mose, sã cuña mo ñee eã Dios je huiite suchayã. Sã cuña äquí ati ji chö siqui Dios cheë nenei nenei. Cuña uäquí ati eã mose, aba ireite üquí. Uäquí hü na ño eriqui nguiã uäquí ati eã no. ⁶ Cuña mo uäquí ati sereã mose, sã uäquí hü tuchi quiatu no. Eirei mose uäquí hü, sã uäquí ati quiatu ua sia rocoi no. ⁷ Hombre mo ngua uäquí chati aroneate nguiã Dios cheë nenei nenei. Dios quiatu ngue hombre chao nguiã umbaerã. Aque que cuña mo ao hombre mbaerã cote ra. ⁸ Cuña ndo-quei je eã ño ngue Dios hombre ao nguiã. Hombre roquei je quiatu ngue Dios cuña mo ao nguiã. ⁹ Cuña chirecorã eã ño ngue

Dios hombre ao nguiã. Hombre chirecorã nguiatu ngue Dios cuña ao nguiã. ¹⁰ Nyebe ra cuña uäquí ati quiatu. —Seru chö sererecua re, i chö nguiã uäquí ati. Angeles quia maete nguiã erese. ¹¹ Jesucristo quiato ja chö nande re. Hombre achö nda siqui turã eã cuña eã mose. Cuña achö nda siqui turã eã hombre eã mose no. ¹² Hombre roquei je chö ngue Dios cuña ao rei nguiã nyii. Cuña abe riqui tiiri iri hombre co cote. Dios chiao ja chö ñene. Cuña. Hombre abe. ¹³ Jë ae chö jendua mae erese. Eicuãte cuña äquí ati iriã ñee Dios je. ¹⁴ Hombre a boco mo siqui mose, aba ireite üquí. —Eicuãte üquí, i ja tuchi mbiamo ñoñoa ngua üquí je ä. ¹⁵ Cuña mo nguiatu ea boco siqui mose, üquí ngua earöte re. Ea boco que Dios mee ee ra. Eäquí ati sacua. ¹⁶—Cuña a boco sebiã, i mose jemo, sã ndua chö Jesús quiato ataque rese. —Sã cuña a boco riquichö, i ja chö Jesús quiato nguiã serese üquí.

Jenyao chaochí nda Santa Cena u mose jë

¹⁷—Santa Cena naa icua icua ño ngue equia ñumunua nua nda, i que mbia mo sembiirandu jenü nda. Nyebe sery eäte riqui nguiã jendese. ¹⁸—Hue rí ja eã eriqui ndua ndua ñumunua nua mose üquí, i que emo sembiirandu jenü nda. —Ichöño eã ereae, ae sequia ndua ndua co. ¹⁹ Jëñimbuchao chao chöchí equia üquí. Mbia Jesús quiato tuchi icua sacua ño jëñimbuchao chao nguiã. ²⁰ Santa Cena naa naa mose, abe chiã tuchi chö jëingo nguiã jenyue üquí. Eä eã tuchi que Jesucristo nandembaaquiato ra. ²¹—Se rane sembae tau ja, jenyee jaaja chöchí nguiã Santa Cena naa naa üquí. Mbae mee ndocoí emo je. Nyebe mbaecha riqui nguiã quiaru tuchi. Mbae mbei tuchi no. Mbaecha reã niacuã mose. ²² Jëquiaru tuchi mose Santa Cena, jëingo icua ño nguiã Jesús quiato ataque je üquí. Mbaecha reã irei irei ño nguiã jësi üquí. ¿Mañi ae ra ñee jëje re? Eicuãte üquí ndesë. Jenyuchua ae ae rei jëquiaru sacua ndesë.

Jesús quiaru mose uchimbaaquiato rese

²³ Jesucristo ae sí que sembaaquiato ra. Æ ngue asenei ndei jëje nyii resë: Judas Jesucristo reacquia nonde mbia icua je, aque isa sí que Jesucristo mbichae sirö nda. ²⁴ Gracias, i que ñee Dios je cote ra. Mbichae que esiquio uchimbaaquiato je cote ra. —¿Co jë! Jëu. Serete rä ño mbichae riquio ji co re. Jenü ño nda serete riquio ji cote. Co jëu mose, jendua ndua bei quia serese, i que Jesús mbichae mondo ee ra. ²⁵ Quiaru jare que Jesús eyuquia rirö cote ra. Ñee ngue uchimbaaquiato je cote ra. —Seruqui rä ño uva rique co re. Mbia icua mbutiã sacua tuchi chö seruqui re. Dios cheë yasu rui

si chõ seruqui riqui nguiã mbia icuã mbutiã co. Co mbei mbei mose, jendua ndua bei quia serese, i que Jesús ee ra. ²⁶ Jẽ co mbichae u mose, jẽ uva rique mbei mose, Santa Cena, i chõ nguiã ùqui je. Jẽ Santa Cena naa naa mose, Jesucristo mano nenei nenei ño nguiã mbia je ùqui. Santa Cena jẽsaã saã mbei quia Jesucristo tu mose chee.

Jendua tuchi Jesús rete rese Santa Cena u mose

²⁷ Emo Santa Cena naa icuã icuã mose, ùqui siqui icuã icuã ño nguiã Jesucristo rete je ùqui. ùqui siqui icuã icuã ño nguiã Jesucristo ruqui je ùqui no. ²⁸ Nyebe nandendua ndua tuchi quiatu quia Santa Cena naa nonde. ²⁹ Emo Santa Cena naa icuã icuã mose, emo ndua eã mose Jesucristo rete rese, ùqui nda Dios mbasi. ³⁰ ùqui je chõ jendasi rasi bei riqui nguiã. ùqui je chõ jẽingo nguiã mano mano tuchi. ³¹ Nande ae nandereco nandeicua jiri ae. Eĩ nda Dios nandembasiã cote. ³² Jesucristo nandembasi mose, nandemundua sacua ño ùqui nde. Nandembitirõ sacua ño cote re. Dios nandemombo eã sacua tata cuasu chõ ùqui nde. Jesús quiatoã mombo mose tata cuasu.

³³ Nyebe aico nguiã ñee nyecua jẽje co. Jẽ Santa Cena naa naa mose, jẽnumunua nua turã ño. Jẽingo turã ño jenyue. Jenyisaarõ turã ja chõ Santa Cena u nonde. ³⁴ Jemo niacuã siqui mose, sã quiaru uchuchua, Santa Cena naa nonde. Eĩ jenyue mose, Dios ra siqui turã jẽje cote, jẽnumunua nua mose. Seso mose jendea ra secheẽ ataque asenei jẽje cote.

12

Espíritu Turã ño nandechisaã saã sacuaã mondo nguiã nande ae ae je

¹ Espíritu Turã ngue mbae mee jaaja nande ae ae je ra. —Co esaã nde, co rese eico nde, i jaaja que nande je ra. ùqui ndese taembiirandu cote. ² Dios abareã ndese que jẽingo tuchi nyii ra. Mbia que jemingo tuchi dios abareã tubiriã ndese nyii ra. Dios abareã aba cheẽ andu aroneãte. ùqui jẽingo Jesucristo rese ùqui cote. ³ Æ ndese jendua tuchi: —Jesús icuãte riqui Dios je co, i mose emo, echeẽ ae chõ ùqui nde. Espíritu Turã mbucheẽ eã ño nguiã ùqui. —Jesús rei Dios tuchi, i mose emo, echeẽ ae eã ño ùqui nde. Espíritu Turã ño mbucheẽ nguiã ùqui.

⁴⁻⁶ —Co esaã nde, co rese eico nde, i jaaja que Dios nande ae ae je ra. Espíritu Turã mii ño siqui bei nguiã nande ja rese co. Jesucristo mii ño siqui nguiã nanderese co. Jesucristo mo eãte emo. Dios mii ño siqui nguiã nandembuquirãcuã co no. Dios mo eãte emo. ⁷ Espíritu Turã uquirãcuã teacuquia chõ nguiã nande ae ae je co. Nandeico turã

ja tuchi sacua Dios rese. ⁸ Espíritu Turã mii ño siqui nguiã co. Hue rĩ ja eã ño eriqui nguiã uquirãcuã mee nande je. —Nde ra erecheẽ aracua bei quia, i chõ nguiã nandemo je. —Nde ra mbia erembaaquiату turã mbei quia, i chõ nguiã nandemo je no. ⁹ —Jesucristo ra ereicua tuchi quia nde, i chõ nguiã nandemo je co no. —Mbia rasi ra erembucherõ cherõ mbei quia nde, i chõ nguiã nandemo je co no. ¹⁰ —Mbia mae sayã nda eresaã saã mbei quia nde, i chõ nguiã nandemo je co no. —Dios cheẽ nda eresenei senei tuchi quia mbia je nde, i chõ nguiã nandemo je co no. —Espíritu eicua icua bei quia nde. Eturã icua. Eicuã abe icua no, i chõ nguiã nandemo je co no. —Mbiama ñee esaã saã tuchi quia nde. Mbia cheẽ chumumbara, i chõ nguiã nandemo je co no. —Mbia cheẽ mo eicua icua quia mbia je, i chõ nguiã nandemo je co no. ¹¹ Eĩ ño Espíritu Turã mii nguiã ucheẽ mbuchao chao nande je co. Nandechisaã saã sacuaã mee mee nande ae ae je co. Eĩ ño Espíritu Turã mii nguiã uquirãcuã mbuchao chao nande je co no. —Co esaã nde, co esaã nde no, i chõ nguiã nande ae ae je co.

Mbae mii na ño nandeico nguiã nande ja

¹² Jesús rete rá ño nandeico nguiã nande ã. Nande tubiriãte raque Jesús quiato. Sã aba rete resenda tubiriãte no. Eresa. Erie. Eo. Erete mii ndaque. Eĩ ño nande no nde. Jesús rete mii na. ¹³ Jesús rete rá ja chõ nande re. Erete mii na ño nande ja re. Judíos mo ño nandeico nguiã nande ã. Judíos eã abe mo ño nandeico nguiã ã no. Mbia rimba mo abe abe nandeico ã no. Mbia rimba eã mo abe abe nandeico ã no. Mbae mii na ño nandeico nguiã Jesús quiato ja ã. Erete mii na. Eĩ ño Espíritu Turã mii nguiã nandemingo ã.

¹⁴ Nanderete mii ae siqui ãte. Nanderete resenda tubiriãte riqui ã. ¹⁵ Nandei achõ ñee aroneate. —Eo eã ñochĩ se. Nyebe erete resenda eã se re, i aroneate nandei ñee. Nanderete resenda bei chõ nandei re. ¹⁶ Nandesa achõ ñee aroneate. —Eresa eã ñochĩ se. Nyebe erete resenda eã se re, i aroneate nandesa ñee. Nanderete resenda bei chõ nandesa re. ¹⁷ Nanderesa achõ mose nanderete resenda, i nda nandeico rei mbae anuate co. Nandesa achõ mose nanderete resenda, i nda nandeico rei mbae retõ ãte co. ¹⁸ Dios ae que nanderete resenda mii ja ja cose ra. —Co tamii a, co abe tamii a no, i jaaja que nanderete resenda mii mii nda. ¹⁹ Nanderete resenda mii mose, eĩ ndei ra nanderete eãte. ²⁰ Nanderete resenda ja que Dios mee nande je ra. Nanderete resenda tubiriãte raque. Nanderete mii tuchi chõ ñene. ²¹ —Arerecoã nda se,

i aroneate nanderesa ñee nandeo je. — Arerecoã nda se, i aroneate nandeaquí nandei je no. ²² Ae nanderete resenda ñetê tuchi nae, ae nanderete resenda quirâcuã nea tuchi nae, ùquí nguiareí nandechireco tuchi. ²³ Ae nanderete resenda aba ireíte nae, ùquí nandetea quiatu chõ nguiã. Nandechati turã ño nguiã. ²⁴ Ae nanderete resenda checuete riqui nae, ùquí nguiatu nandechatiã nguiã. Dios que nanderete resenda saã turã ja ra. Ae nanderete resenda aba ireíte nae, ùquí quiatu aba queteamba re. ²⁵ Nyebe nanderete resenda riqui nguiã ñee aroneate nanderete resenda nongue je. —Arerecoã nda se, i aroneate ee. Nyebe nanderete resenda riqui nguiã siqui turã ja nyese. ²⁶ Nanderete resenda mo ndasi mose, nanderete mbasi ja chõ nguiã. Nande ñee turã mose nanderete resenda mo je, nanderete ia ja tuchi ra rese.

²⁷ ã ño secheê tuchi ã nde: Cristo rete rã ño nandeco ja nguiã nande ã. Cristo rete resenda rã ja chõ nandeco nguiã nande ae ae ã. ²⁸ —Co esaã nde, co rese eico nde, i jaaja chõ Dios nguiã iglesia jenda uquiato je ã. —Cristo chĩmbaaquiato tuchi chõ nde re, i chõ nguiã emo je. —Secheê nenei neneisa chõ nde re, i chõ nguiã emo je no. —Mbia mbaaquiatusa chõ nde re, i chõ nguiã emo je no. —Mbia mae sayã esaã saã nguiã nde, i chõ nguiã emo je no. —Mbia rasi embucherõ cherõ nguiã nde, i chõ nguiã emo je no. —Ayudante eico nde, i chõ nguiã emo je no. —Iglesia rerecarã nde, i chõ nguiã emo je no. —Mbia cheemo esaã saã nguiã nde, i chõ nguiã emo je no. ²⁹ Cristo chĩmbaaquiato ja eã ño nande re. Dios cheê nenei neneisa ja eã ño nande no nde. Mbia mbaaquiatusa ja eã ño nande no nde. Mbia mae sayã naa naasa ja eã ño nande no nde. ³⁰ Mbia rasi mbucherõ cherõsa ja eã ño nande no nde. Mbia cheemo naa naasa ja eã ño nande no nde. Mbia cheemo mbiasa asasa ja eã ño nande no nde. ³¹ Nandechêê ño Dios je. —Ndequirãcuã emee na seje. Ae je ercheê ñee ure je, ei nda ùquí mo asaã saã se abe, nande quia ñee Dios je. Mbae turã tuchi mo tasenei na jêje.

13

Nandechesecua eã mose, Dios chirirõ ño nande re

¹ Se nyesequa eã mose mbia rese, secheê iru iru beite ra eriqui. Mbia cheê nda aicua ja raque. Angeles cheê abe ra aicua raque no. ² Se nyesequa eã mose mbia rese, mbae turã mo naasa eã ño se re. Dios cheê nda ambuchecua checua tuchi raque. Se ra mbae aicua ja raque. Se ra Dios aicua tuchi raque. Ibi ibate mo nda arusuri raque Dios quirãcuã je. ³ Se nyesequa eã mose mbia

rese, aico chooño mbei chõ nda se. Sembae ra amee ja raque mbia mbaecha reã je. Mbia ra serei raque, se Dios cheê nenei nenei mose.

⁴ Ae nyesequate quia mbia rese nae, ùquí nguiã siqui minguate nguiã mbia je ã. ùquí nguiã eturãte riqui nguiã mbia je co. ùquí nguiã mae icuã icuã eãte nguiã emo mbae rese ã. ùquí nguiã “seaquiato tuchite se”, iãte nguiã co. ⁵ Ae nyesequa quia mbia rese nae, ùquí nguiã “se quiatu”, iãte nguiã mbae mo je. Ae aba ireíte nae, ùquí mo esaã saã eãte quia co. Ae nyesequa quia mbia rese nae, ùquí nguiã paama i jei jei eãte nguiã ã. ùquí nguiã ndua icuã icuã eãte nguiã emo icuã mose ee ã. ⁶ Ae nyesequa quia mbia rese nae, ùquí nguiã eya eãte riqui nguiã, emo mbae icuã naa mose ã. Emo mbae turã naa mose quia eyate riqui nguiã ã. ⁷ Ae nyesequa quia mbia rese nae, ùquí ñĩmbirãcuã ño nguiã mbae ja je ã. —Hchõñõ nguiã, iã ño nguiã mbia cheê je. Siqui tochi chõ nguiã.

⁸ Dios quiato ra nyesequa bei mbia rese, mbae ua ja chee. Dios cheê nda nandesenei senei eã emo mose cote. Mbia cheê ata mo nda nandesaã eã emo mose cote. Mbia mbaaquiatusa mo eã nda emo mose cote. ùquí nda ua ja chee. Dios quiato quiato ra nyesequa bei quia. ⁹⁻¹⁰ Mbae mii mii ño nandecua icua nguiã namo ã. Jesús tu mose quia ra mbae mii nandecua eã cote. Dios cheê mii nandesenei senei nguiã namo ã. Jesús tu mose quia ra mbae nandecua ja cote. ¹¹ Señetê mose que aico ñee ñee mbia riirĩ na nda. Mbia riirĩ na ño ngue aico ndua ndua señetê mose ra. Mbae que aicua icua chõ nguiã mbia riirĩ na no nda. Secuasú mose que señetê mosenda asecha ja cote ra. ¹² Mbae cuu rese mae naanguia chõ nandeco nguiã mae namo. Jesús tu mose quiato ra mbae checua ja nande je cote. Mbae mii mii ño aicua icua nguiã namo co. Jesús tu mose quia ra mbae aicua ja cote. ¹³ ã nandeco Dios icuate ã. ã nandeco Jesucristo ru raarõ arõ ã. ã nandeco nyesequa jate mbia rese ã. Nandechesecua mose quiareí, ùquí eturã tuchi mbae ja si.

14

Mbiamo cheê naa naa mose

¹ ¡Jenyesequase tuchi quiato quia mbia rese jê! Jeñee ño nguiã Dios je. —Paba, ndequirãcuã emee na seje. Mbae raã naa sacua ndeje, jenyê bei chõ nguiã Dios je. —Ndecheê asenei senei sete ndequirãcuã je, jenyê chõ nguiã ee. ² Jesús quiato mo mbi-amo cheê naa naa mose, mbia ra eicuayã jate. Dios mii ño nda eicua nguiã. Dios mii je chõ eriqui nguiã ñee. Uchue si chõ eriqui nguiã ñee. Mbia quia echeê icuayãte nguiã.

³ Ae Dios cheê senei senei nguia, ũquĩ nguia ñee nyecua nguia mbia je. Ũquĩ nguia mbia mbaaracua turâte nguia Jesucristo rii. Ũquĩ nguia mbia mingo uquia tuchi nguia Jesucristo rese no. Ũquĩ nguia mbia mbia tuchi nguia Jesucristo rese no. ⁴ Ae mbiamo cheê saã saã nguia nae, mbia mingo uquia reã ño nguia Jesucristo rese. Ae ae umingo uquia nguia erese. Ae Dios cheê senei senei nguia nae, ũquĩ nguia Jesús quiato mingo uquiate nguia Jesús rese. ⁵ Mbiamo cheê nda jêsaã aquiatu ja raquete seje chã. Dios cheê nenei nenei aquiatu mose, ũquĩ nguia eturã tuchi re. Ũquĩ nguia eturã tuchi mbiamo cheê naa naa si re. Ae mbiamo cheê saã saã nguia nae, aque ucheê mbiasa mose Jesús quiato je, eturã ño ũquĩ no nde. Jesús quiato mingo uquia chõ nguia Jesús rese ũquĩ.

⁶ Se mbiamo cheê naa naa mose jêje, ũquĩ nda jemingo uquia reãte Dios rese. Se ñee nyecua mose jêje, ũquĩ nguia eturâte re. Ae rese Dios sembiirandu nae, ũquĩ nenei nenei mose jêje, ũquĩ nguia eturâte re. Se Dios cheê mbuchecua tuchi mose jêje, ũquĩ nguia eturâte no nde. Se Dios cheê icua icua tuchi mose jêje, ũquĩ nguia eturâte no nde. Mbiamo cheê naa naa si. ⁷ Sã música no. Emo flauta mbucheê icuã icuã mose, mbia ra tonada icuayâte. Emo guitarra mbucheê icuã icuã mose, mbia ra tonada icuayã no. ⁸ Sã soldados no. Emo corneta mbucheê icuã icuã mose, soldados ra icoquiutuã. ⁹ Eĩ si chõ jê no nde. Jê mbiamo cheê naa naa mose, mbia ra jeñee icuayâte. Jê mbiamo cheê naa naa mose, mbia eãsa ñee ñee na ño ũquĩ nde. ¹⁰ Mbiam cheê ñumumarate eriqui rei. Ucheê ae raã naa mose, echecuate ee. ¹¹ Emo ucheê naa naa mose seje, se eicuayã mose, mbiamo ño aico nguia ee. Mbiamo ño ae riqui nguia seje no. ¹² Espiritu Turã quirãcuã jenyosei tuchi quia reae. Coche tuchi chõ ũquĩ nde. Jesús quiato mingo tuchi sacuã Jesús rese chõ equirãcuã jenyosei jê.

¹³ Nde mbiamo cheê naa naa mose Jesús quiato je, echeê na Dios je. —Paba, ndequirãcuã emee na seje. Secheê mbiasa sacuã mbia je, ere chõ Dios je. ¹⁴ Se mbiamo cheê naa mose Dios je, acheê ñee ndaque Dios je. Mañi ae quiatu ñi se quia ñee ee. ¹⁵ Mbiamo cheê abe ra asaã saã ndaque Dios je. Secheê abe ra asaã saã ee no. Mbiam secheê icua ja sacuã. Mbiamo cheê abe ra asaã saã se irasei rasei mose. Secheê abe ra asaã saã se irasei rasei mose no. ¹⁶ Nde mbiamo cheê naa naa mose Dios je, mbia ra ndecheê icuayâte. Ae equiatuâte, ũquĩ nda ndecheê icuayâte. Nyebe eriqui nguia ñee aroneate Dios je nderese. Nyebe nandechêe sí chõ nandesaã Dios je. ¹⁷ Coche jéingo nguia ñee Dios je. Jeñee sí quia nda

aba saã Dios je re. Jê mbiamo cheê naa naa mose ee, jendesenda quia nda jeñee icuayâte nguia. Ũquĩ mose ra jendesenda jemingo uquia reãte Jesús rese. ¹⁸ Mbiamo cheê aicua tuchite raque quia jêsi co. Gracias, aete raque quia Dios je ũquĩ ñi co. ¹⁹ Dios quiato ñumunua mose, acheê nyecua rete ee. Secheê jua chõ ndaque. Cinco palabras. Mbiamo cheê nda asaã eã ee. Mbiamo cheê icuayâte quia ñene. Emo nda ñee oco raque ee, icuayâte rae.

²⁰ Mbiam ririĩ naate ra jéingochĩ, Sere-senda. Jendua quiatu secheê ndese mbiam cuasu rã. Coche jéingo nguia mbiam ririĩ na mbae icuã naa ndocoĩ. ²¹ A ndei Dios cheê mbesa ji ã:

Mbiamo tamondo rei secheê nenei nenei sacuã ã serimba je.

Secheê nda esenei senei ndei serimba je mbiamo cheê je.

Aquere ra serimba secheê mumba i i tuchi querabe, i que Dios ra,

i que embesa ji ra. ²² Jemo mbiamo cheê naa naa mose, Jesús quiatoã mundua sacuã Dios rese chõ ũquĩ nde. Jê Dios cheê nenei nenei mose, Jesús quiato mundua sacuã ño Dios rese chõ ũquĩ no nde. ²³ Jesús quiato ñumunua nua mose u, sã mbiamo cheê naa naa ja eã u. Jê mbiamo cheê naa naa ja mose ra Jesús quiatoã ñee jêje. “Earacuayã” i ra ique mose mae jendese. ²⁴ Coche jéingo nguia Dios cheê nenei nenei ja jeñumunua mose. Jesús quiatoã mo ique mose jendea, ndua ndua tuchi ra huicua ndese. —Seicuã tuchi chõ aico se re, i ra jeñee andu mose. ²⁵ Ae rese ndua ndua uchiangui renda icuã nae, Espiritu Turã ae ra ũquĩ mbuchecua checua nguia ee. Nyebe ra ngoi ngüã ndese ñee turã Dios je. —Dios riqui tuchi jendese a, i ra ñee jêje.

Mbae jêsaã turã turã ja chõ nguia jeñumunua nua mose

²⁶ —Eĩ jenyé quiatu quia ñumunua Jesús rii, ae ra jêje cote. Emo irasei rasei. Emo mbiam mbaaquiato quiatu Jesús rii. Emo Dios cheê icua icua mbiam je no. Emo mbiamo cheê naa naa no. Emo mbiamo cheê mbiasa asa ee no. Jenyuuru uru chõ nguia. Mbiam mingo ja sacuã Dios rese chõ ũquĩ nde. ²⁷ Mbiamo cheê jêsaã saã mose ñumunua mose, jê nyeremoño ño jeñee ñee. Jenyuuru uru chõ nguia. Sã emo ndiqui echeê mbiasa asa. ²⁸ Jemo echeemo mbiasa aquiatuã mose, mbiamo cheê nda jêsaã saãchĩ, jeñumunua mose. Jeñumunua eã mose quiatu mbiamo cheê jêsaã saã jê ae Dios je. ²⁹ Ae ra Dios cheê senei senei mbiam chumunua mose nae, sã nyeremoño ño ñee. Sã eataque ndua ndua ũquĩ ñee ndese. Eĩ ngue ra, i sacuã. Eĩ eã ngue ra, i sacuã abe echeê icuã mose no. ³⁰ Emo chĩ mose Jesús quiato ataque mbaa

quiato quiatu, emo nda ñeechĩ echeẽ cúaa. —Nde abe ã embuchecua mbia je, i mose Dios emo je, sã ñiinda ñee ja rã nyii. ³¹ —Nde abe ã embuchecua mbia je, i mose Dios jemo je, jenyuuru uru chõ nguia ñee. Mbia Dios cheẽ icua ja sacua. Mbia siqui tuchi sacua Dios rese. ³² —Nde abe ã embuchecua mbia je, i mose Dios emo je, sã emo ndaarõ mbiri na hui, emo chi mose Dios cheẽ nenei nenei. ³³ Jemo ñee mose jenongue cheẽ cúaa, Dios biãte ùqui. Jeñee turã mose nyuuru uru, ùqui nguia Dios bite re. Eĩ ja chõ Dios quiato nguia iglesia jenda ja. ³⁴ Jeñumunua nua mose Dios riĩ, cuña mo nda ñeechĩ. Eĩ si que Moisés chimbesa no nda. Sã cuña ndiqui mbia cheẽ mumbayã mbei. ³⁵ — Ûqui embuchecua seje, i aroneate cuña ñee mbia chumunua mose. Uchuchua quia cuña ñee ngu je, ñimbaaquiatuse mose. Cuña mo ñee aroneate Jesús quiato chumunua nua ite re. ³⁶ —Ichõĩnguã ñee ñee cheẽ mose re? Jẽ nane je eã nguie Dios ñee ndesẽ. Jẽ mii je eã nguie Dios ñee ndesẽ.

³⁷ Secheẽ ae eã ambesa nguia jẽje co. Dios cheẽ ño ambesa nguia jẽje. —Dios que uquirãcuã mee seje ra. Ucheẽ nenei nenei sacua, i mose jemo ñee, sã ùqui nane ñee seriĩ. —Dios cheẽ tuchi chõ Pablo senei senei nguia, sã i seriĩ. ³⁸ Ûqui secheẽ isi sereã mose, jẽhui chõ esi. Sã eaquiataũ ae riqui. ³⁹ ¡Dios cheẽ jẽsenei seneise tuchi quiatu jẽ! Jemo mbiamo cheẽ naa naa mose jechẽ nda jẽsiquisã quisachĩ jẽ! ⁴⁰ ¡Mbae jẽsaã turã turã ja chõ nguia jeñumunua nua mose jẽ! Jenyuuru uru turã ño nguia.

15

Cristo quera si mose

¹ Dios cheẽ turã nguie asenei senei nguia jẽje Jesucristo riĩ nae, ùqui sí rese chõ aico nguia jemundua ndua co. Ûqui nguie jẽisi turãte. Jẽingo beite ùqui ndese ùqui. ² Ûqui ndiqui jemingo beite ùqui, jẽtesareia mose secheẽ si. Ûqui jẽingo Jesucristo icua iruã ùqui. ³ Ae Dios senei senei seje nae, ùqui nane nguie asenei senei jẽje ra: Jesucristo que mano nandeicua ndiquicharõ. Embesa ji cheẽ nguire. ⁴ Mbia que echati rei. Tres dias mose que quera si. Embesa ji cheẽ nguire. ⁵ Quera si mose que nyecua Pedro je. Aquere que nyecua uchimbaaquiatu doce je cote. ⁶ Quinientos uquiato je que nyecua cote. Hue equiato chi ja mose ñumunua. Ûqui tubiriãte riqui ã. Emo emo nguie mano nda. ⁷ Nyecua que Jacobo abe je cote no. Aquere que nyecua uchimbaaquiatu jaje cote. ⁸ Nyecua nyecua jare mbia je que nyecua chee se abe je cote ra. Sã cuña ndiqui erã mo mbua no, ùqui na si chõ aico rei nguia se co. ⁹ Se quia señetẽ jiri riqui nguia Jesús chimbaaquiatu ataque si co. —Jesús

chimbaaquiatu chõ se re, ae eã jiri quia co. Seicua tuchi quiatu nguie Dios quiato je nyii re. ¹⁰ Dios turã ae semingo turã nguia co cote. Dios turã ñoño eã ño eriqui nguia seje co. Se abe que serecoteã jiri riqui nguia Jesús rese echimbaaquiatu ataque si ra. Mbae raã naa Jesús je. Se ae eã ño nguie aico nguia mbae rese. Dios turã ae nguie semingo nguia mbae rese. ¹¹ —Aba Dios cheẽ senei senei tuchite quia reae, ure ãte equia co. Ûquiã ñene. Uresenei senei ja chõ equia ã ndesẽ. Jẽ nguie urechisenei senei jẽisi turãte quia resẽ.

Mbia raaque quera si mose

¹² —Cristo que quera si manonde ra, ure que equia erenei nenei jẽje. Urecheẽ nguie jẽisi turã ndei nyii. ¿Mbaerã jemo ndiqui ñee cote re? —Mbia raaque ra querayã mbei, i cote re. ¹³ ¿Cristo raaque bei namo nde? —Mbia raaque ra querayã mbei, jenyemose, ¿mañi Cristo raaque quera re no? ¹⁴ Cristo raaque quera si eã mose, eĩ nda ureico rei echeẽ nenei nenei iru chõ. Eĩ nda Jesucristo jẽicua iru chõ ndei. ¹⁵ Cristo raaque quera si eã mose, eĩ nda ureico rei ñee ñoño Dios riĩ mbia je. —Dios que Cristo mbuquera si ra, ure bei equia ã ndesẽ. Mbia raaque quera si eã mose, i nda Dios Jesucristo raaque mbuquera si eã ndei no. ¹⁶ Mbia raaque querayã mose, eĩ nda Cristo raaque quera eãte rei no. ¹⁷ Cristo raaque quera eã mose, eĩ nda jẽingo rei Cristo icua iru no. Eĩ nda jẽingo rei jẽicua nderequia beite no. ¹⁸ Eĩ nda Cristo quiato quiachã mbei rei manonde no. ¹⁹ A mii eã ño Cristo riqui nguia nanderese. Nandemanonde abe ra eriqui bei nanderese no. A mii mose, eĩ nda nandeya eã tuchite riqui rei mbia mo si no. ²⁰ Cristo que quera si ra. Ae bei tuchi. Ae rane nguie quera nyii ra. Nyebe ra mbia abe quera si eraã si cote no. ²¹ Adán mii nane nguie mano huicua je cose ra. Nyebe nandeico nguia mano mano mbei cote. Eĩ si chõ Cristo mii quera si nguia cote. Nyebe ra uquiato mbuquera si ja cote. ²² Sã nandeico mano mano ja Adán ndui ã no, eĩ si ra Cristo nandembuquera quera no. ²³ Dios que Cristo rane mbuquera nandesĩ ra. Cristo tube mose, uquiato raaque ra embuquera ja cote. ²⁴ Cristo tube mose ra mbae ibi jenda ua ja cote. Mbia mo nda siquiã ererecua cote. Cristo ra mbae mee ja Dios je cote. Cristo ra mbia rerecua mbutiã ja cote. ²⁵ Ererecuarã tuchi ra Cristo cote. Uquiatoã nda embuquiachã ja tuchi chee cote, ae siqui mose ererecuarã. ²⁶ Mbia mano mano mose, Cristo biãte ùqui. Ûqui abe ra Cristo mbuquiachã tuchi mbia si cote. Mbae icua ataque ra embuquiachã ja rã nyii. ²⁷ Dios que mbae mee ja Cristo je ra. Cristo mbae rerecua ja tuchi sacua. —Cristo ra mbae rerecua ja tuchi, i ñi embesa ji re.

Dios rerecua eã ndaque. Mbae ja rerecua chõ nda Cristo. ²⁸ Dios mbae mee ja mose Cristo je, Cristo ra ñimee Dios je cote no. Eriirite quia ñene. Eĩ nda Dios mbia rerecua ja tuchi cote.

²⁹ Emo emo ño bautizar i nguiã eraaque riĩ ùqui. Eraaque quera si eã mose çmbaerã ùqui ndiqui bautizar i eraaque riĩ nde? ³⁰ Mbia raaque quera eã mose, eĩ nda ureico rei Dios cheẽ nenei nenei ãte mbia je co. Eĩ nda mbia riqui rei ureiquia serĩ serĩ ãte. ³¹ Mbia “taiquia” i bei beite quia seje ã. Acheẽ ñooño eãte jêje. Sã seyate riqui jendese co no. ³² Nyacua rã tuchi que Efeso jenda riqui seje ra. Ùqui ngue asiquisã tuchi rei quia ñee nda. Eĩ nda asiquisã quisã iru rei no, mbia raaque quera eã mose. Mbia raaque quera eã mose, eĩ nda nandeico rei ñee. —Mbae nandembei chooño. Mbae nandeu chooño. Mano mbei cote, i. ³³ —Eĩ jenyé quiatu jichĩ nda mbia jembĩrĩ irĩ jẽ! Jeingo mose mbia icuã ndese, jembĩcuã icuã nda jẽ abe cote. ³⁴ Jendua quiatu. Mbae turã nguiatu jẽsaã saã nguia. Mbae icuã jẽsaã eã nguiatu quia. Jemo emo ndiqui Dios icuayãte ùqui. Aba ireĩ tuchi quiarei ùqui.

Jesús quiato rete yasu ja ra cote

³⁵ Jemo nda ñee ndei. —çMañĩ nda eraaque quera si re? çMañĩ nda erete cote re? i ra jemo ñee ndeae. ³⁶ Ndua eã ño nguiã ùqui. Sã nandeico mbae eĩ tiquia no. Mbae eĩ nda soõ suri sacua cote. Eĩ si chõ nda nanderete soõ nandemano mose. Nanderete yasu sacua cote. ³⁷ Sã nandeico mbae eĩ tiquia no. Eĩ ra nandechitiquiayã. Ieĩ achõ ño nandechitiquia nguiã. Quiata a eĩ. Mbaemo eĩ abe no. Eĩ quia nda suri nguiã cote. ³⁸ —ç ño nda ndei, i chõ Dios nguiã mbae eĩ jaje. ³⁹ Nanderete rã ño mbae eĩ nde. Eĩ ja eã ño mbae rete re. Emo ño mbia rete no nde. Emo ño quiaa riinda rete no nde. Ae mbebe quia, erete ae chõ ùqui no nde. Sira ae erete mo no nde. ⁴⁰ Ibatenda ae rei erete mo no. Ibi jenda ae erete mo no. Ibatenda ae rei erete turã mo no. Ibi jenda ae rei erete turã mo no. Eĩ ja eã ño mbae rete re. ⁴¹ Nyasi rendi rã eã ño tenda rendi re. Nyasi tata rendi rã eã abe no. Nyasi tata rendi chiabi abi chõ eno nde. Erendi turã ja raque.

⁴² Eĩ si chõ mbia raaque quera je re. Ae mbia raaque nandechitiquia quia nae, ùqui ndei soõ je ùqui. Ae ra quera si nae, ùqui nda soõ eã mbei cote. Manoa mbei ra eno. ⁴³ Ae nandechitiquia quia nae, eraaque tuchi chõ ùqui nde. Ae ra quera si nae, enininya tuchi chõ ùqui cote re. Etiquia mose, equirãcuã nea tuchi chõ aque mose re. Equera si mose, equirãcuã tuchi chõ aque mose cote re. ⁴⁴ ã nanderete nandereco ã nae, erete achõ ño ùqui nde. Quera si mose ra nyiicabo tuchi

cote. Mbae ibi jenda ra mano ja. Ae ibi jenda eã nae, ùqui nda manoa no. ⁴⁵ ã ndei embesa ji cheẽ ã: “Ae Dios chao Adán nyii nae, aque reco que siqui rei nyii ra”, i que embesa ji ra. Ae tu Adán ndui Jesucristo, mbia mingo beisa rei aque. ⁴⁶ ã nanderete nandereco ã nae, mano mano mbei arõte. Ùqui nane nandereco nanderete ã. Aquere quiatu ra nanderetemo nandereco cote. Manoa mbei sacua cote. ⁴⁷ Ae Dios chao Adán nyii nae, ibi je chõ eao nguiã nyii. Nyebe ibi jenda bei ae re. Ae tu Adán ndui nae, Jesucristo i equia ee nae, ibatenda chõ aque re. ⁴⁸ ã nanderete nandereco ã nae, Adán ndete rã si chõ nanderete nandereco nguiã ã. Ibi jenda chõ ã nanderete re. Ae nanderete ra quera si nae, ibatenda rete rã ño nda ùqui cote. ⁴⁹ Ae Dios chao ibi je nyii nae, Adán i equia ee nae, aque rã si chõ nandeico nguiã nande abe namo ã. Aquere ra nandeico ibatenda rete rã cote. ⁵⁰ Nanderero achõ ño nanderete re. Nanderuqui abe no. Ùqui oso aroneate ibate Dios récuua. Ae mano nguia soõ nae, ùqui nyoĩ aroneate Dios récuua. Ae mbia riqui manoa mbeite nae, huee nanderero oso aroneate.

⁵¹ Ae rese mbia riqui jiranuate nae, ùqui tasenei na jêje. Nandemano ja eã ndae. Nandechiicabo ja chõ ndae. ⁵² Corneta pu i mose ra Dios nanderete mbuchiicabo asi cote. Nanderesa pirirã i rã nda Dios nanderete mbuchiicabo asi. Corneta pu i mose ra eraaque abe quera si manoa mbei nondé cote. Aque mose ra nandechiicabo bei nande abe cote. ⁵³ Ae nanderete nandereco namo ã nae, ã nda nyiicabo tuchi cote. Manoa mbei sacua cote. Soõ eã mbei nondé cote. ⁵⁴ Nanderete nyiicabo mose, ùqui mose ra embesa ji cheẽ io cote: “Nandemano ngue ua tuchi cote ra”, i ñi embesa ji re. ⁵⁵ Nanderasi ra nandechiicabo cote. Ibicua ra nanderaarõ cote. ⁵⁶ Nandechiicabo ño nandemano mbu uquia nguiã nande je co. Moisés chimbesa chõ nandechiicabo mbuchecua nguiã nande je co. ⁵⁷ Dios ra nandemano siquisã mbei nandesĩ cote Jesucristo riĩ. Nyebe nandeico nguiã gracias i tuchi Dios je ã cote. ⁵⁸ Seresenda jẽñimbirãcuã tuchi quiatu quia jẽ! Jesucristo rese jẽingo bei quiatu quia jẽ! jEcheẽ jẽsenei mbei tuchi quiatu quia jẽ! Ae jẽsaã saã nguia Jesucristo rese nae, jẽsaã iru iruã ño nguiã ùqui.

16

Ofrenda jembae jendecoquiato, i Pablo

¹ Ae ofrenda ra jemondo Jesús icuasa je nae, ùqui tasenei jêje. Acheẽ ngue Jesús quiato je ra. Galacia jenda je ra. Eraã si chõ jẽingo ae. ² Domingo mose bei jẽingo

mbae rerecúe cúe ae. Ofrendar ã. Ae mbae isi atate quia, sã aque mbae rerecúe ata jiri ae. Ae mbae isi müite quia, sã aque co mü jiri rerecúe ofrendarã ae. Ūquí jemunua ino seso nonde jendea ae. Eí mose ra ofrendarã jësaã eã seico mose jendese cote.³ Secuasë mose huee, jeñimondo sacua mo jëirabo ino, ofrenda rerao sacua. Cartas nandemondo ũquí oo. Ofrenda rese. Ūquí nda amondo Jerusalén ña. Ofrenda rerao sacua hue jenda Jesús quiato je.⁴ Ofrenda tubiriã mose ra aso se abe erese.

Aso ra jendea, i Pablo

⁵ Macedonia ñi nane nda acua. Aquere ra aso ngasë jëje cote. ⁶ Aico arete jiri ra jendese huee reae. Ama mose bei ra aico jendese huee reae. Eí jenye nda sembucua turã mondo cote, seso mose mbaranguiti. ⁷ Amaeño sereãte jendese secua mose. Aico arese rete jendese huee, Dios eno i mose seje. ⁸ Efeso taico are rã nyii. Fiesta de Pentecostés mose. ⁹ Dios cheë asenei senei arõ tuchite mbia je a. Mbia seanduse rete. Emo emo icua icuãte riqui Dios cheë nenei nenei mose seje ã no.

¹⁰ Timoteo ngasë mose jëje ijëisi turã ño jë! jã eirei nguã tuchi jësi jë! Se rã si chõ eriqui bei nguã Dios cheë nenei nenei mbia je aque. ¹¹ jNyebe jemo Timoteo isiteã eã jë! jJembucua turã ño imbu seje jë! Aico eraarõ arõ tuchi se a. Nanderesenda ataque rese.

¹² Acheë ndei que nanderesenda Apolos je ra. —Nde abe eso erea, ae rei que ee jeni nda. Oso sereã ngue namo nda. Osobi mose quia nda esi nguã jendea cote.

Pablo ñee hui bei

¹³ jJendua tuchi quiatu quia jë! jJesucristo jëicua tuchi quiatu quia jë! jJësiquicheã tuchi quiatu quia jë! jJëquirãcuã tuchi quiatu quia jë! ¹⁴ jMbia rese jenyesequa tuchi quiatu quia mbae raã naa mose jë! ¹⁵ Seresenda, jëingo Estéfanos chuchua jenda icua jate ũquí. Ūquí nane tuchi ngue Jesús icua Acaya jenda nyii nae. Ūquí ndiqui mbae mondo mondo bei Jesús quiato je ũquí. Ūquí ndiqui mbae raã naa mbei Jesús quiato je ũquí. ¹⁶ Ūquí na si chõ jëingo. Ūquí ñee nda jemumbachí. Ae Dios cheë senei senei nguia nae jũquí ñee nda jemumbachí jë! ¹⁷ Seya tuchi Estéfanos ngaë mose serea. Fortunato abe. Acaico abe. Ūquí ngue sembia tuchi ngaë jëingoã mose a ra. Ae jësaã aroneate quia seje nae, ũquí ño ngue esaã ngaë seje a ra. ¹⁸ Ūquí ngue sechiã mbucoite Dios rese ra. Jeñia abe mbucoite ereae. Gracias jenye bei ũquí je.

¹⁹ Jesús quiato Asia jenda ja chõ saludos mondo quia jëje aque. Aquila abe saludos mondo quia jëje aque. Priscila abe. Ae Jesús quiato ñumunua nua nguia ũquí

nyuchua nae, ũquí ja abe saludos mondo quia jëje Jesucristo rii aque. ²⁰ Jesús quiato a jenda ja saludos mondo quia jëje aque. Jenyiquiaama ama ja quiatu quia Jesús rii.

²¹ Seo je tuchi co saludo ambesa mondo quia jëje aque. Pablo tuchi chõ se re. ²² Emo nyesequayã mose Jesucristo rese, sã Dios embasi. Echu, Jesucristo. ²³ Jesucristo turã nda siqui jendese chã. ²⁴ Achesecua ja chõ nguã jendese Jesucristo rii co. Amén.

SEGUNDA CARTA DEL APOSTOL SAN PABLO A LOS CORINTIOS

Pablo ucheẽ mbesa mondo Corinto jenda je

¹ Pablo chõ se re. Dios chiirabo chõ se re. Jesucristo chimondo chõ se re. Timoteo rese co ambesa mondo quia jêje aque. Jesús quiato Corinto jenda ja je. Acaya jenda ja je abe no. ² Sã Dios uturã mingo tuchi jendese. Sã Dios jembia bei mingo. Sã Jesucristo abe jembia bei mingo.

Pablo mbae rasi saã tuchi

³ Gracias nande bei tuchi quiatu quia Dios je. Jesucristo rute quia ae re. Ae quia eya eãte riqui nguiã nanderese co. Ae chõ nandeya eã mbuquiachã quiachã nguiã co. ⁴ Mbae icuã tu mose ure je chõ Dios riqui nguiã ureya eã mbuquiachã quiachã ure si co. Ure mbia mo mbia sacuaã abe chõ ñene. Mbae icuã tu mose ee. ⁵ Cristo rane ngue mbae rasi saã tuchi nyii ra. Mbia urembasi mbasi tuchi quia ure abe Cristo riã ã. Cristo riqui urembia tuchi ure abe ùqui mose co. ⁶ Ure mbae rasi raã mose, jêje chõ ñene. Ure mbae rasi raã mose nyii, jêingo sacuaã Dios rese chõ ñene. I nda jêya bei riqui mbae rasi raã mose. Dios ureya eã mbuquiachã mose, jêya eã mbuquiachã sacuaã abe chõ ñene. Eĩ nda jeñimbirãcuã tuchi mbae rasi raã mose. Sã ureico mbae rasi raã ure no. ⁷ —Mbae icuã tu mose ee, ñimbirãcuã turã nda Dios riã, ure beite equia jeniã ã. Mbae icuã tu mose jêje, Dios ra jêya eã mbuquiachã jêsi. Sã seya eã mbuquiachã sesi no.

⁸ Mbae rasi que ursaã tuchite ureico mose Asia ra. Ùqui ndese taembiirandu. Mbia que ureucayãte quia ra. Aete ureico ñimbirãcuã eã. —Mbae icuã nda hui eã mbeichĩ nandesĩ re, ure rei que equia ra. ⁹ —Mbae icuã nda nandemingoã nyee, ure rei que equia ra. Mbae icuã tuutu bei mose ure je. Ure Dios icua sacuaã ño ngue ùqui nde. —Nande ae eã ñene, ure i sacuaã ño ñene. Sã Dios ae riqui mbia raaque mbuquera uquirãcuã je no. ¹⁰ Mbae icuã ureiquia serĩ nguia nae, ùqui si que Dios ae urerirõ nda. Ùqui si eriqui urerirõ ndirõ mbei ã. Ùqui si ra eriqui urerirõ mbei no. Ùqui ureicuate quia ã. ¹¹ Jê abe jeñee Dios je urerĩ no. Mbia tubiriã ñee mose Dios je urerĩ, Dios ra ùqui ñee ñandu. Dios ra uturã mondo tuchi ure je. Ùqui nda gracias i tuchi Dios je urerĩ cote.

Pablo oso jei eã Corinto

¹² Ure que mbia mo urembirĩ irĩ ãte quia ra. Jê abe mbirĩ iriã no. Dios resendate que ureico jêje ra. Ureyate mbae turã naa

naa mose jêje. Nyebe urechiã iate riqui nguiã. Dios ae chõ ngue uremingo mbae turã ndese huee ra. Ureaquiato ae eã ngue ra. ¹³ Ae urembesa mondo quia jêje nyii, ùqui jêicuate raque quia ùqui. Urechimbesa checuate raque. Urechimbesa nda jêicua ja tuchi rã seje chã. ¹⁴ Jê seicua jiri raque quia ùqui. Jêya tuchi rã nda urerese Jesucristo tu mose chã. Sã ureyate riqui jendese ã no.

¹⁵ Sã jêyate riqui sere se co no. Ùqui aicuate quia se abe co. Nyebe acheẽ ndei nguiã sechiangui re nyii. —Tasobe rã erea. I nda eyabe jiri sesobe mose erea, ae rei que se nyii ra. ¹⁶ —Seso mose Macedonia, taicha bei oso jendea, ae rei que se ra. —Obei abe nda aichabe erea chã. I nda mbae mo mee seje sembu bei sacuaã Judea, ae rei que se no nda. ¹⁷ Se ndua mose ùqui ndese, ¿eicuãte ùqui nde? ¿Acheẽ ñooño ño se quia ùqui nde? Se eno i mose, eno ae bei chõ nda se. Secheẽ nda ambuchebiã mbei. Jesús quiatoã ae ùqui saã nguiã. ¹⁸ Sã Dios ñee ñooñoa no. Eĩ ure quia ure abe urecheẽ mbuchebiã jêje ã. ¹⁹ Sã Dios rucucha ucheẽ mbuchebiã mbei no. Jesucristo i equia ee. Ae abe eno i bei quia co. Jesucristo sí cheẽ ño ngue asenei senei nguia jêje resẽ. Timoteo rese. Silvano abe rese no. ²⁰ —Mbae turã nda asaã jêje, i tuchi rei que Dios quia nande je nyii ra. Jesús riã ño eriqui nguiã ùqui naa naa nande je ã cote. Jesús riã ño nandeico nguiã Amén i Dios je ã cote. ²¹ Dios ae chõ nandembirãcuã mingo nguiã Cristo rese co. Nandemingo icúe umbaerã. ²² Dios que nandeisirõ umbaerã nda. Umbae marca que emiã naanguia nanderese ra. Espiritu Turã ngue emondo nandechiangui re ra. Nanderereco quiatu sacuaã umbaerã.

²³ Aso eã equia jendea nae, jêireĩ nguiã sacuaã ño asoã nguiã jendea aque mose. Seso sereã ae eã ngue eno nde. Acheẽ ñooño eã ño nguiã jêje co. Dios riqui sechiã icuate co. ²⁴ —Jenderecurã nda se, ae ãte quia co. — Co rese chõ jêingo ndua, ae aroneate quia jêje co. Taembia chõ Jesús rese. Ùqui mui ño asaã nguiã jêje. Jê ae chõ jeñimbirãcuã nguia Jesús icua ùqui.

2

¹ —Aso si eã nda ñee asi asi jêje jembia eã, ae que se ra. ² Seso mose jembia eã, aba quia ra sembia se cote. Jê ño sembia quia resẽ. ³ Nyebe ambesa mondo jêje nyii resẽ. Jê mbae mbitirõ sacuaã seso nonde jendea. Seso sereãte que oso mae jêicua ndese ra. Sembia eã sacuaã. Jê nguia nda sembia nguiã ña. —Seya mose ra jêya jê abe, ae que se ra. ⁴ Ae ambesa mondo jêje nyii nae, ùqui mose que seya eã tuchi riqui jendese ra. Acheseo chee que jendese ra. Jembia eã sacuaã eã

ño ngue aque ambesa mondo nguiã jêje. — Pablo ndua tuchichĩ nanderese, i sacuaã ño ngue ambesa mondo nguiã jêje.

Ae mbae icuaã saã nguia nyii nae, aque jêisi turã ño cote, i Pablo

⁵ Ae siqui ngu ninisi rese nyii nae, sembia eã tuchi chõ aque re. Se mü eã ngue sembia eã nda. Jemo abe abe mbia eã ngue ra. ⁶ Mbae rasi que esaã tuchi huiicuaã nüi cote ra. Jê emombo mose nyii. Jêisi turã ño cote. ⁷ Aque icuaã si jêtesarei chõ cote. Jêturã ño ee cote. Jembia jiri. ⁸ Nda eya eã embiicha eã Dios si. ⁸ Jenyeseuca tuchi chõ nguia erese jê. Jêturã sí chõ ee jê. ⁹ —Ma secheẽ mumba eã, ae que embesa mondo jêje nyii ra. ¹⁰ Jêtesarei mose aque icuaã si, se abe atesarei chõ nguiã esi co. Jenii ño aico nguiã tesarei esi co. Cristo resa rae chõ aico nguiã tesarei esi. ¹¹ Nandetesarei mose emo icuaã si, Satanás siquiã sacuaã nanderese chõ ñene. Sã Satanás ndiqui aba mbiirĩ irĩ mbeite no.

Sechiã ngue ngoi eã mbei Troas ra, i ñi Pablo re

¹² Secuasẽ mose Troas Cristo cheẽ nenei nenei sacuaã, Cristo que mbia mbuchisaquia tuchi rei secheẽ andu ra. ¹³ Tito oreãte que seje huee ra. Nyebe sechiã ngoi eã mbeite nguiã. Nyebe “co acua quia co” ae nguiã hue jenda je. Macedóniaa ngue aso cote ra.

Dios uremingo turã mbeite quia Cristo rĩ co

¹⁴ Aico gracias i beite Dios je co. Ae chõ uremingo turã mbeite nguiã Cristo rĩ co. Ae chõ urembirãcuã nguiã mbae icuaã si co. Ae chõ ucheẽ senei senei uquia nguiã ure je mangue jenda chooña je co. Aba mbushimbura rá tuchi chõ echeẽ nde. Sã aba mbushimbura riqui mbae mbushimbu turã jate no. ¹⁵ Cristo riqui urechiangui re co. Nyebe ureico nguiã aba mbushimbura ráte Dios je ã. Ure Dios cheẽ nenei nenei mose, emo emo ño echeẽ isi nguiã. Siqui bei sacuaã. Emo emo ño echeẽ isia nguiã no. Nyo: sacuaã tata cuasu. ¹⁶ Ae ra nyo: tata cuasu nae, mbae shimbu icuaã naanguia chõ Dios cheẽ ndiqui nguiã ee. Ae ra siqui bei quia nae, aba mbushimbura turã naanguia chõ Dios cheẽ ndiqui nguiã ee. ¿Aba chõ eaquiato Dios cheẽ nenei nenei ña? ¹⁷ Ae Dios cheẽ senei senei ñooño nguia nae, ñqui na eã ño ureico nguiã Dios cheẽ nenei nenei ure ã. —Mbae mo jembu rá ure je, ureã tuchi chõ nguiã Dios cheẽ nenei nenei mose jêje ã. Sã eataque riqui Dios cheẽ abi abi erenei nenei mose no. Eĩ eã ño ure re. Dios cheẽ uresenei turã ja chõ nguiã ure. Ureico mingue chõ nguiã erenei nenei ure ã. Dios chõ ngue ureirabo nguiã ure. Cristo quiato

chõ ure re. Dios resaa chõ ureico nguiã echeẽ nenei nenei ã.

3

Jesús cheẽ yasu nandereco quia ã cote

¹ ¿Urecuasu uresaa saã si rei nguia jêje ã nde? Tei. Jenyiicua ja chõ ure resẽ. ¿Emo nda ureturã senei mbesa mondo jêje re? ¿Emo nda jêturã senei mbesa imbu ure je re no? Tei. Nandechiua ja chõ equia ã ndesẽ. ² Aico jenderequia beite sechiangui re co. Embesa ji rese mae na ño mbia riqui nguiã mae jendese ã. ³ Urechimbaaquiato chõ jê ndesẽ. Cristo chimbese rá ño jéinguo nguiã. Tinta je eã ngue jembesa ra. Espiritu Turã je chõ ngue jembesa nguiã. Sita eã ngue Cristo mbesa nguiã. Jeña ño ngue embesa nguiã.

⁴ Cristo chõ ã icua nguiã seje. Dios resaa chõ aico nguiã ñee jêje ã. ⁵ Sequirãcuã ae je ra mbae aicuayã. Dios chõ uquirãcuã mee nguiã seje mbae icua sacuaã. ⁶ Dios chõ uquirãcuã mee nguiã seje, ucheẽ yasu nenei nenei sacuaã. —Embesa ji cheẽ jemumbayã mose ra jaemingo bei, i áte Dios quia nande je ã. Espiritu Turã ae chõ aba mingo bei nguiã. —Embesa ji cheẽ tamumbayã mbei chõ nguia seico bei sacuaã, i mose emo, aque ra siqui bei eã. Espiritu Turã ae nandemingo beisa re.

⁷ Sita mbesa ji Moisés quereco quia nae, mbae nininya tuchi que eriqui aque mose ra. Mbia mae sayã tuchi que Moisés ruba riqui ra. Moisés ruba nininyate quiato ngue eriqui nguiã ee. Enininya que uque uquete oso quia cote ra. Moisés chimbese mbia mingo bei aroneate. —Mbia siqui icuaã mose, mbia ra mano, i que Moisés chimbese mbia mbiirandu ra. ⁸ Mbae nininyate raque aque mose. Ae Jesús cheẽ yasu nandereco namo ã nae, ñqui nguiareĩ enininya tuchi Moisés chimbese si. ⁹ Moisés chimbese quiato que mbia mbiirandu tuchi huiicuaã ndese ra. Jesús cheẽ yasu quiareĩ nandembiirandu nandecuã mbitirõ ndese. Jesús cheẽ yasu quiareĩ enininya tuchi Moisés chimbese si. ¹⁰ Moisés chimbese quiareĩ enininya eã jiri Jesús cheẽ yasu si. Jesús cheẽ yasu quiareĩ i tuchi Moisés chimbese si. ¹¹ Moisés chimbese que siqui bei sacuaã eã nda. Jesús cheẽ yasu quia siqui bei sacuaã nde. Nyebe Jesús cheẽ yasu enininya tuchi Moisés chimbese si re.

¹² Jesús cheẽ yasu ra siqui bei. Ñqui nandecuante quia ã. Nyebe ureico nguiã ñee tuchi jêje ã. Mbae mbuchecua tuchi jêje. ¹³ Moisés rá eã ño ureico nguiã ure ã. Moisés que nguba chatite quia aque mose ra. —Ñda judíos mae eã seruba nininya que rese, i. ¹⁴ Judíos que Moisés chimbese icuayãte quia ra. Namó abe icuayãte. Emo leer i mose Moisés chimbese je judíos je, icuayã mbeite. Ae siqui Cristo rese nae, ñqui mü

ño Moisés chimbese icua nguiã. ¹⁵ Namó abe judíos Moisés chimbese icuayãte quia ã. Emo leer i mose ee, echecuayã mbeite riqui ee ã. ¹⁶ Emo uba mose Jesús rese, Moisés chimbese abe ra echecuate ee cote. ¹⁷ Jesús si rei Espiritu Turã. Nandeico mose Espiritu Turã ndese, ae chõ nandembui mingó nguiã Moisés chimbese si ã. ¹⁸ Nande Jesús icua mose, espejo rã ño nanderuba riqui nguiã. Jesús ruba nininya rã i i chõ nande re. Espiritu Turã abe siqui i i chõ nguiã nandere. Nyebe nandeico i i nguiã Cristo rã ã.

4

¹ Dios turãte eriqui ure je co. —Jesús cheẽ yasu jẽsenei senei mbei mbia je, i Dios quia ure je co. Nyebe ureico nguiã ñimondocho ãte echeẽ nenei nenei mbia je ã. ² Mbae icuã asaã saã nyecuayã eãte quia co. Ae aba ireĩte riqui nae, ùquĩ asaã saã eãte quia co no. Mbia ambiĩri irĩ eãte quia Dios cheẽ nenei nenei co no. Secheẽ ambeta mbeta eãte quia Dios cheẽ je co. Dios cheẽ ndui si tuchi chõ aico nguiã erenei nenei co. Dios rėsaa chõ aico nguiã erenei nenei co. Secheẽ ñooñoa mbia icuate raque quia uchiangui re ùquĩ. ³ Ae asenei senei mbeite quia Jesús rĩĩ nae, echecuayã eã ño ùquĩ nde. Ae ra nyoi tata cuasu nae, ùquĩ mii je chõ echecuayã nde. ⁴ Jesús icua eãte quiatu nguiã. Nyebe aba checuayã nderecuia riqui nguiã embaaracuayã Cristo cheẽ turã ñii co. Nyebe eriqui nguiã Cristo nininya icuayãte co. Dios rã tuchi rei Cristo. ⁵ Se mbia mbaaquiati quiatu mose, serĩ eã ño aico nguiã ñee ee. Jesucristo rĩĩ ño ñene. Ae rei mbia rerecurã tuchi. Jenimba rã ño aico nguiã Jesús rĩĩ se co. ⁶ Dios que nyaashĩ saã nyii ra. Itondaru beire nyii. Ae sí que nandembaaquiati quiatu Jesucristo rĩĩ nda. Ae sí que Jesucristo nininya mingue nandechiangui re ra. Dios nininya rei Cristo nininya rã si.

Dios ae rese aico co, i ñi Pablo re

⁷ Ure ae urenininya eãte raque. Tuchu achõ na ño ureico nguiã Jesucristo nininya siquiã mose urerese. Dios ae chõ quirãcuã mee nguiã ure je co. ⁸ Mbae icuã tã i bei beite raque ure je. Urechimondocho eã mbei rae. Mbae aba mbecoteã chũchĩte raque. Urehui eã mbei ra Jesús si. ⁹ Mbia siqui icuã icuãte raque ure je. Dios quia hui ãte nguiã uresi co. Mbia ureririrõte raque. Urembui eã mbei quia nda Dios si re. ¹⁰ Sã mbia icuã icuã ndiqui Jesús je cose no. Sã ei quia no. Eĩ si chõ mbia nguiã ureiquia serĩ serĩte ã no. Mbia mae sacuã Jesús quirãcuã ndese chõ ùquĩ nde. Ae quera si nae, aque quirãcuã ndese mae sacuã ño ùquĩ nde. ¹¹ Ureico raque ure ã. Mbia ureiquia serĩ serĩ mbeite

quia Jesús rĩĩ ã. Jesús quirãcuã siqui sacuã urerete quirãcuã nea ndese chõ ùquĩ nde. Mbia mae sacuã Jesús quirãcuã ndese chõ ùquĩ nde. ¹² Uremano serĩ serĩte equia ã. Jẽingo turã sacuã Jesús rese chõ ùquĩ nde. ¹³ Sã embesa ji ñee no: “Dios icuare chõ aico nguiã ñee”, sã i no. Eĩ si chõ ure no nde. Dios icuare chõ ureico nguiã ñee. ¹⁴ Sã Dios quirãcuã Jesús raaque mbuquera no. Eĩ si ra Dios nandembuquera Jesús rĩĩ nande abe. Ae ra nandemingo turã ja ujii cote. ¹⁵ Seje mbae icuã icuã mose, jemingo turã sacuã ño ùquĩ nde. ¹ nda Dios uturã mee mbia tubiriã je. ¹ nda mbia tubiriã gracias i tuchi Dios je. Dios iate mbia ùquĩ naa mose.

¹⁶ Nyebe ureico nguiã ñimondocho eã mbei. Urerete si raque quia ngoite qui cote. Urechimbiasu i i chõ nguiã urechiangui re ã. ¹⁷ Ae rasi uresaã nguia ã nae, ùquĩ ndasi ra ua jei chõ. ùquĩ ndasi raande nyii ra Dios mbae turã mee mbei ure je cote. Dios chĩmee turã nda ua eã mbei uresi cote. ¹⁸ Ae rese nandeico mae mbae nae, ùquĩ nda ua jei. Ae rese nandeico mae eãte nae, ùquĩ nguia ra ua eã mbei. Nyebe ureico nguiã ndua mbae nandemae sayã ndese.

5

¹ Sã tuchia riqui shii jeite no jẽ. Eĩ si chõ nanderete no nde. Mano jei. Mbia serete iquia mose, tuchia ao ji mo ñi ibate seraarõ arõ pe. Dios chisãã ño hue re. Hue tuchia ra shii eã mbei. Mbia chisãã eã ño ñene. ² Tuchia mo na ndei nanderete. Shii jei. Co serete rerequia mose, aico jlabute co. Co aico oso sete sechuchia ibatenda rea co. ³ ¹ nda serete yasu areco bei pee ibate. ⁴ Tuchia mo na ndei nanderete. Co serete rerequia mose, aico jlabute co. Seya eãte aico co. Semano sereãte raque. Serete yasu quia areco sete nguiã. Mbae yasu ja ra aque mose seje cote. Amanoa mbei ra aque mose cote. ⁵ ùquĩ je chõ ngue Dios sererecoquiati nguiã. Semingo turã mbei ra cote. Nyebe Espiritu Turã mondo nguiã seje. Sembiirandu sacuã ùquĩ ndese. Dios Espiritu Turã mondo mose seje, umbae marca mii naanguia serese chõ ùquĩ nde.

⁶ Nyebe aico nguiã ñimondocho eãte co. ã nanderete rerequia bei mose, eĩ nda nandeso aroneate rei ibate siqui Jesús rese. ⁷ Aico beite Dios icua co. Amae ãte raque erese. Ae rese nandeico mae nae, ùquĩ ndese aico ãte co. ⁸ Nyebe aico nguiã ñimondocho eãte co. Co serete ajea bite raque oso sacuã ibate siqui bei nonde Jesús rese. ⁹ Ae Dios bite nae, ùquĩ asaã sete quia ee co. Dios seisi turã nonde chõ ùquĩ nde. Aa seico mose. Pee ibate seico mose abe no. ¹⁰ Cristo rėsaa ra nandecu ja emo mose. Ae nanderea sacuã. Nandeicua sacuã. Ae mbae turã saã saã

nguia siqui mose ibii nae, Cristo ra mbae turā mondo ũquĩ je pee cote. Ae mbae icuā saā saā nguia siqui mose ibii nae, ũquĩ je ra Cristo mbae icuā mondo

Dios ae nandemingo turā nguia uchiese Jesucristo rii co

¹¹ Aba siquichesa tuchi cho Dios re, mbia siqui eā mose erese. Nyebe ureico nguia mbia mbuti mbuti tuchi co. Dios riqi ureicuate co. Jē abe jēingo ureicuate ũquĩ ndenoae. ¹² Ā ureico urecuasu raā naa si āte raque ā. Jembia sacuā ño ureico nguia ñee urerĩ si ā. † nda jeñee aquiatu mbia icuā ñee ndibishorō. Ae uturā saā ñooño nguia nae, ũquĩ ñee ndibishorō sacuā ño ñene. ¹³ Urearacuayā mose, Dios cheē ndese siqui sacuā ño ñene. Urearacua mose, jembaaquiatu sacuā ño ũquĩ no nde. ¹⁴ Sā Cristo nyesequa tuchite nanderese no. Ae chō sembuti mbuti nguia co no. Cristo que mano nande ja je ra. Nyebe nande abe nandemano ja nguia erese. ¹⁵ Cristo que mano nande ja je ra. Ae nandebite riqi nae, ũquĩ ndese nandeico eā sacuā ño Cristo mano nguia. Ae Cristo bite riqi nae, ũquĩ ndese nandeico sacuā nguiatu ngue Cristo mano nguia. Nande je que Cristo mano nda. Nande je que Cristo quera si no nda.

¹⁶ Jesús quiatoā na eā ño ureico nguia mae mbia rese ā. Urechesequa chō nguia mbia rese ā cote. Urechesequa eāte raque Cristo rese nyii. ¹⁷ Emo ñimbucha mose Cristo rese, mbia yasu rā ño ũquĩ cote re. Ae esaā saā nguia mbae icuā nyii nae, ũquĩ si que hui ja cote ra. Mbae yasu ja chō ee cote re. ¹⁸ Dios ae ũquĩ saā ja nguia nande je co. Dios ae nandemingo turā nguia uchiese Jesucristo rii co. —Mbia emingo mingo bei serese sequia torā jē, i que Dios seje ra. ¹⁹ —Sā mbia sequiatorā ja, i que Dios Cristo rii nda. ũquĩ je chō ngue Cristo mano nguia. Mbia icuā mbutiā sacuā esi chō ngue Cristo mano nguia. —Mbia emingo mingo bei serese sequiatorā jē, i que Dios seje ra. ²⁰ Cristo chō sembuheē nguia co. Secheē ae eā ñene. Dios ñee na jēje chō aico nguia ñee jēje co: Dios quiatorā ño jēingo jē. ²¹ Mbae icuā mo ngue Cristo saā eāte rei ra. Dios que mbae icuā naasa saā tuchi ee ra. Dios nandemingo turā mbei sacuā ño ũquĩ nde. Sā Dios nandemingo turā mbei nandeico mose Cristo rese no.

6

¹ Dios resenda chō ureico nguia Dios cheē nenei nenei ā. Dios turā jēisi chooñoa ño nguia jē. Jēisi tuchi quiatu jē. ² Eĩ ngue embesa ji hui Dios cheē nda:

“Jeñee mose seje, jeñee ngue achandu ra. Aendirō ngue mbae icuā si ra”, i que Dios mbi a je cose ra,

i ñi embesa ji re. Namō ño Dios riqi nguia aba cheē anduse co. Namō ño Dios riqi nguia mbia rirōse eicuā si co no. ³ Ā ureico mbia mo mbiri iri eāt e ā. † nda mbia urecheē andu turā Jesús rii. ⁴ Mbae uresaā turā sete quia ure ā. —Dios rimba turā ño ũquĩ nde, i nonde mbia ure rii. Nyebe ureico nguia ñimbiracuā tuchi mbia icuā mose ure je ā. Mbae tiā mose abe ure je. ⁵ Ureirua nua ngue equia ra. Uretarō tarō mbei que equia ra. Urerecteā mbei que eriqui ra. Ureque reā tuchi que equia ra. Ureiracuā tuchi que eriqui no nda. ⁶ ũquĩ icuā ei ei mose ure je, ureico turāte que equia ra. Ure que Dios ureicuate quia ra. Urechimbiracuāte que equia ra. Ureico turāte que equia mbia je no nda. Espiritu Turā ngue siqui tuchi urerese no nda. Urechesequa chooñoa ngue equia mbia rese no nda. ⁷ Dios cheē ichoiñoa reā ngue uresenei senei tuchi quia mbia je ra. Dios quiracuā ngue siqui tuchi quia urerese ra. Ae uturā Jesucristo mee nguia ure je nae, ũquĩ mii ño urereaquiatu bei nguia co. ⁸ Emo emo mose mbia riqi ñee turā urerĩ ā. Emo emo mose mbia ñee icuā urerĩ no. —Aba mbiri irisa, i tuchi que mbia quia ure je emo emo mose no nda. —¡Ae bei jē! i tuchi que equia urecheē je emo emo mose no nda. ⁹ Mbia riqi ureririrō ndirō emo mose ā. Emo emo mose eriqui ureisi turā turāte ā no. Mbia ureiquia arō arōte raque quia ā. Urereco ureico beite ā. Mbia urembaasi asite raque quia ā. Ureiquia eāte no. ¹⁰ Ureya eāte raque. Dios rese quia ureyate re. Mbaecha reā ndaque ure no. Mbaecha que uresaā uquia tuchi mbia je ra. Mbae eā tuchi raque urembae. Dios rese quia urembae burirā tuchi re.

¹¹ Urecheē nyecuate que jēje ra. Urecheē ngue jembiri iriā tuchi quia ra, Corinto jenda. Ureico nyesequa tuchi jendese a. ¹² Ure que urechao eā jēsi ra. Jē nguiatu ngue jenyao nguia ure si. ¹³ Sā mbia mo ndiqui ñee nguiirī je no. Eĩ ae chō nguia ñee jēje. Jendu rā ño aico nguia jēje. Jenyesequa tuchi chō nguia serese. Sā aico nyesequa jendese no.

Dios chuchua tuchi chō jendete re

¹⁴ Dios quiatoā ndese ra jeñimbuchachi jē. Dios quiatoā na eā ño jē nde. Sā mbae turā ndiqui mbae icuā mbiroā no. Sā nyaashi ndiqui itondaru mbiroā no. ¹⁵ Sā Cristo riquia Satanás ndese no. Eĩ si chō Cristo quiato siqui aroneate nguia Cristo quiatoā ndese no. ¹⁶ Sā Dios abareā siqui aroneate Dios chuchua no. Jendete rei Dios chuchua tuchi. Dios riqi tuchi jendete ye ũquĩ. Sā Dios ñee ā no:

Erete ye ra aico. Ererecuarā nda se. Mbia ra siqui serui, sã i Dios no. ¹⁷ Dios cheē ño ā no nde:

Jêhui chõ mbae icuã si. Icuê jêingo.

Mbae icuã ndese ra jêocochi.

Jaëisi turã nda se chã.

¹⁸Jendurã nda se chã.

Seriirina nda jê ña.

Sequirãcuãte se,

i que Dios cheê mbesa ji ra.

7

¹Dios cheê ño ã nde. —Aico bei ra jendese, i que ra. Nyebe nandehui mbae icuã si ñimbitirõ mbei. Cochee chõ nandeico Dios je. Nandereco nandemee tuchi ee.

Seyate aico jendese co cote, i ñi Pablo re

²Ureisi turã ño jê. Mbae icuã mo ngue uresaã äte jemo je ra jê. Ureico que equia jembiirã iri äte ra jê. ³Jêicuã i sacuaã eã ño aico nguã ñee jêje. Achesequa tuchite quia jendese co. Semano mose chee. Sã ñi acheê jêje nyii no. ⁴Seyate aico jendese co. Secheê nda emumbayã, aete se quia jeni co. Mbia icuã icuã mose seje, seyate aico jendese co.

⁵Urechu que aa Macedôniaa, aque mose bei que urerecoteäte ra. Mbae icuã ngue uremingo asã asite rei quia ra. Mbia icuã icuãte que eriqui rei ure je ra. Sechiã ngue ngoi äte rei quia ra. ⁶Dios que sechiã mbocoi Tito ngasê mose cote ra. Sã Dios riqui uquiato mbia beite eya eã mose no. ⁷Tito mü ndese eã ño seya re. Seya tuchi que sembiirandu mose jendese no nda. Jê nane ngue jeñee Tito mbirãcuã nda. Aquere que Tito ru sembirãcuã cote ra. —Hue echi ndua tuchite nderese huee, i que u ñee seje ra. Nyebe seya tuchite riqui nguã jendese. Jêtesarei eãte quia equia sesi reaê. ⁸Ae ambesa mondo jêje nyii nae, ûqui ngue jem-bia eãte rei ra. Erea ramo mose. —Amondo jirichã nguã, ae rei que se quia nyii ra. —Amondo jirichã nguã, ae äte se quia co cote. ⁹Seyate aico jendese co cote. Jêya eã ñi ño ñene. Jêñimbitirõ nguia tu ngue re. Maende sechimbese rese. Sechimbese jem-bia eã mose jêicuã ndese, Dios rese que jendua cote ra. Sechimbese chõ jemingo turã nguã cote. ¹⁰Emo ia eã ñooño mose huãcuã ndese, ûqui nda nyoï tata cuasu. Emo ia eã tuchi mose huãcuã ndese, hui ra huãcuã si cote. Dios ra emingo bei cote. —Ahui jirichã nguã seicuã si, iã tuchi rae. ¹¹Sechimbese oso mose jêje, jêya eã tuchi que jêicuã ndese ra. Nyebe Dios ia tuchi riqui nguã jendese. Jendua tuchi que ra. —Mbae icuã ngue uresaã eãte resê, jenye eãte que ra. Mbae icuã ndese que jemaë sereã tuchi cote ra. Jêirei ireite que equia mbae icuã si ra. Jemaë sete que equia serese ra. Ae siqui ngu ninisi rese nae, aque que jemombo cote ra. Mbae que jêsaã turã jate ra. Eicuãte i aroneate que emo nguã jêje ra. ¹²Ae siqui ngu ninisi rese nae, aque je eã ngue ambesa mondo

nguã. Eru je eã ño ngue eno nde. Jê ja je chõ ngue ambesa mondo nguã. —Pablo riqui nyesequa tuchichã nanderese, i ja nonde chõ ngue ambesa mondo nguã. ¹³Nyebe ureya tuchi riqui nguã jendese co cote. Jê ngue Tito abe jem-bia cote ra. Jê hui mose mbae icuã si. Seirandu mose ûqui ndese que seya tuchi se abe cote ra. ¹⁴Sã ñi aico jêturã nenei nenei Tito je nyii no. Eï jenye si tuchi equia siqui turãte ûqui. Nyebe seirei nguãte riqui nguã ñee jeni ûqui. Acheê ñooñoa ngue jêturã ñi Tito je ra. Sã aico ñee ñooñoa emo mose jêje no. ¹⁵Tito riqui nyesequa i ite jendese co. Ndua beite equia jendese co. Echeê nguia tu que jemumbayã tuchi quia ra. Cocheete quiatu que jêingo ee ra. Jêisi turãte quiatu que equia ra. ¹⁶—Ûqui nda siqui tuchi Dios rese, ae tuchi se quia jeni co. Co seyate aico jendese co.

8

Jembae jemee jiri quia Dios je

¹Jesús quiato Macedonia jenda tasenei jêje cote, Seresenda. Hue jenda ja iglesias. Dios turã tuchi que eriqui ûqui ja je ra. ²Mbia icuãte que eriqui rei ee ra. Eya beite chõ ngue eriqui ra. Mbaecha reã ndaque. Mbae que emondo tuchi quia Jesús quiato je ra. Mbaecha rã tuchi mbae mondo mbia je. ³Umbae que emee tuchi ra. Embae tubiriã eã ndaque. Abei tuchi quiatu ngue re. Amae ngue erese ra. ⁴—Ûre abe ra urembae uremee tuchi Jesús quiato je, i tuchi que seje ra. ⁵Mbaechõ eã ngue emee Dios je ra. Nguete rane ngue emee ee ra. Ure je abe que ngueco mee nda. Mbae turã naa naa mbei sacua ure je Dios rii. Aquere que umbae mee tuchi Jesús quiato je cote ra. ⁶Macedonia jenda umbae mee tuchi mose Dios je, urendua que jendese cote ra. Nyebe Tito amondobe quia aque. Tito jembae ofrenda munua nua ja sacua. Sã Tito ñee nyii no. —Tamunua nua ja, sã i no. ⁷Sã jêingo Dios icua tuchi no. Sã jêingo Dios cheê icua jate no. Sã jêaquiature mbia mbaaquiato no. Sã jêingo sete riqui Dios cheê ndese no. Sã jêingo nyesequate serese no. Nyebe jembae jemee tuchi quiatu ofrendarã cote.

⁸—Secheê ngure quiatu jembae jemondo Dios je, ae äte se quia co. Jê ae chõ jendua mbae mee nonde. Jesús rese jenyesequa tuchi mose, jembae ra jemee mee Jesús quiato je. Sã Macedonia jenda umbae mee mee Jesús quiato je no. ⁹Nandererequa tuchi chõ Jesucristo re. Jesucristo turã jêicuate quia ûqui. Mbaecha tuchi rei que ae ereco mose ibate ra. Mbaecha reã ngue esaã tuchi u ibii nande je ra. Eriã ño Dios riqui nguã mbae mondo tuchi nande je. Ae mbaecha reã naa mose u ibii. ¹⁰Tacheê tuchi rã jêje. Tenda nongue

mose que jenduate Jesús quiato mbaecha reã ndese ra. Mbae que jemondo sete quia ee ra. Jê nane ngue “ofrenda nandemondo” jenye Macedonia jenda si ra. Cosete que jeñee ñee. Jemondo turã cote. ¹¹ Ae ra jemondo nae, ùqui ja jemondo jei eae. Mbae jemondose jiri quia ee. Sã mbae jemondose ee nyii no. Jembae tubiriã mose, jemondo tuchi ee. Jembae mii mose, co mii jemondo ee. ¹² Nande mbae mo meese mose, Diobi tuchi chõ ùqui nde. —Mbae tubiriã embu seje, iã nda Dios mbaecha reã je. ¹³ — Jembae jemondo ja tuchi mbaecha reã je, ae äte quia jêje co. ¹⁴ Sã jembae nyiabiã jiri mbaecha reã mbae rese. Sã jembae tubiriã namo no. Emee sacua ùqui je. Emo mose ra ùqui mbae tubiriãte no. Emondo sacua jêje jembae eã mose no. Ùqui mose ra jembae nyiabiã jiri ja cote. ¹⁵ Sã embesa ji riqui ñee no:

Ae mbae tubiriãte nae, embae rire eãte que ra.

Ae embae miite nae, embae que ua eãte ra, i que embesa ji ra.

Tito ra nyoi jendea, i Pablo

¹⁶ Sã aico ndua tuchi jendese co no. Eĩ si tuchi Dios quia Tito mundua jendese co. Nyebe aico nguiã gracias ite Dios je co. ¹⁷ Tito si quia jendea aque. Secheẽ nguire achõ eã esi nguiã jendea aque. Ae abe que ndua jendese ra. ¹⁸ Tito rese Jesús quiato mo amondo quia jendea aque. Jesús quiato ñee turã jate quia aque riã aque. Jesús cheẽ nguiau esenei senei mbeite nguiã aque. ¹⁹ Jesús quiato que aque irabo ra. Oso sacua serese. Ofrenda munua nua sacua serese. Sã ureico ofrenda munua nua Dios mbia sacua no. Mbia “abei” i sacua jêje. ²⁰ Ae que siqui beite urerese ofrenda isi isi mose ra. Mbia ñee icua eã sacua ure riã. “Ofrenda que embuquiachã nda”, i eã sacua mbia urerĩ. ²¹ Mbae uresaã turãse rete quia ã. Dios ia tuchi sacua ure rese. Mbia abe ñee icua eã sacua ure riã. ²² Urerenda mo abe uremondo quia ùqui ndese aque. Ae quiarei mbae raã naase bei Dios je. Oso sete equia jendea co. ²³ Tito rei seresenda tuchi. Siqui bei que equia serese Dios cheẽ nenei nenei mose ra. Ae nyoi quia jendea Tito rese nae, iglesias chõ emondo nguiã jendea ùqui. Cristo quiato tuchi chõ ùqui nde. ²⁴ Ùqui jëisi turã ja chõ jê. Sã urecheẽ ee jeni nyii no. — Jëisi turã ndae. Nyesecua tuchi ra jendese, ure que ee nyii ra. Nyebe jëisi turã ño. Eĩ nda iglesias jenda ja abe “eturã” i jeni.

9

Jembae ofrenda jemunua ja rã emondo sacua mbaecha reã je

¹ Aete aico embesa eã jêje ofrenda riã. — Ae ae chõ nda mbae mo mondo nguiã Jesús

quiato je, se ñee mose rocoĩ ee, ae que se ra. ² Jê ae chõ mbae jemondose nguiã Jesús quiato mbaecha reã je ùqui. Jeni ño aico nguiã ñee Macedonia jenda je co. —Tenda nongue mosenda bei chõ Acaya jenda riqui nguiã mbae mondose Jesús quiato je ùqui, ae se quia Macedonia jenda je jeni co. Nyebe ùqui abe riqui nguiã mbae mee sete ee cote. Jirandure jendese. ³ Aque mbia amondo quia jendea aque. Jê icoquiato sacua. Mbae jemondo sacua Jesús quiato mbaecha reã je. Ureireite ra jê ofrenda mondo eã mose se ñeende jeni nyii. ⁴ Seso mose jendea, Macedonia jenda mo abe ra nyoi serese reae. Jê ofrenda munua eã mbei mose, ureireite ra urecuasẽ mose hue. ⁵ Nyebe ã nane amondo nguiã jendea aque. Jembae ofrenda munua ja sacua. Ae riã jeñee ndei tenda nongue mose. —Ofrenda jemunua na, ae bei sereãte se. Jê ae chõ ofrenda jemunua nua, jenyese-cua mose mbia rese.

⁶ Jendua rã ã ndese: Ae mbae mii jiri chitiquia quia, aque ra mbae a ucua mii jiri. Ae mbae chitiquia tuchi quia, aque quia ra mbae a ucua tuchi. ⁷ Mbae ata nandemondose mose nandechiangui re, mbae ata nandemondo chõ. Mbae mii nandemondose mose nandechiangui re, mbae mii nandemondo chõ. —Mbae amondo jirichĩ, nande mose nandechiangui re, eicuãte ùqui. Ae eyate riqui umbae mee mose emo je nae, Dios bite ùqui. ⁸ Dios quirãcuã tuchite riqui co. Mbae emondo ja arõte quia nande je co. Mbae ua eã mbei sacua nandesi. Mbae nandemondo mondo bei sacua Dios quiato mbaecha reã je. ⁹ Sã embesa ji riqui ñee no: Mbae que Dios quiato mondo mondo bei quia mbaecha reã je ra.

Echisaã turã si ra mbia tesarei eã mbei, i que embesa ji ra. ¹⁰ Dios chõ mbae eĩ mondo nguiã nande je etiquia sacua. Dios chõ mbae mondo nguiã nandechiurã no. Dios chõ “¡abei chõ jê jê!” i nguiã nande je. Dios chõ mbae mee nguiã nande je emondo sacua mbia mo je. ¹¹ Dios ra mbae mondo tuchi jêje. Eĩ nda jê mbae jemondo tuchi ofrendarã. Se jeñimee ofrenda mondo mose mbaecha reã je, gracias i tuchi ra Dios je cote. ¹² Nande mbae mo mondo mose Jesús quiato mbaecha reã je, quiaru turã jiri ra equia cote. Ùquiño eã nda esaã nguia. Gracias i abe ra Dios je. ¹³ Jê mbae mo mee mose Jesús quiato mbaecha reã je, mbaecha reã nda ñee turã Dios je jeni cote. —Cristo cheẽ emumbayã tuchi quia ã, i ra jeni cote. —Eriqui mbae mee tuchi chĩ mbia ja je, i ra ñee turã jeni cote. ¹⁴ Mbaecha reã nda ñee tuchi jeni Dios je cote. Dios jendeaquiato sacua. Mbaecha reã nda ndua tuchite jendese cote. Jê mbae mondore ee nyii. ¹⁵ Dios quiato que mbae turã tuchi mondo nande je ra. Nyebe nandeco nguiã gracias i ee.

10

Mbia mbaaquiату sacua ño Dios semii nguia

¹ Se rei Pablo. Tacheẽ nyecua jêje. Nandeico mingue chõ nguia Cristo rã si jê. Cochee chõ nandeico Cristo rã si jê. — Cochee chõ Pablo riqui nguia siqui mose nanderese. Siqui eã mose nanderese, ucuasu esaã saã ño nguia aque, jenye chõchĩ equia seriĩ ũqui. ² Mbae jêsaã turã turã ja chõ nguia. † nda acheẽ asi asiã jêje seso mose jendea. Emo emo ñee icuaã ño nguia seriĩ. —Dios je eã ño Pablo riqui nguia mbae raã naa, i seriĩ. ũqui je quiatu acheẽ asi asi arõte nguia. ³ Mbia chõ ndaque se. Mbia quirãcuã je eã ño aico nguia mbae raã naa co. Dios quirãcuã je chõ aico nguia mbae raã co. ⁴ Sequirãcuã je eã ño aico nguia mbae raã. Dios quirãcuã je chõ ñene. Nyebe aico nguia mbia icuaã ndiquisã quisã co. Mbia icuaã quirã cuãteraque. ⁵ Ae mbia mundua icuaã icuaã nguia Dios riĩ nae, ũqui asiquisã quisã ño nguia co. Mbia amundua turã ja quia Cristo riĩ co. Cristo cheẽ mumbayã sacua cote. ⁶ Jê nane Dios cheẽ jemumbayã na jê. Aquere ra Dios cheẽ mumbasa amombo ja cote.

⁷ Mbia chiangui renda rese jemaẽ ate. Earonda rese chõ jêingo nguia mae. — Cristo mbae chõ se re, i mose emo, ae mii eã ño Cristo mbae re. Se abe chõ ñene. ⁸ Se ecuasu raã naa mose, seireĩ ngüiate. Dios quiatu ngue semii nguia ererecurã. Jembaaquiату turã sacua ño ngue Dios semii nguia ererecurã. Jembũcuã sacua eã ño ñene. ⁹ Jaembusiquichee sereãte sechĩmbesa je. ¹⁰ Mbia ñee icuaãte raque seje. —Pablo reco mose ishõ, ñee asi asite equia ucheẽ mbesa mbesa mondo nande je co, i jemo nguia seriĩ ũqui. —Siqui mose nanderese, ererecua raã naa aquiатуate cote, i jemo nguia seriĩ ũqui. ¹¹ Ae ñee nguia ũqui nae, ũqui je tacheẽ. Co secheẽ asi asi ambesa mondo quia jêje aque nae, anyae sí ra ñee asi asite seso mose jendea huee. Secheẽ mbesa ji ra achabiã seso mose jendea huee. ¹² Ae ñee mbeite quia uturã nii, ũqui na eã ño se re. —Aque rã si chõ aico nguia se co, i beite equia ũqui. —Seturãte aico aque si co, i beite equia ũqui no. ũqui ñee mose ũqui, earacuayãte riqui ũqui.

¹³ Seturã nda asaã saã eã. Dios ae chõ “hue eso, pe eso”, i nguia seje co. Ae chõ ngue semondo nguia jendea. ¹⁴ Se rane ngue Dios semondo jêje Cristo cheẽ nenei nenei sacua nda. Nyebe hue jenda ja sembaerã, se embaaquiату sacua Dios cheẽ ndese. Ae Dios riqui “hue eso” i ate seje nae, huee ra asoã. ¹⁵ —Sechĩmbaaquiату chõ ũqui nde, ae aronea tuchite quia emo ñimbaaquiату je co. Jê Cristo icua i i tuchi

mose, jendobeinda quia ra ambaaquiату i i tuchi oso cote reae. ¹⁶ Sesõ sete jendobei Cristo cheẽ nenei nenei hue jenda je. Sechĩmbaaquiату ae aroneate emo ñimbaaquiату je. ¹⁷ Emo ñee turãse mose mbae mo nii, sã Dios riĩ nguia tuã ñee turã. ¹⁸ Ae uturã saã saã nguia nae, Dios biãte ũqui. Ae riĩ nguia tuã Dios riqui ñee turãte nae, ũqui nguia tuã Diobi tuchi re.

11

Mbia mbaaquiату icuaã icuaãsa rese ra jêingochi

¹ Jembiãrcuaã jiri se ñee mose jêje jê. Seturã tasaã saã jiri ñee jêje. ² Aqueteãte jendese jê. Dios mbaerã jê, ae que se ra jê. Sã acuan mo ndiqui siqui eã mbei ngu mo ndese no. Sã mbia emee acuanindu mo je cote no. Eĩ tae si chõ jemee Cristo je. Cristo mii mbaerã nda jê cote chã. ³ Sã mbei Eva mbiãri iri cose no. Eĩ jenye si arõte jê ndeae. Eĩ si arõ mbia jembũcha Cristo icha si. Jemundua icuaãte chõ nda reae. Cristo mii ndese chõ jêingo je. Sã acuan ndiqui ngu mii ndese no. ⁴ Mbaerã jenyiisaquia turã mbia jembaaquiату icuaã icuaã mose re? Mbia Jesús abareã nenei nenei mose jêje re. Mbia Espiritu Turã abareã abe renei nenei mose jêje re. Mbia Jesús cheẽ turã abareã nenei nenei mose jêje re no. Se que ũqui asenei senei ate quia jêje resẽ. ⁵ ũqui ñee ndese que jenyiisaquia, ¿mbaerã nda jenyiisaquia eã secheẽ abe rese re? Se quia Jesús cheẽ aicua tuchi quia ũqui si co resẽ. ⁶ Secheẽ turã eã e raque. Seaquiature quia aico nguia Dios cheẽ ndese co. Jêingo seicuate ũqui ndesẽ.

⁷ —Mbae jemondo seje, ae ate que se quia Dios cheẽ nenei nenei mose jêje ra. ¿Eicuaãte ũqui nde? Aico minguetete que se quia jêje ra. Jêingo turã sacua Cristo rese. ¿Eicuaãte ũqui nde no? ⁸ Seico mose jendese jembaaquiату quiatu mose, mbae mo ngue jemee ate quia seje ra. Jesús quiato ishõnda quiatu que mbae mo mee mee nguia seje ra, se siqui mose jendese. ⁹ Seico mose jendese que mbae jemondo eãte seje resẽ. Sembae eã mose que “mbae embu seje” ae ate jêje resẽ. Jesús quiato que ngaẽ Macedonia si nae, ũqui nguia tuã que mbae mee tuchi sembae eã mose resẽ. “Mbae embu seje” ae eã mbei ra jêje. ¹⁰ Cristo riqui sechiangui re co. ũqui aicuate. Sebite “mbae embu seje” iã mose se jêje. “Acaya jenda que mbae mee tuchi ndeje ra”, i aroneate emo seje jeniĩ. ¹¹ ¿Mbaerã ño mbae aisiã jêsi chã? Achesequa eãte quia jendese reae. Tei. ũqui eã ñene. Achesequate rei jendese resẽ.

¹² Mbia ñee eã sacua nda mbae aisiã mbei jêsi resẽ. Ae Jesús abareã senei senei nguia nae, ũqui ñee eã sacua. “Pablo rã sí chõ ure

re” ũqui i eã sacuaã. ¹³ Cristo cheẽ nenei neneisa turã eã ño ũqui nde. Mbia mbĩrĩ irĩsa chõ ũqui nde. Cristo cheẽ nenei neneisa raã ñooño ño nguiã ũqui. ¹⁴ Satanás na sí chõ ũqui ndiqui nguiã ũqui. Satanás uturã saã saã ño nguiã. Angel turã naa naa ño nguiã no. ¹⁵ Ae siqui Satanás ndui nae, ũqui nda uturã saã ñooño Satanás na sí. Nyebe ra Dios ũqui mbutiã tuchi emo mose.

Pablo mbae rasi saã tuchi

¹⁶ “Earacuayã” jenyechĩ nda seje jẽ. “Earacuayã” jenye raque seje, seandu rã se. Secuasu tasaã saã mbĩrĩ na jẽje. ¹⁷ Ae aico ñee jẽje namo nae, Dios cheẽ eã ño ũqui nde. Earacuayã na ño aico nguiã ñee jẽje. Secuasu asaã saã ño nguiã ñee jẽje co. ¹⁸ Sã mbia riqui ucuasu raã naa jate no. Eĩ tae rã se abe secuasu raã naa jẽje. ¹⁹ Jẽaquiatute rei jẽ ndeae. Jẽingo ñĩmbirãcuãte eaquiutuã je ũqui. Seaquiutuã je abe jeñĩmbirãcuã ño. ²⁰ Ae icuã icuã mbeite riqui jẽje nae, ũqui je jẽingo ñĩmbirãcuã mbeite ũqui. Jembuquieĩ quieĩ chooño mose. Jembae mbutiã chooño mose abe no. Ucuasu raã naa mose abe no. Ucuã mose jẽsiba rese abe no. ũqui je jẽingo ñĩmbirãcuãte ũqui. ²¹ Se quiatu que ũqui asaã saã eãte quia jẽje ra. Aico mingue chõchĩ jẽje. Acheẽ asi asi eã ñochĩ jẽje. Emo ucuasu raã naa mose, se quia secuasu asaã saã mbeite nguiã esi. Earacuayã na ño aico nguiã ñee se co. ²² ¿Hebreos ũqui nde? Se abe chõ ñene. ¿Israelitas ũqui nde? Se abe chõ ñene. ¿Abraham nducucha riĩrĩ ũqui nde? Se abe chõ eno nde. ²³ ¿Cristo rimba chõ ũqui nde? Se quia Cristo rimba tuchi esi re. Earacuayã na ño aico nguiã ñee co. Se quia serecoteã tuchite Dios cheẽ nenei nenei mose esi re. Se quia mbia seiruã nua tuchi nguiã esi. Se quiatu ngue mbia sematã matã tuchi nguiã esi. Se quiatu ngue mbia seiquia serĩ serĩ tuchi nguiã. ²⁴ Judios que seiruã nua mbei quia ra. Treinta y nueve azotes bei que eriqui seiruã nua nda. Emo mose treinta y nueve no. Emo mose eĩ sí no. Cinco veces chee. ²⁵ Ira que euru uru serese tres veces ra. Emo mose que sei sei sita je ra. Tres veces que barco ñĩmi ama ndiite re seje ra. Emo mose que aitõ ama ndiite re barco eã nda. Abebi chõ ngue sequia ra. Nyaashĩ miĩ abe que amumba quia mbebi ra. Barco ñĩmi mose seje. ²⁶ Acuata tuchi que sequia ra. Mbae icuã ngue seiquia arõ arõ tuchi quia ra. Secuata mose ama ndui. Seico mose abe sucha cuasu no. Seico mose turuquia rĩ no. Mbia mbae mbuquiachãsa que seiquia arõ arõ tuchi quia no nda. Sere-senda abe que seiquia arõ tuchi no nda. Judios eã abe que seiquia arõte no nda. Jesús quiato chooño abe que seiquia arõte no nda. ²⁷ Serisirõ ngue nyichuarõ arõ tuchi quia ra. Aqueã mocoĩ mocoĩ tuchi que se quia

no nda. Seriaçuã mocoĩ mocoĩ tuchi que eriqui ra. Seisei abe tuchi que eriqui ra. Nyiiseĩ ngue airara mocoĩ mocoĩ tuchi quia ra. Seirao eã tuchi que eriqui no nda. ²⁸ ũqui miĩ eã ngue ra. Jesús quiato rese abe que aico ndua ndua ra. Sã iglesia jenda ja ja siqui tuchi Jesús rese, ae beite sequia ndua co. ²⁹ Jesús quiato mo mbae rasi raã mose, se abe seya eã ndasite riqui erese co. Emo icuã icuã mose Jesús quiato mo je, se abe paama i rasite aico co.

³⁰ Sequirãcuã ndese eã nda seya riqui nguiã. Sequirãcuã nea ndese chõ nda seya riqui nguiã. ³¹ Acheẽ ñooño eãte quia co. Dios quia secheẽ icuate nguiã. Jesucristo ru chõ Dios re. Sã mbia riqui ñee turã mbei eriĩ. ³² Aretas resenda que serequia rei Damáscoo ra. Seiquia sacua. Ae que alcalde ra. Ae que mbia mondo rei eiquesa raarõ nda. Setarõ nda eña nde. ³³ Hue rĩ ngue asoã mbei ra. Mbia que sembuquichi imbu irairu ye ra. Ventana ni. Eĩ ae que oso chee mbia icuã si ra.

12

Pablo ibatenda tea cuu

¹ Secuasu asaã saã ñochĩ nguia co. Ae rese Dios semumae mae mbeite cuu nae, ũqui nguiatu tasenei jẽje. ²⁻³ Cosete que Dios sererao ibate cuu ra. Hace catorce años. Serete resebe Dios sererao reae. Seaĩ achõ ere no ae. Aicuayãte se. Dios ae eicua nguiã. ⁴ Dios que sererao ibate ra. Hue que ibatenda cheẽ turã ahandu ra. —Ae erechandu nae, ũqui nda ereseneichĩ mbia je, i que Dios seje ra. ⁵ Ibatenda cheẽ andure secuasu asaã saã arondete raque se. Sequirãcuã je ra secuasu asaã saã eã. Sequirãcuã nea ndese chõ seya riqui nguiã. Sequirãcuã nea mose quia Dios uquirãcuã mee tuchi nguiã seje cote. ⁶ Secuasu ra asaã saã ndaque, asaã ñooño eã ño se re. Dios quia que uquirãcuã mee seje ra. Mbae ja raã sacua. Secuasu ra asaã saã eãte jẽje. Jẽ ae chõ nda jemae nguiã serese seicua nonde. Jẽ ae chõ nda secheẽ jeñandu nguiã seicua no. ⁷ Ae rese Dios semumae cuu nae, ũqui eturã tuchite seje. ũqui ndese maende que aico secuasu raã naa arõte raque ra. Nyebe Dios nyu raanguia mondo nguiã sequi rĩ. Satanás sembecoteã sacua. Dios semingo tochi sacua. ⁸—Nyũ raanguia esiqui sesi, ae tuchi rei que Cristo je tres veces ra. ⁹ Cristo que ñee seje ra. —Coche rei ñene. Sã ñiño ndei. Seturã nguiatu amondo mbeite nguiã ndeje co. Ndequirãcuã nea mose quiatu sequirãcuã amee tuchi nguiã ndeje, i que Cristo seje ra. Nyebe seyate riqui nguiã sequirãcuã nea ndese co cote. ũqui mose quia Cristo riqui nguiã uquirãcuã mee tuchi seje co. ¹⁰ Nyebe seyate riqui nguiã sequirãcuã

nea mose. Mbia ñee icuã mose abe. Mbia icuã icuã mose seje abe. Mbae eã mose seje abe no. Se mbae icuã irara mose Cristo rĩ abe no. Ũqui ja mose seyate riqui co. Cristo quiatu uquirãcuã mee tuchite nguiã seje, sequirãcuã nea mose.

Jeñia jembitorõ se oso nonde jendea, i Pablo

¹¹ Sebiãte raque se sí ñee turã mose seriĩ. Jẽ nguia tu jeñee turã mbite raque seriĩ, mbia ñee icuã mose seje. Ae rui jẽingo nae, ũqui eaquiatu ãte riqui sesi ũqui. Seaquiatu eã ndaque se abe. Ae rui jẽingo nae, Jesús cheẽ mbuchecuasa chooño ño ũqui nde. ¹² Dios cheẽ mbuchecuasa tuchi chõ se re. Seico mose jendese ra. Mbia mae sayã ngue asaã saã tuchi quia ra. Dios quirãcuã ngue siqui tuchi quia serese ra. ¹³ Aico turãte que sequia jẽje ra. Sã aico turãte iglesias ataque jenda je no. Eĩ si. Jẽ mii je chõ ngue “mbae jembu seje” ae eã nguiã. ¿Ũqui eicuãte jẽje re? “Mbae jembu seje”, iã mose jẽje.

¹⁴ Aico icoquiato oso nonde jendea a. Co rei tres veces co cote. Co aico oso jendea co. “Mbae jembu seje” aeã tuchi ra jẽje. Mbae achosei chiãte jembrae. Jesús rese jẽingo mose, ũqui mii ño achosei nguiã. Jendu rã ño aico nguiã jẽje. Sã mbia riiri ndiqui mbae mo mondo mondo eã ngu je no. Sã eru chõ ndiqui mbae mondo mondo nguiiri je no. ¹⁵ Sembæ amondo ja bite raque jẽingo sacua Cristo rui. Sereco abe amondo bite raque jẽingo sacua Cristo rui. Sechesecua tuchi mose jendese, ¿mbaerã jẽingo nyese-cua eãte serese jẽ nde? ¹⁶ “Mbae jembu seje”, ae ãte que sequia jẽje. Ũqui jẽicuate raque. ¿Mbaerã nguiã jẽingo ñee ñooño nde? “Pablo que nandembĩrĩ irĩ nda”, ¿mbaerã jenyere re? ¹⁷ ¿Mbaerã jeñee ũqui nde? Ae amondo jẽje jembaaquiato sacua nae, ũqui abe que jembĩrĩ irĩ eãte resẽ. Ũqui ngue jembrae isiãte sembaerã ndesẽ. ¹⁸ Tito que amondo jendea nanderesenda rese resẽ. Ae abe que jembrae isiãte resẽ. Se rã si chõ ngue eriqui jẽje resẽ.

¹⁹ Achiquisã eãte sequia jẽsi co resẽ. Dios resaa chõ aico nguiã ñee jẽje. Cristo rĩ ño aico nguiã ñee jẽje. Se mbae mo naa mose jẽje, jẽingo tuchi sacua Cristo rese chõ ñene. ²⁰ Seso mose jendea, sembia eã arõte. Ae sebite se, ũqui jẽsaã eã arõte seje. Ae jembite nae, ũqui asaã eã arõte se abe jẽje. Jeñee icuã icuã nda jenyue serésaa reae. Jẽingo icuã icuã ja ra jenyue reae. Jenongue mbae ra jenyosei chosei jẽ sí chõ ndeae. Jenguas ra jẽsaã ñooño sésaa reae. ²¹ Seso mose jendea ra Dios sembia eã tuchi se mae mose jẽicuã ndese reae. Seireite ra jẽicuã ndese mae mose. Jẽicuã cose ndare si jẽhui eã mbei chõchĩ namo nyee. Ae jeninisiã nae, ũqui

ndese jẽingo bei chõchĩ ũqui. Ae jendu eã nae, ũqui ndese abe jẽingo bei chõchĩ ũqui no. Mbae aba ireingua rese jẽingo bei chõchĩ ũqui.

13

Hui bei Pablo saludar i mbia je

¹ Aso quia jendea aque cote. Co rei tres veces co cote. Emo mii sembiirandu mose mbae icuã ndese, achanduchõ nda se. Emo nyeremo ñee mose, aque mose quiatu ra echeẽ achandu cote. ² Ae eicuã saã saã nguia nyii nae, sã aico ñee asi asite ee nyii no. Ũqui sí je chõ aico nguiã ã mbesa ã. Huiãcuã ndecha eã mose ra achimbirãcuã eã ee cote. Jẽ ja je chõ aico nguiã ñee ũqui. Seico mose raanguia jendese. ³ —¿Ma Cristo quirãcuã ndiqui Pablo rese ma nde? jenyere equia nyii nae. Cristo quirãcuã ndese ra je-mae secheẽ asi mose quiatu jẽje cote. Cristo que mbae saã ja tuchi jẽje uquirãcuã je ra. ⁴ Cristo mbia mbucha quia ira rese iquia nyii nae, aque mose que equirãcuã neate rei ra. Dios quirãcuã nguia emingo bei nguiã co cote. Sã Cristo quirãcuã nea ndei nyii no. Eĩ ño urequirãcuã nea ure namo nde. Ureico rei nguiã erese co. Ae chõ uremingo nguiã Dios quirãcuã je co. Ae quirãcuã je ra ureico jembaaquiato quiatu.

⁵ Jẽ ae chõ jendua. —¿Cristo aicua quia sechiangui re re? jenyere ja ja chõ jeñiangui re. Jemae nguia jenyiese sí. ¿Cristo icua chooñoa mose, Cristo riqui jeñiangui re ũqui. ¿Ũqui ndese jẽingo iranuate re? ⁶ Ure quia Cristo ureicua chooñoa nguiã ã. Ũqui ndese nda jẽirandu rã seje chã. ⁷ Urecheẽ tuchi quia Dios je jeniã ã. Jẽ mbae icuã naa eã sacua. Mbia ndua turã sacua eã ure rĩ ño ureico nguiã ñee Dios je jeniã ã. Jẽ mbae icuã naa eã sacua ño ñene. Mbia ra ñee icuã ndaque ure je. ⁸ Mbae icuã mo nandesaa aroneate Dios cheẽ ndobeishĩ. Mbae turã nguia tu nandesaa Dios cheẽ mose. Dios cheẽ nguia ichõiño eã nde. ⁹ Coche mbia riqui nguiã ñee icuã icuã ure je. Jẽ nguia jẽingo bei Cristo quirãcuã ndese. Jẽ nda Cristo jẽicua tuchi rã seje chã. ¹⁰ Secheẽ asi asi ambesa quia seso nonde jendea a. Se ñee asi eã sacua seico mose jendese. Dios quiatu ngue uquirãcuã mee nguiã seje. Jembãcuã sacua eã ño ngue Dios uquirãcuã mee nguiã seje. Jemingo tuchi sacua Cristo rese chõ ñene.

¹¹ Aico hui secheẽ mbesa mbesa si a cote, Seresenda. Jesucristo jẽicua tuchi quia. Jẽya bei tuchi jẽingo erese. Jẽingo turã mbei chõ nguia jenyiese. Ũqui mose ra Dios siqui tuchi jendese. Ae ra jemingo turã mbei jenyiese. ¹² Saludar jenyere turã mbei quiatu quia jenyue. ¹³ Jesús quiato a jenda saludos mondo quia jẽje aque. ¹⁴ Sã Jesucristo turã

ndiqui bei jendese. Sã Dios riqui nyesequa
tuchi jendese. Sã Espíritu Turã ndiqui bei
jendese no. Amén.

LA CARTA DEL APOSTOL SAN PABLO A LOS GÁLATAS

Ilo ucheë mbesa mondo Galacia jenda je

¹ Pablo chõ se re. Jesucristo chiirabo chõ se re. Mbia mo ngue seirabo eã nguiã. Dios ae chõ ngue seirabo ra. Ucheë nenei nenei sacuaã. Ae sí que Jesucristo raaque mbuquera ra. ² Seresenda ja rese chõ aico nguiã ã mbesa jêje a. Jesús quiato Galacia jenda ja je.

³ Sã Dios turã ndiqui bei jendese. Sã ae riqui jembia bei. Nanderu chõ ae re. Sã Jesucristo turã abe riqui jendese. ⁴ Ae quiatu ngue mano nguiã nandeicuaã ndibishorõ. Nandembui sacuaã mbae icuaã si. Ae icuaã ndese nandeico mae mae nae, ùqui si. Nanderu cheë nguire chõ ngue Jesucristo mano nguiã nande je. ⁵ Sã mbia riqui ñee turã mbei Dios je. Amén.

Cristo mui mbia rirõsa huicuaã si

⁶ ¿Mbaerã jëingo hui hui jei Dios si ùqui nde? Ae sí chõ ngue “jëingo Cristo turã ndese” i jêje resë. ¿Mbaerã jëingo Cristo cheë abi abi re? Siqui emo ñee ndese re. ⁷ Nyeremo eã ño Cristo icha ñeenda re. Uturã mui je chõ Cristo riqui nguiã nandemingo bei. Nandechisaã turã je eã ño Cristo riqui nguiã nandemingo bei co. —Nandechisaã turã je ra Cristo nandemingo bei, i chõchõ mbia nguiã jêje ùqui. ⁸ Acheë se quia jêje nyii nae. —Uturã je achõ ño Dios riqui nguiã nandemingo bei co, ae se quia jêje nyii nae. Eĩ mbei chõ ñene. —Hue rĩ eã ño Dios icha re, i mose emo jêje, sã Dios ùqui mbasi tuchi. —Hue rĩ eã ño Dios icha re, se abe i mose, sã Dios sembasi tuchi se abe. Angel ibatenda abe mbasi rae, ùqui ñee mose. ⁹ Acheë namo ngue jêje, ùqui taseneimbe jêje: —Nandechisaã turã je chõ Dios riqui nguiã nandemingo bei co, i mose emo, sã Dios ùqui mbasi tuchi. Ae acheë jêje nyii nae, ùqui abi tuchi chõ eriqui nguiã ñee ùqui. ¹⁰ “Sã mbia riqui turã seje”, ae ãte quia co. “Dios ae chõ nda seisi turã nguiã”, ae chõ nguiã co. “Sã mbia riqui turã seje”, se i bei mose, eĩ nda Cristo rimba eãte rei se.

Cristo chimbaaquiatu chee que Pablo ra

¹¹ Tacheë nyecua jêje, Seresenda. Dios icha asenei nguia jêje nae, secheë ae eã ño ùqui nde. Mbia cheë ae eã ño eno nde. Dios cheë ae chõ ñene. ¹² Mbia mo ngue esenei eãte seje ra. Jesucristo mui ño ngue esenei nguiã seje. ¹³ Jëirandu que equia serese cose resë. Jesús icuayã mose se nyii. Seico mose judíos ramei ñee ndui. Siqui rocoj Jesús cheë ndui. Seicuaã tuchite que eriqui Dios quiato

je nyii ra. “Jesús quiato tambutiã ja tuchi”, ae que se quia aque mose ra. ¹⁴ Moisés cheë ndui que aico tuchi rei sembuchechea ja si ra. Seramei ñee ndui que aico tuchi rei quia mbia ja si ra. ¹⁵ Aquere que Dios seisi Jesús quiatorã cote ra. Dios que seirabo cose seã mose nyii ra. Uturã je que seirabo ra. ¹⁶ Dios que nguiri teacuquia seje cote ra. Se Dios riiri nenei nenei sacuaã judíos eã je. “¿Mañi ae ra se re?” ae eã ngue oso ñee mbia mo je ra. Dios nguiri ndeacuquia mose seje. ¹⁷ Jerusalén abe que asoã no nda. “¿Mañi ae ra se re?” ae eã ngue oso hui jenda Jesús chimbaaquiatu ñiinda je no nda. Arabia que aso jei se ae ra. Aquere que aso nyebi Damasco ra.

¹⁸ Tres años mose ramo ngue aso Jerusalén cote ra. Pedro rea que aso aque mose ra. Huee que aico erese quince días ra. ¹⁹ Jacobo abe rese que amae huee ra. Jesús nongue que ae ra. Ùqui mui ndese que amae Jesús chimbaaquiatu ra. ²⁰ Acheë ñooñoa tuchi chõ nguiã ã mbesa jêje a. Dios secheë ñandute quia co. ²¹ Jerusalén ngue asecha oso Siria cote ra. Cilicia abe no. ²² Jesús quiato Judea jenda que seicuayã mbeite quia aque mose ra. ²³ Jirandu randuchõ ño ngue equia serese ra. “Ae icuaã icuaã ndiqui Jesús quiato je nyii nae, aque riqui Jesús renei nenei co cote. Mbia Jesús icua sacuaã”, i que equia jirandu randu serese ra. ²⁴ Nyebe eyate riqui nguiã serese cote. Ñee turã turã Dios je.

2

Cristo chimbaaquiatu ataque Pablo isi turã

¹ Catorce años mose ramo ngue asobe Jerusalén cote ra. Bernabé rese. Tito abe que arao serese ra. ² Dios ae que “eso Jerusalén” i seje ra. Huee que acheë nyecuayã Jesús quiato rerecua ja je ra. Ae asenei senei mbeite quia Dios cheë judíos eã je co nae, ùqui nui ngue acheë ja Jesús quiato rerecua je ra. Ùqui secheë icua sacuaã. Ùqui sembaaquiatu sacuaã se Dios cheë abi mose. ³ “Circuncisión nandesaã na Tito je”, i ãte que Jesús quiato rerecua quia ra. Judío eã ndaque Tito. ⁴ Jesús quiato chooño abe que chí hue Jesús quiato tuchi mumbara mbara ra. Ndua ndua rei que equia ra. Ure mbae icuaã naa naa sacuaã ndaque. “Sã circuncisión naa naa Moisés cheë ndui”, i rei que equia urerã nda. Ebiã tuchi que eriqui ureico mose Cristo mui ndese ra. “Sã eriqui judíos ramei ñee ndui bei”, i chõ ngue equia ra. ⁵ Ùqui ñee ngue uresiquisã tuchi quia ra. Jëingo bei sacuaã Dios cheë turã mui ndese. “Jesucristo turã ae nandemingo bei nguiã co”, jenyje sacuaã. Jëingo rocoj judíos rerecua

cheê ndui. ⁶ Dios quiato rerecua que sembaaquiato quiatu eâte mbae mo nîi nda. “Á abe esenei senei nguia judíos eã je”, i áte que ererecua seje ra. Dios quiato rerecua tuchi ũquí ndeae. Aicuayâte se. “Ererecua achô ño taisi turã”, i áte Dios. Nandechiã ndese quia ereriqui nguia mae ja. ⁷ Jesús quiato rerecua iate que serese ra. Se Dios cheê nenei nenei mose judíos eã je. Ererecua que ñee nyue ra. —Sã Dios Pedro mondo judíos je no jê. Dios cheê nenei nenei sacua no. Eĩ si chõ Dios Pablo mondo quia judíos eã je re. Dios cheê nenei nenei sacua ee re, i que ererecua ñee nyue ra. ⁸ Sã Dios Pedro mondo judíos je no. Dios si chõ ngue semondo nguia judíos eã je no. Se echeê nenei nenei sacua ee. Dios ũquí mingo bei nonde. ⁹ —Dios chõ Pablo mondo quia judíos eã je re, i ja que Jesús quiato rerecua ja cote ra. Jacobo. Pedro rese. Juan ndese. Nyebe eriqui nguia seo isi isi. Bernabé o abe isi no. —Coche jêingo nguia Dios cheê nenei nenei judíos eã je. Ure Dios cheê nenei nenei mose judíos je, i que ñee turã ja ure je ra. ¹⁰ —Mbaecha reã je chõ jêingo mbae mondo mondo, i miã ño ngue ure je ra. ũquí ño asaã saã mbei rei nguia co.

Pablo ñee asi Pedro je Antioquiaa

¹¹ Pedro tu mose Antioquiaa, acheê asite que ee ra. Mbae icua nguia tu que esaã huee ra. ¹² Quiaru turãte que equia judíos eã ndese nyii ra. Aquere que judíos mo ngaê ngasê cote ra. Jacobo resenda. Pedro que quiaru sereaã judíos eã ndese cote ra. Eireite que judíos si ra. Nyebe nyiicasê nguia judíos eã si cote. Ucuasu raã naa esi cote. Judíos abe raque Jesús quiato. ¹³ Nyebe Jesús quiato judíos abe nyiicasê nguia judíos eã si cote. Pedro rui sí. Ucuasu raã naa judíos eã si cote. Bernabé abe chee que nyiicasê judíos eã si cote ra. Pedro rui si no. ¹⁴ Dios cheê ndui si eã ño ngue Pedro riqui nguia. Judíos nguesenda rese. Nyiicasê mose judíos eã si. Nyebe acheê asi nguia Pedro je mbiásaa. —Nde Jesucristo icua mose, erehui que judíos ramei ñee si cote ra. Judío raque nde. ¿Mbaerã ereico ñee judíos eã je re? “Judíos ramei ñee ndui jêingo”, i ee re.

Judíos abe ra siqui bei Jesucristo icua mose

¹⁵ Judíos chõ ndaque nande. Judíos eã na eã ndaque nande. Mbia icua na eã ndaque nande. ¹⁶ Emo miã siqui turãyã mbeite quia Moisés cheê ndui si co. Dios emingo bei sacua. Moisés cheê mumbasa ja tuchi chõ nande re. Jesucristo icua mose quiatu ra Dios nandemingo bei. Nyebe nandeico nguia Jesucristo icua ã. Dios nandemingo bei sacua. Moisés cheê ndui si nandeico eã ndaque, ae que ee ra. ¹⁷ “Cristo que mano

nandeicua nîi nda”, nande bei equia ã. ¿ũquí ño nandembicua nguia re? Tei. Cristo riqui nandembicua eã mbei co. Cristo quiatu nandembiirandu quia nandeicua ndese co resê. ¹⁸ Se Jesucristo icua mose, judíos ramei ñee si que ahui cote ra. Se siqui si mose erui, eicuâte ũquí cote. ¹⁹ Moisés cheê ngue aicuate rei ra. ũquí ngue seicua mbutiã eã mbei ra. Moisés cheê sí chõ ngue sembiirandu Jesucristo rese cote ra. Jesucristo que seicua mbutiã cote ra. Seico bei nonde cote. ²⁰ Cristo mano mose, se abe que amano erese ra. Se ae aicoã nguia co cote. Cristo riqui sechiangui re co cote. Equirãcua je chõ aico nguia mbae rãã naa co. Dios riirĩ aicuate quia co. Ae chõ ngue nyesecua tuchi nguia serese. Ae chõ ngue mano nguia seicua nîi. ²¹ Dios turã aisiteã teã eâte quia co. Moisés cheê mumbayã mose eã ño Dios riqui nguia aba icua mbutiã. ũquínde ra, Jesús manoño.

3

Moisés chimbesa aba mingo bei aronea

¹ ¿Mbaerã jêaquiata tuchi riqui re, Galacia jenda? ¿Aba jembaaquiato icua tuchi quia Cristo riĩ nde? Cristo mano ngue asenei tuchi rei jêje resê. Jêisi turãte rei que equia nyii. ¿Mbaerã jêingo hui serĩ serite esi cote re? ² Moisés cheê mumbayã mose eã ño Espiritu Turã ique nguia jêiangui re. Jê Jesucristo icua mose chõ ngue re. Se Jesucristo renei mose jêje chõ ngue re. ³ ¿Mbaerã jêaquiata tuchi riqui re? Moisés chimbesa que jêicua mbutiã eã ndesê. ¿Mbaerã jêingo siqui beite erese re? Siqui rocoi Jesucristo miã ndese. ⁴ Mbae rasi que jêsaã tuchi quia Jesucristo riĩ nyii resê. Jêhui eã ño esi jê. ⁵ ¿Mbaerã Dios Espiritu Turã mondo jêje chã? ¿Mbaerã ño Dios mbia mae sayã naa naa jêje chã? ¿Moisés cheê jemumbayãte quiatu quia ee re? Tei. ũquí eã ñene. Jê nguia Jesucristo jêicuate nguia ũquí.

⁶ Sã Abraham no. Abraham ngue Dios icuate quia ra. Nyebe Dios Abraham isi turã nguia. ⁷ Nyebe Dios riqui nguia “Abraham nducucha” i huiicuaa je co. ⁸ “Judíos eã abe ra Dios riirĩ icua. ũquí abe ra Dios mingo bei”, i que embesa ji cose ra. “Nderiã nda aico turã mbia ja je”, i que Dios Abraham je ra”, i que embesa ji ra. ⁹ Sã Abraham Dios icua tuchi no. Sã Dios turãte riqui ee no. Ae Dios icua quia namo nae, ũquí je abe chõ Dios turã ndiqui nguia Abraham ndese.

¹⁰ Sã emo ndiqui ñee no. “Moisés cheê ndui taico bei Dios semingo bei nonde”, sã emo ndiqui i no. ũquí nda nyoi chõ tata cuasu. Sã embesa ji riqui ñee no. “Emo embesa ji cheê mumba mbiri mose, echeê mumba tuchi raanguia chõ ũquí nde”, i que

embesa ji ra. ¹¹ Dios ra ñee jiri jiriã emo nii. “Co que embesa ji cheë mumbayã mbei quia ra. Nyebe taisi turã”, i eã nda Dios emo je. Ae je Dios riqui “co taisi turã”, i nae, Dios icuate quiatu nguiã ee ùqui. Nyebe ra ùqui ndeco siqui bei. ¹² “Dios cheë mumba eã mbei mose quia ra Dios nandemingo bei”, i mose emo, Dios icuayã ño nguiã ùqui. ¹³ Cristo que nandembui Moisés cheë si cote ra. Nande Moisés cheë mumba mose, ùqui nda nandemombo eã tata cuasu cote. Cristo quiatu ngue mbae rasi aba ireingua saã tuchi nguiã nande je. Sã embesa ji riqui ñee no. “Aba ireingua tuchi mae mose embucheseco ji ira resenda rese”, i que embesa ji cose ra. Jesús mbucha nonde ira rese. ¹⁴ Dios turã sacuaã judíos eã je chõ ngue Jesús mbae rasi aba ireingua saã tuchi nguiã. Dios judíos eã mingo bei sacuaã ño ngue re. Sã Dios turã riqui Abraham je nyii no nae. Eĩ si sacuaã Dios turã judíos eã je chõ ngue eno nde.

Dios contrato saã Abraham je

¹⁵ Sã mbia mo ndiqui contrato raã emo je no. Sã firmar i embesa mii no. “Eĩ nguiatu”, i aroneate emo ee cote. Embesa jite quia cote re. ¹⁶ Eĩ si que Dios contrato raã Abraham je no nda. Abraham ndiirĩ je abe no. “Abraham ndiirĩ ja je”, i eã ngue embesa ji ra. “Abraham ndiirĩ je”, i chõ ngue ñee nguiã aque mii je. Cristo rii ño ngue ñee nguiã. ¹⁷ Tacheë nyecua tuchi rã jėje. Dios que contrato saã Abraham je cose ra. — Mbae tasaã ndeje. Nderiirĩ je abe no, i que Dios Abraham je cose ra. Mbae que aque mose ra. Aquere que Moisés ucheë mbesa cote ra. Aquere tuchi 430 años ua mose cote. Moisés cheë ngue contrato mbutiã aroneate ra. Dios cheëte quiatu ngue contrato re. ¹⁸ Dios que ñee Abraham je cose ra. — Mbae tasaã ño ndeje. Nde mbae mo naa ndocoĩ seje, i que Dios ñee Abraham je cose ra. — Nde Moisés cheë mumbayã mose quiatu mbae tasaã ndeje, iã ngue Dios ee ra. — Nde mbae mo naa ndocoĩ, i chõ ngue ee ra. ¹⁹ Mbaerã ño nda Moisés chimbasa cheë nandechandu chã? Mbia huicua icua sacuaã ño Moisés chimbasa re. Cristo tu mose chõ ngue Moisés chimbasa cheë ua nguiã. Sã Dios contrato naa Abraham ndiirĩ je nyii no. Cristo je chõ eriqui nguiã “Abraham ndiirĩ” i. Dios rane ngue ucheë mondo ángeles je ra. Angeles que emondo Moisés je cote ra. Aquere que Moisés embesa mbia je cote ra. Mbia echeë mumbayã nonde. ²⁰ Sã Dios contrato naa Abraham je no. Ae sí chõ ngue ñee nguiã Abraham je. “Secheë esenei Abraham je”, iã ngue Dios emo mondo ñee Abraham je ra.

Nandeico Cristo icua ã cote; Moisés cheë ndui siqui rocoĩ

²¹ Ae contrato Dios saã Abraham je nae, Moisés chimbasa ùqui mbutiã aroneate quia co. Moisés chimbasa aba mingo bei arõ mose, eĩ nda Jesucristo manoate rei. Moisés chimbasa aba mingo bei aroneate. Nandechiã abe mbitirõ aroneate no. ²² “Mbia icuaã ja chõ ñene”, i que embesa ji ra. Nyebe nandemo mbae mo turã naa aroneate siqui bei sacuaã. Jesucristo icuasa quia ra Dios mingo bei ucheë nguire. Jesucristo icuate quia ñene. Mbae mo naa ndocoĩ Dios je nyii.

²³ Cristo tu nonde que nandeico rei ñee nda. “Moisés cheë nandemumbayã” i rei ra. Moisés cheë ngue nandemumbayã aroneate quia ra. “Cristo ra tu” i que equia nande je, ùqui ño ngue nandesaarõ arõ nguia ra. ²⁴ Mbia mbaaquiatusa rã ño Moisés chimbasa re. Mbia mbiirandu que Cristo rese ra. Mbia siqui nonde Cristo mii ndese tu mose cote. Cristo icua nonde. Dios Cristo icuasa isi turã mbei nonde cote. ²⁵ Nandeico Cristo icua ã cote. Nyebe ra nandeicoã Moisés cheë ndui cote. ²⁶ Nandeico Jesucristo icua jate ã. Nyebe Dios ririĩ ja chõ nande re. ²⁷ Nandembucha ji nandeico mose Cristo rii, Cristo rã sí chõ nandeico nguiã ã cote. ²⁸ Nande Jesucristo icua ja mose, nyiabiã ja chõ nandeico nguiã ã cote. Judíos ra siqui turã judíos eã je cote. Ererecua ra siqui turã ngũimba je cote no. Mbia ra siqui turã ja nyiese no. Aque mii na tuchi chõ nda nandeico ja nguiã Cristo rese cote. ²⁹ Cristo icuasa chõ jëingo nguiã ùqui. Nyebe Abraham ndiirĩ abe chõ jëingo nguiã ùqui no. Ae turã nda Dios saã Abraham ndiirĩ je nae, jėje chõ nda eraã nguiã.

4

¹ Sã mbaecha ririĩ mo no. Sã mbae raã aroneate ae ae uñetë mose no. Erimba rã si chõ nda eriqui mbia cheë mumba eã. Mbaecha ririĩ ndaque. ² Ae rese eriqui ndua nae, ùqui ndese eriqui aroneate. Uraarõsa nduasa achõ ndese chõ nda eriqui. Ucuasu mose ramo ño nda eriqui ndua ae ae cote. “Co tasaã”, i cote. ³ Eĩ si chõ nande nyii re. Mbia ririĩ na si. Jesús tu nonde. Mbia cheë achõ ndui chõ ngue nandeico nyii ra. Jesús tu nonde. ⁴ Dios que “coche ñene” i cote ra. ùqui mose que nguiirĩ mondo mbia je ibii cote ra. Dios ririĩ ngue tu mbiarã nda. Moisés cheë ngue emumbayã mbei quia eico mose ibii ra. ⁵ Ae que tu nandembui bei Moisés cheë si cote ra. Dios nandererequia sacuaã nguiirĩ na cote. ⁶ Dios ririĩ ño nande cote re. Nyebe Dios Espíritu Turã mondo nguiã nandechiangui re cote. Nyebe nandeico nguiã Paba i tuchi Dios je namo cote. ⁷ Dios ririĩ tuchi chõ nande cote re. Erimbachõ eã. Nyebe ra Dios mbae mondo tuchi nande je cote ucheë nguire.

Pablo ndua tuchi Jesús quiato rese

⁸Jê ngue Dios jêicuayâte quia nyii ra. Dios abareã ndese chõ ngue jêingo aque mose ra. ⁹Ūquĩ jêingo Dios icuate ūquĩ cote. Dios abe riqui jêicuate co cote. ¿Mbaerã nguia jêingo hui serite esi cote re? ¿Mbaerã nda jêingo si dios abareã nimbãrã nde? Dios abareã quirãcuã eãte nyeresê. Mbae mo naa aroneãte nande je resê. ¹⁰“Co tenda mbae mo nandesã Dios je Dios nandeisi turã sacua”, jenyê chõchĩ nguĩã ūquĩ. “Co nyasi mbae mo nandesã Dios je Dios nandeisi turã sacua”, jenyê chõchĩ nguĩã ūquĩ no. Eicuã tuchi chõ ūquĩ nde. ¹¹Jaembaaquiatu quiatu iru chõ se reae.

¹²Se rã ño jêingo ae. Sã aico eãte Moisés chimbesea cheẽ ndui sí co no. Sã jê abe jêingo eãte erui nyii no. Sã jêicuã eãte emo mose seje no. ¹³Se Jesucristo renei namo mose jêje, serasite quiatu ngue se aque mose re. Ūquĩ jêicuate quia ūquĩ. ¹⁴Mbae rasi que asaã tuchite rei aque mose ra. Serasi que jêicuayã eãte quia aque mose ra. Serasi que jêisiteã eãte quia aque mose no nda. Angeles que jêsaã ño seisi turã aque mose ra. Jesucristo que jêsaã ño seisi turã aque mose ra. ¹⁵Seisi turã tuchi que se aque mose ra. Jendesa que jemondo bite quia seje aque mose ra. ¿Mbaerã jêingo secheẽ isi sereãte cote re? ¹⁶Dios cheẽ ngue asenei turã tuchi quia jêje. ¿Ūquĩ je chõ jêingo seucuayãte cote re? ¹⁷Ae riqui jembaaquiatu icuã icuãte ūquĩ nae, ūquĩ siqui sete raque jendese ūquĩ. Mbae turã ñii eã ño ñene. Jembũcha sacua ure sí chõ ñene. Jêingo sacua ūquĩ achõ ndese chõ ñene. ¹⁸Coche rei siqui siqui jendese Dios cheẽ nenei nenei turã mose jêje. Sã eriqui jembaaquiatu turã turã mbei. Seicoã mose abe jendese. ¹⁹¿Mbaerã jêingo sembia eã tuchi ūquĩ nde? Jêhui serĩ serĩ mose Dios turã si. Sã ãquẽ ndasi riqui cuãa je no. Eĩ ño seya eã ndasi nguĩã jendese co. Jêingo sacua Cristo rã si. ²⁰¿Mañi ae ra se quia jêje re? Aico rã nda jendese chã. Se ñee tuchi nonde jêje. Secheẽ mbesa rocoĩ mondo jêje.

Sã Abraham ndiirĩ nyeremo no

²¹¿Mbaerã jêingo ñee nde? “Moisés cheẽ nandemumbayã, Dios nandemingo bei sacua”, ¿mbaerã jêingo i re? Moisés cheẽ jêicuayãte quia reae. ²²Moisés chimbesa chõ nandembũrandu nguĩã Abraham rese co. Abraham ndiirĩ nyeremo ndei que ra. Co mui ngue eninisite riirĩ nda. Sara, i que eninisite je ra. Agar, i que erimba je ra. Aque abe que Abraham nbiirĩ ndei ra. Nyebe Abraham ndiirĩ nyeremo ndei nguĩã. ²³Mbia rã si chõ ngue erimba tiirĩ ee ra. Dios ñeende ee nyii quiatu que eninisite tiirĩ ee ra. —Neninisi ra tiirĩ ndeje, sã Dios i ee nyii no. Ūquĩ io sacua ño eninisite tiirĩ

cote ra. ²⁴Nandemundua sacua ño ūquĩ nde. Contrato rã si chõ Sara re. Contrato mó na ño Agar no nde. Ae contrato Dios saã Moisés je Sinai no nae, Agar rã si chõ ūquĩ nde. Ae siqui bei quia ūquĩ contrato rui nae, mbia rimbachõ na ño ūquĩ nde. ²⁵Sinaĩ rã si chõ Agar re. Arabia jenda chõ Sinai re. Jerusalén na si chõ Sinai re. Ae siqui quia Jerusalén nae, erimba rã si chõ ūquĩ nde. Erimba rã si chõ judíos ja no nde. Jesucristo icua rocoĩ. ²⁶Jerusalén mo ño chĩ nguĩã ibate pe no. Ae mbia hue jenda nae, mbia rimba mo eã ño ūquĩ nde. Hue jenda chõ nande abe no nde. ²⁷Sã embesa ji riqui ñee no: Ndeya chõ eico, tiirĩã je.

Ndeya chõ eico, ãquẽ ndasi raãsa eã.

Nderiirĩ nda eretea tuchi cote.

Eru chirirõ nguia ra tiirĩ tuchi eru rerecua si cote,

i que embesa ji ra. ²⁸Dios riirĩ tuchi chõ nande re. “Serriirĩ tuchi ra ūquĩ”, ã i Dios nanderiĩ nyii no. Sã ñee Isaac ñii nyii no. ²⁹Sã Dios ñee Abraham je nyii no. “Nderiirina tamondo ndeje Isaac”, sã i ee no. Sã Isaac nyaacuquia Espiritu Turã ñii no. Sã Agar riirĩ icuã icuã Isaac je cote no. Eĩ si chõ namo no nde. Ae siqui tuchi judíos cheẽ ndui nae, ūquĩ icuã icuã ndiqui namo nande je ã no. ³⁰¿Mañi ño embesa ji cheẽ ña? “Erimba emombo chõ. Eriirĩ ndese. Eninisite riirĩ na eã ño erimba riirĩ nde. Erimba riirĩ siqui aroneate eninisite riirĩ ndese”, i que embesa ji ra. Eĩ si chõ ae siqui tuchi quia judíos cheẽ ndui nae. Siqui aroneate Jesús quiatorã. ³¹Erimba riirĩ na eã tuchi chõ nande re. Eninisite riirĩ na tuchi chõ nande re. Nande Jesús icua mose.

5

Cristo nandembui Moisés chimbesa si cote

¹Cristo que nandembui Moisés chimbesa si cote ra. “Moisés chimbesa cheẽ nda semingo bei”, jenyechĩ nda jê. Ae ra i ūquĩ, mbia rimba rã ño ūquĩ nde. ²Tacheẽ nyecua tuchi rã jêje. Circuncisión nda jêsaachĩ. Moisés chimbesa cheẽ ndui ra jêingochĩ cote jê. Cristo mui ndese chõ jêingo cote. Jê circuncisión naa mose, jêingo turã eã ño nguĩã Cristo rui ūquĩ cote. ³“Moisés chimbesa cheẽ tamumbayã mbei”, i raanguia chõ circuncisión nde. ⁴“Dios ra seisi turã seico bei mose Moisés cheẽ ndui” i mose jemo, Dios cheẽ abi tuchi chõ ūquĩ nde. Dios turã si nyi#cuasê tuchi chõ ūquĩ nde. ⁵Espiritu Turã ndiqui nanderese co. Nande Jesucristo nandeicuate quia ã. Nyebe ra Dios nandeisi turã Jesucristo mui ñii. ⁶Nandeico mose Jesucristo rese, eĩ ja chõ nande ee re. Ae circuncisión saã nae, ae circuncisión

saã eã no nae, eĩ ja chõ nande ee re. Jesucristo icua mose, ùquĩ nguia eturã tuchi re. Nandechesecua mose mbia rese, ùquĩ nguia eturã tuchi no nde. ⁷ Jẽingo turãte rei que equia nyii. ¿Aba jembui Cristo cheẽ si cote re? ⁸ Dios eã ño ngue jembui nguã esi. Dios chõ ngue “jenyu” i nguã jẽje. ⁹ Sã levadura riqui no. Eñetẽ mondo mose mbichae ye, mbuquiche ja rae. ¹⁰ Dios ra jendeaquiato bei. Mbua mo jembuicha eã sacua esi. Ae jembuicha serite quia esi nae, ùquĩ nda Dios mbasi. Ererecua raque ra emo. ¹¹ “Circuncisión jesaã na”, ae ãte quia mbia mo je co. “Circuncisión jesaã na”, se i mose, eĩ nda judíos icuã icuã eãte rei seje. Eĩ nda judíos paama i ãte rei seje Cristo mano nenei nenei mose mbia je. ¹² Ae “circuncisión jesaã na”, i quia jẽje nae, ùquĩ nda nguete chisia tuchi rã jendecha chã.

¹³ Jesucristo que jembui Moisés cheẽ si ra, Seresenda. Ae icuã jenyosei chosei quia nae, ùquĩ ndese ra jẽingochi cote jẽ. Jẽingo turã nguia tuchi jenyue. Jenyesequa tuchi quiatu quia jenyiese. ¹⁴ Dios cheẽ ja tuchi chõ ã nde: “Sã ereico nyesequa ndechiese no. Eĩ ere si chõ nyesequa emo ndese”, i que Dios cheẽ nda. Nandechesecua mose mbia rese, Dios cheẽ nandemumbayã tuchi chõ nguã ùquĩ. ¹⁵ Paama jenyechi nda jenyue jẽ. Jenyishu shiuchi nda emo jẽ. ùquĩ naa naa mose ra jẽhui ja ja chee Cristo si.

Ae icuã nandehosei chosei quia nae, ùquĩ si nandehui

¹⁶ Tacheẽ nyecua tuchi jẽje. Espiritu Turã ñee ndui bei jẽingo. Ae icuã jenyosei chosei quia nae, ùquĩ ndese nda jẽingochi cote chã. ¹⁷ Ae mbae icuã nandehosei chosei quia nae, Espiritu Turã quiatoã tuchi chõ ùquĩ nde. ùquĩ quiatoã tuchi chõ Espiritu Turã no nde. Ae nandehosei chosei quia, nyebe ra ùquĩ nandesã eã. ¹⁸ Jẽingo mose Espiritu Turã ndui, “Moisés cheẽ nda nandemingo bei” jenyue eã nda cote. ¹⁹ Ae siqui quia ubi icuã ndese nae, mbae icuã esaã ata atate quia ã. Siqui siqui chõ nguã ngũinisiã ndese. Cuña abe siqui siqui chõ nguã ngu eã ndese no. Siqui chooño mbia rese. ²⁰ Dios abareã ndese siqui chooño. Brugería abe rese siqui chooño. Mbua ucuãyã cuãyã. Siqui icuã icuã nyue. Mae icuã icuã emo ndese. Paama i jei jei emo je. Abei chiã. Mbua mbuqueta queta. ²¹ “I ãchĩ sembae”, i mbia mbae osei osei. Mbua iquia. Quiacua. Siqui chooño mbae ja rese. Ae ã icuã ñumumbara saã saã mbeite quia nae, ùquĩ nderecuarã eã mbei ra Dios.

Espiritu Turã ño aba mingo nguã mbae turã ndese

²² Ae siqui quia Espiritu Turã ndese nae, Espiritu Turã ño emingo nguã mbae turã ndese ã. Nyesequa chõ nguã mbia rese. Eya

chõ eriqui nguã. Quicoi coi eã ño nguã. Siqui tochi chõ nguã. Siqui turã ño nguã. Ucheẽ mbuchebe chebiã ño nguã. ²³ Eseteã ño eriqui nguã. Ae ae chõ nyiteaquiato nguã mbae icuã si. Nande ùquĩ naa naa mose, emo ñee aroneate nande je cote. ²⁴ Sã Cristo mano nyii no. Eĩ si chõ Cristo quiato undua icuã mbutiã nguã no. Cristo mano nyabe.

²⁵ Sã Espiritu Turã ndiqui nandereco mingo turã co no. Eĩ nande si siqui turã erui jẽ. Ae nandererequia turã bei nonde mbae turã ndese. ²⁶ Nandecuasu ra nandesã saãchĩ jẽ. Nandeicuã techĩ nda nandehue jẽ. “Aque rã eãchĩ se”, nandechi nda mae icuã icuã nandenongue rese jẽ.

6

Jendua chõ nguia nyiese mbae mo naa jenongue je

¹ Emo mbae icuã naase i i mose, “Dios rui eico” jenyue chõ ee. Ae jemo siqui tuchi quia Dios rese, ùquĩ mo ñee ee. Embucua turã si nonde Dios rese. Jeñee mingue mingue chõ nguia ee. “Mbae icuã tã i arõte se abe je”, jenyue chõ nguia ndua jẽ abe. ² Jendesenda ia eã ndasi mose, jendua chõ nguia erese mbae mo naa naa ee. Cristo cheẽ mumbayã ja chõ ùquĩ nde. ³ “Seaquiatoe rei ñene”, i mose eaquiatoã mo, ae si chõ ñimburi irĩ nguã aque. ⁴ Ae ra eresaã mbae mo nae, esaã turã mbei chõ nguia. ùquĩ mose ra ndeya quiatu tuchi ndechisaã ndese. Mae ndocoĩ emo nyisaã ndese. ⁵ Nande ae ae nandehimbirãcuã nguia tuchi nandeya eã ndasi ae ae je.

⁶ Emo siqui mose jembaaquiato quiatu Cristo rã, mbae ja quia jemondo mondo quia ee. ⁷ Erechimburi irĩchĩ nda ndehue si jẽ. Dios abe eremburi irĩ aroneate. Ae ra erechitiquia mbae mo nae, ùquĩ si chõ nda erecua. ⁸ Ae siqui quia ubi achõ ndese nae, ùquĩ nda ua chee. Ae siqui Espiritu Turã ndui nae, ùquĩ nda Espiritu Turã mingo bei. ⁹ Nandehimondocho eã ño nguia mbae turã naa naa mbei jẽ. Nandehui eã mbei chõ nguia esi jẽ. ùquĩ mose ra Dios mbae mee tuchi jee nande je cote. ¹⁰ Mbae turã nandesã saã mbei chõ nguia mbia je. Jesús quiato je quia mbae turã nandesã saã tuchi jiri.

Pablo hui bei saludar i mbia je

¹¹ Seo ae je chõ co ambesa mondo nguã jẽje aque. Sã letras cuasute. ¹² Ae “circuncisión jesaã”, i quia jẽje nae, siqui turã sacua mbia rese chõ ùquĩ nde. Siqui turã ndocoĩ Cristo rese. “Cristo ae ra aba mingo bei” i sereã. Siquichete quiatu mbia si re. ¹³ Ae circuncisión saã nguia nae, ùquĩ abe riqui eã Moisés cheẽ ndui ùquĩ. “I nda mbia riqui

ureruĩ”, i chõ nguiã “circuncisión jësaã” i jëje ùqui. Ucuasu ra esaã saã jë circuncisión naa mose. Eyate ra jendese cote, jëingo mose erese. ¹⁴ Jesucristo mii ndese chõ nda seya se. Ae mano ira rese. Ae mii nii nda acheẽ ñee mbia je. Mbaemo ndese abe eã nda seya se. Jesucristo mano mose ira rese, se abe que amano mbae icuã si ra. Mbae icuã abe que mano sesi no nda. ¹⁵ Nandeico mose Cristo rese, ei ja chõ nande ee re. Ae circuncisión saã nae, ae circuncisión saã eã no nae, ei ja chõ nande ee re. Dios nandechiã mbi-asu mose, ùqui nguiatu eturã tuchi re. ¹⁶ Ae siqui quia Jesucristo mii ndese nae, sã Dios turã ndiqui bei ùqui ndese. Sã Dios riqui embia bei. Sã Dios turã ndiqui bei ngũimba ja je. ¹⁷ Secheẽ nda jësi bishorõchĩ namo jë. Emo mose abe jë. “Pablo eaquiатуãte”, sã emo i eã cote. Sã mbae rasi airara rara beite quia Cristo rii co no. Sã seiruã nuasa cherõ areco serete rese co no jë. Jesucristo rii ño ùqui nde. ¹⁸ Sã Jesucristo turã ndiqui bei jendese, Seresenda. Amén.

LA CARTA DEL APOSTOL SAN PABLO A LOS EFESIOS

Pablo embesa Jesús quiato Efeso jenda je

¹ Se rei Pablo. Dios que seirabo ra. Jesucristo chimbaaquiato sacua. Co ambesa mondo quia jêje aque. Jesús icuasa je. Efeso jenda je. ² Sã Dios riqui uturã ndeacuquia bei jêje. Jesucristo abe no. Sã ũqui ndiqui jembia bei.

Cristo mbae turã saã ja nande je

³ Nandechê turã mbei chõ nguia Dios rii. Jesucristo ru rii. Jesucristo rese chõ nandeico nguia ã cote. Ibatenda chõ nandeico nguia ã cote. Nyebe Dios riqui nguia mbae turã naa jate nande je co. ⁴ Dios que nandairabo nyii ra. Cristo rii. Mbae ao ja nonde. Nyesequa tuchi que nanderese ra. Nyebe nandecua mbutiã ja nguia nandesi. Nandeico turã sacua enonde. ⁵ Dios que nandairabo tuchi coose ra. Mbae ao nonde. —Jesucristo rii nda seriirina jê, i que nande je nandecua mose ra. ⁶ Nandechê mbei sacua Dios turã rii. Uturã je chõ nandesi nguia Jesucristo rii. ⁷ Jesucristo mii ngue mano nanderirõ sacua mbae icua si ra. Ae rii ño Dios nandecua mbutiã nguia nande si cote. Dios turãte quia nande je re. ⁸ Dios que uturã teacuquia ja nande je ra. Nyebe eriqui nguia mbae icua jate nande je. ⁹ —Seriiri nda amondo mbia je ibii. Ae ra mbia mangu choõna jenda minga ja serese cote, i que Dios cose ra. ũqui ngue eteacuquia nande je cote ra. Nande eicua sacua. ¹⁰ Dios icoquiato mose ra mbae mbuchicua bo ja cote. Nandemunua ja ra ino Cristo nonde. Cristo ra mbae rerecua ja tuchi aque mose cote. Ibi jenda rerecua ja. Ibatenda abe rerecua ja.

¹¹ Ae Cristo saã nande je nae, ũqui ñi ño ngue Dios nandairabo nguia cose. Mbae tiã mose que Dios nandairabo nyii ra. Ae si mbae turã naa naa sacua nande je. Dios cheẽ nguire mbae riqui nyecua bei ã. ¹² Urechê turã mbei sacua Dios rii ño ngue ureirabo nguia. Ure rane ngue Cristo ureicua nyii ra. ¹³ Jê abe que Cristo jêicua chee cote ra. Jê echê turã andu mose. —Cristo ra jendirõ jêicua si, i mose jêje. Jê Cristo icua mose que Espiritu Turã Cristo mbae marca mii jendese ra. —Espiritu Turã tamondo Cristo icuasa je, i Dios quia nyii nae, aque si que Cristo mbae marca mii jendese cote ra. ¹⁴ Espiritu Turã ndiqui nandechiangui re co. Nyebe nandeico nguia ñee. —Dios ra mbae mee ja nande je ucheẽ nguire, i. Dios que nandesi Jesús ruqui ribishorõ nda. Nandemingo bei ra erese

cote. ũqui ñi ño Espiritu Turã Cristo mbae marca mii nguia nanderese. Nandechê turã mbei sacua Dios rii ño ngue ũqui nde.

Sã Dios jembairandu uquirãcua ndese, i Pablo

¹⁵ Airandu que jendese ra. Jesús jêicua tuchite quia ũqui. Jenyesequa tuchite equia Dios quiato ja rese ũqui. ¹⁶ Nyebe aico nguia ñee hui ãte Dios je. Gracias, i bei ee jeni. ¹⁷ —Paba, ndequiato embaaquiato tuchi Cristo rii. Cristo eicua quia tuchi ee, ae beite se quia Dios turã je jeni co. ¹⁸ Achê mbeite quia Dios je jeni co. —Paba, ae turã nda eresaã je ndequiato je nae, ũqui ndese embiirandu jiri namo. Ae turã nda ereme je ee nae, ũqui ndese abe embiirandu. ¹⁹ Ndequirãcua ndese abe embiirandu, ae beite quia Dios je jeni co. Dios quirãcua nda ua eã mbei. Equirãcua ndiqui Jesús quiato chiangui re ja ã. ²⁰ Dios quirãcua ae que Jesús raaque mbuquera si ra. Dios quirãcua ae que Jesús mbocoi mii ujii ra. ²¹ Dios que Jesús mii mbae rerecuarã ja ra. Ae quia rei i tuchi rerecua mo si. Gobierno mo ab e si. Ae quia rei ecuasu tuchi ibi jenda ja si. Ibatenda abe mo si. ²² —Mbae ja rerecua tuchi rei Jesús, i que Dios ra. —Sequiato rerecua ja chõ ae re, i que Dios ra. ²³ Dios quiato rei Jesús rete rã. Jesús riqui uquiato chiangui re co. Manguiti eriqui eã aroneate. Mbae aosa ja chõ ae re.

2

Uturã ñi Dios aba rirõ aba icua si

¹ Dios que nguico mondo jêje cote ra. Jêicua ñi ño ngue jêingo nguia eraaque rã nyii. ² Mbua ataque rã tuchi que jêingo aque mose ra. Mbae icua naa naa ndesechi. Satanás ñee ndui beite que jêingo nyii ra. Equirãcua te que eriqui jêje ra. Ae siqui ãte quia Dios rese nae, ũqui ño Satanás ñee mumbayã nguia ã. ³ Eĩ nande que equia cose nyii ra. Ae nandebite riqui mbae icua nyii nae, ũqui ndesechõ ño ngue nandecua ra. Ae rese nandeico ndua beite mbae icua nyii nae, ũqui ndesechõ ño ngue nandeico nyii ra. Mbua ataque rã si chõ ngue nandeico mbae icua naa naa nda. Dios nda nandembasi nguia nandecua ñi ña. ⁴ Eyayãte quiato ngue eriqui rei nguia nanderese. Nyesequa tuchite quiato que equia nanderese ra. ⁵ Eraaque raãte raque nande nandecua ñi nyii. Nyebe nguico turã mondo nguia nande je Cristo raaque mbuquera si mose. Dios turã ae chõ jendirõ nguia jêicua si. ⁶ Dios Cristo raaque mbuquera mose que nande abe mbuquera echabe ra. Dios que nandemingo erese ibate cote ra. ⁷ Dios turã tuchi riqui nande je Jesucristo rii co. ¹ nda mbia jirandu randu Dios chisaã turã ndese emo mose. Ibatêe

nandeico mose abe no. ⁸Jê ngue Jesús jêicua ra. Nyebe que Dios jendirô jêicua si ra. Uturã nii ño ngue jendirô nguiã jêicua si. Jê ae jeñimbucha aroneate Jesús rese. Dios ae ngue jembucha nguiã erese. ⁹Nandechisaã turã nii eã ño Dios nandembucha nguiã Jesús rese. Nyebe nandemo ndiqui uturã naa naa aroneate. ¹⁰Dios ae que nandea ra. —Se emingo mose Jesucristo rese, aque mose quia ra mbae turã naa naa cote, i que Dios nanderi cose ra.

Cristo mii ño mbia mingo turã turã nguiã nyiese

¹¹Dios rese que jêingo âte nyii ra. Uqui si jêtesareia ño. Judíos eã ño ngue jê ndesê. Nyebe judíos jendirirô nguiã. Circuncisión ngue jêsaã eãte judíos rã ndesê. ¹²Jêingo eãte que Cristo rese nyii resê. Jêingo turã eãte que equia Dios rimba je resê. Dios cheê si que jêingo ishote resê. —Dios ra mbae turã saã nande je, jenyê âte que equia ndua aque mose resê. ¹³Jesucristo mbae chõ jê cote re. Ishote jêingo raque Dios si cose. Dios que jembucha tuchi uchiese Jesucristo mano nii nda. ¹⁴Cristo mii ño nandemingo turã nguiã nyiese ã. Ae mii ño judíos mingo turã nguiã judíos eã ndese co. Ae mii ño judíos eã mingo turã nguiã judíos rese co no. Uqui ngue siqui icuãte quia nyue Cristo icuã nae, uqui si que Jesús embui cote ra. Nyebe judíos siqui turã arõte judíos eã ndese ã cote. Judíos eã abe siqui turã arõte judíos rese cote. Uqui siqui mose Jesús rese, co mii na ño eriqui nguiã ã cote. Mbia mii mbiasu ji rã ño eriqui nguiã ã cote. ¹⁶Uqui icuã icuã mose nyue que Cristo mano uqui icuã ndiquicharô nda. Uqui mingo turã ja nonde Dios rese. Siqui turã mose Dios rese, siqui turã nda nyue cote. ¹⁷Cristo que mano mbia mingo turã sacua Dios rese ra. Tu que mbia mbiirandu ja nonde nyiese ra. Judíos. Judíos eã abe mbiirandu nonde nyiese. ¹⁸Cristo que mano nande ja je ra. Judíos je. Judíos eã je abe no. Nyebe Espiritu Turã mii nandemingo ja nguiã nyiese ã. Dios nandesichã ja arõte qui a ã cote. ¹⁹Mbiamo eã ño jê Dios je cote re. ã jêingo isho eãte Dios si ã cote. Dios riiri tuchi chõ jê cote re. Cristo resenda ataque rã sí chõ jêingo nguiã ã cote. ²⁰Tuchua raã ji mo na ndei jê. Jesús chimbacuaquiatu rei tuchia i rã. Dios cheê mbuchecuaa cose ndare abe rei tuchia a i rã no. Jesucristo rei uqui i tuchi. ²¹Nande Jesús icua mose, Dios chuchua turã naanguia chõ nandeico nguiã Jesús je ã. Nande Jesús quiato tubiria i ite riqui ã. ²²Espiritu

Turã ño jemingo nguiã Dios rese jê abe uqui. Nyebe jê abe jêingo Dios chuchuarã uqui. Dios riqui jeñiangui re uqui.

3

Judíos eã abe ra siqui Dios rese, i Pablo

¹Se rei Pablo. Jesucristo rimba. A setarô ji ñi jeni a. Jê judíos eã nii. —Judíos eã abe riqui Dios rimba ã, ae beite que se quia jeni nda. Nyebe setarô ji ñi nguiã a. ²—Judíos eã je chõ seturã esenei senei nde, i que Dios seje ra. Uqui ndese beite aico co. Jêirandu equia serese reae. ³—Judíos eã abe ra siqui serese. Secheê turã esenei senei ee, i tuchi que Dios sembaaquiatu ra. Uqui ngue asenei jua chõ jêje ra, se embesa mose jêje nyii. ⁴Sechimbese rese jema mose ra jeñee cote. —Pablo Dios cheê icua tuchi chõ nguia judíos eã nii nde, jenyê ra cote. ⁵—Judíos eã abe ra siqui serese judíos rã si tuchi, i eã ngue Dios mbia mo je cose ra. Namõ ño mbia jirandu nguiã uqui ndese. Namõ ño Espiritu Turã Jesús chimbacuaquiatu mbiirandu nguiã uqui ndese. Dios cheê mbuchecuaa abe mbiirandu uqui ndese. ⁶Ã ndei Dios cheê mbuchecuaa ramo ji ã: Judíos eã abe ra siqui Dios rese judíos rã si tuchi cote. Mbia rete mii na nda eriqui ja cote. —Mbae turã tasaã jêje Jesucristo rií, i mose Dios, judíos achõ je eã ño eriqui nguiã ñee. Judíos eã abe je chõ ñene.

⁷—Uqui secheê esenei senei mbei quia mbia je, i que Dios seje ra. Mbae turã mo asaã eã ndaque Dios je nyii. Uquirãcuã abe que emee seje uqui naa sacua nda. ⁸Dios turã tuchite que seje ra. Se mbae raande rocoi ee nyii. Nyebe ñee nguiã seje. —Secheê esenei senei mbei quia judíos eã je. Ae rese mbia riqui jiranuate Cristo turã nae, uqui esenei senei judíos eã je, i que seje ra. ⁹—Ae turã nda asaã judíos eã je nae, uqui ndese mbia mbiirandu ja cote, i que Dios seje ra. Dios quiarei ndua ndua uqui nyii. Mbae ao ja nonde nyii. ¹⁰Mbaerã ño Dios mbia mbiirandu uqui ndese cote chã. Mbia jirandu sacua Dios aquiatu rese chõ ñene. Dios judíos eã mingo turã mose judíos rese, mbia ra nyuruira tuchi mae Dios quirãcuã ndese. Ibatenda abe ra nyuruira tuchi mae erese no. ¹¹Dios ndua ndua uqui nyii. —Mbia chumumbarate riqui raque ã. Emo emo nda ambucha nyiese Cristo mano mose, i que Dios cose ra. Uqui ngue esaã Jesucristo rií cote ra. ¹²Nandeco Jesucristo icuate ã cote. Nyebe nandeico nguiã siquicheate ñee Dios je ã cote. ¹³Ae mbae rasi asaã nguia cárcel co nae, jeni ño ñene. Seyate se mbae rasi raã mose jeni. Jê abe jeñimbacia chõ nguia serese.

Cristo nyesecua tuchi uquiato rese

¹⁴ Judíos eã abe chõ Dios mingo nguiã uchiese. Nyebe aico nguiã gracias i bei Dios je co. ¹⁵ ã nandechumumarate riqui íbii ã nae, ùqui ndu ja chõ Dios re. Ibatenda abe ru chõ ae no nde. ¹⁶ Dios mbae saã ja arõte nande je. Ebite mbae raã mose nande je. Nyebe aico nguiã ñee ee jeniã a. — Paba, Espíritu Turã emondo tuchi echiangui re. Embuquirãcuã sacua, ae chõ nguiã ee a. ¹⁷ — Paba, sã Cristo riqui tuchi echiangui re. Sã Cristo icua tuchi. Sã eriqui nyesecua tuchi Cristo rese, ae beite se quia Dios je jeniã co. ¹⁸⁻¹⁹ Mbaerã ño Dios riqui nyesecua tuchite nanderese co. Co eriqui nyesecua tuchite nande rese co. Jendua tuchi quiatu quia ùqui ndese. Sã Cristo quiato riqui ndua ja ùqui ndese. Sã Dios riqui tuchi jeñiangui re. ²⁰ Dios quirãcuã ndiqui beite nandechiangui re co. Nandembirãcuã mbeite equia co. Nyebe eriqui mbae raã ja arõte nande je co. Ae rese nandeico ndua eãte nae, ùqui abe chee esaã arõte quia nande je co. ²¹ Sã Jesucristo quiato riqui ñee turã mbei Dios je Jesucristo ríi. Mbae ua ja mose chee. Eĩ si ra equiatio quia ñee turã mbei eríi. Amén.

4

Hue rĩ ja chõ Espíritu Turã ndiqui nguiã Jesús quiato mundua

¹ Setarõ ji aĩ Jesús ríi a. Secheẽ amondo quia jẽje aque. Jẽingo turã ño nguia Cristo rã si. Dios chiirabote quia jẽ nde. ² Jẽseteã ño jẽingo. Jẽingo tochi chõ nguia. Jendoseĩ nguiatu chõ nguia jenyue. Jenyesequa chõ nguia jenyese. ³ — Hue rĩ ja chõ nandeico ndua jẽ, jenyẽ chõ nguia jenyue. Sã Espíritu Turã ndiqui jemundua hue rĩ ja. ⁴ Jesús rete miã na ño nande re. Espíritu Turã miã ño siqui nguiã nandechiangui re co no. Jesús miã na nda nande ja nandeico. ⁵ Ae miã ño nandererecua ja re. Ae miã ndese chõ nandeico ja nguiã ã. Aque miã niã ño ngue bautizar i nguiã nande je no. ⁶ Dios miã ño nanderu ja re. Ae miã ño nandemingo nguiã mbae rese. Ae miã ño siqui nguiã nandeite re co no. ⁷ Dios que nandechisaã ae aerã mee nande je ra. Cristo que uturã mee mee nande je ra. Ae ra nandesaã saã, ùqui naa naa turã sacua. ⁸ Sã embesa ji riqui ñee no: Cristo que nyui oso ibate ra. Mbia tarõ ji que equerao ra. Mbia chisaã ae aerã ngue emee mee mbia je ra,

i que embesa ji ra. ⁹ Jesús que siqui ibátee nyii ra. Aquare que eru nguichí íbii cote ra. ¹⁰ Ae sí que oso nyui ibei robei cote ra. Mbae rerecuarã ja sacua ngue ae cote ra. ¹¹ Ae que mbia chisaã ae aerã mee ee ra. — Apóstoles ra jẽ, i que emo emo je ra. — Secheẽ embuchecua checua quia mbia je,

i que emo emo je ra. — Mbia sequiatioã je secheẽ turã esenei senei mbei seriĩ, i que emo emo je ra. — Mbia serimba eteaquiato bei, i que emo emo je ra. — Mbia embaaquiato quiatu bei quia, i que emo emo je no nda. ¹² Eĩ ngue ndeico mbaaracua racua ja uchisaã ae aerã ndese ra. Ùqui mose ra Jesús quiato Jesús oseĩ i i tuchi cote. ¹³ Ùqui mose ra nandendua ja Jesucristo rese hue rĩ ja. Ùqui mose ra Jesucristo nandeicua i i tuchi. Jesucristo rã nda nandeico chee ùqui mose. ¹⁴ Ùqui mose ra nandeico ñimbirãcuã tuchi Cristo rese. “Tambĩrĩ irĩ Cristo ríi” i mose emo nande je, nandeicoã nda ùqui ndese. Nandendua ata ata eã nda Cristo ríi. Ae miã ndese chõ nda nandeico bei. Mbia ririĩ na nda nandeico ndua ata ata eã. ¹⁵ Ùqui mose ra nandechẽe ñooño eã. Mbia ra nandembĩrĩ irĩi. Nandechesecua ja ra equia mbia rese. Cristo rã si chõ nda nandeico turã. Dios quiato rerecua tuchite quia ae re. Sã nanderẽqui nanderete rerecua no. ¹⁶ Sã nanderete riqui ñimbirãcuã ja no. Eĩ si chõ Cristo rimba nguiã ñimbirãcuã ja siqui turã nyiese. Sã nanderete no. Nanderete resenda siqui turã ja mose, nanderete rasiã ja rae.

Ae icuã jẽsaã saã nguia nyii nae, ùqui jẽsaã saã eãte quia namo ã

¹⁷ Jesús cheẽ tuchi chõ ã nde: Dios icuasa reã na nda jẽingochĩ cote jẽ. Ndua chooño ño nguiã mbae rese ùqui. ¹⁸ Eãqui átã ño ùqui nde. Dios cheẽ andu sereã nea je chõ ùqui nde. Nyebe Dios riqui nguiã ngueco mee eã tuchi ùqui je. ¹⁹ Mbae icuã achõ ndese chõ eriqui nguiã ndua ndua. Eireĩ nguiãte mbae icuã naa naa mose cote. Oo oo tuchi mbae icuã ja rese. ²⁰ Ùqui ngue Cristo jembaaquiato quiatu eã jẽ nda. ²¹ Jẽirandu que Jesús rese resẽ. Ae sí chõ ngue jembaaquiato resẽ. Jembaaquiato que ucheẽ turã niã nda. ²² Jeñiangui renda icuã si jẽhui chõ. Aba mbiãcuãsa tuchi chõ ùqui nde. Aba mbĩrĩ irĩ ño ùqui nde. ²³ Jendua ndua jembiasu chõ ae. Ae rese jẽingo ndua icuã icuã nyii nae, ùqui si jẽtesareĩ chõ cote ae. ²⁴ Jeñimbiasu chõ nguia ae. Ùqui mose ra jẽingo Dios rã si. Jẽingo turã tuchi ra equia ee.

²⁵ Jeñee ñooño eã ná nguia jendesenda mo je cote ae. Nyiesenda ja chõ nande cote re. ²⁶ Jẽ paama i mose, paama jenyẽ turã ño nguia. Paama jenyẽ ocoã ño nguia. Tenda oso nonde ti jenyẽ. ²⁷ Jẽ paama i oco mose, diablo ra jembĩcuãte cote. ²⁸ Ae mbae mbuquiachã quia chã nguia nae, sã mbae mbuquiachã eã cote. Sã ae ae mbae ao ao o je icua cote. Sã eriqui mbae mondo mondo mbaecha reã je cote. ²⁹ Jenyuru jendecochõ ño nguia ñee ndocoĩ mbae icuã niã jẽ. Mbae

turā ñi ño jéingo ñee mbia je jé. Emundua ndua sacua Dios rese. ³⁰ Espíritu Turā nda jembia eā eāchí jé jé. Ae chō ngue Cristo mbae marca mii nguiā jendese. Nyebe jéingo nguiā ñee. —Cristo ra nandembiasu erā si, i. ³¹ Paama jenyechi nda emo ñi. —Í áchí se, jenyechi nda emo ñi jé. Jétasé taséchi nda emo je. Jeñee icuā icuāchí nda emo ñi. ³² Jéturā ño jéingo jenyue. Jéseteā ño jéingo jenyue. Jendesenda icuā icuā mose jéje, jétesarei chō eicuā si. Sā Dios jéicuā mbutiā jé Cristo ríi nyii no.

5

Dios quiato siqui bei mbae turā ndese

¹ Dios riiri tuchi chō jéingo nguiā ā. Nyese-cua tuchi equia jendese co. Erā si chō jéingo. ² Jenyese-cua tuchi quia mbia rese. Sā Cristo ríqui nyese-cua tuchite nanderese no. Sā mano nandecua ndiquicharō oveja rā no. Emano mose que Dios ia tuchi erese ra.

³ Cristo mbae chō jé cote re. Nyebe jéingo eā emo ninisi rese. Eruā mo ndese abe no. Emo mbae ra jenyosei choseichí. Eicuāte ũquí. ⁴ Jenyuru jendecochō ño nguia ñee ndocoí mbae icuā ñi. Mbae icuā aba ireingua rí jeñee eā. Eicuāte ñee mose ũquí. Gracias jenyue quiatu quia Dios je. ⁵ Emo siqui mose ngūinisiā ndese, aque ra siqui eā Cristo rese, Cristo siqui mose ererecua. Ae mbae icuā saā saā mbeite quia nae. Ae emo mbae chosei chosei quia nae, ũquí abe ra siqui eā Cristo rese. Emo mbae osei osei mose, Dios abareā ndese siqui raanguia chō ũquí no nde. ⁶ Ae ũquí saā saā nguia mbae icuā nae, ũquí je ra Dios mbae rasi raanguia tuchi. “Íchōño ñene” íchí nda emo jembii rí jé. ⁷ Ae ũquí saā saā nguia mbae icuā nae, ũquí ndese ra jéingochí jé. ⁸ Itondaruqui re rā ngue jéingo cose ra. Nyaáshí ño jéingo nguiā Jesús rese ā cote. Nyebe jéingo turā. ⁹ Ae siqui nyaáshí nae, ũquí siqui turā ño nguiā ā. Ñee ñooño eā ño nguiā emo je ā. Siqui áte equia mbae icuā mo ndese ā. ¹⁰ Ae Dios bite ríqui nae, ũquí ndese chō jéingo ñimbaaquiato quiatu. ¹¹ Ae itondaruqui riinda saā saā nguia mbae icuā nae, ũquí nda jésaā saāchí erese jé. Echiao icuā ñi ño jeñee ee emundua jé. ¹² Ae ũquí saā nyecuyā cuyā nguia mbae icuā nae, aba ireíte ñee ũquí ñi. ¹³ Jé ũquí nyiaa icuā mbuchecua mose ee, ndua ndua ra erese cote. Emo emo siqui aróte Cristo rese cote. Itondaruqui riinda recha mbae icuā. ¹⁴ Sā embesa ji ríqui ñee no:

Ae uque saā saā nguia nae, sã ũquí ñumumba. Ae siqui quia eraaque rā nae, sã ũquí quera si.

Ūquí mose ra Cristo uturā ndeacuquia ee, i que embesa ji ra.

¹⁵ Cochee tuchi chō jéingo Dios rese. Mbia aquiata ña nda jéingochí. Mbia aquiatu rā nguiatu jéingo. ¹⁶ Ae Dios bite ríqui nae, ũquí ndese chō jéingo ñimbecoteā. Mbae icuā icuāte eriqui ā cote. ¹⁷ Jéaquiata eā ño jéingo Dios rese. Ae Dios bite ríqui nae, ũquí ndese chō jéingo ñimbaaquiato quiatu. ¹⁸ Jéquiagua quiacuachí nda equia jé. Jéquiagua mose mbae icuā jésaā saā ja arondete. Espíritu Turā nguiatu jéingo tuchi jeñiangui re. ¹⁹ Cristo ríi jeñee turā tuchi quiatu quia jenyue. Jéirasei rasei tuchi quiatu quia Dios je. Himnos. Salmos. Jéya chō jéingo irasei rasei Dios je. ²⁰ Dios rei nanderu. Ae chō mbae ja mee mee nguiā nande je co. Nyebe “gracias” jenyue bei quiatu quia ee Jesucristo ríi.

Jéingo turā ja chō nguia jenyuchua jenda jaje

²¹ Jenongue cheē jemumbayā ño nguia. Cristobi tuchi chō ũquí nde. ²² Sā cuña ngu cheē mumbayā. Sā eriqui Dios cheē mumbayāte no. ²³ Eru quia rei ngūinisi rerecua. Sā Cristo uquiato rerecua no. Cristo quiato rei Cristo rete rā. Cristo quiatu ngue esirō nguiā eicuā si. ²⁴ Sā Cristo quiato ríqui echeē mumbayāte no. Eí si chō cuña nguia ngu cheē mumbayā mbei. ²⁵ Sā eru ríqui nyese-cua tuchi ngūinisi rese. Sā Cristo nyese-cua tuchi uquiato rese no. Sā mano nyee eriquicharō no. ²⁶ Uquiato no sacua icúe chō ũquí nde. Irei que i je ra. Ucheē je abe que eirei no nda. ²⁷ Cristo uquiato mbuturā turā ja quia co. Mbae icuā ndese emingo uquia reāte. Nyebe eyate ríqui nguiā erese co. ²⁸ Sā Cristo ríqui nyese-cua tuchi uquiato rese no. Eí si chō mbia quia nyese-cua ngūinisi rese. Sā emo ndiqui ngueteāte nguete rese no. Emo ngueteā mose ngūinisi rese, nguete rese ngueteā naanguia chō ũquí nde. ²⁹ Emo nda nguete ucuayā eā. Nguete ra equereco turā. Teaquiato turā nda equia. Eí si Cristo quia uquiato rerequia turā co no. ³⁰ Cristo rete rā si chō equiatio re. Nande abe chō Cristo rete rā no nde. ³¹ Dios que ñee nyii ra. Emo ngūinisi rā ndea mose, sã nyao usi si. Ngu si abe no. Sã ngūinisi mii ndese chō eriqui. Co mii siqui rā ño eriqui nguiā nyiese cote. ³² Mbaranguiatuāte raque ũquí icua. Nyeremo siqui mose co mii na. Cristo ríi ño eriqui nguiā ñee. Equiatio ríi abe no. ³³ Jéje abe chō eriqui nguiā ñee. Jé nyese-cua tuchi sacua jeninisi rese. Sã jéingo nyese-cuate jendete rese no. Sã cuña abe ríqui ngu cheē mumbayā mbei.

6

¹ Mbia riiri, jendu cheē jemumbayā ño nguia. Jési cheē abe. ²⁻³ Á ngue Dios ñee cose ra: “Jéingo turā ño nguia jési je jé. Jendu je abe. Jéingo turā mbei ra equia ũquí mose.

Jendeco ra jêingo arete íbii, i que Dios mbia je cose ra. ⁴ Eru je tacheê cote. Esi abe je. Jeñee icuã icuã tuchite chĩ nda jendiirĩ je jê. Paama i chee ra jêje. Jembaaquiato turã turã quiatu quia. Jemingo turã quiatu quia Dios rese.

⁵ Mbia rimba je tacheê cote. Jenderecua cheê jemumbayã ño nguia. Cochee chõ jêingo ee. Jêingo turã ño nguia jenderecua je. Cristo bite ũqui. ⁶ Jenderecua mae eã mose jendese, ũqui mose abe chõ jêingo embae raã naa turã ee. Mbae jêsaã turã ja quiatu quia Dios cheê ndui si. Cristo rimbate quia jê nde. ⁷ Jêya chõ jêingo mbae raã naa mose jenderecua je. Dios je chõ jêingo nguia eraã ũqui. Jenderecua ibi jenda mii je eã ño ñene. ⁸ Dios ra mbae turã mee jêje emo mose jenyiao turã ndibishorõ. Jêingo mose mbia rimba. Mbia rimba eã jêingo mose ra re no ae. ⁹ Mbia rerecua je tacheê cote. Jêingo turã ño nguia jê abe jenimba je. — Tareiruã nua, jenyechĩ nda embiirĩ irĩ jê. Jê abe chõ jenderecua no nde. Jesucristo rei jenderecua. Jenimba abe rerecua. Eĩ ja chõ mbia Dios je re. Mbia mii ndese ra eriqui turã eã.

Soldados rã si chõ jêingo nyiquisã mbae icuã si

¹⁰ Hui bei nonde ã tacheê jêje. Dios quia rei equirãcuã tuchi. Dios quirãcuã je chõ jêingo nguia ñimbirãcuã. ¹¹ Sã soldado riqui armadura mingue no. Ũqui ndei nyiquisã sacua ũqui. Eĩ jenye si chõ nguia siqui tuchi Dios rese nyiquisã Satanás si. ¹² Ae icuã icuã ndiqui nande je Jesús rĩ nae, mbia eã ño ũqui nde. Satanás ño ũqui nde. Satanás nimba abe no. Aba checuayã icuã abe no. Mbae icuã nderecua ja chõ ũqui nde. Equirãcuã tuchi riqui ũqui. ¹³ Jêingo tuchi Dios rese ũqui icuã si nyiquisã sacua. Jêquirãcuã jêingo tuchi sacua. Jêquirãcuã mbei quia jêingo, Satanás jembicuã eã sacua. ¹⁴⁻¹⁷ Jêquirãcuã tuchi chõ jêingo. Sã soldado riqui icoquiato armadura mingue no. Eĩ jenye si chõ nguia icoquiato diablo jembicuã eã sacua. Sã soldado riqui ngũmbi cuasa mingue no. Huisia rĩnda abe mingue nyiquisã sacua no. Sã soldado riqui huiyao mingue icoquiato no. Sã escudo abe rerequia oo no. Nyiquisã sacua emo uu mombo mose ee. Sã huiite sucha ãtã abe mingue uãqui ndiquisã sacua no. Sã tiquise abe rerequia no. Soldado rã si chõ jêingo icoquiato nyiquisã sacua diablo si. Jeñee ñooño eã ño nguia. Jêingo turã mbei chõ nguia. Jêingoquiato bei quia Dios cheê turã nenei nenei mbia je. Dios jêicua tuchi quiatu quia. Dios icua tuchi mose ra diablo tã i eã jêje. Dios quirãcuã ndese quia jêingo tuchi mbae icuã naa eã sacua. Dios cheê jêicua tuchi quiatu quia.

Ũqui mose ra Espíritu Turã siqui tuchi jendese. ¹⁸ Jeñee mbei quiatu quia Dios je. Sã Espíritu Turã jembucheê turã mbei quia ee. — Mbae embu seje. Á embu seje, jenye bei quiatu quia Dios je. Dios quiato ja rĩ ño jêingo ñee Dios je. Dios siqui turã sacua erese. ¹⁹ Serĩ abe quia jêingo ñee mbei Dios je. Sembucheê turã sacua, se echeê nenei nenei mose mbia je. Ae rese mbia riqui jiranuate Cristo rĩ nae, ũqui asenei senei nguia mbia je co. ²⁰ Dios que semondo ucheê turã nenei nenei sacua nda. Ũqui ñi ño setarõ ji aĩ nguã a. Jeñee mbei quiatu quia Dios je serĩ. Se ireĩ ireĩ eã sacua. Se echeê turã nenei nenei mbei sacua mbia je.

Pablo ñee hui bei

²¹ Tiquico si quia jendea aque. Ae ra mbae senei ja jêje jemiirandu serĩ. Ae que mbae saã turã mbeite quia serese ra. Dios rimba turã tuchi chõ ae re. ²² Nyebe amondo nguã jendea aque. Jemiirandu ja sacua urerese. Jembia tuchi sacua Cristo rese abe. ²³ Jesús quiato chõ jê abe, se rã si re. Sã Paba ibatenda riqui jembia bei tuchi. Sã eriqui jembuchesequa tuchi mbia rese. Sã Jesucristo icua uquia tuchi jêje. ²⁴ Ae nyesequa tuchi quia Jesucristo rese nae, sã Dios turã siqui tuchi ũqui ndese. Amén.

LA CARTA DEL APOSTOL SAN PABLO A LOS FILIPENSES

Pablo tarō ji ucheē mbesa mondo Jesús quiato je

¹ Pablo chō se re. Timoteo rese. Jesucristo rimba chō ure re. A ureico ñ mbesa jēje a. Felipos jenda Jesucristo quiato ja je a. Jesús quiato rerecua je abe ureico ñ mbesa a. Diáconos je abe no. ² Sã Paba Ibatenda turã ndiqui jendese. Sã jembia mingo. Sã Jesucristo abe jembia mingo no.

Pablo ñee Dios je Jesús quiato rã

³ Sendua ndua mose jendese, seya beite aico jendese co. Gracias ae beite sequia Dios je jenii co. ⁴ Se ñee ñee mose Dios je jenii, seyate riqui co. ⁵ Se Jesucristo cheē nenei namo mosenda bei chō jēingo nguiã ndua bei serese co. Nyebe jēingo nguiã mbae mondo mondo bei seje co. Nyebe seya tuchi riqui nguiã jendese co. ⁶ Dios que ucheē mingue jeñiangui re, ae si ra siqui bei jendese jembitirō tirō. Jesucristo tu chee. Ae bei. Siqui bei ra jendese. Aicuate se quia co. ⁷ Coche aico nguiã ndua ndua eĩ jendese cco. Achesecua tuchite quiatu nguiã jendese. Jē ngue jēingo beite quia serese ra. Jendua ndua beite que equia serese ra. Mbae mondo mondo bei seje. Mbia icuã icuã mose seje. Se mbia cheē ndiquisã quisã mose Jesús cheē si. Mbia setarō tarō mose. Ūqui mose abe que jēingo beite serese ra. Dios turã ndese que nandeico mae mae mbeite ra. ⁸ Dios resa aico ñee co. Jesucristo rã si aico nyesecua tuchite jendese co. ⁹ Aico ñee mbeite Paba je jenii co. —Paba, ūqui embuchesecua i i tuchi mbia ja rese. Ndeaquiatu emondo i i tuchi ee, ae beite quia Paba je jenii co. ¹⁰ Eĩ nda mbae turã jēicua. Eĩ nda jēingo bei mbae turã ndese. Eĩ nda Jesucristo ñee asiã jēje tu mose. ¹¹ Eĩ nda Jesucristo jemingo bei mbae turã ndese. Eĩ nda mbae turã jēsã saã ja Dios je.

Cristo mii ñee ñee aico nguiã se co, i Pabla

¹² Ñ tasenei jēje. Mbae icuã ngue jē jēi mbeite quia seje, ūqui ngue Jesús cheē mbutiba eã mbei ra. Ūqui jēi jēi mose seje, mbia que jirandu tuchite quia Jesucristo rese cote ra. ¹³ A setarō ji ñi cárcel a. —Cristo rii ñee etarō ji ñi nguiã hue, i jate mbia quia serii ūqui. Mbia rerecua chuchua jenda ja. Tuchuamo jenda ja abe. ¹⁴ Jesús quiato jirandu mose setarō ji rese, esiquicheäte riqui Dios cheē nenei nenei ūqui cote. Jesús quiato ja riqui Dios cheē nenei nenei tuchi ūqui cote. —Dios riqui tuchi urerese co, i equia ūqui cote. Maende setarō ji rese.

¹⁵ Emo emo ndiqui Cristo renei ñooño ūqui. Ndua icuã icuã ñee nguiã ūqui. Mae icuã icuã ñee nguiã serese ūqui. Emo emo ndiqui Cristo renei turã tuchi ūqui no. ¹⁶ Ae Cristo senei ñooño nguiã nae, ūqui icuãte riqui seje ñee. —Sã Pablo tarō ji ñiño, i equia serii ñee. Cristo renei ñooño ñee. Emo ndese ndua eã. Nyiese chō eriqui nguiã ndua. ¹⁷ Ae Cristo senei turã nguiã nae, ūqui ndua chō nguiã emo ndese. —Jesucristo cheē ñee ñee Pablo tarō ji ñi nguiã hue, i equia ndua serese ūqui. ¹⁸ Seyate emo Cristo renei turã mose. Seyate emo Cristo renei ñooño mose no. Cristo rii nguiatu eriqui nguiã ñee. Tachimbia tuchi chō nguiã ūqui Cristo renei nenei mose.

¹⁹ Jēndese abe seyate aico co. Ūqui jēingo ñee Dios je serii ūqui. Espiritu Turã ndiqui serese a no. Ae Jesucristo mbu seje. Nyebe Dios riqui nguiã setarō ji reaquiato tuchi a. Nyebe seya tuchi riqui nguiã a. ²⁰ Sesiquicheã tuchi ra se reae. Seirei nguiã mbei nda eriqui Cristo cheē nenei nenei ñee. Cristo bi achō ndese taico bei setarō ji. Mbia nda seiquia rei nguiã, se taico bei Cristo rese. Mbia nda sembusē ndei nguiã no, ūqui mose abe taico bei erese no. Eĩ ja chō seje re. Eiturã ja chō seje no nde. ²¹ Cristo mii ñee ñee aico nguiã se co. Semano mose, eturã tuchi quiarei ūqui seje cote. ²² Dios semingobe mose, ae si je chō aico nguiã mbae turã naa naa co. Ma ñee eturã jiri riqui seje. Mano mose ereae. Siquibe jiri mose ere no ae. Aicua eãte se. ²³ Ma ñee sebi jiri. Semano sete raque oso sacuã Cristo rese. Ūqui nda eturã jiri seje. ²⁴ Se seicobe mose ibii, ūqui nda eturã jiri jēje reae. ²⁵ Ūqui aicuate se. Seicobe mose, ūqui nda eturã jiri jēje reae. Nyebe ra Dios semingobe jiri jendese. Se Cristo icua uquia sacuã jēje. Se jembiaabe jiri sacuã Cristo rese. ²⁶ Anyae ra oso jendea. Aque mose nda jēya tuchi Jesucristo rese chã.

²⁷ Ae uresenei senei nguiã Cristo rii ñee, ūqui andure chō jēingo turã. Airandu turã nda se quia jendese chã. Eĩ nda mbia ñee seje chã. —Hue rii ja chō eriqui ndua turã nye. Huee echi mbia cheē ndiquisã quisã Jesucristo cheē si hue, i nda mbia seje chã. I nda mbia seico mose isho chã. Seico mose abe jendese. ²⁸ Tiri jenyechi nda Jesús ucuãya sa si jē! Jēsiquicheã mose, Dios ra ūqui mundua tata cuasu rese cote. “Huee ra asochi nde”, i chee rae. “Jesús icuasa ra Dios mingo bei”, i ra ūqui jenii cote, jēsiquicheã mose esi. ²⁹ Jē Cristo jēicuate quia ūqui cote. Ūqui miiño eã. —Jeñimbiracuã abe quiatu quia serii, mbia icuã icuã mose jēje, i Cristo quia jēje co. ³⁰ Sã mbia icuã icuãte riqui seje no. Eĩ si chō mbia icuã icuã ndiqui nguiã jēje ūqui. Nande jaje bei chō ñee. Jemae ndei que equia serese cose resē. Se mbia icuã

ndiquisã quisã mose. Ūquí sí rese chõ jêingo nguiã jirandu randu serese namo no.

2

Cristo seteã tuchi que tu ra

¹ Jesucristo jembïu turâte quia co. Cristo nyesecua mose jendese, jÿate riqui ũquí. Espïritu Turã abe riqui jendese ũquí. Jendua turâte equia emo ndese ũquí. ² Nyebe aico nguiã ñee jêje. Seyate aico raque jendese co. ¡Secheë jemumbayã tuchi quiatu quia jê! ¡Sembia tuchi quiatu se jê! ¡Jendua ata atachí nda jê! ¡Hue rí ja chõ jêingo ndua jê! ¡Hue rí ja chõ jêingo nyesecua nyiese no jê! ³ ¡Abei chiãte ra jêingochí jê! ¡Jenguasu ra jësaã saáchí! ¡Jëseteã ño jêingo! —Nde chõchí ndeturã sesi, jÿene chõ jenyue! ⁴ “Se chõ jê” jÿenychí nda jê! Emo mbaerã abe rese quia nandeico ndua. ⁵ Sã Jesucristo riqui ndua eãte uchiese no. Erã si chõ nandeico ndua nande abe jê. ⁶ Dios rã si rei que Jesucristo ra. Ñimbuseteã tuchi que u íbii ra. Ererecua rã eã ngue eru íbii ra. —Dios rã si chõ taico bei se, iã ngue u íbii ra. ⁷ Mbia rerecua tuchi rei que Jesucristo ra. Huiico mose ibate. Mbia mo na ngue eru íbii cote ra. Mbia mbaecha reã na ño ngue eriqui íbii cote ra. Mbia rimba rã. ⁸ Mbia mo na ño ngue ae ra. Íbii eico mose cote. Mbia rerecua que esaã saã eãte quia ra. Siqui mingue chõ ngue equia ra. Dios cheë ngue emumbayã mbei mano nyee ra. Embucha jí que mano ira rese ra. Aba ireíte mano ira rese. ⁹ Nyebe Dios riqui nguiã Jesucristo mbuchecua beite co cote. Mbia rerecuarã tuchi Dios Jesucristo mingo co cote. ¹⁰ Mbia ra ngoi ja chee nguiã ndese Jesucristo je ñee. Ae siqui ja íbii. Ae siqui ja íbátee no. Ae siqui ja íbiqui rí. Ūquí ja ra ñee turã Jesucristo je. ¹¹ —Jesucristo rei mbia rerecua ja, i chee ra ũquí ja ñee. Ūquí mose ra Dios ia tuchi cote.

Secheë jêisi chooño eë ño nguiã, i Pablo

¹² Secheë ngue jemumbayãte quia seico mose jendese. Ishote aico jêsi co. Secheë jemumbayã tuchi quiatu quia isho seico mose abe. Cochee jiri quiatu jêingo Dios je. Jêingo bei tuchi quia erese. Jenderao chee ra ibate mbae icuã sí. ¹³ Dios quirãcuã ndiqui jeñiangui re ũquí. Dios quia mbae turã nyosei uquia nguiã jêje. Dios mui ño jemingo nguiã ubi rese.

¹⁴ Mbae turã jësaã turã ja chõ. Ñee icuã icuã ndocoí. Teã teã ndocoí. ¹⁵ Eí nda mbia mo ñee icuã icuã eã jêje. Eí nda jêicuã eã emo je. Dios riirí ño jê nde. Sã nyasitata riqui mbae resae jate itondáruu no. Eí ño jê nde. Nyasitata rã si chõ jê nde. Mbia icuã ndesae ja. ¹⁶ Jêingo mbia mingo beisa renei nenei tuchi mbia je ũquí. Nyebe ra seya tuchi jendese Cristo tu mose. Secheë

jêisi chooño eã ño nguiã. Jaembaaquiatu chooño eã ngue Cristo rí nda. ¹⁷ Secheë nguire jêingo Dios icuate ũquí cote. Secheë nguire jendete jemee tuchi mose Dios je, seya tuchite ra jendese cote. Mbia nda seiquia rei nguiã Jesucristo rí, seya bei ra aico jendese, jendete jemee tuchi mose Dios je. ¹⁸ Jeñumbia chõ nguia serese. Sã seyate aico co no.

Timoteo tamondo jêje Epafrodito rese, i Pablo

¹⁹ Jesús eno i mose, Timoteo tamondo rã jendea. Eí nda seya jirandu mose jendese. ²⁰ Timoteo rã si ãte emo ndua tuchi jendese. ²¹ Umbaerã achõ ndese chõ eataque riqui nguiã ndua ndua. —Ã tasaã saã mbei Jesucristo je, i ãte equia ũquí. ²² Sã eriirí ndiqui mbae raã naa ngu rese no. Eí sí que Timoteo quia serese ra. Jesucristo cheë nenei nenei mose serese. Siqui turã mbeite que equia serese ra. Ūquí jêicuate quia ũquí. ²³ Nyebe ra Timoteo amondo jendea. Á tatea rã nyii. Mbia ra setarõ jí mui mbei a reae. Sembusë nda re no ae. Ūquí tatea rã nyii. Ūquí ndeare ra Timoteo amondo jendea. ²⁴ Áí mbeite ndua Dios rese a. Ae ra sembusë jei reae. Semondo ra jendea cote reae.

²⁵ Epafrodito abe tamondobe jêje. Ae jemondo seje nyii seraarõ sacua nae. Sere-senda turâte riqui seje co. Dios cheë nenei nenei serese. Senongue rã tuchi eriqui seje co. ²⁶ Mae sete equia jendese co cote. — Mbia jiranduchí serasi rese re, i equia jenii co. Nyebe eya eã ndiqui nguiã nduate jendese cote. ²⁷ Ae bei. Erasi tuchi que eriqui rei ra. Mano serí tuchi rei que equia ra. Dios ia eã tuchi que eriqui erese ra. Nyebe embucherõ nguiã. Serí abe que Dios embucherõ nda. Sembia jiri sacua. Sã mbae riqui eí eí ja tuchi sembia eã se no. ²⁸ Nyebe Epafrodito amondo nguiã jêje aque. Jembia sacua erasiã ndese cote. Seya eã nda sasë jiri jemae mose erese cote. ²⁹ Nanderesenda tuchi chõ ae Jesucristo rese re. Ngasë mose pee, jÿya chõ erese. Jêisi turã ño. Eraanguia rese jêingo turã mbei Jesús quiato. ³⁰ Jesucristo rí ngue mano serí serite ra. Jesucristo cheë nenei nenei mose. Siquiche ãte que equia ra. —Amanochí nda se re, i ãte que equia ra. Sereaquiatu turã tuchi que equia ra. Ishote quiatu ngue jêingo nguiã jê. Sereaquiatu aronea.

3

Cristo mui ndese aico cote, i Pablo

¹ Jÿya bei chõ jêingo Jesucristo rese jê! Ae asenei senei nguia jêje nyii nae, ũquí sí tasenei senei jêje. Sebite secheë nenei nenei sí jêje. Jendua bei sacua erese.

² Ae siqui nyacua raãte nae, ũquí si jenyicuasê ño nguia. Eicuãte riqui ũquí. Aba rete sia chooño ño ũquí nde. Mbia mbaaquiату turã ndocoi. ³ Circuncisión ño nande re. Nandechiangui re chõ nandeico nguia Dios rerequia nande ã. Nande chõ nandeya riqui nguia Jesucristo rese ã. — Mbia circuncisión naa mose, aque mose quia ra Dios emingo bei cote, i chõchĩ emo hue jenda nguia ũquí. Nandequiato jiriã tuchi chõ ũquí nde. ⁴—Dios ra semingo bei, mbae turã naa naa mose, ae rei que se quia nyii ra. —Seturã ñi nda Dios semingo bei, i chõchĩ emo. Seturã tuchi raque eriqui ũquí si. ⁵ Sechacuquia mose, ocho días mose que circuncisión naa seje ra. Israelita chõ se re. Benjamín ndiirĩ nducucha chõ se re. Hebreo chõ se re. Paba abe que hebreo ra. Fariseo que se nyii ra. Moisés chimbasa que amumbayã nguia ra. ⁶ Aico asite que se quia Dios rese nyii ra. Jesús quiato que asiquisã tuchi quia nyii ra. —Pablo riqui Moisés chimbasa mumbate co, i aroneate que equia seriĩ nda. ⁷ ũquí ñi ñgue aico secuasú raã naa tuchi cose ra. Jesús icuayã mose se. Mbae eã tuchi chõ ũquí seje cote re. Cristo rese quiatu aico nguia co cote. ⁸ Mbae mo ndese aico queteã eãte co cote. Aico ndua eãte mbae mo ndese co cote. Jesucristo mii aicuate quia co cote. ũquí eturãte mbae ja si seje cote. Jesucristo rii aico hui jate mbae si co cote. Iti rã ño mbae ja riqui nguia seje cote. Seico bei sacua Cristo rese. ⁹ Cristo rese tuchi chõ aico nguia co cote. Aico bei rei que Moisés chimbasa rui nyii ra. ũquí ñi eã ño Dios seisi turã nguia. Se Jesucristo icua mose, ũquí mose quiatu ñgue Dios seisi turã nguia. Ae Jesucristo icua nae, ũquí Dios isi turã ño nguia. ¹⁰ Cristo aicuaese tuchichĩ nguia co. Ae quirãcuã Cristo mbuquera si nae, aque quirãcuã nda siqui rã serese chã. Sã Cristo ñimbirãcuã mbia icuã si no. Eĩ ae rã nda ñimbirãcuã mbia icuã si chã. Sã Cristo mano nandeicuã ndiquicharõ no. Eĩ ae rã nda mano mbae icuã si chã. ¹¹ Eĩ mose ra Dios seraaque mbuquera si mingo bei cote.

Cristo mii ndese aico ndua co cote, i Pablo

¹² Mbae quia asaã ja eãte rei nguia. Jesús turã na nguia ra aico jee cote. Co Dios riqui sembitirõ tirõ mbeite co. Co aico erui beite co. Jesucristo que seisi seico sacua ae rã si ra. Jesucristo turã na tuchi aicoã ndaque namo co. Nyebe aico nguia siqui tuchi erui co. Seico sacua tuchi chee ae rã si cote. ¹³ Ae ra Dios mee seje, ũquí asiiti ja eãte. Ae eĩ eĩ seje cose, ũquí si aico tesareite co. Ae ra Dios mee seje, ũquí nda asiiti. ũquí mii ndese chõ aico nguia ndua co cote. ¹⁴ Ae siqui tuchi quia Jesucristo rese, ũquí je quia ra Dios premio mee. Nyebe aico tuchi nguia erese co. Premio isi sacua. ¹⁵ ¡Eĩ nande ja tuchi quiatu

quia siqui Jesucristo rese jê! Nande eicua tuchi mose. Jendua ja eã mose hue rĩ. Dios ra ñee jêje. —Ã ndese chõ jêingo, i ra jêje. ¹⁶ Ae nandesiiiti nae, ũquí ndese bei chõ nandeico. Ae rii Dios nandembaaquiату quiatu nyii nae, ũquí ndese bei chõ nandeico. ¹⁷ Serui bei jêingo, Seresenda. Ureico bei Jesucristo rui ã. Sã mbia siqui bei urerui. ¹⁸ Mbia tubiriã ndiqui Cristo ucuãyãte ã. ũquí ae rei que se quia jêje nyii resê. Aba mbucheseo serĩ. “Cristo que mano mbia riquicharõ nda”, ũquí andu sereãte. ¹⁹ ũquí nda nyoi ja tata cuãsuu. Ubi rese achõ ño ũquí ndiqui nguia. Eireĩ nguiaete. Eya chõ eriquichĩ nguia huiicuã ndese. Ibi jenda achõ ndese chõ eriquichĩ nguia ndua. ²⁰ Jesucristo riqui nanderirõ mbae icuã si co. Ibei jenda chõ nande cote re. Jesucristo ra tu ibei si nanderea cote. ã nandeico eraarõ arõ ã namo. ²¹ Jesucristo tu mose nande je ibii, nanderete ra embuchicuabo. Nanderete icuã ño siqui nguia namo ã. Jesucristo rete nininya chõ siqui nguia co. Jesucristo ra nanderete mbuchicuabo ñguete rã si. Uquirãcuã je ra nanderete mbuchicuabo. Sã mbae mbitirõ ja arõte uquirãcuã je no. Eĩ nda nanderete je.

4

Jêya bei chõ jêingo Cristo rese

¹ Sechesequa, andua tuchite quia jendese a. Amaese tuchi se quia jendese a. Seya tuchite aico jendese a no. ¡jêingo turã tuchi chõ Jesucristo rese jê! ² Evodia je tacheê. Síntique abe je tacheê. ¿Mbaerã jêingo siqui icuãte nyue re? Jêingo turã ño jenyue ae. Jesús quiato chõ jê ndesê. ³ Nde abe je tacheê, Seresenda. ũquí cuña emingo turã nyiese. Eteaquiату bei quia. ũquí ñgue siqui bei serese Jesús cheê nenei nenei mose ra. Clemente rese abe no. Eataque rese abe no. Dios que ũquí mbae nombre mii mii libro umbae rese ra. —ũquí nda siqui bei serese, i que ra. ⁴ Jeñimbia bei Jesucristo rese. ¡Jeñimbia tuchi jê! ⁵ Sã mbia mae ja jêturã ndese. Jê abei rese. Achite Jesucristo ñi tu a. ⁶ Pari pari jenyechĩ nda mbae mo je. Jeñee ja quiatu Dios je. —Mbae mo embu ure je, jenyê chõ nguia ee. Gracias jenyê chõ nguia ee. ⁷ ũquí mose ra Dios jembia tuchi. —Mañi Dios quia ã mbia tuchi re, i nda mbia mae mose jendese chã. Jesucristo ra jeñia mbucoi tuchi. Jesucristo ra jembia bei mingo no.

Mbae turã ndese chõ jêingo ndua

⁸ Hui bei nonde ã abe tambesa jêje. ¡Mbae icuã ndese ra jenduachĩ jê! Mbae turã ndese chõ jêingo ndua. Ae rii nandeico ñee turãte, ũquí ndese chõ jêingo ndua. Ichõiñosa reã ndese chõ jêingo ndua. Ae Dios bite

nae, ũquí ndese chō jēingo ndua. Mbae quishĩ ndese chō jēingo ndua. Ae rese mbia turã ndiqui mae sete, ũquí ndese chō jēingo ndua. ⁹ Ae asenei senei nguia jēje nyii, ũquí ndese chō jēingo jē. Ae eraã ndese jēingo mae mae seje nae, ũquí ño jēsaã saã mbei quia. Ũquí naa naa mose, Dios ra siquijen-dese. Jembia bei ra equia.

Jesús quiato ofrendas mondo Pablo je

¹⁰ Jendua ramombe equia serese ũquí. Dios sembia tuchite quia ũquí ndese co. Jētesarei eãte rei que equia sesi nyii ra. Mbae que jemondo aroneate quia seje nyii ra. ¹¹—Mbae ãte seje. Mbae mo embu seje, ae ãte se quia jēje co. Sembae eã mose, seyate ũquí mose. Sembae ñetē mose, seyate ũquí mose no. Ũquí je que achimbaaquiato se ra. ¹² Sembae eã mose, seyate ũquí mose se. Sembae tubiriã mose, seyate ũquí mose no. Seya beite aico co. Seriaçuã mose. Serio mose abe no. Sembae tubiriã mose. Sembae eã mose abe no. ¹³ Cristo que uquirãcuã mee seje ra. Equirãcuã je mbae asaã ja arondete. ¹⁴ Coche ngue mbae jemondo nguiã seje. Sembae eã mose. Seyate raque sembae eã mose. ¹⁵ Jē ae chō ngue mbae jemondo mondo bei nguiã seje. Se Jesús cheē nenei namo mose bei chō ngue mbae jemondo mondo nguiã seje. Iglesia mo abe que mbae mee ãte seje ra. Jē ae chō ngue re. Filipos jenda ja. Se Jesús cheē nenei namo mose jēje, aque mose bei chō ngue mbae jemondo mondo seje. Seso ramo mose Macedonia si. ¹⁶ Sã ñi mbae mo jemondo mondo seje Tesalónica seico mose no. Mbae eã mose seje. ¹⁷—Mbae mo jemondochō seje, ae ãte quia jēje a. Dios je chō jēingo nguiã emondo ũquí. Dios ra mbae mondo tuchi jēje eribishorō. Ũquí ndese quiato seya riqui nguiã. ¹⁸ Ae jemondo seje namo Epafrodito rese nae, ũquí ngue aisi ja ra. Dios bite jeñimondo. Ofrenda turã tuchi que ũquí Dios je ra. Mbaete rei sembae cote re. ¹⁹ Jesucristo resenda chō jē nde. Ae emoate jēje nae, ũquí nda Dios mee ja jēje. Dios quia mbae queroco ja nguiã. Equirãcuãte quia ñene. ²⁰ Sã mbia ñee turã mbei Dios rii. Nanderu rii. Amén.

Hui bei chō ã cote re

²¹ Jesucristo quiato je saludar jenye ja seje. Ae Jesús quiato riqui serese nae, ũquí ucheē mondo quia saludar i jēje aque. ²² Jesús quiato a jenda ja ucheē mondo quia saludar i jēje aque. César chuchua jenda abe ucheē mondo quia jēje aque. Ae siqui quia Jesús rese, ũquí. ²³ Sã Jesucristo turã tuchi riqui jē ja je. Amén.

LA CARTA DEL APOSTOL SAN PABLO A LOS COLOSENSES

Pablo embesa mbesa Colosas jenda je

¹ Pablo chō se re. Dios chiirabo chō se re. Jesucristo que seirabo mingo ucheē nenei nenei sacuaā nda. Timoteo rese aico ā mbesa mbesa jēje a. Nanderesenda Timoteo. ² Dios rimba Colosas jenda je chō aico nguiā co mbesa mbesa a. Cristo icuasa hue jenda ja je. Ae Cristo icua tuchi quia nae, ūqui ja je. Sā Dios turā ndiqui bei jendese. Sā eriqui jembia bei. Sā Jesucristo abe riqui bei jendese.

Pablo ñee Dios je Jesús quiato rī

³ Nandererecua tuchi rei Jesucristo. Dios rei eru. Ureico beite ñee Dios je jeni ā. Gracias ure beite equia jeni ā. ⁴ Ureirandu turāte quiatu ngue jendese re. Jesucristo jēcuate quiatu nguiā ure je ūqui. Jenyese-cua tuchi quiatu nguiā Dios quiato rese ūqui. ⁵ —Cristo rese ra nandeico je ibate, jenyete quiarei equia eicua ūqui. Ūqui ndese que jēirandu tuchite nyii ra. Jesucristo cheē nenei nenei namo mose jēje nyii. ⁶ Jesucristo quiato echeē senei senei mbeite quia mangue chooñoa jenda ja je ā. Nyebe Jesús quiato riqui nguiā ñimbeta i i tuchi ā. Sā nandeico mbae a ucua ucua no, eī si chō ñene. Sā eriqui Jesucristo cheē nenei nenei jēje nyii no. Sā Jesucristo cheē jeñia mbitirō eandu ramo mose no. ⁷ Epafras abe que jembaaquiato quiatu Cristo rī nda. Cristo resenda tuchi chō ae re. Ae chō Cristo cheē senei senei turā nguiā co. Nanderesenda tuchi chō ae re. ⁸ Ae que sembiirandu turāte jendese ra. Espiritu Turā ndiqui tuchi jendese ūqui. Nyebe jēingo nguiā nyese-cua turāte mbia rese ūqui.

⁹ Ureirandu mose jendese ūqui ndese, aque mose bei chō ureico nguiā ñee Dios je jeni ā. Dios jemingo bei sacua ubi rese. Ucheē abe rese. Dios uaquiatu mee sacua jēje. ¹⁰ Jēingo turā sacuaā Dios mbia. Jēingo turā sacuaā mbae turā ja rese. Jē Dios icua i i tuchi sacuaā. ¹¹ Dios jembirācuā tuchi sacuaā uaquiatu je. Jeñimbirācuā tuchi sacuaā mbae rasi je. I nda jēingo tochi tuchi mbae ja je. Ūqui mose ra jēyate no. ¹² Ureico gracias i tuchi Dios je ā. Ae quiatu ngue nandembuchiicabo nguiā. Ae ra Dios mee uquiato ja je mbae turā nae, nande abe je ra emee. Dios quia nandererecua turāte nguiā nyaashī na co cote. ¹³ Mbae icua nguiatu que nanderereco quia itondāruu nyii ra. Dios que nandembui ūqui si cote ra. Nguiirī ndese que nandemingo cote ra. ¹⁴ Dios riirī ngue nandisirō umbaerā

mbei ra. Mano ngue nanderiquicharō nda. Nandeicuā ngue embutiā mbei nyesi ra.

Cristo que mano nandemingo turā sacuaā Dios rese ra

¹⁵ Mbia mae aroneate raque Dios rese. Dios rā sí tuchi chō Cristo re. Ae rane ngue siqui Dios chiao mbae ja si ra. Ae que nyecua u mbia je cote ra. ¹⁶ Dios ae que mbae chao eā nda. Nguiirī ndese quiatu ngue mbae ja ao nguiā. Mbae ibatenda ao ja. Mbae ibi riinda abe ao ja no. Ae rese nandeico mae ā nae, ūqui ja que Dios chao nguiirī ndese ra. Ae rese nandeico mae aroneate nae, ūqui abe que echao nguiirī ndese no nda. Mbia rerecua ja abe no. Aba checuayā ja abe no. Ūqui ja que Cristo chao ngu rese ra. Cristo mbaerā ño ūqui ja re. ¹⁷ Mbae ao ja nonde Cristo riqui rei nyii. Erī ño mbae riqui ja nguiā ā cote. ¹⁸ Dios quiato rerecua ja chō Cristo riqui nguiā co. Sā nandeaqui nanderete rerecua no. Cristo rei mbae i tuchi. Mbae i ja. Ae rane ngue quera si manonde ra. Ae rei mbae rerecua j a tuchi. ¹⁹ —Se rā sí tuchi Cristo jē, i que Dios ra. ²⁰ Cristo mano mose, nandemingo turā sacuaā Dios rese chō ñene. Nande mii mingo turā sacuaā Dios rese chō Cristo mano nguiā. Mbae ja ibi riinda. Mbae ibei riinda ja abe no.

²¹ Ishote que jēingo Dios si nyii ra. Mbae icua naa naa mose. Ūqui mose que jēingo Dios ucuayāte ra. Jendua ndua icuate que equia erī nda. Namu nguia eriqui nguiā jemingo turāte uchiese ūqui. ²² Cristo quiatu ngue mano nguiā jeni. Mbia rete raanguia rerecua mose. Mbae rasi que esaā tuchi umano mose ra. Jeni ño ngue mbae rasi raā nguiā. Jēicuā mbutiā sacuaā. Jemingo turā sacuaā icue Dios mbaerā. ²³ Nyebe jeñimbirātā jiri quia Jesús icha rui. Jeñimondocho eā mbei quiatu quia jē. Jēhui eā ño Jesús cheē turā si jē. Jesús cheē turā ngue jeñandu tuchi quia. Mangue chooñoa jenda ja que echandu ra. Se abe asenei senei tuchi quia Dios cheē nguire co. Pablo chō se re.

Dios que seirabo ra, i Pablo

²⁴ Se mbae rasi raā mose jēje, seyate aico se co. Cristo quiatu ngue mbae rasi saā tuchi nguiā nande je nyii. Se mbae rasi raā mose, Cristo abe chō mbae rasi saā nguiā serese. Cristo rete rā ño Cristo quiato riqui nguiā. Nyebe seyate riqui nguiā serete mbae rasi raā mose Cristo quiato je. ²⁵ Dios que seirabo uquiato mbaaquiato quiatu ja sacuaā nda. Iglesia jenda ja. Dios cheē mbuchecua ja tuchi sacuaā jēje. ²⁶⁻²⁷ Dios que seirabo judíos eā mbaaquiato quiatu sacuaā nda. Ae Dios mbuchecua eā mbei judíos je

nyii nae, aico ũquí mbuchecua Jesús quiato ja je ã cote. Á ndei ã: Cristo riqui jeñiangui re ã cote. Ae mii ño aba mingo arõ nguiã Dios rese co. Ũquí ño Dios mbuchecua ramo nguiã uquiato je co. ²⁸ Cristo mii nii ño aico nguiã ñee mbia je co. Mbia ambuti mbuti chõ nguiã Cristo icha rui co. Seaquiato je chõ aico nguiã mbia mbaaquiato quiatu Cristo rii co. † nda Jesús quiato ja riqui siqui i i tuchi erese. ²⁹ Nyebe serecoteã tuchite riqui nguiã ũquí ndese co. Dios quia sembirãcuã mbeite nguiã co. Mbia mbuti mbuti sacua Cristo icha rui.

2

¹ Co secheẽ jeñandu rã. Andua ndua tuchite se quia nimbecoteã jendese co. Acheẽ tuchite se quia Dios je jeni co. Laodicea jenda nii abe no. Ae mae ãte quia sere se Jesús quiato nae, ũquí nii abe no. Mbia mbaaquiato icua icuãsa riqui jembui serite Cristo si ũquí. ² Jẽ ja rii aico ñee Dios je co. Jẽingo i i sacua Dios rese jeñiangui re. Jenyese quia ja sacua jenyese. Jendua ja sacua hue rĩ si. Jẽaquiato tuchi sacua Cristo rii. † nda Cristo jẽicua tuchi cote. ³ Cristo mii tuchi chõ aba mbaaracua nguiã co. Ae mii tuchi chõ aba mbaaquiato nguiã Dios rese co. ⁴ Mbia jembiiĩ rĩ eã sacua ño aico nguiã ñee jẽje co. Mbia cheẽ turã abareãte raque. Jesús cheẽ ndui eãte quia ñene. ⁵ Aico ndua ndua tuchi jendese co. Siqui rocoĩ jendese. Ae rese airandu jendese nae, sembia tuchi chõ ũquí nde. Jẽingo turã mose jenyese. Jẽ Cristo icua i i tuchi mose. Nyebe seya bei tuchi riqui nguiã jendese co. ⁶ Sã Jesucristo jẽisi nyii no, eĩ jenyẽ si chõ nguiã siqui bei erese. ⁷ Sã ira riqui ngao mondo tuchi ibiqui rĩ no. Nĩmbirãcuã tuchi sacua. Eĩ jenyẽ si chõ nguiã jẽ abe jẽ. Jeñimbirãcuã ño nguiã Cristo rui. Cristo jẽicua tuchi quiato quia. Secheẽ ñiinda rui sí. Gracias jenyẽ bei chõ nguiã Dios je.

Dios que jembiasu Cristo rã cote ra

⁸ Mbia ra jembiiĩ rĩchĩ jembiiicha nonde Cristo si jẽ. Ũquí ñee turã arõte raque. Ñee iru iru chõ nguiã ũquí. Nĩmbucha eãte equia Cristo rese ũquí. Mbia cheẽ achõ ño echeẽ nde. ⁹ Dios rã si tuchi rei Cristo. Mbia rete raãte raaque Cristo rete. ¹⁰ Ũquí jẽingo ñimbucha Cristo rese ũquí. Cristo rã sí tuchi rei nande cote. Cristo quiarei ererecua tuchi mbia rerecua ja sí. ¹¹ Cristo que jembui jenyiosei osei icua si cote ra. Jẽmingo que icúe Dios mbaerã cote ra. ¹² Ũquí jẽingo Dios quirãcuã icuate ũquí. Sã mbia Jesús raaque ati rei no. Eĩ si chõ jẽ Jesús icua mose re. Jendaaque ati rã si chõ jẽ Jesús icua mose re. Sã Dios Jesús mbuquera si uquirãcuã je no. Eĩ si chõ jẽ Jesús icua mose re. Jembuquera si rã ño jẽ Jesús icua mose re. Dios

chõ Jesús icua uquia nguiã jẽje. ¹³ Isho que jẽingo rei Dios si cose ra. Jenyiosei osei icua ndese siqui bei mose. Jẽ jẽicua nderequia bei mose. Dios que ngueco mee jẽje cote ra. Jẽ Cristo icua mose. Dios que jẽicua mbutiã cote ra. ¹⁴ Ae icua nandesaã saã nguiã Dios je nae, Dios que ũquí mbutiã nandesi ra. Ae cheẽ nandemumba mumba quia mbia nae, ũquí ñee ngue Dios mbutiã nandesi cote ra. Dios nandeiã mbucha raanguia Cristo rese chõ ñene. Cristo chĩ mose cruz rese. ¹⁵ Cristo mano mose que aba checuayã nderecua quirãcuã mbutiã nda. Cristo que aba checuayã mbuquirãcuã nea ja ra. Mbia resa rae que embuquirãcuã nea ja ra.

Mbia chisaã saã ndese ra jẽingochĩ jẽ

¹⁶ Sã emo jendiquisã quisã eã mbei mbaeiae mo si. Jẽ mbaeiae u sereã mose, jẽu eã ño. Jẽ euse mose, jẽu chõ. Jẽ jẽingose mose mbae mo ndese sãbado mose, jẽingo chõ erese. Jẽ jẽingose mose mbae mo ndese nyasi yasu mose, jẽingo chõ erese. Jẽingo sereã mose erese, jẽingoã erese. ¹⁷ Cristo siqui nonde ibi chõ ngue ũquí ja nyii re. Mbia Cristo ru raarõ sacua ño ngue ũquí nyii re. Cristo tu mose que ũquí quiachã ja cote ra. ¹⁸ Mbia jembiiĩ rĩchĩ jembiiicha nonde Cristo si jẽ. Ae useteã saã ñooño nguiã nae. Ae “Dios chõ ñene” i quia ángeles je nae. “Se quiatu” i chooño ño nguiã eaquiato rocoĩ. Ndua turã eã ño nguiã Dios rese ũquí. Unduasa rese achõ ño eriqui nguiã ucuasu raã naa ũquí. Ũquí nda jembiiichachĩ Cristo si jẽ. ¹⁹ Nĩmbucha eã ño nguiã Cristo rese ũquí. Ererecua raque Cristo. Sã nandeaquí ndiqui nanderete mingo turã ja no. Eĩ si chõ Cristo uquiato mingo turã ja nguiã nyiese ã. Nyebe Cristo quiato riqui nguiã Cristo icua i ite ã. Dios chõ Cristo icua uquia i i nguiã ee.

²⁰ Cristo mano mose que jẽ abe jemano erese resẽ. Mbia chisaã saã ima si que jẽhui turã ndesẽ. ¿Mbaerã nda ũquí ñee ndui si jẽingo si cote re? ²¹ Sã ũquí ndiqui ñee no: “Jẽocochĩ nda ã ndese. Á nda jẽuchĩ no. Ũquí nda jẽisichĩ jẽo je no”, sã eriqui i no. ¿Mbaerã jẽingo ũquí ñee mumbayãte re? ²² Mbia cheẽ achõ ño ũquí ndesẽ. Dios cheẽ eã ño ũquí ndesẽ. Nandechiurã ño mbae ja resẽ. ²³ Ũquí ñee turã arõte raque. Eturã arõte raque mbia mbaeiae uã mose. Mbia mbaeiae uã mose, eaquiato arõte raque. Siqui mingue arõte raque. Ũquí nda aba chiosei osei icua mbutiã eã. Ũquí nda aba mingo eã Dios mii ndese.

3

Jendua chã mbae ibatenda rese

¹ Dios que jendaaque mbuquera si Cristo rese resẽ. Nyebe jẽingo mbae ibatenda osei. Mbae ibi jenda osei rocoĩ. Cristo quia chĩ

nguiã ngoi ibate ngu jii hue. ²Jendua quiatu quia mbae ibatenda rese. Mbae ibi jenda rese ndua rocoĩ. ³Jemano ngue Cristo rese resê. Dios que jembucha Cristo rese resê. Nyebe Dios riqui nguiã jendeco rereco-quiatu jêje co. ⁴Dios chõ nandereco mingo nguiã Cristo rese co. Cristo tube mose ra jendete mbiasu tuchi cote. Jenininya tuchi ra erese cote.

Cose ndare rã eã ño jêingo nguiã ã cote

⁵ Ae icuã jendeco quia jeñiangui re nae, ùqui icuã jêquiti chõ jenyiesi. Jenyiosei osei icuã jêquiti chõ jenyiesi. Jêingochi nda jeninisi mo ndese. Jendu eã ndese ra jêingochi no. “Aque rese nda aico rã ña”, jenyechi nda emo ñi jê. Mbae icuã mo ndese ra jendua ndua jirichĩ jê. Emo mbae ra jenyosei choseichĩ jê. Dios abareã ndese siqui raanguia chõ ùqui nde. ⁶ Æ icuã ja rii nda Dios mbia mbasi. Ae echeẽ mumba mumbate quia. ⁷ Jê abe que ã icuã jêsaã saã tuchi quia nyii ra. Cristo icuayã mose. ⁸ Æ icuã jêjea ja chõ jenyiesi cote. Jê paama i. Jêicuã icuã nyue. Jeñee nyecua nyecua emo ñi. Jenyuru icuã. Æ jêjea ja chõ jenyiesi. ⁹ Jeñee ñooñochĩ nda jendesenda je jê. Jê mbae osei osei icuã ñiinda que jembuquiachã jenyiesi resê. Jenyisaã saã ima jêsaã eate quia ùqui cote resê. ¹⁰ Jeñimbiasu ji chõ jêingo nguiã ùqui. Nyebe Cristo riqui nguiã jembaaquiatu tuchi Dios rii ùqui. Jêingo turã sacuã Dios rã si. ¹¹ Cristo quia rei mbia mbuchiabi abiã tuchi. Judios raque. Judios eã ndaque. Ishonda mo ndaque. Ae eaquiataate raque. Mbia rimba raque. Mbia rimba eã ndaque. ùqui ja Cristo mbuchiabi abiã tuchi. ùqui ja chiangui re Cristo riquise rete. Cristo siqui mose nandechiangui re, ùqui nguiã rei eturã tuchi mbae ja si.

¹² Co Dios riqui nyesequa tuchi jendese co. Dios que jêirabo mingo icúe umbaerã nda. Nyebe jêingo nguiã siqui turãte. Jêya eã ño jêingo mbia rese. Jêseteã ño jêingo mbia rese. Jêingo tochi chõ nguiã. Jendosei nguiatu chõ jêingo. ¹³ Jeñimbirãcuã ño nguiã jendesenda rese. Jêtesarei chõ nguiã jendesenda icuã icuã mose jêje. Sã Cristo tesarei jêicuã si no. ¹⁴ Jenyesequa tuchi quiatu quia mbia rese jê. Dios cheẽ tuchi chõ ã nde. Jenyesequa tuchi mose mbia rese, mbae turã ja rese chõ nda jêingo tuchi cote. ¹⁵ Jeñimbia bei chõ nguiã Dios rese. Æ nda jemingo turã mbei jenyue. ùqui ñi ño Dios jemingo nguiã icúe umbaerã. Jesús rete mii na ño Dios jemingo nguiã ùqui. “Coche ñene” jenyie bei chõ nguiã Dios je. ¹⁶ Sã Cristo cheẽ ndiqui tuchi jeñiangui re. Jêaquiatu tuchi nda jêingo chã. Jenongue jembaaquiatu quiatu chõ nguiã.

Jenongue jembuti mbuti quiatu quia Cristo cuti. Jêirasei rasei tuchi quiatu quia Dios je. Himnos. Salmos. Jêya chõ jêingo irasei rasei Dios je. ¹⁷ Jê mbae raã mose, Jesús rii ño jêsaã. Ae jêingo ñee nae, Jesús rii ño jeñee. Gracias jenyie bei chõ nguiã Dios je Jesús rii.

Ae jêsaã nguiã nae, jêsaã ño Cristo je

¹⁸ Tacheẽ mbia ninisi je. Jendu cheẽ jemumbayã ño nguiã. Diosbi tuchi chõ ùqui nde. ¹⁹ Eru, jenyesequa tuchi quiatu quia jeninisi rese. Jêingo tochi chõ nguiã ee. ²⁰ Mbia riiri, jendu cheẽ jemumbayã mbei chõ nguiã. Jêsi cheẽ abe no. Diosbi tuchi chõ ùqui nde. ²¹ Jendiiri nda jembupaama ichi jenyue jê. Æ nda ñimondocho eã. ²² Tacheẽ erimba je cote. Jenderequa cheẽ jemumbayã mbei quiatu quia. Emae eã mose abe quiatu echeẽ jemumba eã. Jêseteã jêsaã ñooñoa nguiatu quia ee. Dios je quiatu jêingo mbae raã turã ja. Ae quia mabeite nguiã jendese co. ²³ Jê mbae raã mose, jêsaã turã ño nguiã. Mbia je eã ño jêingo nguiã mbae raã. Dios je chõ jêingo nguiã eraã. ²⁴ Dios ra mbae turã mee jêje jenyisaã turã ndibishorõ. Cristo je chõ jêingo nguiã mbae ao ao ùqui. Jenderequa tuchi chõ ae re. ²⁵ Ae mbae icuã saã nguiã nae, Dios abe ra mbae icuã mee ee echisaã icuã ndibishorõ. Dios ra emo mbasi choño eã. Emo nda eisi turã ñooñoa no.

4

¹ Mbia rerequa je tacheẽ cote. Jenimba jembuquei quie choño eã ño nguiã. Mbae jêsaã turã jiri quiatu quia jenimba je. Jê abe jenderequa riqui Dios co no.

² Jeñee ñee mbei quiatu quia Dios je. Jêtesa tesa bei quiatu quia Dios rese. Gracias jenyie bei quiatu quia ee. ³ Jeñee ñee mbei quiatu quia Dios je ure rii. Æ nda Dios riqui sembuheẽ ñee mbei tuchi mbia je Cristo rii. Ae rese mbia riqui jiranuate Cristo rese nae, ùqui asenei senei sete mbia je. Nyebe setarõ ji aĩ nguiã a. ⁴—Paba, sã Pablo Jesucristo mbuchecua checua tuchi quia mbia je, jenyie bei quiatu quia Dios je.

⁵ Jeñimbaracua chõ nguiã siqui turã Jesús quiatoã je. Ae Dios bite nae, ùqui ndese chõ jêingo ñimbecoteã. ⁶ Sã embiquesa riqui mbae mbiise no. Eĩ jenyie si chõ nguiã ñee turã mbia je. Æ nda jêaquiataate ñee Jesús quiatoã ñee ndibishorõ.

Pablo ñee hui bei

⁷ Tiquico si quia jendea aque. Ae ra mbae senei ja jêje jembairandu seriã. Ae que mbae saã turã mbeite quia serese ra. Dios rimba turã tuchi chõ ae re. ⁸ Nyebe amondo nguiã jendea aque. Jembairandu ja sacuã serese. Jembia tuchi sacuã Cristo rese abe. ⁹ Onésimo abe si quia erese aque. Hue jenda sí chõ ae re. Jesús quiato tuchi chõ ae abe

re. Ūquĩ nyeremo nda jembiiirandu tuchi a jenda ja rese.

¹⁰ Aristarco tarõ ji ñi serese a. Ae abe saludos mondo quia jêje aque. Marcos abe saludos mondo quia jêje aque. Bernabé nongue ririĩ ño ae re. Ae oso mose jendea, jêisi turã ño secheẽ nguire. Acheẽ ngue jêje eriĩ nyii. ¹¹ Jesús Justo abe saludos mondo quia jêje aque no. Ūquĩ mii judíos que siqui tuchi quia serese Dios cheẽ nenei nenei nda. Ūquĩ ngue sembiate quia mbae raã turã mose serese ra. ¹² Epafras abe saludos mondo quia jêje aque no. Cristo rimba rei ae no. Jendesenda sí chõ ae no nde. Ae ñee mbeite quia Dios je jeni co. Jêingo iratã sacua Dios rui. Ae Dios bite riqui nae, ūquĩ ndese jêingo tuchi sacua. ¹³ Epafras riqui nyesecua tuchite jendese co. Aicuate se quia co. Laodicea jenda rese abe eriqui nyesecua tuchite co. Hierápolis jenda rese abe no. ¹⁴ Lucas abe saludos mondo quia jêje aque no. Aba rasi rea reasa rei ae. Médico rei ae. Jesús chesecua tuchi chõ ae re. Demas abe saludos mondo quia jêje aque no. ¹⁵ Jesús quiato Laodicea jenda je saludar jenye rá ure je. Ninfas je abe saludar jenye. Ae ñumunua nua nguia Ninfas chuchua Jesús quiato nae, ūquĩ abe je saludar jenye rá ure je. ¹⁶ Ae ambesa mbesa quia a nae, emondo nonde jêje a nae, ã je leer jenye ja rá. Aquere jemondo rá Jesús quiato Laodicea jenda je. Ūquĩ abe leer i sacua ee. Ae carta ambesa Laodicea jenda je nae, jê abe leer jenye ee no. ¹⁷ Jeñee na Arquipo je. —Ae je Jesús ñee nae, “co esaã seje” i ndeje nae, ūquĩ esaã turã ja chõ, jenye Arquipo je.

¹⁸ Hui bei sacua co ambesa mbesa quia seo ae je co. Pablo chõ se re. Jendua serese setarõ ji rese. Sã Dios riqui turã tuchi jêje. Amén.

PRIMERA CARTA DEL APOSTOL SAN PABLO A LOS TESALONICENSES

Pablo ã mbesa

¹ Pablo rei se. Silas riqi serese a. Timoteo abe no. A urembesa mondo quia jêje aque, Tesalónica jenda. Ae ñumunua nua mbeite quia Jesús rî. Jesucristo icuasa chõ jê nde. Dios icuasa abe chõ jê no nde. Dios rei nanderu. Jesucristo rei nandererecua. Sã ùquî turã ndiqui bei jêje. Sã ùquî ndiqui jembia bei.

Jesús jêicuate quia ùquî

² Gracias, ure bei quia Dios je jeni ã. Jê ja rî. Ure ñee mose Dios je, jeni ño ureico nguiã ñee ñee ee ã. ³ Jesús jêicuate quia ùquî. Nyebe jêingo beite nguiã mbae turã ndese ùquî. Jenyesequate quia Jesús rese ùquî. Nyebe jêingo nguiã Dios cheë nenei nenei mbei mbia je ùquî. Jesús nyebi sí mose, ùquî ño jêsarõ arõ u nguiã hue. Jeñimbirãcuã tuchi equia eraarõ arõ ùquî. ⁴ Seresenda, Dios riqi nyesequa tuchi jendese co. Dios que jêirabo umbaerã nda. ⁵ Dios cheë turã ngue uresenei senei nguia jêje ra. Urechê achõ je eã. Espiritu Turã abe que jembaaquiату quiату ra. —Ichõñõ eã tuchi chõ Dios cheë nde, ure que equia erenei nenei jêje ra. Ureico mose jendese que ureico turãte jêje ra. ùquî ndese que jêingo mae nda. ⁶ Ure rã sí que jêingo Dios rui ra. Nandererecua rã sí que jêingo ra. Dios cheë ngue jêisi tuchi ra. Nyebe que mbia icuã tuchi riqi jêje ra. Mbia icuã icuã mose jêje que Espiritu Turã ndiqui tuchi jendese ra. Jembia tuchi sacuã. ⁷ Nyebe Jesús icuasa riqi nguiã siqui turã jendui. Jesús icuasa Macedonia jenda. Acaya jenda abe no. ⁸ Nandererecua cheë ngue jêsenei senei tuchi quia Macedonia jenda je ra. Acaya jenda je abe no. Ishonda ja je. Mbia que jirandu ja quia jendese ra. —Dios icuasa rei ùquî, i equia jeni ùquî. ¿Mbaerã nda Dios cheë aseni ee re? Jembiirandu turã ngue eno. ⁹ ùquî nguia ñee turãte nguiã jeni ùquî. —Tesalónica jenda que Pablo isi turã nda. Pablo resenda abe isi turã. Hui tuchi que Dios raanguia sí ra. Siqui bei nonde Dios reco rese cote, i equia jeni ùquî. ¹⁰ —Tesalónica jenda chi Jesús raarõ arõ huee. “Tu ra nyebi ibate sí”, i u huee, i equia jeni ùquî. Jesús rei Dios reco riri. Dios que Jesús raaque mbuquera sí ra. Jesús ra nanderiquisã mbae rasi sí. Dios mbia icuã mbasi mose.

2

Dios cheë uresenei tuchi jêje

¹ Ureso chooño eã ngue equia jendea ra, Seresenda. Dios cheë ngue uresenei tuchi quia jêje ra. Jêisi turã turãte que equia ra. Ureso mose jendea. ² Ureso que Filipos nyii ra. Hue jenda que mbia icuãte riqi ure je ra. Ureiruã nua ngue ra. ùquî jêicuate quia ùquî. Aquere que Dios cheë turã uresenei senei tuchi jêje cote ra. Ureso mose jendea. Dios que urembusiquiche eã tuchi ra. Mbia icuã tuchi raque ure je. ³ Dios cheë ngue urechabi chabiã tuchi quia erenei nenei nda. Urendua icuã icuã eã ngue equia ñee mose jêje ra. Jembiri iri eã. ⁴ —Mañi nda equia reae, i que Dios quia ure je nyii ra. Maende ure rese que ureirabo cote ra. Echeë turã nenei nenei sacuã. Mbia mbia sacuã eã ño ureico nguiã Dios cheë nenei nenei jêje. Dios mbia sacuã ño ñene. Dios riqi mae mbeite urechiangui renda rese co. ⁵ Urecuasú que uresaã saã eãte quia jêje ra. Urechê ñooño eãte que equia jêje ra. Jembiri iri eãt e mee ureico quia ra. —Sã mbia mbae mo mee ure je, ure eãte que equia jembiri iri nda. Dios riqi maete urerese co. ⁶ —Jenderecuarã nda ure cote jê! ure eãte que equia jêje ra. Ure eãte que equia mbia mo abe je ra. Cristo chimondo raque ure, echeë nenei nenei sacuã jêje. ⁷ Ureico turã ngue equia jêje ra. Sã esi mo ndiqui nguiirã nderequia turã, eí ure chõ ngue equia jêje ra. ⁸ Urechesequa tuchi quia jendese ra. Nyebe Dios cheë achõ eã uremee nguiã jêje. Mbae ja uremeese rete raque jêje.

⁹ Urechisaã saã ndese que jêingo mae tuchite ra, Seresenda. Ureico mose jendese. Mbae que uresaã saã mbeite quia ra. Ure ae chõ urechiurã ureisi is nguiã. Nyaashí mose achõ eã ngue ureico mbae raa naa nda. Itondaru mose ab e que ra. I nda je mbae jemondoã ure je. Ure Dios cheë nenei nenei mose jêje. ¹⁰ Jesús icuasa chõ jê cote re. Urecuata turãte que equia jêje ra. Jemae ngue equia urerese ra. Dios abe que mae nguia urerese ra. Ureico mose jendese. Ureico turãte que equia ra. Nyebe emo ñee icuã aroneate urerí. ¹¹ Jendu rã ngue ureico jêje resê. Sã emo ndiqui nguiirã mundua turã no. Sã emo ndiqui nguiirã mbucua turã no. Eí sí chõ ure re. Jemundua ndua. Jembucua turã nonde. ¹² Urechê tuchi que equia jêje. —Dios quiatu chõ jê cote re. Nyebe jêingo nguiã Dios mbia beite cote. Dios que jêirabo ra. Dios ra jenderecua tuchi cote. Dios ra uturã mee jêje, ure beite que equia jêje ra.

¹³ Gracias, ure bei equia Dios je jeni ã. Dios cheë nguiatu ngue jêisi turãte nguiã. Ure Dios cheë nenei nenei mose jêje, jêisi turã ngue ra. Mbia cheë na eã ngue Dios cheë jêje ra. Dios cheë ngue jemburã nda. Jê eisi mose. Gracias ure que Dios je, jê

echeē isi mose ra. ¹⁴Sā judíos icuā icuā Jesús quiato Judea jenda je no. Eī si chōchī mbia icuā icuā jēje no, Seresenda. Jē ji jenda chō eicuā icuā ndiqui nguiā jēje Jesús rīi ūquī. ¹⁵Judíos sí que Jesús iquia nandererecua ra. Sā Dios cheē mbuchecuaa iquia nyii no, eī sí que Jesús iquia no nda. Ure abe mombo no. Judíos icuā tuchi que ūquī nda. Ā eicuāte riqui Dios je ā. Mbia abe je eicuāte riqui ā no. Mbia ja je. ¹⁶—¿Mbaerā nda jēso Dios cheē nenei nenei Judíos eā je re? i que equia ure je ra. Ureriquisā quisā ndei que equia ra. Dios cheē ngue uresenei mbei bei chō judíos eā je ra. Dios erirō sacuā eicuā si. Judíos que urecheē siquisā quisā ño nguia ra. Judíos que huīcuā saā i i tuchi quia ra. Nyebe que Dios paama i tuchi ee cote ra. Dios ra embasi tuchi cote.

Sesose rete jendea

¹⁷Seresenda, ishote urecu jēsi a. Nyebe ureya eāte riqui nguiā jendese ā. Uremaese rete quia jendese ā. Urendua beite quia jendese ā. ¹⁸Uresose rete rei que equia jendea ra. —Taso erea, ae beite rei que se quia ra. Pablo rei se. Satanás que ureriquisā quisā ño nguia ra. ¹⁹⁻²⁰Jesucristo ra tu si nyebi nanderea. Seya tuchi aico eraarō arō a. Jē nguia uremombia mbia beite nguiā ūquī. Jēchī Jesús quiato. Nyebe ra ureya jendese Jesús tube mose. Ure Jesús cheē nenei nenei mose que jēisi turā nda. Nyebe ra Jesús ia tuchi urerese eru mose.

3

¹—Tairandu tuchi rā erese, ure tuchi que equia jeniī nda. Urendua ndua tuchi que equia jendese ra. Nyebe ure ae ureico nguiā Atenas. ²Nyebe que Timoteo amondo rei nguiā jendea. Jirandu sacuā jendese. Dios rimba tuchi que ae ra. Nanderesenda tuchi que ra. Cristo cheē turā nenei neneisa que ae ra. Ae que uremondo jendea jemundua ndua sacuā Jesús rese ra. ³Timoteo que amondo jendea ra. † nda jēhui eā Dios cheē si mbia icuā mose jēje. Mbia icuā tuchi que eriqui jēje ra. Nande je ja que eicuāte riqui ra. Jesús icuasate quia nande re. Nyebe mbia icuāte riqui nguiā nande je. ⁴Ureico que equia jendese nyii, aque mose que ureico rei ñee jēje resē. —Mbia icuā tuchi ra eriqui nande je, ure rei que equia jēje nyii resē. ¡Sā ngasē cote jē! ¡Sā mbia icuā icuā nande je cote jē! ⁵Nyebe seiranduse beite riqui nguiā jendese. Nyebe Timoteo amondo rei nguiā jendea. Ureirandu sacuā. —¡Quiatu Jesús quiato rea jē! Siqui bei rei equia Jesús rui reae. Aba mbūrī irisa embiicuā eā ndei reae. Dios cheē nandesenei ñoño eā ndei ee reae, ae que Timoteo mondo jendea ra.

⁶Ae que Timoteo tu jēsi cote ra. Ñee turāte que u jeniī nda. —Hue que echi Dios icua tuchi ra. Hue que echi nyesecua tuchi Dios rese ra. Nande abe rese que echi nduate huee ra. Eyayāte eriqui rei nanderese, i que Timoteo u urembiirandu jeniī nda. Ure abe ureyayāte riqui jendese ā. ⁷—Hue que echi Dios icua tuchi ra, i mose que ureya tuchi ra. Mbia icuāte raque ure je. Seresenda, jē urembiate quia ūquī. ⁸Ureya tuchite jendese, jēingo bei mose nandererecua rese. ⁹Dios urembia tuchite quia jendese co. Nyebe ureico nguiā gracias i ee co. ¹⁰Dios je que ureico ñee mbei ra. Nyaashī mosechō eā. Itondaru abe. —Paba, urererao rā mbia rea, ure bei que equia Dios je jeniī nda. † nda jembraaquiatu ji jēingo tuchi Dios rese.

¹¹Dios rei nanderu. Jesucristo rei nandererecua. Ūquī je ureico ñee tuchi ā. Urererao sacuā jendea. ¹²Sā nandererecua jembuchesequa tuchi jenyiese. Mbia ja rese. Sā ureico nyesecua tuchi jendese no. Eī jenyese si chō nguia nyesecua mbia rese jē abe no. ¹³† nda Cristo uquirācuā mee jēje. † nda Cristo jemingo icūe umbaerā tuchi. † nda jemingo turā mbei Dios rese. Jesucristo tu mose chee ibate si. Mbia ra ñee icuā aroneate jeniī cote. Ñee icuā aroneate ra Dios je jeniī. Jesucristo tu mose ra Dios mae jētūrā ndese. Jesucristo ra tube uquiato ja rese.

4

Jēingo turā, i Dios mbia je

¹Seresenda, tacheē tuchi jēje. Jesús cheē ngue uresenei senei tuchi quia jēje ra. Ūquī ndui chō jēingo turā ndei nguiā ūquī. Jēingo i i tuchi quiatu erui jē. † nda Dios ia tuchi jendese. Secheē ae eā ño ā nde. Jesucristo cheē ño ñene. ²Nandererecua tuchi chō Jesús re. Ae chō urembucheē nguiā jēje. Ae cheē si jēingo tesarei āte ūquī. ³Dios jemingo sete quia icūe umbaerā co. ¡Emo ninisi rese ra jēingochī jē! ¡Eru eā mo ndese abe ra jēingochī jē! ⁴¡Jeninisi ae rese chō jēingo! Jeninisi jendeco turā ño nguia. ⁵Dios icuasa reā ño mbia ninisi oseī oseī nguiā ūquī. ¡Eī jenyechī nda jē jē! ⁶¡Jenongue ra jembūrī irīchī eninisi rese jē! Ūquī naa naa mose ra Dios jembasi tuchi. Nyebe urecheē nguiā jēje nyii. ⁷—Jēingo turā icūe sembaerā, i que Dios nande je ra jē. —Jēingo icuā icuā, iā equia nande je co. ⁸¡Urecheē jēisi turā ño nguia jē! Jē urecheē isiā mose, eī jenyese chō nguiā Dios ucuayā. Urecheē achō eā ño uresenei senei nguiā jēje. Dios cheē ño ñene. Dios sí que Espiritu Turā mondo nande je ra. ⁹—Jenyesequa jenyiese, aeā nda jēje cote. ¿Mbaerā nda acheē jēje re? Dios que ñee jēje no. Nyebe jēingo nguiā nyesecua jenongue rese ūquī cote. ¹⁰Macedonia jenda rese

jëingo nyesecea ùquí. Jesús quiato rese. Jeyesecea i i tuchi jiri erese jê. ¹¹ Jëingo turã ño nguia jê! jêñimbecoteã ño nguia jembae rese jê! jêquiei quiei bei equia jê! Ûquí ñgue urecheê jêje nyii resê. ¹² Ûquí naa mose ra Jesús icuasa reã ñee turã turã jêje. Ûquí naa mose ra mbae tiã eã jêje no.

Jesús ra tu nyebi íbii

¹³ Mbia raaque rese taembiirandu rá. Í nda jëyayã eã mbia raaque rese. Jesús icuasa reã ñgue eyayã tuchite riqui mbia raaque rese ra. —Quera si na nye. Nandemae si na erese re, i eã ño Jesús icuasa reã nguia mbia raaque je ùquí. ¹⁴ Jesús que mano ndei nguia nyii. Quera si que ra. Nyebe ra Jesús icuasa raaque abe quera si. Sañi Jesús quera si no. Eí si ra Jesús icuasa raaque quera si no. Dios ra embuquera si. Jesús rese ra ecuaê. Ûquí nandeicuate quia ã. ¹⁵ Nandererecua Jesús cheê uresenei senei nguia jêje ã. Jesús ra tube íbii. Aque mose ra mano je rane nyoí erea. Ae nandereco nandeico ã nae, ùquí abe ra nyoí erui cote. ¹⁶ Cristo ra tu nguichi ibei si. Ererecua rá nda eru ñee mbia je. Angel nderecua ibatenda ra ñeemombo. Corneta abe ra pu i Dios mbae. Cristo nguichi mose íbii. Aque mose tuchi ra Cristo icuasa mano je quera si. Ûquí nane nda quera si. ¹⁷ Aquere ra nandereco rerao ùquí ndese cote. Ibeishí ni nda nandererao ja. Huee ra nandemae tuchi Cristo rese cote. Nandeico bei ra erese cote. ¹⁸ Á ndei Dios cheê ã. Jëñimundua ndua bei quia erese. Í nda jëya tuchi erese.

5

Jêquiche je na Jesús ru chã

¹—Aque mose ra Jesús ru, ae eã nda jêje, Seresenda. ² Isa chõ mbae mbuquiachãsa riqui nguia tu. Mbia ndua eã mose ra eru. Eí si ra Jesús u, mbia ndua eã mose erese. ³—Ureico turãt e quia ã ndesê, i ra mbia. Ajee tuchi ra Jesús ru aque mose. Mbia mbutiã nonde cote. Sã nanimbae rasi riqui tu ajee no nae, eí si tuchi ra Jesús u ajee. Emo nda oso chee eã. ⁴ Jê nguia jëingo ãte nguia itondaru ùquí, Seresenda. Jêaquiatuã eã ño jê nde. Jê nguia ra Jesús jembua eã u. Mbae mbuquiachãsa rá eã nda eru jêje. ⁵ Nyaashí na ño jëingo nguia jê ja ùquí. Itondaru rá eã ño nandeico nguia nande ã. ⁶ Nyebe nandechumumba rá mbei chõ nandeico nguia tesa. Mbia ataque quiarei uque bei. ⁷ Ae uque quia, ùquí ño uque nguia itondaru. Ae quiacua quiacua quia, ùquí ño quiacua nguia itondaru. ⁸ Nyaashí jenda chõ nande re. Nyebe nandechimbaaracua bei quiatu quia nande. Dios nandeicua tuchi quia nande. Nandechesecea tuchi quia erese nande. Dios ra nanderirõ tuchi mbae icuã ja si. Ûquí nandeicuate quia ã. Nyebe ra mbae

icuã ocoã nanderese. ⁹ Nandembasi sacua eã ñgue Dios nandeirabo ra. Nanderirõ sacua eicuã si chõ ñgue nandeirabo nguia. Jesucristo rii nda nanderirõ eicuã si. Jesucristo rei nandererecua. ¹⁰ Ae que mano nande je ra. Nandeico sacua erese. Tu ra nandererao siqui sacua erese. Nandereco siqui mose ra nandererao. Nanderaaque chi mose ra nandererao no. Eí ja chõ ñene. ¹¹ Á ndei Dios cheê ã. Jê ño jëñimundua ndua nguia erese ùquí. ¡Ùquí jësaã saã mbei quia jê!

Pablo embaaquiatu

¹² Jesús icuasa rerecua cheê nda jemumbachí, Seresenda. Jenderecuarã ño Dios emingo nguia. Jembaaquiatu quiatuchí equia ùquí. ¹³ Nyebe jëingo turã ño nguia ee. Jeyesecea tuchi quia erese. Jembaaquiatu quiatu sacua ño ùquí nde. Jëingo turã ño nguia jenyue! ¹⁴ Emo tomei mo siqui mose jendese, jemingo mbae mo ndese. Ae hui serí serite quia Dios cheê si nae, ùquí jemingobe erese. Ae equiracuã neate, ùquí jembiracuã. Jëingo mingue chõ nguia mbia ja je. ¹⁵ Mbia icuã mose jêje jêicuã eã ño ee jê! jëingo turã ño jenyue jê! jëingo turã ño mbia ja je no jê! ¹⁶ Jëya bei jëingo. ¹⁷ Jêñee ñee mbei quia Dios je jê! ¹⁸ Gracias, jenyue quia Dios je mbae ja rii. Ebi tuchi quiarei ùquí. Jesucristo icuasa chõ jê nde. ¹⁹ Espíritu Turã nda jëquisachí jê. ²⁰ Dios cheê mbuchecuaa cheê jëñandu turã ño nguia jê. ²¹—Ma ñee ñooñoa, jenyue tuchi quiatu eicua jê. Ñee ñooño eã mose, erui jëingo. ²² ¡Mbae icuã ja rese ra jëingochí jê!

²³ Aba mombiasa chõ Dios riqui nguia co. Sã ae si jemingo icuã umbaerã tuchi. Sã ae jemingo turã mbei. Jesucristo tu chee mose ibate si. Mbia ra ñee icuã aroneate jeni cote. ²⁴ Ûquí nda Dios saã ja jêje. Ae quiarei ichõñosa reã tuchi.

Pablo ñee hui bei

²⁵ Jêñee mbei quia Dios je urerí, Seresenda. ²⁶ Mbia nanderesenda jëquiaam a ama ja ure je hue jenda. ²⁷ Á sechimbesa jësenei ja rá nandenongue hue jenda je. —Jësenei na, i Cristo quia jêje co. ²⁸ Jesucristo rei nandererecua. Sã ae riqui siqui turã mbei jendese. Amén.

2

SEGUNDA CARTA DEL APOSTOL SAN PABLO A LOS TESALONICENSSES

Pablo chimbesa

¹ Pablo rei se. Silas riqi serese a. Timoteo abe no. Ureico ā mbesa jēje a, Tesalónica jenda. Jē nguia jeñumunua mbeite nguia Jesús je ũquí. Jesucristo icuasa chō jēingo nguia ũquí. Dios rei nanderu. Jesucristo rei nandererecua. ² Sā ũquí turā ndiqui jēje. Sā ũquí ndiqui jemombia bei.

Dios ra mbia icuā mbasi

³ Gracias, ure beite quia Dios je jeniū ā. Coche ureico nguia ñee Dios je jeniū. Jē nguia jēingo nguia Dios icua tuchite ũquí. Jē nguia jēingo nguia nyesequa tuchite jenyiese ũquí. ⁴ Nyebe ureico nguia ñee turāt e jeniū ā. Ae ñumunua nua nguia Dios je, ũquí ja urembiirandu turā nguia jendese ā. Jēingo minguet quia mbia icuā je ũquí. Jēingo Dios icua tuchite ũquí. Mbia icuāte riqi raque jēje. Mbia icuā mose jēje, jē jēturu riqi ee ũquí.

⁵ Sā Dios turā tuchi riqi no jē. Sā mbia mbuchecha turā no. Ae ra ñimbiracuāte quia mbia icuā icuā mose Jesús rī ee nae, ũquí je ra mbae turā mondo. Mbae ra emondo mbia chisaā turā ndibishorō. Mbia chisaā icuā abe ribishorō no. ⁶ Ae jembasi mbasi quia nae, Dios ra ũquí mbasi tuchi cote. ⁷ Jesucristo ra tu ibate si. I ra eu quia nyecua. Angel cuabē ndese ra eru. Jesús ra āngel quirācuā tuchi queru. Tata rendi rā nda Jesús ru. Eru mose ra mbia icuā icuā eā nande je cote. ⁸ Jesús tu mose ra Dios icuasa reā mbasi mbasi cote. Echeē turā mumba mumbasa ra embasi Dios cheē turā Jesucristo rī. ⁹ Jesús ra ucheē mumba mumbasa mbasi tuchi. Jesús ra emombo isho. Echeē mumba mumbasa ra siquā mbei Dios rese cote. Dios quirācuā ndese abe ra eriquā no. ¹⁰ ũquí nda Jesús saā ucheē mumba mumbasa je tu mose. Echiirabo quia ra ñee turā turā mbei erī eru mose. Eicuasa ra ñee turā turā mbei erī eru mose. Jē abe ra jēingo erese. Ure Dios cheē nenei mose, jēisi que ra. Nyebe ra jē abe jēingo erese eru mose. ¹¹ Nyebe ureico nguia ñee ñee mbei Dios je jeniū ā. Ae Dios bite nae, i nda ũquí jēsaā saā mbei quia. ũquí je que Dios “jenyu” i jēje ra. Mbae turā jēsaā saāse rete quia ũquí. Sā Dios uquirācuā mee jēje. Mbae turā naa naa nonde cote. Jesús icuasa chō jengu nguia huee. ¹² Jē mbae turā naa naa mose, mbia ra ñee turā turā Jesucristo rī. Jē abe rī nda Jesucristo mbia mbuchē turā turā. Dios quia eturāte riqi nguia nande je. Jesucristo abe eturāte nande je. Ae rei nandererecua.

Dios ucuāyāsa

¹ Jesucristo rei nandererecua. Ae ra tu nandemunua mbucha uchiese. ũquí ño asenei senei nguia jēje. ² —“Co Jesús ru quia co”, i que Pablo ra, ichōiño nda mbia serī jēje. Jeñanduchō ño ũquí mose. —Co Jesús ru quia co, ae eā se quia embesa jēje a. Mbia mo nda ñee ñooño jēje. —Jesús ra tu cote. Dios que sembiirandu ra, ichōiño nda jēje. ũquí jeñanduchō ño. ³ ¡Mbia ra ñee ñooño chí jembirī irī jē! Jesús rane nda tuā nguia. Mbia rane nda hui hui Dios si. Dios ucuāyāsa rane nda tu Jesús si. —Emo mose aque tambutiā, i que Dios aque rī nda. ⁴ Aque ra Dios resenda ucuāyā tuchi. Dios abe ucuāyā tuchi rae. Dios chuchúaa ra eñi ngoi mbia mbirī irī. —Se rei Dios, ichōiño nda hui mbia mbirī irī. ⁵ Seico mose jendese que asenei ja jēje ra. ¿Jētesareiā ndei equia secheē si re? ⁶ Dios ucuāyāsa ra tu emo mose. Eriquisā ji ae riqi nguia aque. Eriquisā iriā mose ra eru. Eriquisāsa jēicua quia ũquí. ⁷ Mbia Dios cheē mumba tuchi quia ā cote. Dios ucuāyāsa ra tuchō eā. Eriquisāsa iriā mose quia ra eru cote. ⁸ Nyecua tuchi ra u mbia je cote. Jesús ra tu erīcharā cote. Jesús nininya tuchi ra tu. Aque mose ra Dios ucuāyāsa iquia. ⁹ Satanás nda uquirācuā mondo Dios ucuāyāsa je. Dios ucuāyāsa mbuquirācuā sacua. Mbae icuā chumumbara tuchi ra equeru. Ñee ñooño nda u mbia je. Mbia mae sayā nda esaā saā u mbia mbirī irī sacua. ¹⁰ Dios ucuāyāsa icuā tuchi ra Jesús quiatoā je. Jesús quiatoā mbirī irī tuchi ra u. Jesús quiatoā nyesequa eā nguia Dios rese resē. Nyebe ra Dios ũquí ndiroā eicuā si. Dios ra uquiatoā mbutiā tuchi. ¹¹ Dios rese eriqui nyesequa eāte ā. Nyebe Dios aba mbirī irīsa mondo nguia ee. Nyebe eriqui nguia “ae beite”, i aba mbirī irīsa je. ¹² Nyebe ra Dios ñee tuchi Jesús icuasa reā je. Ae mbae icuā saā sete quia, ũquí je. —Jēso tata cuāsuu, i ra Dios ee.

Dios chiirabo rei jē

¹³ Seresenda, Jesubite jēingo ũquí. Gracias, ure bei quia Dios je jeniū a. Dios que jēirabo cose nyii ra. Jendirō sacua jēicua si. Espiritu Turā jemingo sacua icue. Jē ichōiñoa reā jēicua sacua. ũquí je chō ngue Dios jēirabo nguia. ¹⁴ Jesús cheē ngue ure-senei senei nguia jēje huee ra. Aque mose que Dios “jenyu” i jēje ra. Jembuquirācuā sacua Jesucristo quirācuā je. ¹⁵ Seresenda, jēhui jēhuichi nda esi jē! ¡Urecheē ndui jēingo bei jē! ¡Urechimbasa abe rui jēingo jē! ¹⁶ Dios rei nanderu. Ae quia rei eturā tuchi nande je. Ae quia rei nyesequa tuchi nanderese. Ae quia rei nandemombia mbiasa. Nandeya

tuchi nandeico Jesús raarō arō ã. Tube ra nyebi uquiato rea. ¹⁷ Sa Jesucristo riqui jemombia mbia bei. Dios abe no. Sã ũquí ndiqui tuchi jendese. Jêhui eã sacua echeê si. ¹ nda jeñee turã mbei quia querabe. ¹ nda jëingo bei mbae turã ndese querabe.

Jengatásaa abe no. ¹⁷ Pablo rei se. Se ae chō ã ambesa nguiã hui bei a. Sechimbesa ae chō ã nde. Sechimbesa jëicuate quia ũquí ndesê. Sembae letras. Se bei que ambesa quia hui bei ra. ¹⁸ Sã Jesucristo turã ndiqui bei jê ja je.

3

Jeñee Dios je

¹ Seresenda, jeñee mbei quia Dios je ure riã. ¹ nda isho ishonda Dios cheê andu ja. ¹ nda eandu chooño eã. ¹ nda eisi turã jê na si. ² ¹ nda Dios mbia icuã ndiquisã ure si. Mbia mi mii ño Dios icua nguiã ã. Mbia ja eã. ³ Nandererecua ñee ñooño eã nguiã co. Uquirãcuã nda emee jêje ucheê nguire. Mbae icuã nda esiquisã jêsi. ⁴ Urecheê ndui si chō jëingo nguiã ũquí. Ae uresenei senei nguia jêje, ũquí ndese ra Dios jemingo tuchi. ũquí ño aicua nguiã ã. ⁵ ¹ sã nandererecua siqui tuchi jendese jê! Jêirandu sacua Dios nyesecua rese nanderese. Jê abe jëingo mingue sacua Jesucristo rã si.

jJêtoite ra jëingochi jê!

⁶ Jesucristo cheê tuchi chō ã nde, Sere-senda. Jesús quiato mo tomei mose, jêhui chō esi. Jesús quiato siqui sereã mose mbae mo ndese, jêhui chō esi no. Jesús cheê tuchi chō ã nde. ⁷ Ure rã si chō jëingo. Uretomei ngue uresaã saã eãte quia jêje ra. ⁸ Jê mo ngue urembuquiaru chooño eãte quia resê. Mbae mo ño ngue uremondo mondo quia urechiurã ndibishorō ndesê. Urequei quiei beite que equia resê. Itondaru mose abe. Jê mbae mondochō eã sacua ure je. ⁹ —Mbae mo embu se, ureã mbei que equia jêje resê. Eturãte raque ũquí. Urequei quiei chō ngue equia urembaerã ndesê. Jembaaquiату sacua. Ure rã si jëingo sacua quiei quiei. ¹⁰ Ureico mose jendese que jaembiirandu rei resê. Ae quiei quiei sereãte quia, ũquí nda quiaruã. ¹¹ Ureirandu que jendese ra. Jêataque nda quiei quiei eã tuchi quia ra. Siqui chooñose tuchi nda equia ra. Uchuru mondo chooño ñee emo je. ¹² Sã ũquí ae riqui quiei quiei uchiurã ao sacua. Jesucristo cheê tuchi chō ã nde. Nandererecua tuchi chō a e re. ¹³ Seresenda, jmbae turã ndese chō jëingo bei jê! jJêhuichí nda esi jê!

¹⁴ A urecu urecheê mbesa mbesa emondo sacua jêje a. Jê mo urecheê mumba mumba mose, ũquí ndese jemaie tuchi. Jêhui chō ũquí si. ¹ nda irei irei jiri urecheê mumbare. ¹⁵ jŨquí nda jëucuaýa cuãyaçhi jê! jJeñee turã ño equia ee jê! jJembaaquiату quiату turã ño jê! Jendesenda chō ñene. Urecheê mumba mumbate raque.

Hui bei

¹⁶ Cristo rei aba mombiasa. ¹ sã ae riqui jemombia bei jê! Jëingo mose jenyuchúaa.

PRIMERA CARTA DEL APOSTOL SAN PABLO A TIMOTEO

Pablo embesa Timoteo je

¹ Pablo rei se. Jesucristo chimbaaquiatu, Jesucristo chimondo. Dios abe chimondo. Dios ae nanderirō nguiã nandeicuã si. Jesucristo chō nandesaarō arō nguiã ã. ² Aico ã mbesa ndeje a, Timoteo. Secheē nguire chō ereico nguiã Jesús icua aque. Nyebe aico nguiã seriirĩ i ndeje co. Dios rei nanderu. Jesucristo rei nandererecua. Sã ũquĩ turã mbei riqui ndeje. Sã ũquĩ ia eã mbei riqui nnderese. Sã ũquĩ nembia tuchi.

Emo ndiqui mbia mbaaquiatu icuã icuã ã, i Pablo

³ Sã acheē ndeje seso mose Macedonia no. “Efeso eico” ae que ndeje, huee bei chō eico. Ae ñee ñooño nguia mbia mbaaquiatu icuã icuã hue nae, ũquĩ ñee embutiba. ⁴ ũquĩ siqui bei quia mbia cheē ima nenei mbia je ũquĩ. ũquĩ siqui bei quia amei cose ndare nenei nenei mbia je ũquĩ no. ũquĩ ñee embutiba. ũquĩ ñee icuã icuãte quia ũquĩ. ũquĩ ñee ño mbia mbicuã icuã nguiã nyue. ũquĩ ñee nda aba mbaaquiatuã Dios riĩ. ũquĩ mose Dios icua aroneate. ⁵ Sã hue jenda turã mbei riqui Dios je jē. Sã hue jenda riqui ndua turã mbei jē. Sã hue jenda riqui Dios icua tuchi jē. Nyesequa tuchi nda nyiese cote chã. ⁶ Mbua hue jend a mo ndiqui tesarei Dios cheē si ũquĩ. Dios cheē abi abi. Ñee ñooño mbei equia nyue ũquĩ. ⁷ Moisés cheē ndese mbia tambaaquiatu, i raque equia ũquĩ. Moisés cheē icua rocoi. Eaquiatu rocoi. Echeeño ño ñene.

⁸ Dios que Moisés mbucheē turã mbia je ra. Mbua icuã je que embucheē nda. Mbua mundua sacuã huicuã ndese. ⁹ Mbua turã je eã ngue Dios Moisés mbucheē nguiã. Mbua turã je eã ngue Dios ley mii nguiã. Dios cheē mumbasa je chō ngue emii nguiã. Mbua icuã je. Dios quiatoã je. Mbua teã teã je. Usi ucuãyãsa je. Ngu abe ucuãyãsa je. Mbua iquiasa je. ¹⁰ Ucheē mumbasa je chō ngue Dios ley mii nguiã. Ae siqui quia emo ninisi rese, ũquĩ je. Ae eninisari saã saã nguia nguesenda mo je, ũquĩ je. Mbua rirõsa je abe no. Ñeeñoõsa je abe no. Ae eicuã icuãte riqui Dios cheē turã je, ũquĩ je abe no. ũquĩ ja je chō ngue Dios ley mii nguiã. ¹¹ Dios que ñee ucheē turã nii seje ra. —Secheē esenei senei mbia je, i que Dios seje ra.

Dios que uturã teacuquia seje ra, i Pablo

¹² “Coche ñene” ae se quia Jesucristo je co. Ae que seirabo ra. Ae que sembuquirãcuã nda. Ae que semondo ucheē nenei nenei

sacuã mbia je ra. ¹³ Seicuã tuchi raque ee nyii. Acheē icuã icuã ndei que se quia ee nyii ra. Equiato je abe que seicuã icuã ndiqui nyii ra. Se Jesús icuayã mose. Seaquiatuã mose. Nyebe Dios ia eãte riqui nguiã serese. Nyebe Dios seicuã mbutiã nguiã sesi cote. ¹⁴ Uturã ngue eteacuquia seje ra. Nguiirĩ ngue embuchecua seje ra. Nyebe aico nguiã Jesucristo icua co cote. Nyebe aico nguiã nyesequa Jesucristo rese co cote. ¹⁵ Jesucristo que tu ibii ra. Mbua icuã mbitirō sacua. Emingo bei nonde. Ichõña tuchi chō ã nde. Sã mbia “ae beite” i ja ã je. Seicuãte raque se quiatu mbia ja si. ¹⁶ Dios ia eãte que eriqui serese ra. Eroseĩ nguiatu tuchi que eriqui seje ra. Nyebe mbia riqui nguiã jirandu ja Dios roseĩ nguiatu rese. Sã Dios semingo bei se abe, i chee ra emo abe ñee ñee. Dios roseĩ nguiatu rese jirandu mose. ¹⁷ Sã mbia riqui ñee turã mbei Dios je. Ae mii ño mbia rerecua tuchi re. Ae mii ño siqui bei tuchi nguiã co. Ae mii ño ererecua nandemae sayã nde. Ae mii ño mbae icua tuchi nguiã. Amén. ¹⁸ Timoteo, seriirĩ na tuchi chō nde re. Dios cheē mbuchecuaa que sembiirandu nnderese nyii ra. Nyebe aico nguiã ñee tuchi ndeje ũquĩ ñee na si. Mbae icuã esiquisã quisã mbei chō nguia Jesús quiato si jē. ¹⁹ Dios eicua tuchi quia jē. Erendua ata atate chĩ nda jē. Mbae turã ndese chō eico. Emo emo ngue ndua choõño mbei quia ra. Mbae turã naa naa ndocoĩ. Nyebe eriqui nguiã siqui icuã icuã mbeite. Nyebe tesarei nguiã Dios cheē si cote. ²⁰ Eĩ ngue Himeneo nda. Alejandro abe no. Nyebe ngue amondo nguiã Satanás je. Ndua ndua sacua. Ñee icuã icuã eã sacua Dios riĩ.

2

Sã mbia ñee turã ja Dios je, i Pablo

¹ ã tacheē Jesús quiato ja je: Mbua ja riĩ jéingo bei ñee Dios je. ¹ nda Dios uturã mee mbia je. Gracias jenyje bei quia Dios je mbia ja riĩ. ² Ae ererecua nae, ũquĩ ja riĩ abe jéingo ñee mbei Dios je. Dios uturã mee sacuã ee. ũquĩ mose ra nandeico turã ja cote. ũquĩ mose ra nandeya bei nandeico cote. ũquĩ mose ra nandeico tuchi Dios rese cote. ³ ũquĩ mose ra Dios abe ia tuchi nanderese. Eicuã si mbia rirõsa chō ae re. ⁴ Dios mbia rirõ ja sete quia eicuã si co. Dios mbia mbaaquiatu quiatu sete quia co no. ⁵ Dios mii ño siqui nguiã co. Mbua que icha icha jate esi ra. Jesucristo mii ño siqui nguiã mbite re co. Mbua mbucha sacuã Dios rese. Mbua sí chō ae re. ⁶ Jesucristo que mano mbia icuã ndiquicharō sacuã nda. ũquĩ ndese que Dios mbia mbiirandu cote ra. ⁷ ũquĩ nii ngue Dios seirabo ra. Semondo que judíos eã je

embaaquiatu quiatu sacuã nda. Ūquĩ Dios icua sacuã ngue Dios cheẽ asenei senei ee ra. Ae bei. Acheẽ ñooñoa ño nguiã co.

⁸ Sã mbia ja riqiui ñee mbei Dios je. Sã o mumbate ñee Dios je. Sã eriqui turã ja. Sã paama iã mbei nyue. ⁹ Sã cuña abe riqiui siqui mingue. Sã eriqui ndua tuchi eã jiri huiãrao rese. Uachu riinda hui rese abe. Ua rese abe no. Lujo rese abe no. ¹⁰ Sã eriqui quiatu ndua Dios rese. Sã eriqui mbae turã naa naa mbia je. ¹¹ Sã cuña quiriiri chõ nguia mbia ñumunua mose. Sã eriqui nyiisaquia turã. Sã eriqui mingue. ¹² Mbã ñumunua nua mose, cuña mbia mbaaquiatu quiatu aroneate. Sã cuña mo ererecua raã naa eã ngu je. Sã eriqui chõ nguia quiriiri. ¹³ Adã nane nguiatu ngue Dios chao nguiã. Aquere quiatu ngue Eva ao nguiã cote. ¹⁴ Adã nane eã ngue Satanãs mbiiri iri nda. Eva rane nguiatu ngue re. Eva rane ngue mbae icua saã nyii ra. ¹⁵ Dios ra paama i bei eã cuña je. Nguiiri nderequia turã mose. Dios icua mose. Siqui tuchi mose Dios rese. Nyesequa mose mbia rese.

3

Sã Jesús quiato rerecua siqui turã

¹ Acheẽ ñooño eã ño se re. Jesús quiato reaquiato sacuã ño taico se, i mose emo, eturãte ūqui. ² Sã Jesús quiato rerecua riqiui siqui turã mbei. Mbã ñee eã sacuã ee. Sã ngüinisi mii ño nderequia. Sã eriqui ndua turã turã mbei. Sã earacua tuchi riqiui. Sã eriqui mbia isi turã turã mbia mo oso mose echuchuaa. Sã eriqui mbia mbaaquiatu quiatu aracua. ³ Sã eriqui quiacuayã. Sã eicua icua eã mbei riqiui emo je. Sã eriqui oo tuchiã mbae isiquia rese. Sã eriqui ico mingue. ⁴ Sã eriqui mbia uchuchua jenda rerequia turã. Sã eriqui nguiiri mbaaquiatu quiatu turã. Aba cheẽ mumbayã sacuã. ¹ nda eriiri eĩ ñooño eã mbia je. ⁵ Nguiiri ndea choõño mose, Dios quiato reaquiato turã aroneate. ⁶ Ae Jesús icua ramote nae, Jesús quiato rerecua aroneate ūqui. Ūqui mose ucuasu raã naa arõte. Eicuã arõte cote. Sã Satanãs abe ucuasu raã naa ñimbiicuã nonde no. ⁷ Sã Jesús quiato rerecua riqiui siqui turã mbei Jesús quiatoã abe je. ¹ nda diablo embiiri iri eã embiicuã. ¹ nda Jesús quiatoã ñee turã mbei eriã.

Sã diáconos siqui turã

⁸ Diáconos je abe tacheẽ. Sã diáconos abe siqui turã. Sã eriqui ucheẽ mbuchebiã mbae raã nonde. Sã eriqui quiacuayã. Sã eriqui oo tuchiã mbae isiquia rese. ⁹ Sã diáconos siqui eã tuchi mbae icuã mo ndese. Sã Dios mii ndese quiatu eriqui bei. Sã Dios icua tuchi. ¹⁰ Ae ra diácono nae, sã mbia mae na nguiatu erese nyii. Eturã mose mbia je, sã diácono ae cote. ¹¹ Sã diácono ninisi abe

riqui siqui turã mbia je. Sã mbia mbuchee ñee eã emo nii. Sã eriqui quiacuayã. Sã eriqui ucheẽ mbuchebiã mbae raã nonde. ¹² Sã diácono ngüinisi mii ño nderequia. Sã eriqui nguiiri nderequia turã. Uchuchua jenda ja abe no. ¹³ Diáconos mbae raã riqiui turã mbei mose, mbia ra eicua tuchi cote. Dios abe ra embuquirãcuã tuchi Jesucristo renei nenei sacuã mbia je.

Ae Dios saã nande je, ūqui aba icua ja aroneate raque

¹⁴ Seso jeise rete raque nderea. Seso eã moi ño aico nguiã co mbesa ndeje a. ¹⁵ Nde Jesús quiato rerecuarã irabo aquiato sacuã ño aico nguiã ã mbesa ndeje a. Iglesia jenda rerecua irabo sacuã. Dios reco mbae rei iglesia. Iglesia quia rei Dios cheẽ nderequia tuchi mbia ja je. ¹⁶ Ae Dios saã nguia nande je nae, ūqui aba icua ja aroneate raque:

Dios que tu mbiarã ibii ra. Jesús, i equia ee. “Eturã tuchi” i que Espiritu Turã eriã nda. Angeles abe que mae erese ra.

Ae Jesús quiato nae, ūqui ngue esenei senei mbia ataque je ra.

Mbia mangue choõñoa jenda ja que eicua ra. Aquere que Dios equeraobe ibate cote ra.

4

Mbia ra hui hui Dios cheẽ si

¹ Espiritu Turã ndiqui ñee co: Mbae ua ja nonde ra mbia hui hui tuchi Dios si. Aba mbiiri iriã rese ra mbia riqiui tuchi. Ūqui nda mbia mbaaquiatu icuã icuã aba checuayã icuã na. ² Ae uturã saã saã nguia nae, ūqui ndui rui ra mbia riqiui. Ae ñee ñooño nguia nae, ūqui ndui rui ra mbia riqiui no. Ūqui siqui beite mbae icuã ndese ūqui. Nyebe eriqui nguiã mbae turã icuayãte chee cote. ³ Ūqui nda mbia mbaaquiatu icuã icuã. Jeninisirã nda jendecoã. Jendurã abe ra jendecoã no, i ra equia ñee mbia je. — Mbae ra jëu chooñochi jë, i ra equia mbia mbaaquiatu icuã icuã. Dios mbae chao ja raque mbia chiurã. — Sã sequiato mbae ja u, gracias ire seje, i que Dios ra. ⁴ Dios chao mbae turã ja. Mbae nandeiã teã teã eã ño nguia echiao. Mbae nandeu turã ja chõ nguia. Gracias nande bei chõ nguia Dios je. ⁵ Dios cheẽ nguire mbae turã ja riqiui nandechiurã ã. Nande “gracias” i mose Dios je, mbae turã ja chõ eriqui nguiã nande je.

Jesús quiato rerecua turã

⁶ ã secheẽ esenei senei mbei quia Dios quiato je, Timoteo. Nde mbia mbaaquiatu turã turã mose. Dios rimba turã tuchi ra nde cote. Jesús cheẽ ndui ra ereico tuchi cote. Dios ra ereicua tuchi cote. Sã ereico beite erese co no. ⁷ Mbã cheẽ ñooño je cheẽ ndese ra erechiisaquiachã jë. Echimbirãcuã tuchi quiatu quia siqui Dios

rese jê. ⁸ Nanderete quirăcua mose, eturăte raque. Nandeico mose Jesús rese, ũqui nguiatu etură tuchi nanderete quirăcua si re. Achô eă nandeico Jesús rese. Ibate abe quiatu nandeico erese. ⁹ Acheê ñooño eă ño se re. Să mbia “ae beite” i ja secheê je. Dios cheê ño ñene. ¹⁰ Dios cheê nii ño ureico nguiă quicoi coi ă. Dios cheê nii ño ureico nguiă ñimbirăcua mbae ja rese ă. Dios reco quiatu ureicuate nguiă ă. Ae que mano mbia ja je ra. Ae eicuate quia nae, ũqui nda emingo bei.

¹¹ Ă esenei senei mbei quia mbia je. Mbia Dios cheê mumbayă sacua. ¹² Să mbia ndecheê andu tură. Amei eă ndaque nde. Mbae tură esaă saă nguia Jesús quiato răsaa. ũqui siqui tură sacua nde ră si. Echeê tură mbei quia mbia je. Eico tură mbei quia mbae tură ndese. Echesequa tuchi quia mbia rese. Dios eicua tuchi quia. Mbae icua ndese ra eremae mae jirichî. ¹³ Mbiambaaquiati quiatu bei quia seso mose chee nderea. Dios cheê esenei senei mbei quia leer i ee. ¹⁴ Jesús quiato rerecua o chono mose ndearô, aque mose que Dios nembraacua tuchi ra. —Ă esaă, i que ndeje ra. ũqui si ra eretesareichî. ¹⁵ ũqui ndese eico bei. Endua ndua bei quia erese. ũqui mose ra Dios erēcua i i tuchi. Mbiam jirandu ja nderese. ¹⁶ Emae ño nguia nde ae ndechiese. Echicuasê cuasê ño nguia mbae icua si. Ae eresenei senei nguia mbia je Dios cheê nae, ũqui emumbayă ño nguia nde abe. ũqui mose ra Dios nemingo tură tuchi. Ndecheê andusa abe ra emingo tură tuchi.

5

Jesús quiato siqui tură sacua

¹ Ereceê icua icuăchî nda amei je nde embaaquiati quiatu mose jê. Amei embaaquiati tură tură ño nguiă jê. Nderu esaă ño nguia siqui tură ee. Ndenongue ră ño eico mbia yasu je no.

² Ndesi esaă ño nguia ari je jê. Ndenongue esaă ño nguia ubichô nyucuaaque rese jê. Endua icua icua eă ño nguia erîi jê. ³ Eru cheecha mo mbae eă mose, să Jesús quiato riqui mbae mo mee mee ee. ⁴ Eriirî tiarô mose, să aque chô mbae mee mee mbei quia usi je. Eriirî nducucha mose, să aque chô mbae mee mee ee no. Ngu abe je. Umumbosaja je. ũqui Dios bite. ⁵ Să eru cheecha mo ae riqui no. Să embae eăte riqui no. Ae ndua ndua bei mose Dios rese, ñee mbei mose Dios je, să Dios quiato riqui mbae mee mee mbei ee. ⁶ Ae ebite nae, ũqui ndese achô eru cheecha mo siqui mose, eicuăte ũqui. Eraaque ră ño aque riqui nguiă. Eresco siqui raque. ⁷ Ă esenei senei nguia mbia Jesús quiato hue jenda je. † nda mbia ñee icua eă erîi. ⁸ Emo ndua eă mose usi rese, ngu abe

rese, eicuăte ũqui. Mbae mee mee eă mose ee, eicuăte ũqui. ũqui siqui ăte quia Dios rese ũqui. Eicuă tuchi chô ũqui Dios quiatoă si re.

⁹ Ari eru cheecha je inscribir jenyje ră mambii. Ae sesenta años eăte nae, ũqui je inscribir jenyje eă. Ae eru ata nyii nae, ũqui je inscribir jenyje eă no. Ae eru mii nyii nae, ũqui mii je chô inscribir jenyje. ¹⁰ Ae ari tură aba chăcuate nae, ũqui achô je chô inscribir jenyje. Ae ari nguiirî mbutiarô tură mbeite quia nae. Ae ari mbia isi turăte quia uchuchuaa nae. Ae ari mbae tură saă saă mbeite quia Jesús quiato je nae. Ae ari erasi teaquiati tură mbeite quia nae. Ae ari siqui beite quia mbae tură ndese nae. ũqui ari je chô inscribir jenyje. ¹¹ Eru cheecha ari eă mose, ũqui je inscribir jenyje eă. ũqui nyao arondete Cristo si. Ae ebite, ũqui achô ndese ndua mose. —Serură mo tateabe, i ra cote. ¹² ũqui mose ra Dios paama i ee. Ucheê mbuchebi chô nguiă ngu rea mose cote. ¹³ Eru cheecha ari eă mose, siqui eă arôte mbae mo ndese. Tuchua embuchesea sea chooño arôte. Mbiam mbuchê ñee ñooño arôte emo nii. Uchuru rerequia chooño eă arôte. ¹⁴ Nyebe aico nguiă ñee eru cheecha, ae ari eăte, ũqui je. Să ngură mo ndea. Să tiirî. Să eriqui mbae tură naa naa mbei uchuchuaa. ũqui mose ra Jesús quiatoă ñee eă ee cote. ¹⁵ Emo emo ngue nyao Dios si cote ra. Satanăs ndese eriqui ă cote. ¹⁶ Să Jesús quiato riqui mbae mee mee uchari eru cheecha je. Usi abe je eru cheecha mose. Iglesia mbae mee mee eă sacua ee. Ae eru cheecha eriiriate nae, ũqui je quiatu iglesia mbae mee mee.

¹⁷ Jesús quiato rerecua mbae saă tură tură mbei mose, să mbia ia tuchi riqui erese. Dios cheê nenei nenei tură mose, să Jesús quiato riqui mbae mee mee mbei ee. ¹⁸ Să embesaja i riqui ñee no: “Emo nimba ticuas mbae usi raă mose, echuru ra jenyatichî mbae mo je jê. Să ae ae si quia quiaru quiaru”, i que embesaja i ra. “Ae quie quie quia emo je nae, să echa mbae isiquia mo mee ee”, i que embesaja i ra. ¹⁹—Jesús quiato rerecua que mbae icua saă nda, i mose emo, echeê nda jeñanduchî, ae mii ñee mose. Nyeremo ñee mose, ũqui ñee ñooñoa arôte cote. ²⁰ Jesús quiato rerecua mo siqui siqui bei mose mbae icua ndese, echeê asi asi ee Jesús quiato ataque răsaa. † nda ũqui abe siquiche mbae icua naa naa eă. ²¹ Eê ere chô Jesús quiato rerecua je, siqui mose mbae icua ndese. Ndequiatote raque. Echeê asi ee. Aico ñee ndeje Diosa a. Jesucristo sa abe no. Angeles Dios rimba sa abe no. ²² Jesús quiato rerecuară nda eremii jeichî jê. Emae nguiatu tură na erese nyii. Emii je mose, eicuă arôte emo mose. —Eremii jeichî ngue nyii ra, i ra mbia ñee ndeje cote. Mbae tură

ndese chõ eico nde abe.

²³ I achõ nda erembeichĩ jẽ. Uva rique rasi ñetẽ abe embei mbei quia nderie rasi mose jẽ.

²⁴ Emo emo nyisaã mbae icuã nyecuate riqui nande je ã. Emo nyisaã icuã ndese quia nandeico nguiã mae ãte namo. Dios eicuã mbasi mose, aque mose ramo nda nandemae ùqui nyisaã icuã ndese cote. ²⁵ Eĩ si chõ mbia chisaã turã no nde. Emo emo nyisaã mbae turã nyecuate riqui nande je ã. Emo nyisaã turã ndese quia nandeico nguiã mae ãte raque ã no. Echisaã turã nda nyecua ja chee nande je cote.

6

¹ Ae Jesús quiato ererecua rimba mo nae, sã ùqui ndiqui nguerecua cheẽ mumbayã tuchi. Sã eriqui turã nguerecua je. Eĩ mose ra mbia ñee icuã eã Dios cheẽ nii cote. ² Timoteo, mbia rimba embaaquiato quiato quia. ã echeẽ ee. —Jenderecua Jesús quiato mose, echeẽ jemumbayã ño nguia mbae raã turã turã ee. “Jesús rimba ja chõ nande re” jenyechĩ nda jenderecua ucuayã cuayã jẽ. Jenderecua Jesús quiato mose, mbae jẽsaã turã tuchi quiato quia ee. Jẽngo turã tuchi chõ nguia ee, ere ererecua rimba je ñee.

Nandendua tuchiã jiri quiato quia mbae isiquia rese

³ ã ndei Jesucristo cheẽ tuchi ã. Emo siqui mose ã ndui, siqui turã nda Dios rã si. Emo mbia mbaaquiato quiato mose ã abi, Dios cheẽ ndui eã ño ùqui ndiqui nguiã.

⁴ Ucuasu raã naa ño nguiã ùqui. Ñee tuchi beite equia ùqui. Eaquiatu rocoĩ. Mbia mbiiacuã icuãte equia ùqui. Mbia mbucheẽ icuã icuãte equia nyue ùqui. Mbia mumae icuã icuãte equia nyiese ùqui. ⁵ Ndua icuã icuã mbeite equia ñee turã ndocoĩ ùqui. Eicuã icuã mbeite riqui emo je ùqui. — Mbia ra mbae isiquia mee seje, se Dios cheẽ nenei nenei mose ee, i beite equia ùqui. ùqui ndese eicoã tuchi, Timoteo.

⁶ Nandeico mose Dios rui, ae ae ra nandembia nandembae mii ndese. ⁷ Mbae mo ngue nanderuãte nandechaacuquia mose ra. Eĩ nande si ra nandemano mose mbae mo nderao eã no. ⁸ Nandechiurã nandereco mose, nanderao abe nandereco mose, nandeya chõ nandeico ùqui ndese.

⁹ Ae “mbaecha tuchi ra se” i bei quia ndua ndua, ùqui nda nimbirãcuã eã mbae icuã si. Mbae icuã tã i mose ee, mbae icuã nda esaã jei. Mbae Isiquia quiato ebi tuchite riqui nguiã. Echioseĩ oseĩ icuã nda equerao chee tata cuãsuu. ¹⁰ Ae ndua beite quia mbae isiquia rese, ùqui mbae icuã saã ja arondete. Emo emo ndiqui ndua tuchi mbae isiquia rese ã. Nyebe eriqui nguiã hui Dios si ã. Nyebe eya eã ndasi tuchi riqui nguiã ã.

Dios eicua tuchi, i Pablo ñee Timoteo je

¹¹ Eĩ erechĩ nda nde, Timoteo. Dios rimba tuchi chõ nde re. Mbae turã ndese bei eico. Dios rã mbei chõ eico. Dios eicua bei chõ nguia. Echesecua bei chõ nguia mbia rese. Eico mingue chõ nguia. Ndecuasua ra ersaã saãchĩ nguia jẽ. ¹² Echimbirãcuã tuchi quiato quia Dios cheẽ ndese jẽ. Aba mingo beisa rese quia eico tuchi jẽ. Ae quia ngue ndeirabo nguiã nyii. Sã erecheẽ turãte mbia rãsaã nyii no. —Dios riqui semingo beite co, ere que equia nyii. ùqui ndese bei chõ eico. ¹³ Dios ae chõ mbae mingo ja nguiã co. Erãsaã tacheẽ ndeje. Jesucristo rãsaã abe tacheẽ ndeje. Sã Jesucristo siquicheã ñee Poncio Pilato je no. ¹⁴ Ae rii Dios ñee ndeje nae, ùqui emumbayã ja chõ nguia eraã turã. Jesucristo tu mose chee eico echeẽ mumbayã mbei. I nda emo ñee eã ndeje. ¹⁵ Dios quia rei equirãcuã tuchi mbia mo si. Ae quia ererecua tuchi mbia mo si re. Emo mose ra Dios “Jesucristo tamondo ìbi mbia rea” i. Aque mose ra Jesucristo nyecua tuchi mbia je. ¹⁶ Dios mii nda manoa. Ae mii ño siqui bei nguiã nyaashĩ na co. Mbia mo nda esichã eã. Mbia mo mae eãte erese emo mose. Emo nda mae eã mbei erese. Sã mbia ñee turã mbei quia erĩ. Sã eriqui ñee turã mbei equirãcuã nii. Amén.

¹⁷ Ae mbaechate nae, ùqui je echeẽ. Sã ucuasu raã naa eã. Sã eya siquiã umbae mii ndese. Embae ra ua emo mose. Sã Dios rese quiato eya riqui. Ae mii ño mbae mee nguiã nande je. ¹⁸ Echeẽ mbaecha je. —Mbae turã jẽsaã saã mbei quia jembae je jẽ. Jẽngo turã jiri quia mbaecha reã je. Abei chiãte ra jẽngochĩ jẽ, ere mbaecha mbaaquiato quiato. ¹⁹ ùqui naa naa mose ra Dios mbae mee tuchi ee ibate. ùqui naa naa mose ra siqui turã tuchi no.

Pablo ñee hui bei Timoteo je

²⁰ Timoteo, ae rii Dios ñee ndeje, ùqui emumbayã mbei quia. Mbia ñee ñooño mose nyue, nde abe ra erecheẽchĩ. ùqui ñee aba mundua turã eã ño nguiã. Uaquiato raã naasa chõ ùqui nde. ²¹ Dios cheẽ abi chõ eriqui nguiã ùqui naa naa ùuuuuu uuuuqĩ. Dios icuasa reã ño ùqui nde. Sã Dios turã ndiqui bei ndeje. mén.

SEGUNDA CARTA DEL APOSTOL SAN PABLO A TIMOTEO

Pablo embesa Timoteo je

¹ Pablo rei se. Jesucristo chimbaaquiatu rei se. Dios que semondo mbia mbaaquiatu quiatu sacua nda. —Jesucristo icuasa ra siqui bei, i sacua ngue Dios semondo mbia je ra. ² Aico a mbesa ndeje a, Timoteo. Sechee nguire cho ereico nguia Jesus icua aque. Nyebe aico nguia seriiri i ndeje co. Dios rei nanderu. Jesucristo rei nandererecua. Sa uqui turã mbei riqui ndeje. Sa uqui ia eã mbei riqui nderese. Sa uqui nembia tuchi.

Pablo Dios oseiquia Timoteo je

³ Gracias, ae bei se quia nderi Dios je co. Aico turãte quia Dios je co. Seramei ja ra si. Senduasa tuchi Dios riqui co. Nderi aico ñee mbeite Dios je co. Nyaashi mose. Isa abe. ⁴ Anduate quia nderese co. Achimbiate ra nda mae nderese cha. Erecheseote que nandechao ramo mose nandechesi ra. ⁵ Ereico Dios icua tuchite aque. Ndesi ra si Eunice. Ndechari abe ra si Loida. Uqui ngue Dios icua tuchite quia ra. Ei ere si quia Dios icua tuchite nde abe aque. ⁶ Nyebe aico nguia ñee ndeje a. Seo achono nguia ndearo nae, aque mose que Dios nembraacua tuchi ra. Ndearacua eico bei Dios chee ndese. Dios chee nenei nenei mbia je. ⁷ Dios siquiã nguia nandembu siquiche mbia si a. Dios nandembiracuãte quia a. Dios nandembuchesequã quia mbia rese a no. Dios nandembaaracuate quia a no.

⁸ Dios quiracuã ndese eico bei. Uqui mose ra ereirei irei eã Jesus renei nenei mbia je. Uqui mose ra ereirei irei eã setarõ ji si. A setarõ ji ñi Jesús riã a. Mbia icua icua mose ndeje Jesús riã, echimbiracuã ño. Dios ra nembiracuã. Sa sembiracuã no. ⁹ Dios quiatu ngue nanderirõ nguia nandeicuã si. Dios que nandembuturã mingo icue umbaerã nda. Nandeturã je eã ngue nandemingo nguia icue umbaerã. Nduate quiatu nguia nanderese. Mbae ao ja nonde que nduate nanderese ra. Jesucristo riã ño ngue Dios riqui nguia nyese-cua nanderese. ¹⁰ Nyebe Jesucristo mondo nguia nanderirõ sacua nandeicuã si. Nyebe nandeico nguia ñee: —Dios nyesequã nanderese, i cote. Jesucristo que nandembusiquicheã u nandemano si ra. Ae riqui nandemingo bei co. Ae riqui uchee isiquia mingo bei co. Jesucristo tu mose que nandembuirandu ja uqui ndese ra. ¹¹ Uchee turã nenei nenei sacua ngue Dios seirabo ra. Semondo que mbia mbaaquiatu quiatu ra. Mbiamangue choõña jenda ja mbaaquiatu

quiatu. ¹² Uqui je cho mbia riqui nguia mbae rasi raanguquia tuchi seje co. Airei irei eãte quia Dios si co. Dios aicuate quia co. Sereco que amee tuchi ee ra. Ae ra sereco teaquiato bei seje. Jesucristo tube chee mose. ¹³ Arembaaquiato turãte que se, uqui ndui eico bei. Dios eicua bei quia Jesucristo riã. Mbiamrese echesequa bei quia Jesucristo riã. ¹⁴ Ae riã Dios ñee ndeje nae, nembraacua equia nae, uqui ndese eico tuchi. Espiritu Turã nda nembesari eã. Eriqui tuchite nandechiangui re co.

¹⁵ Ereirandu que Asia jenda serecha rese ra. Figelo. Hermógenes. Uqui ngue hui ja sesi ra. ¹⁶ Onesiforo quiatu que tuutu quia serea sembia ra. Irei irei eãte que equia setarõ ji si ra. Sa Dios turã mbeite riqui ee. Echuchua jenda ja abe je. ¹⁷ Tu mose aa Rómaa que serequia tuchi ra. Ngasẽ nyee que seje ra. ¹⁸ Efeso seico mose abe que eriqui tuchite serese ra. Serese que eriqui Dios chee nenei nenei nda. A ereicuate quia aque. Sa Dios mbae turã tuchi mondo ee Jesús tu mose.

2

Mbae esaã saã tuchi quia Jesús je, i Pablo Timoteo je

¹ Seriiri naate nde, Timoteo. Jesucristo quiracuã ndese eico ñimbucha tuchi. ² Arembaaquiato quiatu que se mbia resaa, uqui esenei senei tuchi quia mbia je. Mbiamndua je sechee esenei senei. Uqui nda esenei senei emo je no ña. ³ Mbae rasi tu mose ndeje, echimbiracuã ño. Soldado ra ño eico ñimbiracuã. Jesús rimba turã ño eico. ⁴ Jesús rimba cho nde re. Echee emumbayã mbei cho nguia. Mbae mo ndese ra erendua nduachi. Ndererecua mi ndese endua bei. ⁵ Sa deporte no. Emo nda ganar i eã, nguerecua chee mumba mose. ⁶ Sa emo ndiqui quie quie tuchi ucoo no. Aque mbae tubirã tuchi rae. Ei ere si quiatu mbae raã naa tuchi Jesús je. ⁷ Ae ambesa mbesa quia ndeje a, a ndese endua tuchi. Dios ra embuchecua tuchi ndeje.

⁸ Endua tuchi quia Jesucristo rese. Quera si que manonde ra. Mbiate raque. David rucucha raque. Quera si que manonde ra. Uqui asenei senei nguia mbia je co. ⁹ Uqui je cho mbia riqui nguia mbae rasi raanguquia tuchi seje a. Uqui mi ño setarõ mi nguia a. Se mbia iquiare rocoi nyii setarõ tarõ. Se cho setarõ ndaque. Dios chee nguia etarõ aroneate re. ¹⁰ Coche mbia icua ndiqui nguia seje. I nda Dios chiirabo Dios chee isi bei cote. I nda Dios emingo bei cote. I nda uqui siqui bei ibate Jesucristo rese cote. ¹¹ Ñee ñoõña tuchi cho mbia chee a nde: Nandemano ngue Jesucristo rese ra. Nyebe ra nandeico bei erese cote.

¹² Cristo rĩ mbae rasi nandesã saã mose, Cristo ra nandem# ererecuarã, ererecu tuchi mose ae.

“Cristo aicuayãte” nande i mose, Cristo abe ra ñee nande je.

“Se abe jaëicuayãte” i ra nande je.

¹³ Nandechẽẽ iru raque ra nande, Dios quia ra ñee iru eã mbei.

Dios quia ra ucheẽ mbuchebi aroneate nande je, i que embesa ji ra.

Ndeico tuchi mose Dios rese, ereireĩ ereĩ eã ndae

¹⁴ Ñ ndese mbia hue jenda embaaquiatu quiatu tuchi. Díosaa embaaquiatu quiatu tuchi. Ñee icuã icuã eã nda nyue chã. Ñee icuã icuã mose, emingo turã eã nyiese chõ ùqui nde. Mbae turã si embui chõ ùqui no nde. ¹⁵ Equieĩ quieĩ tuchi chõ nguia Dios je jẽ. I nda Dios “coche ñene” i ndeje. Sã emo ndiqui quieĩ quieĩ turãte nguerecu je no. Eireĩ nguãte ra nguerecu si cote. Eĩ ere si chõ nguia Dios cheẽ nenei mbia je. Dios cheẽ abi abia. ¹⁶ Ae uchuru mondo chooñote quia nae, ùqui ndese eicoã. Ùqui ndiqui isho i ite Dios si ùqui. ¹⁷ Ùqui ñee mbuchei i ite echoi quia qui. Sã mbae rasi riqui oso i ite no. Eĩ si chõ Himeneo nguã ùqui. Fileto rese. ¹⁸ Ùqui ndiqui ñee Dios cheẽ abi abi tuchi ùqui. —Mbia rete raaque ra quera si eã, i chõño mbei equia ùqui. Nyebe eriqui nguã mbia mbui mbuite Dios si ùqui. ¹⁹ Sita cuasu mo na ndei Dios cheẽ. Embuquiata aronea. Aque ñi mbei chõ nda echĩ. Eĩ si chõ Dios cheẽ nande je no nde. Dios cheẽ ño ña nde: “Dios riqui nguĩmba icua jate ã,” i que ra. Co abe rei Dios cheẽ co: “Ae ‘Dios rimba rei se’ i quia nae, sã ùqui ndiqui nyao ja mbae icuã si”, i que ra.

²⁰ Sã mbae riru chumumarate riqui mbaecha mo nyuchúaa no. Sã oro ao ji riqui emo no. Sã plata ao ji emo no. Sã ira ao ji emo no. Sã tuchu ao ji emo no. Emo emo ndei iti mombo sacuã no. Emo emo mbae turã ndirurã no. ²¹ Sã Jesús quiato riqui mbae turã ndirurã na. Sã eriqui icúe bei Dios mbaerã. Sã nyao tuchi mbae icuã si. Ùqui mose ra Jesús ia tuchi erese. ²² Ae icuã acuanandu chosẽi quia nae, ùqui si ehui chõ jẽ. Eico turã ño Dios icha rui jẽ. Dios eicua tuchi chõ nguia jẽ. Echesequa tuchi chõ nguia mbia rese jẽ. Echĩmbia chõ nguia mbia rese jẽ. Eĩ ño Jesús quiato nguã siqui turã nyiese ã, echĩã quishĩ ja mose. ²³ Mbia uchuru mondo chooño mose ñee nyue, nde abechĩ nda jẽ. Mbia mb#cuã sacuã ño ùqui nde. ²⁴ Dios rimba quia mbia mb#cuã aroneate re. Eturã tuchite quia mbia ja je re. Mbia mbaaquiatu quiatu turãte quia ñene. Siqui mingüete quia mbia je re. ²⁵ Ae Dios cheẽ isi teã teã, ùqui nda

embaaquiatu quiatu mingue quia. Ùqui ñi nda ñee ñee Dios je. Dios emundua si sacuã. Dios cheẽ isi turã sacuã. ²⁶ I nda echoi oso chee uchã diablo si, ndua si mose Dios cheẽ ndese. Diablo quia eisite nguã co. — Ñ eã saã jẽ, i beite diablo quia ee co.

3

Mbia ireĩ nguãte ra mbae icuã naa i i

¹ Jesús quiato ra mbae rasi saã tuchi Jesús tu serĩ mose. Ùqui eicua quiatu tuchi, Timoteo. ² Umbae ae ae rese ra mbia ndua cote. Mbae isiquia m#i ndese chõ nda mbia riqui ndua ndua cote. Mbia ra ucuasu saã saã tuchi. Ñee icuã icuã mbei ra equia emo ñi. Mbia ra ngu cheẽ mumba mumba tuchi. Usi cheẽ abe no. Mbia ra gracias iã tuchi nyue aque mose. Siqui sereã tuchi ra Dios rese. ³ Mbia ia eã eã nda emo ndese. Ñimbuturã sereã tuchi ra emo je. Emo nda embuqueta queta bei quia. Hui aroneãte ra mbae icuã si. Nyaba nyaba reã tuchi rae. Mbae turã nda eucuayã tuchi. ⁴ Mbia ra embuchee ñee ngõngue rĩ. Mbia ra mbae i ñooño. Mbia ra uaquiatu saã ñooño. Ubi achõ ndese ra eriqui. Siqui rocoĩ Dios bi rese. ⁵ Dios quiato ra mbia saã ñooño. Dios quirãcuã icua rocoĩ. Ùqui mbia icuã si echao tuchi, Timoteo. ⁶ Ùqui mo ndiqui ique ique emo nyuchua ã. Cuña aquiatuã mb#rĩ irĩ. Ae ndua ndua beite quia hu#cuã ndese cuña nae, ùqui mb#rĩ irĩ. Ùqui cuña ndiqui uchiosẽi raã naa mbei mbae icuã ùqui. ⁷ Ùqui cuña ndiqui “tachĩmbaquiatu” i beite raque ùqui. Ñimbaaquiatu aroneate Dios cheẽ ndese. ⁸ Sã brujos Moisés cheẽ mumba no. Janes, i equia ee. Jambres abe no. Eĩ si chõ cuña mb#rĩ irĩsa nguã Dios cheẽ mumba mumba ùqui. Ndua aquiatuã je chõ ùqui nde. Ùqui ndiqui emo mingo aroneate Dios cheẽ ndese ùqui. ⁹ Mbia ra siqui eã ùqui ñee ndui cote. Mbia ra “eaquiatauã” i chee erĩ. Sã “eaquiatauã” i chee Moisés cheẽ mumbasa rĩ brujos no.

Jesús quiato ra mbae rasi saã, i Pablo

¹⁰ Ereico turãte que se rã si ra, Timoteo. Dios cheẽ ngue eresenei senei nguia se rã si ra. Ae asaã saã nguia Dios je nae, ùqui ngue eresaã saã nguia nde abe ra. Ae “tasaã Jesús je” ae quia co nae, nde abe eresaã saã turã nguia aque. Dios ereicua tuchite se rã si. Ereico mingüete equia aque. Erchesequeta equia mbia rese aque. ¹¹ Ereico turãte que equia mbia icuã icuã mose ndeje ra. Sã mbia icuãte riqui seje Antioquíaa no. Icónioo abe. Lístaa abe. Sã ñi aico mbae rasi raã tuchi huee no. Dios que sereaquiato ùqui si ra. ¹² Ae siquise rete quia Jesucristo rese nae, ùqui nda mbae rasi saã tuchi. Mbia icuã icuã tuchi ra ee. ¹³ Ae icuã icuãte riqui

Dios je nae, ũquí nguia ra eicuã i i tuchi cote. Ae mbia mbĩĩĩ irĩ nguia nae, ũquí ngui a ra mbia mbĩĩĩ i i tuchi cote. Nĩmbĩĩĩ i i tuchi ra equia no. ¹⁴Nde chõ eico tuchi Dios cheẽ ndese. Ae rese erechimbaaquiatsu nae, ũquí ndese eico tuchi. —Ichoĩñoa tuchi que ã nda, erete equia eicua aque. Nembaaquiatusa abe ereicuate quia aque. ¹⁵Ndeñetẽ mosenda bei chõ ereico nguã Dios cheẽ icua aque. Dios cheẽ nembraacuate quia aque. Nyebe ereico Jesucristo icuate aque. Nyebe Dios nderirõ nguã ndeicuã si. ¹⁶Dios cheẽ turã ja chõ ñene. Dios chimondo ja chõ ñene. Dios cheẽ nguia rei mbia mbaaquiatsu. Dios cheẽ ngui a rei mbia icuã mbuchecua ee. Dios cheẽ nguia rei “ei jenyẽ” i tuchi nande je. Dios cheẽ nguia rei aba mingo Dios bi rese. ¹⁷Ƒnda Dios quiato siqui turã tuchi. Ƒnda eaqiatsu mbae turã naa naa ja.

4

¹Aico ñee ndeje Dios nonde a, Timoteo. Jesucristo nonde abe no. Ae r a tube mae ja mbia rese. Mbia reco rese. Mbia mano je rese abe. Ae nonde aico ñee ndeje a. ²Dios cheẽ esenei senei tuchi quia mbia je, Timoteo. Mbia eanduse mose. Mbia eandu sereã mose abe no. Embaaquiatsu quiatu mingue bei chõ nguia. Embuti mbuti bei quiatu quia Dios cuti. “Ei jenyẽ” ere bei quiatu quia mbia je. ³Namo jiri quiatu ra mbia Dios cheẽ turã andu sereã cote. Ubi achõ ndese chõ nda huiisa rerequia tuchi cote. Nyebe ra Dios cheẽ andu sereã. Ae mbia mbaaquiatsu icuã icuãte quia Dios cheẽ ndui eã nae, ũquí ndui chõ nda mbia riqui tuchi cote. ⁴Nyiisaquia tuchi chõ nda equia mbia ñee ñoño je rese cote. Ñee ñoño eã je rese nyiisaquia rocoi. ⁵Cochee chõ eico nde, Timoteo. Nderoseĩ nguĩatu chõ eico mbia icuã icuã mose ndeje. Equieĩ quieĩ tuchi chõ nguia Dios je. Dios cheẽ esenei senei tuchi chõ nguia mbia je.

⁶Achuruchate ucua quia co cote. Aico mano utate co cote. ⁷Mbae que asaã saã tuchi quia Dios je ra. Ae je Dios riqui ñee seje nae, ũquí ngue asaã jate quia ee ra. Ahui eã mbeite que se quia esi ra. ⁸Dios que sechiã mbuturã nda. Ũquinde que aico ngata turã nda. Nyebe eriqui nguã premio nderecoquiatsu seje pe. Jesucristo tu mose ra Dios mae ja mbia rese cote. Aque mose quia ra premio mee seje cote. Se miĩ je eã ndae. Ae Jesucristo ru choseite quia nae, ũquí ja je abe ra premio mee.

Echu serea, i Pablo Timoteo je

⁹Echu jei chõ serea, Timoteo. ¹⁰Demas quiatsu ngue serecha nguã. Ibi jenda achõ ndese chõ eriqui nguã ndua. Ubi miĩ ndese chõ eriqui nguã ndua. Nyebe esi nguã serecha Tesalõnicaa. Crescente quiatsu

que oso Galáciaa ra. Tito quiatsu que oso Dalmáciaa no nda. ¹¹Lucas miĩ ño siqui nguã sere se co cote. Marcos abe eru bei seje. Ae nda quieĩ quieĩ jiri nguã sere se aa. ¹²Tíquico quiatsu que amondo Efeso ra. ¹³Ae asecha sacco sembae nae, eru bei seje ndechu mose. Asecha que Troas ra. Carpo chuchua. Libros abe eru bei seje. Sechimbese papeles si ra eretesareichĩ. Eru bei seje. ¹⁴Alejandro el herrero que mbae icuã saã saã tuchi quia seje ra. Dios ra mbae icuã mee ee eicuã ndibishorõ. ¹⁵Echiteaquiatsu quia esi jẽ. Nande Dios cheẽ nenei nenei mose, ebiãte eriqui co. ¹⁶Mbia sererao mose ererecua je, emo ngue nyarõa tuchi sere se ra. Serecha ja chõ ngue ra. Dios nda paama i eã ee ũquí niĩ ña. ¹⁷Jesús miĩ ngue serecha eã nda. Ae miĩ ngue sembirãcuã nda. Se echeẽ turã nenei nenei tuchi sacua. Ae judiõs eã nae, ũquí Jesús cheẽ turã andu tuchi sacua. Nyebe Jesús sembui mondo nguã mbia icuã si. ¹⁸Ae ra sereaquiatsu bei quia mbae icuã si. Sererao chee mose ibate nyiese. Sã mbia riqui ñee turã mbei erĩ. Amén.

Pablo hui mbae mbesa mbesare

¹⁹Saludar ere rã Prisca je. Aquila abe je. Onesiforo chuchua jenda ja je abe. ²⁰Erasto que siquichõ Corintoo ra. Trófimo ndasi que asecha Miléto ra. ²¹Nyiiseĩ tuutu nonde chõ echu. Eubulo saludos mondo quia ndeje aque. Pudente abe no. Lino abe no. Claudia abe no. Jesús quiato ja a jenda abe no. ²²Sã Jesucristo riqui bei nderese. Sã Dios turã ndiqui bei jendese. Amén.

CARTA DEL APOSTOL SAN PABLO A TITO

Pablo embesa mondo Tito je

¹ Pablo rei se. Dios rimba. Jesucristo chimbaaquiato. Dios que semondo ñee ñee sacua uchiirabo je ra. Ūqui Dios icua tuchi sacua ñgue semondo ra. Siqui turā sacua Dios rā si. ²—Sechiirabo ra amingo bei, i que Dios cose ra. Ñee ñooño eā ndae. Ūqui ndese embiirandu sacua ño ñgue semondo nguiā. ³ Dios rei nanderirōsa mbae icuā si. Ae que seirabo ucheē nenei nenei sacua mbia je ra. Eī ñgue Dios ucheē mbuchecua mbia je cote ra. ⁴ Aico ā mbesa ndeje a, Tito. Ereico Jesús icuate se rā si aque. Nyebe aico nguiā “seriirī” i ndeje co. Nanderu chō Dios re. Sā nanderu turā ndiqui bei ndeje. Sā Jesucristo abe turā ndiqui ndeje. Sā ūqui ia eā tuchi riqui nderese. Sā ūqui ndiqui nembia turā tuchi.

Sā Jesús quiato rerecua riqui turā

⁵ Ae nandesaā ja eā huee nae, ūqui esaā ja rā nguia nde huee. Amei mo eirabo rabo Jesús quiato rerecuarā. Mbia recua ja ja jenda. Secheende ndeje eirabo rabo ino huee. Nyebe arerecha nguiā huee Crétaa. ⁶ Amei turā ño eirabo rabo Jesús quiato rerecuarā. Eninisi mii nderecua chō eirabo. Ae riirī Jesús icua quia nae, ūqui mii ño eirabo rabo. Ae eriirī seteāte riqui nae, ūqui ño eirabo rabo. Ae eriirī teā eāte nae, ūqui ño eirabo rabo. Jesús quiato rerecuarā. ⁷ Jesús quiato rerecua quia Jesús quiato teaquiato quiato quia. Ūqui siqui icuā aroneate. Ucuasu abe raā naa aroneate. Eroseī nguiā aroneate. Quiacua aroneate. O rerequia chooñoa aroneate. Mbia mo mbae osei osei aroneate no. ⁸ Mbia nyoī mose echuchúaa, isi turā ndae. Siqui turā ndae. Ndua ndua ra mbae ao nonde. Siqui eā nda mbae icuā ndese. Dios rā si chō nda eriqui. Echiichati eā ndae. Jesús quiato rerecua ra eī mbei quia. ⁹ Sā eriqui bei Dios cheē ndese nandechē ñguire. Ūqui mose ra ūqui abe mbia mbaaquiato quiato turā. Jesús oseī uquia ee. Mbia icuā ñee nda embutiba Dios si. Ūqui ño eirabo rabo Jesús quiato rerecuarā, Tito. ¹⁰ Mbia teā teā je tubiriāte riqui ā. Judíos teā teā je abe tubiriāte no. Ñee ñooño tuchite equia ā. ¹¹ Ūqui nyuru esiquisā tuchi. Mbia mbaaquiato tu icuā icuāte quiato nguiā ūqui. Eru mbiri irī. Eninisi abe mbiri irī. Eriirī ja abe no. —Mbia ra umbae mee mee nande je, i chō nguia ā. ¹² Hue jenda mo ñgue ñee nda. —Ñee ñooño je chō ure re, Creta jenda re. Ureicuā mbei chō ure re.

Nyacua icuā na ño ure re. Uretomei ño ure re. Mbae mburireāsa chō ure no nde, i que Creta jenda mo nda. ¹³ Ichōiñoa tuchi chō ñene. Nyebe echeē asi tuchi ūqui je, Tito. ¹⁴ ¹ nda eriqui tuchi Jesús rese. ¹⁴ ¹ nda eriqui eā judíos icuā ñee ndese. Mbia tubiriā Dios cheē isi teā teāte quia ūqui. —Ūqui ñee nda jemumbayāchī jē, ere chō mbia hue jenda je. ¹⁵ Echiā mbuturā ji je chō mbae turā ja riqui nguia ā. Echiā mbuturā jiriā je quiato mbae mo turā eāte re. Dios icuasa reā je mbae mo turā eāte. Ndua turā eā mbei. —Eicuā eā, i chōchī nguia mbae icuā ndese siqui siqui. ¹⁶ —Dios ureicuate quia ā, ichōiño equia ūqui. Echisaā nguia eicuāte re. Nyebe nandēico nguia eicuate, Dios rese siquiā mose. Aba biā tuchi chō ūqui nde. Aba cheē mumbasa. Siqui aroneate mbae turā mo ndese.

2

Mbia embaaquiato turā, i Pablo ñee Tito je

¹ Nde quia mbia embaaquiato quiato turā jē. Dios cheē ndui si embaaquiato quiato. ² Amei embaaquiato quiato. Enyere chō ñee ee: —Jēquiacua quiacuachī nda jē. Jengata turā mbei chō nguia jē. Jēaracua bei chō nguia jē. Dios jēcua tuchi chō nguia jē. Jenyesequa tuchi quia mbia rese jē. Jēingo tochi chō nguia no jē, ere chō amei mbaaquiato quiato, Tito. ³ Ari abe embaaquiato quiato. Enyere chō ñee ee: —Jengata turā mbei quia Dios resa rae. Jeñee icuā icuā techī nda mbia mo nii jē. Jēquiacua quiacuachī nda jē. Mbae jēsaā turā ño nguia mbia resa rāee jē, ere chō ari mbaaquiato quiato, Tito. ⁴ Sā ari acuanī mbaaquiato quiato. ¹ nda acuanī nyesequa jaaja ngu rese. ¹ nda nyesequa jaaja nguiirī abe rese. ⁵ ¹ nda acuanī aracua ja ja. ¹ nda ndua ndua ja mbae turā ndese. ¹ nda uchuchua jenda abe mbuturā turā ino no. ¹ nda eturā mbia je. ¹ nda ngu cheē abe mumbayā no. Sā ari eī acuanī mbaaquiato quiato. Ūqui mose mbia ñee icuā icuā aroneate Dios cheē nii. ⁶ Acuanindu abe embaaquiato quiato quia no. ¹ nda earacua racua ja. ⁷ Nde abe ecuta turā mbei, Tito. Mbae turā esaā uquia mbia je. Ndeico mose mbia mbaaquiato quiato, cochee chō eico. Echimbiriātā tuchi chō nguia. ⁸ Ndeico mose mbia mbaaquiato quiato, echeē turā turā ño nguia ee. ¹ nda mbia ñee icuā eā ndecheē mose. ¹ nda Dios cheē ndesenda reā ireī ireī ndecheē si. ¹ nda ñee icuā eā jēje. ⁹ Mbia rimba abe embaaquiato quiato. Enyere chō ñee ee: —Jenderecua cheē nda jemumba mumba techī nguia jē. Echeē ñguire jēingo bei chō mbae turā ndese jē. Jeñeechī nda echeē ndibishorō jē. ¹⁰ Mbae mo nda jembuquia

chächí jē. Jēseteã ño jēingo mbae turã ndese jē. Eí jenye mose ra mbia ñee turã Dios cheē ñii, jenye chō nguia mbia rimba je.

¹¹ Dios que uturã teacuquia mbia je cote ra. Mbia rirō ja nonde mbae icuã si. ¹² Mbae ja rii Dios riqui nandembaaquiatu quiatu co. Ae echosei chiãte quia nae, ũqui nandesecha ja sacuã. Ae icuã nandebite riqui nae, ũqui ndecha ja sacuã no. Nandearacua sacuã abe no. Nandeico sacuã mbae turã ndese no. Nandendua bei sacuã Dios rese abe no. Eí nande bei quiatu quia nande namo. ¹³ Jesucristo ra tu íbii ucheē nguire. Enininya tuchi ra tu. Nandeico eraarō arō ã. Ae ra nandembiate u. Ae rei Dios tuchi. Nanderirōsa mbae icuã si. ¹⁴ Ae que tu mano nande je ra. Nandeicuã ndibishorō ngue mano nda. Nandechiã mbuquishí ngue u umbaerã nda. Nandeico tuchi sacuã mbae turã ndese. ¹⁵ Enyere chō mbia mbaaquiatu quiatu, Tito. Ererecua rá ño eico embaaquiatu quiatu. Echeē asi asi jiri quia ee. Sã emo ndiqui ndecheē andu serea nea eã.

3

Dios uturã teacuquia nande je

¹ Echeē mbia je, Tito. —Ererecua cheē nda jemumba mumba techí nguia jē. Ererecua cheē jeñandu quiatu quiatu quia jē. Jeñimbirãtã tuchi quiatu mbae turã naa naa nonde jē. ² Jeñee icuã icuãchí nda emo ñii jē. Jeñee icuã icuãchí nda jenyue jē. Jeseteã ño jēingo jē. Jenguasu ra jesaã saãchí emo je jē, ere chō mbia je, Tito. ³ Nandearacuayã techí nande abe nyii. Nandeteã teã techí equia nyii. Nandembiirí irí ji raanguiate nandeicochí nyii. Ae nandechosei chosei quia mbae icuã nyii nae, ũqui achō ndese nandeicochí nyii. Mbae icuã ndese nandeico techí nguia nyii. Mbia mbae nandechosei chosei techí nguia nyii. Mbia mae icuã icuã techí nguia nanderese nyii. Nande abe nandemae icuã icuã techí nguia nandechiese nyii no. ⁴ Dios ia eãte que mbia rese aque mose ra. Uya eã ngue eteacuquia nande je ra. Uturã abe que eteacuquia nande je no nda. ⁵ Aque mose que nanderirō mbae icuã si ra. Eya eãte quiatu ngue eriqui nguã nanderese. Nyebe nanderirō nguã mbae icuã si. Nandeturã ñii eã ngue re. Nandechiã ngue eirei mbiasu ra. Espíritu Turã je que nandechiã mbiasu ra. ⁶ Dios que Espíritu Turã mondo tuchi nande je ra. Jesucristo rii ngue emondo nande je ra. Jesucristo rei nanderirōsa tuchi nandeicuã si. ⁷ Dios que Espíritu Turã mondo nande je ra. Uturã je nandembitirō sacuã. Nandemingo bei tuchi sacuã no. —Nandemingo bei tuchi rae, sã nandeico ã no. ⁸ I chōiñoa tuchi chō ã nde. ã esenei senei tuchi quia mbia je. f nda mbia emumbayã. f nda Dios icuasa siqui ja

mbae turã ndese. Ae rii aico ñee jēje nae, sã mbia ũqui ñee mumbayã ja quiatu. Aba bite ũqui. ⁹ Mbia ñee asi asi je si ehui chō. Mbia ñee mbei mose ngãmei ndaque rii, ũqui abe si ehui chō. Mbia ñee icuã icuã mose nyue, ũqui abe si ehui chō. Ae Dios senei senei nguia judíos je cose nae, ũqui ñii mbia ñee icuã mose nyue, ũqui abe si ehui chō no. Aba biãte ũqui ñee. Aba mbaaquiatu ãte ũqui. ¹⁰ Emo Jesús quiato mbuqueta queta mose embicuã nonde uchue, ũqui abe si ehui chō. Eicuãte ũqui, ere ee. Ndecheē andu eã mose, echeembe ee. Aquare ehui chō esi. ¹¹ Aba chĩcuate ũqui icuã. ũqui siqui turã aroneate quia ũqui. Hũicuã eicuate quia ũqui.

Pablo embesa hui bei

¹² Artemas nda amondo nderea reae. Ae oso eã mose, Tiqico ra amondo ndeje. ũqui mo ngasē mose huee, echu serea Nicápolis cote. Huee taico bei ama mose, ae que se ra. ¹³ Apolos embucuata turã mondo. Zenas ndese. Zenas ndei embesasa. Jesús quiatote ũqui. Mbae mo emondo ee. f nda echoi turã. f nda mbae tiã eã ee. ¹⁴ Sã nanderesenda riqui mbae turã naa naa mbei ñimbaaquiatu. Emo mbae ua mose, sã mbae mo mee mee ee. ũqui naa naa mose, siqui turã ño nguia ũqui cote. ¹⁵ Ae chi ja serese a nae, ũqui saludos mondo quia ndeje aque. Ae Jesús quiato nyesequate quia urerese hue jenda nae, ũqui je saludar ere ure je. Sã Dios turã ndiqui tuchi jē ja rese. Amén.

LA CARTA DEL APOSTOL SAN PABLO A FILEMÓN

Pablo embesa Filemón je

¹ Se rei Pablo. Setarō ji aĩ a. Mbia que setarō Jesucristo riĩ nda. Timoteo rese aico ã mbesa mbesa ndeje a, Filemón. Ureresenda tuchi chō nde re. Jesucristo rimba. ² Ae Jesús quiato ñumunua nua mbei quia ndechuchúaa nae, ũquí je abe ureico ã mbesa mbesa a. Apia je abe ureico embesa mbesa a. Arquito abe je no. Ae que siqui bei urerese ra. Mbia icuã icuã mose ure je Jesús cheẽ nii. ³ Sã Dios riqui turã mbei jêje. Sã jêya bei riqui erese. Jesucristo rese abe no.

Filemón Jesús quiato tuchi

⁴ Secheẽ mose Dios je, “gracias” ae bei se quia Dios je nderĩ co. ⁵ Mbia que sembiirandu randu nderese ra. —Filemón ndiqui Jesús icua tuchi co. Co eriqui nyesequa tuchite Jesús rese co. Dios quiato ja rese abe no, i que equia sembiirandu randu nderese ra. ⁶ Aico ñee mbeite Dios je nderĩ co. Ae je ereico Jesús nenei nenei nae, i nda ũquí abe Jesús icua tuchi nde rã si. ⁷ Aque ereico nyesequa tuchi Jesús quiato ja rese aque. Nyebe seya beite riqui nguiã nderese co. Nde que Jesús erechosei uquia quia Jesús quiato je ra.

Onésimo eisi turã, i Pablo ñee

⁸ Cristo chimbaaquiatu aico raque co. Sã ererecua riqui ñee ngũimba je no. Ũquí asaã arõte raque ndeje. Asaã eã nda se. ⁹ Tacheẽ mingue chō ndeje. —Mbae esaã seje, tae turã ño ndeje. Ameite se cote. Setarō ji aĩ Jesús riĩ a no. Se rei Pablo. ¹⁰ Mbae mo esaã Onésimo je. Seico mose aa cárcel que aico Onésimo mbaaquiatu quiatu Jesús riĩ nda. Jesús quiato riqui co cote. Seririĩ tuchi rã ño eriqui nguiã co cote. Jesús icua mose co cote. ¹¹ Nderimbachō ño ngue eriqui nguiã nyii. Erequeteã eã jiri que equia erese nyii ra. Aqueteãte quia erese co cote. Nde abe ra erequeteãte erese cote. Siqui turãte ra nande je cote. ¹² Aque amondo quia ndeje aque. Eisi turã mámbii. Sã ereico seisi turãte no. Ũquí esaã si ee. ¹³ Amondo sereãte raque. Siquichō ndei nda serese aa chã. Mbae mee mee sacuã setarō ji je ndecutiã. A setarō ji ñi Jesús cheẽ turã nii a. ¹⁴ Aisi eã nda mingo serese a, nde “eno” iã mose seje. “Eĩ ere chō”, ae eã nda ndeje. Nde ae chō eisi turã. Nde ae chō echeẽ turã ee. Se ae ra arembucheẽ turã eã ee.

¹⁵ Uchã ndei que ndesi nyii ra. Siqui bei ra nderese cote reae. ¹⁶ Nderimbachō eã nda cote. Ndequiato chō nda cote. Nderesenda chō nda cote. Co aico nyesequate

erese co. Nde quiatu ra erechesequa tuchi erese cote. Cristo resenda chō siqui nguiã co cote. Nderese. ¹⁷ Ndequiato tuchi chō se re. Sã ñi ereico seisi turã turãte no. Eĩ ere si chō Onésimo isi turã se rã si. ¹⁸ Onésimo deber i mose ndeje, cobrar erechĩ nda ee. Seje quiatu cobrar ere. ¹⁹ Pablo chō se re. Seo je chō aico nguiã co mbesa ndeje a. Onésimo deber i mose ndeje, asibishorō nda mbae mee ndeje. Mbae que asaã tuchite rei quia ndeje ra. Dios cheẽ ngue asenei tuchite quia ndeje ra. Dios nemingo bei sacuã. Nyebe deber ere tuchite raque seje. ²⁰ Nyebe Onésimo eisi turã na seje. † nda seya tuchi jiri nderese. Dios abe ra eyate nderese.

²¹ —Filemón nda secheẽ mumba eã. Secheẽ ndui si tuchi ra Onésimo isi turã, ae tuchi se quia nderĩ co. ²² Seruacuã jendecoquiato ino mámbii. Dios ra sembusẽ mondo, jeñee mbei mose ee reae. Ũquí mose ra aso jendea.

Pablo ñee hui bei

²³ Epafra saludos mondo quia ndeje aque. Ae tarō ji ñi serese a. Jesucristo cheẽ nii. ²⁴ Marcos abe saludos mondo quia ndeje aque. Aristarco abe. Demas abe no. Lucas abe no. Æ ndiqui Dios cheẽ nenei nenei serese ã. ²⁵ Sã Jesucristo riqui uturã ndeaquua bei jêje. Amén.

LA CARTA A LOS HEBREOS

Jesucristo mii ño Dios cheẽ mbuchecua nguã

¹ Dios que ucheẽ mbiãsa asa tuchi quia mbia nandei ñiinda je cose ra. Hue rĩ ji eã ngue eriqui ucheẽ mbiãsa asa ee ra. Dios cheẽ mbuchecua checuasa atate que aque mose ra. ² Eĩ eã ño namo nde. Jesucristo mii ño Dios cheẽ mbuchecua checuasa nguã nande je co cote. Dios nguiĩrĩte mbucheẽ nande je cote. Ae mii ndese chõ ngue Dios ibi ao nyii ra. Dios que emii mbae ja rerecuarã nda. ³ Dios nininya rã si tuchi chõ Jesucristo nininya re. Dios rã si tuchi chõ ae re. Ae chõ mbae minga ja nguã ucheẽ quirãcuã je co. Ae que mano nandecua mbutiã sacuaã nda. Aquere eñi ngoi bei ngu rese ibate pe cote.

Jesús quia rei i tuchi ángeles si

⁴ Jesucristo quia rei i tuchi ángeles si. “Seriĩrĩ tuchi” i chõ Dios nguã ee. ⁵ ã ngue Dios ñee áte ángeles mo je ra:

Seriĩrĩ ño nde re.

Ndereco que amee ndeje ra,

i áte que Dios ángeles mo je ra.

Nderu chõ se re.

Seriĩrĩ ño nde re,

i áte que Dios ángeles mo je ra. ⁶ Dios nguiĩrĩ mbu mose ibi que ñee nda:

Sã ángeles riqui adorar i ja seriĩrĩ je,

i que ra. ⁷ ã ngue Dios ñee ángeles rĩ nda:

Quiririã tu asi rã tuchi chõ ángeles re.

Serimba chõ ángeles re.

Tata rendi rã tuchi,

i que Dios ñee ángeles rĩ nda. ⁸ Nguiĩrĩ je quiatu que ñee ã nda:

Nde rei Dios. Ererecuarã mbei ra nde.

Ererecua turã tuchi ereico nde co.

⁹ Mbae turã eresaã sete quia co.

Mbae icuã nguia erechosei chiãte nguã.

Nyebe Dios riqui nguã nembia tuchi ndere-senda mo si.

¹⁰ Nde que mbae erechao ja tuchi ibi jenda nyii ra.

Ndeo je que ibei erechao no nda.

¹¹ Ūqui nda ua ja chee.

Nde quia ra ereico bei.

Tiru ima na ja chee ra ūqui.

¹² Sã mbia riqui tiru ima mombo no.

Eyasu rerequia erendaque re.

Eĩ si ra ibi cote. Ibei abe no.

Nde quia ra eĩ mbei ereico.

Eremanoa mbei ra nde quiatu,

i que Dios ñee Jesucristo je ra. ¹³ ã ngue Dios ñee áte ángeles mo je ra:

Ecoi sejiĩ. Nde abe ra ererecua serese.

Ae ndeucuãyãte quia nae, ūqui je ra nde-quirãcuã ateacuquia tuchi.

Ndequirãcuã tuchi chee ra ūqui si,

i áte que Dios ángeles mo je ra. Jesús mii je que ñee ūqui nda. ¹⁴ Dios ririĩ eã ño ángeles re. Dios rimba chõ ñene. Ae ra Dios minga bei, ūqui ndaarõ sacuaã ño ngue Dios ángeles mii nguã.

2

Nandeichayã sacuaã Dios icha si

¹ Ae nandechandu quia Dios cheẽ nae, ūqui ndese nandeco ndua tuchi. ñ nda nandeichayã mbei Dios icha si. ² Ae rĩ ángeles riqui ñee mbia je cose nae, ñee ñooñoa tuchi chõ ñene. Ae ūqui ñee mumba nae, mbae rasi que esaã cote ra. ³ Jesucristo sí que ñee nda. —Mbia tamingo bei, i que ra. Mbia que echeẽ senei senei mbiãsa nande je cote ra. Nande echeẽ mumba mose ra mbae rasi nandesaã tuchi nande quiatu cote. ⁴ — Jesucristo ñee ñooñoa ño nguia re, i sacuaã mbia que Dios mbia mae sayã naa naa nda. Milagros tubiriã. —Jesucristo ñee ñooñoa ño nguia re, i sacuaã mbia que Dios Espiritu Turã mondo mbia je no nda. Ae je Dios Espiritu Turã mondo mondo sete nae, ūqui je chõ ngue Espiritu Turã mondo ra.

Mbia rã ngue Jesucristo ru nyii ra

⁵ Ae ra nandeso emo mose nae, hue jenda rerecua eã nda ángeles. ⁶ Sã embesa ji ñi ñee ã no:

¿Mbaerã ereico nduate mbia rese re, Dios?

¿Mbaerã ereico eraarõ tuchi re?

⁷ Angeles que eremingo turã tuchi rei mbia si aque mose ra.

Ūquinde ereico bei mbia minga turã tuchi ángeles si co cote.

Mbia que eremii mbae abe ja rerecuarã cote no nda.

Ndechiao rerecuarã tuchi cote.

⁸ Mbae que eremii ja mbia mbaerã nda,

i embesa ji huĩ ñee a. —Mbae rerecuarã ja ra mbia, i mose Dios, mbae ja rĩ ño ñee nguã.

Mbae mbia cheẽ mumbate raque quia ã. ⁹ Jesús mii ndese chõ nandeco nguã mae ã. Ae je Dios mbae rasi saanguquia tuchi nae.

Ae que ererecua eã tuchi ángeles si aque mose ra. Dios que mbia minga bei sete ra.

Nyebe “emano mbia rĩ” i nguã Jesús je. Emanonde que Dios emii mbia rerecuarã tuchi cote ra. ¹⁰ Dios que mbae chao ja tuchi umbaerã nda.

Nyebe mbae rasi raanguquia tuchi nguã Jesús je cote. Mbia tubiriã minga bei sacuaã ño ūqui nde. Jesús mbae rasi raã mose, ererecua turã tuchi sacuaã ño ūqui nde.

¹¹ Jesús que nandembitirõ uturã na sí ra. Nyebe eru riqui nguã nanderu ja co cote.

Nyebe Jesús riqui nguã “senongue” i ireĩ

ngũĩã nande je. ¹² Sã Jesús cheẽ ñi embesa ji rese a no:

Paba ibatenda tasenei senongue je.

Senongue rese tairasei rasei ee, i que Jesús cheẽ mbesa ji huĩ nda.

¹³ Dios taicua tuchi, i abe que Jesús cheẽ huĩ nda.

A aico seriĩrĩ Dios chimondo rese a, i abe que Jesús cheẽ huĩ nda. ¹⁴ Mbiate quiatu ngue nande re. Nyebe Jesús abe mbiarã no nde. Mano sacuaã nande je. Mano mose nande je que diablo quĩrãcuã mbutiã cote ra. Diablo quiarei equĩrãcuã tuchi aba iquia sacuaã. ¹⁵ Ae siquiche beite quia umano si nae, mbae icuaã nĩmba raanguia chõ ùquĩ nde. Ûquĩ siquiche eã sacuaã ño ngue Jesús mano nguiã. ¹⁶ Angel sacuaã eã ngue Jesús ru ra. Mbiarã ño ngue eru nguiã. Judiorã ño ngue eru nguiã. Mbia mbitirõ sacuaã. ¹⁷ Nyebe Jesús ru nguiã mbiarã nande rã. Ñee turã sacuaã Dios je nande rĩĩ. Dios nandembasi eã sacuaã nandeicuaã nĩi. Jesús siqui mose mbiarã ngue mano mbia icuaã nĩi nda. Mbia icuaã mbutiã sacuaã esi. ¹⁸ Mbae icuaã ngue tã i tuchi rei Jesús je ra. Nyebe ra eriqui tuchi nanderese uquirãcuã mee nande je, mbae icuaã tã i mose nande je.

3

Jesús quia rei i tuchi Moisés si

¹ Seresenda, Dios que jemii icúe umbaerã tuchi ra. Nyebe aico nguiã ñee tuchi Jesucristo rĩĩ jêje co. Secheẽ ndese jenyiisaquia tuchi quiatu quia. Jesucristo rei nandererecua tuchi cote. Sacerdote rerecua rã tuchi nande je cote. ² Jesucristo que Dios cheẽ mumbayã tuchi quia mbae raã ja echeẽ nguire ra. Sã Moisés abe mbae raã ja Dios cheẽ nguire no. ³ Jesús quia rei i tuchi Moisés si. Ae que Moisés chao ra. Sã emo ndiqui tuchua ao no. Tuchua aosa quia rei i tuchi tuchua uchiao si. ⁴ Mbia mo tuchua chao arondete raque. Dios mii nguia rei mbae ao ja tuchi. ⁵ Moisés que Dios cheẽ mumba eãte rei quia ra. Erimbachõ ño ngue ae ra. —Ã nda Dios saã je mbia je, i chõ ngue Moisés quia ra. ⁶ Cristo quia rei i tuchi Moisés si. Ae quia rei Dios rĩĩrĩ tuchi. Dios chuchua rerecua tuchi chõ ae re. Nande rei Dios chuchua. Ae quia siqui nguiã nandechiangui re co. Nandeico bei mose ndua erese. Nandeya bei nandeico mose abe erese.

Dios quiato ra uquenea ucua nyoĩ Dios récuua

⁷ Jesús quia i tuchi re. Nyebe Espiritu Turã ndiqui nguiã ñee nande je ã:

Dios cheẽ jeñandu rã namo.

⁸ Jeñia átate ra jẽingochĩ jẽ.

Sã cose ndare chiã átã mbeite riqui Dios cheẽ andu sereã turúquiaa eico mose no.

Ûquĩ icuaãte que eriqui Dios je ra.

Dios que ñĩmbirãcuã ñote quia ee ra.

⁹ Dios que siqui mingue te quia ùquĩ mbia je ra.

Cuarenta años chee que ra.

Mbia mae sayã ngue esaã saã mbei quia ee ra.

“Ma Dios siqui mingue te nande je”, i rei que mbia jenamei nguia cose ra.

¹⁰ Nyebe Dios paama i nguiã ñee ee.

“Siqui icuaã mbeite equia uchiangui re ã. Siqui sereãte equia seicha rui ã.

¹¹ Aico paama ite ee co.

Uquenea nda eucua eã mbei nyoĩ serécuaa”, i tuchi que Dios eriĩ nda,

i que Espiritu Turã ñee embesa ji huĩ nda.

¹² Cochee chõ jẽingo, Seresenda. Jẽicha eã sacuaã Dios reco si jeñiangui re. Dios jẽicua bei sacuaã jeñiangui re no. ¹³ —Nandeico i i tuchi quiatu quia Dios rese, jenyte jenyte bei quiatu quia jenyte. Jendeco mose ibii. f nda mbae icuaã jembiĩrĩ irĩ eã. f nda jẽteã teã eã Dios cheẽ je no. ¹⁴ Sã nande Cristo nandeicua raque nyii no, eĩ nande bei chõ nguia eicua i i. Ûquĩ mose ra Cristo resendanda tuchi nande cote. ¹⁵ Sã embesa ji riqui ñee ã no:

Dios cheẽ jeñandu rã namo.

Jeñia átate ra jẽingochĩ jẽ.

Sã cose ndare chiã átã mbeite riqui Dios cheẽ andu sereã turúquiaa eico mose no,

i que embesa ji ra. ¹⁶ ¿Aba chõ Dios cheẽ ñandu sereã eandure cose chã? Ae Moisés querao Egipto si nae, ùquĩ ño ngue resẽ.

¹⁷ ¿Aba je chõ Dios paama i cuarenta años cose chã? Ae mbae icuaã saã saã nae, ùquĩ ño ngue resẽ. Nyebe mano mano nguiã turúquiaa. ¹⁸ ¿Aba je chõ Dios ñee tuchi chã? —Jenguenea nda jẽucuaã mbei oso serécuaa, i chã. Ae echeẽ mumba quia nae, ùquĩ je chõ ngue re. ¹⁹ Nyebe ngasẽ eã nguiã Dios récuua. Dios icua eãte quiatu ngue re.

4

¹ —Ae seicua quia nae, ùquĩ nda nyoĩ serécuaa, i chõte Dios quia nande je co. Nyebe nandeico cochee. Cochee jẽingo eã mose, jemo jengasẽ eã arõte Dios récuua.

² Nande abe je chõ Dios riqui nguiã ñee co. —Ae seicua quia nae, ùquĩ nda nyoĩ serécuaa, i. Moisés reco mosenda achõ je eã ño ngue ñee nguiã. Ûquĩ ngue Dios chandu iru chooño nda. Dios icua rocoĩ. ³ Ae Dios icua quia nae, ùquĩ achõ ño nda nyoĩ ngasẽ Dios récuua. Uquenea ucua sacuaã huee. Dios que ñee tuchi ucheẽ andu sereãsa je cose ra: Aico paama ite ee co.

Uqueneã nda eucua eã mbei nyoí serécuaa, i que ra. —Ma siqui serese, i bei rei que equia eraarõ arõ nda. Ibi ao mosenda bei. ⁴ A mbesa ji que chĩ nda:

Dios mbae ao jare que uqueneã ucua séptimo día ra, i que embesa ji ra. ⁵ A abe que chĩ embesa ji rese ra:

Uquenea nda eucua eã mbei nyoí serécuaa, i que embesa ji huĩ no nda. ⁶ Emo emo abe ra Dios icua. Siqui sacua erécuaa. Ae Dios cheẽ ñandu nyii nae, ũqui ngue Dios icua eãte ra. Nyebe ngasẽ eãte nguiã Dios récuua. Dios cheẽ nguiatu ngue emumbate nguiã. ⁷ Nyebe Dios riqui nguiã ñee nande je quiatu co. Nandeico sacua erese namo. Ũqui echeẽ mumbare nyii. Sã David Dios cheẽ mbesa no:

Dios cheẽ jeñandu rã namo.

Jeñia átãte ra jëingochĩ, i que Dios ra, i que David embesa ra. ⁸ Josué que mbia isrealitas mui aroneate Dios récuua ra. Uqueneã ucua sacua. ¹ I nda Dios ñee ãte rei. —Taemingó serécuaa jenguenea ucua sacua, i ãte rei. ⁹ Nyebe ra Dios quiato nyoí ngasẽ Dios récuua. Huee ra uqueneã ucua tuchi huee cote. ¹⁰ Ae ra ngasẽ Dios récuua nae, ũqui nda uqueneã ucua tuchi. Sã Dios uqueneã ucua tuchi mbae ao jare no.

¹¹ Nandechimbirãcuã tuchi oso nonde Dios récuua. Nandequenea ucua sacua. Ae Dios icuayãte quia cose nae, ũqui na nda nandeicochĩ nande mo namo jẽ. ¹² Dios cheẽ nguia rei ereco tuchi. Equirãcuã tuchi. Ique tuchi aba chiangui re. Sã tiquese rimbe riqui ique chõte oso no. Eĩ si chõ Dios cheẽ nde. Ique tuchi aba ndua nduasa rĩ. Aba ndua nduasa mbuchecua tuchi aba je. Aba chiosei osei abe mbuchecua tuchi aba je no. ¹³ Mbae mo ndese Dios riqui jirandu eã eãte co. Mbae mo nandesaã nyecuayã cuayã aroneate quia esi ã.

Jesús ñee turã mbei Dios je nande rĩ

¹⁴ Jesús rei Dios riiri tuchi. Sacerdote rerecua tuchi chõ eriqui nguiã nande je co. Oso que ibate Dios rea ñee ñee sacua nanderĩ nda. Eriqui ñee ñee mbei Dios je nanderĩ co. Nyebe nandeico tuchi quiatu quia erese. ¹⁵ Diablo tã i mose nande je, Jesús riqui ico tochi tuchi nande je co. Ae rane je quiatu ngue diablo tã i tuchi nguiã nyii. “Ma Jesús mbae icua naa” i nguiã. Mbae icua ngue Jesús saã eã mbei chõ nda. ¹⁶ Nyebe nandesiquicheã nguiatu quia Dios rĩchã. Nyesequate quiatu nguiã nanderese co. Nandesiquicheã nguiatu quia ñee ñee ee. Eya eã sacua nanderese. Uquirãcuã mee sacua nande je, diablo tã i mose nande je.

5

¹ Sacerdote rerecua judío mbae bei mbia chõ. Ae chõ ñee turã mbei nguiã mbia rĩ Dios je. Ae chõ mbae quishĩ ji mondo mondo nguiã Dios je. Dios mbia chisaã saã icua mbutiã sacua esi. ² Sã sacerdote rerecua abe riqui mbia nande rã si no. Nyebe eriqui nguiã siqui tochte mbia quirãcuã nea je. Mbua aquiatuã je abe. Mbua icha icha je abe no. ³ Sã sacerdote abe riqui Dios cheẽ mumba no. Sã eriqui mbae quishĩ ji mondo mondo Dios je no. Dios eicua mbutiã sacua esi. Mbua chisaã icua abe mbutiã sacua esi no. ⁴ “Sacerdote rerecua se” i aroneate emo, Dios eirabo eã mose. Dios ae que sacerdote mui mui nda. Sã Aarón mui cose no. ⁵ Eĩ si que Cristo ra. “Sacerdote rerecua se” iã ngue ae ae ra. Dios quiatu ngue emui nguiã. Sã Dios cheẽ mbesa ji riqui ñee no:

Seriiri ño nde re.

Ndere co que amee nde je ra, sã Dios i ñee ee no. ⁶ Sã embesa ji mo ndiqui ñee no:

Sacerdote bei rei nde.

Melquisedec na tuchi ereico nde co, sã embesa ji riqui i no. ⁷ Jesús siqui mose a ibi, eya eã tuchi que emo mose ra. Ñee tuchi que Dios je aque mose ra. Nyeseo tuchi que equia Dios je ra. Dios emano ndiquisã sacua esi. Dios que echeẽ ñandu ra. Jesús quiatu que Dios cheẽ mumba sereã mbeite quia ra. ⁸ Dios riirite raque Cristo. Mbae rasi que esaã tuchi ra. Ñimbaaquiato chõ ngue equia ũqui ndese Dios cheẽ mumbayã nda. ⁹ Jesús que Dios cheẽ mumbayã tuchi mbae rasi raã tuchi ra. Aquere Jesús riqui mbia mingo bei co. Ae echeẽ mumbayã nguia nae, ũqui emingo bei quia co. ¹⁰ Dios quiatu ngue emui nguiã sacerdote rerecuarã. Melquisedec na si no.

Jeñimbaaquiata mbei chõchĩ equia Cristo rese ã

¹¹ —Mbae tasenei tuchi Jesucristo rĩ jẽje, ae rei que se ra. Jẽ nguia secheẽ jeñandu sereãte nguiã. Nyebe aico nguiã embi-asa asa aroneate jẽje co. ¹² Cosete que jëingo rei Jesús icua resẽ. ¿Mbaerã jëingo ñimbaaquiata mbeite re? ¹ I nguia nda jëingo nguiã emo mbaaquiato quiatu chã. Jëaquiata mbei chõchĩ. Dios cheẽ aba chiucua jëicuayã mbei chõchĩ. Áque na ño jëingochĩ ã. Sã áque ndiqui usi quiandi achõ mbei no. Soo quiatu eu aroneate nguiã. ¹³ Áque na jëingo bei mose, jëaquiata siqui mbae turã ndese. ¹⁴ Ae ñimbaaquiato quiatu tuchi quia Cristo rĩ nae, ũqui nguia rei mbae turã icua tuchi, mbae icua icua rocof. Mbua cuasu rã ño ũqui nde.

6

1-2 Ae rese jeñimbaaquiatu nyii nae, aba chücuate üquí. Üquí müte rese jëngochi nguiã. Mbae aba chücuayã mo abe jëicua jiri Jesús rii ae. Á aba chücuata que asenei ja jëje nyii ra: —Jenyisãã mbae icuã si jëhui, ae que jëje nyii ra. —Dios jëicua, ae que jëje nyii no nda. Bautismo abe que asenei jëje nyii ra. —Jëo jeñono Jesús quiato arõ, ae que jëje nyii no nda. —Mbia raque ra quera si, ae que jëje nyii ra. —Mbia Dios quiatoã nda mbae rasi saã tuchi tata cuásuu, ae que jëje nyii no nda. ³ Üquí aba chücuate riqui ã ndesë. Aba chücuayã tasenei jëje cote, Dios “eno” i mose. ⁴ Emo emo ngue siqui rei Dios quiatorã nyii ra. Dios chimee icua raque nyii. Espiritu Turã abe icua raque nyii no. ⁵ Dios cheë turã abe icua raque nyii. Dios quirãcuã abe icua raque nyii no. ⁶ Üquí hui mose Dios si, uba si aroneate erese cote. Jesús mbucha si chõ nguiã ira rese üquí. Iquia iquia chõ nguiã Jesús je mbia resãa üquí. ⁷ Sã Dios riqui ama mbuchaaqui ibi ja rese no. Eí si chõ ndaque equia ucheë mbuchecua raque mbia ja je co no. Sã mbia riqui mbae tiquia ibi ia mose no. Suri turã mose, echa iate ra cote. ⁸ Nui achõ suri mose huee, eicuãte üquí. Eí si chõ mbia Dios cheë andu chooñosa no nde. Eicuãte üquí. Üquí nda Dios mombo chõ tata cuásuu.

Dios ra ucheë mbuchebiã mbei

⁹ Jeni aico nguiã ñee eã, Seresenda. Dios cheë jeñandu chooño eã nguiã jë ndeae. Jesús jëicuate quia üquí. Nyebe jëngue tuchi quia erese üquí ndeae. ¹⁰ Dios turãte eriqui co. Tesareia nda jenyisãã turã si. Jendua ndua mose Dios quiato ataque rese. Mbae jemondo mondo mose ee. Mbae jemondo mondo bei quia ee üquí. ¹¹ Eí jenyje bei quiatu equia nyesecua bei emo ndese. I nda Dios mbae mee tuchi je jëje. ¹² Jeñimbirãta mbei chõ nguiã mbae raã jë. Sã Dios quiato cose ndare no. Sã eriqui Dios icua tuchi no. Sã siqui mingue tuchi ee no. Nyebe Dios ucheë mbuchebi jiri jiriã tuchi nguiã ee. Eriqui beite mbae mee mee ee co.

¹³⁻¹⁴ Sã Dios ñee Abraham je cose no: —Taico turã mbei ndeje. Nderiirĩ nducucha tubiriã ndae, sã i Dios Abraham je no. Üquí mose que Dios jurar i umbae nombre rii nda. ¹⁵ —Dios ra seriirina mee seje ucheë nguire, i que Abraham nguia eraarõ arõ mingue ra. Dios que eriirĩ mondo chee ee ucheë nguire cote ra. ¹⁶ Mbia jurar i mose, Dios rii ño eriqui nguiã jurar i. —Üquí nda asaã eã, i aroneate cote, jurar ire nyii. ¹⁷ —Nderiirĩ nducucha tubiriã nda ambu, i mose Dios Abraham je, jurar i que ee aque mose ra. ¿Mbaerã ño jurar i chã? —Dios ra ucheë mbuchebiã, i sacua mbia chõ ñene. —Dios

ra ucheë nyabi i eã, nande i sacua ño ñene. ¹⁸ Dios “mbae tasaã jëje” i mose, ñee ñooñoa ño ñene. Dios jurar i mose, jurar i chooñoa ño eno nde. Nyebe eriqui nguiã nanderaarõ turãte nandeso mose eriichã. —Taeminga bei, i mose Dios nande je, ucheë nda embuchebiã. ¹⁹ —Dios ra semingo bei ibate ucheë nguire, nande equia ã. Nande üquí icua mose, nandequirãcuãte ra cote. Dios ra nandemingo tuchi uchiese cote. Sã sacerdote si quia Lugar Santísimo Dios rii chã sacua no. Eí nande chõ nguiã nande abe Dios rii chã, nande icua mose. ²⁰ Jesús rane ngue oso ibate ñeenda momba nande je ra. Pe eriqui ñee turã mbei Dios je nanderii pe. Sã sacerdote riqui ñee turã mbei Dios je mbia rii no. Sacerdote rerecua tuchi chõ Jesús nande je re. Melquisedec na si tuchi Jesús riqui co.

7

Jesús i tuchi sacerdotes ataque si

¹ Melquisedec ndei Salem jenda rerecua. Dios mbae sacerdoté abe que ae ra. Abraham tu mose mbia rerecua iquia iquiare, Melquisedec que esobeishi oso ra. Melquisedec que bendecir i ee ra. ² Abraham ngue el décimo mee Melquisedec je ra. “Ererecua Turã” i chõ nguiã “Melquisedec” i mose. “Mbia mingo turãsa nyiese” i abe chõ nguiã “Melquisedec” i mose no. “Mbia siqui turã nyiese” i chõ nguiã “Salem” i mose no. ³ Melquisedec si eãte que ra. Eru eã abe no. Eramei mo eã abe no. Mano eã mbei que ra. Nyebe eriqui nguiã Jesucristo rã mbei co. Sã Jesucristo riqui beite sacerdoterã co no.

⁴ Melquisedec quia rei i tuchi Abraham si. Abraham quiatu ngue el décimo mee nguiã ee. Ae emee ee décimo sacua nda. ⁵ Abraham ndesenda eã ndaque Melquisedec. Aquere que Dios ñee judíos je ra. —El décimo jeme mee ño nguiã sacerdoté jendesenda je, i que Dios judíos je ra. Judíos que emee mee sacerdotes je ra. Leví riiirĩ ndaque sacerdotes. Judíos sí raque sacerdotes. Abraham ndiirĩ ja raque judíos no. ⁶ Melquisedec que el décimo isi Abraham si ra. Leví riiirĩ eã ndaque Melquisedec. —Judíos i tuchi ra nde, i raque Dios Abraham je. Nyebe que Melquisedec bendecir i Abraham je ra. ⁷ Ae bendecir i nae, aque quia rei i tuchi bendecir i ji si. ⁸ Ae mbia décimo isi isi quia uataque si ã nae, mbia chõ ño üquí nde. Üquí mano arondete. Melquisedec quiatu que mano eã mbei ra. ⁹ Abraham décimo mee mose Melquisedec je, erucucha riiirĩ décimo mee naanguia chõ ngue ee re. Leví décimo mee naanguia chõ ngue ee re. Sacerdotes Leví riiirĩ décimo mee naanguia chõ ngue ee re. Üquí décimo isi si

raque nguesenda si. ¹⁰ Abraham ngue ũquí i ja ra. Eriiriã ndaque nyii, décimo mee mose Melquisedec je.

¹¹ Sacerdotes riqui mose que Dios ucheẽ mondo rei judíos je ra. Sacerdotes mbia mingo turã aroneate Dios rese. ¹ nda Jesús tu ãte rei. Ae quia ñi tu nguiã sacerdote bei nonde cote. Melquisedec na sí. Aarón na eã. ¹²—Sacerdotes ra nyuuru uru eã ngõngue rendaque re cote, i que Dios aque mose cote ra. —Jesús mii nda siqui sacerdoterã mbei cote, i que Dios cote ra. ¹³⁻¹⁴ Leví riirĩ nducucha eã ndaque Jesús. Judá riirĩ nducucha raque quia ñene. Judá riirĩ nducucha mo siquiã ndaque sacerdoterã cose. —Ũquí mo sacerdoterã aroneate, i rei que Moisés nyii ra.

¹⁵ Sacerdotes cose ndare rã eã ño Dios Jesús mii nguiã sacerdoterã cote. Jesús quia ra siqui bei sacerdoterã. Melquisedec na si ra eriqui bei. ¹⁶ Moisés chimbasa rui si eã ño Jesús riqui nguiã sacerdoterã co. Leví riirĩ nducucha eã ño ae re. Ae quiatu siqui beite nguiã co. Nyebe eriqui nguiã sacerdote beite co. ¹⁷ Sã Dios ñee ee embesa ji rese no: Nde quiatu ereico bei nguiã sacerdoterã mbei co.

Melquisedec na si, sã Dios i ñee ee no. ¹⁸—Sacerdotes ra nyuuru uru eã ngõngue rendaque re cote, i que Dios aque mose cote ra. Ũquí nguiatu ngue mbia mingo aroneate nguiã Dios rese. ¹⁹ Moisés chimbasa quia mbia mingo aroneate nguiã Dios rese. Ae rese nandeico quia namo co cote, aque quia aba mingo arondete nguiã Dios rese co cote. ²⁰⁻²¹—Sacerdoterã nde, i mose emo je nyii, emo ngue jurar i ãte quia ra. Dios Jesús mii mose sacerdoterã, jurar i que aque mose cote ra. Sã embesa ji riqui no:

Dios que jurar i ra. Ucheẽ nda embuchebiã mbei.

“Nde quiatu ereico bei nguiã sacerdoterã mbei co.

Melquisedec na si”, i que Dios cheẽ huĩ embesa ji rese ra. ²² Ae contrato Dios saã mbia je nyii nae, ũquí contrato que mbia mingo eã Dios rese ra. Ae contrato Dios saã Jesús rii namo nae, ũquí nguiã rei eturã tuchi nande je namo cote.

²³ Sacerdote ñiinda atate que eriqui nyii ra. Nyuuru uru que equia ngõngue mano mose ra. ²⁴ Jesús quia siqui nguiã sacerdoterã mbei co cote. Emo nda chí eã mbei euru erendaque re emo mose cote. ²⁵ Ae ra Dios siichã Jesús rii nae, ũquí nda Jesús mingo bei tuchi. Jesús quia siqui beite nguiã co, ñee turã sacuaã Dios je ũquí ñi.

²⁶ Ae chõ sacerdote turã tuchi riqui nguiã nande je co cote. Dios rã tuchite quia ae re. Eicuã jiri jiriãte quia ñene. Mbae turã achõ

ndese chõ eriqui nguiã. Mbae icuã ngue embicuaã aronea tuchi quia ra. Ae quia ibatenda rerecua tuchi riqui nguiã namo co. ²⁷ Jesús quia rei sacerdote rerecua ataque rã eã tuchi. Ũquí nguiatu ticuas quishĩ quishĩ mbeite nguiã sacrificio raã naa. Dios eicuã mbutiã sacuaã esi. Mbia abe icuã mbutiã sacuaã esi. Jesús quiatu ngue ticuas mo quishĩ eãte nguiã sacrificio raã emo mose. Ae sí chõ ngue mano nguiã sacrificio raã sacuaã. Mbia icuã mbutiã ja sacuaã ño ngue mano nguiã aque mose. ²⁸ Mbiachõ ño ngue sacerdote rerecua ja ñiinda ra. Ũquí ngue mbae turã saã mbei aroneate quia ra. Dios quiatu que Jesús mii sacerdoterã mbei cote ra. Ae quia mbae icuã saã jiri jiriã tuchi nguiã.

8

Dios contrato yasu saã Jesús rii

¹ Ababi tuchi quia rei Jesús siqui mose sacerdoterã. Sacerdote turã tuchi quia rei ae nande je. Hue eñi ngoi Dios Ibatenda ribisho quitu nande je huee. ² Hue eriqui mbae raã naa Dio s chuchua ibatẽndaa huee. Dios ae chisaã tuchi chõ hue tuchua re. Mbia mo nyisaã eã ño ñene. Nyebe Dios chuchua tuchi chõ hue re. ³ Sacerdote rerecua ja chõ sacrificio raã naa sacuaã nde. Nyebe Cristo abe sacrificio saã nguiã umano mose. ⁴ Ae sacrificio Cristo saã nae, ũquí nguiã eturã tuchi sacerdote chisaã si re. Cristo siqui mose ibii, eĩ nda sacerdote eãte rei ae. Moisés chimbasa cheẽ ndui achõ ño sacerdotes ibi jenda riqui nguiã sacrificio raã naa ã. ⁵ Ae sacerdotes ibi jenda saã saã nguiã mbae nae, ibei jenda rese aba mundua sacuaã ño ñene. Sã Dios ñee Moisés je Dios chuchua ao nonde no. —Ndeico mose ibi ibátee que sechuchua ibei jenda atacuquia ndeje, ũquí na si chõ sechucharã ibi jenda esaã, i que Dios ñee Moisés je ra. ⁶ Ae contrato Dios saã mbia je nyii nae, mbaranquiãte que ũquí nda. Ae contrato Dios saã nande je namo Jesús rii nae, eturã tuchi chõ ũquí cote re. —

Ã tasaã jêje. ã abe tasaã jêje no, i tuchi Dios quia contrato namonda rii nande je co. ⁷ Contrato ñiinda mbia mingo bei mose Dios rese, i nda contrato yasu raã eãte rei nande je. ⁸ Dios ia eãte que eriqui mbia aque mosenda rese ra. Sã embesa ji riqui no:

Ã ño ngue Dios ñee nguiã: Contrato yasu ra

asaã je Israel jenda je.

Judá jenda je abe no.

⁹ Contrato asaã nguiã ũquí namei je nyii nae, ũquí contrato rã eã nda eyasu asaã cote.

Mbia arao quia Egipto si nae, ũquí mosenda rã eã nda contrato asaã je mbia namo-
mondo je.

Mbia cose ndare chō ngue contrato saã iru seje resē.

Contrato raande que secheē mumba mumba chō nda.

Nyebe ũquĩ asecha chō nguiã, i que Dios ra.

¹⁰ Ae contrato ra asaã je Israel jenda je, ã ndei e ã:

Secheē nda amii tuchi eãquĩ ndese.

Secheē nda amondo tuchi echianguí re.

Se ra ererecua turã tuchi ee.

Serimba tuchi ra ũquĩ.

¹¹ Seicua ja tuchi rae. Mbia cuasu ja.

Eñetē abe ja chee.

Seicua ja mose, ũquĩ mose emo uataque mbaaquiātu quiātu aroneate seriĩ cote.

Seicua ja tuchi quiātu ra aque mose.

¹² Ũquĩ icuã ndaambutia ja esi.

Atesarei bei ra eicuã si,

i que Dios cheē huĩ embesa ji rese ra. ¹³ —

Contrato yasu tasaã, i que Dios cote ra. Contrato ñiinda imate quiātu ngue ee re. Mbae ima nda ua ja cote.

9

Cristo rei sacerdote tuchi cote; sacerdotes ñiinda rã eã

¹ —Eĩ jenye jenye bei chō nguiã mbae raã naa mose sechuchuaa, i que Dios sacerdote je ra. Contrato ñiinda raã mose. Uchuchua ibi jenda riĩ ño eriqui nguiã ñee, “sechuchua” i mose. ² Dios chuchua que cuartos nyeremo ñi nda. Eiquesa jii que cuarto nongue ñi nda. Lugar Santo, i que hue cuarto je ra. Candelero oro ao ji que chí huee ra. Mesa abe que chí huee ra. Mbichae Dios chuchua jenda abe que chí huee no nda. ³ Cortina mbuchesecho ji que siqui tuchua ite riĩ nda. Aque quitera quiti que cuarto nongue ñi nda. Lugar Santísimo, i que hue cuarto je ra. ⁴ Huee que altar mo ñi oro ao ji ra. Mbae shimbu turã ndei sacua. Ira ao ji mbae riru mo abe que chí huee ra. Oro quiti ji resebe que ra. Contrato Dios cheē mbesa ji que chí aque mbae riru imi ye ra. Oro ao ji ñio abe que chí mbae riru imi ye ra. Mbichae resebe que eñi nda. Maná i equia ee. Aarón chitochoquia ruri abe que chí mbae riru imi ye no nda. ⁵ Angeles raanguia ao ji que chí ibate mbae riru arō nda. Querubines, i que ũquĩ je ra. Ujeo que embiitee u mbae riru arō nda. Sacrificio renda rei mbae riru. Ũquĩ cuartos nyeremo jenda asenei ja aroneate jēje namo.

⁶ Aque mose que sacerdotes riqui ique ique bei cuarto eiquesa ji ra. Mbae raã naa sacua Dios je. ⁷ Cuarto cortina quitera quitinda quiarei mbia mo ique aronea tuchi. Sacerdote rerecua mii ño ngue i que quia huee ra. Ique chíbe ibeã ngue equia huee ra. Una vez al año ño ngue

eriqui ique huee ra. Mbae ruqui que esii sii quia huĩque mose huee ra. Dios eicuã mbutiã sacua. Mbia icuã abe mbutiã sacua.

⁸ Aque mose bei que mbia mo ndiqui ique aroneate Lugar Santísimo nda. Dios riichã tuchi sacua. Ũquĩ ndese Espíritu Turã ndiqui urembiirandute ã. ⁹ Sacerdotes que ticuas uiquia iquia tuchi rei quia aque mose ra. Ũquĩ ngue mbia chiã mbitirō eã mbei chō nda. Mbia mundua ndua sacua Cristo ruqui rese chō ngue ũquĩ nda. Ũquĩ nandecuete quia ã cote. ¹⁰ Contrato ñiinda que mbia mingo turã aroneate quia ra. Mbae riĩ achō ño ngue eriqui nguiã ñee. Mbaeiae riĩ. Mbia chíu riĩ. Mbia chimbei riĩ. Mbia choita riĩ. Ũquĩ ñii ja. Ũquĩ ñee ndui sí chō ngue mbia riqui rei nguiã nyii. Cristo tu nonde.

¹¹ Cristo tu mose que contrato ñiinda mbutiã ja cote ra. Contrato yasu que esaã nande je cote ra. Ae mii ño sacerdote namo cote re. Dios chuchua ibi jenda jie eriqui eã ndaque aa. Ibatenda ye chō eriqui nguiã mbae raã naa nande je pe. ¹² Cristo quiātu ngue ticuas ruqui sii sii eã u nguiã nande je. Chivo ruqui abe. Nguquĩ ae je chō ngue nandecuã mbutiã nguiã. Mano mii ngue mbia ja je ra. Mbia mingo bei sacua cote. ¹³ Ticuas ruqui que mbia mbitirō tirō ndei quia sacerdote je ra. Chivo ruqui abe. Ticuas ririĩ ndaque rei ji cusubu abe no. ¹⁴ Cristo ruqui quia rei equiracuã tuchi ũquĩ mbae ruqui si. Cristo ruqui mii nguiã rei nandendua nduas mbitirō tuchi. Ae ruqui mii nguiã rei nandemingo turã Dios reco rese. —Se ae tamano mbia icuã mbitirō sacua. Mbia mbae turã naa naa sacua Dios je cote, i que Cristo mano nda. Mbae icuã mo ngue esaã jiri jiriã tuchi ra. Espíritu Turã ngue siqui tuchi erese emano mose ra.

¹⁵ Cristo que contrato yasu saã nande je cote ra. Dios chiirabo eriichã tuchi sacua cote. Dios chiirabo siqui tuchi sacua erese Dios cheē nguire. Sã Dios ñee ee nyii no. —Jéingo bei ra serese, i ee no. Ae je Dios contrato saã ndei quia nyii nae, ũquĩ icuã ñii ngue Cristo mano nda. ¹⁶ Ae contrato Cristo saã nande je nae, testamento chō ũquĩ nde. Sã emo testamento mbesa no. Testamento raãsa mano mose, aque ramo mose chō testamento valer i nguiã cote. ¹⁷ Testamento raãsa manoa mose, testamento chōoño ño aque mose re. ¹⁸ Dios contrato ñiinda raã namo mose que ticuas iquia uquia mbia je ra. ¹⁹ Moisés contrato ñiinda raã mose, Dios cheē ngue embuchecua ja mbia je ra. Aquere que ticuas ruqui isi chivo ruqui rese ra. I je que emombara ra. Eruquĩ je que Dios cheē mbesa ji rii rii cote ra. Mbia ja abe rii rii que ra. Mbae ribichu mbia ji je chō ngue erii rii nguiã. Ovejara irei je. Ira rãquiã ñetē je abe no. ²⁰ Aquere que Moisés

ñee mbia je ra. —Ã mbae ruqui ã ndesẽ. Ticuasú que mano nda. Mbae ruqui rei Dios mbae testamento valer i sacuaã jêje, i que Moisés ñee mbia je erii rii cote ra. ²¹ Aquere que Dios chuchua abe rii rii cote ra. Dios chuchua teiqui renda abe que esii sii no nda. ²² Contrato ñiinda mose, mbae ruqui achõ je chõ ngue Dios riqui nguiã mbia icuaã mbutiã esi. Dios que mbia icuaã mbutiã choõño eã nda. Mbae quishĩ mose bei quiatu ngue eriqui nguiã mbia icuaã mbutiã mbei esi.

Cristo mii aba icuaã mbutiã

²³ Dios chuchua ibi jenda quia rei echuchua ibatenda raanguia. Ibatenda quia rei eturã tuchi ibi jenda si. Ibi jenda que Moisés sii sii mbae ruqui je embitorõ sacuaã nda. Ibatenda quiatu que embitorõ eã mbae ruqui je ra. Cristo ruqui mii je quiatu que ra. ²⁴ Dios chuchua ibi jenda que Cristo iqueã oso quera si mose ra. Dios chuchua ibatenda quiatu ngue esi nguiã ique cote. Hue eriqui ñee turã mbei Dios je nanderiĩ huee. ²⁵ Sacerdote ique ique beite quia Lugar Santísimo co. Una vez al año ño eriqui nguiã ique ique bei huee. Mbae rii rii sacuaã mbae ruqui je. Nguqui j e eã ño ñene. Cristo quiatu que mano mii nda. Nguqui que eichusẽ tuchi nande je ra. ²⁶ Cristo que tu mii ibi ra. Mano mii sacuaã nande je. Nandeicuaã mbutiã sacuaã. Mbae ua serĩ mose que eru mano aa ra. Mano nyiibeĩ ibei eã equia co. ²⁷ Sã mbia riqui mano mii no. Sã Dios riqui ecuata mee aquere no. ²⁸ Eĩ si que Cristo mano aqum mii no nda. Mbiam icuaã ja mbutiã sacuaã esi. Cristo ra tu si ibii emo mose. Aqum mose ra manoa mbiam icuaã ndiquicharõ cote. Uquiato mingo bei sacuaã nguiatu ra eru. Ae esaarõ arõ nguiã nae, ùqui mingo bei sacuaã.

10

¹ Moisés chimbesa que mbiam mingo turã eã ndaque ra. Mbiam mundua ndua sacuaã Dios ririĩ mano ndese chõ ngue re. Ticuasú mbiam quishĩ nyiibeĩ ibei rei quia nae, ùqui nduqui que mbiam mingo turã eã no nda. ² Ùqui mbiam chiã mbitirõ mbei mose, eĩ nda sacerdotes equishĩ nyiibeĩ ibei rei. Eĩ nda ticuasú mii quishĩ ndei mbiam mbitirõ ja sacuaã. Eĩ nda mbiam tesarei rei huicuaã si. ³ Mbiam ticuasú quishĩ nyiibeĩ ibei mose, ùqui ngue embutesariãte huicuaã si ra. Munduate quiatu que huicuaã ndese ra. ⁴ Ticuasú ruqui ra mbiam icuaã mbutiã eã mbei. Chivo ruqui abe no.

⁵ Cristo ruqui mii nguiatu mbiam icuaã mbutiã nguiã esi co. Sã Cristo ñee Dios je siqui mose ibii no: Ticuasú ruqui mbiam mbitirõ eã mbeite quia ndeje co.

Nyebe que serete eremeese je ra.

Se mano sacuaã mbiam icuaã nii.

⁶ Mbae raaque rei ji abe ndebiãte.

Ticuasú mbiam quishĩ quishĩ nguiã huicuaã nii nae, ùqui abe ndebiãte no.

⁷ Nyebe ngue acheẽ nguiã ndeje: “Ae ndebite nae, ùqui ndese seico sacuaã ño ngue achu nguiã.

Sã embesa ji riqui ñee serĩ no, ùqui ñee nguire que achu ra”, ae que ndeje ra, i que Cristo ngu je ra. ⁸ Nyebe Dios biãte riqui nguiã sacrificios. Mbiam ticuasú quishĩ quishĩ mose huicuaã nii. Mbae raaque rei ji abe ebiãte no. —Ùqui jẽsaã saã, i raque Moisés chimbesa hui. ⁹ —Ae ndebite nae, ùqui ndese seico sacuaã ño ngue achu nguiã, sã Cristo i Dios je no. Mbiam mbui sacuaã sacrificios raã naa si chõ ngue eru nguiã. Sacrificio mii tuchi que esaã u mano mbiam icuaã nii nda. Cristo ruqui mii ño mbiam icuaã mbitirõ mbei nguiã co cote. Sacrificio raã i i rocoĩ. ¹⁰ Ae Dios bite nae, ùqui ngue Jesucristo saã tuchi u ra. Mano mose mbiam ja icuaã nii. Mano mii tuchi que u ra. Nanderirõ mbei que nandeicuaã si cote ra. ¹¹ Sacerdotes riqui beite raque Dios chuchua ã. Ticuasú equishĩ nyiibeĩ ibeite raque quia mbiam icuaã mbutiã sacuaã ã. Ùqui nda mbiam icuaã mbutiã eã mbei. ¹² Jesucristo quiatu que mano mii aqum mose bei ra. Mbiam icuaã ndiquicharõ sacuaã ño ngue re. Aquere eĩ ngoi bei Dios ribisho quiti nande je hue. ¹³ Pe eĩ ngoi beite Dios jii pee. Ererecua tuchi ra Dios rese cote. Uquirãcuaã nda eteacuquia tuchi chee uquiatoã je cote. ¹⁴ Sacrificio mii ngue esaã nda. Aqum mii sacrificio je que uquiato chiã mbitirõ ja bei ra. ¹⁵ Sã Espiritu Turã abe riqui ñee ùqui no:

¹⁶ Ae contrato ra asaã je judiõs je nae, ã ndei eã:

Secheẽ nda amii tuchi echianguie re.

Secheẽ nda amii tuchi eãqui ndese no.

¹⁷ Atesarei bei ra eicuaã si,

i que Espiritu Turã nda. ¹⁸ Dios nandeicuaã mbutiã mose, mbae mo nandequishĩ aroneate quia nandeicuaã ndiquicharõ ã cote.

Dios nandesichã na

¹⁹ Nande abe quiatu Dios nandesichã tuchi quia cote, Seresenda. Sã sacerdote ique Lugar Santísimo no. Eĩ nande si quiatu quia siquicheã ique Diósa. Jesucristo ruqui rii nandeique Diósa. ²⁰ Cristo rete rei cortina mbucheseco ji rã. Cristo rete mano mose, cortina abe que embui ra. Nyebe nandeico ique arõte Dios rea Lugar Santísimo ã cote. Cose ndare rã eã tuchi chõ cote re. ²¹ Jesucristo mii ndei sacerdote tuchi nande je cote. Dios quiato ja je cote. ²² Diósa ra nandesiquicheã ique oso cote. Nandechiã turã ño nandeico

oso Dios riichã. —Dios ra nandeisi turã, nande chõ nguia nandechiangui re. Cristo quiatu ngue nanderii rii nguã nguqui je nyii. Nandeicuã mbutiã sacua nande si. I turã je que nandeirei ra. ²³—Taemingo bei, i que Dios nande je ra. Ñeude ùqui nda ucheë mbuchebiã. Nyebe nandeico quiatu quia ñee: —Dios ra nandemingo bei ucheë nguire, i. ²⁴ Sã Cristo mbae raã ja tuchi nande je no. Eĩ nande sí chõ nguia siqui turã nyue. Nandenongue nandembuchesequa turã nguia tu quia nyiese. Mbae turã nandesaã uquia bei quiatu quia nandenongue je. ²⁵ Cristo quiato ñumunua nua mose, nandetsareia mbei quiatu quia ñumunua nua. Sã emo emo ndiqui ñumunua nua eãte no. Cristo nandehosei uquia uquia bei quia nanderesenda je. Achite quiatu Cristo ñi nguã tu a.

²⁶ —Mbae icuã tasaã, nande i i mose Jesucristo icuare, emo nda manoa nandeicuã ndiquicharõ cote. ²⁷ Ûqui mose, mbae icuã nda nandesaã tuchi. Ûqui mose, nandeso chee ra tata cuásuu no. Huee ra Dios ucuâyãsa nyoĩ ja. ²⁸ Sã mbia Moisés cheë mumbasa iquia iquia cose no. —Uremae ngue echeë mumbasa rese ra, i mose mbia nyeremo, echeë mumbasa que mbia iquia cote ra. Mbía que etiisu isu eã tuchi eiquia ra. ²⁹ Dios riiri ucuâyãsa quia ra mbae rasi saã tuchi ùqui si. Cristo ruqui ucuâyãsa abe no. Ae Espiritu Turã isiteã teãte quia nae, ùqui abe no. Cristo ruqui je quiatu ngue Dios ùqui mii ndei nguã icue. ³⁰ Sã Dios ñee no: —Se ra mbia icuã asibishorõ mbae rasi je, sã i no. —Dios sí ra mbae rasi saanguquia ngũimba je, erimba icuã mose ee, i abe que embesa ji huĩ nda. ³¹ Ae ra Dios mbasi eicuã ñi nae, mbasi tochi eã ndae. Aba mbusiquite tuchi chõ ùqui nde.

³² Jẽ Jesucristo icua ramo mose que mbia mbae rasi saanguquia tuchi rei jẽje ra. Jẽingo turã mbei chõ ngue equia Dios rese ra. Jẽñimbirãcuã mingue que equia aque mose ra. Ûqui ndese jendua jiri ae. ³³ Mbía que ñee icuã icuã tuchite quia jemo je ra. Mbía que mbae rasi saanguquia tuchi quia jemo je no nda. Mbía tubiriã ndesaa. Jẽataque abe ia eã ndasi tuchi que eriqui erese ra. Jẽingo tochi tuchi que equia aque mose ra. ³⁴ Jẽya eãte que eriqui mbia tarõ ji rese ra. Mbía jembae rirõ ndrõ mose abe chee que jẽyate riqui Dios rese ra. Jẽirandute quiatu que equia jembae turã ibatenda rese ra. Jembae ibatenda quiatu ra ua eã mbei. ³⁵ Dios jẽicua bei quiatu quia aque mosenda rã mbei. Ûqui mose ra Dios mbae turã tuchi mee jẽje. ³⁶ Ae Dios bite nae, ùqui ndese bei chõ jẽingo. Ae mbae turã nda Dios mee jẽje nae, ùqui jẽsaarõ arõ mingue chõ nguia cote. ³⁷ Achite Jesucristo ñi tu a. ³⁸ Ae

chiã Dios mbitirõ nae, Dios icuate quiatu que equia ra. Nyebe ra siqui bei Dios rese. Ae ra hui Dios si nae, Dios ia eã tuchi ra erese. ³⁹ Nande quia ra nandehui eã mbei esi. Ae ra hui esi nae, ùqui nda Dios mbutiã. Nande quiatu Dios nandeuca tuchite nguã ã. Nyebe ra nandemingo bei.

11

Ae Dios icua

¹ Emo Dios icua mose, ¿mbae chõ ùqui ña? Ae Dios icua nae, ùqui nda ñee. —Ucheë nguire ra Dios mbae mondo seje, i rae. —Ae asaarõ arõ nguia nae, ùqui nda emondo seje ucheë nguire no, i ra eno. Mae eã ndaque erese. ² Dios quiato cose ndare que Dios icua tuchi quia ra. Nyebe mbia riqui nguã jirandu jate erese. ³ Dios que mbae chao ja cose mbae eã mose ra. Mbae mo je eã ngue mbae ao ra. Ucheë achõ je chõ ngue mbae ao ra. Nande Dios icua mose, ã abe nandeucaate quia ã. Nandemae ãte raque erese.

⁴ Abel que Dios icua ra. Nyebe que Dios eisi turã nda. Ofrenda turã ngue emondo Dios je ra. Embae ofrenda que eturã tuchi Caín mbae si ra. Nyebe Dios embae ofrenda isi turã nguã. —Co eturãte riqui seje co, nyebe Dios i nguã Abel ñi. Nyebe mbia riqui nguã jirandu jate Abel rese. ⁵ Enoc que Dios icua ra. Nyebe Dios ererao nguã ibate emano mose rocoĩ. Mbía mbae que eoreã cote ra. Dios equerao quiatu quia ibate reaã. —Co eturãte riqui seje co, i quia Dios quia Enoc ñi nyii reaã. ⁶ Emo Dios icua eã mose, ùqui nda Dios isi turã eã mbei. —Co Dios reco riqui co, sã i quiatu nyii. —Emo Dios riichã mose, Dios turãte ra ee, sã i quiatu no. Aquere quiatu ra Dios eisi turã cote. ⁷ Noé que Dios icua ra. —Ama nda uchi, mbae ati ja chee, i mose Dios, “eno” i que Noé Dios cheë mose ra. Mae eã ndaque erese aque mose. Arca que esaã Dios cheë nguire ra. Nguiriĩ mingue sacua eye. Mbía ataque que Dios icua eãte quia ra. Noé mii ño ngue icua quia ra. Nyebe Dios Noé isi turã nguã.

⁸ Abraham ngue Dios icua ra. Nyebe Dios cheë mumbayã nguã. Dios que ñee ee ra. —Eso rã a si. Ibi mo tamee ndeje mámbii, i que Dios ee ra. Abraham ngue Dios cheë mumbayã oso ra. Ae quiiti esi nae, jiranuate raque erese nyii. ⁹ —Ibi mo tamondo ndeje, i Dios quia Abraham je nae, huee que eriqui huee cote ra. Ibimo tuchi que ee hue ra. Tei ñetë quire chõ ngue eriqui riqui bei huee ra. Nguiriĩ ndese. Isaac. Jacob abe no. Ûqui je abe que Dios ñee nda. —A ibi tamondo jẽ abe je, i. ¹⁰ Abraham quiatu que Dios icua tuchi quia ra. Nyebe ñee nguã. —Aico chee ra sucha tubiriã túraã. Hue

ra ua eã mbei, i que Abraham ndua ndua Dios recua rese ra. ¹¹ Abraham ninisi abe que Dios icua ra. Sara, i equia ee. Nyebe que nguiirĩ ndea Dios cheẽ nguire ra. Ari tuchite rei que ae ra. —Dios ra seriirina mee seje ucheẽ nguire, i quiatu que equia Dios icua ra. ¹² Amei tuchi raque Abraham, Dios eriirina mee mose ee. Mbia tubiriã i tuchi chõ ae cote re. Contar i ja aronea tuchi chõ erucucha je cote re. Sã nyasitata tubiriãte riqui no. Sã ibi quiishĩ tubiriãte riqui no.

¹³ Ûqui ngue mano ja Dios mbae mondo ja eã mose ee ra. Ae je “co tamondo jêje” i Dios ee nae, ùqui ndruribi quiã ño ngue mano nda. —Dios ra emondo ure je uremanonde, i que eyate quia ndua ndua ùqui ndese ra. Ûqui nguiatu que Dios icuate quia ra. —Nandeico mbirĩ ndaque equia ibii ã. Ibatanda chõ nande re, ite que equia eicua ra. ¹⁴ Emo ñee mose ùqui, siqui sete quiatu nguiã Dios récuua. ¹⁵ Ûqui ndua ndua mose nguecua rese nda nyoĩ si nyebi re chã ae. ¹⁶ —Nanderecua turã nguiatu nandetea, ite que equia ra. Dios recua je chõ ngue eriqui nguiã ñee. Nyebe Dios ireĩ ireĩ eã nguiã esi. Dios bite “Paba” i mose ee. Dios ùqui ndecua turana quereco co.

¹⁷ —Ma Abraham secheẽ mumbayã, i que Dios Abraham nũ nda. —Nderiirĩ eiquia rã sacrificiorã, i que Dios ee ra. Abraham ngue Dios icua tuchi ra. Nyebe ngue “Isaac tãiquia” i rei nguiã nguiirĩ mii nii. ¹⁸ —Isaac nda tiirĩ tuchi ndeje, i rei que Dios ee nyii ra. ¹⁹ Abraham ngue Dios icua tuchite quia ra. —Dios seriirĩ mbuquera arondete se eiquia mose nyii, i que ndua ndua uchianguĩ re ra. Abraham nguiirĩ iquia serĩ mose que Dios eo isi ra. Abraham Dios cheẽ mumbayã mose, nguiirĩ iquia raanguia chõ ngue re. Dios embuquera si raanguia chõ ngue eno nde. ²⁰ Isaac que Dios icua ra. Nyebe ñee nguiã nguiirĩ je. —Dios ra mbae turã saã jêje, i que Jacob je ra. Esaũ abe je. ²¹ Jacob que Dios icua ra. Nyebe ñee nguiã José riirĩ ja je umano serĩ mose. —Dios ra mbae turã saã jêje, i que ee ra. Uchitochoquia rese que nyeco rei nyibi ñee turã Dios je ra. ²² José que Dios icua ra. Nyebe ñee nguiã israelitas je umano serĩ mose. —Dios ra jenderao a Egipto si. Sequianguie abe jendao a si, i que israelitas je ra.

²³ Moisés ru que Dios icua ra. Esi abe. Moisés ñetẽ mose que esi embuchemi tres meses ra. Ererecua eiquia eã sacua. Moisés itãquieĩ turãte quia ee re. Nyebe eru riqui nguiã siquicheãte ererecua si. Esi abe. ²⁴ Moisés s abe que Dios icua quia aquere cote ra. Nyebe “Egipto jenda rerecua riirĩ nducucha eã se” i nguiã. ²⁵ “Dios quiato rese taico se. Mbia icuã icuã ndaque ra seje. Dios quiatoã ndese ra aicoã”, i que Moisés

ucuasu mose cote ra. Mbae icuã ndese aba oote raque. Aba mbia mbirĩ ño ñene. ²⁶ —Taico chõ Dios rimba rese. Mbia ra sembasi mbasi raque Cristo riĩ, i que Moisés ra. Nyebe eriquã nguiã Egipto jenda rerecua rese. Mbaecha tuchi raque ae. —Dios ra mbae turã mee seje, ite quiatu que Moisés ra. ²⁷ Moisés que Dios icua ra. Nyebe esi nguiã Egipto si. Siquiche ãte ererecua paama i si. Nĩmbirãcuã turã mbeite que equia ra. Dios rese mae naanguia. Emo mae aroneate raque Dios rese. ²⁸ Moisés que Dios icua quia ra. Nyebe pascua raã nguiã. Aque ramo ngue pascua ra. —Oveja ruqui je jêiquesa ja jêisi sii. I nda ángel jendiirĩ i iquia eã, i que Moisés ñee mbia je ra. Angel que israelita riirĩ mo iquia eã tuchi cote ra.

²⁹ Israelitas que Dios icuate quia ra. Nyebe ehoi nguiã Ama Ndisha Ireĩ ndasa. Ama iru raanguia que etasa nyoĩ sobei ra. —Nande abe nandeso iasa emombita, i rei que Egipto jenda abe ra. I que tuchõ eati eiquia ja ra. ³⁰ Israelitas que Dios icua quia Josué reco mose ra. Nyebe ehoi nguiã sucha cuasu Jericó mama mama siete días. Nyebe Dios etaronda mbucoi nguiã ee. Muros i equia ee. ³¹ Rahab abe que Dios icua ra. Ae ngu saã saã jate quia mbia je nyii nae, aque. Dios icua tuchi que cote ra. Nyebe manoa nguiã mbia uataque rese. Ae Dios cheẽ mumba mumba quia nae, ùqui ndese. Rahab que Dios quiato isi turã nda. Mbuchemi ngue ererecua icuã si ra.

³² ¿Aba riĩ abe ra aba ñee jêje re? Dios quiato tubiriãte quiatu ñene. Ûqui asenei ja aroneate jêje. Gedeõn. Barac. Sansón. Jefeit. David. Samuel. Dios cheẽ mbuchecuasa ja riĩ. ³³ Ûqui ngue Dios icuate quia ra. Nyebe eriqui nguiã Dios cheẽ nguire mbia mbuti tuchi guerra mose. Siqui turã ngue equia Dios cheẽ nguire ra. Dios que siqui eres e ucheẽ nguire ra. Dios que etequiatu quiatu bei quia nyacua mbaba mose abe ee ra. ³⁴ Ûqui ngue Dios icuate quia ra. Nyebe tata rendi erei eã nguiã. Tata sendi cao caote raque. Mbia tiquise rerequia requia mose erese, Dios que etequiatu quia ùqui mose no nda. Dios que uquirãcuã mee equirãcuã nea je ra. Dios que embuquirãcuã mbei guerra mose abe ra. Ganar i sacua. ³⁵ Cuña abe que Dios icuate quia ra. Nyebe Dios eriirĩ ndaaque mbuquera sí nguiã ee. Emo emo abe que mbae rasi saãte quia Jesús riĩ nda. Hui sereãte quiatu que equia esi ra. —Sã seiquia rei. Dios ra sembuquera si nguiã. Serete mbuchiucabo turã ndae, i que equia ra. ³⁶ Emo emo ngue nĩmbirãcuã nguia mbia iquia iquia choõño mose ee ra. Mbia eirua nua mose abe no. O cuaacua mose abe no. Utarõ tarõ mose abe no. Hui eã mbei chõ ngue Dios si ra. ³⁷ Emo emo

ngue mbia iquia iquia rei sita je no nda. Tiquise je abe que eriqui rei eiquia iquia ra. Emo emo ngue echisiamo tuchi ra. Mbae rasi je que eriqui ñimbiracuã tuchi ra. Eirao eã ndei que ra. Mbae ire achõ ño ngue eirao riqui ra. Hue jechõ ngue eriqui aronea tuchi ra. Mbaecha reã ndei que ra. Mbia que mbae rasi saanguquia tuchi rei quia ee ra. Hui eã mbei que equia Dios si ra. ³⁸ Ūquĩ ngue eturã tuchi mbia ataque si ra. Hue jechõ ngue eriqui aronea tuchi ra. Mbaecua re que eriqui uque uque ra. Emo emo mose que eriqui sita ibate no nda. Emo emo mose que eriqui turuquia rĩ no nda.

³⁹ Ūquĩ ngue Dios icua tuchite rei quia ra. —Mbae turã tamondo jêje, i rei Dios quia ee nyii nae, mee jei eã ngue ee ra. Mee je quia ra ee cote. ⁴⁰ Ūquĩ mii je eã nda Dios mbae turã mee. Nanderese abe chõ eriqui nguiã ndua ndua. Mbae turã nda emondo nande ja je cote, ūquĩ ndese.

12

Jesús mii ndese nandendua ndua

¹ Sã Dios icuasa tubiriãte cose no. Ūquĩ na ño nandeico nande abe Dios icua tuchi. Ae nandembuti mbuti quia Dios si nae, ūquĩ si nandehui. Ae mbae icuã aba mbuchĩshĩ arõte quia nae, ūquĩ si nandechĩcuasẽ ño. Jesús mii ndui chõ nandeico ngata. Nandechimbiracuã ño nguia siqui erese. ² Jesús mii ndese nandendua ndua. Ae riqui Dios icua quia nande je co. Ae ra mbae saã ja nande je ucheẽ nguire. Mbae rasi que esaã tuchi ira rese ra. Emo mbucha mose i quia ira rese, aba ireite raque uquĩ. —Mbae rasi raande ra seyate cote, i que Jesús quia ra. Mbae rasi raande eñi ngoi bei Dios jii pe cote.

³ Jeñimondochote chĩ nda siqui mose Dios rese jê. Sã Jesús no. Mbia icuã icuã mose ee, ñimbiracuã mbei que equia ra. Ñimondocho eã ngue ra. ⁴ Jesús mii ngue mano mbae icuã ndiquisã quisã sacuã mbia si ra. Jêingo mose mbae icuã ndiquisã quisã, aba mo ngue jêiquia eãte jê nguia tu ra. ⁵ ¿Embesa ji si jêtesarei chõ nde? —Seriirĩte quia jê nde, ite Dios quia jêje co. Sã embesa ji riqui ñee ã no:

Seriirĩ, Dios mbae rasi saanguquia mose ndeicuã nii, ereisiteã teãchĩ nda jê. Dios ñee mose ndeje ndeicuã nii, echeẽ eisi turã ño.

⁶ Ae rese Dios nyesequa nae, mbae rasi ra esaanguquia ee eicuã mose.

Ae Dios isi nguiirina nae, ūquĩ je ra ñee eicuã nii,

i que embesa ji huĩ ñee nda. ⁷ Dios “seriirĩ” i tuchi quia jêje co. Nyebe eriqui nguiã mbae rasi raanguquia jêje jêicuã mose co. Sã mbia ja riqui nguiirĩ iruã eicuã mose

no. ⁸ Dios mbae rasi raanguquia eã mose jêje, eriiriã nguia tu rei jê. ⁹ Sã nanderu ibi jenda riqui nandeiruã nua nandefietê mose no. Nandembaaqui tu sacuã. Sã nandeico echeẽ mumbayã cote no. Eĩ nande sí chõ Paba ibatenda je. Ae cheẽ nguia tu nandemumbayã tuchi. Ūquĩ mose ra nandereco siqui turã tuchi. ¹⁰ Sã nanderu ibi jenda riqui nandembaaqui tu jua raque no. Nandeico turã sacuã aa íbi. Dios qui tu nandembaaqui tu turã tuchi nguia nanderu ibi jenda si co. Nandechiã mbitirõ sacuã ae rã si. ¹¹ Dios mbae rasi saanguquia mose nande je, nandechese chiãte raque. Erasite quia ñene. Aquere qui tu ra nandechimbitirõ cote. Aque mose qui tu ra nandeya cote.

Dios cheẽ nda jêisiteã teãchĩ jê

¹² Jêo tomei jembirãtã jiri ae. Jêtima abe jembirãtã jiri siqui sacuã Dios rese no ae. Jeñimondochoã jiri quia siqui Dios rese ae. ¹³ Jêingo tuchi qui tu quia erese. Ae ndua ata atate quia nae, i nda ūquĩ abe siqui tuchi chee erese chã. ¹⁴ Jêingo turã mbia ja rese. Dios rã si chõ jêingo. Dios rã si nandeicoã mose, nandemae eã mbei ra erese. ¹⁵ Jentyequia tu turã ño nguia. I nda jemo Dios turã isiteã eã. Emo mbae icuã naa mose jêje, jêtesarei chõ esi. Jendua icuã icuãchĩ nda jenongue rii jê. Ūquĩ mose ra jeñimbuicuã jate. ¹⁶ Jeninisi ae rese chõ jêingo. Jemo nda siquichĩ emo ninisi rese jê. Dios mbae ra jêisiteã teãchĩ jê. Sã Esaú no. Aque que umbae herencia mondo ja chõ soo ñetê ndibishorõ nda. ¹⁷ Aquere que “sembae herencia taisibe” i rei nyeseo tuchi ra. “Bendecir ere rã seje”, i rei que ngu je ra. Eru que teã teã ño ee echeẽ mose ra. Nyebe Esaú nyeseo tuchi nguia cote.

¹⁸ Dios turã tuchi riqui jêje namo co. Mbia Moisés mosenda je si. Aque mose que mbia riqui titi titi i tuchi siquiche Dios si ra. Aque mose abe que sita ibate sendi sendi ee ra. Itondarute que eriqui ee ra. Ama ngue pirirã pirirã i tuchi quia ee aque mose ra. ¹⁹ Trompeta que nyuihui ee no nda. Dios que ñee ee cote ra. Mbia que Dios cheẽ ñandu sereãte ra. ²⁰ Dios qui tu ngue ñee nguia nyii: —Emo oco mose sita ibate rese, ūquĩ jêiquia. Mbae quiaa riinda abe oco mose erese, ūquĩ abe jêiquia no. Sita je jêiquia. Jeñio no ae, i qui tu que Dios ee nyii ra.

²¹ Aba mbusiquiche tuchi que mae mose ūquĩ ndese ra. —Aico titi titi i tuchi esi co, i chee que Moisés abe ra. ²² Eĩ jentye eã ño jê nde. Dios jembusiquiche ãte quia jê co. Dios recua jêsiichã tuchi quia jê ã. Dios reco chuchua. Jerusalén naanguia ibatenda jêsiichã tuchi quia jê ã. Angeles tubiriã abe jêsiichã tuchi quia ã no. ²³ Dios icuasa ñiinda abe jêsiichã nguia ã no. Ūquĩ mbae nombres

mbesa ji chi ibate pe. Dios abe jēsūichā nguia ā no. Ae ra Jesús quiatoā icuā tea tea ja emo mose. Mbasi ja rae. Jesús quiato mano je abe chō jēsūichā ichā nguia ā no. Ūquĩ ngue Dios mbuturā tuchi cote ra. Eicuā jiri jiri tuchi chō cote re. ²⁴ Jesús abe chee jēsūichā quia ā no. Ae ruqui rīi ngue Dios contrato yasu raā nande je ra. Ae ruqui rii rii ji jēsūichā nguia ā. Ae ruqui quia rei eturā tuchi Abel ruqui si.

²⁵ Dios riqui ñee jēje co. Echeē nda jēsiteā teāchī jē. Dios que mbae rasi saanguquia mbia je cose ra. Echeē nenei neneisa andu sereā mose a ibii. Ibatenda riqui ñee nande je co. Ae cheē nandechandu sereā mose, mbae rasi ra esaanguquia tuchi nande je cote. ²⁶ Dios cheē mose que ibi nyere nyere aque mose coose ra. —Namo nda ibi ambuchere si no. Ibi mūi ño eā nda ambuchere. Ibei abe ra ambuchere no. Aque mūi nda ambuchere cote, i Dios quia co. ²⁷ —Aque mūi nda mbae ambuchere ja, i Dios quia co. Aque mose ra mbae ua ja Dios chiao. Ae ra siqui bei, ūquĩ achō nda ua eā. Mbae ataque ra ua ja aque mose. ²⁸ Dios rimba rei nande. Nyebe ra nande nandetiā aroneate. Gracias nande tuchi quiatu quia Dios je. Nandeico mingue chō nguia ee. Ūquĩ mose ra eya tuchi nanderese. ²⁹ Mbia Dios cheē mumb a mose, Dios ra paama i tuchi ee. Tata rā tuchi chō Dios re.

13

Jenyesequa jenyiese

¹ Jenyesequa quia jenyiese jē. Nyiesenda chō jē nde. ² Mbia ngaē mose jenyuchúaa, jēisi turā ño nguia. Emo ngue ángeles mo isi turā uchuchúaa ra. Iranua ndaque erese. Mbia mo eriqui reĩ nguĩ ee. ³ Etarō ji rese jēingo ndua. Mbae turā jēsaa saā ño nguia ee. Jētarō ji raanguia chō jē abe erese re. Ae je mbia icuā icuā ndiqui nae, ūquĩ je jēingo turā ño. Sā jē abe jendete riqui no. Sā jē abe jēiruā nua arōte no. ⁴ Emo siqui mose ngūinisi rese, ūquĩ Dios bite. Sā emo ngūinisi resechō ño siqui. Sā eriquiā emo ndese. Emo siqui mose emo ninisi rese, Dios ra paama i tuchi ūquĩ je. Ae ninisi áte riqui nae, siqui mose emo ndese, Dios ra paam a i tuchi ee no. ⁵ Mbae isiquia rese ra jendua nduachī jē. Jembae mūi ndese chō jēya. —Jaendechayā mbei ra se, i quiatu Dios nguia co. ⁶ Ae bei jē. Dios ra nanderechayā mbei. Nyebe nandeico nguia ñee: Dios riqui beite serese co. Mbia mo si ra asiquicheā, nyebe nandeico nguia i ā.

⁷ Jenderecuā rese jēingo ndua. Ūquĩ ño ngue Dios cheē senei senei jēje ra. Ūquĩ ndiqui Dios icuate ūquĩ. Eĩ jenyē Dios icua jē abe ūquĩ na si. Ūquĩ nguia siqui turāte

nguia Dios rese ūquĩ. ⁸ Eĩ mbei chō Jesucristo re. Cose mosenda bei. Namo abe chee. Eĩ mbei ra ae quia. ⁹ Mbia jembaaquiātu ata ata mose, echeē si jēhui chō. Mbia jembaaquiātu chooño mose, echeē si jēhui chō no. Ae je mbia riqui mbaeiae i nande je nae, ūquĩ si nandehui mose, ūquĩ abe ra nandechiā mbuquirācuā eā no. Nandechiu abe ra nandechiā mbuquirācuā eā no. Dios turā ae chō nandechiā mbuquirācuā nguia. ¹⁰ Jesús mūi ngue mano nande je ra. Sacrificio rei ae mūi nande je. Cose ndare rā eā namo cote re. Ticuasú ra mano eā nandechiā mbutiā sacua cote. Jesús ruqui mūi ño nandechiā mbutiā nguia co cote. ¹¹ Sacerdote rerecuā riqui ticuasú ruqui rerao rao Lugar Santísimo aque. Dios mbia icuā mbutiā sacua esi. Isho jiri sucha cuasu si echoi quia ticuasú roo rei rei aque. ¹² Jesús abe que mbae rasi saā isho jiri sucha cuasu si ra. Mano tuchi que mbia mbitirō sacua nguquĩ je ra. ¹³ Jesús que aba ireingua saā tuchi ra. Nande abe nandeseicheā nguia quia aba ireingua raā erese. ¹⁴ Nanderecuā ibi jenda ra ua chō. Dios ra nanderecuā mee nande je ibate. Ūquĩ nguia ra ua eā mbei. ¹⁵ Jesús que mano nande je ra. Nyebe nandechē turā mbei quia Dios je. Sā nandechuru riqui ñee turā mbei erīi. ¹⁶ Jēingo turā ño nguia mbia je. Jembae jemee mee nguia emo je. Ūquĩ Dios bite.

¹⁷ Jēingo turā jenderecuā je. Echeē jemumbayā. Jenderecuā riqui jendeaquiātu quiatu Dios je ūquĩ. —¿Jeteaquiātu turāte equia re? i chee ra Dios ee. Jenderecuā cheē jemumbayā mose, eyate ra ūquĩ mose. Echeē jemumba mose, eya eāte ra jendese. Jē abe ra jēya eāte no.

¹⁸ Jeñee mbei quia Dios je urerīi. Ureico turā sete equia mbia ja je ā. Ureico ndua icuā icuā eāte emo nūi ā no. ¹⁹ Jeñee tuchi quiatu quia serīi Dios je. I nda Dios semondo jei jendea.

Echeē hui bei

²⁰ Dios ae aba mombia nguia. Dios ae que Jesús raaque mbuquera si ra. Jesús ruqui rīi ngue Dios ucheē yasu mee nande je ra. Jesús ruqui rīi ngue Dios embuquera no nda. Jesús rei oveja raarōsa rā. Nanderaarō arō mbei equia co. ²¹ Sā Dios riqui jembuquirācuā tuchi. I nda jēingo bei ae Dios bite ūquĩ ndese. Sā ae riqui tuchi nandechiangui re. Nandemingo tuchi sacua ae ebite ūquĩ ndese. Jesucristo quiatote quiatu nande re. Sā mbia ñee turā mbei quiatu quia erīi. Amén.

²² Seresenda, aico co mbesa juate jembirandu sacua a. Secheē jemūi tuchi rā jēaquĩ ndese. ²³ Aico jembirandu Timoteo rese a. Etarō iriā ndiqui namo co cote. Tu jei mose

serea, ae abe ra arao seso mose jendea.

²⁴ Saludos amondo quia jenderequiasa je aque. Jesús quiato ja je saludos amondo quia aque. A Italia jenda saludos mondo quia jêje aque. ²⁵ Sã Dios siqui turã jê ja je. Amén.

LA CARTA DE SANTIAGO

Mbia icúe cúe jenda je Santiago ucheẽ mbesa mondo

¹ Santiago chõ se re. Dios rimba chõ se re. Jesucristo rimba abe chõ se re. Judíos Jesús quiato je chõ aico nguiã ã mbesa mbesa. Judíos isúe cúe jenda je. Saludar ae chõ nguiã ã mbesa jêje.

Dios mũ ño aba mbaaquiato nguiã

² Mbae icuã tâ i mose jêje, jêya bei chõ nguia, Seresenda. ³—Ma Dios icua tuchite, i mose mbae mo tâ i jêje, jêingo tuchi chõ nguia Dios rese ùqui mose. Jeñimbrãcuã aquiato sacuã. ⁴ Jeñimbrãcuã mbei chõ nguia Dios icua. † nda Dios riqui jembitirõ tirõ mbei jembuchũcabo mingo. Ûqui mose ra jeturã tuchi cote.

⁵ Jêingo turã aquiatuã mose, jeñee ño Dios je. Jeñimbrãcuã aquiatuã mose, jeñee ño Dios je no. Ae ra jembaaquiato. Ae ñee nguia Dios je nae, ùqui ja je ra mbae mondo tuchi. Ñee asi asi eã nda ee no. ⁶ Jê ache i mose Dios je, “Dios quia ñene”, jentye tuchi quiato quia. —Dios ra emee âte rei seje, i mose jemo, eicuãte ùqui. Ama ndebera rã ño ùqui nde. Sã quiririã ndiqui ama ndebera rerao turã eã no. Sã eriqui embuchebi chebite no. ⁷ Ama ndebera rã emo siqui mose, Dios ra mbae mee eã ùqui je. ⁸ Emo ndua ata ata mose, mbae mũ mo ndese eriqui aroneate.

⁹ Jesús quiato mo embae eã mose, sã eya tuchi chõ siqui. Sequiatote ite quia Dios nguiã ee aque. ¹⁰ Sã Jesús quiato mbaecha ia bei chõ siqui, mbae icuã tâ i mose ee. Sã eya riquiã umbae tubiriã ndese. Sã Dios rese quiatu eya riqui. Embae ua mose, sã eya riqui ùqui mose abe no. Mbaecha mbae ra siqui bei eã. Sã quiata uti riqui soõ jeite no. ¹¹ Tenda rasi mose ee, quiata ra ñimama. Euti abe ra uqui. Eturã eã mbei ra cote. Eĩ si ra mbaecha. Umbae tubiriã nyabe chõ nda mano.

Mbae icuã tâ i mose nande je

¹² —Ã esaã icuã, i mose emo jêje, jêsaãchĩ nda jê! Jêingo mingue chõ nguia ñimbrãcuã. Jeñimbrãcuã mose ra Dios mbae turã mee jêje. Jemingo bei rae. —Ae nyesequa quia serese nae, ùqui nda amingo bei, i que Dios cose ra. ¹³ —Ã esaã icuã, i mose emo jêje, Dios eã ño ñee nguiã jêje ùqui. —Dios que “ã esaã icuã” i seje ra, jenyechĩ nda jê. —Ã esaã icuã, i eã nda Dios emo je. Dios abe ra mbae icuã saã eã emo ñee mose ee. ¹⁴ Aba chiangui renda icuã nguiarei mbae icuã osei quia aba je. Dios eã ñene. ¹⁵ Emo mbae

icuã osei mose, mbae icuã naa arondete cote. Mbae icuã naa naa mbei mose ra Dios embasi cote.

¹⁶ —Mbae icuã esaã, i mose emo jêje, Dios ñee eã nguiã jêje. —Dios chõ ñee nguiã, jenyechĩ nda jê. ¹⁷ Ae mbae turã tuutu beite quia nande je nae, Dios chimondo chõ ùqui nde. Dios quiarei eturã mbei tuchi. Eicuã jiri jiriã emo mose. Sã Dios tenda ao no. Nyasi abe no. Ûqui nguia nyiabi abi jiri nguiã. Dios quiarei nyiabiã mbei emo mose. Eturã mbei tuchi eriqui co. ¹⁸ Sã Dios riqui seriirĩ i nande je no. Nande echeẽ icua mose nandechiangui re. —Jê nane je aico seriirĩ i co, i que Dios nane je ra. Dios riirĩ tubiriã tuchi ra ngaẽ nanderui cote.

Dios cheẽ jemumbayã ño nguia eandu mose

¹⁹ Dios quiarei eturã tuchi. Nyebe echeẽ jeñanduse tuchi quiato quia jê. Jendua quiato quia ñee nonde. Paama jentye jei jei techĩ nguiã emo je. ²⁰ Ae Dios bite riqui mbae nae, ùqui nandesaã aroneate nande paama i mose. ²¹ Ae Dios ucheẽ mondo quia jeñiangui re nae, ùqui jêisi tuchi quiato quia. Jêingo mingue chõ nguia Dios cheẽ je jê. Aba mingo beisa chõ Dios cheẽ nde. Ae mbae icuã ndese mbia riqui nae, ùqui icuã tubiriãte eriqui raque. Ûqui si jêhui tuchi. Mbae icuã ja si jêhui tuchi.

²² Dios cheẽ nda jeñandu chooñochĩ jê. Echeẽ jemumbayã tuchi quiatu jê. Emo Dios cheẽ andu chooño mose, ae sí chõ ñimbrĩ irĩ nguiã aque. ²³⁻²⁴ Sã emo ndiqui mae ñooño nguba rese espejo je no. Sã eriqui tesarei jei chõ nguba si no. Eĩ si chõ Dios cheẽ andu chooñoosa re. Tesarei jei chõ nguiã Dios cheẽ si. Echeẽ mumbayã ndocoĩ. ²⁵ Dios cheẽ nguiarei aba mbui tuchi mbae icuã si. Ae siqui tuchite quia Dios cheẽ ndese nae, ùqui ndese ra Dios riqui tuchi echeẽ mumbayã mose. Ûqui Dios cheẽ ñandu chooñoate quiatu nguiã. Echeẽ emumbayãte quiatu nguiã.

²⁶ —Dios quiato chõ se re, i raque emo. Uchuru rerequia chooñoa mose, Dios quiato raã ñooño ño ùqui nde. Ae sí chõ ñimbrĩ irĩ nguiã ùqui. ²⁷ Ae Dios quiato chooñoa tuchi nae, ùqui ndiqui mbae turã naa naa ùqui. Ûqui ndiqui esi cheecha reaquiature ùqui. Ûqui ndiqui eru cheecha reaquiature ùqui no. Mbae eã mose eru cheecha mbae. Ûqui ndiqui ñimbrãcuã icuã eãte mbae icuã mo je ùqui.

2

Mbia nandesi turã ja chõ nguia nyiabiã

¹ Jesucristo quiato chõ jê nde. Jenderecua tuchi chõ ae re. Nyebe mbia jêisi turã ja chõ nguia nyiabiã. ² Sã mbaecha mo ndiqui

ngasê jeñimunia mose jêje no. Huiirao turã ndesebe. Eo cuasa turã ndesebe oro. Sã mbaecha reã mo abe riqui ngasê jeñimunia mose no. ³ Sã jêingo mbaecha isi turã no. Sã jêingo embucoi erenda turã tose no. Sã jêingo mbaecha reã mbucoi turã eã no. ⁴ Eĩ jenyê mose, jêisi turã ja eã ño nguiã ùqui. Jembuchiabi chõ nguiã ùqui. Hue ri ja eã ño jêingo nguiã mbia cuata mee ùqui. Jendua turã eã ñochi nguiã ùqui. ⁵ Secheê jeñandu rã, Seresenda. Mbia mbaecha reã ngue Dios irabo ra. Dios icua tuchi sacua. Ùqui ndese quiarei Dios o tuchi mbaecha mo si. — Ùqui nda siqui tuchi serese se ererecua tuchi mose, i que Dios ñee nyii ra. ⁶ Jê ngue mbia mbaecha reã jenguirirõ tuchi ra. Eicua eãte ùqui ndiqui raque jêje. Mbaecha quiatu eicuãte riqui nguiã jêje. Jembuiri iri ño nguiã. Jenderao rao chõ nguiã ererecua je, jê mbae mo mee mee sacua ee. ⁷ Mbaecha chõ ñee icua icua nguiã Cristo ri. Nandererecua chõ Cristo resê.

⁸ —Sã ereico nyesequa ndechiese no. Eĩ ere si chõ nyesequa emo ndese, i que Dios mbia je cose ra. Dios cheê i tuchi chõ ùqui nde. Nande ùqui ñee mumbayã mose, nandeico turã ndae. ⁹ Nande mbia mo isi turã mose, emo isi icua mose, eicuãte ùqui. Nande mbia isi chiabi abi mose, Dios cheê nandemumba chõ nguiã ùqui. ¹⁰ Dios cheê tubiriãte raque nande je echeê mumbayã sacua. Nande echeê mii mo mumba mose, echeê ja mumba raanguia chõ ùqui nde. Echeê ataque mumbayã ndaque. ¹¹ Dios cheê tubiriãte. —Jêingochi nda emo ninisi rese, i que ra. —Mbia mo nda jêiquiachí, i que ae si ñee nda. Nande emo iquia mose, echeê nandemumba chõ nguiã ùqui. Nandeicoã ndaque emo ninisi rese. ¹² Dios cheê ngue nandembui mbae icua si cote ra. Nandehesecua sacua mbia rese. Nyebe nandeico turã mbei chõ nguia mbia je. Dios quiatu ra nandecuata mee tuchi emo mose cote. ¹³ Ae eya eã eãte riqui emo ndese nae, ùqui ndese ra Dios ia eã eã nandecuata mee mose. Nandeya eã mose emo ndese, ùqui mose ra Dios nandembasiã.

Nande Dios icua mose, mbae turã abe nandesaa ño nguiã

¹⁴ Sã emo ndiqui ñee no. —Dios aicuate quia co, i. Ùqui mbae turã naa eã mose, ùqui nda Dios sirõ eã mbae icua si. Dios icua chooño ño ñene. ¹⁵ Sã Jesús quiato mbaecha reã mo ndiqui ngasê jêje no. Sã eirao eã ndiqui no. Sã echiurã mo eã ndiqui no. ¹⁶ Sã jemo ndiqui ñeeño ee no. —Nde ae chõ ndechiurã etea. Nde ae chõ ndeiraorã etea. Eso turã ño, i jemo ee. Mbae mo mee ndocoi ee. Jeñee iru chooño ño nguiã ee ùqui. ¹⁷ Jêingo turã eã mose emo je, Dios jêicua

chooño ño nguiã ùqui. Jê Dios jêicua mose, mbae turã jêsaã jiri ae.

¹⁸ Sã emo ndiqui ñee no. —Dios aicuate quia co, i. Sã emo ndiqui ñee no. —Mbae turã asaã saã nguia co. Dios aicua chooño eã nguia co, sã emo ndiqui i no. Jê Dios icua mose çmañi ae ra jêicua mbae turã naa naa eã mose re? Se quiatu mbae turã asaã saã nguiã co. Nyebe ra mbia “eriqui Jesús icuate co”, i seri. ¹⁹ —Dios mii ño siqui nguiã co, jenyê chõ nguiã ùqui. Eturãte raque ùqui. Aba checuayã abe riqui ñee ndaque Dios mii nii co no. Siquichete esi ñee ndaque eri. ²⁰ ÇMbaerã jêaracuayã tuchi riqui re? Emo mbae turã naa naa eã mose, Dios icua chooño ño nguiã ùqui. ²¹ Sã nandei Abraham no. —Nderiiri emee seje, i mose Dios, Abraham ngue echeê mumba eã nda. Nyebe Dios Abraham isi turã mbei nguiã. ²² Abraham ngue Dios icua chooño eã nda. Mbae turã ngue esaã saã mbei quia Dios icua mose ra. Dios cheê ngue emumba eã nda. Nyebe nandeico nguiã ñee. “Abraham Dios icuate”, i. ²³ Sã embesa ji riqui ñee no: Abraham ngue Dios icua ra.

Nyebe que Dios eisi turã mbei ra, i que embesa ji ra. Ùqui ngue ique tuchi cote ra. Nyebe “Dios Quiato” i nguiã Abraham je. ²⁴ Emo Dios icua chooño mose, Dios ra eisi turã eã. Emo Dios icua tuchi mose, sã mbae turã abe raã naa. —Dios icuasa, i nda mbia ee cote chã. ²⁵ Sã Rahab cose no. Cuña icua. Siqui ata ata bei mbia rese. Aque que Josué chimondo isi turã nda. Mbuchiimi turã ngue mondo mbia icua si ra. Nyebe Dios Rahab isi turã nguiã. ²⁶ Sã nanderete no. Umi umi eã mose, “eraaque” i chõ mbia nguiã ùqui je. Ùqui na ño mbia mo ndiqui nguiã ã. Mbae turã naa eã. Nyebe nandeico nguiã “Dios icuayãte” i ee ã.

3

Cochee chõ nandechuru nandereco

¹ —Mbia mbaaquiato quiatu sacua se, jjenye jaaja techi nda equia jê! Emo emo mii ño. Mbia ra mae tuchi urerese. Urecuata ra emee tuchi. Mbia mbaaquiato quiatusate quia ure re. ² Dios cheê nandechabi chabi chõ nguiã nande ja ã. Emo uchuru rerequia turã mose, nguete ja abe rerequia turã ño nguiã ùqui. ³ Sã nandeico freno mii ticuasuru churu rese no. Nandechê mumbayã sacua ño ùqui nde. Sã freno ñetê je chõ nandeico ticuasuru rete rurucuata nandenduasa quiti no. Ticuasuru rete cuasute raque. ⁴ Sã lancha cuasute raque no. Sã quiririã quiracuãte riqui raque ee no. Ira ñetê je chõ echa riqui nguiã embucuata turã unduasa quiti. ⁵ Eĩ ño nandechuru nguiã. Nandechuru mbae saã ata ata chõ nguiã. Eñetête raque. Sã tata

ñetēte raque no. Mbae ra esei ja tuchi oso quia.

⁶Tata rā ño nandechuru re. Nandechuru quiarei mbae icuā ñumumbara raā uquia tuchi nande je. Nandechuru icuā na eāte nanderete resenda mo. Nandechuru chō nanderete mbiicuā ja nguiā. Nandechuru chō nandereco rerequia icuā mbei nguiā. Aba checuayā ño nandechuru rerequia icuā nguiā no. ⁷Sā nandeico quiaa rinda mo mbusetē arōte raque no. Ae mbebe quia nae, ūqui abe nande mbusetē arōte raque. Mbei abe nandembusetē arōte raque. Ae siqui ama ñi nae, ūqui abe nandembusetē arōte raque no. Ūqui ja que mbia mbusetē emo mose ra. ⁸Nandechuru quiatu nandembusetē aroneate nguiā. Nandechuru icuā nguiatu nandembuquiriri aroneate nguiā. Mbei tasi je rā tuchi chō nandechuru riqui nguiā nande je ā. ⁹Nandechuru je nandeico ñee turā ndaque nanderu Dios je. Nandechuru sí je chō nandeico nguiā ñee icuā mbia Dios chiao je cote. Ae rā sí raque Dios mbia ao. ¹⁰Nandechuru sí je nandeico ñee turā ndaque. Ñee icuā abe no. Ūqui Dios biāte, Seresenda. ¹¹Sā icua riqui no. I turā mose, eturā ja bei chō ñene. I reē mose, ereē ja bei chō eno nde. I chumumbara chī aroneate icua mii ye. ¹²Sā isio riqui ia eā ira a mo no. Isio a bei chō nda ia nguiā. Ira mo nda ia eā enongue a no. Ea sí chō nda ia nguiā no. Sā nandeico i turā ndea eā i reē mbirō no. Hue icua mii ye ra eñi ja eā. Eñi si chō nandechuru no nde. Nandechē ñumumbara mose, eicuāte ūqui.

Ae je Dios uaquiату mee nae

¹³Jemo aquiату mose, sā eriqui mbae turā naa naa mbei. Sā eriqui tochi bei no. ¹⁴—Paama jenyе checuayā mose jenyue, jēaquiату jēsāā ñooño ño nguiā ūqui no. Jeñee ñooño ño nguiā ūqui. Dios cheē ndui eā tuchi chō ūqui nde. ¹⁵Eñi jenyе eā nda cote, Dios uaquiату mee mose jēje. Paama jenyе checuayā mose jenyue, Dios rā eā ño jē nde. Dios quiatōā nyisāā na ño ūqui nde. Aba checuayā nyisāā na ño ūqui no nde. ¹⁶Mbia ndua eā mose emo ndese, eicuāte ūqui. Mbia paama i checuayā mose nyue, eicuāte ūqui no. Ūqui mose ra mbia siqui turāyā nyue. Mbae icuā icuā mbei ra ee. ¹⁷Dios uaquiату mee mose nande je, nandechiā turāte ra cote. Nandechiā nda ngoite cote. Cocheete ra nandeico cote. Emo ñee nda nandemumba eāte cote. Nandeya eā nda mbia rese cote. Mbae ra nandesaā turā mbei quia cote. Nandendua ata ata eā nda cote. Nandechē nyecuate ra eriqui mbia je cote. ¹⁸Nande mbia nandemingo turā mose nyiese, nandechiā turā nda nandeico cote.

4

Ae mbae icuā quiatote nae, Dios quiatōā ño ūqui nde

¹¿Mbaerā ño jēingo nyao nyao nyiese chā? ¿Mbaerā ño jēingo ico icuā icuāte nyue chā? Jeñiangui renda icuā ñi ño ñene. “Se chō jē”, jenyе jaaja quiату nguiā mbae icuā osei osei. ²Jembae eā jenyosei choseichī nguiā ā. Jē ererequiayā mbei mose, mbia jēiquia arō ñochi nguiā ā. Mbae jenyosei chosei chōchī nguiā ā. Nyеbe jēicuā icuā mbeite riqui nguiā jenyue ā. “Embu seje”, jenyе āte quiату nguiā Dios je. Nyеbe jēingo nguiā eisiā. ³“Embu seje”, jenyе mose Dios je, “embu seje” jenyе icuā icuā ño nguiā ee ā. Mbae mumba chooño sacuā ño jēingo nguiā “embu seje” i Dios je ā. Nyеbe Dios riqui nguiā emee eā jēje. ⁴Sā cuña mo ndiqui hui ngu si no. Eñi jenyе si chōchī nguiā hui hui Dios si ā. Ae Dios biāte nae, jē ūqui osei osei mose, Dios quiato aronea ño jē cote re. ¿Mañi jenyе quia ūqui icuayāte re? ⁵Sā embesa ji riqui ñee ñooño āte no:

Espiritu Turā Dios mee nguia nandechiangui re nae, aque riqui nguetēte nanderese co.

Nandeico sacuā Dios mii ndese, i que embesa ji ra. ⁶Dios turā i ite riqui nande je co. Sā embesa ji riqui ñee no: Ae ucuasu saā saā nguia nae, Dios riqui ūqui ndiquisāte co. Ae siqui tochte quia nae, ūqui je quiату Dios turā i ite riqui nguiā co, i que embesa ji ra. ⁷Jēingo tochi chō nguia Dios je. Aba checuayā jēsiquisā ño nguia jenyesi. Ūqui mose ra uchā jēsi cote. ⁸Dios jēsichā tuchi quiату quia. Ūqui mose ra Dios abe jendichā tuchi. Jēingo mose mbae icuā ndese, jēhui chō esi. Jendua ata ata mose, jeñia jembitirō ño. ⁹¿Mbaerā jēingo iquia iquia mbae icuā naa mose re? ¿Mbaerā jēyate riqui mbae icuā naa mose re no? Jenyeseo quiату quia jēicuā ñi. Jēya eā nguiату quia jēicuā ndese no ae. ¹⁰Jēingo tochi chō nguia Cristo je. Aquerе quia ra ae jeturā mbuchecua mbia je cote.

Nandechē icuā eā emo ñi

¹¹Jeñee icuāchī nda emo ñi, Seresenda. Dios cheē mumba chō ūqui nde. —Jenyesequa chō nguia jenyiese, i que Dios ra. Jē Dios cheē mumba mose, “Dios cheē icuā” i raanguia chō ūqui nde. “Dios cheē icuā” jenyechi nda echeē mumbayā ndocoñi jē. ¹²Dios ae chō mbia cuata mee nguiā co. Dios mii ño ucheē mondo nguiā nande je. Nande echeē mumbayā sacuā. Dios ae chō aba rirō nguiā aba icuā si. Dios ae chō nda aba rirō tata cuásuu no. Nande quiarei emo cuata nandemee aroneate.

Mbae mo tasaā isamami, nande aroneate

¹³ Sã nandemo ndiqui ñee no. —Taso mbae mo naa naa pee. Taico are tuchi pee. Mbae mo isi sacua icua. Tenda nongue mose ra achube, i no. Ndua rane eã Dios rese. ¹⁴ Ūqui Dios biãte. Nandeiranuate mbae mo ndese. Mbae mo tu arondete tã i nande je. Isamami nandemano arondete. Shimbo rã ño nande re. Sã shimbo riqui quiaçã jeite no. ¹⁵ —Mbae mo tasaã, nandechi nda nande ae ndua mose rocoi Dios rese jẽ. —Dios eno i mose seje, ūqui mose quiatu mbae tasaã, nande quiatu quia. ¹⁶ ¿Mbaerã jẽingo tesarei Dios si re? ¿Mbaerã jẽingo “se ae mbae tasaã” i re? Jenguasu jẽsaã saã ño nguiã ūqui. Eicuãte ūqui. ¹⁷ Ae mbae turã icuate quia nae, sã ūqui ndiqui mbae turã naa mbei. Mbae turã naa eã mose, eicuãte ūqui cote. Dios biãte ūqui cote.

5

Santiago ñee asi mbaecha je

¹ Tacheẽ mbaecha je cote. Jẽya eã ndasi ra jẽsaã tuchi cote, mbaecha. Jenyeseo tuchi quiatu quia. ² Jembae ra ua ja tuchi cote. Chicuaquiarĩ nda jẽirao ua tuchi. ³ Jembae mbae isiquia ra quiaçã ja cote. Jembae mbae isiquia rã nda jẽ abe jẽquiaçã tuchi cote. Mbae isiquia rese chõ jẽingo nguiã ndua. Dios rese ndua rocoi. Mbae isiquia jemunua nua tuchi chõ nguiã Dios jembasi sacua ã cote. ⁴ Mbia que quiei quiei rei quia jẽje resẽ. Mbae que jemondo turã turãya nguia jembae ishao shaosa je resẽ. Ūqui Dios mbiirandu raanguia chõ nguiã jeni. Nyebe ra Dios jembasi uquirãcuã je. ⁵ Sã ticuasuri riqui quiaru bei ñimbuquira no. Eiquia nonde. Eĩ ño jẽ nde, mbaecha. Jembi rese chõ ngue jẽingo bei quia ra. Jẽquiaru choõño mbei que equia ra. Siqui rocoi Dios rese. Nyebe ra Dios jembasi cote. ⁶ Jẽ ngue mbia turã jembasi mbasi quia ra. Jẽ ngue mbia turã jẽiquia iquia quia no nda. Mbae icuã mo esaã eãte raque jẽje. Nyebe ra Dios paama i tuchi jẽje, mbaecha.

Jesucristo jẽsaarõ arõ mingue chõ nguia

⁷ Jesucristo ra tube ibii, Seresenda. Jẽsaarõ arõ mingue chõ nguia. Sã mbia riqui ama nyaaqui raarõ arõ mingue no. Mbae tiquia nonde no. Aquere ra eriqui minguebe umbae raarõ arõ no. Eucua ucua nonde. ⁸ Eĩ jenyẽ chõ nguia Jesucristo raarõ arõ mingue jẽ abe. Jẽñimbirãcuã ño nguia Jesucristo raarõ arõ. Achite eñi tu a cote. ⁹ Jẽnee icuã icuãchi nda jenyue, Seresenda. Ūqui mose ra Dios jembasi. Namo jiri ra Dios mbia icuã mbasi. ¹⁰ Jẽñimbirãcuã mingue chõ nguia. Sã Dios cheẽ mbuchecuasa mbia cose ndare no. Sã ñimbirãcuã mingue mbia icuã mose ee no. ¹¹ Ae ñimbirãcuã mingue quia nae, ūqui je chõ Dios turã ndiqui nguiã.

Sã Job cose no. Ñimbirãcuã mingue tuchi que equia ra. Aquere que Dios turã tuchi riqui ee cote ra. Ūqui jẽicuate quia ã. Eĩ si chõ Dios turã tuchi nguiã mbia je co.

¹² Á abe jẽandu tuchi. Jẽnee ñooõochi nda jẽ. Jurar jenyechi nda emo mose jẽ. Ibatenda riĩ. Ibi jenda mo ñii abe no. Mbae ja mo ñii nda jurar jenyẽ jirichĩ jẽ. Eno jenyẽ mose, ūqui mii mbei chõ jẽnee. Tei jenyẽ mose, ūqui mii mbei chõ jẽnee no. Eĩ jenyẽ mose ra Dios ñee asiã jẽje.

¹³ Jemo ia eã mose, sã ñee Dios je. Jemo ia mose, sã irasei rasei Dios je no. ¹⁴ Jemo ndasi mose, sã “jenyu” i Jesús quiato rerecua je. Sã ūqui ñee Dios je erasi riĩ cote. Sã mbae quira mo quti erasi ãqui ndese Jesús riĩ. ¹⁵ —Jesús ra embucherõ, i mose uchiangui re ñee mose Jesús je, mbucherõ ndae. Erasi mbae icuã naa mose nyii, ūqui nda embutiã esi no. ¹⁶ —Mbae icuã ngue asaã eã nda, jenyechi nda jẽ. —Mbae icuã ngue asaã nda, jenyẽ quiatu quia jenyue. Jẽnee quiatu quia Dios je jenongue riĩ. Ūqui mose ra Dios jembucherõ. Emo turã mo ñee tuchi mose Dios je, Dios ra mbae turã saã tuchi ee. ¹⁷ Sã Elías no. Nande rã si chõ ndaque Elías. Sã ñee tuchi Dios je ama mbuchaaqui eã nonde no. Nyaaqui eã mbei que cote ra. Tres años y medio chee que ra. ¹⁸ Aquere que Elías ñee Dios je cote ra. Ama mbuchaaqui sacua cote. Aque mose que nyaaqui cote ra. Mbae que suri ja cote ra. Mbae ia ja chee no.

¹⁹ Emo icha mose Dios si, sã enongue embuchebibe mingo Dios rui sí. ²⁰ Nde mbia mo mbui mose huicua si, eresiquisã quisã ño nguiã eso eã sacua tata cuásuu ūqui. Dios ra eicuã mbutiã esi cote.

PRIMERA CARTA DEL APOSTOL SAN PEDRO

Pedro ucheẽ mbesa mondo Jesús quiato ishonda jaaja je

¹ Pedro chõ se re. Jesucristo chimbaaquiatu chõ se re. Aico ã mbesa jêje a. Isho isho jendeco mose jendecua si. Ponto jenda je. Galacia jenda je. Capadocia jenda je. Asia jenda je. Bitinia jenda je. Jê ja je aico ã mbesa a. ² Dios que jêirabo umbaerã nyii jeã mose ra. Espiritu Turã ngue jemii icũe Dios mbaerã cote ra. Jê echeẽ mumbayã sacua. Jesucristo ruqui jembitorõ sacua abe jêicua si no. Sã Dios riqui turã i i tuchi jendese. Sã eriqui jembia i i tuchi no.

Dios ra mbae turã mee ja nande je

³ Nandechẽ turã mbei quia Dios riĩ. Jesu cristo rute quia ae re. Ae que eya eãte riqui nanderese ra. Nyebe nandei si nguiã mbi-asu nguiirina cote. Dios Jesucristo raaque mbuquera mose, aque mose que nandem-biasu nande abe ra. Nyebe nandeco nguiã ñee ã. “Dios cheẽ nda io turã ja nande je”, i ã. ⁴ Dios ra nandemingo bei. Eri-riĩte quia nande re. Nyebe ra mbae mee ja nande je nandeco mose ibate. Mbae icuã ndese ra nandemae eã tuchi aque mose cote. ⁵ Jêingo Dios icuate ùqui. Nyebe ae riqui nguiã jendeaquiatu tuchi uquirãcuã je co. Dios que mbae mbuquiche ja nande je ra. Nandererao sacua ibate. Mbae ua ja mose ra nandererao ja ibate cote. Co eriqui raã nguiã nanderaquiatu co. ⁶ Nyebe jêyate riqui nguiã ùqui. Mbae rasi tu mbirĩ arõte raque jêje. ⁷ Sã mbia riqui oro mbuchi no. Equia rirõ sacua esi. Eĩ ño Dios nguiã jêje co no. Jê Dios icua tuchi sacua ño mbae rasi riqui re. Nyebe Dios jêicua. Mbae rasi raã naa ndaque. Eturã tuchi chõ ùqui oro si re. Oro quia ra ua emo mose. Jê nguia ra jêhua eã mbei Dios icua mose. Jesu-cristo tu mose nda Dios ñee turã tuchi jenii ña. ⁸ Jêingo nyeseccata Jesucristo rese ùqui. Jemae eãte raque quia erese ùqui. Jêingo eicuete jêiangui re ùqui. Jêya tuchite riqui erese ùqui. ⁹ Jêingo Jesucristo icuate ùqui. Nyebe ra Dios jêai mingo turã mbei cote.

¹⁰ Sã Dios cheẽ mbuchecuaa ñee cose no. —Mbia ra mae jee Dios turã ndese, i que ñee nda. Nanderii ño ngue eriqui nguiã ñee. —Mañi nda Dios quia reae. Uturã je ra mbia mingo bei reae, i que Dios cheẽ mbuchecuaa ndua ndua cose ra. ¹¹ Espiritu Turã ngue siqui quia Dios cheẽ mbuchecuaa chiangui re ra. Mbiirandu randu que equia Cristo riĩ nda. —Cristo ra mbae rasi saã tuchi. Aquere ra equirãcuã

tuchi mbia rerecua mose ae cote, i que Espiritu Turã Dios cheẽ mbuchecuaa mbi-irandu nyii ra. —Manosete ra ùqui ndeae. Aba riĩ eriqui “Cristo” i remi, i tuchi que Dios cheẽ mbuchecuaa quia ndua ndua ra.

Dios que jemii icũe umbaerã nda

¹² Dios que embiirandu ra. —Jê jêtiamba quiatu ra Cristo mbae rasi saã mbia mingo bei sacua. Jêtiamba quiatu ra Cristo mbae rasi saã mbia namonda je. Mbia emo mosenda je, i que Dios ra. Nanderii ño ngue eriqui nguiã “namonda” i. Nyebe mbia riqui nguiã ùqui ja renei nenei jêje Cristo riĩ cote. Espiritu Turã abe riqui erenei nenei jêje co cote. Angeles abe ùqui icua sete raque quia Cristo riĩ ùqui. ¹³ Jendua tuchi rã nguia mbae raã nonde. Jêtesa bei quiatu quia. Jesucristo tu mose, eturã tuchi ra ae jêje aque mose. ùqui ndese quia jêingo bei tesa eraarõ. ¹⁴ Ae jenyosei chosei quia nyii nae, Dios icuayã mose nyii nae, ùqui ndese jêingo ndua eã cote. Dios cheẽ jemumba eã ño nguia cote. ¹⁵ Dios quiarei jemingo icũe umbaerã tuchi. Nyebe jêingo turã tuchi ae rã si. ¹⁶ Sã Dios cheẽ mbesa ji riqui no: —Jêturã ño jêingo se rã si, i ñi embesa ji re. ¹⁷ ùqui jêingo “Paba” i Dios je ùqui. Nyebe jêingo ireĩ ireĩ jiri esi jêingo mose ibii. Dios ra mae nandechiao ja ja rese. Emo chiao rese ra mae eã eã. ¹⁸ Nandei ñiinda que siqui chooñõ nguia cose ra. Dios rese siqui rocoĩ. Eĩ nande que equia nande abe nyii no nda. Dios que nanderirõ ùqui si cote ra. Dios que mbae isiquia mondo eã nanderirõ sacua nandecua si ra. Oro que emondo eã no nda. Plata abe no. ¹⁹ Cristo ruqui quiatu ngue nanderirõ nguiã nandecua si. Aba queteamba tuchi chõ Cristo ruqui re. Cristo mano mose nande je que eruqui uchẽ tuchi ra. Sã sacerdote oveja turã ño iquia no. ²⁰ —Cristo ra mano mbia icuã ndiquicharõ, i que Dios nyii mbae ao nonde ra. Namõ ño ùqui io nguiã jêje cote. Namõ ño Cristo mano nguiã jêje cote. ²¹ Cristo chõ Dios icua uquia nguiã jêje ùqui. Dios chõ ngue Cristo raaque mbuquera nguiã. Dios chõ uquirãcuã mee nguiã Cristo je. Nyebe jêingo nguiã Dios icua ùqui cote. Nyebe jêingo nguiã ñee. “Dios ra nandemingo bei ibate” i ùqui.

²² Dios cheẽ jêisi turã mingo ùqui cote. Nyebe jeñia mbitirõ nguiã mbushĩ cote. Nyebe jêingo nguiã nyeseccata arõte mbae rese cote. Jenyeseccata tuchi quiatu quia jenyiese jê. Nandechiangui re chõ nandeco nyeseccata tuchi mbia rese jê. ²³ Nyaacuquia si je raanguia chõ jê cote re. Nandechaacuquia que equia nyii nae, mbia chõ ngue nanderu nyii ra. Nandechaacuquia sire, Dios que nanderu tuchi cote ra. Dios cheẽ ño nandembuchaacuquia si nguiã.

Echeē nda ua eā bei. Siqui bei rae. ²⁴ Sā embesa ji riqui ñee no: Quiata rā tuchi chō mbia ja riqui nguiā ā. Sā quiata riqui mano jeite no. Quiata uti rā ño mbia riqui nguiā ā no. Eturā mbirī ño chí ndaque nyii. Aquere chō ñimama cote. Mano cote. ²⁵ Dios cheē nguia ra ua eā mbei, i que embesa ji ra. Dios cheē sí chō ngue jeñandu nguiā Jesucristo rī. Jemingo bei sacuā.

2

Jēo tuchi chō nguia Dios cheē ndese

¹ Nyebe jēhui mbae icuā ja si. Jē nda mbia jembirī irichī nguia jē. Jenguasu ra jēsaā saāchī. Emo mbae ra jenyosei choseichī nguia jē. Jeñee icuā icuāchī nda equia emo nī jē. ² Sā āque itāquei ndiqui uchū achā asite no. Eī jenyē bei chō nguia oo Dios cheē ndese. Eī nda jēquirācuā tuchi riqui Dios rese. Sā āque quirācuā ndiqui quiambure no. ³ Dios turā ngue jēsaā ndei resē.

Sita turā na ño Cristo re

⁴ Jesucristo ra siqui bei. Jesucristo rei sita turā na. Sā mbia riqui sita mo ndirirō no. Eī si chō mbia nguiā Jesucristo ririrō ndei ā. Dios queteamba tuchi quiatu Jesucristo re. Dios chiirabo tuchi chō ae re. Jesucristo jēsīchā i i tuchi quiatu quia jē. ⁵ Sita turā na ño jēingo nguiā jē abe ūquī. Sā Dios chuchua ao ji sita turā je no. Dios chuchua ao ji rā ño jē no nde. Jeñee turā mbei quiatu quia Dios je. Jē sí chō jendete jemondo quia ee. Jēingo bei quiatu quia icúe embaerā. Ūquī mose ra Dios jēisi turā mbei Jesucristo rī cote. ⁶ Nyebe Dios cheē mbesa ji riqui nguiā ñee:

Jesucristo ra amī Zión.

Tuchua i turā na tuchi chō Jesucristo re.

Sechiirabo tuchi chō ae re.

Aba queteamba tuchi chō ae re.

Ae Jesucristo icuate quia nae, ūquī mo nda ñee eā.

“Jesucristo rui aico jirichī co”, iā nda emo, i que embesa ji ra. ⁷ Sā mbia mo tuchua ao sita turā je no. Ūquī sita turā na ño Jesucristo riqui nguiā co. Ūquī jēingo Jesucristo icuate ūquī. Nyebe jengueteamba tuchi ae riqui nguiā co. Ae Jesucristo icua eāte quia nae, ūquī je ra embesa ji cheē io tuchi cote. Ā ndei embesa ji cheē ā:

Ae tuchua aosa quirirō sita nae, aque quia ra tuchua i turā tuchi cote,

i que embesa ji ra. ⁸ Sā embesa ji riqui ñee no:

Sā sita riqui pātā i emo cúi je no jē.

Embucoi no jē,

i que embesa ji ra. Eī si chō nda mbia pātā i raanguia Jesucristo cheē je. Jesucristo

cheē mumbayā sereāte quia ñene. “Echeē mumbasa ra pātā i raanguia”, i que Dios ñiinda mosenda bei ra.

Dios mbaerā tuchi chō jē nde

⁹ Dios que jēirabo umbaerā tuchi ra. Sacerdotes rā ño jēingo nguiā Dios je ūquī. Dios que jemingo icúe umbaerā nda. Jē mbia mbiirandu randu bei sacuā Dios chiao turā nī. Ae quiatu que jendirō itondaru si ra. Jēingo sacuā nyaashī Dios rese cote. ¹⁰ Mbía chimbutereāte que jē nyii ra. Dios quiato tuchi chō namo jē cote re. Emo ngue ndua eāte quia jendese nyii ra. Dios quia ndua tuchi nguiā jendese co cote.

Dios rimba chō jē nde; nyebe jēingo turā

¹¹ Achesequa tuchite quia jendese co. Iso ishote jēingo jendecua si ūquī. Ae mbia chosei chosei quia mbae icuā nae, ūquī ndese ra jemae maechī. Eicuāte riqui nandeaī je ūquī. ¹² Ae Dios icua eāte quia nae, ūquī ndésaa jēingo turā ño nguia. Ūquī ndiqui ñee icuā icuāte raque jeni ūquī. Jēicuā mose rocoī. Ūquī nda mae jee jēturā ndese. Ñee turā jee ra Dios rī, Jesús tu mose.

¹³ Mbía rerecua ja cheē jemumbayā ño nguia Dios je. Ae ererecua tuchi ererecua ja si nae, aque cheē abe jemumbayā ño nguia no. ¹⁴ Sā ererecua tuchi riqui mbia rerecuarā mī jaaja no. Mbía icuā mbasi mbasi sacuā. Mbía turā ndeaquiātu sacuā abe no. Ūquī ñee abe jemumbayā ño nguia no. ¹⁵ Jēingo turā ño nguia jē. Jēingo turā mose ra mbía aquiātuā ñee icuā aroneate jēje. Dios bite ūquī. ¹⁶ Jesucristo que jembu mbae ja si cote ra. Jenderecua eāte raque mbae mo cote. —Mbae icuā tasaā. Sererecua eāte rei ñene, jenyechī ndae. Dios rimba chō jēingo. ¹⁷ Jēingo turā ño nguia mbia ja je. Jenyesequa chō nguia jendesenda Jesús quiato rese. Jēireī ireī jiri Dios si. Mbía rerecua cheē nda jemumba mumbachī jē.

Cristo rā si chō jēingo ñimbirācuā turā mbae rasi je

¹⁸ Mbía rimba je tacheē cote. Jenderecua cheē jemumbayā ño nguia jē. Jēireī ireī jiri quia esi jē. Jenderecua icuā mose abe chō echeē jemumbayā nguia. “Jenderecua turā mose achō ño echeē jemumbayā”, ae eā nguiā jēje co. ¹⁹ Mbía icuā icuā ñooño mose nande je, nanderoseī nguiātu chō nandeico. Dios bite ūquī. Dios rī nanderoseī nguiātu mose, ebite ūquī. ²⁰ Mbae turā jēsaā saā mbei chō nguia. Mbía jēirua nua mose jēturā nī, jendeseī nguiātu chō jēingo. Ūquī mose ra Dios ia tuchi jendese. Mbae icuā mo nda jēsaāchī. Jē mbae icuā naa mose, Dios biāte ūquī. Mbía jēirua nua mose jēicuā nī, jendeseī nguiātu raque rae, Dios biāte ūquī. Jēicuā nī ño ñene. ²¹ Nyebe Dios “jēingo serui”, i nguiā nande je. Sā

Cristo rosei nguiátu tuchi mbae rasi raã mose nande je no. Nande abe nanderosei nguiátu sacuaã eraã si. ²² Cristo que mbae icuaã mo saã eã tuchi ra. Mbia mo ngue embãri iriã tuchi quia ra. ²³ Mbia ñee icuaã mose Cristo je, ae que ñee icuaã eã mbei mbia cheë ndibishorõ nda. Mbia Cristo mbaasi asi mose, “tasaã se”, iã tuchi que equia ra. “Dios quiarei”, i chõ ngue equia ra. ²⁴ Jesús mano mose ira mbuchicuandasa ji rese, nande icuaã ndiquicharõ ño ngue mano nguiã. Eraaque rá nandeico sacuaã mbae icuaã je chõ ngue re. Nandeico sacuaã mbae turã ndese chõ ngue re. Cristo mbae rasi raã mose, jembitirõ sacuaã ño ùqui nde. ²⁵ Ovejas quia chã je rá ño ngue jëingo nguiã nyii. Jenyebi que oso ngasë Cristo rea cote ra. Ovejas raarõsa rá ño ae riqui nguiã jëje co cote. Ae chõ jendeaquiату nguiã co.

3

Jendu cheë jemumbayã ño nguia, i cuña je

¹ Mbia ninisi je tacheë cote. Jendu cheë nda jemumbachí jë. Jesús quiatoã ndaque jendu. Echeë jemumbayã ño. Jendu nda Jesús icua chee cote chã. Jëingo turã mose ee. Jë Jesús cheë nenei neneinde rocoi ee. Jesús nda eicua cote chã. ² Jëingo turã ndese ra jendu mae nyee. Echeë jemumbayã mose. ³ —Mbae je nda serete ambarõ na ña, jenyechi nda ndua ndua jë. Jëo resenda rese. Jëhui rese abe no. Tiru turã ndese abe no. Jëa uma ji turã ndese abe no. Ùqui mii ndese chõ nda jëingochi ndua beite jë. ⁴ Jëñiangui re quiatu jëingo turã. Jëingo tochi chõ nguia. I nda jëturã ua eã mbei jësi. Ùqui nguiatu Dios bite re. ⁵ Sã cuña mo no. Dios quiato cose no. Ùqui nguiatu que eturãte riqui uchiangui re quiatu ra. Ngu cheë abe mumbayã no. Ndua rocoi nguete resenda umbarõsa rese. ⁶ Sã Sara Abraham ñee mumbayã no. Sererecua i ee. Jëingo turã mose, Sara rá nda jë cote. Mbae mo si ra jësiquichechí cote jë.

Jëingo turã ño nguia jeninisi je

⁷ Tacheë eninisi rerecua je cote. Jëaquiату chõ jëingo turã jeninisi je. Jeninisi jemingo turã. Jëingo tochi chõ nguia ee. Jë nguia jeãtã jiri esi re. Dios quia eturãte jë ja je re. Jeninisi rese. Dios que jendeco mingo nyiese ra. Jeninisi rese. Nyebe jëingo nguiã siqui turã jeninisi je. Ùqui mose ra Dios jeñee andu bei, jeñee mose ee.

Mbia icuaã icuaã mose jëje jëturã mose, jëya chõ jëingo

⁸ Jëingo turã ja chõ nguia jenyue no. Jëya eã jiri jëingo jenyiese no. Hue ri ja chõ jëingo ndua ja. Jenyesequa ja chõ nguia nyiese. Jëseteã ño jëingo nyue. ⁹ Mbia icuaã mose jëje, jëicuaãchí nda jë abe ee. Mbia ñee icuaã mose

jëje, jeñee icuaãchí nda jë abe ee. Jeñee turã nguiatu quia ee jë. Jëingo serui, i chõ ngue Dios jëje re. Dios ñee turã mbei sacuaã jenii ño ngue re. ¹⁰ Sã embesa ji riqui ñee no: Jëingo turãse mose, jeñee icuaã eã emo nii. Jëingo chooño sereã mose, jeñee ñooño eã emo je no.

¹¹ Jenyicuasë ño nguia mbae icuaã si.

Mbae turã ño jësaã nguia.

Jëturã ño nguia mbia ja je jë.

¹² Ae siqui turã nguia nae, ùqui Dios teaquiату bei quia co.

Ùqui ñee Dios chandu turã mbei quia co.

Ae siqui quia mbae icuaã ndese nae, Dios biã tuchi chõ ùqui nde,

i que embesa ji ra.

¹³ Jëingo turã mose jëmañi nda emo mbae icuaã naa jëje re? ¹⁴ Mbia icuaã icuaã mose jëje mbae turã naa mose, jëya tuchi chõ ùqui mose re. —Mbae icuaã nda asaã ndeje jë, i mose jëje, jësiquicheã ño esi. ¹⁵ Jesucristo jemingo tuchi chõ nguia jëñiangui re jenderecuarã. Emo ñee mose jëje, jeñee aquiату chõ ee. —¿Mbaerã ereico Jesucristo rese re? i mose emo jëje, jeñee aquiату chõ ee. Jëingo mingue chõ ee. ¹⁶ Jëingo turã mbei. Diosbi rese jëingo bei. I nda jëya bei riqui. I nda “mbae turã asaã eã ñochi”, jenyee eã. Ae ñee icuaã icuaã nguia jenii nae, ùqui nda irei ireite quia ucheë icuaã si cote. Irei irei nda jëingo turã mose Cristo rese. ¹⁷ Mbae rasi jësaã mose jëturã nii, ùqui nguiarei Diosbi tuchi. Mbae rasi jësaã mose jëicuaã nii, ùqui nguiarei Dios biã tuchi. Mbae icuaã niite quia ñene. ¹⁸ Cristo abe que mbae rasi saã nande je ra. Mbae icuaã naande rocoi. Ae raque eturã. Mbae rasi que esaã nandeicuaã ndiquicharõ nda. Nandemingo sacuaã Dios rese. Cristo rete que mano nda. Espiritu Turã ngue embuquera si ra. ¹⁹ Aque mose que Cristo si Dios cheë nenei nenei mbia aï tarõ ji je ra. ²⁰ Ùqui ngue Dios cheë mumba mumba quia nyii ra. Noé Dios cheë nenei nenei mose ee. Dios rosei nguiátu tuchi que eriqui mbia riisu aque mose ra. Noé siqui bei mose arca raã naa. Aquere que mbia miite ique arca ye ra. Ocho que mbia ra. Siqui bei sacuaã ama ndicuasu mose. ²¹ Sã ama Noé mumbebi mingo no. Eí si chõ bautismo co no. Nandeí mbuchasu mose, aque quia ra nandemingo eã Dios rese. Nandechiã mbitirõ ji mose, aque mose quia ra Dios nandemingo bei cote. Bautismo tuchi chõ ùqui nde. ²² Jesucristo quera sire que esi ibate ra. Hue eriqui beite Dios jii hue cote. Mbae ja rerecua tuchi chõ ae cote re. Angeles rerecua. Ibatenda rerecua ja.

4

Mbae jësaã turã ja

¹ Sã Cristo mbae rasi saã tuchi siqui mose ñbii no. Eĩ jenyẽ si chõ nguia ñimbirãcuã nguiaútu mbae rasi raã mose. Ae mbae rasi saã tuchi quia nae, ùqui nda mbae icuã saã eã mbei cote. ² Ae Dios bite nae, ùqui ndese ra eriqui bei cote. Ae ehoseite quia nae, ùqui naa ndocõ. ³ Mbia ataque rã tuchi que nandeico nyii ra. Nandeicuã tuchite que eriqui nyii ra. Ae nandehosei quia nae, ùqui ndese achõ ño ngue nandeico nyii ra. Nandequiacua quiacua que equia nyii ra. Nandehimbusei chooño mbei que equia nyii ra. Dios abareã ndese que nandeico ndua tuchi nyii ra. Huee chõ cote. Nandehui que ùqui ja si cote ra. ⁴ —¿Mbaerã jẽingo bei eã mbae icuã naa naa urerese re? i nanderesenda ñiinda quia nande je ã. Nyebe eriqui nguã ñee icuã icuãte nande je ã. ⁵ —¿Mbaerã ùqui jẽsaã nde? i chee ra Dios ùqui je cote. Dios mae mose mbia chisaã saã ja rese. Aque mose ra Dios mbia mano je abe chisaã ndea ja. Mbia reco abe chisaã ndea ja. ⁶ Ae mano mbia nyii nae, ùqui je que Jesucristo Dios cheẽ nenei nenei nda. Eaĩ siqui turã sacua Dios rã si. Erete mano ndaque huicua je.

⁷ Achite mbae ñi ua ja a cote. Nyebe jẽingo mbae turã naa naa ja bei. Nyebe jẽingo ñee ñee mbei Dios je. ⁸ Jenyesequa tuchi quiatu quia jenyese. ùqui mose ra jẽtesarei jenongue icuã si. ⁹ Jenongue jẽisi turã ño nguia nyoĩ mose jenyuchua. Jẽya chõ jẽingo eisi mose. ¹⁰ Dios que nandehisaã saana mee nande ae ae je ra. ùqui jẽsaã turã turã ño nguia jẽataque je. Dios uaquiatu mee mose jẽje mbae mo naa sacua, ùqui jẽsaã turã turã ño nguia jẽataque je. ¹¹ Emo Dios cheẽ nenei nenei mose, sã Dios cheẽ tuchi chõ esenei senei nguia. Jemo mbae turã naa naa mose uataque je, sã eriqui eraã turã Dios quirãcuã ñi. Ae jẽsaã saã nguia mbae nae, Dios je chõ jẽsaã. I nda mbia ñee turã mbei Dios riĩ. Jesucristo riĩ abe no. Sã mbia ñee turã mbei Dios riĩ. Amén.

Mbae icuã tuutu mose jẽje, jẽya cho jẽingo

¹² Mbae icuã tuutu mose jẽje, “¿Mbaerã eriqui seje re?” jenyechĩ nda nyuruirate, Seresenda. Eĩ mbei chõ mbae icuã nguia tuutu Jesús quiato je. ¹³ Mbae icuã tuutu mose jẽje, jẽya chõ jẽingo. “Cristo rã si chõ nandeico nguã mbae rasi raã”, jenyẽ chõ nguia ñimbia. Cristo nininya tu mose, aque mose abe nda jẽya tuchi chã. ¹⁴ Mbia ñee icuã icuã mose jẽje Cristo riĩ, coche ñene. Jẽya chõ jẽingo. Espiritu Turã ño jẽichu ichu nguã ùqui. ¹⁵ Mbia jembaasi asi chooño mose Cristo riĩ, jẽya chõ jẽingo. Jẽicuã ñi mbia jembaasi asi mose, ùqui nguiatu aba ireite re. Jẽ mbia mo iquia mose. Jẽ mbae mo mbuquiachã mose. Jẽ mbia mo mbupaama i mose. Jẽ ùqui icuã mo naa

mose, aba ireite ùqui. ¹⁶ Mbia jembaasi asi mose Cristo riĩ, jẽireĩ ireichĩ nda ùqui mose. Cristo resendate quia jẽ nde. Nyebe jẽya chõ jẽingo. ¹⁷ Dios ra mae ja chee mbia chisaã ja rese. Achite Dios ñi mae uquiato chisaã ndese a. Nandehisaã ndese chee ra Dios mae. Uquiato chisaã ndese chee. Mañi nda uquiatoã nyisaã je remi. ùqui nguiatu ra embasi tuchi nandesĩ quiatu. Dios cheẽ turã nguiatu ngue eisiachĩ nguã. ¹⁸ Dios quiato riqui ñimbirãcuãyã arõ arõte mbae icuã tuutu bei mose ee ã. Dios quiatote raque. Dios quiatoã nguiatu ra ñimbirãcuãyã tuchi mbae icuã si. Dios ra emondo chee tata cuasu. ¹⁹ “Mbae rasi jẽsaã”, i mose Dios nande je, nandesaa turã ño nguia ee. Mbae turã nandesaa i i chõ nguia ee. Nandereco nandemee tuchi nandeaosa Dios je. Ae ra ucheẽ mbuchebiã mbei nande je.

5

Jesús quiato jẽteaquiatu turã ño nguia

¹ Jeñimunua je rerecua ja je tacheẽ cote. Cristo quiato rerecua chõ se no nde. Cristo mbae rasi raã ndese que amae se ra. Cristo nininya nyecua mose, se abe ra aico bei erese cote. ² Ae Jesús quiato siqui quia jendese nae, ùqui jẽteaquiatu turã nguia. Sã ovejas raarõsa riqui ovejas raarõ turã no. Eĩ jenyẽ chõ nguia Jesús quiato raarõ. Jẽteã teã eã ño nguia mbia mbaequiatu quiatu. Jendua ndua eã ño nguia mbae isiquia rese. ³ Jẽingo tochi chõ nguia Jesús quiato chimunua nua je. Mbiacha ra jẽsaã saã techĩ ee jẽ. Jẽingo turã ño nguia eresa rae. I nda jẽ na sí eriqui. ⁴ Jesucristo quiarei mbia reaquiatusa tuchi nande si. Ae tu mose, mbae turã tuchi mo nda emee jẽje premio. ùqui nda ua eã mbei. ⁵ Acuanindu je tacheẽ cote. Amei ñee jemumbayã ño nguia jẽ. Jẽ ja jẽataque cheẽ jemumbayã ño nguia jẽ. Jẽingo tochi ja chõ nguia jenyue jẽ. Sã embesa ji riqui ñee no:

Ae ucua saã saã nguia nae, Dios biã tuchi chõ ùqui nde.

Ae siqui tochi quia nae, ùqui je quiatu ra Dios turã mbei riqui,

i que embesa ji ra.

⁶ Jẽingo tochi chõ nguia Dios je jẽ. Equirãcuã tuchi chõ ae re. Ae ra mbia mumae turã nyee jendese emo mose cote. ⁷ Jendua ndua ia eã si jẽhui chõ. Jeme ño Dios je. Ae riqui nda beite jendese co. Jendeaquiato beite quia co. ⁸ Jeñimbaaracua chõ nguia jẽ. Jẽtesa bei chõ nguia jẽ. Aba checuayã nderecua riqui ngata beite co jẽ. “Mbia tambicua icuã”, i beite equia co. Sã nyacua no. Sã nyacua risha riqui urei mbocheite “mbae tau” i no. ⁹ Aba checuayã nderecua jẽsiquisã ño nguia jenyese. Dios jẽicua tuchi chõ nguia

jeñiangui re. Sã jendesenda ishonda ja riqui mbae rasi raã tuchi no. Jẽ na si no. ¹⁰ Sã Dios turãte riqui nande je no. Mbae rasi ra jẽsaã ndaque nyii. Aquere ra Dios jembitirõ cote. Jembirãcuã tuchi cote. Dios sí chõ ngue ñee nguiã nande je. “Taemingõ bei serese ibate Jesucristo rĩ”, i nguiã nande je. ¹¹ Dios quiarei equirãcuã mbei. Eturã mbei. Amén.

Pedro ñee hui bei sacua cote

¹² Co ambesa quia jẽje co. Jemingo i i sacua Dios rese. Jembaaquiato sacua Dios turã nii. Jẽingo bei chõ nguia erese. Co ambesa mondo quia jẽje aque. Silvano ndese aque. Jesús quiato turã tuchi chõ Silvano nde. Nanderesenda re. ¹³ Jesús quiato Babilonia jenda saludos mondo quia jẽje aque. Dios chiirabo chõ ã nde. Jẽ na si. Marcos abe saludos mondo quia jẽje aque no. Seriri na ño aico nguiã ee co. ¹⁴ Saludar jenyete turã turã ño jenyue mambi. Jenongue ritii abe jẽsiite ite chõ nguia mambi. Jesucristo quiato jate quia jẽ nde. Sã jẽya beite riqui. Amén.

SEGUNDA CARTA DEL APOSTOL SAN PEDRO

Pedro ucheẽ mbesa mondo Jesús quiato je

¹ Simón Pedro chõ se re. Jesucristo rimba chõ se re. Jesucristo chimbaaquiato chõ se re. Aico co mbesa mbesa jêje co. Ure rã si chõ jêingo nguiã Jesucristo icua ùqui. Nandebi tuchi Jesucristo icua mose. Dios turã tuchi nandemingo mose Jesucristo rese. ² Sã Dios turã ndiqui tuchi jendese. Sã Dios jembia tuchi mingo. Jesucristo jêicua i i tuchi bei oso quia.

Jeñimbaaquiato i i tuchi Dios rã

³ Jesucristo nandeicuate quia ã. Nyebe Dios riqui nguiã mbae raã ja tuchi nande je co. Nandemingo bei sacua. Nandeico sacua erã sí. Uquirãcuã je eriqui mbae raã ja tuchi nande je co. Uturã ngue emee nande je ra. ⁴ Dios que ucheẽ turã mee nande je ra: —Co tasaã jêje. ã tasaã jêje. Co abe, i tuchi que equia nande je ra. Ûqui ngue esaã ja nande je cote ra. Jesucristo rã si que nanderaã nda. Ae mbae icuã mbia chosei chosei quia nae, ùqui si eriqui nanderiquisã quisã co. ⁵ Jêingo Dios icuate ùqui. Jêingo turã ño nguia jê. Jeñimbaaquiato i i tuchi quiato quia Dios rã jê. ⁶ Jendeco jêingo turã ño nguia i co jê. Jêingo mingue chõ nguia jê. Dios rã si chõ jêingo jê. ⁷ Jêingo turã ño nguia jenyue. Jenyesequa chõ nguia jenyese no. ⁸ Eĩ jenyese mose, eturãte ùqui. Eĩ jenyese i i tuchi chõ nguia jê. Ûqui mose ra Jesucristo jêicua chooño eã. Mbae ra jêsãã saã tuchi quia ee. ⁹ Eĩ jenyese eã mose, mbia resayã na ño jêingo nguiã ùqui. Eĩ jenyese eã mose, jêtesareĩ chõ ndei equia jeñia irei ji si ùqui. Jesús jêicuaã cose ndare mbutiã mose. ¹⁰ Ûqui jesaã saã tuchi chõ nguia jê. Jê ùqui naa mose, jê sí chõ nda jenyicua quia. “Dios chiirabo chõ nande re”, jenyese tuchi ra equia. Jêhui eã mbei ra equia Dios si cote. ¹¹ Dios ra jêisi tuchi mingo Jesús récuã cote. Huee ra jêingo bei erese.

¹² Nyebe ra aico bei jemundua ndua ùqui ndese. Jêicuate raque. Jêingo turãte raque Dios cheẽ ndese. ¹³ Coche aico rei jemundua ndua ùqui ndese a. Sereco siqui mose a ra aico jemundua ndua bei ùqui ndese. ¹⁴ Jesucristo que ñee seje ra: —Ereico arete eã nda ibii, i que sembiirandu ra. ¹⁵ Taemundua ndua bei erese. I nda jêtesareĩã mbei esi semanonde abe.

Se sí amae Jesucristo rese, i Pedro

¹⁶ Jesucristo quirãcuã ngue uresenei senei tuchi quia jêje ra. —Jesucristo ra tube ibii, ure tuchi que equia jêje ra. Ichoiñosa reã

ñeetuchi chõ ùqui nde. Mbia ñee ñooño je eã tuchi chõ ùqui nde. Se sí chõ ngue amae Jesucristo nininya rese ra. ¹⁷⁻¹⁸ Dios que unininya mee ee sita ibátee ereco mose ra. Se abe reco mose huee que ra. Serêsaa que Dios unininya mee Jesucristo je ra. —Seriĩrã ño co re. Sechesecua chõ co re. Seyate erese, i que Ibatenda ñee aque mose ra. Echeẽ ngue achandu se abe ra. ¹⁹ Eĩ sí tuchi que Dios cheẽ mbuchecuaa chimbesa nyii ra. Echeẽ mbesa ji chooño eã ño ùqui nde. Jêingo tuchi quia echeẽ mbesa ji rese. Mbae resaesa tuchi chõ echeẽ mbesa ji re. Sã tata rendi riqui itondaru resaeete nyaashĩ nyee no. Jêingo tuchi mose echeẽ mbesa ji rese, Cristo ra jendique tesae tuchi quia jêje. Sã nyasitata riqui nanderesae no. ²⁰⁻²¹ Dios cheẽ mbuchecuaa mo ngue ñee ñooño eãte quia emo mose ra. Ucheẽ ae que mbesa mbesa eãte quia ra. Espiritu Turã ño ngue embucheẽ nguia ra. Espiritu Turã ño ngue Dios cheẽ mbesa mbesa uquia quia ee ra.

2

Ae mbia mbĩrĩ irĩ nguia embaaquiato quiato mose

¹ Mbia mo ngue Dios cheẽ mbuchecuaa saã ñooñote quia cose ra. Espiritu Turã ae que embucheẽ eã nda. Eĩ sí ra emo jembĩrĩ irĩ ñooño name. Ñee ñooño nda equia Dios rã jêje. Hui huite chõ nda equia Jesucristo si. Ae mano nguia erĩ. Nyebe ra Dios ùqui mbutiã asi. ² Mbia ra siqui tuchi mbae icuã ndese ùqui ñee nguire. Mbia ra siqui chooño ño cuña mo ndese ùqui ñee nguire. Nyebe ra mbia ñee icuã icuã Jesús cheẽ turã nii. ³ Ûqui nda mbae isiquia choosei oseĩ tuchi chõ nguia jembae. Nyebe ra jembaaquiato icuã icuã. Dios que ñee ùqui nii coose ra. — Ûqui nda ambasi tuchi je, i que ra. Achite ùqui ñi a cote.

⁴ Angeles mbae icuã naa mose, ùqui nyee que Dios tiisu isu ãte quia ra. Ecua ji que emombo tata cuásuu ra. Itondáruu que emombo ra. Siqui bei sacua huee, Jesús tu chee mae eicuã ndese. ⁵ Mbia cose ndare abe que Dios tiisu isu ãte quia ra. Noé mosenda. Ûqui ngue eicuãte riqui ee ra. Nyebe que Dios ama mbuchaaqui tuchi ee ra. Ama mbicuaa mbia iquia ja sacua. Noé mii ngue Dios iquia eã nda. Mbia siete rese. Dios cheẽ nenei neneisate quiato ngue Noé nde. ⁶ Sodoma jenda abe que Dios tiisu isu ãte quia ra. Gomorra jenda abe no. Mbia icuã tuchite quiato ngue re. Nyebe Dios ùqui ndei ja nguã tata je. Echuchua ja resebe. —Eĩchĩ nda nande abe je re, nandeico eã mose erese, i sacua mbia icuã. ⁷ Lot mii ngue Dios iquia eã nda. Eiturãte quiato ngue eriqui nguiã Dios je. Eya eãte que eriqui

mbia hue jenda mbae icuã naa naa mose ra. ⁸ Mbia mbae icuã naa naa mbei mose que Lot ia eã mbeite riqui ra. Ae mii ño ngue echã turã Dios je ra. Nyebe Dios ae mii iquia eã nguiã. ⁹ Ae siqui beite quia Dios rese nae, Dios riqui ũqui ndeaquiatu beite co. Mbae icuã jea je esi tã i mose ee. Ae mbae icuã saã nguia nae, ũqui nda Dios mbasi tuchi. Jesucristo ra tu chee mae eicuã ndese. ¹⁰ Ae siqui quia mbae icuã ndese ubi nae, ũqui nda Dios mbasi tuchi. Ae aba cheẽ mumba quia, ũqui abe ra Dios mbasi no. Ae eĩ ñooñote quia mbia je nae, ũqui. Ae ñee ñooñote quia mbae ibatenda je nae, ũqui abe no. ¹¹ Mbae ibatenda rii ngue ángeles ñee icuã eãte quia Dios je ra. Angeles quirãcuãte raque mbia si. ¹² ã mbia quiarei mbae quiaa riinda rá tuchi. Ndua turã eã mbae rese. Siqui chooño. Ñee icuã ñooño mbae icua rocoi. Mbae quiaa riinda rá ño nda ã mano cote. Dios ra equia tuchi. ¹³ ã nda mbae rasi saã tuchi quia cote. Ubi icuã mii ndese chõ eriqui nguiã ndua ã. Jembãiri iri ño nguiã ã. Quiaru chooño ño nguiã jendese ã. Jesús quiato raã ñooño jêje. Aba ireingua tuchi chõ ũqui nde. ¹⁴ Maẽno aronea cuña mo ndese. Hui aroneate equia mbae icuã si ã. Ubichõ aroneate equia cuña iquia iquia chooño je rese ã. Mbae osei osei jate equia ã. Dios ra embasi tuchi cote. ¹⁵ Ishote eriqui Dios si ã. Nyũcuasẽ equia Dios si ã. Sã Balaam ndiqui nyũcuasẽte esi no. Beor riiri. Sã mbae icuã naa mbae isiquia isi nonde no jê. ¹⁶ Sã burra ñee asite ee no. “Mbae icuã tasaã”, i mose ndua ndua. Sã mbae icuã naa eã burra ñeende ee cote no.

¹⁷ Icuã iru rá ño ã mbia re. Sã quiririã ndiqui ibeishĩ mbucuatate no. Eĩ si chõ ã mbia re. Hue bei eã chí. Nyebe ra Dios emombo bei itondáruu. ¹⁸ Uchisaã mbae icuã nii ñee ñee ja mbia je. Ucuasu raã naate equia ã. Mbia mbãiri iri mbeite equia mbae icuã je ã. Ae hui ramo ndei mbae icuã si nae, ũqui abe mbãiri irite equia mbae icuã je ã. ¹⁹ —Jẽingo mose urerese, jẽingo turã ndae, i bei rei equia mbia je ã. Mbae icuã nimba si chõ ñee ñee nguiã ee ũqui. Ae rui nandeico quia nae, ũqui nimba quiatu nande re. ²⁰ Sã emo Jesucristo icua raque nyii no. Sã mbae icuã naa eã ndaque ee aque mose no. Mbae icuã embãiri iri mose ũquinde, eicuã tuchi ra cote. Mbae icuã nimba tuchi ra ae cote. Ñiinda si. ²¹ Dios quia nda ũqui icuayã mbei nyii re chã. Dios icuare quiatu ngue hui nguiã echeẽ si. ²² Siqui mbãiri ndaque Jesús rese. Hui esi aquere cote. Sã ñooño ndiqui ñemo ndaque no. Sã oso raque ucúe ndecha no. Nyebi jei chõ u ucúe u cote. Sã teasu socoi mo ndiqui raque nyasu no. Aquere ñimoo moo ño utuchu je cote. Eĩ ño mbia re, ae siqui juate quia Jesús rese. Aquere siqui

jei chõ mbae icuã ndese.

3

Jesucristo ra tube

¹ A aico segunda carta mbesa jêje a. Jemundua turã sacua ño ũqui nde. Ae acheẽ jêje nyii nae, ũqui ndese jemundua sacua ño aico nguiã ã mbesa jêje a. ² Ae Dios quiato senei senei mbia je nyii nae, ũqui ndese jendua. Ae Jesús chimbãaquiatu ñee mbia je nae, ũqui ñee jemumbayã ño. ³ ã ndese jendua: Jesucristo tu nonde ra mbia riqui iquia chooño Dios je. Ñee icuã icuã nda equia Dios je. Ae ebite mbae icuã nae, ũqui achõ ndese chõ nda eriqui. ⁴ ũqui nda ñee jêje: —Sã Jesús tu ãte no jê. Sã ucheẽ mbucbebi chõ jê. Sã eĩ mbei chõ Dios chisaã ima jê, i ra ũqui ñee icuã icuã jêje. ⁵ Cose ndare rese nduayã. Dios que ibei chao ucheẽ je chõ cose ra. Ibi abe que echao i ite re ra. ⁶ Aquere que Dios ama mbicuasur ra. Mbae iquia ja nonde cote. ⁷ Dios riqui ibei rerecoquiatu co. Ibi abe no. ã nandeico irõ erese ã nae, Dios ra emendi cote. Aque mose ra mbia Jesús quiatoã oquei ja.

⁸ Co abe rese jendua, Seresenda: Nyaashĩ mii na ño mil años Dios je re. Mil años na ño nyaashĩ mii Dios je no nde. ⁹ —Jesús ra tu ãte rei no. Ucheẽ embucbebi rei quia mambi, i raque emo emo nguia Jesús rii ã. Ico mingüete equia mbia je pe. —Emo nda quia chã Dios si chã. Siqui ja nda erese chã, i equia eriusu isu pe no. Nyebe eriqui nguiã tu jei eãte. ¹⁰ Mbia mbuate ra Jesús ru. Sã mbae mbuquiachãsa riqui tu itondiite mose no. Eĩ si ra Jesús u mbia mbua. ũqui mose ra ibei ua cote. Mbae rieu ra aba mundi tuchi. Nyasitata ra membe. Ibi abe ra oquiei tuchi. Mbae ja ra oquiei ibi jenda.

¹¹ Nyebe Dios nandesicã tuchi quiatu quia. Dios rá si quiatu nandeico mbae turã ndese. ¹² Jesucristo ru jenyosei quiatu quia. Ae Dios bite nae, ũqui ndese quiatu jẽingo. f nda Jesucristo ru jei. ũqui mose ra ibei oquiei ja. Nyasitata abe ra membe tata je. ¹³ Aquere ra Dios ibei mbiasu cote. Ibi abe ra embiasu ucheẽ nguire no. ũqui ño nandesaarõ arõ nguiã ã. ũqui mose ra mbae turã achõ cote.

¹⁴ Nyebe jẽingo turã ño Dios rese. Mbae icuã je ra jeñimbũcuãchĩ jê. Jeñimbũcuã eã mose ra Dios iate jendese eru mose chã. ¹⁵ Dios siqui mingüete quia mbia je co. Mbia rirõ sacua eicuã si chõ ũqui nde. Eĩ si chõ ngue Pablo abe embesa nguiã jêje no. Ae Dios ñee Pablo je nae, ũqui si que Pablo mbesa jêje ra. Nanderesenda tuchi chõ Pablo re. Nandechesecua chõ nguiã erese ã. ¹⁶ Pablo carta mbesa mbesa bei mose, mbia mundua ndua sacua ã ndese chõ ñene.

Aba chícuayāte raque Pablo chimbesea emo. Ae eaquiātuāte Dios rese nae, ũquí Pablo cheē nyabi chabi chō nguiā. Sā embesa ji ataque abi abi no. Nyebe ũquí sí chō ñimbūicuā icuā nguiā ũquí. ¹⁷ Sechesea, a aico jembiiirandu jei a. Mbia icuā jembui eā sacuā Dios si. Mbia icuā nda jembūiri irichī jē. Jēingoquiātu tuchi quiātu jē. Huee jēingo turāte Dios rese namo hue. ¹⁸ Jesucristo rei nandererecua tuchi. Jēicua i i tuchi quiātu jē. Jenyesea i i tuchi quiātu erese jē. Ae que nanderirō mbae icuā si ra. Eturā mbeite que eriqui nande je ra. Sā mbia ñee turā mbei quia erī. Amén.

PRIMERA CARTA DEL APOSTOL SAN JUAN

Mbia mingosa

¹ Ae siqui quia mbae tiã mose nyii nae, aque tasenei jêje. Ae riqui beite namo co no. Ae cheê ngue urechandu chandu bei quia ra. Uremae mae mbei que equia erese ra. Ureoco oco que equia erese no nda. Jesucristo, i equia ee. Dios cheê, i abe equia ee. Mbia mingosa, i abe equia ee no. ² Mbia mingosa que siqui ngu rese nyii ra. Tu que nyecua ure je ibi cote ra. Uremae ngue equia erese ra. Uresenei senei equia jêje ã. ³ Ae rese uremae nae, aque uresenei senei nguia jêje ã. Ae urechandu nae, ùqui abe uresenei senei nguia jêje ã. Jê abe nda jêingo urerese chã. Sã ureico Dios rese ure no. Jesucristo abe rese. ⁴ Jêya tuchi sacuaã ño ureico nguiaã ã mbesa jêje ã.

Dios rei nyaashĩ na

⁵ Jesucristo que urembiirandu Dios rese nyii ra. Ùqui si chõ uresaã saã nguiaã jembirandu sacuaã ã: Dios rei nyaashĩ na. Itondaru rã jiri jiriã tuchi chõ ae re. ⁶ “Dios resenda rei se” nandechĩ nda nandeico eã mose erui jê. Nande i mose, nandechêê ñooño ño nguiaã ùqui. Nande i mose, mbia mbĩrĩ irĩsa chõ nande re. ⁷ Dios rã nandeico mose nyaashĩ, nandeico turã ño nguiaã nandechiese ùqui. Dios rã nandeico mose nyaashĩ, Jesús ruqui nandeicuaã mbutiã ja quia nandesĩ ã no. ⁸ “Mbae icuaã asaã eãte rese” nande i mose, nandechimbĩrĩ irĩ ño nguiaã ùqui. Nande i mose, ñee ñooñosa tuchi chõ nande re. ⁹ Nandeicuaã nandesenei mose Dios je, ae ra eturã nande je. Nandeicuaã nda embutiã ja nandesĩ ucheê nguire. ¹⁰ “Mbae icuaã asaã eãte resê” nande i mose, “Dios ñee ñooñosa” nandesaaã ño nguiaã ee. Nande i mose, Dios cheê iqueã ño nguiaã nandechiangui re ùqui.

2

Jesús ñee turã Dios je nanderĩ

¹ Mbae icuaã jesaã eã sacuaã ño aico nguiaã co mbesa jêje co, seriirĩ. Jemo mbae icuaã naa mose, Jesucristo ra ñee turã Dios je aque rĩ. Eicuaã mbutiã sacuaã esi. Jesucristo quia rei eturã mbei. ² Jesucristo rĩ ño Dios nandeicuaã mbutiã nguiaã nandesĩ. Ae rei nandeicuaã ndibishoronda. Nande mui icuaã ndibishoronda eã ño ñene. Mbia ja icuaã ndibishoronda chõ ñene. ³ Nande Dios cheê mumba eã mose, “Dios aicuate quia co” nande ra nandechiangui re cote. ⁴ “Dios aicuate quia co” i mose emo, Dios cheê mumba mose, ñee ñooño je chõ ùqui nde.

⁵ Ae Dios cheê mumba eãte nae, ùqui nguiaatu nyeseocate nguiaã Dios rese ùqui. ⁶ Ae “aico tuchi Dios rese co” i quia nae, sã ùqui siqui tuchi quiatu quia Jesús rã.

Dios cheê yasu

⁷ Dios cheê yasu eã ño ambesa nguiaã jêje co, Sechesequa. Dios cheê ñiinda sí chõ ambesa mbesa nguiaã jêje a. Jê echeê mumbayã sacuaã. Ae jeñandu nyii nae, ùqui. ⁸ Jêingo Jesucristo icuate ã cote. Nyebe eyasu raãte eriqui nguiaã jêje. Jesucristo que nyesequa mbia rese ra. Jê abe jêingo nyesequa jenyiese ã cote. Itondaru eãte riqui jêje ã cote. Nyaashĩ ja chõ jêje cote re. ⁹ Nyaashĩ aico co, i mose emo, nguesenda ucuãya cuãya mose, itondaru bei chõ siqui nguiaã ùqui je aque. ¹⁰ Ae nyeseocate quia nguesenda rese nae, ùqui ndiqui nyaashĩ mbei ùqui. Ùqui nda siqui icuaã eã. ¹¹ Ae nguesenda ucuãyate quia nae, ùqui ndiqui itondaru bei ùqui. Itondaru eresa chati chõ nguiaã ùqui. Nyebe eriqui nguiaã nguico icuayate ùqui.

¹² Jesucristo rĩ ngue Dios jêicuaã mbutiã jêsi ra, Seriirĩ. Nyebe aico nguiaã co mbesa mbesa jêje a. ¹³ Ae siqui beite quia nyii nae, aque jêicuate quia ùqui, Mbiaru. Nyebe aico nguiaã co mbesa jêje a. Jêingo mbia mbĩrĩ irĩsa riquisã quisã ùqui, Acuanindu. Nyebe aico nguiaã co mbesa jêje a. Nanderu jêicuate quia ùqui, Echo. Nyebe aico nguiaã co mbesa jêje a. ¹⁴ Ae siqui beite quia nyii nae, aque jêicuate quia ùqui, Mbiaru. Nyebe aico nguiaã co mbesa jêje a. Jêiratate jêingo jeñiangui re ùqui, Acuanindu. Dios cheê ngue jêisi turate jeñiangui re ra. Jêingo mbia mbĩrĩ irĩsa riquisã quisate ùqui. Nyebe aico nguiaã co mbesa jêje a.

¹⁵ Jenyeseocate chĩ nda mbae ibi jenda ja rese jê. Mbae ibi jenda ja rese jenyesequa mose, jenyesequa eãte ra Dios rese. ¹⁶ Ibi jenda icuaã ja chõ ñene. Nanderesa mbae icuaã osei osei mose, eicuate ùqui. Nanderete abe mbae icuaã osei osei mose, eicuate ùqui no. Nandecuasu abe nandesaaã saã mose, eicuate ùqui no. Ibi jendachõ ño ùqui nde. ¹⁷ Mbae icuaã nda ua ja ibi jenda. Ae mbia chosei chosei quia ibi jenda nae, ùqui abe ra ua no. Ae Dios cheê mumba eãte quia nae, ùqui nguia ra siqui bei.

Cristo ucuãyasa

¹⁸ Achite mbae ñi ua ja a, Seriirĩ. Cristo ucuãyasa ra tu mbia mbĩrĩ irĩ, i que jeñandu nyii, ngaẽ ngaẽte que cote ra. Nyebe ureico nguiaã ñee, “mbae ra ua ja cote” i. ¹⁹ Cristo ucuãyasa tubiriãte riqui ã. Nanderesenda rei que nyii ra. Nanderesenda chooño ño ngue ra. Nanderesenda tuchi mose, eĩ nda hui ãte rei nandesĩ. Hui chõ ngue echoi uresi ra. “Eresenda eã ño eriqui re” i sacuaã mbia. ²⁰ Jêje quiatu que Cristo Espiritu Turã mondo

nguiã. Nyebe jëingo nguiã mbae icua jate ũqui. ²¹ Ae bei, jenyee eã ño nguiã ichõĩñosa je ũqui. Dios quia ichõĩñosa reã tuchi re. Dios cheë jëicuate quia ũqui. Nyebe aico nguiã ã mbesa mbesa jëaquiatu je a. Eaquiatuã je eã aico nguiã ã mbesa mbesa a. ²² ¿Aba chõ ichõĩñosa chã? “Dios chimondo eã ndei Jesús” ae i quia nae, ũqui ño ñene. Ae siqui sereãte quia Paba rui nae, Jesús abe rui nae, Cristo ucuãyãsa chõ ũqui nde. ²³ Ae siqui sereãte quia Dios riirĩ ndui nae, Dios abe rui eriqui ãte ũqui. Ae Jesús isi turã nguia nae, eru abe eisi turã ño nguiã no. ²⁴ Ae rese jëingo jirandu beite nyii nae, ũqui ndese jëingo bei. ũqui ique tuchi mose jeñiangui re, jëingo bei ra Dios riirĩ ndese. Eru rese abe no. ²⁵ Taemingõ bei, i que nande je ra.

²⁶ Ae jembiiĩ iri serite quia nae, ũqui nii ño aico nguiã ã mbesa mbesa jëje. Jembii-irandu sacua. ²⁷ “¿Aba quiatu ra nandembaaquiatu quiatu re?” jenyee aroneate quia ũqui. Espiritu Turã ndiqui tuchi jeñiangui re jembaaquiatu quiatu ũqui. Jesucristo que emondo jëje ra. Ae chõ jembaaquiatu quiatu nguiã mbae ja riĩ ũqui. Ñee ñooñoa tuchi chõ ñene. Cristo rese jëi ngo bei, Espiritu Turã ñee nguie.

²⁸ Seriiĩ, jëingo bei equia erese jë. Nandesiquicheã nda esi eru mose chã. Nandeireĩ nguiã nda eru mose no ña. ²⁹ Jesucristo quia rei eturã tuchi. Mbae raã turã ja bei. Ae mbae saã turã mbei quia nae, eriiĩ ño ũqui nde.

3

Seriiĩ, i Dios nande je

¹ Dios que nyesequa tuchite nanderese ra. Seriiĩ i tuchi que nande je ra. Nyebe mbia Dios quiatuã ndiqui nandeicua eãte ã. Dios abe icua eãte equia ã. ² Dios riirĩ ndei nande, Sechesequa. Dios ra nandembuturã tuchi core. ũqui nandeicua eãte raque quia ã. Jesucristo tu mose, nandemae tuchi ra erese cote. Erã si ra nandeico tuchi cote. ³ “Jesucristo ra tu sembuturã” ae i icuate quia uchiangui re nae, ũqui ndiqui siqui turã tuchi ũqui. Jesucristo rã sí.

⁴ Mbae icuã naa naasa rei Dios cheë mumbasa. Eicuãte Dios cheë mumba. ⁵ Jesucristo que tu mano nandeicua mbutiã nandesira. Mbae icuã ngue esaã jiri jiriã tuchi quia ra. ũqui jëicuate quia ã. ⁶ Ae siqui quia Jesucristo rese nae, ũqui nda mbae icuã mo saã eã. Ae siqui quia mbae icuã ndese, ũqui nguia eicua eãte nguiã. ⁷ Seriiĩ, emo nda jembiiĩ iriĩchĩ ñee ñooño jëje jë. Ae mbae turã saã saã nguia, eturã ño ũqui nde. Jesucristo rã sí chõ ũqui nde. ⁸ Ae mbae icuã saã saã nguia, diablo rimba chõ ũqui nde. Diablo riqui mbae icuã naa naa mbei co. Cose ndare bei. Diablo chiao mbuquiachã sacuaã

ñõ ngue Dios riirĩ ndu ra. ⁹ Nande Dios riirĩ mose, mbae icuã nandesã aroneate. Dios quiatu ngue nguico mee nguiã nande je. Nyebe nandeico nguiã mbae icuã naa aroneate ã. Eriirite quia nande re. ¹⁰ Ae Dios riirĩ nae, ae Dios riirĩ ño nae, ũqui abe aba chiiucuate. Emo nyesequa eã mose ngõngue rese, diablo riirĩ ño ũqui nde. Emo mbae turã naa naa eã mose, diablo riirĩ ño ũqui no nde.

Nandehesequa chõ nguia nandehiese

¹¹ Cose ndare bei que jëingo ã andu ra: nandehesequa bei chõ nguia nandehiese. ¹² Caín na nda jëingochĩ jë. Diablo resenda chõ ae re. Nyebe ngõngue iquia nguiã. ¿Mbaerã ño ngõngue iquia chã? Echisaã saã icuãte quiatu ngue eriqui nguuiã. Enongue chisaã nguiatu ngue eturãte riqui nguiã. ¹³ Jesús quiatuã jëucuyãã mose, jenyuruirate chĩ nda mae erese jë. ¹⁴ Nanderaaque rã eã ño nandeico nguiã ã cote. Dios nandereco mingo tuchi quia co cote. Nandengue rese nandeico nyesequa ã cote. Nyebe nandeico nguiã “nanderaaque rã eã ño nandeico nguiã ã cote,” i. Ae nyesequa eãte quia ngõngue rese, eraaque rã mbei tuchi chõ ũqui ndiqui nguiã ũqui. ¹⁵ Emo ngõngue ucuãyãã mose, mbia iquiãsa rã tuchi chõ ũqui nde. Dios ra aba iquiãsa mingo bei eã. ¹⁶ Jesús que mano nande je ra. Nyebe nandeico nguiã “Jesús riqui nyesequate nanderese co” i. Eĩ nande quiatu quia nyesequa nandenongue rese. Nandeteã teã eã ño mano sacuaã nandenongue riĩ. ¹⁷ Nandequeteã tuchi aroneate nandembae rese mbaecha reã mo je. Emo ia eã eã mose mbaecha reã mo ndese, ¿mañi ño nda equia nyesequa Dios rese uchiangui re? ¹⁸ “Aico nyesequate mbia rese co” nande chooñochĩ nda equia jë. Mbae turã quiatu nandesã saã tuchi quia ee.

Nandereĩ ireĩ eãte equia ñee Dios je ã

¹⁹ Nandehesequa mose mbia rese, Dios resendate quia nande re. Nandechiã ngoi turãte. ²⁰ Nandechiangui renda nandemundua ndua mose nandeicua ndese, Dios quia rei equirãcua tuchi ũqui si. Ae quia mbae icua jate nguiã. ²¹ Nandechiangui renda nandemundua eã mose nandeicua mo ndese, nandereĩ ireĩ eãte quia ñee Dios je ã. ²² “Mbae mo embu seje” nande mose Dios je, mondo ra nande je. Echeë nguia nandemumbayãte nguiã ã. Nyebe ra emondo nande je. ²³ ã ndei Dios cheë ã, nande emumbayã sacuaã ã: “Serucucha jëicua Jesucristo jë. Jenyesequa chõ jenyese Jesucristo cheë nguie jë”, i Dios quia nande je co. ²⁴ Nande echeë mumbayã mose, nandeico beite quia erese ã. Ae abe riqui beite nanderese co. Espiritu Turã Dios

mondo quia nande je nae, aque chõ nandembiiirandu nguiã ûqui ndese. —Dios riqui beite jeñiangui re co, i Espiritu Turã nguia nande je co.

4

Eĩ nande ra Dios quiato icuã; Dios quia-toã abe icua

¹ —Aico Dios cheẽ nenei nenei co, i ja jate raque mbia quia ã. Ñee ñooñote quiatu nguiã ã. Ûqui ñee nda jëisi chooñochi nguia jë. —¿Ma Dios cheẽ nenei neneisa tuchi ma nde? jenye tuchi rã eicua nyii. ² “Jesucristo que tu ibate si mbiarã nda” i mose ûqui, Espiritu Turã ndiqui erese ûqui cote. Eĩ jenye ra eicua. ³ “Jesucristo que tu mbiarã nda” i eã mose, Espiritu Turã siqui eã tuchi chõ nguiã erese. Cristo ucuâyãsa chõ ûqui nde. Se rei Cristo, ichõñõ ño nguiã ã. Cristo ucuâyãsa ra tu, i jeñandu quia nyii nae, aque riqui a cote. ⁴ Dios resenda rei jë, Seriri. Ae siqui jeñiangui re co nae, ae quia rei equiracuã tuchi ibi jenda si. Ae Dios cheẽ senei ñooño nguia nae, jë quiatu que jëquiracuã tuchi ûqui si ra. ⁵ Dios quiatoã ño ûqui nde. Ibi jendachõ ño ûqui nde. Ibi jendachõ ñi ño eriqui nguiã ñee mbia je. Mbia ibi jenda achõ ño echeẽ ñandu nguiã. ⁶ Nande quiatu Dios resenda tuchi re. Ae Dios icua quia nae, ûqui ndiqui nandechëe andu ûqui. Ae Dios icua eãte quia nae, ûqui nguiatu nandechëe andu sereãte nguiã ûqui. Eĩ nande ra Dios quiato icua. Dios quiatoã abe icua.

Dios nyesecua tuchi mbia rese

⁷ Sehesecua, nandehesecua ja chõ nandechiese jë. Dios chõ nandembuchese-cua nguiã nandechiese. Nandehesecua mose nandechiese, Dios ririñõ ño nande re. Ûqui mose chõ nandeco nguiã Dios icua ã. ⁸ Nandehesecua eã mose nandechiese, ã nguia nandeco nguiã Dios icua eãte ã. Dios quia siqui nguiã nyesecuate nanderese co. ⁹ Dios que nguiñi mii mbu ibii ra. Nandemingo bei tuchi sacua eri. Nyebe nandeco nguiã “Dios riqui nyesecuate nanderese co” i. ¹⁰ Dios ae nyesecua aquiatute. Nande rane nguia nandehesecua eãte nguiã erese. Ae rane nguiatu ngue nyesecua nguiã nanderese. Nyebe nguiñi mondo nguiã nandecua ndiquicharõ sacua. ¹¹ Sehesecua, Dios nyesecua tuchite quia nanderese co resë. Nyebe nande abe quiatu nandehesecua nandechiese. ¹² Nandehesecua mose nandechiese, Dios riqui tuchi nandechiangui re co. Dios riqui nandembuchese-cua tuchi nandechiese co. Aba mo mae eã ndaque erese.

¹³ ã nandeco tuchi Dios rese ã. Ae abe siqui tuchi quia nandechiangui re co. Espiritu Turã ngue Dios mondo nande je,

ae chõ nandembiiirandu nguiã ûqui ndese co. ¹⁴ Dios que nguiñi mondo mbia rirõ ja sacua huicua si ra. Uremae ngue erese ra. ã ureico erenei nenei ja mbia je ã. ¹⁵ “Jesús rei Dio s ririñõ” nande i mose, Dios riqui tuchi nandechiangui re co. Ûqui mose nande abe nandeco tuchi erese ã. ¹⁶ Dios riqui nyese-cua tuchite nanderese co. Ûqui nandecua tuchi quia ã cote. Nandehesecua bei mose Dios rese, ã nandeco tuchi erese ã. Ae abe riqui tuchi nandechiangui re co. ¹⁷ Nandeco mose Dios rese, ae riqui nandembuchese-cua uchiese co. Nandehesecua tuchi mose erese, nandeco siquicheãte esi ã. Nandesiquiche ãte ra esi mbia icuã mbasi mose. Nandembasi ãte ra mbia chabe. Jesucristo raãte quiatu nandeco nguiã nande ã. ¹⁸ Nandesiquiche mose Dios si, nandehesecua tuchi ãte quiatu nguiã erese nandechiangui re ã. Nandehesecua tuchi mose erese, nandesiquicheã nda esi. Nandesiquiche mose Dios si, nandesiquiche chõ nda nandembasi. ¹⁹ Dios rane ngue nyesecua nanderese nyii ra. Nyebe nande abe nandeco nguiã nyesecua erese ã cote. ²⁰ “Ahesecua quia Dios rese co” i mose emo, ngõngue ucuâyã mose, ñee ñooño je chõ ûqui nde. Nandehesecua eã mose nandemingo rese, Dios abe rese chõ nandeco nguiã nyesecua eã no. Dios rese quia nandeco nguiã mae aroneate. ²¹ ã i que ñee nande je ra: Ae nyesecua quia Dios rese nae, sã nyesecua ngõngue abe rese.

5

Jesús quiato “qui jë” i mbae icuã je

¹ “Dios chimondo rei Jesús” nande i mose, Dios ririñõ ño nande re. Emo ndese nandehesecua mose, eririñõ abe rese ra nandehesecua. ² Nandehesecua mose Dios rese, echeẽ nandemumba eã mose, Dios ririñõ ja rese abe chõ nandeco nguiã nyesecua ã. ³ Dios rese nandehesecua mose, echeẽ nandemumbayãte quia ã. Echeẽ mbaranguiatuã eãte riqui nande je co. ⁴ Dios ririñõ mose nande, ibi jenda icuã nandesiquisã quisã ño nguiã nandehesi ã. Nandeco Jesucristo icuate ã. Nyebe nandeco nguiã “qui jë” i mbae icuã ibi jenda je. ⁵ Jesús icuasa achõ nda “qui jë” i mbae icuã ibi jenda je. —Dios chimondo rei Jesús, i je ra “qui jë” i ibi jenda icuã je no.

Dios siqui ñee mbei Jesús quiato chianguire

⁶ Jesucristo que tu ibi ra. I je que Juan bautizar i ee ra. Eruqui que uchë emano mose ra. Ûqui Espiritu Turã senei senei nguia nande je ã. Ae ñee ñooño eãte quia co. ⁷⁻⁸ Tres riqui nandembiiirandu randu Jesús rii ã. Espiritu Turã nane. I abe no. Jesús

ruqui abe no. Ūquĩ ja riqui nandembiirandu randu Jesús rĩĩ ã. Hue rĩ ja chõ ũquĩ tres riqui nguiã ñee. ⁹ Eĩ sí que Dios ñee Jesús rĩĩ nande je ra. “Ae bei”, nande chõ nguia ee. Sã nandeico mbia cheẽ mo isi turã no. Dios cheẽ nguiatu nandeisi turã tuchi. ¹⁰ Ae Dios rĩĩĩ icua quia nae, ũquĩ je quia Dios riqui nguiã ñee mbei echiangui re Jesús rĩĩ. Ae “eno” i ãte quia Dios cheẽ je nae, “ichõĩĩosa chõ Dios cheẽ nde”, isa chõ ũquĩ nde. “Eno” i ãte quiatu nguiã Dios ñee mose Jesús rĩĩ. ¹¹ Dios nandemingo bei quia co. Nguiĩĩ nĩĩ ño eriqui nguiã nandemingo bei co. Ūquĩ nĩĩ ño Dios riqui nguiã ñee nande je. ¹² Ae chiangui re Dios rĩĩĩ ndiqui nae, ũquĩ nda Dios mingõ bei. Ae chiangui re eriqui eãte nae, ũquĩ nguiatu ra emingo bei eã.

Juan embesa hui bei

¹³ A aico ã mbesa jẽje a. Dios rĩĩĩ icuasa je a. “Dios ra semingo bei” jenyẽ sacuaẽ eicua jeñiangui re. ¹⁴ Nandesiquicheã nguia ñee Dios je ã. “Mbae mo embu seje”, i mose ee, mondo ra nande je. Nandendua mose ae rã sí, mondo ra nande je. ¹⁵ Nande ache i mose ee ra nandeandu. “Aque embu seje”, i mose ra emondo nande je. Nandeico ũquĩ icuate ã. ¹⁶ Nandemae mose nandenongue rese mbae icuã naa naa mose, nandechẽẽ Dios je erĩĩ. Dios ra emingo turã cote. Aque mĩĩ mbae icuã ndiqui mbia mbuquiachã icuã mbei co. Emo aque icuã naa mose, “jẽñee Dios je erĩĩ”, ae ãte quia jẽje co. Ūquĩ nda quiachã mbei chõ. ¹⁷ Mbae icuã naa naa mose rei eicuã tuchi. Aque mĩĩ mbae icuã nguiarei mbia mbuquiachã mbei mondo tata cuásuu.

¹⁸ Dios rĩĩĩ mose nande, nandeico ãte quia mbae icuã ndese ã. Jesús riqui nanderaarõ mbeite mbae icuã si co. Satanás nandembĩĩcuã eã sacuaẽ. ¹⁹ Nande rei Dios resenda. Ūquĩ nandeicuate quia ã. Mbia ataque quiarei Satanás ndesenda tuchi. Eicuã ndesenda tuchi. ²⁰ Dios rĩĩĩ ngue tu nandembaaquiatu sacuaẽ Dios rĩĩ nda. Dios ichõĩĩosa reã nĩĩ. Ichõĩĩosa reã ño erĩĩĩ abe no nde. Ae rese nandeico tuchit e quia ã. Aba mingõ beisa chõ ae re.

²¹ Serĩĩĩ, Dios aba reã ndese ra jẽingochĩ. Amén.

SEGUNDA CARTA DEL APOSTOL SAN JUAN

Achesequate jendese, i Juan

¹ Juan ndei se. Ameite se. A aico ã mbesa mbesa ndeje a, Ari. Dios chiirabo tuchi chõ nde re. Nderiirĩ je abe aico ã mbesa mbesa a. Co aico nyesequa tuchi jendese co. Dios rese quia jëingo tuchite nguiã ùqui. Nyebe Dios quiato riqui nguiã nyesequa jate jendese ùqui. ² Achesequa tuchite quia jendese co. Dios cheë nguiatu siqui beite quia nandechiangui re co.

³ Dios rei nanderu. Jesucristo rei eririĩ. Sã ùqui ndiqui turã jendese. Sã ùqui ia eã tuchi riqui jendese. Sã ùqui ndiqui jembia bei tuchi. Ùqui ndiqui nyesequa tuchi jendese ùqui. Ùqui ñee ñooño eã tuchi quia ùqui.

⁴ Nderiirĩ mo ngue chi tuchi Dios cheë ndese seje ra. Seya tuchi que ùqui mose ra.

⁵ Nandehesecua ja chõ nguia nandechiese. Dios cheë yasu eã ño ã nde. Dios cheë ñiinda bei chõ ñene. ⁶ Nandehesecua mose nandechiese, nandeico Dios cheë ndui sí ã. — Jenyesequa chõ jenyiese, i quiatu ngue Dios nande je re. Cose ndare bei chõ jëingo nguiã ùqui andu ã.

Aba mbĩĩĩ irĩsa

⁷ Mbia tubiriã ndiqui aba mbĩĩĩ irĩte ã cote. Jesucristo que tu ibate si mbiarã nda, i sereã nea. Cristo ucuayãsa, i chõ ùqui je re. Aba mbĩĩĩ irĩsa, i abe que ùqui je ra.

⁸ Cochee chõ jëingo. Mbae jësaã iru iru eã sacua Dios je. Ùqui mose ra Dios jenyisaã sibishorõ turã tuchi jëje. ⁹ Emo icha mose Cristo cheë si, Dios resenda eã ño ùqui nde. Emo siqui bei mose Cristo cheë ndese, Dios resenda tuchi chõ ùqui nde. Cristo resenda abe no. ¹⁰ Emo mbia mbaaquiato quiatu mose Cristo cheë ndui si eã, ùqui jëisi turã eã ño nguia jenyuchúaa. Jeñee turã turã aroneate ee. ¹¹ Ae ñee turã nguia ee ùqui ñii nae, ae abe chõ eicuã ndiqui nguiã erã sí.

Juan embesa hui bei

¹² Mbae tasenei ja tuchi jëje, ae rei que se ra. Ambesa oco sereãte mondo jëje. Tambuchecua tuchi chõ oso ñee jëje, ae que se ra. Nandeya tuchi sacua nandechiese.

¹³ Dios chiirabo tuchi chõ ndenongue re. Eriirĩ ja saludos mondo quia ndeje aque. Amén.

TERCERA CARTA DEL APOSTOL SAN JUAN

Gayo turâte que eriqui Dios je ra

¹ Juan ndei se. Ameite se. A aico ã mbesa mbesa ndeje a, Gayo. Aico nyesequa tuchite nderese co. ² Sechesequa, acheẽ mbeite quia Dios je nderiĩ co. Dios nemingo turã sacua. Nderete abe mingo turã sacua no. Sã ereico siqui tuchite Dios rese no. ³ Seya tuchi que jirandu mose nderese ra. Nanderesenda mo ngue ngaẽ sembiirandu nderese ra. —Gayo riqui tuchi Dios rese aque, i que sembiirandu ra. ⁴ —Nderiirĩ nyi tuchi Dios rese pee, i mose seje, sembia beite equia co. Ũquiĩ nguiatu sembia tuchi nguiã mbae mo si co.

⁵ Sechesequa, ereico turã tuchi nanderesenda je huee. Ishonda je abe no. Mbae turã eresaã saã mbeite quia ee huee. ⁶ Urechumunua mose que Dios quiato mo urembiirandu ndeturã ndese ra. —Nyesequa tuchi que urerese ra, i que euaẽ ñee ure je ra. Mbae turã emondo mondo bei ee, embucuata turã sacua. Eĩ mose ra Dios ia tuchi nderese. ⁷ Jesús rĩĩ nguiatu ũquiĩ ndiqui nguiã ngata mbia mbaaquiato quiatu. Mbae mo nda eisi chooño eã Jesús icuasa reã mo si. ⁸ Nyebe nande chõ mbae nandemee mee ee. Dios cheẽ nenei neneisate quia ũquiĩ nde.

Diótrefes ucuasu raã ñooño

⁹ Papel jua que ambesa rei mundo jeñumunua ji je ra. Diótrefes quiato seosei chiãte nguiã. —Se mĩ ño ererecuarã, ite. ¹⁰ Huee seso mose ra Diótrefes icua asenei jẽ ja je. Ae icua esaã ure je nae, ũquiĩ. Nanderesenda abe isi teã teã nyee. Emo eisi turã sete mose, ñee asi asi chõ nguiã aque abe je no. Mombo chõ nguiã hue si no. ¹¹ Sechesequa, ereicochĩ nda eicua mo ndui. Eturã ndui chõ eico. Eturã nduinda quiarei Dios resenda. Ae siqui quia eicua ndui, ũquiĩ ndei Dios resenda eã.

Eturã tuchi, i Demetrio je

¹² Demetrio quiarei eturã tuchi. Co eriqui tuchi Dios rese co. Mbia ja abe ñee turãte quia erĩĩ ũquiĩ. Se abe acheẽ turãte quia erĩĩ co. Acheẽ ñooño ãte que se quia jẽje resẽ.

Juan embesa hui bei

¹³ Mbae tasenei ja tuchi ndeje, ae rei que se ra. Ambesa oco sereãte mundo ndeje. ¹⁴ Namu jiri ra amae nderese reae. Aque mose ra nandechẽ tuchi nandechue. ¹⁵ Sã Dios nembia turã mbei mingo. Nandequiato a jenda ja saludos mundo quia ndeje aque. Saludar ere sequiato hue jenda ja je.

LA CARTA DEL APOSTOL SAN JUDAS

Judas embesa Dios chiirabo je

¹ Judas rei se. Jesucristo rimba. Jacobo nongue rei se. Á ambesa quia jêje a. Dios chiirabo je. Dios que jêirabo ino icúe umbaerã nda. Dios ríqui nyesequa tuchi jendese co. Dios ríqui nyederecoquiato bei Jesucristo mbaerã co. ² Sã Dios ríqui ndua bei jendese. Sã eriqui jembia bei. Sã eriqui nyesequa bei jendese.

Ae Jesús quiato saã ñooño nguia

³ Jesucristo nandemingo beisa rii ngue ambesa seese rei nguia jêjê. Ae mbia mbaa tambesa jêje. Jêingo eã nonde erese. Úqui ñee icuã icuã mose Dios cheê nii, echeê jêšibishorô. —Dios cheê tuchi chõ ñene, jenyê tuchi quiatu quia Dios cheê ndiquisã quisã mbia icuã si. Dios quiatu ngue ucheê mondo ja nguia nguesenda ja je. ⁴ Dios quiato raã naasa mo ndiqui mbia mbaaquiato icuã icuãte úqui. Úqui siquiã tuchi chõ nguia Dios rese úqui. —Sã Dios ríqui aba icuã mbutiã uturã je c o no jê. Nyebe mbae icuã icuã nandesaã i chõ jê, i chõchĩ nguia úqui. Jesucristo cheê ndui eã tuchi chõ úqui nde. Nandererecua cheê ndui eã. Cosete que Dios úqui mbicúe embasi sacua nda. Mbasi mbasi bei ra equia cote.

⁵ Mbae tasenei na jêje. Jêicuate raque. Taemunduabe erese. Dios ngue judíos sirô ja rei nguia Egipto si cose. Mbua hue jenda icuã icuã mose ee. Úquinde que siqui sereã Dios rese cote ra. Nyebe Dios equia nguia. ⁶ Sã ángeles mo je Dios ñee ndei no jê. “Aa jêingo aa”, sã i rei ee no jê. Sã Dios cheê mumba chõ no jê. Sã Dios ríqui etarô nderequia itondaruqui re co no. Embasi mbasi bei sacua cote. ⁷ Sã Sodoma jenda no. Sã Gomorra jenda no. Sã úqui ndurubinda ja no. Siqui chooño eã. Mbae icuã naamba amba. Siqui siqui emo ninisi rese. Eruã mo ndese abe no. Nyebe que Dios úqui mombo tata cuásuu ra. Mbae rasi ra esaã mbei u huee cote. Mbua mundua ndua sacua ño úqui nde.

⁸ Ae Dios quiato saã saã nguia nae, úqui ndiqui ndua icuã icuã mbei úqui. Nyebe eriqui nguia ngue mbicua úqui. Aba cheê mumba. Ñee icuã ángeles ibatenda abe rii no. ⁹ Sã Miguel ángel rerecua no. Sã ñee asi asi nyue diablo rese no. Moisés rete rii. —Mbae icuã tasaã ndeje, i eã ngue diablo je ra. —Dios quiatu ra mbae rasi saanguquia ndeje, i chõ ngue ñee diablo je ra. ¹⁰ Ae Dios quiato saã saã nguia nae, úqui ndiqui ñee ñooño mbae uchicuayã nii ã. Ae eicuate quia mbae nae, úqui ndese siqui turã eã.

Siqui chooño eã úqui ndese. Nyebe ra Dios embasi tuchi cote. Quiaa rinda quia mbae icua jiri nguia úqui si. ¹¹ Aba mbia eã tuchi chõ úqui nde. Cain na tuchi chõ eriqui nguia mbae icuã naa naa úqui. Balaam abe rã si chõ eriqui nguia icha icha Dios si úqui. Mbae isiquia achõ ndese siqui sacua. Aba cheê mumba mumba bei chõ nguia Coré rã úqui. Nyebe ra Dios mbae rasi saanguquia ee Coré rã si. ¹² Ae Jesús quiato saã saã nguia nae, aba ireingua tuchi chõ úqui nde. Jeñumunua nua mose quiaru sacua nyese, úqui ndiqui quiaru chooño ño úqui. Mbae abe mbei chooño. Ico chooñoa abe mbia mo je. Mbua reaquiatusa mo na eã. Nguete mii ño úqui teaquiato nguia úqui. Sã ibei rondei ríqui raque pã i mose no. Sã eriqui nyaaquia no jê. Sã quiririã ndiqui ibei rondei rerao no jê. Úqui na ño Dios quiato raã naasa ríqui nguia ã. Mbae iabae je rã abe chõ eriqui nguia ã. Ira shii rã abe no. Ira ríqui ji rã abe no. ¹³ Ama ndeberã rã abe chõ úqui ndiqui nguia úqui. Mbua mbaaquiato quiatu mose, i richoi rã ño úqui nde. Sã nyasitata ríqui oso ngũenda recha no. Eĩ si chõ úqui nguia úqui. Nyebe ra mbae rasi raã tuchi itondaruqui re.

¹⁴ Enoc abe que ñee úqui icuã nii nda. Adán ndiirĩ nducucha rei ae. Eĩ ngue ñee nda: “Dios ra tu ngũimba tubiriã ndese. ¹⁵ Mbua icuã mbasi ja ra eu. Ae icuã mbia saã saã nguia nae, úqui ndese ra mae ja. ‘Mbae icuã asaã áte resê’, i aroneate ra úqui cote. Ae ñee icuã nguia Dios rii nae, Dios ra echeê icuã senei a e si je cote. ‘Eĩ ere que equia ñee icuã serii nda’, i ra Dios ee. Echisaã icuã tuchi chõ úqui nde”, i que Enoc ñee cose ra. ¹⁶ Echiichati tuchi chõ úqui nde. Ñee icuã mbei equia emo nii úqui. Ae rese eriqui sete nae, úqui mii ndese chõ eriqui nguia ndua úqui. Ucuasu raã ñooño. Uchuru mondo chooño. Ñee turã abareã nea emo je. Mbiriĩ irĩ ño nguia ñee turã abareã nea ee.

Á jêsaã saã, i Judas Jesús quiato je

¹⁷ Jê nguia rei Jesús quiato tuchi. Jesús chimbaaquiato cheê si jêtesarei eã. Á ndei echeê ã: ¹⁸ “Mbae ua ja nonde ra mbia iquia iquia Dios cheê je. Ae icuã ndese eriqui sete nae, úqui mii ndese chõ nda eriqui nguia ndua”, i que Jesús chimbaaquiato ñee cose ra. ¹⁹ Mbua mbuqueta quetasã tuchi chõ úqui nde. Ae ebite mbae icuã nae, úqui ndese achõ ño eriqui nguia ndua. Espiritu Turã siqui áte echiangui re. ²⁰ Jê nguia jeñimbirãcuã tuchi quia Dios rui. Dios jêicua tuchi. Jêñee mbei Dios je. Sã Espiritu Turã ndiqui jembucheê mbei Dios je. ²¹ Jêingo bei quia Dios rese. I nda jêñee. —Nyesequa tuchi chõ equia nanderese re, i. Jesucristo ia eã tuchi que nanderese ra. Nyebe ra

nandemingo bei tu mose. Ũquĩ jēsaarō mbei quia. ²² Ae Dios tiisu isu quia nae, ũquĩ jembuti mbuti quiatu quia Dios cuti. ²³ Mbia icuā mo abe jemingo Dios rese. Tata si erirō naanguia jemingo Dios rese. Eicuā tuchi raque. Jēingo tuchi quiatu quia Dios rese. Ũquĩ icuā uba eā sacuā jendese.

Judas ñee turā Dios rĩ

²⁴ Dios mii ño jendeaquiato bei nguiā jembücha eā sacuā. Dios mii ño jeñiangui renda icuā mbuchicuabo nguiā jemingo sacuā uchiese. Dios mii ño jembia bei nguiā no. ²⁵ Dios mii ño mbae icua ja nguiā. Dios mii ño nandemingo bei nguiā Jesucristo rii no. Ae je ra mbia ñee turā mbei quia. Ae rei eturā tuchi. Ae rei ererecua tuchi. Ae rei equirācuā tuchi. Eĩ mbei chō ae re. Amén.

APOCALIPSIS O REVELACIÓN A SAN JUAN

Jesucristo mbae mbuchecua

¹ Juan ño se re. Mbae tasenei jêje. Ae ra nyecua namo nae, ùquĩ tasenei jêje. Dios rane ngue embuchecua Jesucristo je ra. Jesucristo que ángel mbu sembiirandu sacua ere se cote ra. Se jembiiirandu sacua ere se cote. ² Nyebe aico nguiã Dios cheẽ mbuchecua checua jêje co. Ae Jesucristo senei senei nguiã seje nae, ùquĩ ño asenei senei nguiã jêje co. Ae rese semumae nae, ùquĩ abe chõ asenei senei nguiã jêje co. ³ Ae ra mae mae nguiã sechimbesa rese nae, Dios turã tuchi ra eriqui ùquĩ je. Ae ra nyiisaquia turã sechimbesa rese nae, Dios turã tuchi ra eriqui ùquĩ je no. Achite secheẽ ñi ique a cote.

Juan ucheẽ mbesa mondo siete iglesias je

⁴ Se rei Juan. Jê siete iglesias Asia jenda je aico ã mbesa a. Sã Dios riqui uturã ndeacuquia cuquia jêje. Sã Dios riqui jem-bia bei mingo. Ae chõ siqui bei nguiã co. Ae siqui beite quia nyii no. Ae ra tu emo mose no. Sã Espíritu Turã abe riqui uturã ndeacuquia cuquia jêje. Ae chõ siqui nguiã mangue chooñoa ja co. Mbae raã naa Dios je. ⁵ Sã Jesucristo abe turã turã mbei Jesucristo je. Ae que nandembiiirandu turã tuchi Dios rese ra. Ae rane ngue quera si manonde ra. Ae quia rei equirãcuã tuchi mbia rerecua mo si. Ae riqui nyesecua tuchite nanderese co. Ae que nandembu nandeicuã si nguqui je ra. ⁶ Ae que nandemingo bei ngu res e erimbarã nda. Nande mbae raã naa sacua Dios je. Sã mbia riqui ñee turã turã mbei Jesucristo je. Ae ra ererecua bei. Amén. ⁷ Jesucristo ra tu ibei si. Mbía ra mae ja tuchi equichi rese. Mangue jenda chooñoa tuchi ra mae ja erese. Ae Jesús iquia nyii nae, ùquĩ abe ra mae erese no. Mbía ra siquichete nyeseo mae mose erese. Ae bei. Amén.

⁸ —Co aico beite querabe co. Mbae eã mose que aico se rane nyii ra. Mbae ua ja mose abe ra aico bei querabe no, i que Dios ra. Equirãcuã mbeite riqui co. Ae chõ siqui bei nguiã co. Ae siqui beite quia nyii. Ae ra tu sí emo mose.

Juan mae Jesús rese cuu

⁹ Se rei Juan. Jendesenda chõ se re. Nandeico ñimbirãcuã jate mbia icuã icuã mose nande je ã. Jesucristo riĩ. Ae sí chõ nandembirãcuã nguiã co. Ae sí chõ nandererecua ja riqui nguiã co no. Ama ndisha joõ ngue mbia sereru aa ra. Aa semingo isho mbia si a. Se Dios cheẽ nenei nenei

eã sacua. Mbía mbiirandu eã sacua Jesucristo rese. Patmos, i que a ejoõ acua je ra. ¹⁰ Aa sereco mose que Espíritu Turã mbae reacuquia seje cuu ra. Domingo mo mose. Emo ngue ñeemombo seje sequite quiti cuu ra. Echeẽ ngue serasate ra. ¹¹ —Se ae que aico bei mbae eã mose nyii resẽ. Mbae ua ja mose abe ra aico bei no, i que seje ra. —Ae ra eretea cuu nae, ùquĩ embesa papel rese. Ndechimbesa emondo rã siete iglesias Asia jenda je. Efeso, Esmirna, Pérgamo, Tiatira, Sardis, Filadelfia, Laodicea. Ùquĩ jenda ja je ndechimbesa emondo, i que ñee seje cuu ra.

¹² —¿Aba ñee nguiã seje re? ae que uba mae nda. Siete candeleros oro ao ji rese que amae nda. ¹³ Ùquĩ ite re que mbía raanguia mo ñi juã nda. Dios ririĩ ño eriqui reaẽ. Huĩrao oco que ecunua nda. Eichuã ati tuchi que eirao ra. Oro ao ji chõ ngue eishia cuasa ra. ¹⁴ Eashĩ tuchi que ra. Tata rendi rã tuchi que eresa ra. ¹⁵ Ei nininyate que ra. Bronce rã. Ama ndieu rã ño ngue echeẽ nda. ¹⁶ Nyasitata siete que equereco oo ra. Uquiatocuti que ererequia ra. Espada que equereco uchũruu ra. Erimbe tuchi que ra. Erimbe chobei que ra. Eruba nininya tuchi que ra. Sã tenda nininyate riqui nandeite re mose no.

¹⁷ Semae mose erese que sesiquiche tuchi ra. Mbía raaque rã ngue aso ngoi ejii ra. Oco que serese oo uquiatocutinda je ra. Ñee ngue seje ra. —Eresiquichechĩ nguiã sesi. Ae siqui beite quia querabe nae, ae chõ se re. ¹⁸ Seraaque rei que nyii ra. Aico bei querabe e co cote. Mbía mingo beisa chõ se re. Secheẽ mose ra mbía mano. Secheẽ mose ra mbía riqui bei querabe no. ¹⁹ Ae rese eremae nae, ùquĩ embesa rã. Ae ateaquia quia quia ndeje namo nae, ùquĩ abe embesa no. Ae ra nyecua nyecua emo mose nae, ùquĩ nonde embesa jei rã. ²⁰ Siete candeleros rese que eremae namo, siete iglesias rã ño ùquĩ nde. Siete nyasitata rese que eremae séoo, siete iglesias rerecua rã ño ùquĩ no nde. Jesús quiato rerecua rã ño ùquĩ nde, i que ñee seje ra.

2

Cristo ucheẽ mondo uquiato Efeso jenda je

¹ Jesús que ñeembe seje ra. —Dios quiato rerecua Efeso jenda je ã embesa rã. Ñe embesa rã mondo ee: “Cristo que ñee jêje ra. Ae siete nyasitata quereco oo nae, aque. Ae ngata quia siete candelero ite rĩ nae, aque sí chõ ñee nguiã jêje aque. ² Ñe ngue Cristo ñee jêje ra: ‘Jenyisaã turã aicuate quia co. Ñe jẽingo quieĩ quieĩ tuchite seje ã. Jeñimbirãcuã tuchite quia mbae icuã si ã. Ñe jẽingo jiri jiriãte mbía icuã ndese ã.

Ae sequiato rerecua saã ñooño nguia nae, jê ngue ùqui jëisiã nda. “Ma Jesús quiatote”, jenyeturã tuchi que ra. “Ichôñifosa chõ ñene” jenyeturã chõ ngue eriã nda. ³ Jëñimbirãcuã turãte que equia ra. Mbae rasi que jësaã nguia seriã nda. Jëquieie quieit tuchite que seje ra. Jëhui eã mbeite equia sesi ã. Ûqui jësaã turã jate rei nguia ã. ⁴ Ñnguiatu sembia eãte nguia ã. Jenyesequa eã jirichí equia serese jê nguiatu ã cote. Seicua ramo mose que jëote serese nyii. Jenyesequate que equia serese nyii. Eí jenyeturã eã ñochí equia ã cote. ⁵ Jëndua rá ùqui ndese ae. Jenyesequate jiri serese ae. Jemba eã mose serese, jaembutiã nda u. Sequiato eã nda jê cote, jemba eã mose serese. ⁶ Ñ abe sembiante quia jendese ã. Ae siqui quia Nicolás rese nae, ùqui nyisaã jëucuyãtequia ùqui. Se abe aucuyãte quia co no. Ûqui nyisaã icuãte riqui ùqui. ⁷ Jëisa mose, Espiritu Turã ñee jeñandu rá. Ae Espiritu Turã ndiqui ñee iglesias je nae, ùqui jeñandu rá: Ae “qui jê” i beite quia Satanás quirãcuã je nae, ùqui nda amingo turã mbei ibate Dios rese, i que Cristo jêje ra”, ere chõ embesa mondo sequiato Efeso jenda je.

Cristo ucheë mundo uquiato Esmirna jenda je

⁸ Dios quiato rerecua Esmirna jenda je ã embesa rá. Ñ abe embesa rá mundo ee: “Cristo que ñee jêje ra. Ae rane ño ngue siqui bei mbae eã mose nyii ra. Mbae ua ja mose abe ra eriqui bei no. Ae que mano ndei nyii ra. Manonde eriqui beit e co no. Aque sí chõ ñee nguia jêje co. ⁹ Ñ ngue Cristo ñee e jêje ra: ‘Jenyisaã turã aicuate quia co. Mbia icuã icuãte riqui jêje seriã ùqui. Mbaecha reãte jëingo ùqui. Dios quiatu siqui tuchite nguia jendese co. Ae Dios chiirabo saã ñooño nguia nae, ùqui ndiqui ñee icuã mbeite jeniã ùqui. Satanás chiirabochõ ño ùqui nde. ¹⁰ Ae ra jësaã saã mbae rasi nae, ùqui mo si ra jësiquichechí jê. Satanás nda jemo tarõ mii. “Ma nyao Dios sí”, i sacua ño ùqui nde. Diez días ra jëingo mbae rasi raã naa. Ûqui mose, jëingo bei Dios rese. Mbia ra jëiquia seriã. Ûqui mose nda jaemingo bei Dios rese cote chã. ¹¹ Jëisa mose, Espiritu Turã ñee jeñandu rá. Ae Espiritu Turã ndiqui ñee iglesias je nae, ùqui jeñandu rá: Ae “qui jê” i beite quia Satanás quirãcuã je nae, ùqui nda Dios mundo eã tata cuásuu’, i que Cristo jêje ra”, ere chõ embesa mondo sequiato Esmirna jenda je.

Cristo ucheë mundo uquiato Pérgamo jenda je

¹² Dios quiato rerecua Pérgamo jenda je ã embesa rá. Ñ abe embesa rá mundo ee: “Cristo que ñee jêje ra. Ae espada rimbe chobei quereco nae, aque sí chõ ñee nguia jêje co.

¹³ Ñ ngue Cristo ñee jêje ra: ‘Sucha tubiriã jendecua aicuate quia co. Mbia hue jenda siqui tuchite quia Satanás ndese ùqui. Jê ae chõ jëingo nguia serese ùqui. Jëhui eãte equia sesi ùqui. Mbia icuã sequiato iquia raque huee jendecuaa. Antipas, i rei ngue aque sequiato je re. ¹⁴ Ñ nguiatu sembia eãte nguia ã. Balaam na tuchi chõ jemo jemo ndiqui nguia ùqui. Balaam nguiareí Balac mbaaquiutu icuã icuã nyii. Balac Israel jenda mbiãcuã icuã nonde. Nyebe Israel jenda riqui nguia siqui tuchi cuña icuã ndese. Dios abareã ndese abe no. Jemo abe chõ mbia jembícuã icuã nguia ùqui. ¹⁵ Ae siqui quia Nicolás rese nae, ùqui mo siqui chõchí nguia jendese ùqui. Ûqui ñee aucuyã tuchi quia co. ¹⁶ Jëndua si rá jëicuã ndese. Nicolás resenda jemombo chõ. Jemombo eã mose ra achu icuãte ee. Co espada areco sechúruu co nae, aque ra areco reco tuchi erese. ¹⁷ Jëisa mose, Espiritu Turã ñee jeñandu rá. Ae Espiritu Turã ndiqui ñee iglesias je nae, ùqui jeñandu rá: Ae “qui jê” i beite quia Satanás quirãcuã je nae, ùqui nda amingo tuchi Dios cheë ndese. Dios cheë nda ùqui mingo bei. Ûqui je ra sitashí ñetê mo amee. Sita ñetê ndese ra nombre yasu ambesa mii. Eme sacua ee. Emo nda sechimbese icuayãte nombre yasu. Ae je ra amee, ùqui achõ nda eicua’, i que Cristo jêje ra”, ere chõ embesa mondo sequiato Pérgamo jenda je.

Cristo ucheë mundo uquiato Tiatira jenda je

¹⁸ Dios quiato rerecua Tiatira jenda je ã embesa rá. Ñ abe embesa rá mundo ee: “Dios rucucha que ñee jêje ra. Ae resa tata rendi saãte quia nae, aque. Ae i nininyate eriqui bronca rá nae, aque sí chõ ñee nguia jêje co. ¹⁹ Ñ ngue Cristo ñee jêje ra: ‘Jenyisaã turã aicuate quia co. Jenyesequate quia mbia rese ùqui. Mbae jësaã saã turãte quia Dios je ùqui. Ûqui jëingo Dios icua tuchite ùqui. Jëñimbirãcuã turãte equia mbae icuã si ùqui no. Jenyisaã turã tuchite riqui cose ndare si ùqui. ²⁰ Ñ nguiatu sembia eãte nguia ã. Jezabel naanguia siqui chõchí nguia jendese ùqui. ¿Mbaerã aque cuña jëteachõ nde? Emombo rocoi jenyese. Dios cheë esenei senei ñooño ño nguia aque. Sequiato mbaaquiutu icuã icuã ño nguia aque. Sequiato mingo chooño ño nguia dios aba reã ndese aque no. ²¹ Jezabel naanguia que atiisu isu chõ nyii ra. “Sã ndua sí huicua ndese. Sã eriqui chooñoa mbia rese”, ae rei que se nyii ra. Hui eã mbei chõ equia ùqui si aque re. ²² Nyebe ra ambasi tuchi cote. Ae siqui siqui quia erese nae, ùqui abe ra mbae rasi saã tuchi cote,

ndua si eã mose huũcuã ndese. ²³ Ae siqui Jezabel icuã ndui nae, ùqui abe ra aiçua. Ùqui mose ra sequiatio jirandu ja sequirãcuã ndese. “Jesús mbia chiangui renda icua ja chõ nguia re”. Mbia ndua ndua eicua ja chõ nguia re”, i ra sequiatio seriĩ cote. Jẽingo bei mose mbae icuã ndese, se abe ra mbae icuã amee jẽje. ²⁴ Ae siqui eã nguia Jezabel cheẽ ndui jemo nae, ùqui je chõ tacheẽ cote. Jẽ nguiatu que jeñimee àte Satanás je ra. Nyebe ra acheẽ tuchiã jẽje. “Mbae mo ndese ra jẽngochĩ jẽ”, ae eã nda jẽje mbae mo niĩ cote. ²⁵ Ae jẽicuate quia seriĩ nae, ùqui ndese jẽingo bei querabe. Achu chee nda jẽje chã. ²⁶⁻²⁷ Sã seru uquirãcuã me e seje no. Ae ra secheẽ mumbayã mbeite quia nae, ae ra “qui jẽ” i beite quia Satanás quirãcuã je nae, ùqui je ra sequirãcuã amee tuchi. Ùqui nda mbia rerecurã cote. Ùqui nda mbia icuã mbasi mbasi tuchi quia cote. Sã emo ñio iquã iquã ira je no. ²⁸ Nyasitata turã na nda aico ùqui je. ²⁹ Jẽisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ùqui jeñandu rã’, i que Cristo jẽje ra”, ere chõ embesa mondo sequiatio Tiatura jenda je.

3

Cristo ucheẽ mondo uquiato Sardis jenda je

¹ Dios quiato rerecua Sardis jenda je ã embesa rã. Æ embesa rã mondo ee: “Cristo que ñee jẽje ra. Ae siete nyasitata quereco oo nae, aque. Ae rese Espiritu Turã ndiqui nae, aque. Æ ngue Cristo ñee jẽje ra:

Jenyisaã aicuate quia co. Mbia raaque raãte chõ jẽngochĩ nguia ùqui. Siqui eã Dios rese. Jẽingo arõte raque equia Dios rese mbia je ùqui. ² Secheẽ ndese jenyiisaquia rã. Jeñimbirãcuã ño nguia siqu i Dios rese. Jẽhui seriĩ seriĩte chõchĩ nguia Dios si ùqui. Jenyisaã ndese aico mae maete co. Jenyisaã saã icuãte riqui Dios je ùqui. ³ Jendua jiri mbae rese ae. Ae rese jeñimbaaquiatu nae, ùqui ndui jẽingo tuchi jiri ae. Jẽicuã si jẽhui tuchi jiri ae. Jẽ secheẽ mumba mose, jambuuate ra ngasẽ jẽje. Jendua eã mose ra asochĩ jẽje re. Sã mbae mbuquiachãsa riqui aba mbuate no. ⁴ Jemo miĩ miĩ mbae icuã saã saã eãte quia ùqui. Ùqui ño nda siqui bei serese. Eiraoshĩ nda amee ùqui je. Mbae icuã ndese quiatu que eriqui oco oco àte ra. ⁵ Ae “qui jẽ” i beite quia Satanás quirãcuã je nae, ùqui nda huũraoshĩ quereco quia serese. Ùqui nda siqui bei serese ibate. Ùqui mbae nombres ra achusi eã mbei. “Æ ndei sequiatio tuchi ã”, ae ra Paba je. Angeles abe je. ⁶ Jẽisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae,

ùqui jeñandu rã’, i que Cristo jẽje ra”, ere chõ embesa mondo sequiatio Sardis jenda je.

Cristo ucheẽ mondo uquiato Filadelfia jendaje

⁷ Dios quiato rerecua Filadelfia jenda je ã embesa rã. Æ embesa rã mondo ee: “Cristo que ñee jẽje ra. Ae ñee ñooño eãte quia querabe nae. Ae mbae icuã saã eã mbeite quia nae. Ae ererecua tuchi riqui David rã si nae. Cristo eiquesa mbuquiata mose, emo ematã aroneate. Cristo ematã mose, emo embuquiata aroneate no. ⁸ Æ ngue Cristo ñee jẽje ra. ‘Jenyisaã aicuate quia co. Jẽquirãcuã miite jẽingo raque ùqui. Seisi teã eãte que equia ra. Ùqui jẽingo secheẽ mumbayãte ùqui. Nyebe que mbae mbuquiata mii eiquesa rã jẽje ra. Jẽingo tuchi sacua serese. Emo nda ematã eã. ⁹ Judios ñee ñooño je ra amumae turã nyee jendese. Ùqui ndiqui Dios chiirabo raã ñooñote ùqui. Ùqui eriqui tuchite Satanás rese ùqui. Ùqui nda ñee turã nyee seje jeniĩ. “Dios nyese-cua tuchi chõ nguia ã ndese re. Judios eã ndaque”, i chee ra jeniĩ. Ngoi turã nyee ra jendese ñee seje. ¹⁰ Jeñimbirãcuã turãte equia secheẽ nguire ùqui. Nyebe ra jaendeaquiato turãte serequia. Mbia mangue chooñoa jenda mbae rasi raã ja mose ra jaendeaquiato tuchi serequia. ¹¹ Achu jei ra se. Ae jẽicuate quia seriĩ nae, ùqui ndese jẽingo bei querabe. Æ nda emo jembui eã Cristo si. ¹² Ae “qui jẽ” i beite quia Satanás quirãcuã je nae, ùqui nda amingo bei Dios rãcuaa. Sembae marca ra amii tuchi ùqui ndese. “Dios quiato” i tuchi ra mbia quia ùqui je. “Dios recua jenda” i tuchi ra mbia quia ùqui je no. “Jerusalén yasu”, i chõ nguia Dios recua je ã. Jerusalén yasu ra nguichi uibate si. ¹³ Jẽisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ùqui jeñandu rã’, i que Cristo jẽje ra”, ere chõ embesa mondo sequiatio Filadelfia jenda je.

Cristo ucheẽ mondo uquiato Laodicea jendaje

¹⁴ Dios quiato rerecua Laodicea jenda je ã embesa rã. Æ embesa rã mondo ee: “Cristo que ñee jẽje ra. Ae ñee ñooño eãte quia querabe nae. Ae rane siqui quia mbae eã mose nyii nae. Ae ucheẽ mbuchebiã mbeite quia nae. ¹⁵ Æ ngue Cristo ñee jẽje ra: ‘Jenyisaã aicuate quia co. Seya eãte aico jendese co. Jẽhui tuchi àte raque equia sesi ùqui. Jẽingo tuchi eã ñochĩ equia serese ùqui no. Eĩ jenyeyenyete chõchĩ equia ùqui. I ribebe rã ño jẽngochĩ ùqui. ¹⁶ Sã emo ndiqui i ribebe mbei aroneate no. Mombo chõ nda uchuru si. Eĩ ae ra jemombo sechuru si no. ¹⁷ “Æ ureico tuchite Dios rese ã”, jenyey chooño ñochĩ equia ñimbiĩrĩ irĩ ùqui. Aba mbia eã

tuchi chō jēingo nguiā ūqui. Mbaecha reā na ño jēingochī nguiā Dios je ūqui. Eresayā na ño jēingochī nguiā Dios je ūqui. Jēirao eā na ño jēingochī nguiā Dios je ūqui no. ¹⁸ Jēingo chō nguia serese ae. f nda oro turā naanguia amee jēje. f nda mbae amee tuchi jēje. f nda tirushī naanguia amee tuchi jēje. f nda jēirei nguiāte jēirao eā si. f nda Dios cheē ambuchecua tuchi jēje. ¹⁹ Ae rese aico nyesequate nae, ūqui icuā icuā mose chō aico nguiā eiruā nua. Emundua si sacuā mbae turā ndese. Jēicuā si jēhui. Jendua sí Dios rese. ²⁰ Aico jēiquesa mbuu mbuu a. Jemo seandu mose, huiquesa mbuquiata mose seje, aique ra ee. Aico bei ra erese cote. Aquiaru quiaru ra se quia erese cote. Ūqui abe ra quiaru quiaru quia serese cote no. ²¹ Ae “qui jē” i bei quia Satanás quirācuā je nae, ūqui nda siqui bei serese se ererecua tuchi mose. Ūqui abe ra amii mbia rerecuarā. Sā ñi aico “qui jē” i beite Satanás quirācuā je nyii no. Sā ñi Paba semii mbia rerecuarā no. ²² Jēisa mose, Espíritu Turā ñee jeñandu rā. Ae Espiritu Turā ndiqui ñee iglesias je nae, ūqui jeñandu rā, i que Cristo jēje ra”, ere chō embesa mondo sequiato Laodicea jenda je, i que Cristo ñee seje ra.

4

Mbia ibatenda ñee turā ja Dios rñ

¹ Aquere que amae ibate quti ra. Eiquesa raanguia que nyeequia mii seje ibei ra. Ae ñeemombo sequite quti serasate nyii nae, aque que ñee si seje cote ra. —Echu rā ibate. Mbae tateacuquia ndeje. Ae ra jēi jēi mbia je nae, ūqui tateacuquia rā ndeje, i que seje ra. ² Aque mose tuchi que Espiritu Turā mbae teacuquia seje cuu ra. Dios rese que amae cuu ra. Huee que eñi ngoi trono tose ibate ra. ³ Enininya tuchi que seje ra. Sita rendi rā jaspe rā. Cornalina na abe no. Ibei asa que chí trono mama nda. Ibei asa nininya tuchite que chí nda. Esmeralda rā. ⁴ Veinticuatro tronos que chí Dios mama nda. Veinticuatro amei ngue chi tronos tose ja ja ra. Huiiraoshī ngue ecunui ja ja ra. Coronas oro ao ji que chíchi ja eāqui ndese ra. ⁵ Ama ngue sieu tuchi Dios mbae trónoo nda. Ama ngue ñee tuchi trónoo nda. Pirirā pirirā i tuchi que equia trónoo nda. Siete tata rendi que chí Dios ruba quti ra. Ūqui ndei Espiritu Turā na ūqui. ⁶ Ama ndisa raanguia que chí Dios ruba quti no nda. Eibera tuchi que ra. Mbae reco cuatro que chí Dios mama nda. Eresa ata atate que ūqui nda. Eruba quti que eresa ra. Equite quti abe que eresa no nda. ⁷ Nyacua rā tuchi que ūqui mo nda. Ticuasu ririñ na ngue enongue no nda. Mbia ruba rā ngue enongue no nda. Nguira risha rā ngue enongue no nda. Aque que mbebe quia ra. ⁸ Seis ja ja que ūqui jeo

ra. Eresa ata ata tuchi que ejeo rese ra. Ūqui cuatro que ñee turā mbeite quia Dios rñ nda. Isa abe que eriqui ñee turāte Dios rñ nda. Eñ ngue equia ñe e nda:

Ndeturāte. Ndeturāte. Ndequirācuāte ereico co, Dios.

Co ereico beite co.

Nyii que ereico beite no nda.

Mbae ua ja mose abe ra ereico beite no,

i que ūqui nguia ñee ñee Dios je ra. ⁹ Ūqui ndeco cuatro que ñee turā mbeite quia Dios je ra. Ae siqui beite quia co, aque je. ¹⁰ Amei veinticuatro abe que ngoi ngoi quia nguiā ndese ra. Ñee turā turā Dios je. Umbae coronas que echono chono ja Dios jii ra. ¹¹ Eñ ngue equia ñee ñee Dios je ra:

Urererecua turāt e ereico co, Dios.

Nyebe ureico nguiā ñee turā mbeite ndeje ā.

Mbae que erechao jate nembraerā nda.

Erendua turāt e que mbae ao nonde nyii no nda,

i que ūqui nguia ñee turā turāte Dios je ra.

5

Emo libro equia aronea

¹ Dios que libro quereco quia oo cuu ra. Uquiato cuti que enunui trono tose ra. Libro mbesa ji. Equitera quti abe que embesa ji ra. Siete sellos je que ematā ji ra. ² Angel quirācuā mo ngue ñee nda. —¿Aba ra sellos ndoso libro equia re? i que ángel ñeemombo ra. ³ Mbia mo ngue sellos ndoso aroneate ra. Ibatenda. Ibi jenda. Ibi qui rñnda. Ūqui mo ngue sellos ndoso aroneate cuu ra. Nyebe mbia riqui nguiā mae aroneate libro rese. ⁴ Nyebe que acheseo tuchi cuu ra. Mbia ja libro equia aronea mose. Mbia ja mae aronea mose erese. ⁵ Ūqui amei mo ngue ñee seje ra. —Erecheseochī nguiā. Jesucristo ra libro equia. Ae quia equirācuāte re. Ae quia Dios chíirabo rerecua tuchi re. David ririñ tuchi chō ae re. Ae quiatu que mbae rasi saā tuchi mbia icuā ndiquicharō nda. Ae quia ra sellos ndoso. Ae quia ra libro equia, i que amei ñee seje cuu ra. ⁶ Jesucristo que chí huee cuu ra. Oveja iquia ji rā ngue eñi seje huee cuu ra. Siete que erambashī nda. Siete que eresa no nda. Siete eresa rei Espiritu Turā. Sā Espiritu Turā mae mbae ja rese no. Jesucristo que chí Dios ruba quti ra. Mbae reco cuatro joñ ngue eñi nda. Amei abe joñ ngue eñi no nda. ⁷ Dios que libro mondo Jesucristo oo cote ra. Dios chí mose trono tose. ⁸ Jesucristo libro isi mose que ūqui mbae cuatro ngoi nguiā ndese ejii ra. Amei veinticuatro rese. Arpas que amei quereco reco ja ra. Mbae riru oro ao ji abe no. Incienso resebe. Incienso, i que mbae mbushimbusera oquie mose ra. Dios quiato ñee mose Dios je, eñ sí chō incienso ee re.

⁹ Ūquĩ amei ngue irasei rasei canto yasu mo je ra. Ā ño ngue irasei rasei nguiã:

Nd e que mbia ndeiquia ra.

Nde que mbia mangue chooñoa jenda ereisi
Dios mbaerã nda.

Mbia cheemo ja ja eriqui nae, ũquĩ abe que
ereisi ja Dios mbaerã no nda.

Mbia mbuae ja abe no.

Nyebe nde mii ño libro ereisi arõte nguiã co.

Nde mii ño sellos erendoso arõte nguiã co.

Libro rese mae sacua.

¹⁰ Nde que uremii Dios rimbarã nda.

Ure mbae raã naa sacua Dios je.

Mbia ibi jenda rerecurã nda ureico cote,
i que amei irasei rasei Jesucristo je ra.

¹¹ Angeles cheẽ ngue achandu cot e ra. Angeles que chi ũquĩ mama tuchi cuu ra. Dios mama. Mbae reco cuatro abe mama. Amei veinticuatro abe mama no. Angeles tubiriã tuchi que ra. Millones y millones tuchi que ángeles ra. ¹² Ūquĩ ngue ñee nyecuate Jesucristo je re:

Oveja riirĩ na ño ereico nguiã nde.

Mbia que ndeiquia mbae icua ndiquicharõ
nda.

Nyebe mbia riqui nguiã ñee turãte ndeje co
cote.

Nyebe mbia riqui nguiã ñee turãte nderĩ co
cote no.

Ndequirãcuã nii. Ndeaquiatsu riĩ abe no,

i que ángeles ñee turã Jesucristo je cuu ra.

¹³ Mbae que ñee turã jate quia Jesucristo riĩ
cuu ra. Ibatenda ñee turã ja eriĩ. Ibi jenda
abe no. Ibiqui riinda abe no. Ama ndisha
riinda abe no. Eĩ ngue ũquĩ nguiã ñee turã
jate Jesucristo je ra. Dios abe je:

Jẽquirãcuã jẽngo beite ã.

Mbia rerecua jẽngo beite ã no.

Mbae jenyiao ra ñee turã mbeite quia jẽje,

i que Dios chiau quia ñee jate ee cuu ra.

¹⁴ Ae beite, i que mbae reco cuatro ra. Amei
veinticuatro abe que ngoi ja nguiã ndese
ñee turã Dios je ra. Ae ereco siqui beite quia
co, aque je.

6

Jesucristo sellos ndoso

¹ Jesucristo que chĩ oveja riirĩ na cuu ra. Ae que sello mo ndoso libro si cote ra. Ae mbae reco cuatro chi nae, ũquĩ mo ngue ñee cote ra. —Echu, i que ñeemombo ra. Ama ndieu rã ngue echeẽ nda. ² Caballo shĩ mo ndese que amae cote ra. Ae chĩ eátoo nae, nguiraa mo ngue ecunui oo ra. Corona abe que emo mee ee ra. Oso que guerra raã naa cote ra. Equirãcuãte que eriqui mbia mo si ra.

³ Jesucristo que segundo sello ndoso cote ra. Ae mbae reco cuatro chi nae, ũquĩ mo ngue ñee endoso mose cote ra. —Echu, i que ra. ⁴ Caballo nongue que usẽ u seje cote ra.

Era ireĩ tuchi que aque ra. Ae chĩ eátoo nae, aque je que emo espada cuasu mee nda. Aque que mbia mbĩcuã icuã jate nyue ra. Nyebe mbia riqui nguiã nyĩquia iquia.

⁵ Jesucristo que sello nongue ndoso cote ra. Tercer sello. Ae mbae reco cuatro chi nae, ũquĩ mo ngue ñee endoso mose cote ra. —Echu, i que ra. Caballo rondei que usẽ u seje cote ra. Ae chĩ eátoo nae, aque que balanza mo cunui oo ra. Mbae mbuchechasa.

⁶ Emo ngue chĩ ũquĩ mbae reco cuatro ite re ra. Aque que ñee nda: —Mbia chiu ra ua jiri. Un kilo de trigo rei una jornada. Tres kilos quiata a rei una jornada no. Mbae quira quiatu ra ua eã. Vino ndese, i que ra.

⁷ Jesucristo que sello nongue ndoso cote ra. Cuarto sello. Ae mbae reco cuatro chi nae, ũquĩ mo ngue ñee nda: —Echu, i que ra. ⁸ Caballo nongue que usẽ u seje cote ra. Eracho que aque ra. Ae chĩ eátoo nae, ERAAQUE i que aque je ra. Emo ngue oso erui no nda. ERAAQUE TĀSA i que aque je no nda. Ūquĩ ngue mbia ibi jenda mbutiã tuchi la cuarta parte ra. Mbia iquia iquia tuchi que equia guerra je ra. Mbae rasi je. Eriãcuã je. Quiaa riinda icuã je abe no.

⁹ Jesucristo que sello nongue ndoso cote ra. Quinto sello. Mbae rese que amae altar qui re cote ra. Mbia chĩquia iquia aingue rese que amae nda. Ae mbia iquia iquia Dios cheẽ nii nyii nae, ũquĩ aingue rese que amae nda. Ūquĩ ñimbirãcuã tuchi chõ nguia mbae rasi je Jesucristo riĩ nyii reaẽ. ¹⁰ Ūquĩ ngue tasẽ tasẽ ñee Dios je ra: —Mbae eresaã turã jate quia nde co, Dios. Mbae ja rerecua chõ nde re. ¿Manosete ra urerĩchare erembasi re no, Dios? i que ñee ja Dios je ra. ¹¹ Dios que tirushĩ mee mee ũquĩ ja je cote ra. Ñee ngue ee cote ra: —Mbarandiri. Mbia icuã nda jëataque abe iquia. Sã jëiquia nyii no. Ūquĩ sacua jẽingo chombe jiri, i que Dios ñee e e ra.

¹² Jesucristo que sello nongue ndoso cote ra. Sexto sello. Ibi que nyere nyere tuchi aque mose cote ra. Tenda que ñimoo tuchi cote ra. Mbae ruqui rã tuchi que nyasi no nda. ¹³ Nyasitata que ngoi ngoi ngaẽ ibii cote ra. Sã ira a riqui uqui quiriã ñimbuqui no. ¹⁴ Ibei abe que u cote ra. Sã emo ndiqui papel acua acua no. Sita ibate abe que siri siri ja nyesi ra. Ama ndisha joõ abe que ehoi siri siri ja ra. ¹⁵ Mbia que ñimi ñimi ja ibicua ye ra. Sita imi ye abe. Mbia rerecua. Mbia rimba abe. Mbaecha abe. Soldados rerecua abe. Mbia que ñimi ñimi jate cuu ra. Esiquichete quia ñene. ¹⁶ Mbia siquiche mose que ñee ñee jate sita ibate je cuu ra: —Jenyu ngoi urearõ ureiquia. † nda Dios mbae rasi saanguquia eã ure je. † nda Jesucristo mbae rasi saanguquia eã ure je no. ¹⁷ Dios riqui mbae rasi raanguquia

uquiato eã je co. Aba quia ra ñimbirãcuã ã je, i que mbia quia siquichete cuu ra.

7

Angeles Dios mbae marca mii mii mbia je

¹ Aquere que cuatro ángeles atea cuu ra. Emo ngue chí juã tenda chuisa quiti ra. Enongue que tenda sosa quiti no nda. Enongue que sur quiti no nda. Enongue que norte quiti no nda. Ūquí ngue quiririã isi tuchi quia ra. I chu eã sacua. Mangué jenda chooñoa quitinda abe ichu eã sacua. Ama ndisha quiti abe. I nda quiririã ira rãquiã mo ichu eã tuchi. ² Angel nongue mo ndese abe que amae no nda. Tenda chuisa quiti que eru quia ra. Dios mbae marca que equereco ra. Ñeemombo que ūquí ángeles cuatro je ra. ³ —Mbae rasi ra jemondo jeichí ibi je jê. Ama ndisha abe je. Ira abe je. Dios rimba ruba rese Dios mbae marca uremii mii na nyil, i que ñeemombo ángeles cuatro je ra. ⁴ Ciento cuarenta y cuatro mil ndese que Dios mbae marca mii nda. Judíos chumumbara ja que ra.

⁵ Judá ririí ndei doce mil.

Rubén ndirií ndei doce mil.

Gad ndirií ndei doce mil.

⁶ Aser ririí ndei doce mil.

Neftalí ririí ndei doce mil.

Manasés ririí ndei doce mil.

⁷ Simeón ndirií ndei doce mil.

Leví ririí ndei doce mil.

Isacar ndirií ndei doce mil.

⁸ Zabulón ndirií ndei doce mil.

José ririí ndei doce mil.

Benjamín ndirií ndei doce mil.

Ūquí ja rese que ángeles Dios mbae marca mii mii nda.

Mbia tubiriã iraoshí

⁹ Aquere que mbia cuabête atea cuu ra. Contar i ja aroneate que ee cuu ra. Ecuabête quiatu ngue re. Mbia chumumbarate que ra. Mangué chooñoa jenda abe tubiriãte que ra. Echeê ñumumbarate que ra. Dios ruba quiti que ūquí chí jate juã nda. Cristo ruba quiti abe no. Eiraoshí ja que chí ra. Sindo que equeru ja oo ra. ¹⁰ Ūquí ngue tasê tasête u ñee Dios je ra. Cristo abe je. ã i chõ ngue equia ñee nda:

Nde ae ereico nguiã mbia rirõ eicuã si co.

Nde ereico trono tose mbia rerecuarã co.

Jesucristo rese chõ ereico nguiã mbia rirõ ndirõ eicuã si co,

i que ūquí ja ñee Dios je ra. ¹¹ Angeles que ñumbui jate u Dios mama cuu ra. Mbae reco cuatro abe mama. Ae amei veinticuatro chí nae, ūquí abe mama no. Ūquí ángeles que ngoi jate nguiã ndese Dios ruba quiti ra. Nguiã ndese que echí ñee turã jate Dio s je ra:

¹² Dios turã tuchite riqui mbia je co.

Sã mbia riqui ñee turã mbei erii.

Dios aquiatu tuchite riqui co.

Sã mbia riqui “gracias” i bei ee.

Dios quirãcuã tuchite riqui co,

i jate que ñee turã Dios je ra. ¹³ Ūquí amei

mo ngue ñee seje cote ra: —¿Aba ã nde? Ae eiraoshí chí a. ¿Ma si ecuã a re no? i que ñee seje cuu ra. ¹⁴ —Ereicuate nde resê, Amei,

ae que ee ra. Ae que eicu seje cote ra. —

Á ngue mbae rasi saã tuchi quia resê. Tiru irei jí rã ño ã ñia ndiqui nguiã ã cote. Jesucristo echíã mbitirõ nguqui je resê. ¹⁵ Nyebe eriqui beite nguiã Dios rese ã. Nyebe eriqui nguiã mbae raã naa mbei Dios je echuchúaa ã. Dios ra siqui bei erese. Teaquiato bei ra

mingo. ¹⁶ Ūquí nda nguiãcuã irara eã mbei. Huisei abe ra eirara eã no. Tenda abe ra eiro eã. Huiríei abe ra eucuyã eã cote.

¹⁷ Jesucristo quia ra etequiatio bei mingo. Sã oveja raarõsa riqui oveja reaquiatio no. Sã eriqui oveja rerao rao mbiu no. Eí si ra

Jesucristo ūquí ndequiatio mingo. Dios ra echeseo mbutiba bei cote, i que amei ñee seje ra.

8

Mbae rei ji shimbu turã ndetashí ngasê oso Dios je

¹ Jesucristo que sello nongue ndoso libro si cote ra. Séptimo sello. Mbae ibatenda que quiriri tuchi sello ndoso mose ra. Quiriri arete que ra. Media hora chee. ² Siete ángeles chí quia Dios ruba quiti nae, ūquí ndese que amaembe cuu ra. Emo ngue trompeta mee ja ja ūquí je ra. Siete que trompetas ra. ³ Angel mo ngue tu incienso riru mo nderu ra. Oro ao jí. Tiba que uã altar jí ra. Emo ngue incienso tubiriã

mondo ee cuu ra. Altar mo ngue chí oro ao jí ra. Aque arõ ngue ángel incienso ñono nda. Dios ruba quiti. Ae Dios quiato ñee ñee nguia Dios je nae, ūquí ñee ngue ngasê nguia Dios je ra. Incienso rei jí shimbu turã ndese.

⁴ Incienso retashí ngue nyui oso quia ángel o si ra. Dios quiato cheê mbirõ ngue eriqui oso ngasê Dios je ra. ⁵ Angel que incienso riru mombisê tata retei je ra. Altar jenda je. Ichusê ngue ibi quiti cuu ra. Ama ngue sieu tuchi cote ra. Pirirã pirirã i tuchi que ra. Ibi abe que nyere cuu no nda.

Angeles trompetas mbucheê

⁶ Ae siete ángeles trompetas quereco nae, ūquí ngue icoquiato cote ra. Trompeta mbucheê sacua.

⁷ Emo ngue trompeta mbucheê cote ra. Iquitã ngue ngoi ngoi tuchi ibii cote ra. Tata abe que ngoi ngoi ra. I irei tuchi que cote ra. Mbae ruqui rã. Ibi tercera parte que oquiei tuchi ra. Ira tercera parte abe que oquiei ra. Mbae ruri abe que oquiei ja no nda.

⁸ Segundo ángel que trompeta mbucheê cote no nda. Aque mose tuchi que mbae mo ndu ngoi ama ndisha ye ra. Ecuasu tuchi que ra. Sita ibate rã. Sendi que u ama ndisha ite re ra. Ama ndisha tercera parte ireĩ tuchi que cote ra. Mbae ruqui rã. ⁹ Ama ndisha riinda tercera parte que mano ja ra. Ae ngata quia ama ndisha rui barcos nae, ùqui tercera parte abe que ñiimi imi ja no nda.

¹⁰ Tercer ángel que trompeta mbucheê cote no nda. Aque mose que nyasitata cuasu mo ndu ngoi íbii ra. Tata rendi rã ngue erendi ra. Ngoi que ama tercera parte ye ra. Eriecua tercera parte ye ja abe que ngoi no nda. I mbiicua tuchi que ra. ¹¹ Etei, i que equia aque nyasitata je ra. Nyasitata que ama tercera parte mbotei tuchi ra. Itei tuchi que cot e ra. Nyeb e mbia riqui nguiã mano mano tuchi iu mose cuu.

¹² Cuarto ángel que trompeta mbucheê cote no nda. Aque mose que mbae mo tenda mbuchecuayãte tercera parte ra. Nyasi tercera parte abe. Nyasitata tercera parte abe no. Nyebe mbae checuayã tuchi riqui nguiã mbia je nyaashĩ mose tercera parte. Isa mose abe nyasi mbae tesae eã tercera parte. Nyasitata abe no.

¹³ Ngaira risha rese que amae cuu cote ra. Mbebe que equia ibate tuchi searõ nda. Ñeemombo mombo que equia ra: —Aba mbia eã tuchi mbia ibi jenda. Mbae rasi ra esaã tuchi cote. Angeles ataque nyuihui mose. Angeles tres trompetas mbucheê mose, mbia ra mbae rasi saã tuchi cote, i que ngaira risha ñee nda.

9

¹ Quinto ángel que trompeta mbucheê cote no nda. Aque mose que nyasitata mo ngoi u íbii seje cuu ra. Mbia raãte que aque nyasitata ra. Nyasitata que ibicua atiquia jea ra. Abismo, i que hue ibicua je ra. ² Eequia mose que tatashĩ usẽ tuchi ra. Sã tata riqui nyuuta rosot e tetashĩ no. Tatashĩ ngue tenda choote ra. Mbae mbuchecuayã jate que ra. ³ Tatashĩ si que tucu mbuae ngaẽ tuchi usẽ cote ra. Tucu mbuae que ibi mboo ja tuchi nyoĩ mangu chooñoa nda. Mbia i i tuchi que equia ra. Quiraẽ ndasi rã tuchi que eriqui mbia je ra. ⁴ Emo ngue ñee tucu mbuae je ra: —Ira mo nda jẽuchi jẽ. Ira ruri j a abe. Mbae ruri ja abe no. Quiata abe no. Mbia Dios quiatoã achõ ño jembasi mbasi quia. Ae Dios mbae marca quereco eã nguia nguba rese nae, ùqui. ⁵ Ùqui je mbae rasi jẽsaanguquia tuchi cinco meses. Jẽiquia eã ño, i que ñee tucu mbuae je ra. Quiraẽ ndasi rã tuchi que tucu rasi riqui mbia je ra. ⁶ Aque mose ra mbia “nandemano” i tuchi rei nguiã nyue. Mano aroneate rae.

⁷ Caballo rã tuchi que tucu mbuae ra. Sã caballo riqui icoquiatu guerra raã naa sacua no. Corona naanguia que siqui tucu mbuae aqũ ndese ja ja ra. Oro ao ji ereae. Mbia ruba raãte que tucu mbuae ruba ra. ⁸ Cuña a raãte que ea ra. Nyacuareĩ naate que ereĩ nda. ⁹ Eishia atã tuchi que ra. Hierro rã. Mbia eiõ aronea. Guerra ndieu rã tuchi que ebebe mose ra. ¹⁰ Sã quiraẽ ndiqui mbia i ngocoi je no. Eĩ si que equia mbia i i ngocoi je ra. Mbia mbasi mbasi que equia cinco meses ra. ¹¹ Angel icuã mo ngue tucu mbuae rerecua ra. Ae ibicua atiquia jea nae, aque que ererecua ra. Abadón, i que hebreo cheẽ nguia ee ra. Apolión, i que griego cheẽ nguia ee no nda. —Mbia iquiasa, i chõ nguiã embae nombres je.

¹² Tucu mbuae que ua chee cote ra. Mbae rasi ñiinda chõ ùqui nde. Mbae rasi nyeremo tasenei jẽje cote.

¹³ Sexto ángel que trompeta mbucheê cote no nda. Aque mose que emo ñee altar jii Dios mbae ra. Oro ao ji rei altar. ¹⁴ Ñee ngue ángel je ra. Ae trompeta mbucheê namo nae, aque je. —Cuatro ángeles embui rã mondo. Aecua jí chí Ama Eufrates nae, ùqui embui rã mondo, i que ee ra. ¹⁵ Cuatro ángeles que embui mundo cote ra. Aque mose sacua ngue Dios ùqui nderecoquiatu ra. Ùqui ngue mbia iquia iquia tuchi tercera parte cuu ra. ¹⁶ Soldados tubiriã tuchi que ùqui ángeles nimba cuu ra. Doscientos millones tuchi que ra, i que achandu ra. ¹⁷ Caballo átoo que soldados chí ja ra. Eishia riquisã ja ja que mbae atã ñi nda. Eishia aosa mbiitã jí que ra. Eireĩ. Erubi. Echo. Nyacua aqũ na ngue caballos seje cuu ra. Tata que emombo mombo ja quia uchuru rĩ nda. Tatashĩ abe. Azufre abe no. ¹⁸ Ùqui tres que mbae rasi tuchi ra. Tata. Tatashĩ. Azufre. Ae caballos mombo mombo quia uchuru rĩ nae, ùqui. Ùqui ngue mbia iquia iquia tuchi quia tercera parte ra. ¹⁹ Ngocoi je que eriqui mbia mbasi mbasi tuchi ra. Mbei tasi je rã tuchi que erocoi ra. Uchuru je abe que eriqui mbia mbasi mbasi tuchi ra.

²⁰⁻²¹ Nyebe mbia riqui nguiã mano mano tuchi ùqui ndasi je. Mbia ataque quiatu que siqui beite quia huicua ndese ra. Eicuã icuã mbei nyue. Nyiiquia iquia. Brujería raã naa mbei. Siqui icuã icuã cuña mo ndese. Mbae mbuquiachã quiachã mbei. Uchisaã icuã si hui eã mbei. Siqui beite que equia aba checuayã ndese ra. Uchiao Dios abareã ndese abe no. Oro ao ji. Plata ao ji. Bronce ao ji. Sita ao ji. Ira ao ji abe no. Ùqui ja rese chõ ngue eriqui ra. Ùqui mae aroneate raque Dios abareã. Mbae andu aroneate raque. Ngata aroneate raque no.

10

Angel libro mo quereco

¹ Angel mo ngue nguichi ibei si seje cuu ra. Equirācuāte que ra. Ibeishī ngue equeru huiiraorā nda. Ibei asa que chí eāquī mama nda. Eruba nininyate que tenda rā sí ra. Etima abe nininyate que ra. Sā tata nininyate riqui no. ² Libro ñetē mo ngue equereco oo ra. Eequia ji que equereco ra. Utima ndibisho que emū ama ndisha ye ra. Utima ndibisho que emū ibi no nda. ³ Tasē tuchi que ra. Sā nyacua riqui curu curu no. Erasē mose que ama ñee siete veces ra. ⁴—Ae rese ama ndieu sembiirandu nae, aque tambesa rā, ae rei que se cote ra. Ibatenda mo ngue ñee ño seje ra. —Ae ama ñee erchandu nae, ũquī nda erembesachī. Eresenei seneichī nda emo je. Echeē emocoño ño, i que seje ra. ⁵ Ae ángel tima ndibisho chí ama ndisha ye nae, aque que oo uquiaticutinda mee ibate quitu ra. ⁶ Ñee ngue cote ra: —Dios que sembu ra. Ae siqu i beite quia co nae. Ae ibei chao nae. Ae ibi chao nae. Ae ama ndisha chao nae. Ae mbae chao ja tuchite nae. Aque que sembu co renei nenei sacua nda. Achite mbae ja ñi ua a cote. ⁷ Séptimo ángel nda nyuihuī cote. Trompeta mbucheē. Dios cheē ique ja mose r a nyuihuī cote. Ae Dios ñee uquiato ñiinda je nae, ũquī nda ique ja echeē cote. Mbia rerecurarā tuchi ra Jesús cote, i que ángel quirācuā ñee seje cuu ra.

⁸ Ae cheē achandu ibatenda nyii nae, aque que ñeembe seje ra. —Eso rā libro ñetē isi. Ae tima chí ama ndisha ye nae, ae tima ndibisho chí ibi nae, aque si libro ñetē eisi rā. Eequia ji eisi, i que seje ra. ⁹ Ae aso nguia ñee ángel je. —Libro ñetē emee na seje, ae que ee ra. Ae emee nguia ñee seje cote. —Co libro ñetē jē. Eu ja. Irao raāte raque ra eachā namo mose. Etei tuchite quiatu ra nderie je cote, i que seje ra. ¹⁰ Angel que libro ñetē mee seje cote ra. Au que se ra. Eturā tuchi que sechuru je ra. Irao rā. Se eu tuchi mose quiatu que eteite serie je cote ra. ¹¹ Emo ngue ñee seje cote ra. —Dios cheē nda eresenei senei sí mbia ja je. “Co ra Dios saā. Ā nda Dios saā no”, ere ra mbia je. Ishonda abe je. Mangue chooñoa jenda abe je. Mbia cheē ñumumbara abe je. Mbia rerecua jate abe je, i que seje cuu ra.

11

Dios quiato nyeremo Dios cheē senei senei

¹ Dios que uu mo mondo séoo cuu ra. Ñee ngue seje ra. —Eso Dios chuchua mbuchecha checha. Altar abe embuchecha. Ae mbia chí huee ñee ñee Dios je nae, ũquī abe je contar ere rā. ² Itaicuee ra erembuchechachī jē. Patio ra erembuchechachī jē. ũquī ngue amee mbia sequiatoā jē

ra. Sequiatoā nda irō irō Jerusalén ndese cuarenta y dos meses chee. ³ Sequiato nyeremo je ra sequirācuā amee. ũquī nda secheē senei senei tuchi quia mbia je 1,260 días chee. Tiru rondei ra ũquī quereco quia, i que seje ra.

⁴ Dios quiato nyeremo ndei olivos i nyeremo na sí. Candeleros nyeremo na sí no. Sā Dios mbae reaquiato ja no. Uquiato nyeremo abe ra eteaquiato no. ⁵ Dios ra uquirācuā mee ũquī nyeremo je. Emo embasi serī mose, tata ra embu embu uchuru si. Ucuāyāsa mbasi tuchi sacua. Eī nda mbia mano mano, ũquī Dios quiato nyeremo ucuāyā mose. ⁶ ũquī Dios quiato nyeremo ama mbuchaquī eā arōte, Dios cheē nenei nenei mbei mose mbia je. Mbae ruqui rā nda ama naa. Mbia ra embasi mbasi arōte uquirācuā je. Ibi jend a mbasise mose, mbasi tuchi rae. ⁷ ũquī Dios quiato nyeremo Dios cheē nenei nenei ja mose mbia ja je, icua nda tu icuāte ee cote. Ibicua yenda. Icuā nda Dios quiato nyeremo iquia cote. ⁸⁻⁹ Emo ũquī Dios quiato raaque nyati aroneate. Erete tiquia iriā nda chichō itaicuee rī. Mbia mangue chooñoa jenda abe tuchi r a mae ja eraaque rese. Tres días y medio chee rae. Jerusalén ndei ra ũquī. Ae mbia Jesucristo mbucha ira rese nae, huee. Hue jenda quiarei eicuā tuchi mbia. Sodoma jenda rā. Egipto jenda rā abe no. ¹⁰ Ae mbia siqui quia ibi rī nae, ũquī ia tuchi rae. Dios quiato nyeremo mano mose. —Ae nandechiao icuā siquisā quisā nguia nae, ũquī ngue mano cote ra, i r a eyate ñee nyue. Nyeye ra eriqui mbae mondo mondo tuchi nyue. ¹¹ Dios quiato nyeremo ndaaque que chí tres días y medio cuu ra. Aquare que Dios embuquera sí seque re cuu ra. Júā ngue cuu ra. Mbia que siquiche ja tuchi mae erese ra. ¹² Ibatenda que ñee nyecua ũquī Dios quiato nyeremo je cote ra. —Jenyu aa quiatu ibate, i que Dios ñee ee ra. Nyoi que ibate ibei ye cuu ra. Eucuāyāsa que mae mbeite u echui rese ra. ¹³ Aque mose tuchi que ibi nyere icuā nda. Sucha tubiriā ndibisho que ngoi ngoi jate ra. Mbia tubiriāte que mano nda. Siete mil que mbia mano nda. Mbia ataque que siquichete ra. Ñee turā turāte que equia Dios ibatenda je cote ra. ¹⁴ Segundo mbae rasi chō ā nde. Tercero quia tasenei jēje cote.

Séptima trompeta mbucheē cote

¹⁵ Séptimo ángel que trompeta mbucheē cote no nda. ũquī mose que mbia ñeemombo ja ja ibatenda ra. Eī ngue tasē tasē nda: Mbia mo ibi jenda mo nda siquiā ererecurarā cote. Dios ae chō nda siqui ererecurarā cote. Nguiri ndese.

Ae ae chō nda siqui ererecurā mbei cote, i que ibatenda tasē tasē cuu ra.

¹⁶ Ae amei veinticuatro siqui beite quia Dios jii nae, ūquī ngue ngoi ngūiā ndese ñee Dios je cuu ra. Eī ño ngue ñee ngūiā:

¹⁷ Gracias ure tuchi quia ndeje co, Dios. Ndequirācuā mbae saā ja arōte quia co. Ereico beite que equia nyii ra. Namō abe no. Ereico beite ra eno.

Ereico ndequirācuā naanguquiate mbia je co cote.

Ereico mbia rerecurā tuchi co cote.

¹⁸ Mbia rerecua que paama ite ndeje ra.

Co mose ra ndequiatoā erembasi cote.

Ndequiatoā mano je abe ra erembasi cote.

Ndequiato abe ra erembuquera cote.

Mbae turā mee mee sacūā ee.

Ae ndecheē senei senei mbeite quia mbia je nae.

Ae ñee turā turā nguia ndeje nae.

Ndequiato cuasu je. Ndequiato ñetē je abe no.

Ndequiato ja je ra mbae turā eremee mee cote.

Ae mbia mbūcuā icuā nguia nae, ūquī nda erembutiā co mose cote,

i que veinticuatro amei ñee turā Dios je cuu ra. ¹⁹ Dios chuchua ibatenda iquesa que quiata seje cuu ra. Caja Dios chuchua jenda que nyecua seje cuu ra. Aque rei contrato riru Dios mbae aque. Aquere que ama pirirā pirirā i ra. Ama ngue sieute ra. Ama ngue ñeete ra. Ibi que nyere ra. Iquitā abe que ngoi ngoi chee ra.

12

Dragón icuā icuā cuña je

¹ Mbia mae sayā mo ndese que amae ibate cuu ra. Cuña nguasu tuchi mo ngue ra. Tenda que eirao ra. Nyasi que chí ei quitu ra. Corona ngue equereco uāquī ndese ra. Nyasitata doce que chí corona ndese ra.

² Nañimbae que cuña nda. Tasē tasē tuchi que equia nguiirī ndasi je ra. ³ Aquere que amae mbia mae sayā mo ndese ibate no nda. Dragón ireī mo ndese que amae nda.

Siete que aque dragón āquī cuu ra. Diez que erambashī nda. Corona ngue chí eāquī ja rese ra. ⁴ Dragón ngue nyasitata tubiriā siichā tuchi imbu ibii ngocoi je ra. Cuña ji que eñi eraarō cote ra. —Sā nyaacuquia.

Eriirī tau, i que huī ejii ra. ⁵ Nyaacuquia que cote ra. Erācoē ngue ra. Mbia ja rerecurā tuchi ra aque. Emo ngue eriirī isi ra. Querao que Dios je ibátee ra. ⁶ Cuña ngue uchā oso turuquia ñi nda. Dios echuchua saā ño nguia huee reaē. Huee que eriqui 1,260 días ra. Huee que emo ndiqui embuquiaru quiaru ra.

⁷ Amae ngue guerra rese ibate cuu ra. Dragón icuā icuāte que ángeles je ra. Miguel

nimba ángeles abe que ucua ucu a dragón nimba ángeles rese no nda. Nyūquia serī jate que cuu ra. ⁸ Dragón ngue ganar i aroneate umbae ángeles rese ra. Nyebe eriqui aroneate nguiā ibate cote. ⁹ Dios que dragón mombo bei ibate si cote ra. Mbei ima ndei dragón. Diablo. Satanás, i abe que ee ra. Ae chō mbia manguue chooñoa jenda mbūirī irī mbeite nguiā co. Dios que ae mombo ibii cuu ra. Ngūimba rese.

¹⁰ Ibatenda ia tuchi que Dios emombo mose ra. Ibatenda mo ñee ngue achandu cuu ra: —Coche ñene. Dios riqui mbia rirō mbei huicuā si co cote. Namō tuchi mbia riqui mae Dios quirācuā ndese co. Cristo riqui mbia rerecua tuchi co cote. Dios quiatu que diablo mombo nguiā. Ae Dios mbuqueta queta beite quia equiato rīi nyii. ¹¹ Ūquī Dios quiato que diablo siquisāte quia Jesús ruquī je ra. Jesús cheē je abe no. Ae ūquī senei mbeite quia mbia je Jesús cheē nae, ūquī je chō eriqui nguiā eriquisā quisā. Ūquī Dios quiato que siquicheate quia umano si ra. “Tamano ndei Dios je”, i jate que equia ra.

¹² Mbia ibatenda ia tuchite cote. Mbia ibi jenda quiatuchī eya eāte. Mbia ama ndisha yenda abe no. Diablo quiatu que nguichichī u nguiā jēje, ibi jenda. Paama i tuchite equia co. Achite quiatu Dios ñi nguiā embasi a cote, i que ibatenda mo ñee cuu ra.

¹³ Dios dragón mombo mose ibii, dragón icuā icuā ngue cuña je cote ra. Ae eriirī nacue nyaacuquia nae, aque cuña je que dragón icuā icuā cote ra. ¹⁴ Emo ngue mbae jeo nyeremo mondo cuña je ejeorā nda. Nguira risha jeo raanguia. Cuña mbebe sacūā. Eso chee sacūā turuquia rī. Ae Dios saā echucharā turúquiaa nyii nae, huee eso chee sacūā diablo si. Mbei si. Emo embuquiaru sacūā tres años y medio huee.

¹⁵ Mbei que i mombo tuchi uchuru rī nda. Iācuana. Cuña iquia sacūā ndaque chō ūquī iācuā nde. ¹⁶ Ibi ia eāte que cuña ndese ra. Nyebe ibi nyiequia nguiā i mocō ja dragón nyuru jenda. ¹⁷⁻¹⁸ Nyebe dragón paama i tuchi nguiā cuña je. Eicuā icuā mbeite que eriqui cuña ndiirī ataque ja je cote ra. Ae Dios cheē mumba eāte quia nae, ūquī je chō eriqui nguiā cuña ndiirī i. Ae siqui beite quia Jesús cheē ndui nae, ūquī je dragón icuā icuā mbeite riqui co.

13

Icuā nyeremo

¹ Ama ndisha rimia ndese que aī juā cuu ra. Mbae mo ndese abe que amae huee ra. Icuā mo ngue usē u quia ama ndisha si seje cuu ra. Siete que eāquī nda. Diez que erambashī nda. Corona ngue chí erambashī ndese ja ra. Eāquī ndese que nombre mo mbesa ji ñi nda. Aque nombre icuāte que

Dios je ra. ² Nyacua risha rã ngue icuã nda. Oso i rã tuchi que ei ra. Echuru que nyacua churu rã nda. Dragón ngue uquirãcuã mee tuchi icuã je ra. —Ereeruarã nde, i tuchi que dragón icuã je ra. ³ Icuã ãquí mo sia ji tuchi rei ngue re. Manombi chõ ndei ngue re. Nyerõ ñochí ngue re. Nyebe mbia mangu e chooñoa jenda nyuruira jate nguiã mae erese cote. Mbia que siqui jate erui cote ra. ⁴ Mbia que ñee turã turãte dragón je ra. Uquirãcuã mee mose icuã je. Icuã je abe que eriqui ñee turã turãte ra: —Co icuã turã na eãte mbia mo. Ae mii ño equirãcuã ndiqui nguiã mbia si co, i jate que mbia quia ee ra.

⁵ Icuã ngue ucuasú saã saã tuchi quia Dios je ra. —Dios tuchi chõ se re, i tuchi que equia mbia je ra. Dragón ngue emii mbia rereeruarã cuarenta y dos meses ra. ⁶ Aque mose bei que eriqui ñee icuã icuã Dios rii nda. Echuchua rii abe no. Dios rimba ibatenda rii abe no. ⁷ Dragón ngue uquirãcuã mee tuchi icuã je ra. Icuã icuã icuãte que eriqui Dios quiato je cote ra. Dios quiato iquia iquia cheete que equia ra. Icuã ngue mbia mangue chooñoa jenda rerecua tuchi cote ra. Mbia cheemo abe rerecua tuchi que cote ra. ⁸ Mbia Dios quiatoã ja tuchi que siqui icuã ndese ra. Ae embae nombre mbesa iriãte riqui Jesús mbae libro rese nae, ùquí ngue siqui jate icuã ndese ra. Dios quiato mbae nombre que Jesús mbesa mbae ao ja nond e coose ra. Jesús mano nonde erií. ⁹ Jëisa mose, secheë jeñandu rã. ¹⁰ Dios mbae icua ja chõ nguiã, mbae tã i nonde equiato je. —Co sequiato ra mbia iquia tiquise je, i mose Dios, mbia ra equia tiquise je. —Co sequiato ra mbia tarõ, i mose Dios, mbia ra etarõ no. Sã Jesucristo rimba ñimbirãcuã ño. Sã Jesucristo icua tuchi. Icuã icuã icuã mose ee. ¹¹ Aqere que amae icuã mo ndese no nda. Ibi si qu e co icuã ndu ra. Erambashí nyeremo ngue ra. Cordero nambashí na si que ra. Dragón ñee na si que echeë no nda. ¹² Equirãcuã tuchi que ra. Icuã ñiinda rã sí. —Icuã ñiinda rimbarã ño jëingo, i tuchi que equia mbia mingo ja icuã ñiinda rese ra. Ae ãquí sia ji nyerõ nguia nae, aque. ¹³ Mbia mae sayã ngue esaã saã tuchi quia ra. Tata que embucoi ibei si mbia resa rae ra. ¹⁴ Mbia mae sayã ngue esaã saã tuchi icuã ñiinda rese eico mose ra. Eí ngue equia mbia mbirí irí tuchi ra. —Icuã ñiinda raanguia mo mbae mo jenyao jë, i que ñee mbia je ra. Mbia que echao ra. Ae ãquí sia ji tiquise je nae, ae nyerõ nguia nae, aque raanguia que mbia chao ra. ¹⁵ Icuã ngue ereco mee mbae ao ji je ra. Mbucuaa que ra. Mbucheë ngue ra. Mbia rã ngue eriqui cote ra. Ae ngoi sereãte quia nguiã ndese mbae ao ji résa nae, mbae ao ji que ùquí iquia cote ra. ¹⁶ Icuã ngue umbae marca mii

jate mbia rese ra. Mbia ruba rese. Mbia o rese equiatocutinda. Mbia riiirí ndese. Mbia cuasu rese. Mbaecha rese. Mbaecha reã abe rese. Mbia rimba rese. Mbia rimba eã ndese abe no. Icuã ngue marcar i ja mbia ja je cuu ra. ¹⁷ Mbia mo marcar iriã mose, ùquí mbae mo isi aroneate. Mbae mo je vender i aroneate no. Icuã mbae marca nderequia eã mose. Icuã mbae número abe rerequia eã mose no. ¹⁸ Ae ndua tuchi eãte quia nae, ùquí nda ã icua eã. Ae mbae icuate quia nae, sã ùquí icuã mbae número icua. Mbia mo mii ño ñene. Embae número rei 666.

14

Mbia 144,000 irasei rasei Dios je

¹ Mbae mo ndese abe que amae cuu ra. Jesucristo que chí juã Ibi Ibate Siõn seje cuu ra. Ae je eriqui Cordero i. Mbia cuabë tuchi que chí erese ra, 144-000 que mbia chí erese ra. Ùquí nduba rese ja ja que Jesucristo mbae nombre mbesa ji ñi nda. Dios mbae nombre mbesa ji abe no. ² Mbae rieu que achandu bei quia ibatenda ra. Tororomba ata ata rieu raãte que ra. Ama ndieu abe raãte que ra. Sã mbia tubiriãte riqui arpas mbucheë ñee no jë, ùquí naate que erieu riqui ra. ³ Ùquí mbia cuabëte que irasei rasei quia Dios résa ra. Mbae reco cuatro résa abe no. Amei veiticuatro résa abe que eriqui irasei rasei no nda. Eirasei rasei yasu que ra. Mbia mo ngue ñimbaaquiato aroneate quia eirasei rasei yasu je ra. Mbia 144,000 achõ ño ngue ñimbaaquiato aque irasei rasei yasu je ra. Dios ùquí sirõ nguiatu quia mbae icuã si reaë. ⁴ Ùquí ngue ñimbãcuã eãte quia mbae icuã je ra. Ñimbãcuã eã siqui cuña mo ndese no. Siqui turã mbei equia Jesucristo rese ùquí. Dios que esirõ mbei mbia ibi jenda si ra. Ofrenda turã na tuchi chõ ùquí Dios je re. Jesucristo abe je. ⁵ Ùquí nguiarei ñee ñooño eã tuchi ùquí. Ùquí turã tuchite eriqui Dios je ã.

Tres ángeles ñee mbia je

⁶ Amae ngue ángel nongue rese cuu ra. Mbebe mbebe que equia ibei rí cuu ra. Dios cheë turã ua eã je que equereco quia ra. Erenei nenei sacua mbia ja je. Mangue chooñoa jenda ja je. Mbia cheë ñumumbara abe ja je. ⁷ Aque ángel que ñee nda: —Jëireí ireí jiri Dios sí. Jeñee turã turã jiri quia ee. Achite Dios ñi mae ja mbia rese a. Uquiatoã mbasi nonde. Dios quiatu ngue mbae chao ja nguiã. Ibei. Ibi. Ama ndisha. Ama ndicoí. Nyebe ra mbia ñee turã ee, i que ángel ñee cuu ra.

⁸ Ángel nongue abe que siqui seje cuu ra. Aque que ñee cote ra: —Sucha tubiriã Babilonia ngue quiachãte cote ra. Babilonia

nda mbia mb#cuã eã cote. Mbia mb#cuã tuchichí equia nyii, i que aque ángel ñee cuu ra.

⁹ Angel nongue abe rese que amae no nda. Ñee asite que ra: —Icuã ndese chõ nda jëingochí jë. Icuã naanguia mbae ao ji rese abe chõ nda jëingochí jë. Icuã mbae marca ra jem#ichí jenduba rese jë. Jëo abe rese ra jem#ichí jë. ¹⁰ Emo em#i mose, Dios ra paama i tuchi ee. Emo em#i mose, Dios ra embasi tuchi. Dios ra ùqu#i mbasi bei tata je. Azufre je abe no. Mbasi bei ra ángeles resa rae. Jesucristo resa rae abe no. ¹¹ Ùqu#i nda Dios mbasi bei. Mbae rasi ra eucua mb#i jiriã. Siqui quiatu que equia icuã ndui mbaerã nda. Icuã naanguia ao ji abe rese quiatu que eriqui ra. Icuã mbae marca abe rese quiatu que eriqui mbaerã no nda.

¹² Dios quiato tuchi ra ùqu#i saã eã. Sã eriqui beite Dios cheë ndui. Sã eriqui ñimbir#cuã mbeite, i que ángel ñee cuu ra.

¹³ Ibatenda no ngue ñee seje cuu ra: — ã embesa rã: “Jesús quiato mo mano mose, eyate riqui co”, ere chõ mi embesa. Esp#itu Turã ñee abe chõ ùqu#i nde. Jesús quiato mo mano mose, uquenea nda eucua cote. Ae mbae turã esaã saã nguia nyii nae, ùqu#i si ra Dios tesare#iã mbei, i que ibatenda ñee seje ra.

Dios uquiatoã mbasi mose, mbae a riami ami na ño nda esaã ee

¹⁴ Ibeishí ndese que amae cuu cote ra. Emo ngue ch#i ngoi ibeishí tose ra. Jesucristo rã tuchi que ra. Corona ngue ch#i eãqu#i ndese oro ao ji ra. Tiquise raanguia rimbete que equereco oo ra. Quiata a ucua ucua sacuã. ¹⁵ Angel mo ngue tu usë Dios chuchua si ra. Ñeemombo que Jesucristo raanguia je ra. — Mbae eucua ucua tiquise raanguia je cote. Mbae a quiche jate mangu choo#oa jenda ja, i que ee ra. ¹⁶ Ae ch#i ibeishí tose nae, aque que tiquise raanguia mee ibi quti ra. Aque mose tuchi chõ ngue mbae a ibi jenda ishao ja tuchi cote ra.

¹⁷ Angel mo abe que usë u Dios chuchua ibatenda si ra. Tiquise raanguia rimbete que equereco no nda. Uvas ucua ucua sacuã. ¹⁸ Angel mo ngue tu altar si cot e ra. Tata raar#osa altar jend a rei aque ángel. Ñeemombo que tiquise raanguia rerequiasa je ra: —Uvas eucua ucua tiquise raanguia je cote. Mangu choo#oa jenda ja eucua ucua. Equiche jate, i que ra. ¹⁹ Angel que tiquise raanguia mee ibi arõ cote ra. Aque mose tuchi chõ ngue uvas ibi jenda ishao ja tuchi ra. Uvas ishao ji que emondo ja tuchua mo nda. Eriami ami sacuã. Dios uquiatoã mbasi mose, mbae a riami ami na ño ùqu#i nde. ²⁰ Isho jiri que eriqui uvas riami ami sucha tubiriã si ra. Dios uquiatoã mbasi mose, uvas riami ami na ño ùqu#i nde. Eruqui

riquiraa tuchi que ra. Caballo mbuchecha tuchi que eruqui riquiraa ra. Trescientos kilómetros tuchi que eruqui seje cuu ra.

15

Angeles mbae rasi siete quereco ja eriru ye

¹ Aba siquichesa mo ndese que amae ibei r#i cuu ra. Mbia mbiirandu sacuã. Siete angeles rese que amae nda. Mbae rasi chumumbarate que ecurucuaë cuaë nguia #bii ra. Siete que mbae rasi ra. Mbae rasi tuchi. Ùqu#i siete mbae rasi ua mose, Dios ra mbae rasi mbu si eã cote.

² Ama ndisha icoi mo ndese que amae nda. Enininya tuchi que ra. Vidrio raanguia. Tata abe raanguia. Ae siquiã mbei icuã ndui Jesús quiato nae, ùqu#i ndese que amae no nda. Icuã naanguia rese abe siquiã. Icuã mbae número abe que equerecoã nda. Ùqu#i ndese que amae ama ndisha arõ nda. Arpas Dios mbae je que ech#i tocar i ra. ³ Ae Moisés irasei rasei nyii nae, ùqu#i s#i je que ech#i irasei rasei ra. Ae mbia irasei rasei Jesús je nae, ùqu#i s#i je que ech#i irasei rasei ra. ã ngue irasei rasei ra:

Ndechiao turã tuchite, Dios.

Ndequir#cuã tuchite ereico co.

Mbia erembuchiabi jiri jiriãte quia co.

Erecheë iru iru eãte quia co.

Mbia rerecua jate ereico co.

⁴ Mbia ra ire#i ire#i ja ndesi mae mose ndechiao rese.

Ñee turã ja ra nder#i.

Nde m#i ño ererecua tuchi re.

Mbia ra ngaë ja tuchi nderea. Ñee turã sacuã ndeje.

Ndechiao turã ndese quiatu ngue mbia mae nguia,

i que mbia irasei rasei ama ndisha arõ cuu ra.

⁵ Aquere que mbae mo abe atea cuu ra. Dios chuchua ibatenda eiquesa que quiata seje cuu ra. ⁶ Siete ángeles mbae rasi quereco quia nae, ùqu#i ngue usë nyoi Dios chuchua si cote ra. Eiraosh#i tuchi que nyoi usë nda. Oro que equereco hui#ishia ati ra. ⁷ Ae rese ama e mbae reco cuatro nyii nae, ùqu#i m o ngue mbae riru mee mee ja ùqu#i ángeles siete je ra. Oro ao ji rei mbae riru. Mbae rasi mbis#ete que ch#i eriru ja ye ra. Dios mbia mbasi tuchi sacuã. ⁸ Dios nininya tuchi que seje cuu ra. Equir#cuã tuchi que ra. Nyebe que tatash#i Dios chuchua mboo ja tuchi ra. Mbia mo ngue ique aroneate rã huee ra. Ùqu#i ángeles mbae rasi icher#e cher#e ja eã mose.

16

Angeles mbae rasi icher#e cher#e ja

¹ Dios chuchua jenda mo ngue ñee asite ũqui ángeles je cuu ra. —Jeso mbae rasi icherê cherê ibi jenda ja rese. Dios embasi sacua, i que ñee siete ángeles je ra.

² Angel ñiinda que oso umbae mbae riru yenda icherê ibii ja na. Ae siqui quia icua ndese nae, ae ngoi coi quia ngüã ndese icua naanguia je nae, ũqui ire rasi rasi que cote ra. Mbae asi tubiriã ngue erese cote ra. Nyerô aroneate que ra.

³ Segundo ángel que umbae mbae riru yenda icherê ama ndisha ja ye ra. Mbia raaque ruqui rá ngue ama ndisha cote ra. Ama ndisha rinda que mano ja tuchi mbae cote ra.

⁴ Tercer ángel que umbae mbae riru yenda icherê ama ñi nda. Ama ndicoí ñi abe que eicherê no nda. Mbae ruqui rá tuchi que ama ja cote ra. ⁵ Angel ama ndaarôsa que ñee Dios je cuu ra. —Coche rei mbia icua erembasi. Dios turã tuchi chõ nde re. Ndeturã mbeite que eriqui ra. ⁶ Ũqui mbia icua nguiatu ngue ndequiato iquia iquiate nguiã nyii. Ndecheê nenei neneisa abe iquia iquia. Coche rei mbae rasi eresaanguia ũqui je cote. Coche rei mbae ruqui eresaanguia ee, i que ángel ñee turã Dios je ra. ⁷ Altar jenda mo abe que ñee Dios je cuu ra. —Ae bei. Coche mbia icua erembasi nguiã cote. Ndeturã mbeite chõ ereico nguiã nde, i que Dios je ra.

⁸ Cuarto ángel que umbae mbae riru yenda icherê tenda rese ra. Nyebe tenda riqui nguiã mbia rei ja ngacu je cote. ⁹ Tenda que mbia sei tuchi quia embasi ra. Ũqui mose abe que mbia riqui ñee turã eãte Dios je ra. Dios embasi raque. Mbia que uba eã mbei Dios rese ra. Ñee icua icua mbei chõ ngue equia eriã nda.

¹⁰ Quinto ángel que umbae mbae riru yenda icherê icua nenda rese ra. Itondaru tuchi que icua nimba ja je mbia cote ra. Mbia que hueecõ shiu shiu tuchi quia mbae rasi mose ee ra. ¹¹ Ũqui mose abe que mbia uba eã Dios rese ra. Huiã ngue esecha eãte quia ra. Ñee icua mbeite que equia Dios rã nda. Ngasi rerequia mose abe que eriqui ñee icua mbeite Dios rã nda.

¹² Sexto ángel que umbae mbae riru yenda icherê Río Eufrates ye ra. Ama nguasu tuchi que aque ra. Aque ama ngu e iru cot e ra. Tenda chuisa quitinda soldados iasa sacua. ¹³ Aba checuayã icua tres rese que amae nda. Emo ngue tu usê dragón nyuru si ra. Enongue que tu usê icua nyuru si ra. Enongue que tu usê Dios cheê nenei ñoñosa churu si no nda. Nyui rá tuchi que ũqui aba checuayã icua nda. ¹⁴ Ũqui aba checuayã icua ngue mbia mae sayã saã saã tuchi quia milagros ra. Ñee ja que mbia rerecua ja je ra. Nmunua ja sacua pelear i

sacuã Dios rese. ¹⁵ Sã Jesús ñee no: “Mbia ndua eã mose serese ra achu. Jêtesa tesa bei equia serese jê. Jêingoquiato bei equia jê. f nda jêrei ngüã sechu mose”, sã Jesús i no. ¹⁶ Aba checuayã icua ngue mbia rerecua munua ja huee ra. Pelear i sacua Dios rese. Armagedón, i que hebreo cheê hue je ra.

¹⁷ Séptimo ángel que umbae mbae riru yenda icherê quiririãsa ra. Aque mose que Dios ñeemombo uchuchua ibatenda si ra. —Mbae rasi icherê ji jate cote, i que Dios ñeemombo ra. ¹⁸ Ama ngue pirirã pirirã i tuchite cote ra. Ama ngue sieu tuchi quia no nda. Ibei que ñee tuchi quia ra. Ibi abe que nyere tuchi quia no nda. Emo mose rá eã tuchi que ra. ¹⁹ Sucha tubiriã Babilonia ngue obo obo nyibite rã nda. Tres partes. Hue jenda tuchua que ngoi ja tuchi ra. Mbia chuchua que ngoi ngoi ja mangue chooñoa jenda aque mose ra. Dios quiatu ngue tesareiate nguiã Babilonia jenda chisaã icua si. Nyebe eriqui nguiã paama i tuchi ee cote. Embasi mbasi uquirã icua je cote. ²⁰ Islas abe que quiachã quiachã ja ama jenda ra. Ibi ibate abe que quiachamba chamba ja no nda. ²¹ Iquitã nguasu que ngoi ngoi quia mbia iquia iquia ra. Cuarenta kilos ja ja que ũqui iquitã nda. Iquitã ngue mbia iquia iquia tuchi quia ra. Nyebe mbia riqui nguiã ñee icua icua tuchi Dios rã. Ñee turã ndocõ ee.

17

Cuña icua mbae rasi saã tuchi

¹ Ae mbae riru quereco ángeles nae, ũqui mo ngue tu ñee seje ra. —Nyao serese. Mbae tateacuquia ndeje. Babilonia jenda ra. Mbae rasi saã tuchi cote. Ae cuña siqui chooñote quia mbia ja rese nae, aque ra mbae rasi saã tuchi cote. Ama ndisha jie eñi ngoi mar hue. ² Mbia rerecua que siqui siqui jate quia erese ra. Mbia ataque abe no. Ae que mbia mbicua jate quia ra, i que ángel ñee seje cuu ra. ³ Angel que sererao turuquia rã cuu ra. Huee que amae cuña icua ndese ra. Icuã irei átoo que eñi nda. Embesa ji tubiriãte que chí icua ndese ra. Nombres mbesa ji icua tuchi que ũqui Dios je ra. Icuã aquí atate que ra. Siete que eãqui nda. Diez que erambashã no nda. ⁴ Mbia rerecua irao raãte que cuña icua irao ra. Eirao irei turãte que ra. Oro tubiriãte que equereco adorno nda. Perlas abe no. Sita ñetê aba queateamba abe no. Mbae riru abe que equereco oo ra. Oro ao ji. Huiã ngue equereco ja quia aque mbae riru ye cuu ra. ⁵ Embesa ji que chí eruba rese ra. Aba chiicuyã tuchi que ra. Á i chõ ngue huí nguiã: “Babilonia ño co re. Sucha tubiriã icua ño co re. Cuña icua nderecua ja chõ co re. Mbae icua nderecua ja chõ co re”, i chõ ngue embesa ji huí nguiã eruba

rese. ⁶ Quiacuate quia cuña icuã ndiqui reaë. Jesús quiato uninya ruqui quia embei quia quiacua nonde reaë. Achuruira tuchi que mae erese cuu ra.

⁷ Angel que ñee seje cote ra. —¿Mbaerã ereico nyuruirate mae erese re? Tarembiirandu cuña icuã ndese. Ae átoo eñi nae, aque rese abe tarembiirandu. Ae siete eãquĩ ndiqui nae. Ae erambashĩ diez riqui nae. ⁸ Ae rese eremae icuã cuu nae, aque ngue siqui rei nguiã cose. Emoate namo cote. Siquibe rae. Usẽ nda ibicua si. Aque icuã quera si mose, Jesús quiatoã nda nyuruira tuchi mae erese. Ae embae nombre mbesa ji eãte Jesús mbae libro rese nae, ùquĩ. Icuã nda oso mbae rasi raã tuchi tata cuasu cote. ⁹ Earacua achõ nda ã secheẽ icua: Eãquĩ siete rã sí rei ibi ibate siete. Cuña icuã ñi ngoi ibi ibate siete tose hue. ¹⁰ Eãquĩ siete rã sí rei mbia rerecua siete no. Cinco que mano nda. Aque mii ndiqui namo co. Emo mii nda siqui emo mose cote. Aque ra siqui mbiri ño mbia rerecuarã. ¹¹ Ûquĩ siete mo ndei icuã ireĩ mo. Siqui que equia nyii ra. Emoate namo cote. Siqui i ra ùquĩ siete ua mose cote no. Mbia rerecua octavo ra ae cote. Ae ra oso bei tata cuasu aquere cote. ¹² Ae erambashĩ ndese eremae diez nae, mbia rerecua diez rã sí chõ ùquĩ nde. Mbia rerecua eã ño ùquĩ namo nde. Emo mose quia ra mbia rerecua cote. Ererecua mbiri ño ndae. Icuã ndese quiatu ra ererecua. ¹³ Hue rĩ sí tuchi ra ùquĩ ererecua ndua ndua. —Ererecuarã ño icuã jẽ, i ja ra ùquĩ ererecua. Uquirãcuã nda emee ja icuã je. ¹⁴ Ûquĩ nda pelear i ja Cristo rese cote. Cristo quia ra i tuchi ùquĩ ja si. Ae quia mbia rerecua tuchi re. Ae quia equirãcuã tuchi mbia mo si re. Ae siqui Cristo rese nae, Cristo chiirabo chõ ùquĩ nde. Etura tuchi chõ ùquĩ Cristo je re, i que ángel seje cuu ra.

¹⁵ Ñee si que seje ra. —Ae ama ndisha rese eremae mar nae, ae ji cuña icuã ñi ngoi nae, mbia chumumbara rã sí chõ ùquĩ nde. Mangue chooñoa jenda ja rã ño ùquĩ nde. Sucha tubiriã jenda ja rã ño ùquĩ nde. ¹⁶ Erambashĩ diez rese que eremae nae, mbia rerecua diez na sí chõ ùquĩ nde. Ûquĩ nda cuña icuã ucuãyaate cote. Ûquĩ nda cuña icuã secha icuã cote. Erete checua ra esecha cote. Eroo ra eu. Erete ra esei tata je cote. ¹⁷ Dios que ñee nyii ra. —Mbia rerecua icuã tuchi ra cuña icuã je, i que Dios nyii ra. Echeẽ ndui sí ra eicuã icuã cuña icuã je cote. Dios que eicua nyii ra. Hue rĩ sí ra ùquĩ ererecua diez ndua. Umbae ra emondo ja icuã je. Icuã mii nda mbia rerecuarã ja cote. Aque mose ra Dios cheẽ ique. ¹⁸ Cuña icuã ndese ereico mae nae, sucha tubiriã na sí chõ aque cuña nde. Hue sucha rei ererecua tuchi sucha ataque si. Mangue

chooñoa jenda rerecua ja rei hue sucha, i que ángel seje ra.

18

Babilonia jenda ra mbae rasi saã tuchi

¹ Aquere que amae ángel mo ndese ra. Nguichi que u quia ibei si ra. Equirãcuã tuchi que ra. Enininya tuchi que ra. Ibi resae tuchi qu e eu quia ra. ² Angel que ñeemombo mombo tuchi ra. —Sucha tubiriã Babilonia jenda que ngoi ja cote ra. Mbia tiãte que huee cote ra. Aba checuayã icuã achõ ño chi nguiã hue cote. ³ Hue sucha tubiriã Babilonia jenda que mbia mbiicuaã jate quia ra. Mbia mbui mbui tuchi que equia Dios si ra. Ubi icuã achõ ndese chõ ngue eriqui ndua tuchi ra. “Ûquĩ na nda se chã” i ja ja que equia mbae ja je ra, i que ángel ñee cuu ra. ⁴ Ibatenda mo ngue ñee cuu ra. —Ae serimba jemo nae, hue si jenyoa. ñ nda hue jenda chisaã icuã jesaã eã jẽ abe. ñ nda mbae rasi jesaã eã jẽ, hue jenda mbae rasi raã mose. ⁵ Hue jenda que mbae icuã saã saã tuchite quia ra. Dios tesareiaete quia hue jenda icuã si co. ⁶ Hue jenda que mbia ataque mbasi mbasi tuchi quia ra. Ûquĩ sí ra mbae rasi saã tuchi cote. Dios ra mbae rasi saanguquia i i tuchi quia ee cote. ⁷ Hue jenda que ucuasu saã saã tuchi quia ra. Ubi achõ ndese chõ ngue eriqui ndua ra. “Co ai aico turãte co. Mbae rasi tu aroneate seje”, i ja jate rei que equia ra. Nyebe ra Dios mbae rasi saanguquia tuchi ee cote. ⁸ Aque mose tuchi ra mbae icuã tu tuchi ùquĩ mbua cote. Mbae rasi icuã nda esaã tuchi. Eriãcuã ndasi tuchi ra cote. Echuchua ra oquiei ja. Mbia ra mano ja. Dios quiatu ra mbae icuã saanguquia tuchi mbia je eicuã ñi cote. Dios quiarei equirãcuã tuchi, i que ángel ñee cuu ra. ⁹ Ae ererecua mbae icuã saã nguia Babilonia jenda rese nae, ùquĩ ia eã tuchi ra erese cote. Nyeseo tuchi ra erese mbae rasi raã tuchi mose. Echuchua oquiei rese mae mose. ¹⁰ Isho chõ nda echi mae mbae rasi raã ndese. Esiquichete quia ñene. Ñee nda ee mbae rasi raã mose. —Ureya eãte riqui jendese ã. Babilonia sucha tubiriã jenda rei ngue jẽ nyii re. Sucha eã tuchite que jenyuchu a cote ra. Mbae rasi tu asi chõchĩ nguia jẽje ã, i ra maesa erese ñee ee. ¹¹ Comerciantes mangue chooñoa jenda ja abe ra eya eãte, Babilonia jenda mbae rasi raã mose. Nyeseo tuchi ra erese. Mbia quia nda embae isi eãte nguiã cote. Nyebe ra eya eãte cote. ¹² ã je nda vender i nguiaã ña:

oro
plata
sita ñetẽ aba queteamba huirã
perlas
tiru turã tuchi
tiru irei

tiru seda
 ira simbu turã mo
 marfil ao ji
 ira turã ao ji
 bronce ao ji
 hierro ao ji
 sitashi ao ji
 13 canela
 aba mbushimbusa
 perfumes
 tuchua mbusimbusa
 vino
 mbae quira
 mbae cui
 trigo
 ovejas
 caballos
 ira nambacua
 mbia nimba

Ūquí ja je nda vender i nguiã ee chã.

14 Mbia ra ñee Babilonia jenda je cote. — Ae mbae jenyoseite quia nae, ũquí mo nda tu ãte jêje cote. Jembae tubiriãte riqi nyii nae, ũquí mo nda jendecoã cote, i ra mbia ee cote. 15 Ae ã mondo mondo quia vender i Babilonia jenda je nyii nae, ũquí abe ra chi mae isho erese no. Esiquichete ra chi mae mbae rasi raã ndese. Nyeseo ra erese. 16 Ñee nda Babilonia jenda je. —Ureya eãte riqi jendese ã. Babilonia sucha tubiriã jenda rei ngue jê nyii re. Sucha eã tuchite jenyuchua cote. Jêirao turã tubiriãt e rei ngue nyii re. Oro ao ji tubiriãte rei ngue adornos jembae nyii no nde.

17 Jembae ua asi chõchĩ jê mbae rasi raã mose, i ra ee. Ae comerciantes nyoĩ choi quia canoa ye nae, ae nyoĩ choi quia barco ye nae, ũquí nda chi isho mae Babilonia jenda mbae rasi raã ndese. 18 Babilonia sucha tubiriã oquieĩ mose ra ũquí nyi isho mae erese. —Sucha tubiriã tuchichĩ Babilonia. Babilonia na eãte emo, i ra nyeseo sucha tubiriã oquieĩ mose Babilonia jenda. 19 Ibi tuba ra emombo mombo uãquí ndese. Nyeseo tuchi rae. Sucha tubiriã oquieĩ mose Babilonia jenda. Ñeemombo mombo ra Babilonia jenda je. —Ureya eãte riqi jendese ã. Mbaechate que jëngochĩ nyii ra. Ure abe que mbaechate ureico jeni nyii no nda. Mbae ua asi tuchi chõchĩ co mose cote, i ra ñee Babilonia jenda je. 20 Babilonia sucha tubiriã ua mose ra ibatenda iate cote. Jesús chimbaaquiatu abe ra eya cote. Ae Dios cheẽ senei senei quia nae, ũquí abe ra eyate cote. Dios quia ra mbae rasi mondo tuchi Babilonia jenda je uquiato riĩ.

21 Angel quirãcuã mo ndese que amae cuu ra. Sita cuasu mo ngue esui mombo ama ndisha ye cuu ra. Ñee ngue cote ra. —Ei nda Dios sucha tubiriã Babilonia mombo. Sã sita amombo ama ndisha ye no. Sucha tubiriã

eã mbei ra Babilonia cote. 22 Nyebe ra mbia música saã eã mbei huee cote. Mbia ra irasei rasei eã mbei huee cote no. Mbia ra nyuao eã mbei mbae rese huee cote. Mbia ra mbua tocho eã mbei huee cote no. 23 Lamparina mo nda mbae tesae eã huĩ huee cote. Emo nda ngũinisirã isiã mbei huee cote. Mbia mbaecha hue jenda que aba chiucuate riqi nyii ra. Hue jenda que mbia ataque mbiĩrĩ i rĩ jate rei quia brujerĩa je nyii no nda. 24 Hue jenda que Dios quiato iquia iquia bei quia ra. Dios cheẽ mbuchecuaasa que eiquia iquia tuchi quia ra. Nyebe ra Dios mbae rasi raanguquia tuchi hue jenda je cote.

19

1 Aquere que mbia cheẽ tubiriãte achandu ibate cuu ra. Ñeemombo mombo que ñee turã Dios je ra.

Dios turã tuchite riqi mbia je co.
 Dios ae riqi mbia rirõ eicuã si co.
 Dios ae chõ equirãcuã ndiqui nguiã co.

2 Ae siqui sereãte quia Dios rese nae, ũquí nda Dios mbasi.

Mae tuchi ra erese embasi nonde.
 Sã Dios mbae rasi saanguquia cuña icuã je namo no.

Aque que siqui siqui jate quia mbia rese ra.
 Mbia mbicua icuã ja.

Ae que Dios quiato iquia iquia quia no nda.
 Nyebe Dios embasi nguiã cote,
 i que ibatenda cheẽ tubiriãte cuu ra.

3 Aquere que ñee si ra. —Dios turã tuchi riqi mbia je co. Cuña icuã ndiqui oquieĩ beite hue, i que ñee nda. 4 Aquere que veinticuatro amei ñee turãte Dios je cote ra. Mbae reco cuatro rese. Ngoi que ngũĩã ndese Dios nonde ra. Dios chĩ mose ngoi umbae trono tose. Ñee turã ngue Dios je ra. —Amén. Dios turã tuchi riqi mbia je co, i que ñee turã Dios je ra. 5 Emo ñee ngue achandu ibate ra. —Ae Dios quiato jê nae, jeñee turã ja eriĩ. Ae Dios cheẽ jemumba eãte quia jê nae, jeñee turã ja eriĩ no. Ae ecuasua nae, ae eñetẽ nae, jeñee turã ja chõ nguia eriĩ, i que ibatenda mo ñee cuu ra.

Jesús quiato ra quiaru erese ibate

6 Mbae mo ndieu que achandu cote ra. Iãcuã ndieu rã. Ama sieu rã. Mbia tubiriã ñee ño ndei ngue re. Ñã ño ngue mbia ñee nguiã:

Dios turã tuchi riqi mbia je co.
 Equirãcuã tuchite riqi co.

Ae riqi mbia rerecua tuchi co cote.

7 Nandechimbia tuchi quia erese jê.
 Nandechẽ turã ño nguia eriĩ jê.

Jesús ra uquiato isi bei cote.
 Sã emo ndiqui ngũinisirã isi bei no.

Sã eninisi iocoquiaturã ngurã ndaarõ arõ no.

8 Sã eninisi tirushĩ turã mingue eru eisi bei nonde no.

Eí si ra Jesús uquiato isi cote, eru ngūimisirā isi rā, i que ibatenda ñee cuu ra. Tirushī turā ndei Jesús quiato reco turā na.

⁹ Angel que ñee seje cote ra. —Co embesa rā: “Jesús ngūimisirā isi raanguia chō nda esaā uquiato je ibate cote. Ae je ra ñee ‘jenyu serese quiaru’ i aque mose nae, Dios turā tuchi ra ūquī je”, ere embesa mi, i que ángel seje ra. —Dios cheē tuchi chō ūquī nde, i que ángel seje ra. ¹⁰ Senia ndese que acoi rei ángel ndésaa ra. Adorar i sacuaē ee. Angel que ñee ño seje ra. —Adorar erechī nda seje jē. Dios rimba chō se re. Nde rā sí. Ndequiato rā sí. Ae siqui tuchi quia Jesús rui nae, ūquī mo na ño se re. Dios mi je chō adorar ere. Ae Dios cheē senei senei nguia mbia je nae, Jesús mbuchecua sacua mbia je chō ūquī nde, i que ángel seje ra.

Ae siqui cabaloshī áto

¹¹ Ibei que obo seje cuu ra. Cabaloshī mo ndese que amae huee ra. Emo ngue chí eátoo ra. “Ñee ñooñosa reā” i que aque je ra. Ererecua turāte que ae ra. Ae que guerra saā saā nguia mbae turā ndiquisā quisā nda. ¹² Tata rā tuchi que eresa ra. Corona tubiriāte que eāquī ndese ra. Embae nombre mbesa ji que chí ndei ra. Mbia mo ngue embae nombre icua eāte quia ra. ¹³ Eirao mondo ji eruqui ye que equereco ra. “Dios cheē” i que embae nombre ra. Jesús chō eriqui reaē. ¹⁴ Ejército ibatenda que nyoī erui ra. Eiraoshī turā achōte que nyoī erui ra. Caballo átoo que echoī quia erui ra. ¹⁵ Ae rui ejército nyoī nae, aque que tiquise mo ngueroco uchúruu ra. Ae teā teā nguia Dios je nae, ūquī mbasi sacua ño tiquise rerequia nguia uchúruu aque. Ae ra mbae rasi saanguquia tuchi Dios quiato eā je cote. Dios ra paama i tuchi mbia je aque mose. Mbia quia siqui sereāte nguia Dios quirācuā ndese. ¹⁶ Ae chí caballo átoo nae, aque irao rese que embesa ji ñi nda. Eu rese abe que embesa ji ñi nda. ERERECUA TUCHI i que embesa ji huī nda.

¹⁷ Angel mo ngue chí juā tenda re cuu ra. Urubu je que eñi ñeemombo mombo ra. Ae mbebe ja quia. —Jenyu ja quiaru. Dios ra jembuquiaru ja tuchi cote. ¹⁸ Mbia chumumbara roo ra jēu cote. Mbia rerecua roo. Soldados rerecua roo. Mbia quirācuā ndoo. Caballo roo abe no. Caballo ato jenda roo abe no. Mbia cuasu roo abe no. Mbia riiirī ndoo abe no. Ae ererecua riqui nae, ūquī ndoo abe no. Ae ererecua eā ndiqui nae, ūquī ndoo abe no. Ūquī ndoo ra jēu ja cote, i que ángel urubu je ra. ¹⁹ Icuā ndese que amae cote ra. Mbia rerecua tubiriā ndese uquiato rese. Ejército tubiriāte que chí erese ra. Ūquī ñumunu a ño nguia eicuā icuā nonde Jesús je reaē. Ae siqui cabaloshī

átoo, aque je. Jesús rimba soldados je abe no. ²⁰ Jesús que icuā isi tarō nda. Dios cheē nenei ñooñosa abe no. Aque chō mbia mae sayā saā saā ño nguia icuā ndeco mose nyii reaē. Aque chō mbia mbiiirī irī nguia reaē. Ae mbia marca quereco quia icuā mbae nae, ūquī mbiiirī irī ño equia reaē. Ae adorar i quia icuā naanguia mbae ao ji je nae, ūquī mbiiirī irī ño equia reaē. Nyebe Jesús icuā mombo nguia tata cuásuu cote. Dios cheē nenei ñooñosa rese. Azufre rese eriqui sendi hue. ²¹ Jesús que icuā nimba iquia ja cote ra. Ae equereco quia tiquise uchúruu nae, aque je que equia ja cuu ra. Urubu ja que eroo u tuchi quia ra.

20

Dios ra Satanás tarō mi mil años

¹ Aquere que amae ángel mo ndese cuu ra. Nguichi que u quia ibate si ra. Cadena cuasu que equereco ra. Llave abe que equereco ibicua mbuquiata sacua nda. Abismo i equia hue ibicua je. ² Angel que dragón isi nyucua ra. Satanás, i que equia dragón je ra. Mbei ima, i abe que equia ee ra. Diablo, i abe que equia ee no nda. Aque que ángel nyucua mil años cuu ra. ³ Angel que dragón mombo ibicua ye ra. Tarō ngue llave je huee ibicua ye ra. Eiquesa que ematā nda. f nda dragón mbia mangue chooñoa jend a mbiiirī irī si eā. Mil años ua mose, ángel nda embui mbiiirī na mondo.

⁴ Jesús quiato iquia ji rese que amae nda. Ae āquī mbia nyisia sia quia Jesús rii. Mbia rerecuarā tuchi que ūquī cuu ra. Siqui eāte quiatu ngue icuā ndese re. Icuā naanguia mbae ao ji je abe que eriqui adorar i āte ra. Icuā mbae marca abe que equerecoāte quia nguba rese no nda. O abe rese. Ūquī ndaaque que quera si cuu ra. Cristo que emii ererecuarā mil años nda. ⁵ Ūquī ndei mbia quera je rane ūquī. Mbia raaque ataque que quera eā aque mose ra. —Mil años ua mose ra Dios mbia ataque mbuquera cote, i que seje cuu ra. ⁶ Ae rane nda Dios mbuquera nyii nae, ūquī ia tuchi rae. Dios quiato tuchi chō ūquī nde. Ūquī nda nyoī eā mbei tata cuasu. Siqui bei ra Dios rese. Cristo abe rese. Ererecuarā mbei ra eriqui Cristo rese mil años.

⁷ Mil años ua mose, Dios ra Satanás mbui sí mondo ibicua si. ⁸ Satanás nda mbia mangue chooñoa jenda mbiiirī irī ja quia cote. Gog abe mbiiirī irī. Magog abe mbiiirī irī no. Dios quiatoā ja mbiiirī irī. Etubiriā tuchite ūquī. Satanás nda ūquī munua nua ja quia. Guerra raā naa sacua Dios je. ⁹ Mbia tubiriā tuchi ra Satanás munua nua nguia ibi jenda ja cote. Ūquī nda Jesús quiato mama tuchi cote. Jerusalén ab e mama tuchi rae. (Dios nduasa tuchi chō Jerusalén

nde.) Dios ra tata mbu ibei si cote. Tata ra ũquí sei ja cote. ¹⁰ Diablu quiatu nda mbia mbĩĩrĩ irite nguia. Nyebe ra Dios emombo tata cuásuu cote. Ae eriqui icuã mombo. Ae eriqui icuã naanguia mbae ao ji abe mombo. Ũquí nda siqui bei huee tata cuásuu. Tata sendi quia azufre mumbara. Mbae rasi ra esaã saã mbei huee. Nyaashĩ mose. Isa abe chee. Usẽ eã mbei ra hue si.

Dios mbia uquiatoã mbsi mose

¹¹ Mbae mo ndese abe que amae cuu ra. Dios que chí ngoi trono tose ra. Trono cuasu tuchi que ra. Eshĩ ngue ra. Mbae que uchã ja Dios si aque mose ra. Ibi jenda. Ibei jenda abe no. —Tachimĩ Dios si, i rei que mbae ja ra. ¹² Amae ngue mbia raaque rese ra, ae mano ndei quia nyii. Mbia cuasu rese. Mbia riĩrĩ abe rese. Chí ja que júã Dios resa rae cuu ra. Emo ngue libros ata equia ra. Libro nongue abe que eequia ra. Ae mbia ra siqui bei nae, ũquí mbae nombres que chí aque libro rese ra. Ae mbia saã saã nguia mbae nyii nae, ũquí mbesa mbesa ji qu e chí ũquí libros rese ra. Dios que mbia chisaã mbucheche checha cote ra. Embasi sacuã. ¹³ Ae mbia mano ama ñi nae, ũquí ja que chí ra. Ae mbia mano ñbii no nae, ũquí abe que chí ja no nda. Ae mano mano mangu e chooñoa jenda nae, ũquí abe que chí ja no nda. Dios que ũquí nysaã mbucheche checha ja cuu ra. Embasi sacuã. ¹⁴ Aquere ra mbia mano eã mbei cote. Dios quiatoã nda siqui bei tata cuásuu no. ¹⁵ Ae embae nombre mbesa iriãte aque libro rese nae, ũquí ngue Dios mombo ja tata cuásuu seje cuu ra.

21

Dios ibi mbiasu, ibei abe

¹ Aquere que amae mbae yasu rese cuu ra. Ibei yasu rese. Ibi abe yasu rese. Ibei ñiinda quiachã ño nguia reaẽ. Ibi ñiinda abe no. Ama ndisha mo eãte que cote ra. ² Se rei Juan. Mbae que nguichi u quia ibate si seje cuu ra. Jerusalén yasu chõ nguichi u quia seje cuu reaẽ. Dios recua. Mbae mbuturã ji jate que ra. Sã emo ninisirã quiche riqu i ngurã je no. ³ Ibatenda mo ngue ñee cuu ra: —Sã jẽ. Sã Dios riqui mbia mumbara co cote jẽ. Siqui bei ra equia erese. Mbia rerecua turãte ra eriqui ee. Erimbarã tuchi ra mbia cote. ⁴ Dios ra mbia mbia tuchi cote. Mbia mo nda manoã tuchi cote. Emo ndasíã nda cote. Emo nda nyeseo eã cote. Emo ia eã eã nda cote. Cose ndare rã eã nda mbae cote, i que ibatenda ñee cuu ra.

⁵ Dios que ñee cote ra: —Sã jẽ. Sã aico mbae mbiasu jate co jẽ, i que ra. —Ã secheẽ embesa ja rã. Ae rĩ aico ñee nae, ũquí nda asaã ja, i que ñee seje ra. ⁶ Ñeembe que seje ra: —Equiche que eno. Co aico beite

querabe co. Mbae eã mose abe que aico se rane nyii ra. Mbae ua ja mose abe ra aico bei querabe no. Emo isei mose, i turã nda amondo ee. I mbia mingo beisa ra amondo ee. “Mbae embu i ribishorõ”, ae eã nda ee. ⁷ Ae “qui jẽ” i quia Satanás je nae, ũquí je ra mbae turã ja amondo. Ũquí nderecua tuchi ra se. Seriiĩ tuchi ra ũquí. ⁸ ã ja ra nyoi tata cuásuu: Esiquiche. Jesús icuasa reã. Mbia nyaba chaba reã. Mbia iquiasa. Ae siqui chooñote quia emo ninisi rese. Ae brujerĩ saã saã nguia. Ae siqui quia Dios abareã ndese. Ae ñee ñooño nguia. Ũquí ja ra nyoi tata cuásuu. Huee ra tata rasi raã mbei. Asufre mumbara, i que ra.

Jerusalén yasu

⁹ Ae siete ángeles mbae rasi quereco mbae riru ye nae, ũquí mo ndese que amae cuu ra. Ñee ngue seje ra: —Quiatuchu. Mbae tateacuquia ndeje. Jesucristo ninisirã tateacuquia ndeje, i que seje cuu ra. ¹⁰ Aque ángel que sererao ibi ibãtee mo cuu ra. Huee que mbae nguichi u quia ibate si seje cuu ra. Jerusalén yasu chõ nguichi u quia seje cuu reaẽ. Dios recua. Sucha cuasu. ¹¹ Jerusalén yasu nininyate que ra. Dios nininya rã si. Sita rendi rã ño ngue eturã nda. Eibera turã ño ngue ra. ¹² Etaronda que sucha cuasu mama ja huĩ nda. Muralla, i que etaronda je ra. Eicoi tuchi que ra. Ibate tuchi que ra. Doce que eiquesa ra. Angel mĩi ngue chí eiquesa raarõ ja ja ra. Embesa mbesa ji ja que eiquesa ra. Doce tribus mbae nombre que chí jaaja eiquesa rese ra. ¹³ Eiquesa tres que chí tenda chuisa quiti ra. Tenda sosa quiti tres no. Norte quiti tres no. Sur quiti tres no. ¹⁴ Doce sita cuasu que chí muralla qui ñi nda. Etaronda irã. Doce apóstoles mbae nombres mbesa ji que chí ũquí sita rese ra.

¹⁵ Angel que uu mo nguereco oro ao ji ra. Dios recua mbucheche sacuã. Eiquesa abe mbucheche sacuã no. Etaronda abe mbucheche sacuã no. ¹⁶ Angel que Dios recua mbucheche uu je ra. Cuadrado tuchi que Dios recua ra. Eoco que 2,200 kilómetros ra. Eicoi que 2,200 kilómetros no nda. Ibate quitinda abe que 2,200 kilómetros no nda. ¹⁷ Angel que muralla abe mbucheche ra. Sesenta y cuatro metros que eicoi ra. Sã mbia riqui mbae mo mbucheche no. Eĩ sí que ángel muralla mbucheche no nda. ¹⁸ Oro ao ji rei sucha cuasu. Eibera tuchi que ra. Muralla rei sita ao ji. Jaspe ao ji. Aba queteamba tuchi rei jaspe. ¹⁹ Sita cuasu chí quia muralla irã nae, ũquí arõ ngue sita ñetẽ nininya chíichi ja ra. Embarõsa chõ ngue ũquí nde. Jaspe mbitee ji rane ngue ra. Zafiro mbitee ji que chí jaspe arõ cote ra. Agata mbitee ji que chí cote ra. Esmeralda abe no. ²⁰ Onice. Cornalina. Cristólito.

Berilo. Topacio. Crisoprasa. Jacinto. Amatista. Ūquí ja sita ñetē nininya que chí ja ja sita cuasu arō nda. ²¹ Eiquesa riquisā jate que perla ao ji chí ra. Perla mii mii ja que chí eiquesa riquisā nda. Oro ao ji que calle mbite renda ra. Oro ao ji achō ngue ra.

²² Dios chuchua templo mo eāte que huee ra. Mbia quiatu que ñee mbei quia Dios je manguue chooñoa nda. Jesucristo abe je. ²³ Tenda eāte abe que eriqui Dios récuuaa seje cuu ra. Nyasi eāte abe que seje cuu ra. Dios nininya ae chō ngue mbae tesae ja quia ra. Jesucristo nininya abe no. ²⁴ Dios nininya ra uquiato tesae ja ino huee. Manguue chooñoa jenda ja. Mbia rerecua ra ñee turā turā ja Dios recua riñ cote. ²⁵ Dios recua chiquesa tarō iriā mbei rae. Itondaru eā mbei ra huee. ²⁶ Mbia manguue chooñoa jenda ja ra ñee turā turā Dios recua riñ. Mbae turā ja ra chí huee. ²⁷ Mbia icuā nda iqueā mbei huee. Mbia mbiri irisa abe ra ique eā mbei huee no. Ae embae nombre mbesa ji Jesucristo mba e libro rese nae, ūquí achō ño nda ique Dios récuua.

22

¹ Angel que ama mo abe teacuquia seje cuu no nda. Mbia mingo beisa que aque ama nda. Ama ndiibera tuchi que ra. Dios mbae que aque ama nda. Jesucristo mbae abe no. Sucha tubiriā ite ri ngue iācuā iratā mo ñi nda. ² Ama nimia nguiti ja que ira ñi nda. Mbia mingo beisa que ūquí ira ra. Ūquí ngue ia beite quia doce veces en el año nda. Nyasi mbuchecha quiatu bei que eriqui ia ia bei ra. Ūquí iraro que mbia chumumbara mbucherō cherō tuchi quia ra. ³ Mbia rasi eā mbei ra huee cote. Dios ra siqui tuchi huee. Jesucristo rese. Cordero, i equia ee. Erimba ra ñee turā mbei quia ee huee. ⁴ Mae mae ja ra Dios ruba rese. Dios mbae nombre mbesa ji ra equereco nguba rese ja ja. ⁵ Itondaru eā mbei ra huee. Tenda aroneate huee. Tata abe aroneate huee no. Dios nininya ae chō nda mbae tesae ja huñ nguā huee. Ererecua turā tuchi ra Dios quiato ja huee.

Achite Jesús ñi tu a cote

⁶ Angel que ñee seje ra: —Acheē ñooño eā ño nguā co. Ae riñ aico ñee nae, ūquí nda Dios saā ja. Sā Dios ucheē mbuchecuasa mondo mbia je cose no. Eñ si que sembu namo no nda. Ae ra nyecua namo jiri nae, ūquí ndeacuquia sacua mbia je chō ngue sembu nguā. ⁷ “Se ra achu jei”, i que Jesús ra, i que ángel ñee seje ra. Ae ra ā mumba eā Dios cheē mbesa ji nae, ūquí ia tuchi rae.

⁸ Se rei Juan. Ā ndese que amae nda. Ā ngue achandu no nda. Aque ángel ā

teacuquia quia seje nae, aque jii que acoi rei senia ndese ra. Adorar i sacua ee. ⁹ Ñee ngue seje ra. —¡Adorar erechí nda seje jé! Dios mii je chō adorar ere. Dios rimba chō se re. Nde rā sí. Ndequiato rā sí. Ae Dios cheē mbuchecua checua quia nae, ūquí na si. Ae ā mbesa ji mumba eāte quia nae, ūquí na sí, i que ángel ñee seje ra.

¹⁰ Angel que ñee si seje no nda: —Ae erembesa co libro nae, ūquí nda erembuchecuayā cuayachí mbia si jé. Etequiato ee. Ae riñ erembesa nae, achite eñi tu a cote. ¹¹ Sā mbia icuā mbae icuā naa naa ño na. Ae siqui quia mbae rondei rese nae, sã eriqui rã erese. Ae siqui quia mbae turā ndese nae, siqui i i tuchi ra mbae turā ndese. Ae siqui Dios rese nae, siqui i i tuchi ra erese cote, i que ángel seje ra.

¹² Jesús que ñee nda: —Achu jei ra se. Ae mbae turā saā saā nguia nae, ūquí je ra mbae turā aru. Echisaā na sí. ¹³ Co aico beite querabe co. Mbae eā mose que aico se rane nyii ra. Mbae ua ja mose abe ra aico bei querabe no, i que Jesús ra.

¹⁴ Ae echia irei ji Jesús ruqui je nae, ūquí ia bei ra eriqui. Eirao ituquia ji na ndei echia irei ji. Ūquí nda ique Dios récuua. Siqui turā mbei ra equia huee. ¹⁵ Dios quiatoā nda iqueā huee Dios récuua. Ae brujeria saā saā nguia nae. Ae siqui chooñote quia cuña mo ndese nae. Ae mbia iquia nae. Ae siqui quia dios mbuae rese nae. Idolos rese nae. Ae mbia mbiri iri nguia nae. Ūquí mo nda iqueā tuchi Dios récuua.

¹⁶ Jesús que ñee nda: —Angel serimba que amondo ra. Ā nenei nenei sacua iglesias ja je. David i chō se re. David nducucha chō se no nde. Nyasitata nininya rã ño se re, i que Jesús ra.

¹⁷ Espíritu Turā ndiqui “quiatushu” i co. Jesús ninisirá abe riqui “quiatushu” i co no. Sã secheē andusa abe “quiatushu” i. Emo isei mose, sã ecuaē i mbei Jesús mbae. I mbia mingo beisa ra Jesús mondo ee. Embei mose, siqui bei rae. —Mbae embu i ribishorō seje, i eā nda Jesús ee.

¹⁸ Ae ā ñandu quia Dios cheē co libro resenda nae, ūquí je tacheē tuchi: Emo co libro resenda mbirō mose emo ñee je, Dio s ra ūquí mbasi tuchi. Ae mbae rasi chí ja co libro rese a nae, ūquí nda esaā ja tuchi. ¹⁹ “Dios cheē eā ño co re”, i mose co libro resenda je, ūquí abe ra Dios mbasi tuchi. Ūquí nda Dios mingo bei eā nguécuaa.

²⁰ Jesucristo cheē ño ā nde: —Achu jei ra se, i equia co. Amén. Echu cote, Jesucristo.

²¹ Jesucristo rei nandererecua. Sã uturā mondo tuchi jéje. Amén.